


叢書集成續編 第一七一冊目錄

文學類



詩別集——明

泊水齋詩鈔五卷·····	明	張慎言著	山	右	一
李行季遺詩一卷詩餘一卷·····	明	李 達著	貴	池	三一
秦齋怨一卷·····	明	葉紹袁撰	郟	園	四九
和古人詩一卷和今人詩一卷和友人詩一卷野外詩一卷·····	明	毛 晉著	虞	山	六九
漑園詩集五卷·····	明	萬時華撰	豫	章	一三三
顧與治詩集八卷·····	明	顧夢游撰	金陵叢書		二二三
續騷堂集一卷·····	明	萬 泰撰	四	明	三一三
陳翼叔詩集五卷補遺一卷附石棺集一卷·····	明	陳佐才撰	雲	南	三六五
梅柳詩合刻一卷·····	明	釋大錯撰 (錢邦芑)	雲	南	四二一
雪翁詩集十四卷補遺一卷附錄二卷·····	明	魏 咍撰	四	明	四三五
寒木居詩鈔一卷·····	明	張家珍撰	滄	海	五四五
聖雨齋詩集三卷·····	明	周拱辰撰	構	李	五五九
朱中尉詩集五卷附校勘記一卷校勘續記一卷·····	明	朱議霧撰	豫	章	五九九
愚囊彙稿二卷補遺一卷·····	民	魏元曠撰			
愚囊彙稿二卷補遺一卷·····	民	胡思敬撰			
海棠居詩集一卷·····	明	宗 誼撰	四	明	六四七
海棠居詩集一卷·····	明	姚 淑著	求	恕齋	六九五

霜猿集四卷附校記一卷.....	明 周同谷撰	虞山	七〇七
梅莊遺草六卷.....	明 翁白著	浦城	七三五
箬蘭室詩集一卷.....	明 許友著	蓉城仙館	七七九

wx93/10

泊水齋詩鈔

泊水齋詩鈔卷一

山右叢書初編

金銘 張慎言 著

虎谷詩集

長安送王孝橫歸里

送客出門去歸仍返做盧尊餘殘醉酒案積閱時書豈但嗟幽獨還愁苦薄淤
蕭蕭前夜月寂寞到塔除

又

長安爲客久那更送歸人况復清秋日其如多病身好尋前社友爲同故園春
倘及余新况詩朋暨酒隣

都下別楊季雨時季雨初第

念君方釋褐而我正歸山出處譚何易悲懼語且刪交情無貴賤懷抱閱喧閑
後此煩珍重羶途畏路間

泊水齋詩鈔

卷一

虎谷詩集

一

山西省文獻委員會印

又

去住人生何可期歌馳詎料在於斯訂交投分非今日解組彈冠此一時宦味
頗從濃淡歷長途慎作淺深思看君鼎實方其始嶺首雲霞我所私

白都中寄詩偶於友

人願頭見之附錄

初得虎谷取次經營

泉石在襟帶今年却始知得來藜杖下喜在東山睡日往未云倦人看亦曰奇
林泉作迂事眠食免喧卑微路取曲折幽芳著委垂桃蹊與竹徑高下以參差
馴黼澄芳沼逸鷺選靜枝爽乘幽乃可臺倚月方宜謝石相撐映亭林須蔽虧
有岡欣凸凹無水不立之好客歌吟石當壇戲酒旗何妨畦菜甲亦且插花籬
激水成幽響多松爲靜吹高軒頽賢已文樞歎南漪歷歷如在眼娟娟知幾時
水窮雲起處香遠客來期樂事縣相待悠悠勞我思

菌閣

幽爽果難兼茲亭良偶然戲酬唯幽察吐納盡溪烟石險傾還捍泉寒清且涓
春秋風日好登眺同誰偏

種松

我種青松如我長安能立拔十丈強靈晦會將起風雨霜皮冷翠搖蒼涼笑似
老翁生稚子稚子老翁俱沒齒情知稚子不相待學語弄弄差可喜我今種松
頗似此蓋偃濤翻吾老矣

泉側種松

潺湲如此地安可側無松將無幸好月何以憇流涼寂寞生諸響蒼涼肅衆容
奈非且莫事痴想但胸春

除日種松

今日是除日臨除仍種松春來泉脉活陽輝土膏鬆辭舊風兼雪選心察對峰
來年三四月細細拔青茸

泊水齋詩鈔

卷一

虎谷詩集

二

山西省文獻委員會印

漱酣亭雨後

谷委風能山泉幽暑頗除草較欺袒裼遊蟻過攤書鳥闕不避我雲閒時起予
朝來有驟雨自往理階渠

泉側

海懷但寥闊岳想亦徒然聽我如卷石臨余一勾泉神嘗當返照短詠答蒼煙
所懷年將莫新松纔及肩

晴月

春月易窗薄今宵月頗明花噴香作靄雨乍辨爲清竹露繁可撥林棲鷺有聲
遲明休盥櫛風往瞰朝英

旭廳

朝曦臨戶牖清旭政宜人几視粲如水圖書香可親人方盥櫛已梅山夢時勻
淵默坐良久勞勞姚此身

偶成

我住此村古清溪帶磧田富貧無甚異瓜葛但依然山取虎名谷虎谷松疑漢
以前唐松居平相爾汝風俗賴能賢

虎谷小築

凡百聊復爾為園亦不貪好花隨部種名釀借方諧香欲團為國紅成陣若酣
此中招靜友聽鳥嚼黃柑

又

地僻喧雖遠園荒雜未除作亭何必廣取徑不妨迂桐影青堪掬松濤響不居
香光聲氣裡聊以讀吾書

臘廿六日散步小園

後二日
立春

去春纔二日輕煖已春先聽鳥聲將軟看雲影欲妍多情久似蟄暗想遂如煙
韻事多迂闊躊躇開歲前

泊水齋詩鈔

卷一

虎谷詩集

三

山西文獻委員會印

春首督渠因書所見

春來勇鸚鳴相呼爭覓鱖鱗敗浦水腹漸柔泉脉沾芽抽絲縷方蘇石稜
仍漬苔痕淺委葉壘將新湍通南畝余今看做載手親畚鍤試渠初

北郊看桃花是日薄陰

上巳之
明

輕陰閣微雨是日養花天夜既胎新露朝仍浴淡煙枝還臨水側櫻即在花前
連日喜無客孤遊亦賞妍

首夏雨後新池成是日黃鳥來同廬山人賦

滂沱溪遂沒山根宛轉渠方來遠村夢入新深疑別浦曉看細溜刻初痕波虛
乍織林文幻竹靜深吞水氣昏印好流筇今日到何妨再洗對花樽

六月七日夜晴坐

初月娟娟墮草堂新晴燈外但幽涼星垂小閣疎能照柳拂高雲影易蒼風靜
野將橫薄靄園虛竹亦引微香更誰消息聲光裡祇見青青夜未央

同楊季雨諸兄集開明寺

友朋文酒豈徒然丘壑於人亦有緣近我寺能饒水木與君村接一風煙偶然
小築無賓主率爾相招誰後先縱判春光容易去泉聲無恙只涓涓

題兒履旋畫

宿緣原自關山水豈復如今煩腕指神明原在筆之先一草一木皆情理運迴
近遠澹濃間意匠經營商起止胸中所有筆寫之若合若離良有以任爾盤礴
不爾禁性情所近姑賢已畫理原與詩文通胸類關生從此始

松濤閣宵坐

宵霽流波靜不喧森海衆象紛一園花顛搖露香光幻木末來涼聲影繁灘響
能令羣嶺寂烟疏未禁好風翻星辰照我稀可數細蚊來今誰與言

曹邱署中

安往非貧賤何爲乞向人宦情甘爾汝畏路失青春我作可憐態誰爲受媚人

泊水齋詩鈔

卷一

虎谷詩集

四

山西文獻委員會印

愛人還自愛吾道實堪珍

郎中有懷故園

兩歲如在里栽松又百株襟情相澹漠老稚各蕭疎丘壑應無恙主人懷所居
山田百畝糞自許上農夫

候月

月魄曠生過下弦時時深坐爲遲眠喜逢纖影流霞外坐待孤光橫斗前澹意
與之俱靜遠喧人何以答幽娟更誰肯至三更後缺月徘徊真可憐

再往北郊看花時方杜門謝客

客來辭以病此病中膏盲政爾衡門閉其如春草芳蕪能搖軟碧蝶亦飲初香
不可因辭客花潭負夕陽

上巳集雙溪

年來屢擬理花潭共撰良辰此月三新渠乍引香之遠纖月纒流酒政酣虛讓

小樓呼作采紅辭重碧釀爲嵐雙溪遙夾桃花巷定此誅茅阜半菴

同馬伏九諸兄集開明寺看隔水桃花

林含曉露明初噉溪醞青苔縈遠村度水花憐光不溼浮煙岸覺漲新痕斷霞未歛雲將雨薄藹纒收月在門半日霽陰殊恍惚細研連景索追論

飲桃花塢時花將落

花落未須惜半留花在枝細歌繁墜蕊薄莫養餘姿能點苔文好猶勝樹杪時躊躇緬今昔詎止落花悲

午日荷陂

橋上佳人橋下蓮綠荷紅袖兩爭研佳人祇自驕春色不是無情惱少年

夏夜月坐

素月徐流暑漸殘非關夜色高雲闌影過河漢星皆冷潛入溪流聲亦寒樓閣果能衝莫景瀟湘真似在闌干坐來忽掛疎林外又作峯頭初吐看

泊水齋詩鈔

卷一

虎谷詩集

五

山西省文獻委員會印

苦荒

家口煩朝夕參差半井田一年常苦旱三黨不徵窮童僕指累百牛羊角未千眼看場圃畢倉廩竟蕭然

悼鶴

寥闊雲海姿居然依我虛爾體潔以遠神亦與之俱豈不謀朝夕飲啄間有餘敢爾萬里翻燭首如愁胡常傍君子前意密而體疎陰陽不能賊抱丹如頂朱秋氣愛明遠行散乃郊墟胡爲不自保喪爾煙霞軀我在子敢死嗟哉亦何愚中散不偶世文學調亦孤正平雖霞舉狂躁非吾徒爾與三君子是非果焉如遇矣古明哲野望空躊躇

山居所構木石居成久之纔一過

曾勞山色照柴門衣帶清溪非近源數笏未常煩木石諸好遂不集雲根林亭金始相幽緬昏且方能自寂喧寥關幾回虛展觀春來纔枉一相存

新正三日山中步月

幾度欲來空展期今來恰好月生時斜光不敵溪煙重寒影輕辭岫色欲離黑大疑驚虎近山深鬼亦覩人嬉連宵無事容深坐月墮疎林管稍遲

山中對月留題殆十日許

月魄今宵皓已盈初來纔是月哉生幽娟竟夕消纖滿淵寂經旬同聰明時有好風開晚氣恒無剝啄擾孤清擬看吐月深更後他緒牽余悵已行

課畊

時鳥奏權弄蘋藻亦含榮土膏遂如泛春氣憤已盈隨行如踏雪履跡一何深披靡沒犁而牛力頗易陳烏雅羣噪聒蟻蚓不皇寧物化固如此悲喜遂交并沉吟我良友聊用觀吾生

晦夜看積雪

殘雪照深夜星辰高且寒幽光起林色澹瀾動波瀾竹裡暗逾白庭陰明欲乾

泊水齋詩鈔

卷一

虎谷詩集

六

山西省文獻委員會印

方塘如積水又想月將殘

雪晴步月

雪月豈但清在肅空明疑似澹皆無風先有約圓生暎辨後流波光遂孤委素在園爭欲動餘清與鶴靜相娛寒林倒影鈔孌下笑我生如集木鳥

讀詩卽事

居家寡懽越百慮何相煎既念禾黍好常期子弟賢詩書珍雅節風雨愧倉天惆悵鶴鳴吟吟吟棠棣篇斜暉憐薄莫瑤草度芳年博奕賢姑已驕游性所便鶯花分日賞童冠集春妍善謔忘兄弟酣呼失後前懽嫌十日少忍起一朝偏怒喜胡離洲亭橋輒屢選當壇恒繼火卜夜不曾眠苦欲分其過欣聞久自悛微瀆借益酒諧語博歡顏暗裡眉空蹙逢時笑且先豈云徒僞喜不敢有微悛萬一能珍重初終頗山全假橋爲梓遺借友作慈先弱息倘如此單身奚賴焉望隨疑博劇媿與懼相緣不飲茱萸酒惟耽桃李煙松揪荒可哭藥餌慢堪憐

君罔思三益余將覩九泉退哉今昔事鬱塞不能宣

虎谷雜詠有泉欣迂可來之句因賦

泉源在左沼在右中間澗仄石嶽崎今看倒影雲難靜試問清源人未知渠未
鑿時幽欲訴波方渟止澹爲漪拳山勺水何關係如此因緣靜者期

同楊沁湄王孝橫集樊山最高處分樊字

往時但見白雲樊是日登臨秋滿原山疊層嵐非一貌霞明細水帶多村喧寒
頃刻更單袷雨紛紜異且昏爲祝諸君休再醉詰朝清樞看朝暾

龍泉寺獨夜聽泉

清泉非一響高下若相酬雜以風將莫兼之竹逾秋坐令諸想淨燈與一龕幽
耳往聲來處真如容自求

東臯待月時被勅
待罪

涼宵有佳候氣象紛可求欬月白如昨殘煙青未收興來疑有贈情往若爲酬

泊水齋詩鈔

卷一

虎谷詩集

七

山西省文獻委員會印

光響雖非一蕭然總一秋

又

草蟲與寒澗薄莫各爭秋愁容寂以聽幽懷冥自酬頽輪明側嶺晚氣晦孤州
獨坐誰與語星河澹自流

又

待月月未出孤懷有所憑青天能問否積露可披曾夜久色難定林開煙欲騰
坐深仍陟嶺遠氣暗峰棧

又

松靜露成響峰高月稍遲青仍橫別浦白已半西陂待月情何似懷人感在斯
朗然照我獨悲喜集茲時

虎谷漫成

桐雨夜離離晨光溼欲曠將雛鴉自喜延頸鶴相思竹粉青相倚牀書懶不披

天涯同病者乘我實如遣

又

此身安所用眠食不須調苟且隨鄉黨支吾度莫朝詩書眞土直林石負雲椒
伏枕餘何事幽居守寂寥

丙午早秋

生事蒼茫渾欲愁淒然四序但周流千峰自已迎霜雁一葉紅先報早秋身在
家園如作客情同懷土強登樓天涯朋友都安在今古悠悠誰與謀

秋仲

孤緒幽懷恒不堅祇隨節物作懽憐林疏寂歷餘悲籟峰遠森沈但積煙失侶
孤雲橫雁外書空何字結霜前蒼苔果否爲眞色搔首踟躕問彼天

泊水齋詩鈔

卷一

虎谷詩集

八

山西省文獻委員會印

泊水齋詩鈔卷一終

泊水齋詩鈔卷二

酒泉詩集

金銘 張慎言 著

之酒泉道經聞喜過葉問義時太公禮齋先生八十初度索余詩登華後

却寄

穆皇四載奏賢書七歲弧星始誕予荷載過君年五十恭聞維岳降申初

庚午卯生 丑首乃生

又

黃髮行將九十年曾經耳目五朝間中間消長循環事歷歷分明在眼前

又

當年起草宿明光袖惹香煙侍玉皇欲識前朝忠厚事都來綠野問馮唐

又

泊水齋詩鈔

卷二

酒泉詩集

山西省文獻委員會印

少微起視夜何其仰對仁明奏當詞稽首清朝無一事讀書喜在白雲司

比部

又

午橋東畔樹重重桑梓相過日必恭小子見君何所訊鬢青拜手說 神宗

又

滄水前頭急問津起居喜見百年身可憐狂瞽羞黃耆過里仍思懶疆人

人

又

君家麟種事三韓朝畫榆關莫策檀淮蔡方推臣度可如今珂里勸加餐

問

密

又

漸氣橫空迥不收振衣直上最高頭香山秀接蓮花色涑水波添瓠子流

秋九月赴成所道經華陰登華山

借來九節杖夷猶光氣橫空凝且浮白帝向人何所與金天有爽但爲秋三峰
秀色愁將墮萬古黃河咽不流西顧周文東顧舜蒼雲渭水各悠悠

又

翠流丹壑秀難名雲巒青岬白有聲緬矣漢秦都寂寞凄然涇渭却分明
可餌詢毛女奕局誰先問叔卿彼美西方如可見樞寧三秀贈生平

又

歷井捫參安所求成臣搔首問清秋巨靈不削芙蓉掌河伯應懸瓠子愁誰授
丹經能羽化阿分涇水作清流天公未肯爲明白踟躕徒煩箭括頭

又

開與乘危踏杳冥蕭然象外叩眞形秋高少嶺端何事峽靜希夷睡不醒
窮探欽化跡淵宵拱默佇山靈盈虛消息無從問雲駛波翻迴未停

泊水齋詩鈔

卷二

酒泉詩集

山西省文獻委員會印

又

藤柔葛弱頗堪憂如陟山城十二樓日辨蒼龍仍作雨峰寒玉女亦悲秋
心留峽裡雲空白氣暗關前紫不浮早識數窮能至此喜從令尹御青牛

莫宿鐵牛峽詰朝遂雨雲霧填谷如臨積水似可泛舟

雲漲丹崖厚不收秦川隴樹森難求驚濤未靜如臨海積水浮空欲泛舟側嶺
銜噉停午午蒼猿叫谷破深幽始知雲水都如幻虎豹蛇龍且莫愁

隴西道中

秋遠客難逃途窮賦易深攤書行篋少薄酒野村珍故舊不可料新愁仍苦侵
寄言遊客子所貴善居心

關山

巖巖百餘里清流漱其間嗚呀激衆響草木途多顏踰關情應苦蒼涼谷自開
嶺經秋雜繡苔積石爲班日月峰虧蔽橋梁水間關經窮看欲盡反折復如旋

憐此樵蘇路分爲隱者山應酬勞耳目究竟借潏潏陷此愁將盡誰能度隴嶺

洮上歸趙家亭子看雪

積樹臨軒如積水峰文林影幻波瀾望中光氣遙將合河外星辰照欲殘霜乍
流空明作鴈鳥方啼夜破深寒遠天開寂供幽獨滿掬青暉白肺肝

又

孤光與積素凝作一清幽汀樹愁時失峯雲寒不流岸遙洮似咽野曠檻如浮
微尙當修夜蕭蕭故國愁

酒泉五十初度

初服難啡澁水田春風來破月氏煙榮衰相倚尋常事貴賤更端五十年簪筆
羞稱霜作字荷戈喜傍酒爲泉醉來時倚孤臺望邊氣黃雲白髮前

雪後登酒泉城西北臺

登臺切莫向西看節物風光黯不惟幸爾遠峯開晚氣蕭然積素送深寒大羊

洮水齋詩鈔

卷一

酒泉詩集

三

山西省文獻委員會印

漸習音聲解魘魅無才禦顏難絕塞有書能借讀手煎茗酪爲加餐

從健兒郊外

五十從軍仍未遲惘然執韋尙堪馳短衣射虎隨飛將野火樵羊傍健兒金錯
盡休愁落魄連錢新買試權奇當時早署千夫長總角詩書奚以爲

善積寺老衲索題所募藏經

善哉五千貝葉真醫案正偏知爲大葉王隨衆生病拔諸苦慈憫兼傳藥與方
藥秘方奇載素書可憐世人盲且愚有老開士佛弟子蒼然手持日月珠慚愧
更堅願與力索致阜蘭積石罔多少有情在東土身當快適無所務循業漸看
諸苦纏縲文滿篋良不悟師云病是藥又云佛卽醫痛楚不可忍矜首天人師
嗟哉不肖百苦奏賴有禁方繫肘後般若爲君願作使簡方救人兼自救悲淚
投誠而隨喜一切衆生證無漏

上巳水濱眺雪看花

迤峯積雪流青煙烟泛汀洲花氣然風光乍傳烟搖曳雪魄花魂愁欲眠花間
流波碧新軟光氣與之俱近遠春色茫茫掠客愁愁隨春色爲深淺秋風淒緊
春風緩氣緩客愁仍自滿切莫休憐春與秋祇須料理愁復愁歷亂客愁紛不
理流波但見春悠悠

戊所寄履旋

攝提貞在孟之端與父同生良所惟同正月十六日我今已及知非後念爾年纔逾弱
冠爾有佳兒曰阿爾脊背思及爲加餐我已作翁兒作父方知爾父難爾
之一身關前後豈不念之驚肺肝爾父縱不深督爾爾不念兒容自寬

洮上藍仁舉使君招飲西郊看雪

天涯是處皆芳草塞上何山無白雲白雲芳草不可盡洮水岷山見使君洮水
何前冷洮石白齒齒水落石自出素交攻如此盃酒對君有深故高臺臨軒眺
積素素雪生煙媚晚汀青溪搖月開暝霧君懷澹永澄且潔我雖愁病頗閒澈

洮水齋詩鈔

卷一

酒泉詩集

四

山西省文獻委員會印

披襟斗酒聊斯須認謂可以對明月

酒泉雜詠

開門安所之只合此垂帷筆硯憐將廢詩書道可疑揮盃惟勸影聽鵲恨空啼
薄暮聊行散蛾眉宛在西

又

萬事輕年少投荒衰白餘脾虛堅擇酒眼暗不窺書閉閣難終日看雲若易徂
有時仍自問吾道竟何如

久戍從者苦甚乃令更僕

僕御色將倦深宜體下情我甘投有北爾苦太無名念及歎相對歸應喜或生
起居知所悉幸爲報分明

遣懷

身世固如此客懷休悵然悲歡皆昨日窮老付餘年厝買原多事阮稽都不賢

斜陽半壺酒孤影勸相憐

雜詩

瘡雁既早烹文木亦先伐彼蒼有張弛妄意圖巧拙才與不才間漆園徒憶說
我似謬舉似請君論賢劣不才如糞土才者蘭與雪安得居其間靡穢固分別
卓哉展禽氏優情忝其列阮向二三子醉放徒騷屑果爾全區區伊周幾決裂
况復屈賈輩龍比真醜絕下逮稽孔流冒味希則烈莊生乃噉爾曰此分塗轍
越稽五代間馮道頗稱傑爰有四時宜富貴如拾葉青綠與朱紫倏忽何鞞
郭爾諸君子均爾號架黠無乃此輩是福履固缺折詎止咄莫許亦且笑稷萬
悠悠此今古浩蕩難訊詰郭爾為
人詩發
春仲移居宅西偏有桃李
客裡遇春春日斜寒風瑟瑟走汀沙酒闌顏熱時相訊刻日先開故園花

立春夜作

白水齋詩鈔 卷二 五 山西省文獻委員會印

東郊泉水潄潄造物無私春等閒成客酒酣猶未醒春光已度玉門關

倚樹作

事從古昔幾曾奇道路曾經夢所思萬卷尙閒頭已白百年強半擬何爲溪雲
無恙仍清世眠食依然仰聖慈槐老空庭枯欲盡書餘閒倚看霜髭

春女行

東隣女兒惜年芳花枝搖曳春色長粧成愛向風前立十里五里逆風香自倚
如花增如玉除春不使朱爲綠意濃情遠百態新夜夜如年仍未足閨閣惟知
兒女情郎言世上有功名妾心不願富與貴空留桃李照青春春光冉冉如綠
波坐對春風可奈何花霧晴迷眠蝶醉柳煙柔弄曉鶯歌此時芳心政如水香
風剪剪波微起花潭柳軟春茫茫寒食清明兼上巳特
紀南陌輕塵泛超忽皎若
晴空見明月翠珠脂粉不施白者是簪黑者髮髮膩簪斜滑欲落氣靜光幽
神寂寞士女如雲空嘆嗟盡都惆悵氣消索流波微轉盼春芳似見當時玉作

邸嫉光如疑不自惜徘徊欲脫雙明瑤汀洲芳草真可惜斜陽頃刻秋蕭瑟願
言采采莫相忘花光欲倦春無力浣沙可羨若耶溪采桑羅敷空自歸妾心豈
不惜名節春風可憐無是非西家少婦空自苦抱貞守節誰與語東鄰香閣玉
生煙西壁空牀淚如雨花風吹我羅裳開却罵春風何事來妾心豈不惜桃李
羞踏門外畏綠苔

庭前老樹欹斜偃蹇月夜徒倚遂書觸目

庭前老樹半離奇浸月凝霜人不知爾我相依休設語支離臃腫各多時

又

有客自憐憐鳥鳥徘徊不肯集庭枯月明更欲飛何處感粟風吹天入胡

又

夜靜星闌鳥不棲空餘缺月掛枯枝半邊老樹探春信早晚春過小月氏

春仲水濱擬往踏青寒甚齋中作

白水齋詩鈔 卷二 六 山西省文獻委員會印

汀洲草色果何如遙憶芳蓮碧水波鄉路五千知近遠青青不斷度黃河

老圃行

特作於丁卯秋初戊
辰新正乃收脫稿

老圃老矣老且癯年紀長我二十餘見我短揖不過膝揖已仍復把其鋤我時
偶冠方山冠兼聞我語似重閭遽復向前相爾女曰爾來此胡爲乎擬議欲答
不能答支吾左右挽其須良久渠云苟生活少壯猶可老騎驢阿妻衣破露兩
肘鬢毛垂領衰過渠對我拉兒摩其頂但恐舍此委溝塗鄉音刺刺不可已滂
沱涕泗霑襟襟我亦聞之淚如雨向伊橋梓咽且嗚口噤不敢道平昔但說田
園勝讀書高車駟馬安可料死生禍福縣須與朱纓赤紱清道出後者雲擁前
者呼俄驚一路銀鑰出可憐株送連妻孥朝乘節旄莫就吏鬼薪城且安所述
時賢借乎嚴黨銅鑿章封事盈公車欣言節甫良可用邊說刑無上大夫毛舉
細故何足道告纒且欲藉其居反唇顏異纒驚死詩成楊惲又方誅封疆有吏
頗偏強三木囊身鼠囓驅爾蕙蕙同蕭艾須鳳鸞遂與鴟鴞俱更有賢豪真可

羨九遷乃在半年餘腰懸寶帶直萬金尙餘千束委箱箱他物狼籍萬倍是珠
琳琅汗朝漚輪稱傷明且珠爲炊選玉今朝市已虛環固繡閣睡未足那知門
巷填籌藉公卿雜還不可問門者嗔喝徒次且往謂吮癩嘗者聊甚言之理
所無理之所無事所有媚兒弄子如醜態忍將此物換富貴效學步誰賢愚
恩鬻毛髮無遺恨喜則爲龍怒則魚甚且爲魚不可得既燔且矣爲醜富貴
自言千載近崑崙爲繁滄溟枯尙方神物且不畏安計他年有董狐斬焉在次
者誰子拏金考鼓雄邊隅半楮媚醫剛頃刻居然世胃執金吾不佞曾聞前哲
說物極必變果有無刻下妍媸難細剖鄙拙最曾馳上都咳唾隨風明月珠揮
毫落紙青珊瑚謬謂詩醫不我誑許身自笑拙且迂眼前陷落看不見爾今抱
甕我執艾夢寐未敢洩前語聊復爲爾譚斯須老爾聽我道未已破啼爲笑仍
驚吁小摘菜甲遂盈把仍前作禮致區區我對老翁除隙地明發就君傾一壺
海老水乾魚鱉死此曹爲爾供感胡

泊水齋詩鈔

卷二

酒泉詩集

七

山西省文獻委員會印

春草行

曉踏芳茵苔縷砌弄春人醉春花氣長林好鳥不留春風光棄妾嗟容易聽鳥
看花遲所思寄書頰道春爲期鳥弄餘花花欲盡又報朱華冒綠池書到曾嫌
春到遲花飛又恨春歸速可憐遲速不由人年年結恨芳洲山離魂有夢夢依
依汀沙草軟玉驪嘶色映征袍青冉冉紫游繩繫綠楊枝芳顏入戶如紅玉風
光照妾光可掬香薰嘉樹雜花煙酒釀前汀波水綠徘徊勸君君不難流霞晚
浸君顏丹花落鳥啼都莫問芙蓉狼籍餘餘酣

酒泉無黃鳥兼無蟬

蟬響驚鳴寂不喧朝煙晚靄靜誰翻方憐節物良如此纔軫孤懷安可論只有
鳥啼悲夜月側聞無語泣秋根無何燕子仍辭去剩有涼颺積淚痕

打帳詞

斯傳虜帳駐飛狐士馬宵奔偷殺胡馬首歸縣三四級居然明日長千夫

又

淋漓血蹟染鞍韉酒債新償五十千此物近來良減價公移簡勘又經年

郊行

懷哉瑤草費呻吟天水頻看春照襟向北有天青亦遠自西流水碧能深荒唐
戰伐秦將漢寂冥溪山古至今如許乾坤容七尺悠悠寥闊易爲心

齊中偶成

絕境耳目古間如得所求朴真如我意簡寂自生幽槐老寒不媚心廉世易酬
連朝風日好翻長說郊遊

獨坐

鑿余居此地悲喜頗難明昨日看山意今朝憑几情蒼茫如有會倘恍不能名
向夕抱幽獨孤燈對我青

寄故園友人

喜聞鄉國信懶作故人書萬里艱來往三時闕起居寒溫煩瑣細眠食頗蕭疎
所恃在垂烟臨城空復餘

贈賀二府歸里賀賢者以左官去

徘徊瑤草贈將歧爾我榮枯安可辭持斧謬馳三輔北荷戈今過五涼西人歌
舊憩棠無剪柳弄新煙鶯欲啼君渡黃河煩借問幾時春色過焉支

又

去矣無歌行路難天山春色尙漫漫近來新譜涼洲山纔唱楊枝春不寒

城南野望

寒汀衰草見穹廬南北雜居光與胡回首不堪斜日盡白雲盡處是康居

坐黃草渠

袖書臨遠水書倦卽看雲雁字不可讀隔波良易羣牧兒奔逐照鋤唱愛餘
我亦攜書去爾然何所欣

泊水齋詩鈔

卷二

酒泉詩集

八

山西省文獻委員會印

夏日黃草渠看雪

霞文搖積雪明滅夏雲端雲峰既緬杳雪意亦波瀾流景何難掬清輝真可餐
遐哉百里外襟袖領餘寒

河西頗狎套虜然大酋終不可知謬紀其事

河西士馬狎胡兒幕北王庭果漸移聞道南山收部落新傳十萬逼闕支

士得首功未遽得餉輒減直買醉

塞上健兒那解愁釀金貰酒醉無休刀環血漬摩娑看昨賣胡奴新擱樓

登城北最高處三面皆虜纜東走張掖一綫爾

登臺面面盡黃埃邊氣胡陰慘不聞有客祇宜東向望白雲片片盡西來

乙丑卽事

作於乙丑愛我者促
命焚去附錄於此

南北司借二五偶鼠變爲虎多作狗爾曹欲待不可待倒授河魁送渠手操刀
不割恐失期國憲王章輕脫口越統吳綺何續紛大貝南金量用斗五侯七貴

泊水齋詩鈔

卷二

酒風詩集

九

山西省文獻委員會印

看顏色說客詞人締密友掉臂朝披閱風側身夜過金張酒緩帶長揖內外
間縱橫筆舌牢且久左手掣電右風雷倒捲黃河向西走魑魅逢人爭鼓掌狐
免相着營窺藪賤子一言狠勸君欲言不言君聽否吾儕共庇紀綱中紀綱既
壞君希有尙方有物何陸離祖宗呵令神鬼守

臨洮張孝廉母節孝行

夫子爾安往所遺姑與子子尙未澡髮姑衰已沒齒中間者爲誰躊躇生與死
嗟我未亡人強勉爲料理苦哉泝泝統朝夕待甘旨札札機杼音伊嘸書聲裡
俛仰長太息靜言保終始決絕亦何有苟生非得已勗爾藐諸孤何以報君子
節婦行

臨洮某氏年十六歸於張再踰期而生女又再踰期而夫死又再十有
五年而女歸於趙女歸之明日焚香自經而死余之成所道經洮上其
任諸生張漢儒兄弟求余紀其事

女蘿依松栢所願松栢長松栢有貞姿女蘿結柔芳彼姝者誰子婉孌抱幽香
嘉運欣夙昔作嬾君子堂

又

眷言侍巾櫛琴瑟良靜好上堂拜姑嫜勉供蘋藻瑤翠敢自芳擬比朝日皎
不惜機杼勞貧賤甘垂老

又

好合詎偶爾乃忽罹陰陽勉勉我夫子嘉運方未火悽愴告天地妾身願自將
夫子有嘉耦連枝當嗣芳賤妾亦何爲遺羅徒嗟傷

又

藥餌既不靈彼蒼亦匪仁胡奪我夫子我生長不辰願茲襁褓者苦哉悲且曠
噴此呱呱泣一言難盡陳

又

泊水齋詩鈔

卷二

酒風詩集

十

山西省文獻委員會印

生男尙自可生女無人哺女兒如拱壁曲折如覲縷兄嫂不可託支離誰念汝
傍皇生死間窺親真會苦

又

強免閱居諸寒暑倏已易不知春草芳秋霜遽云厲女郎將及笄倦言貞乃字
焚香告君子作嬾曰某氏

又

嗟我夫子墓木將拱矣嬌癡視女郎纖纖習鍼指緬言今昔間詎敢忘悲喜
悲哉女漸長喜將替吾死如茲悲喜情嬌痴那會理

又

六禮既得將華燭引香與好言謂宛若將兒出里閭嗟我未亡人所忌近習裾
爲嬾前導者華燭稍徐徐定知我夫子躑躅臨道除

又

女郎出香閨歸來淚如洗母道我已終婦道爾云始善事姑與嫌我將報君子
哀哉三尺練頃刻徒慕履

泊水齋詩鈔

卷一

酒泉詩集

十一

山西省文獻委員會印

泊水齋詩鈔卷二終

泊水齋詩鈔卷三

金銘 張慎言 著

燕邸詩集

初人都早朝憶往

歲月君恩深未酬胭脂酒泛乳花浮酒泉有地憐積石春無主氣咽臯蘭水不

流喜遇時清愁髮髮媿逢主聖說恩德歸來衰職何曾補僅逐鴛行拜冕旒

己巳元日回憶酒泉

投昇椒盤兩薦辛蒲荷酒浸綠爲醇天過窮石無芳草雲到西方是美人夢裡

梨花紅入暈秦時戰骨夜飛燐彼中魍魅都無恙應念行吟舊逐臣注之戊所夢紅梨花

比歸酒何李氏部見招積紅梨花記却位前夢逐用烈然

元日早朝

噉將拂檻吐青妍影逐千官始自憐卿雲迎旭糾相縵禁柳窺春憐欲眠投戟

泊水齋詩鈔

卷三

燕邸詩集

一

山西省文獻委員會印

腐心荒徼北顧言拜手聖人前小臣未識天顏喜聞閣風清報卷簾

又

喜逢魍魅笑迎人披緒重看雪嶺春豺虎向憐柴作骨衣冠今喜玉爲鄰香分

紫極雲多色響徹句臚樂已新此日去年天欲曙兜鍪持戟拜楓宸

己巳初度

百歲憐爲強半人再分前半可逡巡欲知後此枯榮味但看爾時悲喜身散映

差饒千卷富買山始覺一官貧功名鐘鼎都泡影止有烟霞似夙因

憶戊所再經初度

兩度孤星正攝提天山春草夢萋萋倘微離伍投戈日便是長林豐草時豈謂

鶴書煩再命却忘鷗侶爽前則從教薪積休中熱但說從軍歸未遲

量移問少

休說乘驄來上都又叨趨馬問生芻幾曾補裘羞司直未許細短告僕夫克正

自緣臣匪諛無邪何以馬斯徂曠官誰念人唯吉督御其專在執駒

夏首游碧雲

看山率爾但孤來翠岫迎筇青已開澹爽何心更且晚食眠隨意選葦苔來前

衆妙幽誰領雨後餘清靜自裁石澗松聲紛向夕况逢翳月復空臺

碧雲晚坐

將夕澄波澹遠灘疎鐘流響破幽巒半流斜照峰文暗徐引孤光松影寒晴雨

川容頻自換起居客與幾曾聞年來喧寂詢山鬼深坐令人劇慨嘆寺後有魏碑塚塚空

讀爲他

又

碧雲織破月流波變彼姍姍如度河况復餘暉分夕麗更饒清響近宵多聲意

去還生寂悟沉吟今往亦悲歌風塵明發長安路回眺青霞奈我何

弘光寺

泊水齋詩鈔

卷三

燕邸詩集

二

山西省文獻委員會印

廻環葱蒨遺玄之已到門前仍未知清梵每嫌松籟密疎鐘時響岫雲低青來

下界留難住翠往長安付阿誰倉卒躋攀艱領略退携幽秀靜相思

邱中雨鬢獨坐

嗟哉我亦竟茫茫蘭薄椒塗恥不妨官向此中呼作海悲從何處覓爲航可憐

投刺紛時侶誰與垂帷過古香却喜今朝梅子熟滿天風雨散清涼

正月望後同楊賈田貴聞二年兄登報國寺閣

偶然臨眺使情多日月光華可奈何檻拂莽蒼如陸觴雲浮緬邈是煙波柔披

澹靄條將舞綏弄新風鳥欲歌廿載來茲凡且再中間榮悴總江河

報國寺松

二十年來此再逢憐仍擁腫對龍鍾支離待我胡箕踞偃蹇題君曰不恭宛在

水山堪共語散如稽阮笑相從幾時攜置奚囊裡風雨蕭蕭伴瘦筇

楊貴聞年兄除京兆幕以前湯陰令謫

薄水鳥飛清濼瀾宮槐凝冷旭將殘官情暮集愁誰訴交味蘭芳渴可餐入幕
乍云纒釋褐空囊但說甫之官長安鼎貴知多少都作鄰虛野馬看

魏元伯遷京兆乘新娶

磨竭同君奈往何祇將嘉話譜君歌峰抽箇蕙囊餘草元日有游臨展吐樓臺

海不波按東國有海不波柏省霜仍寒舊簡蘭帷黛欲寫新蛾青槐影夾香車近報道

郎遷五日多

郎中晤田子聘怡焉今昔余之戊所子聘爲兩浙鹽使者又晉南銀臺

泗上諸侯憶輔車年來契闊失雙魚感時始信宜交友悔往方知未讀書劫運
似經秦以後威儀再見漢之初武陵山水秣陵酒會否西涼錯念余

任泰之侍御以言被謫

勁節蕭蕭安可柔四方彼美但優游彈文氣懾中朝色焚草身輕一葉秋 聖

主原敦霜淬斧微臣歸用酬縣縶蕪蕪芳草長安路唐介星言已不留

泊水齋詩鈔

卷三

燕邸詩集

三

山西省文獻委員會印

趙澹寧憲副自楚入賀擬借翼南先是汾陽守

使君爲政自風流聞風吹青翰舟賦就汨羅投正則舉將蘭芷媚靈修楚烟

莫暗湘娥悲汾水雲思帝子秋休覓蘇門長嘯侶朱轡早晚舊并州

之共城遇趙澹寧泉上園亭有懷

文杏爲梁桂作楣儼然風軌用欽遲秋高鴻雁書難寄霜冷蒹葭憶所思鶴過

魚紋園欲沒苔橫花影靜俱漪佳人南國知何事黃鳥閉翻閣外枝

五月望後獨坐苗戶部水榭

小坐蒹葭水一方靜喧隨在不相妨肉絲何處騰波綠羅綺無情恨晚粧花鈞

遲看都寂寞雲容頃變遂蒼涼袖來騷卷何曾讀徒倚危欄戀夕陽

賀中冷程芸閣諸年兄集北郭水濱

峰文如洗散青霞鐘報新時落水涯靜浴素鷗鳴澤蓼香翻珠露泣汀花清時

可戀人將老往事逝思今已奢却愛僧閒分半日蕭然運客但茶瓜

送郭夢白自請至榆關

幾年烽火微甘泉慷慨誰爲勒燕然臺作金高從陝始門開玉帛在超先度關
舞待鷄聲曉磨楯花流墨氣新聞道胡兒爭問現有人單騎請籌邊

又

誰甘披髮效纓冠起舞婆娑星已闌楊柳風嘶鬪汗血芙蓉霜淬劍花寒酒酣
汝水歌三雅泥塞函關止一丸詎是書生誇表餌聊將尺組繫呼韓

送錢受之年兄歸里

綠暗江南蒨荔村奉身歸去是君恩芙蓉花好開應待桃李蹊成靜不言棹撥
滄浪人自遠秋高拂水道何尊乃占爾夢時相憶王屋飛雲汨水根

張子馨兄見過

與爾契闊亦已久相期豈料在長安升沉往事良難盡生死間關未易殫尊酒
今當風雨夕齒牙兼領雪霜寒我懷微尙逢君說彈者誰知是鬪冠

泊水齋詩鈔

卷三

燕邸詩集

四

山西省文獻委員會印

壽戚晚李太夫人

三十年來良所難光依慈里敢求安戚臣豈炊麟爲髓婺秀恒將熊作丸夫子
教原貽式穀文孫階已叶徵蘭孫學謙亦已生子猗與誰表河山度煒管香流芝簡寒

趙滙旋侍御顏其齋曰醉墨索題

古人往矣但夷猶千載依稀墨氣流懷遠緬思瓊樹渴滋芳唯恐蕙蘭秋披帷
纔見人斯在下榻誰爲仲與游君向此中甘濡首未知沉瀝幾時休

楊賁聞年兄之上林翼有懷

落葉紛紛秋可懷上林東向有孤臺霜吹鴻雁時安往日夕羊牛自下來尺五
豈懸天近遠尋常但步月徘徊生芻自是人如玉嘉客逍遙幾日迴

李九波中秘以家園索題往令壽良曾過其家

憶別河陽曾幾時藥房蘭幄遂多奇握中瑤草珍相待花裡靈修芳自持游滄
豈伊酬雅謔折榮聊以贈相思嗟余遲莫懷公子回首并州鬢已絲

房海客年兄識上林訊之

上林風物竟何如吾友蕭蕭賦子虛可笑餘人衣上土安能侵爾案前書花將
酌待鶯啼好柳已青同客眼舒閉戶不關竿牘事報君節物鼠爲驚

范質公太常見過

譚餘尋繹味仍香出處幾今未易量意表幽貞立自貴理中清遠儂無傷精神
遙覺過於體寄託兼推用所長對爾自羞言富貴快睂眉宇澹何芳

送房海客年兄之白門

門無竿牘畫常扁又復歌驅未肯停芳草去繁千里碧蘭漿來理六朝詩詩醒
南國花無夢美憶西方隰有苓白露未霜人已遠白門葭菼雨冥冥

送徧如之五臺

山開紫翠喜斜陽遙見崑崙伯仲行姑射向曾詢綽約震且今復問清涼拈花
何以煩調御微喜居然見遠光曾識臺山前路否禪鋒相觸止鍼芒

泊水齋詩鈔

卷三十一

燕邸詩集

五

山西省文獻委員會印

送晉摩蒼以假歸里

高臥元龍未下床雲仍風貌日維桑望才鈔攝名兼集清簡雙題品自芳綽約
來餐姑射雪委蛇歸袖紫輝香他年再啓山公事誰識清卿是舊郎

送甥孫伯元之儀封令

縮綬欣言初度河秋風瓠子澹將波進思鞅掌肩三事退食從容念五紵行矣
治須除泰甚嗟哉民苦是煩苛側聞溲澤官如水如明史爾往將無誅伐柯

程芸閣年兄招集北陂徐園同陶路叔甄錦石

重來翻似樂新知白水青菰皆可悲快矣友簪逢帝里翫然文酒戴清時芙蓉
悔作前年好鴛鴦寧將此日期謂丙寅丁卯後先隕色依依葭菼靜各攀蘋芷說相思

甄錦石諸兄飲北郭水次

漠漠香生好雨初霞影靜菰蒲中央宛在思航葦一曲如今似鑑湖人遠
星稀吳楚聚波關心與鷺鷥俱枝頭啼鳥詢名字江左呼云是鷓鴣

送朱滄起太史奉使江南

皇華南國便如仙况復詞臣是少年旌節竟分眠柳去使星到喜落花前芝函
曉帶諸天兩采筆清波六代煙歸路邗江明月好瓊枝無乃待君妍

同趙匯旋魏元伯二侍御集朱滄起太史許

侵星鳴珮晚悠悠斐几匡牀良可留坐有解人能恕醉酒名狂藥反醫愁譚錄
偶觸機相逗軟粉初乾香欲浮聚首今朝珍重無何溝水各分流

朱滄起招集擬演丁卯以前新劇不果

傳將近譜佐軒渠曾與同朝共曳裾新史好煩選固手劫灰未燼漢唐餘子雲
可惜曾爲賦文君當時似有書聞道諸君仍視息不知何以度居諸

移探春花齋頭

苦霧兼霜凝不開未知春信幾時迴却教芥蒂煩相訊遂遣花奴索報來寒燒
肯傳芳草澀翠帷香醞早梅胎幽篁孤緒聲光裡夢臥絳條蝶不猜

泊水齋詩鈔

卷三

燕邸詩集

六

山西省文獻委員會印

陶路叔年兄以名手畫瓶蓮索題

昨日江頭遺佩歸凌波乘月照羅帷煙姿霧采相思夜離合神光知是非
同徧如坐碧雲作示其侍者

青靄將殘岫色迷風光紛向晚離披松濤石瀨煩酬應認取當年良久時

聞賀中冷篁川佳勝詩志嚮往

南國佳人修且猗幽居乃在水之涓部分草木餘何事料理煙霞奚所爲掩卷
孤情抽靜緒懷人千古是相思試詢清享胡如此芳草青谿總不知

錢收齋年兄以十四韵詩見示喜步其韵

室邇人遐誰共譚却如山北與山南崎嶇世態經曾歷屋促人情詭所諳蓬蒿
擬闢三爲徑擊帶差辭七不堪攻好銜盃澆漏塊何如拄笏望煙嵐濛濛有樂

魚同惠雲矯高飛鶴作吹錦軸牙籤立亦史燒空煮石煉將參道遙且住無懷

國歡喜而歸補處鷺雲白時堪流遠眺江清可以漱餘酣鸚鵡雖綴翻人都惜鴻

已高飛弋不慚蟬鬪丹書成脈望蛾飛園客薦春蠶喜攤鄰架經過五笑擁吳
兒餐已三甌泛翠濤爭鬪茗爲翻新響約傳柑酒人文士襟同契斐几匡牀友
盍嘗當日柳州愚谷好君家泉水亦名愁

己巳至日憶酒泉是日接憲廟訃

相煩投界事遐荒豺虎仍留來帝鄉醉憶金微泉是酒夢縣仙掌玉爲漿遺弓
徒灑孤臣淚空佩新沾紫極香皇愧賜環傷往事不知何以答君王

同陶路叔諸年兄集淨業寺水濱

竿牘續紛良不然遙尋積水但幽偏樓臺半掛將晴色林鳥平分欲莫煙風涼
文湖搖返照霞霏殘雨或秋天凌波晚更騎餘媚綽態滂心眞可憐

萬堅之民部招同魏元伯趙隨旋二侍御飲十方菴水次細話今往

可憐重此同花津却意前年安可論客向樽前私耳語鳥從花外亦窺人丙寅後
道路以目此地無四語光華今早菰蒲借氣色還分杯酒新百爾仍頻思正直當時君子

泊水齋詩鈔

卷三

燕邸詩集

七

山西省文獻委員會印

怨沉淪

聞沁涓兄幽居成有懷

爾築新闢村以北我居乃在泊之陽濯纓下上同清冷醜黍叩君共郁芳刪去
蓬蒿迎好客袖相立草走相商秋來頗覺溪多韻各臥高齋聽未央

又

修禊前曾此碧潭如今却喜卓君菴儵然身在硯之北颯爾風來窗以南誰是
羊求人可二聊開松菊徑爲三誅苑薙草何容易訂爾同辭七不堪

秋杪有懷沁涓

紅葉離離泊水灣君將叱馭我歸山九天但覺梧垣近十畝其如桑者剛葭暗
秋汀人自遠風清瑤珮夜初還西山拄笏將無念溪上何人獨閉關

又

園廬相望水縈迴歸思紛紜未易裁得句偶先分約往聽松每約過溪來抗言

在昔夷將惠握手於今王與裴細雨雙鴻秋寂寂懷人千里有孤臺

送王六瑞掌科左官去

率爾同酣隴首雲何曾交臂夙相聞官自戊所歸六瑞分一官豈足稽元亮三
已方知重子文筆寫晴霞披楚夢帆開春水漾湘紋解驂未報殊皇媿把袂天

涯已再分

六瑞雖亦某乙丑擬稿以舉功不肖言六瑞力止之不然疏上必速

又

別來幾見白雲新盃酒重看樹遂臣楚澤煙青思帝子秋蘭蕙紫憶佳人隴頭
雁字權相訊梧掖春星聚不眞歸去詢君何所事細將天問答靈均

賀函伯以篋川諸目索題

日暗兼葭懷所思遙聞只在水之湄碧潭芳樹深深處一葦洲濶往溯之
右窈窕溪

泊水齋詩鈔

卷三

燕邸詩集

八

山西省文獻委員會印

右秋水齋

青雲白雲何雲閒但說白雲長在山移文頃欲謝青者碧嶺丹崖未許還

右雲茹

響在寒空秋草根青柯文渚向誰論廣長舌相圍難擇寂悟都無來去痕

右園開地

藥房安在在中阿楚水吳天去幾何檻靜雲將飛震澤帷奉雨忽自湘波

右浪光閣

披衣清盥襲空涼水漾青霞空亦香夜半似經疎雨過飛來山翠洗新粧

右錦香堤

一篋圖書聊自隨空憐林水意棲遲君今同我長安道遙碧空青付阿誰

右鑑湖曲

江天漠漠水悠悠冷艷凄妍安可留慘澹無人堪領略一齊分付與孤舟

右鈞雪灘

亭軒橋樹盡能幽好月多情在在留何事更煩專作此殷勤清淺待新秋

右珂月郵

天地大文時卷舒此中傳有古丹書邀將楊許諸人讀脈望居然是鱖魚

右朱陽館

感慨當年喜乞身長將草木侍衣巾頃聞荷荷離奇後終日青青望主人

右青葱林

溪外長林林外溪溪林徑復溯將迷頃來欲問人間事故遣桃花出水西

右箕川莊

移梅入臥室

迢同聲氣下懸牀入暮相將總不妨格聯繫鼎標孤酌芳瓊圖書池古香乍見

欹斜燈弄影似流清淺月依牀體疏意密立相對如望兼葭水一方

泊水齋詩鈔

卷二

燕邸詩集

九

山西省文獻委員會印

陶路叔招集楊崑岑諸年兄薄莫飲槐下槐古甚

喜盼庭柯惜晚曠陶家原自說徵君殘苔雨漬前朝氣績繡霜堆勝國紋畫靜

青煙同鶴隕月高疏影共鴉分離羣念我真枯寂今往同誰醉綠雲

擬晉撫獄不當降旨切責席儻作

冒味邦刑謬仔肩容臺禮樂奈便便以本意推聖恩誕布王正後臣罪欣當味

爽前正月以册召自焉支幾萬里天依尺五未三年敢言十畝投閒去屏息歸

耕泊水田

聽擬二月二十七

長樂纔聽午夜鐘生來劫習未從容那述自負兜鑿往白粲今辭城且春前成

今例用將擬謬問生芻來趨馬慚叨章甫奉黃琮主恩涓滴何曾報冀倅區區作

下農

席翼辱甄錦石楊崑岑賀中冷程芸閣陶虎溪年兄見枉作

可憐兄弟集天涯頃刻真成生別離分袂各尋芳草去相思惟寄白雲知幾今

追念殘燈夜啼笑更端盃酒時從此路歧慳後約豈如年少易前期

待罪妄冀恩放作三月

支離病骨勉婆娑在再春光奈我何臂約休文銷欲盡愁分平子四仍多花香

可結團為餌燕語新擬譜作歌南浦征夫何所見青青草色醜流波

册立大典成頒詔大赦臣言以先一日獲罪私邸待命冀倅恩放作此志

喜兼用悔省

風軟鶯新乍鶯餘草芳香惹逐臣裾玉函潤帶芝泥下星濟祥飴絳節初堤柳

眼纔青靚客遠峰眉已待迎車微臣拜手歸何事閉閣思愆讀舊書

院寺確擬以聞蒙恩宥闕住將束裝作

幾年生事漫西東積石漳沲路已窮恩重尙懸楓陸月身輕却愛柳堤風岑牟

曉着青山好款段驕嘶香草工鸞叫晴時鳩喚雨春光日莫太忽忽

泊水齋詩鈔

卷二

燕邸詩集

十

山西省文獻委員會印

酬賀函伯年兄以詩作別三月

驪歌早晚雨溟溟賴有瑤華照客星懷去爽將侵遠岫吟來清似漱中冷倉庚

曉破長楊夢菜甲春開淺水青消渴頗思陽羨草知君未肯吝芳馨

將發辱諸兄屢集

隔日春明晤已疎頃將長別復何如殷勤花任春深淺珍重人頻囑起居不醉

豈惟辜片月加餐徒爾枉雙魚家園此夕遙相念耳熱星闌會憶予

酬湯崑岑年兄

沅蘭澧芷見同心短袂將分易水濤姑射預愁懷客苦湘波久已向君深君山

幾斷青蓮手鷓鴣徒煩洛下吟試去三閭煩借問可知憔悴似予今

將發春明作

將歸仍着進賢冠宦味如嘗鼎一臠望裡風煙搖淺碧車前燕語澀輕寒看花

光挾蜂鬚潤散映香浮盞粉乾饒有酒備詩侶在時時相枉為加餐

洎水齋詩鈔卷三終

洎水齋詩鈔

卷三

燕邸詩集

十一

山西省文獻委員會印

泊水齋詩鈔卷四

金銘 張慎言 著

泊園詩集上

真定逆旅 庚午三月二十日

柳塘花塢愛斜曛三徑蕭條暗暮雲法座黯無杓斗色旅屨半與馬牛分燐飛
戰骨愁爲魃鬼哭郊原夜始聞逐客不堪回首處棧槍仍未靜妖氛

過洹水將入里有懷長安故人

洹水纔過丹水流客愁爭似水悠悠汀洲綠映征袍淺桃李香迎鳥語柔耽靜
計將書卒歲懷人豈但日爲秋歸來鄉里都如故仍說余今是少游

道經黎陽喜晴發潞水作

愁閣涼雲溼不行何妨既雨復能晴窺波鷺澹汀前影流響驚傳碧裏聲柳浪
輕將開穢翳峰文遠遂送空青歸途無事看生態喚語銜泥皆性情

泊水齋詩鈔

卷四

泊園詩集上

山西省文獻委員會印

潞水聞鶯

征途忽爾墮繡纓響徹清潭潞水灣從此友聲歌伐木何勞杜宇復聞關移文
頗似羞通客招隱如聞賦小山到日酒盃豈礙春好音晴雨不曾慳

抵里泊園甫成

將發郊餘半渚煙比歸水木遂幽捐我登臺醉如初客花到鶯時是莫天聲影
靜能資淨業舞陰朝更集諸妍何關草木禽魚事夙慧清機自往還

又

丙舍傍從去後添此中開秀足相乘孤衷桐雨散生韻里耳鶯聲俗可破圖史
恣探能養福雲煙奢取不傷廉更饒菜甲新鋤好小橋拱庖點石巖

五月南山山莊

路僻林深日已昏幾家烟火使爲村山迎遊客背無恙雲宿丹崖自有痕椰子
鄰翁仍半識度阡越陌柱相存流鶯也覺多情緒觀樓枝頭語亦溫

又

光華可惜等流波四十年來七度過後凡四十年青壁肯憐衰鬢否餘年豈奈
白雲何松能墮子森成樹竹已生孫翠且多釣石中央仍宛在還從溪友借漁

又

何煩投劾慰遐思微罪歸如晤所期合圍槐憶前方拱庭前槐已台地三出岫
十平前種如拱地
雲還頃不遲節物溪山真有待朱顏華髮豈多時課奴仍種山頭樹再見巢烏
未可知

山莊諸父老蜡祭辱損昨同栗函嘿田力田

闕闕社鼓響荒村率爾山行集友昆主職野翁推祭酒新年衰散愧饕餮雞雖
越母飛高下麥氣將秋變曉昏表暇水庸何以報居然縹緲享雞豚

山行晚憩

泊水齋詩鈔

卷四

泊園詩集上

山西省文獻委員會印

衰閉今甫擬山居聞見山中良起予憩石坐思傳鳥譜穿林葉偶墮蟲書雲舍
莫雨過青障牛負斜陽返做幽溪友村翁何所事既耕且種待秋餘

草堂同栗函嘿諸兄夜飲聽白雲觀暨諸伎絲肉

碧洞丹崖雲可愁朝烟莫靄各悠悠朱絲纔奏青將破清響方騰翠已流往事
幾年徒自憫空山五月遂如秋此中偃仰差無事喚雨明朝倩早鳩

料理舊渠兼葑山上草屋

磁石爲梁斷石渠疏來野水到階除村鄰僅住三家好田止堪供八口餘雲確
香春勞水石林翻山靜自居諸頃來小憩何多事又鑿雲根葺做廬

山中五月朔日聞蟬

戴勝鳴鳩聽未火新蟬又復度長楊鶯嬌燕依非君侶露泣風嘶祗自傷悽矣
無煩歌變徵倘然政爾按清商調孤韻細誰庶汝短詠微吟不可長

謁大司馬桐陽先生年八十一

曾看曳履躡星辰况復維桑步後塵
鼎向存三代古典刑喜見六朝人側聞
繩祖勤明主自合玄纁問老成君自歸
山多閉戶頃來後進不堪論

病足

寂喧多緒亂愁余病榻翻令愁遣除
舊香枯藤防屐齒新題尊足署吾虛
沉吟簾外鶯花諫狼籍臆前甲乙書
遠想孤衷難寄託姑延二豎與同居

病榻作

衰且白矣安所求體中小極遂無休
垂帷何事差餘靜所獲無多但有幽
簡寂不妨恒小病空明兼喜戀深秋
丹霜碧水休倉卒待我扶筇登隴頭

病中立公自白雲寺見過

羶馮斐几思難裁蒿掩重關靜不開
響聽雨餘紅葉墮敲開僧自白雲來
林間啼鳥門無履物外窺余徑有
苔問臘所爭寧幾許齋前雙樹手曾栽

又

泊水齋詩鈔

卷四

泊水齋集上

二

山西省文獻委員會印

藥囊詩帙任紛紜病榻登堪靜見聞
積雪香同茗啜斜陽僧頂共鴉分
顛隨行嶺雲俱白面積家山峰有文
山公識人行
山下白雲寺又道錫飛仍不住
葦航春杪劃

江紋

立公詩

閱立公詩却贈

嘯臺西向白雲屯寺在縣門西
泉浦丹崖錫有痕衣染翠微疑帶
雨鬚仍吟斷不曾禿髮仍譚
餘水雪玄堪貴詩洗袈裟氣自尊
聞向黃山深處住白雲空爲練蘇

門

秋九月仍病

垂帷却掃遂多時聞道黃丹菊屆期
短暑臥惟臆影覺深秋宵向葉聲知
六時枕簟分過半一室圖書秋所思
病况閒情差自若長林風雨任離離

又

夏秋容易枕邊過藥餌嗟此三月多
梧老陰仍留缺月風乾響已闌
殘荷茶防

冷癖烹惟玩墨不能書嚼自磨同病
相憐誰可語算來古德有維摩

秋望前一日夜有所聞

月之皎矣飲且甘風恬聊以散餘酣
鶴鳴急聲何劇棠棣華多萼可擗
敢曰知非年逾五頃來自返日惟
三德音如此清秋夜念我無良秬
內慚

又

掩卷悠然究且圖靜言深念往何
辜季方元自難爲弟僕射無端笑
阿奴伯仁弟口阿奴火及
劇山下第耳飲酒偶然歌棣萼
登高想徧插茱萸唐絕曰插
茱萸少一人不然何以當

清夜側弁俄俄忽過吾

示兒履旋將赴試

交友休從意氣生寂然聲臭澹相
迎寸心苟可游今古四海何曾少
弟兄誤世謬因譚節俠隨人姑且
冀科名聽之何以煩神鬼珍重原
來在友聲

黃九如郡守入計先是郡縣以東
事急稍黃諸役督促迫如星火

泊水齋詩鈔

卷四

泊水齋集上

四

山西省文獻委員會印

縣官遂乏水術錢閭左蕭蕭如算
繙謬謂倉皇煩束溼誰知料理妙
烹鮮采詩喜碩麟之趾上計應將
風改年索賦於今橫海內行山
丹水各爲天

政灌園雨蒼兄使者至自長安訊
虜耗志喜

蓬蒿十丈縲重門靜倚高雲自灌
園草雉徑惟留碧鮮水流余但坐
秋根轉轆梧井聲良好擊鼓檢關
隊不喧衰謝自甘鋤五畝眠餐刻
刻是君恩

辛未元日

新故相乘多所思遠懷幽抱積於
茲兩年鬼哭嗟荒微丙寅丁卯
戊酉庚午夜駕行逐此時庚子
辛丑今往許身誰稷契溪山
果不負巢夷追思六七年間事悲
喜如前

安可知

人日

左个背陽召逐臣是日酒泉
隔感深涕淚欲沾巾
幾年謫宦浮如梗此日佳山逢
日人好雪花山前夜出前二日
立衰頹心悵故園春芳辰
銷月何容易悔往

空悲勞此身

新正齋中宵坐履旋亦篝燈讀書

往矣馳暉安可焉念茲芳夜負何曾春開竹氣浮雙燕密泛梅花各一燈短詠
微吟皆有會衰年緝節不相能眷言門館何蕭寂我固安之子不惜

自題小像

四十無聞斯已矣七十良稀古亦然我今五十更有五前後都饒十五年往如
空翠結清暉朝暾臨檻光多少來若青霞明遠村餘暉孤映爭黃昏縱令七十
亦無多况復未知可奈何假使造物真我思此十五年奚所爲思來事事都無
益向者好醜我曾歷只合空山守枯寂松風溪水亦無情媚誰他日留清激

韓中散見枉泊園

水石清激泊爲淙碎匄復雜淡與湘廻颺颺入岸傍松濤淙淙響聲撞春况復
虎溪流冷月了了松間明積雪此中能令幽感生珍重分明向誰說豈然有聲

泊水齋詩鈔

卷四

泊園詩集上

五

山西省文獻委員會印

扣可喜有客浮淮渡瓠子海情岳想何倉茫胸中筆端良有以媿我飯糲酒不
旨泊韻松風聊復耳

送別韓中散之塞上

自昔奇人多帶癖情理求之安可得奇人有癖癖乃奇試問世人那得知汲冢
已發石鼓碎沉溺其中痴若醉侯芭欲問不敢問手持一編酣且睡土花血碧
幻丹燿光怪欲見鬼母哭饑不可餐寒匪衣產破千金矜不粥人言需此胡爲
乎口但不言撚其鬚五字七字青珊瑚一字不安擗半枯傲岸如山不可裁罵
者殺者皆爲災展禽熟軟曼借滑君笑斯人安在哉俳諧雅俗語不休若雜若
刺聞者臂觸口欲發發乃已不發有如蠅在喉文武火烹丹子母霜芽亂撒如
糞土聊嘗試之理有無詎效世人耽阿堵羊裙杜綉作襪材仿皇顧之生塵埃
王侯達官皆歎息能事不敢相督催倏爾發狂欲大叫湖離渾脫風塵開錦衣
玉貌公孫舞瀟湘可剪峨眉摧頃者前事都若掃自言有訣長不老腸化爲筋

骨作鐵世人不識曰枯槁君學不死我無生伯休北渚弟與兄不肖倘爾填溝
壑雙眼看爾騰青暎

春初松下作

松根何以冥吾照身在瀟湘縣圃限衆有都將無作劫諸音皆以寂爲胎山空
雨雪生靈慧耳靜聲塵隨去來從此諸書都削盡中池有士共徘徊

漫作

少悲落魄頃衰殘哀樂相尋詎有端今往情深歸雁斷黃虞色古一燈寒月生
新水光同浸春澗疏林響尙乾自理荒園儲旨畜內經欺我不須看

禁酒

余嗜飲間亦讀書不能強記居心永日而已飲後詰朝遂不能讀讀亦
不解頓覺賢聖去人甚遠去年自夏徂秋臥病半年強能止酒然病中
所得甚於未病乃悟中人以下小病是福頃仍嗜酒案頭所積對之太

泊水齋詩鈔

卷四

泊園詩集上

六

山西省文獻委員會印

息而已奈何

紫房朱衣者爲誰搜吾寧者誰所尸縹緲無方若馳有物爲離神去之潭空
嶺秀月影入清夜沉沉山鬼泣有聞無聲難爲名儼若臨我冥抱一條爾瀆洞
搏羊角黃河西翻海水立嗟哉此意那得知恭對圖史乃驗之聖賢去人詎遠
杏谷神靈窮靜所司客歲哀我病欲死藥餌不靈絕所旨乃覺病者原未病虛
明如綫良危矣善病何曾解悞人能悟此者誰之子

張璇源年兄見存却贈璇源以私計中考功法歸猥反相賀兼懷其弟呼

西年兄太常

孤鶴歸來鳴索羣可憐擲筆有閒雲兼霞夢想伊人在芳草春思阿弟分元亮
自能甘解組維圭早已脫移文青蓮丹水都無恙回首將無念卯君

花朝

故國五年春別離空園芍藥搖相思五年春作一年看還我春光應倍之春光

九十情難展展入夏首驚爲期古人所以重斯節命日清和良所宜送春不識
春滿處春在驚遊人不知人多狎春春不住如我憐春春我私落花游絲白日
靜豈敢雜以肉與絲我今但以閒消之

午前三日夜雨

端陽之前三四日仍借清和一雨餘自是晚涼清枕席却疑秋氣到郊墟春深
似覺鶯邊去夏淺還如燕子初持與黃花前後轉惠風爽氣共相疎

夏復病足廿八日立秋

頃來病足廢經行花徑青苔已漸生痛楚忍能消溽暑支離却免費將迎高雲
細雨嗟何莫藥裏書籤枉自清枕席夜來秋已到朝聞淅早咽蟬聲

八月望後三日宵坐

幽松密篠向宵攢蒼影徐開殊不難三月病慳良夜酒五年今甫故園看光搖
落葉紛難定輪浸秋波側未安魂斷焉支愁裏角飛來雪嶺照人寒

泊水齋詩鈔

卷四

泊園詩集上

七

山西省文獻委員會印

八月晦前

明迴蕭疏秋不妨無端多緒但悲涼哀咏蟬似歌前快急響蛩如詠卒章鶯燕
不辭人竟去兼葭何故忽爲蒼秋從林杪籬根盡剩有峰雲白可商

九月望後待月

躊躇良久辭青嶺倉卒離披開紫烟林暗棲鳥驚乍響欄馮癭影炙孤妍凌波
遙望光離合香霧因之爲後先無酒蕭條成獨坐風吹霜氣集襟前

秋晚

孤霞綺綴夕陽流纖月方來霞不收靜想分途延素妙涼颯端爲凜深秋鴻高
別浦書何處爲集衰林人倚樓身世祗應消白髮却多幽感亦生愁

晚坐虎谷石梁有感

幽則繚愁疾屏氣如不息豁爾眺蒼茫天地落胸臆冥抱與奇懷倏忽如相失
不幽不曠問安所投吾跡遐哉古之人何以展良觀我生乃末俗愴歎良非一

蕭然坐石梁水石奏清激嗚咽如有人代我憫惻惻忽見嶺首雲白是羲皇色

新亭成晴眺

嵐氣霞容紛若遺娟娟水木澹多思月將破颯銜峰後山却初晴乍雨時卓爾
孤軒隨所向儻然衆妙且焉之遙情幻思堪誰語試問青筇筇不知

泊園松苑

湘水泊水聲幽涼寒松和之悲且長空聲徘徊思未央有客踟躕於其傍寂感
冥契渾無方秋既素兮春復芳鶯前雁後紛聲光耳目奔會何茫茫彷徨不定
耿所積媚茲獨者周有易灑練六藏養五德黃庭中人憐何極

虎谷飛閣成落之

別浦乍晴新雨後長林纔弄好音初筇將倦矣雲多白酒忽醒時松正疎涼響
欲連留可住冷風送善領其餘看來諸好紛紛落着此孤亭良不虛

水濱

悠悠誰與道相敦寂莫之濱思所存林杪白沙疑墮月汀長青巒暗孤村四時
各有良朝夕一日仍能變曉昏草木年隨顏鬢改坐來欣慨向誰論

泊水齋詩鈔

卷四

泊園詩集上

八

山西省文獻委員會印

秋雨臥病作

匪研繁露不窺園積雨沉疴恆閉門對以琴尊光自晤取諸懷抱亦喧喧雲流
清響三更墮徑積蒼苔十畝痕遲莫祇堪供藥餌相思不復采芳孫

秋坐菌閣

何曾日日陟斯顛冠定期當辨後先積想朋從良豁爾語妍聚一蒼然斜陽
半溼將晴雨殊響回淒欲莫天翻見孤村如物外星躔大越溪煙

東臯

淒妍思不禁不可不登臨風日兼開美襟情集慨欣離翠艷永日流眺卽居心
坐見碧雲晚秋琴閣至今

初晴

初晴列朝詩集選

豈不念搖落中懷無所名愁非緣滯雨喜却爲新晴夕照住難久秋高響易生
少年當此日襟抱積空盈

雨後東山深坐觀殘瀑

細岑瑣嶸疊碎匄水石之間清有聲坐聽峰陰幽自轉霞霏影倏如輕問雲
何事無心出扣寂緣知衆響生物候果然因一雨畀夫隱者各爲情

晚登東山

恐負淒清水木閒頃來無日不登山都將慷慨悲歌意分付孤鴻細雨助物
靜歸根自寂撫躬衰與世何關綺霞紅樹紛如織鴉翼相銜是倦還

秋雨後有懷

雲涼苔冷葉縱橫寂寞垂帷觀我生澹此多心翻愛病兼之眞寄不求名臥聽
壁響非山水靜挹芳馨豈杜衡良友天涯殊仕隱中間存沒愴吾情

郭九子至自平水見枉

細雨幽疴門不開偶看雁字一登臺却當爽節蕭晨後政爾淵人靜者來今古
其間情自緬秋冬夫豈易爲懷嗟茲泊水眞寥落皎皎胡煩遠溯洄

留郭九子讀書泊園以歸省展期

語默三冬擬獻酬纒言溫清豈能留晨昏永思淵何塞筆墨清娟倘欲流千載
黃虞神足往四方聲氣靜相求嗟茲滯澗松涼裏芳草春雲無再遊

偶然作

金高於斗未皇寧耿耿雙眸肯遽瞑聰穎殆將虛造物龍靈無乃負朝廷後先
元氣留能幾日月光華迅不停六籍盡翻無可譬聊歌菴露一垂聽

病中讀康樂詩臥疾豐暇豫有省

翰墨優游可勿論沉疴原自起中根向來心跡何曾并頃覺淵疴固所存靜挹
古香紛紛獨逝辭緬不敲門古人所以推深穆恭領其餘勉自救

病起

作楚喜能消積暑疴疴起却初秋淵情爽節如新豁逸僻孤筇失舊愁一壑
之中幽自賞小瘥以外澹何求頃來頗覺宵長久牀下莎雞政不休

初冬過澤孟蝶菴周石蓮趙瞻淇楊月苑諸兄邀集碧落寺寺饒松僧倫

甚月苑工隸隸其石

澗涼雪密洗松魂聲色都爲潤所吞憐好友朋非比屋惜佳山水不隣村長風
唧足供郵耳快韻何曾及寺荒眺覽斯須皆寂寞一煩籍史斷苔痕

辛未十一月暨聞大雪深三四尺招貴聞沁涓兄不至悵然有作

冬緒嚴枯擁不宜高寒臨眺蔚森然冥搜似見天之載寂契玄通象以先氣歛
朝暾何澹泊霞霽晚霽遂孤妍攜筇降陟徒幽賞此地原無訪戴船

又

友聲黯澹可長歎清福如茲孤享難空涵幽作鄰虛影野闊天同一水看馮久
闌干浮欲去光搖浦淑不曾安幽衷曠想向誰說支許羊何跡已殘

泊水齋詩鈔

卷四

泊園詩集上

十

山西省文獻委員會印

閏十一月朔二日郊行看雪歸泊園獨飲有懷作

孤嚴性凜雪之先冷素虛明况我前天嶺川原同一肅襟情杖履澹何淵傾壺
飲但嗟予美謝客幽能多所捐靜享從來難曠侶深懷微抱不須詮

又

幾曾如此一冬看積霽浮烟未易殘素影夜流無晦魄初暾晨瘦讓清寒前汀
亂水咽如訴隔浦疎鐘夜繪乾萬卷百城誰坐擁從來止有一袁安

題履旋小像

似爾阿翁庚子前修眉豐頰亦翩翩卽今快惜知多少辜負詩書三十年
閏十一月望夜賦得明月照積雪

寒光慘淡日氣澀白濤素浪雪臥立涼鷗振岳高雲圍夜來始見參井乾月流
清淺如新水恬源靄霧渟中泚淨浦瑤華翻似月泛澗搖曳波之裏滌滌天野
將無同夜色不定霜花空下上其間歸積氣賴有星辰辨天地寥寥空堂欲二

更老僧不語馨希礙萬有忽動馨反靜茫茫我孰知其正

寒夜寂坐詠瓶中梅花

花光纔放香已舒我追求之香欲無却當有意無意間悠然淵永翻有餘餘花
作態恥與伍孤影子子立巖枯抱茲幽獨誰與語色味良為靜者敷香果在花
還在喚去來孰辨同與殊落落穆穆安可測遠體乃與遠神俱果然不可為親
疎

讀書歎

辛未冬再仲積雪連朝夜永燈青心神疎肅開卷欣然輒苦目力不副
但取短章擊尊舉一唱三歎涵泳性情而已不復能連篇累牘數行俱
下雖然長歎為之慨泣用作讀書歎以告來者

衰年事事嘆愚劣讀書更與少年別少年豪有一往氣志在博聞與強記不則
展卷一尺強且曰了不異人意有如少壯瀕於酒仰視星辰酌大斗既旨且有

泊水齋詩鈔

卷四

泊園詩集上

十一

山西省文獻委員會印

有且多尊醉日富濡其首嗟今斗室盈圖書彷彿皇顧之空踟躕獵取恣探安敢
翼微吟短咏漱其餘衰顏倚酒豈不飲但思柔酒聊沾濡神明無賴借章句撫
蓋老醜羞形愚一日無此肝脾枯我身我心安所居

西山課松

西山余預置墓田也與虎谷池亭相望謬作此代他日山鬼

亭阜墟隴却東西泊水淙淙中間之池閣遙看空翠積憫體青喜暗苔滋松風
爽澈重泉下明月高會昔醉時舊宅詩書塵幾許兒孫豈問夜何其

大雪再招友人不至寄嘲

良友不過我撫躬殊可羞影形難自顧聲氣亦何求負此辰夕好徒然水石幽
歸仍抱我獨短詠酌思柔

又

臭味聲華最足求退哉今但愛其幽巖言一室餘懷抱顧念前交匪匹儔道阻

伊人歌白露榻思掃子下南州從來瀉水置平地無奈東西各異流

點燈行

點燈子賊號也辛未夏五月二十六日河曲賊奔汾以南衆纔五六百
人兵尾其後互擁士女兵之害更慘於賊謬紀其事用告來者

且夕虜無事主將氣益驕刺士到骨髓圍圍深且高側聞河曲賊強半皆吾曹
首禍者為誰曩時弄筆刀王家胤點燈子副之主貳豈智曉嬰城徒自守掘

鼠成坑壕今者我為政盟款互相邀殺此復何有不如使其逃邊鄙匪作日原
野空蕭條頗聞汾水南不獨財賦饒我曹為中權縱賊為前茅主將為後勁河

上乎迨避兵賊如期會踵接爭掠鈔輜重嫌紉綺齋愛鏗鏘深閨索靜女盈
盈姝且妖自下所騎馬且為控馬鑣跪以孝主將色貨羅周遭主將恣所擇餘

則賜諸媚掖之以溫語曰酬兒輩勞適將呼十猗猗良可惜被服皆羅綺赤鯨
與紫鳳曲折繡雲濤嗟此珠宮物徒以被獵梟兵賊衷其相若禪部伍相

泊水齋詩鈔

卷四

泊園詩集上

十一

山西省文獻委員會印

矜口是所披士婉彼清揚者魚服垂纖腰縷首戴兜鍪柔荑挽轡鞞鈎穿鐙
銀瓠犀嗽腥臊士女結東陌者策跛躓媚者馬則聽陋者供書炊媚者同淵宵
翾雜嚙日月光氣為之消娥娥紅粧婦青絲玉作搔沈沈閨閣秀嬌未詠桃夭
何以羅茲禍似是業所招賊乃詭曰兵偽建大將旄兵又詭曰賊民敢犯秋毫
賊尙且狼顧恐兵犀其尻兵則何所忌歌舞侑醜醜我民耳目亂呼天但號咷
礮矢不敢發牛酒不敢要哭想中丞公赤子真嗷嗷寧可死賊手無煩方與召

泊水齋詩鈔卷四終

泊水齋詩鈔卷五

金銘 張慎言 著

泊園詩集下

寇至

嗟哉吾父老聽我前致詞覺起在貧酷率累到廉慈富者所作孽貧者代受之
達官惡愈其微賤委溝泥秋郊聞鬼哭帝聽不能卑悲風千里號骸骨相撐持
還顧富貴子秉燭代馳驅作者果自受豈不快所為假茲盜賊手豪學良足奇
作受胡乖忤造物嗟小兒所苦在貧賤哀訴向誰

辟難奔城中偶然作

肝腸與筋骨勁緩不相隨撫髀坐悲嘆年華安可追太平當維節志意空歲幾
如今彈短劍缺折無光輝秋空一以眺落葉徒紛飛

又

泊水齋詩鈔

卷五

泊園詩集下

一

山西省文獻委員會印

我尋高士傳不免餓與飢顧我何菲薄豈但免於斯祖德悠且長賜勉饒甘肥
有田幾半井桁上餘縣衣慙愧在君父尺寸何所施坐擁此七尺飽快將安之
區區胡足道徒為達者嗤

賊闌入吾境在析城砥柱間是死地惜無有能擊之者

地形兵勢何多數圯絕於今犯者三峻谷崇崖柱以北歸迂入隘析之南從軍
豈但行無伍餌我何妨詞且甘肉食自能當此事憂心徒使我如恢

見賊乞撫書紀事

果能擒縱否賊倦悔無良珍重過汾水殷勤託渭陽賊遺其甘詞容作餌佳幣

薄云將陣卷雲為黑旌移鳥欲藏離雄千隊遶委馬萬金裝眉豈甘重赤巾寧
肯再黃奉詞先負弩持節討遐方我已安狐兔君休畏虎狼犢牛將解佩刀布
擬通商不憚林為窟惟虞豺作鄉行遲天子詔泣借使君章婦女半相雜妖氛
仍自揚華旗遙不見鳥道走何妨溝壑量將滿烟塵昏未火亦知招不易聊以

遊其行且熟南窗睡精牀菊蕊香

勦賊即事

蒼生胡不辰搔首扣青旻文武煩王命宣雲遣丈人王臣宜寒寒弟子却駢駢
可與即某發覺問斯養諱何貴胥離節且新長庚頰白畫大角照冤憐容易過
遺乃以贊進朝朝函谷逍遙指孟津晉於秦作繁楚以豫為唇吾土仍傳柝他方合徙薪吳天何
降割維岳翼生申胡以延茲禍君其問水濱始關中關河而東於西東
又自晉渡河而南楚蜀驍然寇至後大殺疫且甚與死於殺掠者幾等

鄙人不但咎潢池忍淚含涕當控誰天子原知亂有以諸臣合用德承之頃觀
疫與饑交至豈盡兵乘賊所為造物悠悠何可問吾儕君子迫相規

寇至作示維桑諸公

長歌莫楚往焉徂謬謂蒼蒼仍可呼蠢爾徒言天降割驕人且曰我何辜里鄰
已自愁鵝鴨枯苑猶然賦烏為錫祉薦瘥都有故願言百爾念其初

泊水齋詩鈔

卷五

泊園詩集下

一

山西省文獻委員會印

正德流寇之變亦以壬申癸酉賦

盜賊爾何意難窺造物心人休歌蕩板天殆饕食淫殺運秦兼晉妖氛井間參
王師征不戰做賦索難任偵爾時將莫憐余水益深冤憐宵不夜兵氣晝營陰
左次亦何咎中權誰所欽燕齊雖戒往壬癸又如今藿食予何鄙填填聽鼓聲

秋仲泊園臥病

政宜衰病坐秋園簡寂蕭疎各不繁感物認知身以後觀生默識我之原殘荷
落葉喧相答霜雁寒淙靜對言松自能疎雲自冷則知有待便為煩

閉居寥落念一歲中春杪夏初暨秋冬之際風日清美不當辜負餘嚴寒

潯暑但合杜門兀坐而已

驚邊風日花開謝雁次烟霞菊後先政是奇懷兼韻節目宜清朗暨淒妍餘堪
散帙垂帷可及此登臨眺詠偏造物使人良不倦胡為草草答風烟

有懷

故人瑤草隔風烟門掩蓬蒿榻畫縣桐雨松風相贈答峰雲林影自周旋古人
寂寞依細帙玉柱蕭條靜綉絢向者揮盃仍勸影頃來肺病益堪憐

久不得楊給事消息

幾載奚書險且繁微臣何敢遽鳴冤翠工慮以臣爲戒官守原來職在言塵暗
珠絲縣舊草霜飛梧葉墮前垣當年同夜修封事帝式臨之耿不諉

又

束身可敢望平反簪筆當時筆禁垣人賦愚臣甘觸罔我云明主可忠言與食
同敗曾何悔以直投羅矢不怨淒淒蕭瑟悽悽不見日看雁字倚秋原

憩虎谷松下

我所稱松我自娛蕭疎澹永爾兼吾歌聲淒向風相豁枝影耀憐蒼共扶坐見
雲來求所泊行烹茶往拾其枯交遊名實都安在賴此風期迥未殊

墓田丙舍督研作

機士食其智細人食其力皇媿此兩人但食我祖德墓田三十畝參差相負側
造物無偏頗雨露滋蒞蒞持斧課農夫區區事剪剔坐見南山好晴雨狀匪一

空翠遙飛來攬之何可得我愛夕陽佳備且喜落日四體竟日勞自然有倦色

莫同飛鳥歸步步生太息

落葉

秋來物物歸其根坐此霜根隨且昏任彼梧桐紛向落綿予踵息審如存汀寒
葭白前宵露浦響鴻飛何處村世閱人兮人閱世支離苟且媿饕飮

偶然作

衰至拙所營徒然媚耳目有如市井兒得錢充口腹長歌醉飽餘此外皆長物
翻笑富貴者蚤夜徒碌碌天地何其寬貪人自局促日月何其光貪人自神辱

彼豈異人哉才勢稱所欲我貴果安在我才又樸遯窮老安本性匪是甘止足

媚目匪粉黛媚耳匪絲肉問我此何故我亦自回惑

泊水齋詩鈔

卷五

泊園詩集下

三二

山西省文獻委員會印

秋冬

往者憐秋空自捐今秋秋色轉悠然襟期不禁悲兼喜風日寧堪淒且研高潔
水同霞競爽鮮新粧比軸誰娟東阜徒倚徒搔首結想如烟未易詮

又

落葉紛紛秋滿園秋冬之際更難言夕陽映水有餘好霜樹流鴉時一翻聲轉
雲歸容自靜灘寒石瘦易爲暄日茲改歲期將近且莫蕭條孤掩軒

癸酉兒履旋赴試

癸酉六年

前年西上有新詩憶此渾如昨日時訊爾三年何所得捫心終夜自堪疑衰備
耽靜良多感英少方喧總不知散帙灌園吾已矣言提其耳止於斯

又

悠悠昨者不須論臨發丁寧翼稍存訟往再甘行所悔圖今一味靜彌敦柔嘉
可以酬先績簡澹方將固夙根否則我惟安藥餌孝經山禮弄吾孫

泊水齋詩鈔

卷五

泊園詩集下

四

山西省文獻委員會印

又

爾從汾上尋芳草我向花潭看白雲花潭亦有芳堪把汾上仍多雲有雲新月
纔生秋尚淺蘋花未欲雁初聞頃來翠少何挑達敬爾威儀攝所羣

冬初自省

堪驚電駛恨流波日月其將奈我何尙惜冥探空遠寄牙焉恒舞暨酣歌古人
才且隨年盡今我復將與日多絳帳青箱羞式敷空搔白首歎江河

上已後欲雨

上已清明都已殘春來好雨何其難曉曉鷓鴣兩聲如溼起階除文雲不乾柳未
假眠柔自舞挑翻帶露泣新寒詰朝擬向西郊去物色風煙走一寬

穀雨後雨時以醉寇奔城

展期肯向雨前寬濛濛雨纔零節已殘客緒况從時事積花情欲傍鳥聲闌陰晴
春自留難住喧寂余姑任所安多故如今譚匪易鳴鳩乳燕總無端

燈下作示兒履旋

一燈孤照垂帷所獲矜多前此時澹自能先聲味入幽堪靜與色香期古人
去我何曾遠晚節憐余悔始遲三十年前如此日安知聲實止於斯

多仲示兒輩

斐几翻函篆鼎烟蹉跎幾度擲三年人寬且日年方富自恕何如冠以前筆墨
幽令神自貴圖書香沁骨皆妍此中清享誰消得往結膏梁酒肉緣

解嚴走泊園對花作

芍藥芙蓉總若斯豈惟畏楚羨無知風清露白幽何預霧采煙姿媚自持對此
無情空積恨采之盈袖且遣誰芳辰奇抱終相豁流血乾坤合幾時

泊園對月

側嶺孤輪澹自流蕭然在在媚吾幽梧間已弄影能碧松杪仍翻涼欲秋臺引
青蒼開藥徑欄牽空綠滿蘋洲不知何處逢迎是徹夜閒人勞不休

泊水齋詩鈔

卷五

泊園詩集下

五

山西省文獻委員會印

虎谷

石室溪橋泊水東玄根幽搆易為衷起居竹氣花光裏眠食泉聲鳥語中抱此
孤悵求所似終焉虛美悵如空愴今懷往良徒爾寂寞蕭條叩未窮

癸酉冬聞寇渡河作

祖功宗德委纏綿三百年來此二年村惜千家餘百口米糲二斗直千錢丁抽
已自箕難斂手實仍將孥作縵一葦頃聞航已盡俄傳那楚又駭然

寇退料簡作

我從大夫後堪憐生理將侵天里屢斷織刈葵何可學簞瓢結駟豈皆賢販脂
委實羞翁伯掘策躊躇愧子錢來歲飯羊兼收豕汚斜種我北山田

對雨花作

寂寞竟何事傍皇水水間雨憐芳草靜花愛主人閒有酒自斟酌無人誰往還
賴將春欲莫鶯語早關關

集故太宰疎菴外翁西池

黃耆居然見老成苔藏履跡想遺聲垂髫曾記瞻先逕摩頂仍傳畏後生緇矣
霞文襄靜碧遐哉水木澹孤清淑人君子嗟安往漱石挹芬愴我情

又

舞象纒歌芹藻芳騎箕公已白雲鄉深慚國士縣相許仰想淵人安可忘槐蔭
愴思誰接武黍離悽忍再登堂兩家世講原瓜葛念祖曾規中表行

日知

集石翁雲西池晚過白家亭子

林泉是處有將迎何可終朝不出城半里誰知連水竹幾家君更領深情芳津
靜欲學文藻平楚蒼然度友聲遊見彼其池閣在晚攜餘興若為情

贈楊中岳父母北上

潢池纒弄嗣無秋孔邇欣言歌不休神俯定應更歲紀飛鴻早已集汀洲花迎
泊水齋詩鈔 卷五 泊園詩集下 六 山西省文獻委員會印

雙鳥粵將遠月靜孤琴鶴肯留響筆螭頭知草奏合先辛苦說并州

哀書岩獨坐

陰晴草樹只孤村眠食周旋僅夢魂雲好未嘗增見業濤喧翻覺靜聞根鳥過
初夏多新響雨集荒池失舊痕獨往閑情何所止齋將冲照向黃昏

泊園聽雨

連煙積霧暗昏林嶺郊垌接一魂桐篔簹音開異想淒清同淨示園根筮來
選樹啼新溼溪領翠淙赴遠村既雨果然晴亦好滿園空綠候初噉

夏日菌閣雨坐

兩餘物象遂紛紜氣候山中亦展分空翠欲通難類族孤雲失侶往求羣仍茲
偃仰前朝莫似長溪山新見聞理趣生生何可已天人遞為幻情文

園花盛開自顧菲薄對之慚愧

玄工無乃傷雕繪既我羣芳幽且妍感激因之生愧怍彷彿皇屨且失周旋靜言

何以酬眞宰撫己無如念塞淵自昔哲人稱澡練神明立對各悠然

花朝靜對作

行散登臨安所宜等閑辜負好花期自堪對以圖兼史否則無寧肉與絲喧寂
豈宜徒草草鶯花空爾太孜孜可憐更自矜清福曰是幽人靜享之

四月朔八日作

燕語丁寧鶯語柔柳情綽約花情幽氣交疎箔風初軟露引新桐月甫流我願
定之調御氏有人云在葛天遊從來福慧誰供取眞宰專爲靜者留

對花有懷故人

可惜今年芳草時蕭條感慨遂兼之文章南國推誰最薛荔山中怨所思誰遣
好花紅盛作却教衰鬢白如茲閒園偶影朝將夕造物悠悠寧我私

晴曉首夏望前二日

乍晴空綠濼將流暹曉西峰雲半收簡穆此中何所喜蕭疎竟亦不名愁看雲

泃水齋詩鈔

卷五

泊園詩集下

七

山西省文獻委員會印

問水仍清撥花謝春歸頗靜尤折簡頃將遲我友難言此地鮮羊求

遺懷

我居曰虎谷簡僻如他山淨喜貧爲福衰耽病是閒食皆才所便清與拙相關
煎迫煩家累忤悞多厚顏

早起對花有省

往年倉卒過花時喧默余隨今所爲韻已能令神自遠幽堪更與靜相宜芳香
自抱難其似秀潔無慙對者誰投分幾人無世味何如冥契此芳期

又

花亦有夜氣露采泣精瑩清盥亦何事繁繁驟朝英物固有本性因之念我生
相看何冥默匪以媚幽人爾我兩不愧各自保其眞

兵荒販米者自碭山隄陳間來價踊甚

百里不販粟此賸殊未然斗直過三百途遙將二千關經天作井陸易舫爲肩

辛苦三旬裏相饒無半糶

泃水齋詩鈔

卷五

泊園詩集下

八

山西省文獻委員會印

泃水齋詩鈔卷五終

張慎言字金銘陽人城萬曆庚戌進士官至南京吏部尚書事蹟具明史本傳著有洎水齋集四庫全書存目中錄洎水齋文抄三卷未列詩集是編都凡五卷第一卷當係少作第二卷乃謫戍肅州時遊草第三卷爲崇禎初赦免後入都之作第四第五則刑部罷官回里後所作也收齋列朝詩集選詩中有白門重晤林茂之一首是集未載慎言客死蕪湖綜其生平似當有江南詩草一卷此殆非全本歟然其集流傳無多玄弘等字未缺未筆當係原刻威鳳一羽亦可珍愛者也

己未臘月得於吳門因記

收齋列朝詩集竹垞靜志居詩話皆極稱道其人子履旋附見明史傳中



李遺卷

行詩

季一



貴池縣志人物志文苑本傳

李達字行季幼擅敏才為文頃刻立就天啟中遊京師取作公卿揖客時魏璫擅政達作詩又刺之卒年四十吳應箕丁煜劉城序其詩傳於世

傳

貴池縣志

李達傳

行季遺詩序

李達字行季年十二能文十五能為詩二十為諸生三十廩於庠試於鄉者凡七死之時才四十死而貧甚又無子嗣其友吳應箕丁煜劉城悲之劉即就丁謀悉從達家取其所遺詩若干首授余曰子盍訂之余兩人將梓之所以傳達者在余卒讀掩卷歎曰古文人不遇死者可勝道哉顧未有如達之甚者也達固隴西之苗裔其才雖不敢遠比太白然白四十方應詔而達已死白尚有女而達無後白名傾天子而達卒死諸生故才而死未有如達之甚者也夫才有大小而不遇以至於死則一才而死有甚不甚而期於可以傳則一然而亦有幸不幸焉其可傳而無有能傳之者則才高而名淹滅又可勝道哉此余友之所以不忍達之死而欲以其詩傳之詩傳而達為不死則達之遇猶未為甚也達才頗以敏稱其為詩文雖倉卒應酬可以立就都不甚珍惜故多亡失其存者余亦有所去取其間要期於達之可傳是則余友之所以不死達者而已同邑吳應箕撰

行季遺詩序

一

吳序

序

李子四十不遇先朝露其友人劉子城丁子煜俱以是時遭
 愆失恃從焦毀中劉子猶急索李于遺詩屬煜煜攬涕而轉
 屬吳子應箕吳子距城二百里連蹇至湖上手自排纜之大
 都刪者過半籍記者什之二三簡嚴滌濯不欺死友不阿地
 下取其足以存李子者而已嗟乎憲貧回天伯道不嗣此亦
 不自李子始冥昭膏闇夫何索求獨是李子生平氣誼我輩
 二三子交遊當時易之歿則憶焉李子家世素封至李子始
 貧有不得已貧者李子甘之獨以古文詞聲稱奕奕達長吏
 長吏時藉筆札資少許然李子擴達倨傲長吏稍慢易李子
 輒目攝之甚或形之謾罵長吏嗾嗾忿恚然以其高流時譽
 卒陽脩好以張吏術李子落魄嗜飲不以壁立廢高會猶記
 十年以往無夜不集無集不聞難連曙酒酣輒劇輒賭拳論

勝負勝者擁之堂上交椅作傲吏狀而以不勝者取古今
 不平事設兩造匍伏聽鞠讞倘妓勝則擁妓坐堂上作傲吏
 狀而不勝者亦罰無赦袒裸奮臂拍張叫動無不以李子之
 醉為節者每應省試畢事與李子盪舟蔣陵搜奇寄嘯下第
 歸始不無鬱悒然每就李子譚若局外人輒寬譬之蹠歎喜
 樂亦無不以李子為節者丙寅之歲先子忤璫實志不孝煜
 扶襯京邸李子以世交且受知先子者深偕行襄事集中惟
 北征諸什為尤工過滕陽驛讀方李兩侍御訣子思親詩臨
 城驛觀萬水部遺詩口占罔罔然哀湘弔賈其志節有可概
 見者李子具夙慧博聞強記毋論讀秦漢魏晉之書徵事迭
 難辨詰不窮即與談神仙佛老神經怪牒青州世子東海女
 郎亦復舉端竟委酬據精悉能令聽者忘疲至於行酒作劇
 以意為令使豪飲者受困而飲不升台若劉子與余亦未嘗

丁序

不陶然醉也古人有鼓琴能自造龍吟十弄者亦未足難李
 子也嗟乎人之云亡風流盡矣讀遺什徒令人思張緒當年
 然則是集烏足盡李子哉而余三人所以存李子者盡於此
 友弟丁煜序

行李遺詩 丁序

五

丁序

序

萬曆之甲寅余始交行季時余年十七行季二十有五矣自此過從無間出就試他所同舟車邸舍者再三行季性和易道廣江之南北楚越人咸與遊盡得其歡心而同郡中為所問字久者吳寬生光裕同邑中為爾汝交甚暱者吳次尾應箕丁介之煜及不佞城行季即諸生然以能詩與古文詞聲名早起郡邑長吏多致為屬草有深相知者不亦陽浮慕之故居不得寂寞也行季之為詩古文詞以敏贖自喜不加點竄余間舉古人高簡幽異者以相難行季心躋之然卒卒不暇更進蓋以家貧多酬應又率代尊官語語無情實取畢事而已獨其自為詩性情所在森秀條穎華整萃綿如集中存者固可以俟後人論定也嗟乎世之拙劣猥鄙之徒日昏墨飽噉不知交遊為何事不識初盛中晚為何稱反相率第去

行季遺詩 謝序

四

入則坐堂皇若帝釋莫不伏謁惟謹出乘軒張蓋十百輩呵呼前後辟人匿道傍家雄於貲田園極膏腴后房擁妓女又子孫衆多歲時伏臘則婦子羅拜童穉環繞勸觴滄瀧以終老而行季以彼其才竟以諸生四十死死無一子女嗟乎豈不痛哉行季十五六歲時即著有金剛頌宗門問答度世雜劇諸種歷年詩文卷帙亦大繁疊而余與介之屬次尾所訂存者止此以為此可以傳行季也已矣行季初死家人顧慮不及是余急索之乃賴其伯兄斌次第簡出然亦多亡失云

友弟劉城序

劉序

題辭

吳李行季二十八韻

吳光裕

自余趨古尚多君契獨先蓬頭排闥入短褐倚牀編虛已陳新作改圖刪舊篇貌醜奇兼古神清僻且堅意將終大就豈謂折天年涉獵三墳上搜鑽八索前力雄綴緝廣姿敏纂修全墓畫象家肖演聯種種穿才高稟謙抑意廣備周旋好客樸文史開堂縱倒顛勸酬無雅俗遭迴或管絃一從列驂乘每試必先鞭翼翼阻能采翩翩如自連河魚心腹疾二豎膏肓纏恍忽形骸羸蹉跎酒盞捐極知驚集鵬那料墮飛鷲客共駭奔電人爭悼逝川結腸賦哀些短氣問重泉典籍真餘物衿韉亦冗員窮交嗟已矣血淚故潸然梁木悲時壞箕裘更斬焉眼枯看玉樹靈盡惜柁樁韓風前棟萋萋鏡裏蓮傷心家累迫竭慮世途牽情豈分香履愛猶戀寶鈿名應同

行季遺詩 題辭

五

輩寂稿或代興傳優寒華齋月蒼涼雅社烟幽魂招不返疑問數高天

題辭

李行季遺詩目錄

五言古

懷古七首

伍胥

屈原

賈誼

李白

杜甫

蘇軾

陳亮

曉發板子磯同劉伯宗

玉溪口紀異

秋日寄吳次尾

詹子先卜居相近

七言古

觀水

銅陵縣

遇仙引有序

橋南醉歌贈某山人

五言律

丁介之家別業亭子三首

三月三日集家叔首川青蓮館二首

山家

月夜宿村邸

清溪返照

相公墩二首

大通阻風二首

謁孟廟

再過孟廟

曉發

北征行

七言律

齋居東劉伯宗

曉發因過次尾

春居二首

二日觀妓

題擁書樓

春望用次尾限韻

即事用寬生先生韻四首

五日同吳次尾丁介之劉伯宗共泛

次老龍池

慈雲閣上三首

小至日杜集溪西碎月樓別飲中諸友

和州飲州治中宅子

過岳武穆祠

滕陽驛讀方李兩侍御壁間訣子思親三詩有感漫賦

二首

過兗州漫書

己巳四月初度三首

五言排律

寄懷王子韓令公

龍口宿兩

滁州

上衛淇竹大司徒

五言絕句

踏堤女

郊行

夜聞吹笛八首

六言絕句

雪詩四首

七言絕句

即事有感二首

和新嘉驛女子三首

梅花

女兒村

海棠花

杏花

李花

夜行

經張子房神道二首

孟嘗君養士處

臨城驛觀萬元白水部遺詩口占

戊午有客從新嘉驛邸錄得會稽女子題壁詩友人傳

和之今近十年所矣偶從北上過此驛復觀此詩有

感因戲題五絕

曉行漫興

馬上作

和州風雨題主人壁

有引

詩餘十九首附

如夢令 秋思

女冠子 曉夢

好事近 夜別

意難忘 春情

長相思 憶人

玉樓春 吉席

畫堂春 吉席

鵲橋仙 吉席

如夢令 春夜

青玉案 吉席

萬年歡 慶壽

憶秦娥 憶舊

望遠行 旅夜

好事近 旅夢

永遇樂 旅夢

綺羅香 江行

十二時 閨情

燭影搖紅 吉席

鳳樓春 吉席

行李遺詩目

目錄

四

貴池先哲遺書第十二

行李遺詩目錄終

李行季遺詩

貴池李 達行季父著

五言古

懷古七首

吳伍胥

丈夫懷所志抗言非虛積為悲父與兄抱恨血凝碧蒲伏度
昭關壯氣羣為却識時進專諸從茲展石畫興師討荆服履
亡直朝夕既雪父兄恥亦酬干主策長笑卧松雲遠謝人間
跡即令報先王行成志已隔君傍有宰詎禍豈在傾國樂毅
亦解去扶眼徒相迫咄哉伍大夫終慚范少伯

楚屈原

箕子披髮晚微子抱器遲傷心宗國亡空無黍離悲商於本
秦地如何受所欺既失臨淄歡敢云報張儀君侯失其明莫

行季遺詩

唐石

非因來茲杜蘅辟江鄉不與靡靡期謠詠謂善淫貞女徒涕
淚彭咸有遺則從之亦可為遠遊既無所卜居良非宜漁父
雖至言決絕舖糟糯感魂作大招長與君王辭夫子匪孤潔
聊以申所思比干固三仁空至事周姬吁嗟懷沙日子蘭安
得知

漢賈誼

洛陽方少年抗表談時事發言老生屈太息陳所忌漢文非
楚懷何以終捐棄汨羅過長沙弔古成同類丈夫恥弗用感
慨多吁喟鵬鳥入室來主人無攸遂自甘老太傅落落羣外
吏召對僅鬼神前席非其意表餌屈懷紱空忘身使臂豫教
豈徒然不使佐儲貳無勞得冕監吳楚恣內鬩千里固可却
士空羈遠致東閣何所延而不獲奇異六禮洵未登貞女終
不字

唐李白

維揚散金日結廬匡阜間鯢鵬垂翼雲豈受羈籠閉偶逢賀
祕監供奉躡通班聞當遂初衣欣然開道顏狂醉賦清平拂
硯屈玉環君王有飛燕龍鱗安可攀長揖歸巴西四海皆可
還棲遲去京國吾道屬多艱永王小豎子胡以志區寰少時
識子儀詐不格姦頑時命故無良所在積遐愆夜郎消曉瘴
秋浦多暮援託懷在風流狎舟戲妖媚騎鯨悲屈子翳豈愛
青山

唐杜甫

子美負奇窮終身事卑棲不恥奏三禮郎官拜拾遺既騰明
主譽安知不雄飛君王懷嬖寵世道日多歧丈夫羞俛首盛
甘蘊虹霓胡騎亂天下驅馳無所歸閒關赴行在蒲伏脫鯨
鮪稚子饑且死何以慰老妻依人築草堂躑躅浣花溪冠纓

行季遺詩

唐石

挂簾釣幾為蜀中泥偉哉七尺軀歷落如行尸玄宮夙有意
客星側少微能邀身後名奈何時弗齊

宋蘇軾

眉山蘇子瞻卜命身在斗二十擅文章一發蒼龍吼初試官
鳳翔左宜右亦有先帝歎奇才需以佐元首半騷既弗遇招
尤在其口湯火看魂飛顛顛牛馬走窮海恣冥搜雪堂稱老
叟迭為長西湖清禁終不偶江空負夙望子厚亦良友翻覆
不可知况彼蚊蠅負鐵笛會仙侶世事等敝帚高文動蠻貊
蜚譽良不朽君子卜遇世豈在身為受來蘇渡尚存永康置
官柳

宋陳亮

囊有陳州養將以下所疑逸士多緣慳造物豈忌之吳興陳
同甫何以常棲樓獻賦屢不遇僮僕亦為欺慷慨客西湖椒

應事日非詩書伴獄吏落魄類燐雞偶試金馬門散處終弗
宜聖神久不作狂狷繫人思猥彼託中庸婉婉同蛾眉委順
事功名豈至慨陸離屬鏤存厥志彭咸甘江湄孤憤埃長沙
故園取同歸愁心寄明月好友戒吟詩豈驕逾垣避用貞志
不移

曉發板子磯同劉伯宗

海若掀東南新帆乘曉發下流急有聲山月升還沒峩峩露
高巖澹藹籠深樾神龍駕玉虹尾間傾不竭巨鼇頰欲窺鱗
光雲勃勃片嵐挂江心曾景翻突兀我友海嶠姿相對精神
越抗志涉縹緲竭欲陵超忽因波浣俗塵憑風躋虛闕渺子
愛遵仙移情遊依窟濯纓有長歎安能代髓骨

玉溪口紀異

溪月吐蛾眉疏星點流水隔岸火微明波動紋如徒雲碧巨

行季遺詩

三

長條霧絲橫疋綺初疑龜出游復似舟迴指須臾盪金鱗
見神龍起層層挺山嵐疊疊駕江止咫尺斷汚泥百族避巢
壘蛟蜃幻非奇惑茲適可喜蕭史馭玄靈琴高乘赤鯉嗟余
濁世塵何幸見之子惜哉鮮松膠菱芡仍彼此

秋日寄吳次尾

頰座澹秋塵灑灑露忽白側鳥息林深翻翠牽荷擎著我素
心人遠景峯為隔清賞枕亦流雅礪漱可石風徬北窗聞立
奪楊雄宅雉文絢霞晨鉛書藉雨夕此意饒相知蓬徑空無
跡緘詩叩草堂欣然馳子魄期余破寒時襟尚山陰客

詹子先卜居相近

詹子審易安驪然履我即惟德乃有鄰子也何敢必論交逾
歲時心知在昨昔出陰與吟秋物皆類相及悉索吾何從牛
耳推大一抗義敦無友擇處慎所習悠悠我里間幽蘭雜叢

棘遊將去彼土適茲臻樂國德操與龐公望衡僅咫尺亦如
駢負郭高軒勤啟席抱膝意以深占星欣遙集陶陶樂豈徒
還往數晨夕諒哉思素心於茲開三益

七言古

觀水

去年白水觀尋丈撐船入市恣來往今年之水復天高兼葭
蘆葦成泮濼湖邊兒女魚鼈同泗水無衣攀木上敗牀殘絮
逐波流甌停如欲戀菰蔣城南城北多叫號脫衣覓路援行
榜街頭穀貴黃金賤貧兒曬腹尋溪椽吁嗟何物怒馮夷滌
海奔河皆滄泆我欲登舟問所棲聽颿日入如覆掌浪開銀
漢咫尺間安知博望非懷想此湖涉濤濤瀕堆錦江濁水河
太廣龍門崑崙崙杳冥冥漁人信宿輪漁網罷屠衝峽自天來
青草年年消烟莽居人卜影悼扶桑百感無緣析應響宛彼

行季遺詩

四

蕭條腸欲枯濼梁豈為釣松鱸饑食誰應憐杜甫草堂空今
寄成都

銅陵縣

銅官紫邏深復深我來送客渡江潯江頭水長如天上蟻風
雲壑晝陰陰樓船簫鼓從中發揚帆儻忽懸然沒掉漿從之
去益長短蓬曲擢泥滑滑須臾雲過九華明已覺蓮花片片
生隨舟越渡來城下掀揭折舵浪崢嶸江邊有縣瀟湘遠柳
堤如護春烟晚寒木蘭兮宿洲莽漁歌欵乃聲朗朗汲江烹
魚問酒家懸壺半壁成蛛網茆屋階除石髮多挂船兒女在
山阿七年三渡橫江水塵甌蛙居奈爾何

遇仙引有序

往余聞家以揚過仙事心奇之蓋余少時好治稗官野史
往往浮慕郭沈諸郎君傳迫觀舟中夫人所諭成公言知

有情天不如世間兒女子乘也至家以揚所遇合則真真
矣所度嶺甚險且僻懸崖轟峭麗人徙倚前乃自道姓名
贈以詩句如柳帶草茵亦詞藻中人矣詔以夙緣語多健
繾終不及私是誠與幽趣異不可不謂之仙也因思天台
二姬止屬避秦女子張蘭英杜麗娘崔少府女輩不過鍾
情精靈彼江妃二女解珮投交甫想在當日定不置諸仙
品此可為家以揚解也因為詳其說而詩以述之

武康春闈篋發金縷瑤環情滑滑青牛道士鮮後塵老却
雲姝傍琳闕六百年來賦曠居琅函繞下帝前書寫因鴛譜
從春去敢借飄輪曳翠裾風花繡疊輕英安行入深陰烟自
鎖星姊憑鸞致勝期輪巖封壁逢孃娜愁鎖遠山春情惱贈
君新詩詩亦好夢裏行雲境更遙嶺腰對面胡草草百感無
因問玉人玄霜鸞鶴別時春偃蹇麻姑三降宅誰道相思遠

行季遺詩

五

世塵荇釵茵鈿晴山落忍令陰房甘寂寞金鈿不斷范陽綠
絳雪盈輪平陸約多君猶抱玄元骨含嬌命嘯通神窟豈受
須臾蟻夢驚紅綃不憚情為竭碧幢翻繞柳條風漢渚愆期
路不同石甃髣紗白楊長彩簫聲在翠微宮

橋南醉歌贈某山人

一水飛沉白千山含吐青但教頻使醉誰復自為醒樓頭十
五胭脂女笑歌幾拍江東去江東歸去已無春眼底偏憐歧
路貧村醪拚飲千場醉意氣何當歎隱淪

五言律

丁介之家別業亭子 五首之三

雲屋開三徑風亭隱一椽市喧宜覆掌巖削得如拳鳳蓋迎
朝爽龍鐘集瑞烟看君襟欲遠興在落花先
其二

煮茗春開座栽蕉客待題迎軒連繡谷鑿石影娥池霞尾魚
朝變風梢鳥夕移圖書生事就相過幾人知

其三

即次開蘭室尋常啟辟疆茵長石自老花小肩為香甕水翻
新影閑籠待夕陽招遊輸意氣取醉得踈狂

三月三日集家首川叔青蓮館

客裏逢寒食招遊意倍親奚囊空問主稚子慣迎賓遠志園
為友閒心室可鄰到來都有致知是尚玄人

其二

青林風漸澹紅砌雨應香狂客呼仍在名花賦不忘座空問
字滿杯自論文長投轄情何極陶然入醉鄉

山家

山家春尚淺曉作待朝暉霞氣依鋤立雲光帶擔歸村烟衝
屋早野食伴人稀自有悠然意相將飽蕨薇

月夜宿村邸

山暝烟應息林橫樹乍偏霞蒸溪氣合嵐斷夕陽連花夜雨
全奪春宵月幾圓也須忘逆旅沽酒識新年

清溪返照

日莫帆才發溪流晚住烟照餘江石盪影泛塢雲偏浦接磯
俱紫船移棹亦圓鳥歸深樹澹還看夕陽邊

相公墩二首

傍郭橫烟渡移篙勢壓橋雁沙浮澹浦漁笛響秋潮遠岸爭
垂柳幽居但種蕉虎溪應亦爾欲笑幾人遙

其二

涵鏡沉秋碧晴空接翠微湖翻過照盡航擁暮雲歸傍渚難
猶乳迴磯蟹未肥木樨香正好從此識皈依

大通阻風

計日過三夕停舟滯五松棹開風欲峭江渺路如封銅水朝
猶隔燕陰夢已濃可憐行役者目斷白雲峯

其二

搗練猶相答聞歌尚故鄉消魂蓬幾摺呼客鳥千行風雨愁
連夕圖書喜近牀筆花飛欲試久泊亦相忘

謁孟廟

展對懷先哲因風識所師太山匪峻絕夫子足遐思道路無
人國乾坤有特祠生民今已矣忍令負聞知

再過孟廟

兩度謁夫子風塵別一顏人趨卑妾婦吾道尚開關觀海愁
無術瞻峯擬未攀岱宗知不遠靈此問東山

曉發

發夕還如魯乘風又入齊辟塵緘筆第困暑坐籠炊候館猶
含夢長途盡委泥槐陰空到地無計得羈縻

北征行

北征計廿日去路向誰分戍火更餘暗雞聲夜半聞沙橫車
軸霧泥襯馬蹶雲日在風塵裏奔馳那足云

七言律

齋居東劉伯宗

江閣深居五月餘興來濁酒醉輕裾囊詩賦就頻焚稿翰草
揮成不作書却怪懷人疑落月那能共客翦新蔬為憐子政
觀書日天帝知名事可虛

曉發因過吳次尾

曉發春風到袖寒遠山多向霧中看曙難自唱疑三疊嚶鳥
頻求託二難訪戴岫雲深擁雪尋羊徑草半鋤蘭夜來風雨

行季五律

緣林薄取次新詩待葉乾

春居二首之一

閑館春愁蝶夢殘水晶簾外玉闌干新裁髮髻花紋巧乍舞
羅裙柳汁寒換却辛夷都是碧抽來芍藥盡如丹長看山霧
濃於酒坐對梅英落未闌

二日觀妓

輕陰溪上麗人家片石含情坐浣紗載酒郊原疑問柳隔林
烟樹倩尋花柔條拚折春卿手彩筆輪停學士車却笑紅顏
蘇小小郎當舞袖換新茶

題擁書樓

百城風藉苑為香露灑千家柳色長近案不懸從事牘高樓
如帶灞陵衰謝家羣從文偏盛楚國陽春調更芳久識神君
多化日空慚學士碧山堂

行季遺詩

春望用次尾限韻

青滿村原春氣薰野堤佳望得同君山連翠嶂烟猶雨石卷
銀濤暮復雲共聽鶯聲嬌欲合漫尋花色碧頻分已知澄暑
催人別誰復尊前夜論文

即事用吳寬生先生韻

浮影山園暮雨天佳人惜別載湖船池邊帶重紅房落浪裏
帆搖白墮偏玉樹自憐啼飭恨揚枝空抱夢遊緣已拚渡酒
爭花信倚翠翻疑倩女傳

其二

雲垂檣幕暈紅生文履雙停別意輕片月夜留溪水棹遙天
秋到石頭城響音遏板歌應歇私語當筵去亦情不是霍家
幽怨女望京樓上任歸程

其三

行季七律

長干只向客中望安得雙飛與作行短棹吳姬空有別明璫
洛女更無光雙蓮思為懷人遠一紙情因惜夢香露立空階
愁獨冷輕衣不是夜生涼

其四

離情漠漠幾黃昏身似秋蓬欲斷根黃雀青衣宜卜世紅梨
翠羽莫題魂水橫片岸長如嶼野曠江空半是屯知在遙天
期自遠相思多向菊花論

五日同吳次尾丁介之劉伯宗共泛

倚郭樓臺半水湄沿湖無處不歌吹翠微似月蓮花現波影
含秋柳葉垂楚賦幾人能共作郁池五日正相宜百花尚在
滄浪曲盪槩翻從日暮移

其二

放船此日弔波臣堤傍楊花別一新自是白蘇湖上主何須

行季遠詩

燕趙曲中人明璫南浦來江女文履東藩見洛神却有南陽
人在坐桃花隨處覓漁津

次老龍池

歸棹常愁風雨橫停舟初見一天晴半函離樹排烟晚幾點
疏星入水明削削寒巖泥帶雪闐闐春鼓夜收兵坐深欲向
池龍語定鉢安禪制未成

慈雲閣上

堤垂綠帶裊清烟梵部飛花散近筵敞閣誰懸獅子座狂風
不斷少林船吒神空豈人天眼海若殊無方便緣舊與滄浪
為眷屬何妨沽酒白雲邊

其二

幾年常駕白牛車老初招搖處士家憤與長楊參古佛喜將
流水當頻伽彩燈光度琉璃盞玉鼎香分穀雨茶運筆苦無

孫恂韻不須作賦點輕紗

其三

龍女珠光響夜潮紺樓慧炬舞紅綃江邊瑤柱還如戰水底
輕舟也自嬌說法上方隨月印談詩幾日樹雲標久知泡影
無歸著誰道青山笑折腰

小至日社集溪西碎月樓別飲中諸友

問渡溪西烟半遮虛樓佳集倚雲霞山憐杯色和嵐入水惹
詩情趁浪斜此際別離惟待月明朝聚散但吹葭清歌細聽
懷應滿旅客徒勞覓去車

和州飲州治中宅子

楚逐征車試蒯緱遇逢下榻遂淹留尊前柳葉傳謳曲暮裏
蓮花送酒籌前路鶯聲催去晚當筵燕語向人幽青衣典座
情何限不盡新豐旅客愁

行季遠詩

過岳武穆祠

武穆祠堂忽在茲臨風一拜香難期即今羯虜窺關日正是
忠臣報國時眼底飛符傷燕臂頭續字泣寒鴟非關丞相
持和議恢復無心君未知

滕陽驛讀方李兩侍御壁間訣子思親三詩有感漫賦

二首

臣罪當誅主聖明檻車何事更關情覆巢無恐無完卵砥礪
盈能問服耕萊綵娛親原快事楂梨育子有深盟王陽當日
應如此豈為羊腸歎未平

其二

讀罷三詩意慘然孤臣無地可回天昔年魂斷東門犬此日
情傷北路鷓鴣叱馭歸來成往事乘車久已識高賢城南湖外
烟霞侶一曲滄浪趣自仙

過兗州漫書

折從魯國望松楸吾道東南意自留却怪是非期日月翻教
裘鉞負春秋景臣半抱詩書怨修士難為禮樂謀解說聖明
嚴學禁蚤輸伏臘付尼丘

己巳四十初度漫賦 五首之三

十月十四余生時顧影徒憐瘦不支闔裏爭看傷老大眼前
猶復慨支離花枝漫折頻傾酒橘葉閒拈賦詩莫道無聞
增自魏小山叢桂正相期

其二

困頓風塵二十年依然經術試青氈時將應寒風玉管忻題
草麗日銀袍幾着鞭藥裏關心餘白骨蘭津拭目寫紅箋科
名自昔能無負温飽何須詫孝先

其三

行季遺書

年來四十病經旬尚憶提戈取印辰公序前名錄尚齒武侯
建業自先臣螭頭可對三千字馬上應看第一人獨是沈郎
驚太瘦珠簾指點笑聲頻

右三詩為行季絕筆時已嬰疾此後不復詩矣劉城記

五言排律

寄懷王子韓令公

玄尚從揚宅龍登盛李車擁樓偏藉草選勝羊攤書席奪梁
圓重門欣魯國餘豈令虛發篋肯使漫歌魚莫北羣靈空河
東賦未疏柳應千道濯花向百城舒已是鸞為鳳誰教穀伴
樗題山新下璞慎水摘方諸聲采爭雄孟才華舊愧徐驟聞
收駿骨遂致雜拼摺座點陳公榻旌輝段子廬感懷均在望
誦政錦翻如玉鏡高秋見金燈曉月初庭閒青接案野曠綠
衣鋤利器緣根試屏書待日除陽春歸好令樂事接環滁鵬

翼垂鳩決鶯遷弗鵲居拊心知己已去獻納愧凌虛

龍口宿雨

暮雨漲前旌長塗欲倦行渡橋苦板滑策馬黯雲橫濕履還
侵襪泥裳却繫纓宵驅愁盡重卜宿喜人迎座滿乾蘆火窗
飛瀑布聲魚添村裏味酒度客中情篋鼓知春賽山鳥慣夜
鳴竹寒稍灑玉松老籟吹笙星斗疑為幻陰晴苦未明移文
偏絕雁壯志若吞鯨落落悲塵劫勞勞歎此生

滁州

聖主龍興日羣雄逐鹿年高城聊駐馬長壘頓投鞭甫下和
陽郭旋麾采石邊東江爭納土南郡竟開天鼎定秦淮勝基
培毫汝先圍人雲錦遠爪士日旌懸即此無疆算還同周歷
綿

上衛淇竹大司徒

行季遺書

輿圖開版部支計重民曹瓊海憂持克清時簡譽髦標姿雄
夏日裁務折秋毫但使平箕斂何須試寶刀會府原儲相洪
都舊擁旄阜震嚴黜陟素計積勳勞蜀國文多古夔城士有
豪準衡先管仲銓鏡待山濤折節頻懸榻敦敦賢數設醪感懷
予落落發篋室嗷嗷霧使終淹豹彼臣未縱龍何因御下權
遂爾受殊遭握管慚麟者題門愧鳳毛馬文誰薦似牙聽獨
稱高雅道欣相賞還看第一褒

五言絕句

踏隄曲

麗水開明鏡朱題敞畫樓誰家嬌玉勒疑是弄珠遊

郊行

柳暗蟬如咽湖空澗且多小橋村樹裏烟雨渡長河

夜聞吹笛

庭槐移夕影獨夜聞吹笛家住大江南關山響蘆花

其二

笛風向夜清宛轉諧工尺試問異鄉人今夕伊何夕

其三

聞笛當深夜淒清動四鄰垂楊零落盡欲折與何人

其四

金錢子午花琉璃落殘火正是夜深時懷人當庭坐

其五

風光將去夏律呂向誰吹尚有梅花落傍人那得知

其六

多少別離船已入故鄉水聚會各為筵何處聞宮徵

其七

聲聲歸江南夜夜他鄉伴轉調怨紅鴉去日一何短

行季遺詩

畫

其八

強取夏雲怨翻作思歸引笛聲向夜闌愁心不俱盡

六言絕句

雪詩六首之四

玉蕊翩翩如碾梨花零落無香繡闥開明鏡壽陽點破新

妝

其二

豐卜何須牧夢雪華寒臘齊飛優渥私聞慶語今年幾度霏

微

其三

澗水欲流且止石橋斜傍人家卧雪不須頻掃甕邊膾有魚

蝦

其四

曉色擁衾欲起香風一陣飛來莫是梅花傲雪氛氳又到瑤

塔

七言絕句

即事有感

見說藍橋即玉京每逢停處隔雲英渭塘拚是迴佳夢羅襪

新香半面生

其二

露挹芳塵態欲仙偎香幾度倍生憐自知學士關西約贏得

朝雲半世緣

和新嘉驛女子詩

紅委東風翠委塵抱衾難認舊時身無端薄命樓頭侶悔逐

飛花嫁早春

其二

行季遺詩

畫

孤枕空甘別夢遊可憐入夢亦悠悠已拚啼惱長為日况與

兒郎逐轡頭

其三

女子風流知屬誰風流千古却成悲行人莫向新嘉壁辨取

題詩引淚垂

女兒村

晴山春半踏春痕無路桃花待叩門未有瑤漿并越浣蘭珊

輸却女兒村

梅花

羅浮清夢月遲遲粉腕綃裙別樣姿欲覓海棠邀作聘蕭條

尤恨不同時

海棠花 二首之一

指顧風塵越玉堂殷殷春色趙家妝久拋過兩胭脂濕花惹

游絲白日香

李花

淡染春光春自深一行紅紫任浮沉羞將顏色從人點曉月
依希映素心

杏花

春花長帶日邊紅曉色當簾瑞欲籠倚醉題詩君亦解杜家
詩賦杏村東

夜行

征塵和月影珍珍耐可離情話未酣作客有懷愁是睡儘教
無夢到江南

經張子房神道

子房年少推秦日猶是英雄氣盛時圯下老翁呼進履素書
早已識心期

行李遺詩

五

其二

赤松黃石紫芝翁少伯長源識自同却笑武侯空盡瘁將星
零落泣淒風

孟嘗君養士處

當時任俠尋常事食客三千安足云為有歌魚空抱缺令人
還憶孟嘗君

臨城驛觀萬元白水部遺詩口占

水部遺詩與自豪抗章身復等秋毫壁間錦字尋常在化作
虹光百尺高

戊午有客從興嘉驛邸錄得會稽女子題壁詩友人皆

傳和之今近十年所矣偶從北上過此驛復觀此詩
有感因戲題數絕

昔年曾為和新詩此日還從壁邸窺賸有行人憐命薄飄零

那用怨蛾眉

其二

淒淒愁色伴松風話到癡情淚亦窮但使蕭郎能解意傷心
原不在河東

其三

凝黛含啼強自寬月明花影攬闌干庭前若有崑崙伴學取
青衣去不難

其四

慧心何事竟成虛枉惹閒愁夢斷餘不是昭陽深閉處人間
原自有相如

其五

每愛山陰道上行西施石自浣紗名會稽女子如相見取次
新妝待我成

行李遺詩

六

曉行漫興

去路遙遙無盡期夢回千里故鄉思簾前曉月明如此記得
城南夜泛時

馬上作

舊是粗豪馬上郎吳姬喚酒任踈狂鴛鴦無語藍橋遠何事
揚鞭取路長

和州風雨題主人壁

丙寅夏五偶從友人北上忽以歲試云迫僕僕從馬
頭塵歸勞悴交集踉蹌二千餘里行至和州風雨所

阻欲渡不得因拭塵題壁書罷為之一歎

年年下第泣鶯聲處處羈遊斷雁情夜月不明鄉思杳渡頭
風雨暗相驚

行李遺詩終

貴池先哲遺書第十二

李行季詩餘附

貴池李 達行季父著

如夢令 秋思

院靜曉鐘聲杳枝綻海棠紅繞寒柝振高城報道秦淮秋曉
啼鳥啼鳥一枕鄉思破了

女冠子 曉夢

杜鵑啼候枕上情人釵溜合鸞儂握手添歡笑搔頭露款柔
乍驚還乍愛何事更含羞夢闌纔知曉那勝愁

好事近 夜別

殘醉避人迴執袖殷勤共語惹得遊絲飛亂尋連妝鴛侶
忽驚夢破打門聲好事成辜負啼鳥綠楊影裏修喚僕歸去

意難忘 春情

香漸紅英恣遊蜂戲蝶燕燕鶯鶯柳風千片綠烟樹一林青
行季詩餘附

懸寶瑟響瑤笙

拚沈醉遠醒妝閣前慊慊瘦怯無限春情
知音久隔雲屏怨佳期未偶孤負朝迎朱扉慵盡掩白日夢
頻驚思黯黯恨盈盈憑誰欲寄聲怕侍兒亂傳消息宛轉愁

生

長相思 憶人

約頻頻望頻頻擲碎瑤簪恨轉響情親夢未親 憶黃昏到
黃昏不見人來重倚門淒其欲斷魂

玉樓春 吉席

絳臺銀燭和香照管倚重籠寒欲峭瑞鶴雙停文履來滿庭
明月歌聲鬧 瑤簫一派風光好漁郎已放桃花棹為君歌
取玉樓春宜男玉燕懷中抱

畫堂春 吉席

彩仗春臨鳳欲飛玉簫明月依依妝臺初下步輕微翡翠雙

行季詩餘

棲 藍水瑤漿遇合武陵花徑芳菲良宵歡笑漏聲遲瑞靄

門闌

鵲橋仙 吉席

彩雲度鵲瑞烟籠帳報道今宵勝事燈前看取兩玉人便識
得鸞交鳳侶 星娥翠幌仙郎瓊瑛窈窕知為誰是歡娛並
在少年時應早見麟書燕喜

如夢令 春夜

門倚雕欄夜永獨睡寒燈挑盡桃李峭無言風雨飄搖不定
花影花影拾得春愁一枕

青玉案 吉席

瑤簫錦瑟和春度更看取行雲駐香車穩載凌波步鸞翹鳳
髻翠鋪鴛綺屋舍黃金鑄 珮聲蚤伴鳴雞曙彩夢應知成
繡句試聽流鶯啼玉樹宮袍花袖天街駟路奏却仙郎過

萬年歡 慶壽

珠月騰輝看祥雲瑞靄錦花齊簇鶴駕鸞翎幾處香風馥郁
報道君家仙籙是百歲蟠桃半熟壽觴度別有風光火棗交
梨黃曲 飛觥未足寶筵多前詞並致重申返祝石葛綿連
應是年年初服更想蘭階新綠繞膝自充間金玉且安排籌
海弓裘占盡人間五福

憶秦娥 憶舊

寒風削驅車翻恨征衫薄征衫薄流水畫橋霜林亂籜 尋
源着眼前人似章臺約章臺約柳色依依離情太惡

望遠行 旅夜

萬斛閒愁連夜疊常則厭厭待覺傍來敲枕勝却孤衾受用
悽涼寒峭東盡霜枝楓落欲歸不得偏逐長鴻斷草悵遊魂
番入深閨夢繞 儘教漫數更籌徹曙拚夜長和愁睡了思

行季詩餘

行季詩餘

縷千條腸迴九曲形影尚堪相弔耐可冷風浙瀝烟城寂寞
已是日長又到更一刻惺惺添愁多少

好事近 旅夢

寒月影飛瑤入夢春生旅被一曲琵琶暗度作行雲伴侶
應知原在武陵溪漢渚欒橫翠水泛漁郎棹近看桃花風起

永遇樂 旅夢

月底風微樓閣靜銀缸影落悶擁衾鋪薄棉慢展早已緣
蕭索遊魂巧惹夢雲情緒忽入錦屏繡閣遇雙鸞花姨星姊
兩把良姻寄託 求凰正奏逐燕非約好事紅牽翠幙杏苑
仙郎探花年少肯把人孤却吹簫解珮瑤漿不遠料得玄霜
如昨知則是百花橋畔鴛鴦解着

綺羅香 江行

坐賸閒帆推殘柔櫓斷渚日橫蓬底幾疊寒衾望月生憎不

行季詩餘附

十九

寐卷銀濤空帶潮來聽玉笛翻添歸思最無情江畔風師迢
迢不為征人計 慢悔當初輕別枉有臨歧語曾牽衣袂隔
在天涯兩處相思誰寄觀燈花夜永則除是好夢強留人睡
無可奈夢又不成睡甚閒滋味

十二時 閨情

夜光微片風孤岸颯香偏含愁住問烟樹屏山江南千里人
知何處落月清懸疏星斜映曉影逢邊度朦朧際覩面多情
握手相逢細把離情訴與 又誰知當時一別轉眼小春閒
度良夜空長冷落半牀已如許怕人知相思應是常隨歸路
繡帳前大嬈欲起却是一般心緒暗恨檀郎名權利鎖兩
把人擔誤計一年好景半載繁牽人苦

燭影搖紅 紅吉席

玉律春回雲和法曲聲初起庭前瑞靄擁霞綃座影紋為綺

行季詩餘

萬文明光燭裏布青練華闌彩祀人間此處左帶瑤池右環
翠水 咫尺瑤臺香車簇處新妝美珮環響映鳳簫鳴瑞結
燈舒蕊况是班慶濟濟捧鸞箋前詞燕喜他時履慶杏苑殷
殷桂枝繫繫

鳳樓春 吉席

梅雨徑生妍積翠惹芊好音傳嬌鶯瑞鵲一庭喧錦浪裏浴
雙鴛料得佳時佳麗景正人月齊圓 喜妝前彩映雲軒文
綃綺縠鳳髻鸞細琳瑯雜珮翩翩篝燈伴讀懸仙郎從此更
誰先玉樓金勒看取狀元

行季詩餘附

二十

貴池先哲遺書第十二

李行季詩餘終

行季詩餘

行季先生遺詩一卷附詞十九首詩一卷見縣志藝文詞未
載先生諱達字行季府志作行可誤也文苑傳稱先生幼擅
敏才為文頃刻立就天啟中遊京師恥作公卿揖客時魏璠
擅政作詩文刺之卒年四十吳應箕丁煜劉城序其詩傳於
世曩讀樓山堂集嶧桐集見吳劉兩先生作序已想見先生
之學行求遺詩而不得今章半湖待詔專文寄自里中云在
高田於李克庸上舍士銜家書架上所得亟為傳之宣統丙
辰九月十有七日縣後生劉世珩謹跋

行季遺詩跋

主

行季附跋

秦

齊

怨

秦齋怨小引

蓋嘗肝覽今古緬思往昔若將想見其人者宋蘇文忠公
恆擬名書室曰蘇齋已竊念青青一子矜未知稅駕何日
輒欲追步子瞻不幾搶榆枋者希垂天之飛乎低徊焉弗
敢者久之去年天台泐師降蹕余家余叩問往世因緣師
云在宋爲太虛秦觀余心獨私自喜也生平讀東坡書如
歐陽率更坐卧索靖碑下不能去夢寐中幾欲一恍惚之
不可得而前生迺獲與魯直晁張追隨於琴樽杖履之間
且甚久人至哆稱之爲蘇門四學士之一也豈不幸哉遂
名室曰秦齋於時秋也貧之苦秋爲甚悲秋之辯亦曰貧
士失職而志不平婦又卧病藥餌所需簪裾之屬靡子遺
矣愁眉相對聊以韻語自遣耳故作贈婦貧病詩亡何遭
荀奉倩之傷又作悼亡詩十韻不止而又百首悲秋未已
而又哀春孔子曰貧而無怨難貧而無怨猶且難之又況
於死喪之戚其能無撫膺而太息歟故貧病怨之始也悼
亡怨之終也總名怨云

崇禎丙子仲春三日天寥葉紹袁題

秦齋怨引

一

孩藐而卒瘞惟子母之相弔共形影而嗟痛霜葉飛兮嚙

葉霰雨零兮甘荼懷義方兮靡慝掖小子兮周塗殫熊丸
兮蓼辛歷冰稜兮蕙苦幸匪戾於聖善陪金閨之簪組辭
北闕以陳情希奉輿於潘圃賦陶令之歸來僅四載其將
五承菽水之歡娛率婦子而綵舞愴陟岵之蚤哀慶期頤
以將母胡昊穹之凶毒奄降割於倚閭繫余躬之積辜憫
泰撫而歎歎私自悼兮違及鮮民生兮死如卷菴刺心兮
徒拔斑筠染點兮無餘祖士言之孤貧更安奉母而爨諸
金翁叔之見畫祇爾泣涕而拜歎亂曰珠爲宮兮玉爲臺
翔霞霓兮遊蓬萊天垠曠瞬兮迷紘絃子思母兮空血淚
之生苔母思子兮曷不乘彼飛鶴魂歸來 葉紹袁泣撰

此雁哀引

二

秦齋怨

午夢堂全集之八

吳江 天寥道人葉紹袁 讓

乙亥秋日贈婦貧病詩十首

獻歲夾鐘應律亡我次兒兒配未婚矢誓靡慝天桃將
華標梅未暨遽歌汎柏之舟言駕秣薪之馬人孰無心
不傷斯感北堂一慟南曜掩芒啜其泣矣何嗟及矣旋
又孩抱幼子摧芽隕茁迭遭異變境會慘毒內人因嬰
嘔血之疾昉於徂暑爰暨仲秋子焉在床蕭然斗室寂
寥屏規感百其憂而迺藥餌所需非參罔效貧士辦此
苦逾餐藥德耀之釵柴荆少君之裳短布業已費去未
遂霍然詠閉門高枕之詩但嗟肺病誦萬族孤雲之句

秦齋怨

一

祇切憂貧况夫秋風最悲愁人善鬱霜花照雨白酒澆
燈露葉啼風紅蕪入幙無聊之中漫賡前韻癸酉有彥貧病詩
先贈婦無假平原之篇徐悱與內匪待青陽之想稍以
消遣病懷排釋貧况也

柴門恆似北門貧碧簾寒香鎖病身卻怪病如秋塞雁直
教貧泣織綃人龍丘煙壑貧閨士鹿洞書床病女臣回首
昔年貧病日夢風霞月一簾新

燕子憐人病也飛紫花貧發舊荆扉貧無仙藥成黃白病
有禪那證是非好待病康須戒腦漫隨貧活莫生違西風
一夜貧窗雨疏箔先應掩病幃

阮郎貧疊碧山重病裏童丸恨未逢團扇篋塵封病月流

黃機澁開貧蛩辭貧桐葉飄乾并惜病菱花想舊容正是
病貧心似結藕塘初落白芙蓉

巧將婦病更貧予風雨瀟瀟一做居寶錦夜涼貧未織秦
釵人在病無書神丹病寶三年艾幽曲貧賡九月樗貧促
羅衾今夜薄莫教病狎素屏虛

林下清貧道蘊家因風飛絮病交加病縫芰服同中隱貧
搗黃根攝有涯絡緯梭貧霜漸滑芭蕉心病月方賒紫蕭
病後無消息且耐餘貧看菊花

感病眠愁故不消窮秋貧語怨聊聊瓶花供笑貧相慰本
草尋方病益饒病絨衣箱拋鎖繡兒貧畱裙縷賣香燒女
卿卿莫更傷情事貧病誰憐此一宵

秦齋怨

二

藉房凍紙弄貧涼布幙猶嫌病怯當荳莢煮湯聊病暇茶
壚添火即貧忙消貧幸有兒詩句診病須推脈躑陽總爲
病貧榮悶緒碧煙白霧兩蒼茫

病祟緣多日日生粧臺貧似一銖輕樟梳膩褪貧奩淨松
枕脂香病影清病向傷心存瘦骨貧因知命破愁城少君
故自甘貧隱病甚空慚鮑子名

嘗將涕淚葛衫侵貧屋悽涼慘病陰去歲病連今歲發今
秋貧續去秋深貧追護背疊空恥病摘蘭芽夢不尋卿病
我貧人莫笑古來貧病幾堪禁

貧悶年年悶不休病來更莫逾今秋元因病劇憎貧苦益
軫貧窮起病愁卻病色空俱渺渺長貧仁義但悠悠慘悽

自昔傷秋月惆悵孤雲水上浮

內人病甚未即起色藥餌看視之暇為兒輩點定房本
都成悶况鬱鬱掩卷又復情緒索然庶幾愁吟可以解
之再作代答十首亦當枚生之發也

三十年來總是貧嫁時衣賣病隨身嘗嗟病境傷前事獨
閉貧閨對古人貧裏光陰歸子女病中圭匕按君臣無端
一病添貧惡菡萏開殘稻黍新

弱比銀床病葉飛蒿廬貧掩薜蘿扉貧誇知己常親慣病
愛依人不解非悲愴近來因病遣心情強半為貧違如君
貧室真堪幾况復淒然侶病幃

秦齋怨

三

朝貧氣滿秋蛩十年宦海稱貧士八月宮湖鑑病容我病
欲慚黃菊影君貧豈礙集芙蓉

芙蓉貧悄正如子寥落秋風病獨居師泐肯垂回病訣女
清可有療貧書貧慳雨露空甘齋病飽風霜自曲樗不忿
朝來聞喜鵲病魔貧鬼幾時虛

病噴椽橐問鄰家貧累相牽悶轉加自有愁腸貧伴侶至
今淚眼病生涯藥鐺病煮黃金貴米飯貧炊白玉賒莫訝
貧齋最蕭索病餘還剩一庭花

盈盈秋色綴貧消紙帳流光病不聊病韻漫拈慈筏印貧
心遠映石泉饒安貧苦節從儒受祓病靈符拜佛燒但願
病今旋釋去與君貧夜即良宵

西風人病橘橙涼蟋蟀哀貧叫莫當舊感暗遷貧在再新
愁無賴病勿忙病懷驚病悲貞俠時七兒配貧日移貧度
夕陽觀此百端交集在一床貧病兩茫茫顧家女病

積墻蔓草護貧生懶拂圓冰試病輕病骨峻嶒疑木槁貧
蕭淡泊覺塵清孰貧故冷春明夢怯病虔飯毘舍城為問
梁家婦病否布荆貧助五噫名

病枕橫陳曉夕侵貧簾斜蒜掛疏陰自憐情性貧偏合故
道膏肓病入深聲咽病簫腸九斷七樹埋貧玉恨千尋七
秋來已是經貧苦欲採茱萸病不禁

秦齋怨

四

紅葉飄零病未休一枝貧不奈驚秋貧當束手誰無怨病
到中年况是愁細雨殘燈摧病老晴江落日照貧悠何時
病起供貧話剪燭同君拍酒浮

余第五子世儂年十二歲見余貧病詩欣然欲效為之
和前後兩韻時中秋前三日也母病中亦為解頤憐其
蚤慧九月母亡君晦來哭痛定之後余以儂二詩出之
君晦甚為歎訝然怪其語語俱似哭母識也余迺盡然

若夢初覺小兒臆中鬼神已先告之歎今附於此一字不改
病雨飄來與淚飛貧時蕭瑟對柴扉青山碧水原貧是
綠樹紅花豈病非去歲貧光今復又朝前病景夕相違

秋風半冷貧家况孤月疏窗映病幃
病也何緣戀不休貧腸半斷又驚秋貧拭落花花亦淚
病看飛鳥鳥多愁貧屋獨居常寂寂病床高卧自悠悠

回首半生無復望，恨將貧病了塵浮。

朝前病景句與回首半生二語真是哭母先兆

代答十章內人並未及見詩成婦死，摧愴如何再用前韻爲悼亡之哭。

悲秋無奈庾郎貧，况復西風殞病身。白日三麾成往事，青田一去不歸人。橫釵隱失綦巾婦，煒管僂增翠翟臣。哭向高旻何處是，愁嵐萬疊裂開新。

江鄉日澹午煙飛，漠漠簾櫳自竹扉。碧嶂莫天人獨去，紅亭楓月夢俱非。數行雁逗珊瑚迴，三峽猿遲珮影違。最是傷心共誰遣，秋燈清夜一蒿幃。

秦齋怨

五

腸新逐雨牕蛩蕭，條家在徒遺壁恍惚。人存擬畫容西海，無鱗堪煮角蟹膠。那得續芙蓉，三十餘春爾共予。死生一夕兩離居，茂陵異日終無誅。上郡何繇再寄書，靈韻忽疑飛入月。天年恨不學爲樗，追思繡帳香篝夜，碎盡肝腸也只虛。

春飈吹散野人家，風雨重陽慘更加。夜夜明星猶自爛，滔滔逝水竟無涯。床空繡被連香捲，裙簇金泥問術賒。一寸相思一寸淚，斷紅飛上杜鵑花。

菰鏡空圓薜彩消，粧臺人去若何聊。女郎石冷三生短，妃子琴悲兩淚饒。玉匣埋香雷骨鏤，紙錢烘酒對靈燒。敲欄今夜芭蕉雨，銅漏聲聲逾百宵。

風欄雨榭日淒涼，慘境於今我盡當。幾待雷衫啼血澣，一回見影眼花忙。珠哀秋鳩猶金谷，鍾怨寒鴉自景陽。誦典參禪俱是誤，九原誰料驟茫茫。

音容宛在已非生，猶掛流蘇素雪輕。祇有斷鴻知我苦，暫將明月仿君清。羅衣袖裏思荀癖，纖手脂香憶管城。翻到銀光箋上句，彩雲飛散僅傳名。

辛楣畫永暗塵侵，風弄牕紗送夕陰。簫管有情垂脈脈，香籠無伴鬱深深。嘗思語笑期相閒，忽憶芳華更莫尋。回首可憐殘歲月，無家無室淚誰禁。

絲鬢情多悼未休，曲終湘瑟九嶷秋。緣慳獨漬鴛衾淚，命薄真成鳳穴愁。楚國無香魂不返，漢宮有草夢還悠。黃童昨夜新啼哭，剗盡枯心噴血浮。

秦齋怨

六

楚中周元孚悼董安人少玉詩云：愛子可知還繼母，思妻况復是貧家。妻亡而貧哀莫甚焉，感念斯言，愴懷不盡，仍用前韻再賡十章。

君去惟留我獨貧，平津雄劍歎孤身。玉簫何日重偕爾，紙帳今朝一旅人。共識蓬山鶴有主，欲通弱水雁無臣。低徊漫落襟前淚，灑向青燈夜夜新。

明光一操雉朝飛，九月梨花雪映扉。檢點塵奩梳櫛是，徘徊荒榻枕衾非。青閨梵葉香初歇，白日淮仙願已違。未訪營陵海上客，但嗟潘岳仕空幃。

羽車一去隔千重，哭斷黃昏再不逢。身似捲殘春盡絮，心

同叫碎夜深蛩畫羅階下誰看月湘竹簾中好掛容寶曆
暗消芳鏡掩薰籠欵冷碧芙蓉

堪傷寧有過於予半世拚將付曠居貧賤更誰同意氣憂
愁獨自卧詩書雄心灰盡吹難焰世法緣辭任作樽回憶
相期幾許話忍令綠髮頓成虛

傳聞蓬海是君家偶到塵凡謫暫加女作修文歸帝所室
無主饋似天涯佩環聲去淩波杳膏沐容銷樹草賒惆悵
臨風一慟哭江干無數落蘋花

誰把藍田玉種消畫眉臺上月悽聊花憐故影時時度塵
愛空廊處處饒有淚不知頻自滴無言祇是烈如燒燈前
兒女樽前酒難叩仙局共此宵

秦齋怨

七

鷓鴣啼老蓼阿涼萬拍胡笳也未當但憫新愁人共慰那
知舊事自思忙寒衣無復憐夫婿荒草從今不載陽流水
高山成絕調白楊青塚最荒茫

破鏡鸞孤萬感生開箱空驗羽裙輕典衣券雜遺詩積賣
珥匿餘蠹粉清淑令青春畱素幙高情白雪映寒城浮生
五十猶慳四那論他年道蘊名

初驚三伏病相侵忽墜殘秋蜀魄陰半夜夢摧孤枕溼終
宵愁送一燈深爐香猶是雙鬟熟繡帶誰教小婢尋偏有
黃花殊不解低枝婀娜似難禁

蝸場我亦自甘休祇奈殷貧對獨秋欲覓琴書先引淚忽
看花鳥又供愁青天不惜瓊瑤折白髮誰捱日月悠想到

來生重見處或堪舒悶兩眉浮

再續七言絕句 一百首

竭來無處不淒涼風景依稀盡可傷秋色那知人正苦故
飛紅葉入愁觴

夢半驚回漏點遲燈花落盡淚痕滋青羊城上三更月高
掛秋宵照別離淵師云亡婦卽秦太虛夫人同居青羊城也

博山銷縷畫屏虛雲笈香畱艾席書檢盡殘箋數行淚遺
文應奏女相如

藥珠宮召謫仙才最是傷神奉倩哀螺黛不描眞散朗元
非脂粉隊中來

悼亡無奈更傷貧四壁蕭然但鎖塵畱得龍盤虛玉貌從
教哭殺畫眉人

秦齋怨

八

眉前夫婦膝前兒一處心情一處思欲驗斷腸人不見試
看雙淚落千絲

米鹽瑣屑更如何我待無心聽自過但恨繡幃花月夜清
燈誰復照雙蛾

生來性癖是耽香襦素先薰醜面粧猶剩水沈光數片燒
成心字訴高蒼

恍惚當時桂葉初翠鈿春掠黛煙梳而今三十年間夢蒜
影空餘霧箔疏

粧臺明鏡碧籠紗徐淑才情亦不誇一自紫簫聲斷後半
庭荒草伴梨花

草色依然送夕陽芳魂渺漠不還鄉
閒階露白啼螢冷風月平分各斷腸

瞳矐初日映牕明一檻寒光碧簟情
繡憶纖紅何處去薰籠斜倚綠紗橫

尋思黯黯獨潛然金縷香飄暖玉煙
猶記畫欄微步處海棠花下是今年

處處傷心事事非遙天風雪欲何依
殢人惟有黃昏在哭盡殘缸漫掩扉

百念俱灰淚未灰小廊閒立影徘徊
秋雲故作無情色片片東飛更不迴

空床香滅枕虛陳綃帳花寒繡履塵
滿院落英斜日晚秋霜零後更無春

秦齋怨

九

簾簾蕭蕭似昔時疏香閣外響參差
三年灑盡千行淚又灑千行染舊枝

楓葉江山楚國天數聲砧杵送嬋娟
瀟瀟半夜離亭雨溼盡閒花是惘然

玉釵燕去杳沈沈井內銀瓶可更尋
拋得鬢絲潘岳在翻教我賦白頭吟

暫開松楸看青天徹夜清光舊閣前
君去廣寒應說與願今明月不須圓

寒鴉日落盡思歸看盡鴉飛祇淚揮
我亦欲歸何處是半廊暝色一空幃

廊暝色一空幃

暝色蒼涼正慘淒空梁又落燕巢泥
無聊再到中庭看雙雁橫飛竝過西

聽罷荒雞天未明幾番揭帳曉光輕
那知今歲秋燈夜別鑄銅壺了一生

夜深忽夢覩清輝兒女歡傳識母歸
醒後尋思悲欲絕斷鴻何得更還飛

澹姿閒雅映人清冶袖撩花蝶也驚
風度卽今還似許那容白髮鬢邊生

梧桐葉落井床寒日色猶憐似舊看
爲語繡簾人已去莫移愁影上欄杆

自古佳人薄命多如君命薄更無何
貧中歲月愁中況又向秋江逐逝波

秦齋怨

十

振地西風萬木號布衾夜冷念兒曹
髻髻短髮雙雙哭寸寸肝腸落剪刀

兒寒無母向誰呼白布衣衫問老奴
開取遺箱和淚看線針曾否在還無

典盡春衫強自支窮愁聊寫在新詩
今宵細把從前憶笑靨曾開亦幾時

文章詩酒對相看家計蕭條日共攢
從此孤雲無定泊荆釵匣底劍芒寒

瑟瑟悲風捲白沙總帷宿火半欄遮
無如今夜牕楞紙括碎愁腸作淚花

碎愁腸作淚花

繁雲零雨黯淒陰小院深簾凍色侵瑤管清琴自空屋可
憐昔日萬重心

一盃魂燈磬一聲侍兒添火進瓷罌半杯淡酒供靈座遮
莫沈沈自五更

蠟燭流稀淚不稀漫漫長夜雁雲肥一聲叫落西樓月可
是魂飛是雁飛

夢裏分明見欲真爲憐多病舊時身暫來簾下呼湯藥驚
斷黃梁拭淚頻

繡榻長簾寶絡青未能免俗爲資冥囊無鵝眼文錢在賒
倩山僧拜佛經

拜罷華嚴施食回半鑪明滅紙錢灰淒淒斜月魂歸否落
盡西牕磬口梅

秦齋怨

二

二

曾向京華怨別長每看征雁憶還鄉如今已作無家客卻
怪南飛爲若忙

銅鑲小鎖鎖房門金薄誰移夜月痕更是相思難見處晚
粧籠下舊溫存

荻簾朝掛曉屏開菱鑿何曾玉作臺但愛清香消粉黛又
教睡鴨貯寒灰

素質天生窈窕心冰如爲骨玉爲襟堂前慣識姑嬈性遙
想今宵好共尋

荼蘼香冷竹枝愁薛荔墻西桂樹幽護背已枯連理折遠
階於邑爲誰秋

落盡寒花一片雲白雲曾似素羅裙紫薇簾下深深月何
日重逢再見君

石竹屏邊水半池牽牛花發晚霞時自憐不及池中水猶
照欄花竝蒂枝

寒飈亂小庭西細雨濛濛入望迷幾遍尋君慰岑寂數
株衰柳一鴉啼

蛾眉難贖漢宮春香跡輕綦冷砌塵偶到山茶花下立不
知身是哭花人

音容雖往事如成玉珥金鈿更不論祇是梨花舊蝴蝶也
隨飛葉怨黃昏

曉夢初回柘雨乾殘燈無賴半闌珊僧來鐘磬催人起又
說三年并薦鸞

秦齋怨

三

三

瓊章今日是三週君向當年哭未休環珮又歸何處月漫
教我獨淚盈眸

中夜椎心待叩蒼無情衾枕有情狂三生石上因緣淺負
卻金天一炷香

槌珠不惜夜光捐破瑟分開十二絃零落舊時紅錦帶一
齊俱欲送殘年

鵲血啼斑萱草深秋山無夢入幽琴金徽落卻難調響誰
會明光此夜心

十間房鎖九間空玉珮珊珊聲杳碧櫳千古至今人不再茫
茫歸鶴幾遼東

半黃禾黍半高低衰草殘花自滿堤正是九疑腸斷日閉
門風雨午時雞

檀黃枝上薄餘曛往事臨風淚點紛無限深情銷不得欲
將何處問湘君

三十年來一夕孤繡茵文簟共模糊雨中憶得巴山話欲
共君談每錯呼

兒亡二月正清明君是重陽去玉京何事人間最佳景碧
桃黃菊對傷情

飄姚羅袖履聲移似見如真又欲疑顧影數番渾不是傷
心尤在夜來時

蓬山東望更何如錦字無憑一紙書昨夜青鸞飛過去簷
前蛛網不教除

秦齋怨

三

冷日餘荒接暮煙白楊漸颯墓山田醉來染得啼鵲袖可
付胡姬當酒錢

寥廓重霄碧渺茫一天秋漢暎流黃那知共快清光夜止
剩愁人獨斷腸

風箏敲響碎玎玎墻角縈斜蔓草零試向屏邊看月色照
人孤影自空庭

搖曳青葱練雪裾馭風今去共誰居藥宮若草瓊花賦莫
把啼痕溼錦書

櫻桃樹底草成泥風月誰人再抹批殘酒未消簾外雪一
天星斗又迴西

悲來無緒但哀吟去國明妃怨未深楓葉江邊萬重雨一
宵齊作淚涔涔

茗落芸黃泣鈿篋繡床終日斷香篝何年再綰同心帶話
出而今萬斛愁

天涯旅況古來悲曾向春明也淚垂猶有故園歸夢隱却
教今日夢伊誰

掛出遺容儼靚粧舊時侍女畫焚香七齡稚子深深拜只
恐君看日斷腸

檀香供佛縷金裙夜夜空思李少君昨日泐師門下問石
梁橋畔月氤氳

代女摩笄弄玉仙江郎新賦悼亡篇他年事事堪畱話此
日深愁幾萬千

秦齋怨

四

淚滴淵綃玉斷煙竝頭花謝藕無蓮猿啼不待三聲後鳳
喙難膠第一絃

乾葍試掃鹿葱邊無限傷心盡目前穉子牽衣問梨栗遺
箱開取歎無錢

無錢慣亦共相依君典釵簪我典衣育得雛龍纔似許楚
天風雨遽分飛

落日柴邨水國寒夢中猶憶問平安恩情已作浮漚散淚
眼何時得少乾

水仙花發繞羅裙似怨如愁不見君採供靈几君試看海
棠開後又紛紛

三秋人去夜何長
憔悴芙蓉不可當
斷石頽欄何太早
敗蕉荒竹一西廂

蒼茫絲雨暗江蘋
夜靜波寒劍一身
綠髮已供天外淚
紅粧誰發鏡中春

鏡掩空臺影不畱
還畱錦句鏡奩頭
王孫芳草年年淚
人事音書日日秋

每見晴光倍愴然
更看雨色淚綿綿
難將晴雨平分取
斷盡人腸總是天

自慚窮骨子雲貧
荆布相隨三十春
話到最堪傷切處
至今蕭櫬尙賒人

滴瀝空堦夜雨多
孤眠衾枕淚摩娑
世間原少君知己
詩

酒交情是翠蛾

秦齋怨

十五

松梢月掛老虬枝
照入幽簾夜半時
拾得玉搔頭在手
當年會有碧香知

霜幃靜閉悄無人
日熱爐香柱自頻
爲是凌波冉冉去
舊痕何處不生塵

合歡被冷漫驚猜
冰織衾稜鐵共裁
一夜秋江雲雨斷
從教不上楚王臺

屈指殘寒似擲梭
荒涼情景冷時多
堪憐風雪猶如我
若到春光可奈何

莫怪君亡日月遷
但聽銀漏杳如年
久無腸在虛成活
癡望重生眼更穿

搖搖我亦似遊魂
一度思量一度昏
常見尋君忙入內
忽驚衣上是啼痕

檢盡遺詩淚越忙
洞庭人遠柚花涼
追思彤管題箋處
硯資爐伴墨香

筆墨於今盡可焚
胭脂不染藕絲裙
縱然拾得桃花片
誰向瑤天挽彩雲

清將松月共相評
琴石誰憐舊指聲
滿架圖書飛白雪
一庭花草怨黃鶯

日日西風遶徑蒿
半床芸葉落紅桃
猶餘兒女殘書本
手自親鈔教楚騷

短窗人靜蠟痕微
恍似清樽夜景稀
共把汗羅巾上句
燈

前同看墨花肥

秦齋怨

十六

昨夜風飄蕙帳開
紅香荳蔻惜多才
分明夢見金簪溜
紫袖衫前舊月來

昔年愛女墜雙筓
今日香纓折錦緹
我抱孤兒君見女
一時回首淚痕齊

玉樹催枝愴正新
那知薤露卽相親
見兒各訴離懷後
可念傷妻哭子人

昨夜江干冒雨歸
一回無語淚絲垂
生平不識歸家苦
燈火空箱隻影隨

難憑搔首問青天
祇是肝腸晝夜煎
不信鴛鴦雙繡枕
化成殘月一啼鵲

填胸憤咽幾能堪快劍橫磨紫玉鐔斬盡世間生死夢卻
將髮剪結茅菴

哭君真是哭無休不盡東流不盡愁了卻此番詩句債江
湖滿地一禪鷗

乙亥除夕和白香山韻六首哭先慈兼悼諸亡

共歎年光盡蒿幃獨未眠千愁消白日一影對青天雲去
思親舍霜飛憶墓田難將蓼莪痛把酒候新年
故歲催新歲魂兮何日歸空房迷舊跡遺掛識清輝白髮
羞看鏡青山願息機但流雙眼淚老大不知非
燎火蓬門寂悽慘百感生那知今夜夢迴隔昔年情總悞
飄新座椒盤異舊正可憐殘蠟燭憔悴庚蘭成

秦齋怨

七

奉倩神傷甚西河痛亦然無人黃葉地有淚白雲天落日
松窗酒深燈草榻眠從來除夕况恐莫逾今年
昨日行春令今宵送歲迴飛瓊終自去子晉不歸來四載
衫痕溼三春淚眼開漫隨彭澤柳慵漉葛巾杯
天地孤身老空悲淚滿巾悼亡真是苦遺問奈如貧宦况
今年臘禪心明日春石梁橋畔月應念昔時人

丙子孟春再悼內人

孟陬載始春光驟盈婦亡百日餘耳已稱二年矣寂寞
空庭徘徊無侶雲煙爛熳益助感傷襟霑曾禮敢忘嚙
指之心淚漬延封還拜喪明之責然惟宛君仰馬哭母
俯馬哭子亡身殞命實本於茲慈孝均關悲哀尤劇林

烏雙棲一朝影隻三復河陽之辭莫已朗陵之悼清晨
獨步昏夜孤眠再續前詩仍賡十韻聊以抒鬱不問佳
惡也觀者亦可知余之苦懷也

春來又送一年貧君去誰憐我子身舊跡幾曾殊昔日遺
容久不作生人閑將偈證西天佛悶借詩賡北面臣剪綵
燃燈時俗事小庭荒草未知新

蝴蝶尋春早亂飛春光何必到蓬扉花香欲笑人誰在日
色初遲事已非寂寞倍因新歲月淒涼元是舊分違欄杆
立盡渾無語潦倒如僧一衲幃

畫屏翡翠鬱金重彷彿餘香悵不逢塵鎖窗紗自啼鳥枕
銷燈藥憶聽蛩梅花還發當年詠茜粉虛描舊日容

秦齋怨

六

似春酒未芻空醴醖閉門端愧醉芙蓉
滿目葳蕤悄悄予數間空屋一人居清歌有淚楊惲瑟社
樹無心柳毅書毅後續娶龍女摘盡相思俱是蔓落殘夜合不
如樗新來花鳥誰爲主白日青春處處虛
淑景初開遠萬家悶懷鬱鬱轉增加共憂重檄傳江上時有
警獨歎孤身自水涯涕淚三秋隨夢杳音容半載隔春賒
那堪人事蕭條盡點綴橫斜白玉花

盈天春色泣寒消形影隨人強自聊粧洗梨花全樹折鏡
分菱葉一邊饒情憐子女貧尤苦心到夫妻寸割燒猶是
年年舊煙月又將淚眼對元宵兩亡女纔及三年故日又也
貧茅蕭瑟似秋涼冷落情悰黯獨當漫想魂歸穿眼望

湖師招魂歸
家屢約不果
但披帷在刺心
忙鳥知相匹
還求友花怨無
人枉向陽
庭中花素繁茂
日暮游絲橫路
裏乍寒乍暖恨
茫茫

茫茫

斜陽沈後暗煙生
空院黃昏漠漠輕
侍女散歸初夜雨
病
僮寥落舊西清
止有二僮
而最善病
長吁白遣無肴酒
短睡如游不

夜城子擬華元休更娶哀情豈是為邀名

閒庭門掩但愁侵
懶向愁鄉競寸陰
暮雨絲吹松徑老
亂
風紅泣杏花深漫
留芳草天涯在一
任雕欄夜影尋祇有

棲鴉啼不住為誰悽愴故難禁

纔是青陽正未休
黯然回首怨萸秋
千條垂柳千條淚
一
片飛花一片愁
月倍明時心自冷
春當深處夢偏悠
挑燈

秦齋怨

九

故讀傳燈錄生死同期了障淨

附

乙亥春日哭亡傅七言絕句十首

江上春風石上魂
月明依約閉柴門
傷心滴盡燈前血
只

恐今宵入夢昏

滄海明珠灑淚頻
杏花紅雨溼香塵
生前未作青衿子
地

下何曾有故人

閒行閒坐淚如絲
惚惚形容脈脈思
十八年來成底事
春

風吹在斷腸時

兄弟相將八士呼
今朝連袂淚痕枯
遺文未檢心先碎
半

世還能見汝無

生來少小似藍瑛
秀骨雙瞳映水清
想到病中愁悶况
嶺
猿啼過幾千聲

桃夭驚賦柏舟篇
髻髻麻裙作佩鈿
自是骨成千古俠
那

知父母血流泉

靈芽二月蚤悲秋
風剪瓊花故不留
無限雄心隨蔓草
荒

荒幽月照空樓

病後愁懷日日生
語言堪憶恨難平
新來母為思兒病
忍

病呼兒禮佛名

鴛鴦繡錦斷姑蘇
入夢魂飛玳瑁孤
等得秋霜烈女至
蓬

閨何日見鸞雛

荆花樓上舊時棲
故卷猶存手墨題
獨有英英人不見
斜

秦齋怨

九

陽落盡蟪蛄啼

亡傅百日夜大風雨候禪侶不至

兒死已百日哀愴方猶新
蕭牆閉寥寂庭階溼青蘋
暝色

催螢出燈昏虛無人
夜深聞鳴泣如兒病中呻
乍聽疑恍

惚瑟淅淅以真暗
雨天外集竹亂敲簷
頻雨與竹聲雜一

一淒酸辛歛然萬木慄
高旻裂紫垠頽颺驚夢境
魂魄不

得親吹我夢魂散
我淚墮枕茵吹兒夢魂去
兒孤誰為隣

雨橫風更惡無乃悴
兒身我痛與兒苦
何時重訴陳肝腸

碎復碎生死終參辰
緬彼泐師力爰清六根塵
念言垂慈

憫慨允拯沈淪耿耿玉
壺漏漫漫星漢津
披衣起仰視陰

雲覆層輪拊膺叩幽顯
願迴飛廉麟不日曠
且故感惻徒

傷神

寒夜旅泊夢亡傅

寒月悽江汀汀白水聲落聲細嗚咽流蘆花搖漠漠獨酌不成醉胸懷黯生惡徬徨拊襟歎殘燭凝昏莫燭滅一衾孤楓渚動嚴柝闌珊逾三更矐矐眼花暝恍惚觀顏色宛是亡傅昨英骨儼猶存荆枝綴芳萼墳篋共依追還似舊時學畫欄苔粉邊聚袂紛交謔昔日種布袍長袖莽弱約母亦不見兒兒亦不思索但知兄與弟語笑翁以樂緬言三秋違衰容生喜噓兒今身安康俯仰盡歡躍歡躍方未盈荒雞四野作驚我夢魂散父子仍又各茫茫更何之空餘雙淚絡摧肝復摧腸歷亂如飄籜須臾曉光升哀哉起

秦齋怨

主

懽愕

內人鵬吹集中獨無哭傅詩每欲握管即哽噎懽塞肝腸為斷不能作也所以奄奄致殞實根於此

春餘續附

春盡云歸無聊更甚案頭數卷總是悲端再次前韻為送春之作工拙之思嗒焉喪我矣

莫信春風不厭貧繁華誰念寂寥身欹欄細鎖催花雨荒徑深遮問竹人父子千行兩慈母弟兄雙袖一孤臣潛然無限傷心事豈怨芳菲物候新

薔薇花片半庭飛芍藥初嬌槿葉扉雲氣侵衣新序轉煙光隔坐舊人非雞香夢曉漁蓑穩龍匣芒寒劍彩遠遙想

館娃宮樹月可憐流照入空幃

芳草平原裊帳重冶遊時候又驚逢自從孟哭三春笋未返荀魂九月蛩愁烏靜窺幽客况倦花低接病人容東風渾似西風瘦不待秋江泣芙蓉

正嗟春色最愁予又送春歸別故居一枕升沈翻蝶夢百年生死絕魚書燒琴自昔曾烹鶴吹桂于今代斷樗無計明珠還聚掌楚天風月漫成虛

塞鴻歸後久非家青女霜稠兩鬢加本自蒿萊甘寂寞敢于湖海望津涯真訶有我餘生累却拚無錢百事賒一日窮愁消一日夕陽西去落閒花

秦齋怨

主

又柔風豈已饒可有胡香追骨冷那教寒火緩心燒階前畱得黃昏色腸斷欄干是此宵

亭榭微寒薤簟涼琴樽誰問箇人當鶯啼似怨辭春鬧蕙藥何心入夏忙曾謝參軍希伏水元非太守異山陽櫻桃摘盡休回首嶺月溪雲任渺茫

貼水茨菇遠岸生銷凝人逐浪萍輕家中作客沾衣慣鏡裏看愁逼酒清淮北烽煙迷白社江南消息隔青城桃花落處漁郎遠梅福如今已變名

琅玕碧粉畫簾侵檻外梧桐覆地陰草嫩迎涼遲日永月孤漾水帶秋深一春風雨新年過三世因緣舊石尋莫訝夜闌渾不寐子規聲斷更難禁

傷春情思歎春休
柘隴桑畦盡麥秋
往事驚心空送老
新天改候但遺愁
鴛鴦沙渚無邊闊
薜荔衣裳自古悠
憔悴韶光真石火
可知宇宙此生浮

暮淚

九月之五日內人又馬服除矣子荆文生於情武子

情生於文千古悽感豈虛語哉再賡前韻聊侑奠觴

禾黍秋高盡不貧
蕭關貧况獨愁身
依然雁落千汀影
是

處花傷半鏡人歌謝
屢屢悲故婦
夢連烽火憶閨臣

庚午內人在家憂子不置今又適閩虜警
朝來哭向君週日
冷幕塵几蝶紙新

紙灰蝴蝶一齊飛
猶遠前時舊白扉
恍惚音容寧問久
低

徊涕淚未曾非
三秋漫識西風老
九月重來暮雨違
欲草

秦齋怨

畫

祭詞還哽咽江淹神女賦靈幃

雨陌悽慘楓野重
傷心人去再難逢
臆寒做規縈枯葛
徑

隱荒苔鎖亂蛩幾
待金風哀玉貌
從來春色委秋容
黃雲

哭斷高天暗飛散
江臯片片蓉

湘君北渚可愁予
砧杵風多屈子居
草露花泥俱隔世
黛

脂香澤但留書
葳蕤折盡相思竹
蔽芾徒慙就宿櫂
一載

年光已知許悠悠
生死兩番虛

絲來無婦不成家
况是窮愁累日加
久戍征人迷絕塞
望

洋河伯失秋涯
依稀月照新靈哭
彷彿魂游故跡賒
世事

茫茫誰可料
斷腸紅葉對黃花

紫霧霞霞黯未消
畫房長閉不堪聊
心從舊日重陽碎
人

伴孤燈夜雨饒
四壁啼聲聒瑤滴
一簾昏影蠟痕燒
紛紛

叢桂飄香淚又送
殘魂是此宵

獨卧經年帷幙涼
深情閒付架書當
窺床鴉月三更冷
入

枕雞霜午夜忙
禮偏唄音初忌
日掃開寒葉舊
秋陽山鑪

寂寂香焚在縱似
平生亦渺茫

賦鵬長沙憶賈生
推遷淹速化真輕
芳魂忽悵流光迅
玉

骨渾猶觸眼清
自折紫簫辭蕙帳
何年黃鶴下蓉城
臨風

欲醉悲歌愴陶令
籬邊浪酒名

秋澹光搖素箔
侵開幃愁向曲欄
陰仙環共惜年年
遠淚

袖誰憐日日深
弱算祇緣悲母促
慈顏隔久痛兒尋
登高

會把茱萸看獨有
潛然最不禁

秦齋怨

畫

幾回哭罷乍還休
無限悲思僅一秋
半世已憑隨短夢
百

年終是繫長愁
空留香霧飄髮似
難訪靈崖薦石悠
今夜

燈前重與別
別靈除服
明朝風月更沈浮

內人再暮仍次前韻

卅載相依賦食貧
三秋寥落歎餘身
星霜忽忽傷心事
歲

月悠悠墮淚人
客徑草深慵學圃
宦情冰冷愧稱臣
去年

週日今年又兩度
蕭然白髮新

青鸞無路夜臺飛
光碧西廂鎖玉扉
祇有詩文千載是
豈

令魂夢一宵非
雞啞曙遠愁相問
鴨睡秋寒怨久違
聞道

昨朝霜降日
兼葭還想舊羅帷

插遍茱萸九又重
成何日雨仙遙遙
天錦字家家雁衰

草荒庭歲蛩逝水難迴空見浪落花一謝不留容蕭條
無限秋原色禾黍西風起暮容

銷凝無緒日傷余寂寞松齋二載居長卧枕辭同夢影相
思篋蠹著愁書碣孤鴛塚悲韓梓柳少鸞臺老惠樗剩有
夕陽林外菊伴人憔悴夜牕虛

梧桐秋晚子雲家瑟瑟金風冷漸加湘竹無人猶北牖江
楓入望自西涯堪憐涕淚年來在其奈音容日去賒鐘磬
聲微更漏轉夜深殘雨哭燈花

舊跡雖存強半消中年情況更難聊鵝膏淬劍光終隱燕
爪留簾土漫饒碧落黃泉皆不見青緡赤仄總空燒細追
前事重回首人世渾如一短宵

秦齋怨

五

艾席塵凝自踞涼沈淪愁海幾堪當絲殘雙鬢供身懶步
遠虛廊累影忙仙枕黃梁炊客舍宮釵翠鈿寄昭陽絲來
生死都成幻華表遠天更溟茫

家貧蒿隱僅存生內助無人怨不輕微缺斷琴餘宛轉墨
乾枯硯獨淒清悲秋血墜紅于葉落月魂歸黑作城吳市
祇今誰是侶禪心空慕少文名

人事消沈日月侵高天寒望黯秋陰不知冥漠千重隔但
識悲思一往深暮是再週神倍愴心終寸折恨難尋朝來
又覩遺香澤滿袖斑痕豈自禁

黃葉疏櫺泣未休斷腸衾枕一人秋蕭蕭數點風和雨黯
黯三更痛與愁身繫故園蓬鬢老心同異國旅情悠憑將

淚洒東流水共作湘江萬里浮

戊寅九月三期撤座哀悼更不能已已再續前韻十
章嗣今閣筆付枯腸于斷雨飄花矣傷哉

鮑照親朋久厭貧悔多乞塊黯顏身窮愁盡化相思草密
恨誰傳別世人霜葉杯招荒社客露花夢隔聖朝臣忽聞
貝字重宣法總幕將除愴逾新

跳丸日月迅如飛薪粟何人歎鹿扉零雨三年終不見秋
風四野總俱非徒教回首成哀癖祇切傷心逐歲遠紅隕
翠銷香玉碎可堪哭送舊靈幃

閒惆閒悵亦多重欲話西窗永莫逢嘗憶文情惟對酒細
追病景僅餘蛩舊時棄履燈前淚近日愁眉雪裏容兒尙
秦齋怨

美

未婚女未嫁向平雙袖溼衰容
造化忘慈故忍余九秋索莫未安居心搖每轉高旗旆淚
久渾迷疊架書飛盡寒鴉空怨鶴摘來紫藟悉同樗墓田
買得松楸色待聽敲環想步虛

鳳德曾經誚喪家喪兼失婦悼尤加幽明恍惚分千載生
死迷離邈一涯不覺瓜期隨戍換那容冀候歷辰賒空庭
剩有簾橫影金粟猶飄故主花

自分情深豈易消悲哉悵慄若堪聊非關雁度天偏迥正
是鴟啼月更饒錦帶一從并剪斷靈芝久已劫灰燒淒涼
夜夜鴛鴦渚叫絕平沙幾百宵

郊原漠漠水涼涼秋向無邊草木當搖落頻驚去故遠變

衰真感就新忙乾坤在再三移隙今古銷沈九厄陽試看
鄰人吹笛處數聲嗚咽鎖荒茫

梵唄華幢出死生撒開几緋剝塵輕蕭條孤櫬伊城在慘
淡殘更聖粉清泣灑湘妃盈染竹怨衝杞婦日崩城從今
麥飯虛晨奠司馬青衫總漫名

幻泡元知過眼侵六根塵結五禪陰還憐奉倩心猶短故
薄安仁鬢未深月冷怯遲黃菊暮春來羞問碧桃尋憑將
落帽龍山會插遍萸枝幾自禁

戢身萬事蓋棺休玉樹長埋此杪秋熊耳豈齊連理恨虎
頭難畫遶梁愁村村燈火楓漁老渺渺湖光荻練悠獨有
余懷憂不寐一年一度淚痕浮

秦齋怨

毛

閱曹能始詩選見先生悼亡之作慨然和韻

次張亨父

蓬盧架愧鄴侯家性癖耽非杜浣花僅有徐巾虛越布竟
無梁案老柴車青春淡月消梔粉白日閒風落蕪華猶是
昔時詩酒處更誰流語共相誇

次徐康懿公原一

凋秋瓊葉泣零霜春入蘅香倍渺茫三載光陰時太速百
年情境淚偏長翻書每見畱遺蹟念女慙教簡舊裳沒無餘衣
一自卷簾人去後至今栖燕怯歸梁

次邊庭實

翠幕沈沈杳不聞竝無消息慰離羣空階聽雨追寒夜往

事隨春付淚紋在再又驚題綵扇時近午月依稀還想試羅裙
廣陵一曲風吹散何處餘音更遏雲

次莫如山為錢子山

新桐如憶故房人綆絕銀床兩度春淚灑未乾衣上點香
銷久化席間塵西欄欹石猶芳草南浦輕波自綠蘋總是
韶光堪釋悶悶多深處意慵親

戊寅清明感念亡偶并悼內人

芳菲時候半沾襟此日潸然更不禁愁裏清明重對酒兩
中寒食細傷心蒼煙古木迷離鎖殘鬢春風寂歷深舉目
漫嗟人事改杏花零落又侵尋

重午後一日悼內

秦齋怨

毛

昨日龍舸咽漢流今朝菰黍任沈浮堪將恨齋青天老難
遣魂翻碧海秋漠漠花香空入夢灘灘雨色最關愁黃鸝
樹上啼飛去譜寄相思淚不休

水龍吟

內人有此調二闋秋懷感舊之一
之也丙子除夕和韻作之

斜陽落去西風歲除光景渾如舊疏花半吐迎春未藥黯
然衰柳屏樹生塵衫矜漬淚今宵還又想當時故跡餘香
猶在銷凝幾番回首 休問泥金圖燕柴門燎火松燔繡
紗牕冷淡小庭寥寂鎖殘眉皺荒草沿階暝煙繚樹斷魂
新候但空存絲卷清樽桐引哀絃難奏

其二丁丑元旦

爆聲喧動寒村曉霞入戶瞳矐逗蒿床驚起芸奩人遠九

疑湘岫晴雁南飛輕帆東漾湖許壯懷消透悵粧簾娟網
菱花閉影贏得庾郎清瘦 況是蓼莪句掩遺栢剩縷應
知否柔腸攪盡夢迴天杳昨宵更漏鈿折鈿分何年重與
屠蘇泛酒愴追尋筆冷椒華那禁潛潛沾袖

又癸酉雨中感悼亡女續此
些偶失付梓并附於此

素屏人正淒涼那堪日更黃梅雨蘇文侵壁曲欄低鎖煙
橫平浦溟溟濛濛瀟瀟浙淚絲如許自飛瓊去後啼鵲
袖上還過散空千縷 脈脈悲傷縈緒又驚看艾懸重午
繡幃香冷碧天雲杳斷腸誰語浴罷芳華繫成綵線遠分
今古漫凝思祇見桐花落盡隔簾無數
晝閒芸卷蕭然閉門寂寞聽風雨櫛脂鈿老溼鶯啼遍暗

秦齋怨

无

愁難數夜月梅梢粉墻竹影霎時寒暑歎掌中珠隕千憐
萬惜博得淚痕一縷 那日彩雲化去飄殘謝雪空如堵
而今卻又荼蘼開罷落英紛許半載離魂三更幽夢欲尋
還阻總傷情只有香箋錦字漫畱仙譜君晦有此二闕項
篋也簡及感賦
即君晦韻

讀葉仲韶午夢堂集感賦

仲韶嫂氏沈夫人宛君以才名聞江以南長女字昭齊
季字瓊章皆妙敏詞翰仲子聲期尤慧聲期早殤瓊章
繼之昭齊又繼之夫人最後亦亡仲韶多邁奇哀不能
自豁乃日取夫人及諸子女集點定梓之并附悼亡諸
篇于後題其編曰午夢堂首載鷓鴣吹集即夫人作也夫

人麗匹才子且早副六珈推以恆情宜無所恨願鷓鴣吹
集中多作恨語湯臨川曰情不知其所起一往而深殆
謂是乎今稱詩之閨秀不一然博洽羣書者率乏姿韻
及乎曉風殘月之曲又鮮大家娟麗高雅鷓鴣吹爲僅即
窈窕之姿淑令之範亦于詩詞彷彿如睹屈指閨流殆
罕其擬矣昭齊遺集自題愁言若有鬱而難言者返生
香則仲韶取以名瓊章集謂其歿有仙兆冀其再來聲
期入仲韶夢進一編曰百旻遂以命之末載聘女矢志
事亦奇節也吳有女仙泐子以少君術作佛事頗能言
夫人及諸子女前後因謂瓊章方爲月府侍書竊聞徵
仙錄盡祖其言夫人在日曾集諸韻婦詩詞成帙名伊

秦齋怨

无

人思業未就而亡仲韶欲竟其志姑取其已成者梓之
自梓悼亡諸作爲秦齋怨梓諸子哭母詩文爲妃雁哀
松陵閨閣多才強半夫人姻戚夫人亡競致誅章仲韶
悉梓之爲形奩續些凡十種先是庚申歲予從家君晤
仲韶松陵仲韶甫及壯偉麗如神仙中人今予再過此
扁舟晤我江湄矍然病皤然老矣予驚問之則神傷而
不能答第出此編示予予讀未數紙亦淚盈盈漬行間
以是知仲韶之不能堪也因憶予弱冠喪室人尹遺有
斷香刻仲韶曾讀之爲予含悽今乃更讀鷓鴣吹耶未免
有情誰能遣此爲歌十五絕以永哀痛

旅人愁思正無端風雨孤舟戍漏殘午夢堂編傳恨事燈

前顧影泣流瀾

伯輿慟絕將誰恨解得情悰鷓鴣吹詩縷盡傷心非筆楮杜鵑江夜有餘思

刻羽抽蕢不足論腕中斂得月花魂行雲還逐香光散譜作真真帳上痕

才麗一身兼福慧風流千古不能雙江南從此無芳草夜合何心發故牕

母子閨中互友師絕憐早慧有文姬絃摧柱折畱餘響待續宮商倩阿誰

左家嬌女盡能吟隻影還悲子敬琴那更影隨哀韻散傷心事托古今人

秦齋怨

三

素女爲師式萬方煙霞賡和滿笥箱君門盡屬神仙眷何事教人屢斷腸

作記曾聞李長吉侍書今說葉瓊章九天亦復稱才乏獨向人間索女郎

末邊封胡也不羣絮風佳句獨傳聞如今盡入微仙錄慘殺湘娥未識君

兒女盡能工筆墨鹿柴無恙友文妻清緣近作傷心事無葉堂中聽指迷

長夜震靈魂黯然人天仙佛想奇緣多情故是多狂憾且把巫言代問天

筆墨精靈還類聚閨才強半屬松陵些聲續得鷓鴣吹韻轉

使芳魂慧業增

羊曇有恨在西州景物無情絕詠酬獨向諸孤收淚楮一編哀響自成愁

更教幽怨徹人間索得名媛集手刪宇宙于今添恨史斷腸有句莫藏山

風流才子原多恨寂寞今傷奉倩神我亦有懷中坐起廿年積淚對霑巾

西蜀友人劉泌晉仲甫題

晉仲太僕劉勿所先生子也先生宓琴我邑神明千古余芘支時蚤受先生元禮之鑿寤寐勿諼永懷矢日晉仲少年卽才名冠峨眉劍閣間駸駸淵雲長卿四矣丙

秦齋怨

三

子領西川解元丁丑暫罷南歸訪我於釣雪之滸樽酒論文班荆敘故已歛歔弔且慰也爰賦諸詠纏綿悽惻

何必安仁善誅漱金石哉宜尊弁首爛然鼎呂而薤歌似非玄晏意也故僅列悼什之前知己傷神河梁非逸

關山明月一笛秋風積淚霑巾念言同怨云爾晉仲夫人尹儷班軼蔡遺奩斷香藥宮不可返矣晉仲妹字文

玉令暉之名不亞明遠文玉小姑娘願媛宛初翰采聲光一時並駕晉仲許我索二彤管賜挽閨亡九原不朽感

又何可言也天寥葉紹袁識

和古人詩
和今人詩
和友人詩
野外詩

序

自來藏書與著書蔚為兩家至吾社子晉而合說者謂積書如積金均為造物所忌故自秦火後曹倉杜庫亦同烏保蚌飛愚謂不然凡積書之家多積金之家則是金為書祟於書何尤子晉素心俠骨口不言阿堵湖田所入即買異書藏之几閣併鐫異書佈之通都如流泉長轉自無盈涸宜乎萬卷百城超劫屹若靈光也其行世著述亦幾等身比來棲遲野外猶左攜箱笥右挈盤匣於詩書尙友間見古人於屋梁落月間見故人又於巢居石戶間見吾輩嶸崎歷落之人更覺異世同時分形合志自漢魏迄近代自先輩暨同盟莫不聯為緇好叶作嚶鳴當拈題選韻時片言星落四座颺馳竟不知誰古誰今誰倡誰和諸藏書家有是乎伐山運材歸尺櫨於般斧漁海羅錯屬寸櫛於庖刀具所同才所獨也或謂才亦造物所忌愚又謂不然造物

古序

虞山叢刻

忌才忌雄飛不忌雌伏先是藏書兼著書者有楊用修氏世踐奎章榜標奇服遂同太白夜郎之厄以子晉之才不蚤在承明著作之庭身借漁隱名託龍潛以九仞之高翔寓百谷之善下絕無鸚鵡之篇燕泥之句刺人心目即題徧古今世亦以古今大業拱手奉之而已子家無藏書亡羊之篋亦與敝帚俱投劫灰此復何故蓋余如寶兒僑富子晉如良賈若虛根器自殊何堪相擬固知此詩卷與汲古閣諸編自長留天地間也梧蔭社弟徐遵湯題

題詞

上下數千年縱橫幾萬里自了漢澆語欺人會心時淵懷平付不古亦不今觴詠伴斯閒日能今復能古編摩導我幽盟粵自材稱落落一家之技未成泊平學侈嘍嘍五字之城莫破印趨多蹶抗響誰工吾友子晉慨焉傷之傑起藝林廣搜吟和名賢未息先代猶攀騷雅之傳上追漢魏琬琰之什下逮元明憶曩昔定交於子晉也霜涇劃艇露刺升堂拜母論心誓敦古處閱數年而雄者不飛雌者就伏始各以聲詩寫其不平之感時則方舟指水時則促膝銜愁青楓片片冷入吳江綠草瀾瀾望連南浦於是踟躕連蹀互陳篇什質干載於一堂初九蘭於寸草憑今弔古蔚乎茂哉亦何恨古人之不我見而今人之不我即也爾乃榛楛塞道煙火飛空無人野渡剡溪之事杳然有鶴皋鳴蘇門之嘯寂矣子晉獨不作怪字咄咄擁等身之書穿當膝

古題

虞山叢刻

之版良朋接席素侶投懷伐木矢其和平尚友兼之誦讀隱湖一曲宛如蓬島仙居寶晉千椽不讓娜嬛邃宇香浮篆鼎日午風輕花颺湘紋春宵影動一聲清轉千珠落瑪瑙之盤百韻閒搜萬蜨舞氍毹之錦雖使遠如陶杜亦當揖拜羹牆况乃近若高楊豈不踵隨趨步用此揉之淪之繹之涵之古而古焉今而今焉纖情弱格總不犯其筆端頑響靡音概欲驅之毫末舊人生面重開何止輓顏陵謝昭代威儀共振幾於張楚收吳刻燭傳聲八義之捷悟云爾擊孟成句千言之空湧何如視彼袖穿帽落真矮人之登場即復肩聳髭然終寒乞之生活刀劍光中尋出翻天筋斗袷衿隊裏妝成盛世衣冠信乎汲古綆長遂嘯歌之或遇匪獨居今眼闕卒招隱之未遑予也懶不逢人做猶立俗生今之世與古為儀忝縞紵之交歡匪朝伊夕竊蘅蘭之叶味形外誠中方春欲半梅花煩隴信之傳擘蘭未全薇露代

香蕤之說矩折規周何神似形似之有間上抗下墜覺肖心肖
吻之俱非以此謳吟存之方冊殊非地老天荒那得墨枯石爇
雖曰思參代邈幾乎麗則風歸當由玄度在懷寫曲室之清風
明月庶見王維詞客謬宿世之輞水藍田自此人我齊觀疇不
聯鑣而競爽行且古今協律毋徒借口而同吹
壬午二月花朝江陰社弟周榮起纂

古題

二虞山叢刻

和古人詩卷

常熟毛晉子晉著

月節折楊柳歌

正月歌

春姿著柳條半帶怯寒色東風吹幾朝折楊柳淡靄籠關河鳥
啾歡可數

二月歌

人心入醉鄉夢逐杏花村雙燕語朝陽折楊柳風色深深染淡
掃那能久

三月歌

紅雨點碧池碧雲汎紅霞羣鳥歷亂嘯折楊柳饋面兒桃花花
雪平分取

四月歌

古

虞山叢刻

衫子染紅蓮輕殼飄蟬翼試著晚風前折楊柳黃鳥疾於梭織
手不能取

五月歌

艾香強三尺縛成一猛虎懸髻可憐惜折楊柳五色長命絲巧
結柔莢手

六月歌

如焚怕螢火門解襖穢客擬就重陰坐折楊柳霜簟凝冰盤無
汗亦頻淚

七月歌

雙星掛月邊梧桐影零亂一宵同一年折楊柳穿鍼上畫樓絲
絲不我負

八月歌

荷敗苦集裳風淒怯衫絺猶未凜繁霜折楊柳明月照征車腸

斷閨中婦

九月歌

籬下燦黃花尊中汎紅友不樂復如何折楊柳處處蚤授衣潔
身不嫌取

十月歌

入檐風索索被池漸云薄玉筋垂垂落折楊柳嶺上放南花歲
歲未曾負

十一月歌

黃河凍不流禿樹皓且潔悲風撼百憂折楊柳陽回水仙枝幽
香著人否

十二月歌

卒歲當日暮顧影難為懷暗香窗外度折楊柳孤鶴守孤燈銀
箭沈沈久

古

虞山叢刻

閏月歌

花暖月光寒轡過無滯候籌算有餘閒折楊柳試問羲和氏玉
珥誰為主

莫愁樂

一葉使兩漿嬌語鏡中遊美人忽不見湖心花並頭

鳴雁行

誰知客鳥中心苦漫說隨陽向南土南土年年愆雨晴東阡西
陌斷人行徘徊止下棲復驚黏天風浪白鼉鳴呼羣遙集阿丘
側白草黃茅同一色寥寥滯穗啄飢鳥寡婦捉襟常歎息况兼
增繳役鬼神何處平原可避人流民如鳥知多少猶恐流民不
如鳥

晨風行

後漢楊終徒於北地望松懸而母於蜀物故終自傷被罪充

邊乃作晨風之詩

北堂葭草空薰人行行北渡望松津白雲層疊盡幻塵魄歸蜀
士涕滿巾安能化鳥向南飛桐絲久絕蛛網微仰天招魂魄不
歸步彼肥兮瞻阿誰荷戈遐荒路蕭索月昏霧苦沙漠漠吹笳
四起步轉卻中心如焚金可鑠

三閣詞

複道交金縷雲端露柱頭珠簾籠寶帳兩處有人愁

三洲歌

花笑爲誰發著意傍蕪洲驚散鴛鴦鳥還來舊處留

明君詞

日夕嬌嗔破粉斜不教一點染胡沙衫身承得思君淚匹馬絨
題入漢家

楊白花

古

三 虞山叢刻

楊白花流出深宮水雲雨含情繞玉牀夢逐楊花去千里紅妝
連手踏歌聲驚燕梁塵一齊起

于闐采花

長城限中外不限天地春明妃未辭漢亦將花比人

秦王卷衣

秦宮百和芳初試薄羅裳相邀排夜閣迴袖染鑪香未開隱繡
匣敢近黃金牀回頭三月火何處是咸陽

孟春集隱湖草廬用陶靖節癸卯歲始春懷古田舍韻二

首

虞鄉學躬稼半生愧未踐春及無一事荷蓀勤豈免尙論癸卯
歲孤懷蚤云緬聽水師丈人陶公誘我善湖光浮屋角開尊山
翠遠從今素心侶扁舟日往返忘言且忘歸攜手興不淺
中田有傲廬俯仰不知貧牛角書一束耕輟讀方勤攬鏡侵五

十無聞猶傲人吁嗟天方怒四境創痍新對酒涕霑臆百事無
一欣翹跡企栗里豈願躡平津東風入阡陌煙草接比鄰良耜
吾良友何慚呼老民

又和二首

江山日蹙圯勒駢恣蹂踐游目靡所騁閱者亦不免何必溯黃
虞十年懷已緬達人悲維谷處士矜獨善行行出北門林泉自
清遠日高形影重依夕牛羊返地力今漸薄耕鋤戒勿淺

舉俗養聲利無端各患貧非關巧與拙獲算日夕勤一朝飛羽
書深巷無居人惟聞征科急舊穀不繼新倏忽春入枝枝頭盡
欣欣衣食洵有原歲取南東津野外多樂地孳孳謀老鄰思欲
耦十千共飽區中民

高道泉用杜少陵太平寺泉眼韻

邑中泉凡數處惟高道泉爲最相傳高道人隱居此處濬井

古

四 虞山叢刻

得泉特表其名以續張又新小品

烏目澗西路窈窕翳宿莽招提隱幽壑拙樸近中古傳聞在昔
年花燦神仙府卓彼高道人□□□□每胸含日月精垂簾無
閔睹煉火調武文潤借碧空雨陰氣穴重泉疏鑿去凡土石液
湧源源顏色帶花乳汲月耀松枝翠影紛縷縷品如介潔士干
秋領深趣記取擔前壘香滃陽羨圃但恐驚雙鶴鸞翻湖外羽
生春追和元微之存十四首

何處生春蚤春生山色中松消千澗雪蘭泛一坡風濟勝節枝
健尋芳屐齒融推窗頻眺望處處綠成叢

何處生春蚤春生水色中荻鍼思拆甲荇帶欲牽風岐渚新流
渙中皋綠秀融上冰魚潑刺翡翠睨枯叢

何處生春蚤春生晴色中桃天人映面柳弱馬嘶風酒市歡無
價球場氣漸融長安多士女裙幄錦爲叢

何處生春蚤春生野色中白魚跳細浪紫燕語疏風灌藥分苗
長耕犁宿土融村村落花片猶有未開叢

何處生春蚤春生草色中纖纖侵古岸冉冉試柔風芽苗輕冰
碎茵鋪香雪融王孫樓外望魂斷蝶邊叢

何處生春蚤春生曉色中梅梢初落月鶯羽乍梳風游騎雕鞍
動香臺玉粉融花光照街市帶露摘芳叢

何處生春蚤春生樵徑中草侵還見路葉長不禁風積裏和雲
束壚頭帶雪融燒痕看漸綠言刈隔年叢

何處生春蚤春生漁艇中鰕肥花片雨鷺立釣絲風甕釀波光
灑帆收夕照融醉來高曬網笑指鐵圍叢

何處生春蚤春生花塢中垂絲懸織雨錦帶笑迎風垂絲海棠
名錦帶一
春花紅霧侵眸藹香魂入夢融凌晨消病渴吸露一叢叢

何處生春蚤春生廣陌中笛聲吹落日箏響奏高風原綠人耕
破泥香騎踐融兒童無限樂鬪草聚深叢

何處生春蚤春生旅泊中歲華悲遠道行色候晴風酒薄愁難
解書緘墨未融樓中紅粉夢終日恨花叢

何處生春蚤春生破寺中簷積黏燕壘壁敗漏香風枯樹藤枝
活冰臺鼠跡融無僧來掃徑灌木繞階叢

何處生春蚤春生古驛中杯傾殘臘酒橋落隔江風柝語人初
靜蹶泔水漸融問程愁正劇閒剔燭花叢

何處生春蚤春生歌苑中入年新拜月當夕唱迴風扇轉紗嫌
薄燈移苜旋融纏頭三百萬羯鼓出入叢

虎邱十詠追和虛堂禪師韻

劍池

三尺神龍埋絕壑時乘夜氣耿星輝山僧共飲池中水水挾涎
腥識者稀

生公臺

一自蘇臺淪宿莽經臺小小月爭新偶然留座千人上不礙遊
蹤不競春

雨花臺

四花拂拂墮雲端點破泓渟劍影寒縱使當場打口鼓何如一
默不相瞞

千人坐

劫石何年拂得平鳥嗁花笑總談經重教聚石多饒舌何異聲
從指上聽

點頭石

杖錫南來到此間吳山片石不終頑蒼苔偏體皴痕古月照空
堂夜不關

愁愁泉

寶華泉亦因愁愁和尙與此同名

古

六 虞山叢刻

一郡泉名兩寺同寶華色味暗相通愁愁老子今安在蚊飲咸
知卓錫功

試劍石

劃然界破翠微中閃閃橫拖秋水鋒博得沼吳無限恨屬鏤哮
吼起悲風

吳王墓

響屐聲沈沼水深吳兒從未作悲吟當年若葬西施骨應共眞
娘月下尋

白蓮池

鶴夢池邊舊講臺泉寒不復見花開祇因曾說蓮花偈香氣常
從句裏來

小吳軒

木末危闕倚側峯野煙收盡萬林空孤飛白鳥來吳外彷彿楊

花入鏡中

追和皮陸樵人十詠題退山采樵圖

樵谿

結廬在深山幽壑蟠古木流泉帶落花
降飲多麋鹿標野蜚乞民斯風何樸
檝緣谿負柯去驚林散雲族

樵家

山空若無人老屋亦自喜
壻棲雲影外相杵泉聲裏月落不知
眠三竿猶未起問君幾歲年秦時已來此

樵叟

松鬣冠繁霜儼然頭上髮不知曆日徂
經見枯枝活春酒釀烏頭晨餐飽地骨
陟嶺如飛猿壽藤何用伐

樵子

生涯在深林攜幼白雲上馳驅野鹿羣
戲作山猿狀丁丁或努力許許亦能唱
斜日炊煙起踞石遙相望

古

七虞山叢刻

樵徑

窈窕復崎嶇一線深林裏日高露未晞
空翠溼屐齒時逢采藥人眠鳥忽驚起
長嘯兩三聲落葉紛紛墜

樵斧

稚子候將夕時鳥鳴欲曙劈開煙合枝
剗斷雲生處靜中落一聲再驚猿鶴去
不識爛柯者局外當何慮

樵擔

深入幽偏境恣討無拘束負重識路遙
山腰幾迴曲一肩換斗酒雙眼迷萬綠
芳蘭雜榛棘紉佩將誰屬

樵風

忽從蘋末起復向松嶺返萬木爭怒號
飛鳥天際遠破浪違乘舟局步美策蹇
息肩候徒侶莫訝歸來晚

樵火

深夜度重嶺不辨紀與堂石火沿野燒
木末燭紅光百草同一燼微炙松檜香
乘此慎歸路迷陽滿道傍

樵歌

山中無俗聲野謳雜松奏或發日斜時
或當月出候遙和隔谿漁忽震深林獸
勞勞行負樵夷歌不辭陋

題李氏園用杜少陵遊何將軍山林韻

入林人不禁三徑日常開綠淨干竿竹
香浮一院梅淡雲當戶出霽月上杯來
野客過從慣悠然坐綠苔

入座春風暖微聞隱麝香魚恬吹浪細
鶴夢繞池涼快閣雲端出羣峰竹裏藏
慚非圖畫史一幅點青蒼

劍門登高用杜少陵九日韻

扁舟共汎蒹葭水短策還登望海臺
彭澤好花頭上插尙湖明鏡日邊開
望窮白鳥隨雲去酒洩黃冠送茗來
最愛楓林當返照歸途迤邐莫相催

古

八虞山叢刻

風雪中見里社追和陶靖節蜡日韻

歲晚霰將集梅蕊露微和忽然長風厲
高厓冠雪花撫景知節促感歎良獨多
會當舉八蜡聊吟報賽歌

佛日集小祇園

深谿一葉舟偏稱晚晴遊舊燕窺新竹
斜流出小丘酒隨豪士放花向病僧幽
佛日并高會靈津各自求

春深追和白香山存十八首

何處春深好春深湖上家雨肥汀畔草
風激浪痕花橋外行沽酒磯頭坐釣車
比鄰鷗路近一棹水光斜

何處春深好春深俠少家臂鷹驚燕子
走馬亂楊花寶劍澄秋水佳人逐棧車
千金買良夜履烏任交斜

何處春深好春深居士家留賓無肉味供佛有山花鶴上林翁
舫鹿驅龐氏車開來拈古頌點筆數行斜

何處春深好春深隱士家榻侵窗外草瓶養潤邊花稚子憑題
鳳山妻自挽車逃名常閉戶偏喜路迂斜

何處春深好春深漁父家瓦盆盛綠酒蓬鬢插紅花柳下閒開
網谿邊慢放車蘆林風淡淡倒卧短篷斜

何處春深好春深樵客家知交麋鹿友世祿蕨藤花洞裏閒某
局河干置棧車歸來常薄暮煙月一肩斜

何處春深好春深老圃家分畦澆菜甲抽棘護雜花葉底留蟲
篆門前過犢車新書裁記勝點筆數行斜

何處春深好春深老衲家曉風吹忍草夜雨掃空花山色真如
畫鈴音替戾車門前看刹影日午一旛斜

何處春深好春深羽客家金鑪一宿火琪樹幾枝花石室安丹
九 虞山叢刻

竈壺中轉日車天邊有歸鶴橫抹片雲斜

何處春深好春深野外家蘆簾飛柳絮茅屋覆桃花聽鳥看耕
犢呼童灌水車南村來往數白道入林斜

何處春深好春深快士家鶯交高閣柳蜂鬧田闢花名酒空干
石奇書擁五車豪吟明月夜每見斗初斜

何處春深好春深病客家宿醒燕市酒消渴茂陵花倦起扶藜
杖方傳賣藥車惜餘曾有賦吟聳瘦肩斜

何處春深好春深旅客家晚風酤市酒曉月下檐花長短閨中
夢東西道上車一聲歸去好鄉淚幾行斜

何處春深好春深谷口家開軒山對客繞屋水流花獨寤幽人
軸相招隱士車嚶嚶有黃鳥蚤見出林斜

何處春深好春深渡口家一時折楊柳千尺見桃花帆指前村
樹門停隔岸車行人遮莫待江上暮煙斜

何處春深好春深采藥家雲香千杵月風暖萬蜂花證類翻圖
譜疏方待酒車不愁山雪盛鑿柄倚身斜

何處春深好春深賣酒家射洪麗琥珀劉白釀梨花玉佩三洲
客金貂七貫車儘容謀一醉天半錦標斜

何處春深好春深種樹家去年方接本今歲已開花攘剔留佳
種游觀駐過車還乘土膏厚更壓幾枝斜

歲暮小集用陶靖節擬古韻
寒荒無可悅古岸揚高柳未必陶家植經霜亦已久深處聽流
鶯攀來別良友放眼引新詩當風傾舊酒鉤月與斜陽相依不
相負倒影覆漁舟託彼重陰厚蕭然對遠山可以傲眾有

仲秋確菴移居陶家舊廬用陶移居韻二首
自古陶家廬展也棲賢宅朝發蔚洲濱停撓正依夕欣慕固有
時今遂執鞭役良友共歡迎燈花燦几席提壺從此始酬酢擬

疇昔託思消搖篇新義勞辨析
入門無俗事共和移居詩閉編理舊韻秋雨又催之相對餘真
味怡然慰所思百里聚斗室千秋定一時古處洵匪易斯文良
在茲樂與數晨夕陶公豈我欺

雨餘用仇山村韻
雨餘風好捲疏簾樹樹陰濃欲斷煙濁酒半壺懷靖節枯槁一
局傲坡仙漁翁舉網來溪口燕子梳翎出水田乘興繞檐看晚
色初篁斜倚石牀眠

小重陽日過鳧谿訪無門法師用陶九日閒居韻
山空秋更好相尋樂自生况復逢佳日陶公愛其名芳卉被古
畦淡日川上明高人卜居處鐘梵聞清聲無事長枯坐一日當
一齡汲泉洗秋茗瓦甌聊自傾香風出林樾孤月皎南榮我神
爲之移入遐縱遙情耿耿共長夜疊紙新謠成

十 虞山叢刻

77

戲和宋元人卷中絕句九首

偶然一枕華胥句小閣揮毫耀日明何事後來無夢者醒時爭說夢時情

懷春無計留春住又見秋江峯影尖朝淚未收夕淚湧不隨潮汐兩時添

判花蛺蝶夢頻驚自惜英英白雪翎願學朝雲偕老去藥鑪聲畔一函經

當歌扇薄露鉛紅會歎生辰命不同一自姓名刊籍後碧空孤鶴舞長風

自呼小字怨紅塵淚溼飛花送幾春今日矜嚴標格換羞將髮鬢問旁人

西冷鬪茗雪衣女閉影焚香書畫船不遇眉山蘇學士誰教干載識嬋娟

可

虞山叢刻

稽首風流太守翁驚才麗句笑香風簾櫳樹色搖虛閣女伴分題別影中

奎章閣下役吟魂伯生續唱環慶堂前子細論敬仲莫話杭人當日事柳煙猶作舊眉痕

玉臺詩格賦梅華媚語娟娟亦自誇張雨倚和自何似華陽真逸好胎禽留銘瘞江沙

四怨三愁五情詩和曹鄴舍人

其一怨 古梅如瘦僧深谷歲寒守年少看花人從旁說老醜

其二怨 折斷一枝影好花驚改色色改不受憐辜負東風力

其三怨 雪消天目露掃翠明雙蛾入夏翳灌木淡妝不似他

其四怨

種田多種秬勞勞破綠耕積然覆三蕉愧殺酒人名

其一愁 春宵不計刻春夢亦懷新掩面門中立花紅故映人

其二愁 同是天邊月偏從帳底明嗁蛩更無賴語語作雙聲

其三愁 年光枝上花心緒鏡中髮胷口水湯湯從古不來越

其一情 軋軋少婦機急急征夫道誰使髮邊絲多於道旁草

其二情 不敢輕一笑恐傾君王國奈何入宮後今古重珠色

古

虞山叢刻

繡出雙雙燕心驚社後春空緘兩行淚寄與未歸人

其四情 孤燈午夜耿月影轉花陰蹙笑驚眠鳥羈雌不出林

其五情 纖眉描月魄薄鬢學蟬飛假寐還尋夢惟愁夢醒時

黃香墓石傲禪月體次其韻

黃香墓在梅李鎮乾道初梅李有蘇忠翊直卜葬得古冢乃黃香墓碑刻皆隸字首兩句八字中二字不可識其碑陰乃

會稽東郡都尉張紘誅又有薛綜修祠日月題刻其可辨者八字蘇氏挈歸於家夜有光怪昇棄昆承湖中次用禪月韻

天下無雙一坏誰設海田茫茫瑤草單結潮汐來宗不敢沈沒幽夜燭光皎日見物石鱗鱗似繁骨露瀝瀝似凝血彼何人斯肆彼鋪之翦伐榛藪銘夷域龍生其怒魚輟其食精靈變幻

年復一年爍電迷煙白頭漁父搖手無言

道開法師應武塘相國行門禪伯之請敷講嘉善之大勝

寺余於臘月廿五放舟葑江送之和陶與殷晉安別韻

兼柬行門

除歲僅五日揚舲不辭勤剪燭一宵話臨歧更情親盈盈衣帶
水百里結比鄰一彼復一此猶嫌阻宵晨矧伊吳地盡翠掃越
山分延日武塘上鳥語入初春繡幃籠寶座光照曉堂雲雨花
隔遠道欲見何緣因道高不隱世湖鄉聞見貧寄意摩訶叟共
來存故人

鐵網珊瑚歌有序

朱性甫先生據所見問法書名畫詩文卷軸手自鈔寫彙成
若干卷名曰鐵網珊瑚不減米襄陽寶章待訪錄吳中推爲
墨寶二百餘年來收藏賞鑒不入尋常家既而荻溪王氏流

古

三 虞山叢刻

借諸士大夫竟成虞淵之薄凡妮古之士夢想惓惓不復得
一寓目余昨歲偶從雲間書肆中購得不全本中心惜之今
冬史髯翁至支硎山中復得數冊慨然貽余鏡圓劍合狂喜
移時時褰袞兩兒侍側展卷共讀秦約虞相古劍歌卽次其
韻以紀之

殘編落落如晨星延平再合來支硎呼兒正襟同下拜書圖過
眼呈神形未開卷快心先動一翻三歎神更竦閱歷星霜二百
年吳都聲價連城重朱公雲夢羅其胸探奇索隱指掌同明月
當頭歲歲見一杯在手笑雄風性甫有萬事不如杯在手百年
幾見月當頭之句同時荻溪王
公集台郡
名流賞之紫髯飛舄越飛騎布囊重裏歡無比入門交手疑夢
中海底一枝真不愧烏絲雪繭古色鮮神物不隨田海遷歸來
什襲湖邊閣窗外梅花香滿天

苦雨和陶停雲

自春徂夏雨無虛日舟車艱阻親朋間隔乃學坡公和陶以
寄

雲昏八遐千峰一雨掛席湖濱咫尺脩阻獨引村醪杯空還撫
凝對檐花逝不我佇

春郊花霧一望迷濛長風永日夏畦如江綠簑漁父擊楫臨窗
我求我友蓑裳相從

榮木初引日及朝榮春雷夏電觸緒櫻情鵬憂北徙鴻阻南征
美人善懷百感叢生

幽禽避雨潛影脩柯蜀桐高張緩絃失和異地同嘯紙墨誰多
晚晴分賦不樂云何

元旦喜晴和陸放翁
十年風雨兼冰雪今喜朝陽蕩積陰鬱壘爭先擎燭換屠蘇落
後對花斟卜瓢父老占言早報竹兒童聚紙深獨步空庭無一

古

西 虞山叢刻

事輕開窗隙看蘭心

五君詠次顏特進韻

負痾三月無所聊賴偶驅敝篋蠹魚詮次中晚唐詩數十種
有慕乎表聖雄飛致堯昭諫魯望之爲人遂用顏特進韻仍
題曰五君詠

司空圖

寢跡休休亭中條最深洞抱鏡幻極覽題石寄微諷墮笏掛朝
衣揮觴洽社眾驚聞天步傾絕粒惟長慟

方干

皎皎山中兔三拜笑旁人道躡仙翁武詩驚刺史神私諡方貞
耀遺言樂隱淪遙望雲生處鷓鴣誰與馴

韓偓

少小稱雛鳳鯁骨老愈見闍豎日猖披閭闔如瞑眩灑淚教嘶

馬搗心緬錫宴聖澤深於杯漪漣不忍見

羅隱

白氣橫長空吸盡鼉江秀姓氏屢見遺尺牘頻來奏四得洵非
偶三羅豈易觀書法不眩俗聊得御府守

陸龜蒙

江湖一散人被服便布素品茶續舊經戰秋琢新句朱黃研不
乾沫刺鋤頻舉寄意在春秋三復求志賦

和自香山我年五十七

我年五十七望古敢自許憇情非不遙耳目竟亡主緬焉長慶
初寤歎生今苦努力學秋耕研石如童土

我年五十七賡酬訝側遲拾字欲成句纏縛如槍纍三子詞鴻
暢終夜強自維去夏折骨後百事無所為一朝弄柔翰脩途策
疲羸常恐半九十里車空脂捫腹忽失笑人飽我則飢少時

古

虞山叢刻

豈了了曾識無與之何故艾既邁吐音反期期箋素不獲展寢

跡東湖涓

我年五十七停辛洵非少養志志未伸遺累累未了幽獨時自
訟慚深德涼小高踟而厚踏纖鱗限盆沼同學舊少年整翮雲

端矯丹陛詔煌煌赤幢香渺渺惟余困衡茅長夜不知曉芝菌
任榮枯彭殤任壽夭華嶽挺喬松池塘被荒篠齊點山水色識

者付命表

冬日薄遊城東 次東坡題定惠院壁韻時同介平月在

霜晴葉燦千章木倚杖摩挲慰孤獨快逢二老導余前城東遊
步堪醫俗率彼膳脂溝水橋經丘度壑疑山谷老翁抱甕礙行
人犢飲寒谿鳥穿屋東西指點天王堂當年急管絲兼肉畫錦
筵開花滿闌高燒銀燭眠難足竭來閒逐逍遙遊澄和天氣偏
幽淑三人仰首笑相誇不知誰足當龍腹碧流環抱古招提中

有空堂舊名竹壁間老檜半模糊達磨古頌驚人目何如定惠
海棠詩至今吟諷傳西蜀逢僧一話夕陽邊恍如芒屨登黃鶴
山有古竹院唐人因過
竹院逢僧話蓋此處也再參萬壽劇魏我塔影雙雙懸水曲明
朝榻得蘇公碑洒淚西風不敢觸

忍笑 次韓致光韻

欲笑還休兩葉眉媚霞紅燭最相宜春寒無奈鴛衾薄風打梅
花月暈時

驚燕和陶靖節戊申歲六月中遇火

余偃卧小軒避暑無計忽見兩燕各銜一雛投檐下空巢中
鍛羽驚顧終夜吟嚙不休頗心異之明日相傳三里外湖西
田家失火有巢燕銜雛而去余知即此燕也潛窺之已安棲
矣感而賦此

烏衣佳子弟出入慣綺軒託跡衡茅下野火臨湖燔湖煙黯如

古

虞山叢刻

漆湖水空盈前將雛離圍燄睛迷日影圓任彼長風力高鷲不
知還去去涼生羽飛飛下九天東家檐際虛故巢結何年各自
顧乃雛棲止神閑閑中宵嘈嘈語止宿計始堅流幻八遐內昏
日異海田不離險語處能圖高枕眠寄語羈棲者隨遇有林園

貞燕 次梧谿韻

雙雙營一壘六載羈雌燕輒語向誰商渡海冰未泮花柳黯殘
春目送孤征雁三復梧谿詩腸斷空閨怨

嘉木有女貞未聞稱海燕春風六度吹心冰不可泮望斷瀟水
鵲哀同集澤雁瞥見舉火人絳紗中宵怨

元貞二年雙燕巢於燕人柳湯佐之宅一夕家人以燈照巢
其雄驚墜貓食之雌彷徨悲鳴不已朝夕守巢哺諸雛成翼
而去明年雌獨來復巢其處人視巢生二卵疑其更偶徐伺
之則抱獨之殼爾自是春去秋來凡六稔觀者譁然曰貞燕

云長沙馮子振記

病鶴 次項斯韻

頻驚短夢望熹微
徒倚空闌莫可依
千歲未期城郭是
一庭還笑鴨鶩肥
喜聞松奏徐徐發
怕見雲輪冉冉飛
何日晴空展雙翅
月明林下不思歸

含光過訪留宿用東坡韻

雪半村月半湖柴門深閉塵事無
高林旭日明窗紙晴鳩聲急
屋頭呼孫雛顛狂媚老孥
手擎春鞭覓歡娛老夫擁被據養和
鑪香得火煙徐紆驚傳幢影賁
吾廬下階三笑影不孤鐘魚乍
輟燈枝列後圍翦菽供伊蒲稽首調御眞
丈夫雜華指點忘夕哺東坡墨寶傳
半卷中峰拈示大悲圖知師腹笥富有餘
莫惜瓊瑤償菅蕘然藜琢句如追逋
沃以香茗親按摹

百

宅 虞山叢刻

和今人詩卷序

隱湖子晉社兄梓其所爲詩四卷而以其一屬序於予曰子今人也其爲我序和今人詩予讀之而竊有感也本朝以文章制科詩賦小道屏而弗御儒者或頭白不諳聲律歌詠之事其間才人學士怏然恥之往往於披誦之餘兼覽旁治而精神所至亦自造於微妙蓋其初風氣深厚作者大都含醇而酌雅其繼則文明開英華襍淫至七子之季而浮靡極矣一變而巧鑿再變而瘠微風雅之道日雜而一代之氣運遂相與爲終始嗚呼是可歎也然其變也必有一二能者厭其積習而特出新異以易之亦必有一二能者矯然自持而敦其夙好故有能變者卽有能不變者焉今觀子晉之詩體備眾妙美非一倫可以網羅囊括乎前人其諸能變而又能不變者歟如季迪之梅花九詠專美千古而子晉能追而與之匹敵則其他可知也已以子

今序

虞山叢刻

晉之才之學俾其生全盛之世上下馳騁於諸先生之林相與作爲雅頌贊宣太平之盛德奏之清廟而用之朝廷不亦休乎乃不幸而丁晚季僅從雞鳴風雨之時登山涉水之際神交而酬對之此猶以爲未足盡吾子晉之志也嗟乎子晉所和者今之人也十年以內時異世殊風流歇絕論者已躋之古人之列矣顧子晉不忍古之而仍目曰和今人詩者何心也通家眷社教弟陳瑚拜撰

和今火詩卷

常熟毛晉子晉著

看梅九首次高季迪韻并序

吳郡鄧尉諸山橫亘六十餘里土人蒔梅護茶無一隙地春時花發車馬尋玩者相繼丙寅子從叔子仲舉兩舅氏遊因值雨雪未盡其勝距今甲戌已九年矣三月八日招壁甫月在從胥江掛帆入山白日西沈煙雲蔽野船窗浙瀝有聲悒悒不能寐朝來晴美從光福倩竹輿抵銅坑連度三四嶺至青芝山房午飯奉慈寺晚登虎山橋看落照命酒對酌月午卧舟中拂旦復從虎山橋傍湖而行輕雲冠嶺微風扇和稍折過仕墟徑頗坦樹多楊梅花叢時有斷續已刻抵潭山青松層立鬱然深秀中無雜樹至一谷口古廟壽藤種種奇絕舍輿策杖直登七十二峰閣湖光山色耳目頓換下坂西折

今

虞山叢刻

上盤嶠路甚傾曲輿騎不能通有石壁一窩廣袤各數丈許俯臨震澤竹木交加幽花滿砌茅茨三四楹山中人呼爲石壁邇因霜儉湖寇縱橫僧徒皆避去相對太息再北折過山田區區至茶山其形如覆卮居眾山之中不數武即踞其巔有巨石可坐七八人登石四望備極遠近濃淡俯仰隱見之致西面太湖波光淼淼青峰如黛真看梅第異境也盤礴不忍去晚從茗香菴飯訖再登鐵山鵲井吳伯明招飲山莊至三鼓攜燈過堰嶺次蚤微雨輿人告歸遂放舟中流風雷忽厲幾至覆沒須臾開霽即停橈登岸探玄墓海雲菴諸勝歸途昏黑但聞香氣逆鼻不復辨雲林煙舍矣明日出山風雨怒號不勝花落多少之感聊步高青丘韻以志歲月云
館娃宮北有荒臺誰把搖枝到處栽陳衛昔年橋外去巾車今日雨中來忽看暝色歸谿柳未許寒香落砌苔燒燭停杯當卜

畫花神應逐嶺雲開

林壑夷猶儼若仙判花共快有奇緣低枝尚滴殘宵雨竦幹先開破曉煙剛訝白雲浮嶺上旋驚皓月曬峰前一尊未了登臨興小寺敲斜樹裏天

波光返照數峰頭拄杖摩挲一覽收遠近煙光迷古寺淡濃香氣入孤舟漫山覆野翻如夢古驛谿橋各自愁堪笑穿花多醉侶幾人能共月中遊

箇箇籃輿繞水痕朝來薄霧釀春温花貪奇種頻踰嶺路厭重來別問村蒼蘚鱗皴龍已去青松天矯鶴頻翻何年快閣歸然在波湧羣峰不閉門

煙霧爲龕石作宮板蘿捫葛幸纜通一丘花發知春到萬頃濤生識境空不分身遊香國裏旋看影落太湖中年來事事增惆悵寂寞禪棲委棘叢

今

虞山叢刻

一入香林便隔塵峰頭升眺更撩人波光嵐翠無餘地冷韻孤標別有春日暖不禁開漸漸風微那許落頻頻華光今日知誰繼聊借題詩當寫真華光長老寫梅山谷曰如嫩寒春曉行孤山水邊籬落間但欠香耳幾回欲別又依依滿路生香玉有輝放鶴山人淹客坐騎驢童子逐花飛僧寮日映前林好漁艇風寒別渚稀倚醉更教重秉燭枝枝素影帶人歸

兩日山陰復水陽今朝再入海雲鄉驚風虐雨魂如醉酣鼻迷眸影亦香碑斷少師雙樹廢草埋高士一坏荒海雲菴姚少師葬處今法華示現鐘聲裏把臂初聞已十霜冥搜幽討幾人知看徧南枝更北枝每到別來惟痛飲欲忘言處正相思連朝藜杖臨風際此日篷窗聽雨時試譜梅花無盡藏誰拈寒瘦入新詩

自飲和郭定襄韻

飲酒笑公榮強自分好醜人有如不如身死骨已朽百憂不入
眉一笑常開口身外多俗物怡情祇旨酒閉門稱下士孤影相
親久意懶覆三蕉興酣傾一斗佐酒兩漢書可亦可否否醉鄉
實廣大何有何無有

題綠楊雙燕圖次王紀善韻

繞屋綠依依朝朝乳燕飛誰將一素幅畫出兩烏衣能寫臨風
怯如聞學語微柔條相識慣展障亦來歸

支硎道中次顧山甫韻

寒山低岸直高掛一帆斜麥浪翻風葉松濤散雨花笙歌喧野
渡紅粉醉山家郭外清明後遊人競物華

乘興登山寺凌晨到日斜曉煙迷酒氣返照落飛花弱柳羅裙
隊香泥燕子家不勞愁物力衰俗亦繁華

讀袁海叟賦入新次其韻

今

虞山叢刻

新煙

掩蹙含山淡飄搖離水遲望中無限意柳眼欲迷時

新水

瀾瀾天上坐兩岸失波痕生怕催詩雨憂農更斷魂

新燕

舊巢花塢曲出入錦重重今歲初相見花明輒語中

新草

纖葉柔無比偏從古岸穿莫云春尚淺一望碧如煙

新鶯

應節解幽谷偏將曉夢驚雙柑頻載酒倚樹聽新聲

新柳

陌上煙初斂柔條拂小池楚宮爭學舞恰似曉風時

新蝶

粉翅方能展徘徊近翠幃風狂兼日烈莫逐野塘飛

新月

一痕林際露忽向柳梢移悄立黃昏後愁來半上眉

春夢次楊眉菴韻

春夢復春夢夢裏醉初醒花豔驚嬌女鶯啼楊柳青

春夢復春夢花片別殘春喜得雙雙燕還尋舊主人

田園雜詠四首和樊古厓韻

湖南水一曲聚族偶成墅在昔戒惰民耕織課男女不避小人

名學稼兼爲圃伏臘祀如何薄言盛稷黍阡陌接南村扁舟通

北渚侵晨呼抱甕依夕聞相杵苟非吾所有一介亦不取

穉弱聚家塾之無苦未識先人購詩書塞戶燦古色始願醒聾

瞽更思豐羽翼既見籬頭翔漸望六月息書聲溢坐外藻匠不

離側側聞長者言耕讀當努力又聞王者師所重先民食

今

虞山叢刻

桑麻齊短牆楊柳藏古屋水禽上下鳴山鳥後先宿風土似邠

人深巷走樵牧闌鴨自呼名童謠擊平陸春來湖水漲張罾斫

園木相戒蚤輸官無勞田峻督

福性宜閒僻裹足中田老微尙矜古處論交皆有道澤畔肆行

吟山光悅懷抱春花載酒便秋月攤書好晚來教兒讀古訓豈

草草丈夫志四海修名立須蚤

荻谿道中次史明古韻

谿流凡幾折短棹怯長征鷗鳥驚人影蘆花隱古城千林翻紺

色百草出商聲重覓烏衣跡秋蟬處處鳴王氏寓圖已廢

甘露寺次屠文升韻

落日逢僧處王灣夜泊過白雲穿樹散古堞打潮多帆溼前谿

雨松峯隔院蘿憑闌延望久昏黑起鳴鼉

秋陌和王仲山韻

秋入葉聲裏行野看秋葉中途遇田父四顧多喜色秫苗漸離
離倚杖聽鳴鳩殘日下西廬歸鋤已帶月

晚過洽平次陸少卿韻

路入郊臺竊綠隄竹似城廓虛殘葉走湖闊暮雲平龍藏殘編
在苔龕古像明坐來疑昨夢隔嶺度鐘聲寺中有宋藏今存其半

庭前香櫟花遇兩次彭龍池韻

鎮日香風透小檐偏宜當午北窗眠醒來半溼階前綠點點殘
英白雪鮮

秋郭小寺次張文邦韻

繫艇孤城外相依無事禪晚蜂吟菊色霜雁掠郊煙正喜重陽
近兼逢初月前莫嫌曲徑小竹影自嬋娟

過友人郊園次李夢盧韻

不到林園久雕闌冒綠蘿方愁離緒亂况聽雨聲多插架防蘭

今

虞山叢刻

荀疏池引菱荷偏余成懶癖蓬首且狂歌

秋江晚望次蔡廷彝韻

春江一望柳依依策策秋風打竹扉無數鴉翻紅影下幾行鴻
帶素書歸掛帆灘上芙蓉老洗盞潮頭紫蟹肥浪跡半生空短
鬢不聞砧杵亦沾衣

賣兒行次王敬夫韻

村媪負兒賣東鄰得穀僮石未及半前問賣子將何爲媪語且
咽且長歎老姑八十廢兩目命懸呼吸真難卜夫死連糧作冤
鬼僅遺三畝一柱屋姑媳同守此孤兒一日再食常不足去冬
賣田今夏水產盡糧存仍我促時丁九月霜滿天衣不蔽體如
蝟縮出門望望苦無告不能樵採不能牧度阡越陌一斷腸掣
此勞勞買新穀且春嘉粟輸官租糠覈餘來作姑粥旋語旋拭
腮邊淚道旁觀者吞聲哭余心切怛擬折券出穀還兒慰勞獨

媪復搖手向余言一家離合籌之熟與其三口盡餓李且寬仰
事俯育鞠余也仰天歎走告東鄰亦輦蹙吁嗟鳥獸不異人樽
邊乳燕谿邊犢仁哉栗里陶先生是亦人子同骨肉君不見豪
門金高狀日驕豢養僮僕多騰驍鮮衣索錢嗔怪生誰識他人
母子情豈知仁暴各弄態貧富何曾有定形嗚呼安得重逢粒
米狼戾之陽春不見泣涕漣漣賣子人

訪友途中滯雨次賂兩谿韻

故人何事隔重津小艇東來日漸曛一葉聲繁千點雨半帆煙
鎖萬層雲過橋酒旆依稀見閉戶高歌髣髴聞渺渺蒹葭竟何
許離愁兩地各紛紛

老馬次康涵武韻

鐵甲沙場膽一身功成草輭玉關春老來閒散荒隄畔猶逞雄
心噴路塵

今

虞山叢刻

客至次何仲默韻

客至荒湖曲水田鷗侶稠三秋多落葉一月未梳頭酒漉巾方
溼香消火尙留坐看山月上竹影入西樓

夜落金錢花次黃陶菴韻

素階秋月到花光更燁然留買春宵去可否當金錢

秋葵次黃陶菴韻

豈獨畏炎威偏從白露展丹心依舊在不逐秋蓬卷

五斗粟次李西涯韻

五斗粟忙避人五男兒笑候門問津武陵漁躡風葛天民菊花
是我秋柳葉是我春

聞鄰家絃索聲次張滄洲韻

帳掩燈昏夢不成鄰家纖指若爲情不彈出塞明妃曲故作烏
號獨夜聲

江猿次薛君采韻

輕舟行不住時復見江猿飲月瀟方湧攀條霧正昏平沙兒抱浴絕壁臂交援處處唳聲徹中宵驚旅魂

禽言次丘文莊公韻

得過且過

得過且過高飛不受人間禍春風旖旎羽毛豐誰識寒號蟲是我得過且過如我至冬毛羽皆落則又鳴日得過且過

行不得也哥哥

行不得也哥哥水復山重險處多鷓鴣嗁斷馬蹏跡夕陽西下影嗟哦行不得也哥哥有詞曰天晚正愁子春山曉鷓鴣蓋言行不得也

不如歸去

不如歸去飲馬旋渦仍舊處促柱繁絃叫白翎子規聲裏迢迢

七虞山叢刻

路不如歸去元至正十六年子規峴於居庸

赤鸚鵡次邵文莊公韻

呼萬歲王進膳不聞方響起猶記宮人舊姓氏聽禽言為罷箸高宗在建康有大赤鸚鵡自江北來集行在承塵上口呼萬歲宜者以手承之鼓翅而下足有小金牌有宣和二字因以索架置之稍不驚怪比上膳以行在草草無樂鸚鵡大呼卜向樂起方響久之曰卜娘子不敬萬歲蓋道君時掌樂宮人以方響引樂者故猶以舊格相呼高宗為罷膳泣下

書庭蕉次陽明先生韻

北堂分植自成林地僻塵無一點侵夜雨驚秋孤枕夢午風消暑半簾陰蟻聞甘露綠階上歲生甘露石負蒼根破徑深老根

陽城湖卽事次晏鐸韻

兩日姑蘇弔廢臺今朝晴汎絕塵埃湖流東下疑天盡樹色中

分似掌開鷓鴣鳥呼羣緣岸去蜻蜒銜尾蹴波回漁人網得魚如雪繫纜沾來佐酒杯

七虞山叢刻

和友人詩卷序

吾友子晉近哀次其詩刻之凡四卷惟野外為率然自命之言和古和今和友皆次韻作也然和古和今僅列所以次其韻者而止和友則附見其友之詩如美人臨鏡明月在水彼此互照妍好悉敵甚者乃以影脉形殆欲過之讀之不覺為起舞盤旋也蓋子晉之言曰吾和古今人詩則彼之為詩者既有專集流布海內可檢而觀耳獨吾之友而其人自達官高流至閒客野衲有顯晦其地自滇蜀關隴至閩楚吳越有遠近詩雖甚佳者未必盡傳且吾所與游由丁巳迄癸未則此三十餘年之中少者壯壯者老或篇軸尚存委運觀化者亦已多矣吾類而收之於一冊而凡昔之登山臨水聯袂接席與夫郵筒驛使問訊往來者每一披覽常在目前雖一時之絕塵塵後切磋是正者并記髣髴若是乎是卷之不可以已也乃予竊念自古詩家唱和

友序

虞山叢刻

莫著於元白莫多於皮陸若合一世之元白皮陸而皆與為敵以子晉處松陵長慶之間似得其難且就所屬和於友者而各舉其一亦略示梗概寓懷抱焉耳子晉生平佳日有社尚齒有社隱湖有社此三十餘年中者星橋煙水無日不來泛雪之船無夜不連聽雨之榻朝拈一題夕而累幅夕脫一稿朝而授梓其託之煙煤等於魚雁者固不知流傳小本今幾何也和友不盡子晉之詩而子晉和友之詩亦不盡此卷不又舉世之所共見哉往時吾家玉山亦嘗自哀其平日所與高人勝流分題布韻酬詠之詩曰草堂名勝集曰草堂雅集汝陽袁華又編玉山草堂餞別寄贈及玉山紀游諸詩別為二集凡玉山與玉山之夜之詩皆至今在焉其為概刻之也者猶乎子晉佳日尚齒隱湖諸社也其為選而刻之也者猶乎子晉四卷之一定為和友與和古今並稱者也詩或以友傳而友亦以詩傳宜先後一

揆矣若子亦子晉之友之一也而詩最不工不知於所屬而和之者將何取焉太倉社弟顧夢麟麟士序

友序

虞山叢刻

和友人詩卷

余自丁巳歲治詩叔子魏師之門得向友諸君子輒以詩篇見贈或遙寄郵筒或分題即席不揣矢和迄今癸未紙墨遂多展卷再讀半屬古人不勝今昔之感也情筆錄成副本且摘佳篇並附俚句於後隱湖毛晉

燈譙

嘉定婁 堅子柔

過雨山城淨洗泥夕陽歸鳥競春曉形忘不覺清言劇興發還拈險韻題四壁華燈連作障中庭嘉樹自成蹊崑崙怪石遙前指莫笑先生寶是圭

和

冰圻前谿路有泥夜深同聽子規嗁銀燈圍繞繁花簇寶帶分張錦字題滿座飛觴遲皓月垂簾聽曲度青谿林泉不及華堂燕人道先生是穉圭

友

虞山叢刻

頭上花開

松江陳繼儒眉公

素馨采采鬪新妝頭上花開恰晚涼穿插巧盤長命縷芳菲嬌昵合歡牀夜光不斷珠難定膏沐誰施玉有香莫向鏡臺輕理髮恐驚餘豔落釵旁

和

卸頭慵整內家妝試翦芳叢趁夜涼初縮不教風破藥斜簪恰好月窺牀乍疑雪片雲邊綴漸覺冰魂夢裏香明日端相梳裹別不辭重摘畫樓旁

冬夜集汲古閣水仙花下話別

福建曾異撰 邦人

亭亭也合喚卿卿似引蘭心入酒傾花草蕭然生道氣色香能不帶閨情夜初過午愁將去燭已跋三別未成知已忍言存海內出門便隔水盈盈

和

鬢帶霜華掛長卿寒英相對意先傾三杯不斷關山恨隻翼深知母子情鮫客淚珠光乍合洛神羅襪賦初成明朝掛席陽城道一曲長歌別思盈

西湖舟居

四川尹 伸子求

尊波鷗路已連宵小夜同心且斷橋黃雨入窗湖自暖行雲共坐客俱韶嬌歌定遺鄰簫和晚曲難將逋客招未盡曠懷須再約不愁花鳥薄蘭橈

和

舟居不分晝兼宵四序咸宜汎六橋柳外落帆風色轉花邊繫纜景光韶蘇娘墓冷鶯空老處士亭荒鶴可招我亦東湖放漁艇煙波十里蕩輕橈

上巳集花信樓

虞山錢謙益 牧齋

煙靄空濛歷翠微春郊上已淡芳菲祇除正愛清流好露溼何妨急雨飛新柳碧堪浮酒面小桃紅欲上人衣秉簡士女看相諛芍藥何當欲贈歸

和

脈脈流泉界翠微永和歲共惜芳菲一川江浪浮鷗去十里香塵傍馬飛曲岸柳塞游子扇畫船風簇舞人衣年華雲曳殘春候有酒如何不醉歸

同子晉宿北禪寺

吳門王人鑑 德操

聞君留古寺與客月中尋鐘動雙林寂燈明丈室深伊蒲分晚供香水淨塵心一榻同茲夕因緣豈自今

和

樹藏月下寺先後互招尋風定鐘聲緩僧閒燭影深旅愁吹角夜門譙樓春恨落花心皮陸聯吟後悠悠直至今

謝道錦衾

子晉遺文細錄舊作以謝新安程嘉燧 孟陽

故衾何意託交歡得共高人寤寐寬不分秋風破茅屋從教夜
雪滿長安空牀獨枕琴三尺遠札相遺綺一端早晚平津誰與
報布衣恩庇九州寒

和

慚無文綺贈交歡尺幅粗當詩紙寬短褐晏如時造飲布衾無
恙獨吟安西湖殘臘蒲三幅東海深秋緒百端換得昔年黃絹
句煞愁島瘦并郊寒

題鼎足齋

河間范景文質公

結廬人外意蕭然香國何如小有天四壁忽生空翠溼千秋如
見墨痕鮮摩挲金石人俱古寢處縹緲夢亦仙共我於中稱鼎
足坐來不羨米家船

和

吾愛吾廬豈偶然美人遙憶一方天瑤琴聲入縹緲靜中架書

友

虞山叢刻

萬卷分列如城時有客
鼓琴其間琴聲微妙
髮几光含翡翠鮮
几列古鼎彝器
青翠隱映如畫
鷲籠
換書多就道蠹魚蝕字半成仙猶嫌六一還多事約略尋思陶
峴船

乙丑七月十九日遇子晉於昌亭舟中寫蘭以贈

琴川沈春澤雨若

與君歌笑故山中嘗挹清芬九畹風今日相逢皆老大墨花輕
染坐低篷

和

輕橈相並月明中一紙香生十指風欲理絲桐訴心事十年離
緒滿征篷

題畫貽子晉

莆田宋 珏比玉

無求長願此身閒十日樓居斷往還須信閉關非閉目琴中流
水畫中山

和

閉戶拋書鎮日閒慣看倦翮暮知還雲中忽下雙鳧影尺幅崢
嶸萬仞山

辛未中秋子晉從虎丘來登蓮子峯詩以贈之

崑山朱 鷺白民

美人來登峯明月政起嶺大似有心約未識誰先肯
雖然一夕話彥會良足紀今宵海湧峯歌聲振霜樹

和

我愛蓮子峯隨月上孤嶺先來叩象門幽人已心肯白民結小
前如關題曰象門
二峯兩大石踞其
天池開絕巘寸水泓萬紀
蓮花第一峯頂有池圓五尺許中坐
有寸水從來不涸云是古天池
久白露凝雪照千山樹

山中近况柬子晉

江陰夏樹芳茂卿

友

虞山叢刻

曉坐冰蓮閣沈瀟響天籟遺世貴孤生神游白雲外
虛谷少人行襪襪暢獨往詩思落漁舟紅霞曬罟網

和

空山立空閣萬吹皆竿籟煙際起鐘聲洗耳松濤外
出岫本無心良辰意孤往松根卧似龍薜葉密於網

春江花月夜

錫山黃 廣無姓

人生行樂不問時春花春月風氣宜人生行樂不問地春夜春
江多雅致遙望青山映大江水鳧沙鳥自雙雙潮平空碧開明
鏡柳綠垂條拂畫樓兩岸離離青不斷中流簫鼓聲相亂惜花
愛月恣歡娛饌玉炊金停翠幔花值月明花色新月當花發月
精神花月春江稱四勝并余行樂勝尤真手提青銅上酒樓銀
箏向余歌不休開襟長嘯花月下何論貧賤與王侯吁嗟乎花
有紛飛月有晦江有風波春有代乘流溯月向花移樂事從心

境何礙江月千年照落花江花難際月光華年年歲歲春江上
美酒高歌凌紫霞

和

涉江不必問何時且暮陰晴各自宜况復花天連月地春光九
十偏多致迢迢夜涉揚子江金焦點點入波雙春潮拍岸失青
草坐處常疑天上艤遠近鐘聲敲欲斷禪燈漁火光凌亂花氣
乘風破浪香東山月出穿雲慢一花一歲一回新片月月月新
精神惟花能令月破影惟月能令花亂真回首江邊人倚樓皎
皎當窗恨未休花月迷濛度遙夜天涯夫婿覓封侯吁嗟乎花
未殘兮月未晦江未波兮春未代但拌夜夜醉如泥明朝重醉
何拘礙驚君落筆夜生花招我攜琴上月華是夜邀余飲月華樓馮猶龍攜小友

星橋佳會紀事賦得七言排律二十韻

友

虞山翁應祥

虞山翁應祥 昇宇

朗月清風景色良每思玄度意徬徨登皋舒嘯陶潛里背郭誅
茅杜甫堂天運恰逢重閏節春宵喜遇又傳觴燈明再解金吾
禁月皎還拌玉漏長珍重侯鯖窮水陸殷勤歌管叶宮商談深
塵尾瓊飛屑煙熱鱸頭篆裊香正值吳儂兼楚客不妨緇袖間
紅妝時楚密吳子攜歌姬素娟淮上江子見平原入醉鄉紫氣青牛多道術春風絳帳有文章嚴陵千古
渾如在戈法於今正可方况是登樓學王粲允稱詩說有毛萇
旁窺祿閣觀黎火快睹文星徹夜光觸目球琳分應接驚心珠
玉惜倉忙主人投轄情何重客子停驂興亦狂樂自魯周觀六
代詩從魏漢軼三唐設誇徐穉來陳榻卻笑王猷返戴航賓主
東南稱盛美往來虛實愜衷腸非關酒竭高陽會自是文傾二
酉臧列座求羊深意氣歸舟李郭入仙行從今別去思顏色落

月時時照屋梁

和

三五重逢小夜良門來長者慰徬徨傳聞燈市開千戶城中燈甚盛
快見嘉賓聚一堂次第錦帆停曲岸安排紅燭候輕舫六鼇浮
動連山湧百鳥差池接翅長星架屏間分篆隸風微簾外合宮
商玉船遙載寄生酒金鴨徐飄薰陸香時粵西友寄桑寄生酒
供老衲迅鋒談竹筥巨師佳人小鈿學梅妝素娥忘憂詎解愁
爲國不寢寧知睡有鄉珠玉霏霏隨咳唾風流藉藉擅文章論
詩說劍皆同調西楚東吳共一方讀易始知尊輔嗣傳詩何敢
繼毛萇巡簷迎笑生花氣卷幔揮毫鬪月光華燭高燒吟裏白
深杯百罰靜中忙平時不爲耽詩瘦此日真成喜客狂自有豔
情追六代還憑雅奏振三唐城闌春好多遊騎村塢谿深有釣
航閉戶簡書窺鳥跡出門隨處避羊腸晚依淨業知多幻早奉

友

虞山翁應祥

井研雷起劍 雨津

微言識善藏幸是宗雷招入社因同楊許結成行東方欲曙成
高唱古調真堪邁柏梁
訪子晉湖莊卽事
非關肥遯賦閒居功在千秋校豕魚行野田夫皆謝賬入門童
僕盡鈔書湖村畫艇移精舍古閣牙籤富石渠更有良朋相對
處佳兒總是德星餘

和

子雲家近子蒼居先生與韓子蒼同邑居與遺址相近萬里曾勞剖腹魚鐵甕人
歌一面網金陵士授二山書曾任潤州分司千巖秀麗雲歸樹萬頃
空明月照渠門巷能來長者轍開尊怡值晚香餘
冬日湖村卽事
蘇州馮夢龍 猶龍
蒹葭一望路三叉遙認農家去路斜舟響小谿過蟹舍屋積高
岸露牛車霜輕隄柳留疏葉氣暖村桃放早花平野蕭條聊極

目遠天寒影散羣鴉

和

湖曲波寒魚可又一舟如葉渡頭斜高籬懸瓠剗春楮矮屋添
茅覆水車沽酒前村逢故友尋僧廢寺見梅花蕭然野外無人
事古木干霄聚暮鴉

月夜懷寶月主人卻寄

雲南木 增生白

良夜無塵玉鏡懸碧霄炯炯思悠然煙生麗水光逾媚春到吳
山彩更鮮萬里尺書看乍去一宵輪桂喜同圓開尊花下懷偏
暢劇有清虛最可憐

和

萬里良宵一鏡懸深情逸興本同然掌凝玉露蒼山碧嘯冷金
風麗水鮮蒼山麗江在木公境內驛使傳來梅近遠郵書題寄月虧圓遣使
來時相雜華梵笈流人世贏得瞿曇為憫憐時託梓行華嚴懺儀
去七月雜華梵笈流人世贏得瞿曇為憫憐

友

七虞山叢刻

春夜入興福寺

長洲沈 璜 璧父

微酣曳杖入蒼煙驚嶺雲深一磬傳已覺年來塵事少更知老
去道心堅遠山淡在斜陽外古樹濃於殘雨邊佛火干枝香達
曙好隨僧眾共安禪

和

一路松陰羃紫煙鳥歸聲雜隔林傳階前樹立天同老澗底龍
爭石不堅燭影星羅依木末香光雲繞散花邊我來問法求真
印誰撥寒灰達四禪

九日後登識舟亭話別

山西張慎言 藐山

楓自能丹雲自白茱萸插徧復登臺濤喧別浦吳帆墮氣暗西
風楚雨來秋迴山川清且瘦霜空禪宇淡仍開古人所以多遙
歎觸緒縈思悵別懷

和

羈蹤飄忽如秋鳥又上江邊翠峯臺鴉背曾將日影去雁聲如
帶朔風來千山黛色孤帆掃萬里煙光一嘯開天際歸舟人自
識悲歡今古各為懷

年來擬覓村郊勝二首

琴川戈 汕莊樂

年來擬覓村郊勝小築安名豈是菴當牖遠山應在北接籬閉
水定須南逍遙杖履初無倦禮數交遊已不堪多謝故人空繫
念一燈惟向老瞿曇

右豈菴

年來擬覓村郊勝兼欲中成保硯齋花竹自宜疏映帶琴書相
與靜安排考槃且遂衰人隱養正猶關少者懷出處兩無加損
在何妨土木我形骸

右保硯齋

寒食後三日晉掃外祖墓隨度菴豈菴兩舅氏從華涇放

友

八虞山叢刻

舟過殿橋循山塘看花至寶嚴灣風日晴美開尊情話
可謂盡村郊之勝矣豈菴舅氏因出年來擬覓村郊勝

二章命晉次韻

能權水陸都非是豈必安禪始是菴山好窗虛排遠近湖明月
上恰東南累千書卷寧求解慣一簞瓢也自堪香閣眾緣何日
舉妙花偏感現優曇

詒謀一硯深三世匪為求安別有齋密爾書香看燕翼翳然花
竹好安排平添漁牧徒閒侶早讓夔龍是老懷自分衰殘乖宅
相一生放浪委形骸

已卯正月廿有二日攜壽兒同吳門林若撫訪毛子晉舟

至蠡口阻風夜泊得蒲字

福建徐 勳 興公

煙水茫茫接五湖相傳此地過陶朱春回遠岸千條柳風阻輕
帆一幅蒲粉黛昔年思越豔榜歌中夜聽吳歎欲尋何處毛公

隱雲樹連天望海虞

和

看罷梅花又汎湖船窗卷喜研朱三山雪滿忙攜屐百里風
高怯挂蒲鄉思未須傳楚奏燒歌猶自識吳飲相逢快讀連牀
句流別殷勤問擊虞章流別論

乙亥中秋仍毛子晉爲主人汎月西湖幾達晨而返坐中

楊無補戈莊樂嚴仲木李孟芳季虬王成之金介甫

客歌管

虞山魏

沖

兩中秋月共嬋娟恰喜湖游共一船甲戌此夜亦子晉見招亦
湖亦幾達主韻兼多風雅客地佳仍遇碧澄天歌諧管調渾俱
晨亦有詩肉酒暈蟾光似不圓秋士平生歡夕少將頭當月亦三年辛未
衣幾畧知有中秋之樂

中秋夜夜月嬋娟連夜賓朋好放船好水好山兼此地奇晴奇

友

九

虞山談刻

雨會秋天七月晦夜寶嚴
蛟騰大水幾滔光飛杯面痕逾白輪到湖心影倍圓

自古從誇吳八月定無美滿似今年

和

紛紛蘆荻自便娟選勝郊西一繫船佳日每淹佳客坐好山偏
趁好湖天風憐曲細中宵斷月印波平徹底圓轉憶去年秋閨
醉如何秋不閨年年

曲闕流水映連娟長笛短簫移畫船鷺起鷗飛明月夜風清露

白好秋天杯傾竹葉槽紅滴筋滑松根蕈紫圓百歲合宵能幾

夕相將勝賞共年年

九日登虞山遇雨宿興福禪院

嘉定黃淳耀

生

每到林巒覺眼明登高况是客中情山當木落先疑雨院有僧
期不願晴欹枕靜聽鐘鼓發推窗遙指澗泉生可憐一夜清無
寐心在前峯夢未成

和

劍門拍坐兩湖明頭上雲催片片情龍破澗邊先布雨鶴棲松
頂尚梳晴空潭花氣垂簾靜深夜泉聲傍枕生一自常公題筆
後欲裁新句苦難成

去年七月息影虎丘後山子晉過訪把酒賦詩樂甚今年

七月重過山樓適困於瘧惟與藥餌作緣松窗闌若空

谷杳如枕上清風峯頭涼月都不減去年而客况游心

不無少異安得吾子晉忽來一破岑寂也因步舊韻以

寄

虞山張

維

尙存多病骨留看一枝松如昨峯頭月誰移竹徑筇雖非中散
地常有韻人逢安得君仍至同聽晚寺鐘

和

憐余淡似菊念爾直如松對月支高枕看山曳短筇秋光驚暗

友

十

虞山談刻

度情話夢頻逢耿耿心如擣分明半夜鐘

襄陽峴山登頂取道甘泉寺作

景陵譚元春

友夏

踏葉來看石三休坐進途風高南北脊煙點鄧鄠圖漢水明山

缺吟聲接雁孤一筇支數嶺身幸在虛無

同登靈巖次韻

吳楚山皆翠迎眸怡載途錦帆尋雪棹赤壁泛秋圖屢響松風

合琴幽塔影孤長安梅信早頻得遞來無將友夏
將北上

寄毛大子晉

德州盧世漣

德水

翰林作主墨爲卿萬卷由來勝百城欲覓野人深致處山齋匡

坐一燈明

丁卯橋邊詩韻高三羅昭諫氣尤豪遺編如土誰收拾絲繡平

原有大毛子晉近將丁卯
甲乙兩集校梓

和

詩名誰合冠公卿
冰水高坂五字城
千古杜箋成
聚訟私言昏

室一燈明杜私言

海內論詩聲價高
掀髯抵掌興偏豪
杜亭一自胥鈔出
訓詁相

平居先生詩話少 吳郡張 屈隱公

好意江湖闊
茅齋置曲隈
閉門風自過
卷幔月長來
惡木何須
伐新松且漫栽
無能遊五嶽
客至說天台

和

舊樣邠人屋
安閒枕水隈
門無輕客到
窗有白雲來
老樹千霄
立幽花隔歲
栽晚晴開小圃
生意自恢台

寒艇 錢塘陳 濬行無

哀風中夜一憑闌
忽送輕帆下
急灘耿耿秋
河橫曙月
蕭蕭霜

老不勝殘

友 虞山叢刻

寒鐘

木葉經秋醉
晚容空山餘
韻落長空鶴
孤天半勞鳴
和攪起愁

和

兩岸巖風怯
倚闌陣鴻蕭
蕭度前灘
傷心最是孤
舟客處處
砧聲扣月殘

松頂雲凝釀
雪容蒲牢一
吼萬山空
楓江寺裏聲
偏早驚起愁

眠半夜風

書帶草 江陰周高起 伯高

前身曾向錦囊分
卻笑秦王不盡
焚茂叔階前
浮翠潤康成
庭下滿青芬
香回束閣縹
細帙影散懸
鍼篆籀文更
說藏書能辟

蠶名山一席合留君

和

巖山中谷一枝分
種出瀘川不與君苗
視共焚色映芸窗
含露碧影侵蘭榭
挾風芬流螢聚
遊渾無字老蠹
經行鈔蝕文休問
王孫芳草路
讀書臺畔笑逢君

空心潭晚步 古杭胡文蔚 勃生

綠樹鶯啼三月天
招尋信有入山緣
春深最喜林陰合
雨霽還看塔影圓
愛客僧炊香飯供
吟詩人枕錦囊眠
覺來諸念澄於洗
又試東坡玉版禪

和

步出林西欲問禪
古碑斜抱老藤眠
基荒鳥散山光淡
水落潭深日影圓
披草摩挲悲往事
汲泉洗別笑前緣
擬招二老魂來些
擬講亭上祀經仲水月同參兜率天

和

鶴伴經行虎結鄰
古藤幽竹翳苔紋
朝憑水檻千峯雪
晝鎖巖扉滿屋雲
遠浦明燈高閣見
下谿柔櫓半山聞
西崖木末孤亭上
定有書聲達夜分

和

老樹層層結四鄰
窺檐怪石裂冰紋
閒眠短榻千峯雨
寄傲高窗萬頃雲
飲澗鹿羣晴晚過
驚人虎嘯夜深聞
採茶僧有詩筒便
領上煙光贈幾分

和

梅雨 常熟錢謙貞 履之

幾陣梅黃雨
送香盛來
贏得潤枯腸
倒缸運甕忙
何甚也似農夫競插秧

和

梅黃雨白滿林香
湖上農家欲斷腸
三歲平疇浴鷓鴣
今朝又見水過秧

和

華嚴閣前池中雙頭紅蓮 吳郡殷時衡 介平

華嚴閣前池中雙頭紅蓮

吳郡殷時衡 介平

綠波鱗砌新水清搖空閣影鳧渚平飛仙摘花攜手至六郎不
敢嬌娉婷優曇一現千年久四照懸知天上有九品雙雙相映
開欲向花中標上首此日花神別有緣只同香色不同妍孔中
不避修羅種葉上能勝太乙仙花分九命誰家子筆削難憑非
信史青青一片拈靈山香風五葉無凋殘

和

湖南晝永天氣清綠野懷新一望平草閣孤高立芳渚凌波瞥
見雙娉婷鵝鵝耦浴同棲久兩兩紅妝驚未有豈緣分坐說無
生故作重臺還並首一莖幻出洵奇緣誰向湘江學鬪妍色香
不二空中舉爭先欲語雜華仙繪圖試獻聖天子歧麥駢芝共
良史莫教雙淚落巫山重疊空房秋露殘

前題

何之清 聖生

友

三 虞山叢刻

明不染心多寶塔中分半座天親樹底話重陰百城煙水添新
伴勝樂先參第一岑

和

橋西小築未云深半引谿流半竹林偶種一茄供兩足忽看其
蒂現雙心紅妝比豔迎朝旭香袂分披帶晚陰何日與君成二
老拈花合座對遙岑

讀禮山中寄懷子晉

定海陳函輝 木叔

談詩早識大毛君四壁圖書古典墳竹屋泉聲通拂水金門賦
草擬凌雲山中欲寄青精飯座上應揮白練裙聞道洛陽增紙
價爲余一梓送窮文

和

江上親曾御李君高文直欲馳皇墳蓼莪掩淚辭青綬苦出居
廬禮白雲不寐中宵開梵筴多情千里寄書裙何時雁蕩飛雙

展細讀先生告墓文

湖中秋汎寄懷

虞山宋奎光 爲谿

蕭蕭霜淡荻含秋萬頃煙波一望收博望曾爲上漢客武陵重
有釣魚舟花深隱約伊人在洲白蒼茫野色流畫意滿前供點
綴那堪水際更浮鷗

和

一葉飄然正素秋蘋汀蓼渚峭帆收幾行雁字排孤嶺無數蘆
花隱釣舟月暗霜明疑雪汎風微浪急帶潮流水雲盡處迷前
路應有高人對浴鷗

正月廿三夜觀燈寶月堂

福建徐延壽 存永

月光不惜下弦殘剩有華燈滿座看燭散青煙杯照影花凝香
霧座生寒託交敢附忘年誼拌醉偏宜卜夜歡一夕論文當萬
戶識君方信重如韓

友

四 虞山叢刻

和

今歲燈華帶雪殘快逢佳士又重看杯非琥珀猶堪醉屏豈疏
璃亦畏寒余病寒百里阻風傳秀句存永父子見贈三更坐雨罄
交歡莫嫌病思偏蕭索剪燭題箋漫學韓阻風唱和卷

寶月堂歌

堂之前窗鑿七十二圓牖擬月輪之分身者

東吳胡 梅白叔

我登寶月堂最遲有月絕勝張燈時大月上走開寶戶滿堂小
月隨之移小月一一入我手七十二片圓玻璃蓄微漏影疑桂
樹似有兔眼中迷離雖余酒量十分窄飲盡月數亦不辭寶光
磨盪透枕席歌成堂外唳黃鸝

和

六月堂空日馭遲君來正值荷花時日照新妝滿池面浮萍破
處嬌影移少焉月出南村樹素屏圓鏡如琉璃又疑石湖橋昨

見七十二候光離離香風拂拂迷晝夜勸君斗酒歌君辭青
塘劫鼓吹歇依依深柳鳴雙鷗

寄謝毛子晉兼呈衍門諸友

古杭顧 卍山臣

編探名函憶草堂野蕭吹雨過寒香奇書自畏飛花溼好客能
開什襲藏遠道幾人親問字春陰一尺滿歸航至今雲卧多聞
見虞仲山前獲寸長

和

段家橋下結茅堂路近孤山樹樹香止酒因飯惠遠社臨池能
發楚金藏永興頻著尋梅屐拂水曾移聽雨航迴首西湖煙霧
裏美芹相對嘯歌長

冬日喜得子晉書兼寄新刻河汾諸老集及秋水篇二王

帖

福唐林古度 茂之

尺書歲暮自琴川今古名詩喜並傳重誦河汾諸老句更吟秋
友 虞山叢刻

水社人篇殘碑斷墨能完續白璧明珠盡合聯不是君家真好
事誰能姓字到千年

和

浪跡長干近碧川寓居近青六朝遺事賴君傳興高不讓月泉
老擬精吳潤老才逸同吟鸚鵡篇索和睡鸚鵡宮闕影荒雲外

見鶯花句斷柳中聯封書與說前塵事尊酒相攜已十年

火後寄虞山子晉

海鹽胡震亨 或名遜 字孝樓

知在洪爐更幾迴平分敢怨赤煉催有薪且耐火傳去誰劫能
燒空性來衰汗易乾休捉扇雄風難共廢登臺寂然兀坐虛窗
下轉覺清涼灌頂開

和

兀坐虛窗首重回閒吟無事黑雲催漢襄不逐兩京去秦火如
同億劫來先生向有秘冊章函與沈先生合匡鼎橫分說詩席

唐詩鈔昭明高擁讀書臺有續文選冬殘欲理剡溪棹閣閣知
應為我開

仲秋江上辱子晉見訪久未報謁近游海虞得隨莊樂先

輦過汲古閣率爾漫賦

荻區王 廣凱度

旅館停高駕江濤照月初風期君莫比蹤跡愧予疏載酒詢奇
字披帷見異書鄉壤名勝地今日得牽裾

和

一路霜華薄尋幽過子初谿橫略約斷庭委菊花疏綴羽傷征
雁開尊問借書清風吹不做灑灑接衣裾

戊寅元旦流寓虎丘鳥齋柬子晉 湖廣謝應薦 君鵠

屠蘇初日殿青門又見山梅接遠村落拓旅人傷歲改太平遺
老賀年尊草衣澤國宜荷芰蘭友江鄉徧芷蓀最喜虎丘春始
到待君攜手上高原

友

去 虞山叢刻

和

百尺孤松自閉門肯隨魚鳥問江村僧厨不覺年光改山市方
知酒價尊儉父只宜焚筆硯騷人多愛詠蘭蓀海雲菴下梅花
發攜手香風上古原

澄江書院池中並頭蓮索毛文學同和

陝西張鳳翽 慰堂

菡萏映碧池靚妝淨如拭宛在水中央褰衣不可即奇葩出叢
中辨眼自明哲種自天泉分香從大國覓巧裁化工手孤莖茁
雙蔽洛城連騎過顧影矜雙璧漢水弄珠游恍有靈妃匹本不
邀人賞賞者心彌憚呈奇豈無意瑞應良匪遜會看連芳時桂
杏香同襲

和

權奇渥洼產良樂勤拂拭應感生華萃奇姿儼堪即臨風似美

人嫣然揚且哲託根水鏡中易知復難覓亭亭本一茄的的敷
雙敷合浦非獨珠連城豈隻璧臂彼駕與鴛咬咬戀傳匹何如
冰裏連傳說生心懌維茲連茹會肅聽風聲遜拜手佐文治雅
化時披翼昔年江陰廢寺池
中蓮花破冰而出

立冬日子晉招同若撫浪白仲榮集白龍潭上限韻

新安李永昌 周生

寒夜重煩席上珍銜杯雅諳未須嘖燭然有淚情初洽友集無
苛黨不覺此際高懷真百倍終宵清令已三信美人莫道嬌羞
甚一點櫻桃乍啟唇

和

秋濤昨夜聽潺湲忽見郊原朔氣昏風落晚花籬外瘦谿寒殘
葉槩邊翻相逢唱和忘千里共賞丹青倒一尊斜燭光中歌窈
眇當筵恍惚坐春溫

友

七 虞山叢刻

辛卯花朝仲木招入山看梅風雨阻棹夜酌此靜坐月色

甚佳

顧夢麟 麟士

老雨狂風客子廬匆匆居已度春初閉門我愛供高枕折簡人
傳待小車罷飲忽看庭浸月破愁仍照案攤書浮生踰躑皆如
此豈但花前阻曳裾

和

朝朝花發繞吾廬誰說今朝花誕初風雨無情情慵鼓柁支干有
閨擬脂車凭闌乍見新泥燕把蓋同看古劍書雲破滿庭生夜
色枝枝梅影上衣裾

汲古閣聽雨同麟士人伯及溯聞端和兩上人子晉因出

觀寒拾二像千二百五十阿羅漢長卷併宋刻諸書種

種妙好得未曾見喜而作歌

周榮起 仲榮

春風劈柳春雨濃湖天溼霧霏重重蹲鳩高樹懶不起捲簾入

坐雲濤衝同心如蘭靜言好衣裳為我歌顛倒傑閣層懸列譜
圖西陽觸目皆琳寶茗甌香鼎不停披止善同參及素緇雲藍
十幅展奇妙大比丘眾皆吾師龍眠嫡祖仇英筆四百餘年工
力匹愛護能逢賞鑑真玉躡金題間細帙更看遺照國清賢絹
素神明墨妙傳宣和遺澤自清灑古香浮動澄心箋魯魚離校
綆深汲籤軸如雲供什襲天厨誤入饒腹兒禁鬱江瑤都翁集
以之展轉耳目移坐卧於中豔總持嵐煙水氣奔紛接錯認天
祿藜重吹徐徐握手下樓去梅花半破迎人語洗盡凡心骨具
輕雞鳴隔屋東方曙

仲春望夜喜仲榮從江上來握手道闊披閱兩令女畫十

八羅漢暨九歌圖超越古人因出家藏寒山拾得二像

千二百五十人卷示之見貽古歌次韻奉答

三十三山春漸濃停雲鶴鶴幾千重花朝雨過駕一葉兩水灣

友

六 虞山叢刻

頭潮互衝行到湖村月正好蒲帆影向橋邊倒入門執手如夢
寐貽我閨人畫中寶九歌之圖翦燭披展轉懷沙品不緇變幻
鬚眉見龍象坡仙列頌天人師應真我有先民筆阿堵傳神或
相匹千二百五十人俱海山飛走羅一帙閩丘太守間稱賢國
清寒拾至今傳君看拍手笑何事誰把神情託素箋曹谿一滴
隨人汲四花亂墜香風襲濡毫點綴蓮社圖惠遠宗雷此中集
開函展卷日晷移矚榭榻止卧軍持茶煙香煙紛繚繞更挾蘭
風入坐吹勝流先後留題去送難存疑且語語不敢輕論米氏
船薄飲倒牀天欲曙

耕欄子歌 有別

沈 顯 石天

予老矣不知耕欄之有子子且微可炊而食也辛卯夏五過
隱湖潛在薦此下酒語予曰知而食者吾鄉村之悉用醃治
失厥本真子則漉後微炒發其香性而味具焉予輟然歎曰

物物具妙而愚者錯用畢生受迷即衣內有珠誰爲識取以是知潛翁欄子直示人親口嚼著方許下語願予此歌奚啻晴豆之誤耶

右丞耕欄植數個生子何微母何大科頭老鬼舞僂僂荒月滿階搖影破霜餘拾子鯤作胎葶藶粟驚相猜村厨糞底醃既足村翁豁齒憎酸菱隱湖仙叟具妙用物理晰微無不中銀鐙土鏗借文火雲子手抄香色動翦燈引滿列數磁晶珠的燦光奪昔拈來細嚼味轉異名物未辨情已移耕欄子世豈知借君珍品傳吾詩

和

翠葉擎雲紛紛個個其實離離香黍大樵夫笑指仙掌擎漁翁錯訝魚腹破黃金爲膚玉爲胎蝴蝶不知蜂不猜瘡帶羽魁二種名列上品醉猫鍊鶴借雲菱田家粗糲那堪用味外之味染指中

友

九虞山叢刻

石天散禪明五天一嚼一嗅心偏動微物牽情鍼引磁銜杯拍案幾裂背呼童中紙濃潑墨頓使江郎疑忽移耕欄子天下知豈欺我哉沈君詩

酒草有引

林雲鳳若撫

余吳門酒民也七十餘年來傳飲友人家盡千百費矣惟虞山毛潛氏酒甚美非藏過千日者不開埋供客主人偶開一甕色味如泉水中結成一物如羊肚大外層附若雲衣童子持以問余余曰此酒草也曾聞之松園老人云酒之精華結聚而成甚美可食食之果有異味余擊節歎曰天下酒家天下酒人誰有識此異品者因浮大白口占四韻以補酒史之闕

貯向牀頭已十年一朝開甕卻如泉祇因結得精華在試更烹來氣味全尊鱸並陳尤覺美樹雞若比尙輸鮮超然品外誰知

者空讀劉伶頌酒篇

和

山家採葷度流年驚喜余家產酒泉不託松根香自在惟憑秫氣味仍全雲衣層疊流匙滑越酪甘柔入齒鮮甕內別成麴世界無功應集大成篇

詠瓶中落梅四首

徐遵湯仲昭

護得霜濼與日烘早開遲落總歸空饒他葉底青青子伴我窗前細細風縱使香消魂不遠只愁影散夢難通莫云勺水無功力殘白還能戰嫩紅

美人室邇有遐思翻惜攀條損幹時醮墨正投鸚鵡眼貼鈿偏傍黛蛾眉幸離入溷黏泥劫未許游蜂野雀窺拭簞展茵頻太息不同風雨葬西施

友

三虞山叢刻

換草堂春月穿簾幌知無伴人立闌干別有神正對瓊仙圖一幅并描疏影爲傳真

尋詩驢背已空回檻內飄英亦點苔石榻便爲香雪坂紙屏曾作避風臺不沾驛路并山徑偏墮芸編與竹杯漫笑挈瓶輸抱甕村童又折杏花來

仲昭索和瓶中落梅漫次其韻寄之

綺窗晴日暖微烘又見梢頭漸漸空初綴早開因灼火終知欲落不關風梁玉從此無人獻驛使何曾有路通不獨漢宮妝五出家家貼額鬪腮紅

看來片片擾閒思况值無聊獨坐時換取楊枝供好相盛將竹葉解愁眉吹殘玉笛頻頻咽彈罷琴默默窺一樣折枝圖裏見鮮明偏喜彩毫施

暖閣相依絕點塵香國裏返魂身短屏隔斷空中絮明鏡飄

零月下春碧海未歸虛設願雪宮深鎖獨傷神
不作尋春夢休把離情補會真

好將白首一時回豈逐春風葬砌苔落魄未
曾離几席招魂依舊傍妝臺夜窗彈指生禪
思曉燭評愁費酒杯記取玉容誇雪豔縞衣
從入夢中來

穀雨日中峯止宿逢子晉同若撫仲榮兼悼伯高之逝

姜垓如須

散髮相逢一釣舟滄波萬里使人愁翠屏嬾
嬾春暉淨黃鳥關關曉閣幽亡國子山仍寂
寞渡江公瑾最風流應劉齊輩今如此倚杖
何妨汗漫游

和

雙燕分棲並繫舟入林三笑解春愁垂簾聽
雨拖筇緩隔座看花試茗幽遠近林丘嘯鳥
換存亡朋舊過雲流結茅偏愛南山

友

三虞山叢刻

好收拾詩編續澹游着師喜南山葺一把茅對之索友人落成詩擬定水老人澹游集編次

魯國圖詩

葉國華白泉

昔謝皋羽浪跡海上慕魯國圖於定海學括
髮間隱遯之士講經山中遺以是圖與夫子
像對朔望肅謁國華嘗讀其詩而歎之前者
司諭是邑即詢此碑鮮知者後得一老人八十
餘矣言幼時曾見此碑半埋土礫中指其處掘
得之已深數尺爲立堂廡間復還舊觀摹其本
藏笥中久矣確菴陳子今之古人也講道瀾
谿之上從游者眾乃仿皋羽意以是圖歸之
并奉北雍摹夫子像系之以詩次皋羽韻

舊傳蹟不朽寤歎觀彌新席暖或梓里椽安
卽海濱龍蛇潛大道鳥獸閱斯人異代同懷
日規趨古逸民

和

迢迢五百歲片石一廻新牛瘞宮牆下仍依
泮水濱步趨悲海

客持贈有同人吾願題名後跌邊記老民

江南曲

馮班定遠

春風一夜吹江色千里細煙生亂碧草芽
纖刺滿金陵古石苔荒江令宅年光歲歲
常如此千燒萬戰臺城圯鷓尾塵埋繡閣
平張孔淪亡二周死石頭城下水悠悠暗
數興亡得幾籌山河不改繁華在兩漿依
然迎莫愁

和

鳥聲嘯醒林泉色宜春苑中駸眼碧楊柳
風流似少年羞拂掖門杜姥宅扶南獻樂
曾來此獨足鳥飛臺忽圯薔薇按水空鮮
妍雙鶴冲天鼓聲死平湖高塚兩悠悠燕
雀銜泥倍幾籌可憐六代英豪地生出人
間無限愁

燈花

燈花定遠分來社題也漫成一首以寄云
高燒朱火照玲瓏

友

三虞山叢刻

花發何須待曉風延散梢頭無定色向榮
葉底若爲紅笑呢異態疑兒女開謝同時
背蝶蜂縱使三郎催羯鼓難將嬌影度杯中
落句頗不自快適同人見投若干首因分別
各題以和之皆燈花下課也潛在晉

書燈花

釋照宇立卷

搖光弄影下書帷試吐芳心焰自持隔牖
不隨淫雨落臨軒還怯野風欺爭知點紙
燒僧字無那彈焦亂局棋別有嫌疑照襟
帶獨醒由我夜題詩

和

玉蠅金苒照深帷一卷更闌手自持月戶
明生休借助土囊塵起不能欺開時斜拂
初停酒颺去潛拋未了棋錯認春歸紅瘦
盡重挑餘暈和韓詩昌黎有燈花詩

道院燈花

陳瑚言夏

漸減蘭膏力未微娟娟含吐弄清輝春風喜近騷人酒夜雨愁
添少婦機筆夢入煙分一秀劍華拂暈欲雙飛醉來擬折軍持
供幾度凝眸卻又非

和

莫說笙臺燭火微煉成文武弄澄輝十芒分取劉郎種七焰栽
來織女機碧落雞聲干樹曉絳霄鸞影一羣飛試教紫筆留花
譜迴顧人間種種非

永巷燈花

吳璩應四

夜夜短檠何吐穗朝來應有探春期曾聞咒草憐蛾撲更訝生
蓮恐蝶知高照垂英明蠹簡孤眠落燼暗羅幃愁看夢斷如螢
定遙羨天衢耀九枝

和

一莖枯草生新藥似與春風有舊期已落猶開無限意半含欲

友

虞山叢刻

吐有誰知開時永隔鶯喧戶落處還寒鳳入幃別院金蓮照歌
舞棚頭應惜瘦腰枝

寫怨六首

陳瑚言夏

吹盡參差意未通望夫山下夕陽窮生憎蘭葉戎戎綠坐惱蕉
花故故紅好夢依稀曉鳥後閒心飄忽亂雲中台歡綵被前生
話寂寞風光任轉蓬

倦魂惟與睡鄉宜欲上妝樓響屐遲拭淚錯應鄰母詛含情羞
語侍兒知蝸涎雨後空成字蟻網秋來倍有絲敲斷玉釵還不
見盈盈一水繫人思

桐露垂垂染墨池千迴萬轉不成詞涼生條脫秋風早光撼流
蘇曉日遲墮馬競看梁苑髻曼蛾還憶漢宮眉紅顏命薄應如
此腸斷空幃祇自知

倚偏闌干坐曲房簾前小立夜初長回文柱寫千行淚辟惡慵

燒百和香雲雨人間無楚夢星河天上有裴航可憐結髮爲夫
婦孤負佳期是不將

衝煙獨夜浣谿紗肯逐春風鬪物華睨曉黃鶯綠底事呢喃紫
燕傍誰家吳儂巧翦江頭袖越女喬妝陌上鬢記得昔年承雨
露也曾心謝貌如花

老此羅敷未嫁身琴心空自目挑頻舞衣棄久飄爲蝶歌扇拋
殘化作塵雁帛浮沈千里信鶯花顛願十分春登樓一望皆芳
草何處王孫愁殺人

和

南浦西陵一望通愛河迢遞恨難窮侵裾草色風吹綠映面花
顏日炙紅雁柱塵封簾押下鳧燈光暗繡幃中分明去路無多
遠只是征檣類斷蓬

友

虞山叢刻

夢錦衾知庭流桂月盈虧影簾度瑤琴急慢絲人世死前惟有
別誰知死亦漫多思

煥霍房櫳映紺池無詞亦自有微詞尋聲想像凭闌久對影生
憐滅燭遲三寸止知縈百結一生常負劍雙眉窗前妒殺能言
鳥爲問郎君知不知

草碧春塘繞曲房閒吹柳絮日初長釵茸小鳳空迴頸裙佩流
蘇幾換香不見魚箋來遠雁誰將珠淚寄征航鎖雲囊是多情
物爲鎖愁雲遠送將

淒颯漸漸入窗紗病渴無方潤露華酒醒豈應真是國夢歸卽
恐未爲家忘軀擬學陳宮緝弔影還須魯婦髻怕見簾前雙燕
子交飛耦語入春花

愁對菱花一病身偏憎侍女笑言頻釵梁金羽渾埋土壁帶霞
光半染塵牢落山川猶作客淒涼庭院不知春西家只是緣多

病非病何曾強效人

貞燕

釋米堆山

孤月避虛檐慚此梁間燕六載所天魂不逐東風泮雖乏捕狸
鵲聊附知時雁雛行殼猶在撫摩慰沈怨

和

春日與秋月不爽惟飛燕梁塵空六載舊壘未曾泮生死恨殘
謁往來逢信雁詩卷如堆山抱卵又何怨

子晉以天寒有鶴守梅花索余繪圖有作

顧樵樵水

仙禽元不慕乘軒瘦影相依凍蘚痕清淚初聞香夢斷瓊英欲
謝羽衣翻銜書江嶺先春信招隱孤山舊日恩只為松高巢未
穩獨甘霜雪守梅根

和

友

五虞山叢刻

山中雪滿意軒軒慣見蒼苔舊爪痕堅立微嫌疏影動香凝不
使玉翎翻天公豈必因遭惡物類如何似戀思一幅嫩寒春欲
曉九天聲聞出籬根

癸巳早春喜聞子九上中峰赴南來大師講席詩以促之

徐波元歎

足音無幾到巖間玉屑微言意獨關講席疏鐘傳曉谷隨舟微
雨洗春山斬新草色堪留賞落盡梅花始放還請飯他方非細
事化人蹤跡願追攀

南來法師正月十五日續講華嚴大鈔元歎招余入山疊

韻答之

一輪初月照松間高座峩峩夜不關放鶴雲深藏一滴喝獅雷
動曉千山聽傳法鼓爭先到看徧梅花未肯還講罷相將尋落
木明朝羅徑又重攀支公放鶴亭元老落木菴皆在中
峯下一梅齋喝獅窩南公新構也

鏡中燈

費參省公

何處寒光貯影重短檠斜照碧溶溶妝成鸞舞驚花焰潭淨珠
輝倩月封是合是離占法相非空非色總機鋒箇中標指憑師
剖悟得無明不盡宗

和

凝明暗室影重重空碧霜晴一片溶孤葉飄紅雲不起殘螢照
水月難封吹藜耿耿疑穿壁注面星星訝點鋒惟有老僧無二
觀琉璃光裏印三宗

子晉遠寄藥資賦謝

徐增子能

九年卧病老吳城採藥名山志未成詛我豈期猶不死感君何
敢說無生武夷彩幔賓雲曲句漏丹砂搗月聲憑寄詩篇兼遣
興琴川帶水悵盈盈時以論詩不合有誣余死者故
及之所以重感子晉之意也

和

友

五虞山叢刻

一紙吳天墮鵝城燈花應識好詩成開尊且喜青山在攬鏡同
悲白髮生梧下攤書雲弄影花間搗藥烏和聲老僧攜得新茶
至雁蕩村前月正盈

寄贈子晉

張琛雨公

久慕君家未見書思探二酉問精廬品裁旁及徵遺事刪述偏
從析義疏傾蓋欲先聲應內執鞭恐後夢魂餘虞山翹首頻東
望紫氣氤氳滿碧虛

和

晨昏遮眼一編書時有高人枉做廬地僻不知秦晉曆架塵還
拂漢唐疏四愁久望琅玕贈三影遙緘花草餘博物家風宜作
賦漢京法度準憑虛

上巳

徐遵湯件附

巳年上巳剛逢巳辰月芳辰正集辰約辰刻巳近禁煙思介子
早集

先為酌酒弔春申修祿君山人言花鳥俱非舊
禊事衣冠又一新社鼓散餘仍徒倚喧闐吾久厭城闕

和附示見說

重三逢已還逢已幾見干支會一辰異代堂封猶在望閒民
氏向誰申鶯花應節分張換泉石因人寫照新聞道錦峯香市
沸笙歌七里接重闕是日拂水舟輿直接

癸巳三月三日攜子姪踏青湖上桃隄菜陌紅黃繡野雖無
激湍曲澗可以汎觴而酬酢如流少長咸適持燭方歸慚未
得郝隆一句越兩月哉生明南州徐仲昭寄上巳詩其首句

云巳年上巳剛逢巳為之欣然因憶禊飲野况率成和篇適
表展兩兒侍側展曆按日迺是巳巳不覺拍案曰巧會哉干
春一日也何徐仲昭但云逢巳不云逢巳也爾小子雖讀鄭
風溱洧之章朱子采蘭之傳未詳其義竊笑人呼三月三日

友

三虞山叢刻

為上巳蓋有大謬不然者周秦漢魏以來最重解禊自帝后
以下無論貴賤男女莫不相緣謂之巳會亦曰禊飲亦曰禊
日探蓋用三月上旬巳日如上辛上戊之類也蓋古人用日
例重干略支文選云元巳之辰漢書云明帝永平二年三月
上巳官民絜於東流水上合二書考之其為上巳無疑矣張
華詩云暮春元日陸機詩云元吉隆初巳其不拘定三日又
無疑矣即王虞云禊號三巳沈佺期云三巳禊堂開亦三月
之巳非三日之巳也至於上巳之說經史不載僅見虞世南
引漢末郭虞生三女一以上辰一以上巳一以上午三女俱
亡村人以為不祥祓除水上云云亦不過出於風土記續齊
諧小說家恐不足據先謂陽氣生於子終於巳或取諸此
若唐文宗以十三日為展上巳不過一時遊戲耳讀至宋書
云自魏以後但用三日不用上巳後六帖云古用上巳今用

三日則羣疑渙然冰釋矣倘盡如今歲三月三日巳干支
巧會古今合符又何疑哉嘗見陶宗儀紀至元甲午歲正月
一日立春二月二日驚蟄三月三日清明四月四日立夏五
月五日芒種六月六日小暑七月七日立秋八月八日白露
九月九日寒露十月十日立冬十一月十一日大雪十二月
十二日大寒以為節氣希有之辰始信文人操觚無一事肯
輕放過如今春重三逢上巳亦紀年一段佳話也小子其識
之

鳧谿卽事

釋自局

霜茅葺縛未能成慚負松風與澗聲載月何期來菊候烹泉不
覺到雞鳴無營稍識閒中味有累偏嫌老去名漫說法門須荷
擔方應謀得一身輕

和

友

三虞山叢刻

瘦竹疏松種未成中田傳出梵天聲林舍淡月和雲上路斷幽
泉隔岸鳴壁角圖懸難辨字籬邊花發不知名經年卓錫江天
外收拾詩囊一卷輕

丙申人日雪中訪毛子晉

馮班定遠

跨水依山架小堂一編當日借餘光雲添樹色春疑晝月照松
階夜引觴夢裏童心銷已盡愁中白髮可勝長故人零落遺文
在好為花谿炷板香花谿先師山齋谿名
同子晉讀書其上

和

雪片隨君入草堂同開笑口數年光花谿問字分匡坐柳浪尋
春泛羽觴亂後頻驚節候改老來偏恨別離長兒童不識余懷
抱倩著鴻衣熱瓣香次兒求符
錄鎮堂中
午月二日登君山
贊參省公
行行豈為泣途窮底事無端涕淚從暴骨荒煙青草塚小村殘

照白雲封風高戰壘聞嘶馬浪激寒江起卧龍不盡興亡千古
恨芙蓉城外楚山重

和

楚水吳山望不窮升高舒嘯又相從石梁草覆當年塚鐵鎖塵
埋舊日封帷幄分張入塞馬旌旗飛渡祭江龍騎射競渡紀大
夫公子魂來些淚咽風濤幾萬重

重九登雙蓮閣

馮班

極目平疇闊南山望裏餘香風吹早稻落葉露村家有酒思元
亮裁文憶孟嘉明年各健在莫厭插黃花

和

空閣臨空野窗中山影賒偶安小佛座儼入老僧家方破雲猶
卷遲凋柳更嘉閒游了無累計日共看花

仲冬十三日試燈和黃奉倩

友

元 虞山叢刻

燭紅爭焰欲生煙高士名僧共此筵時序一年吹律換雲光百
里聚星躔梅花似落行歌後明月何如弛禁前野外莫嫌蒲箭
味牀頭濁酒且積然

途遇一僧見示江上紀事三絕句次韻口號

一寸心堅抵萬師孤城三月未曾移晚來郭露鏡聲死妻子同
仇各不知

煙銷萬井丈夫身姓氏傳來或未真野外含悲無一語老僧獨
自賦招魂

秋風慘慘與淒淒載路青燐晝夜迷莫道莎蟲不解事繞階當
戶盡情嘯

次范受汝寄懷韻

七襄天上墮雲章瓊頰家聲在白狼一望斗杓繁夢久片鱗煙
水到門長名山白屬風霜筆蓬戶徒依蘆荻鄉日事蠹魚消壯

志笑子結習事丹黃

同麟士宿北禪寺次韻

弭轍戴顛谿同尋偶地居菊殘燈影外月上磬聲餘金像舒光
遠是日開佛光明名香入坐徐莫嗟風景異連屋一牀書

梅游和顧用晦有序

余性懶出游每逢梅花時候不自知其足之前也游姑蘇光
福者三游臨安西谿者二游金陵靈谷者一靈谷高柯入雲
令人仰睇不敢褻玩西谿奇怪蒼老如香瘦鐵繡極盡偃仰
之致至郡中諸山勝槩不可名狀訊之山中人曰玄墓曰嶺
嶺曰鵲井曰銅井曰銅坑曰石壁曰竺塢曰仕墟曰鐵山曰
茶山曰錢坎曰鬚斗柄曰奉慈寺曰海雲菴曰青芝山房曰
七十二峰閣不過偶踞一偏臨風叫絕余也往復三年淹留
彌月跡徧六七十里羃天茵地如入眾香國因憶放翁云安

友

元 虞山叢刻

能化作身千億一樹梅花一放翁余謂此語尙多分別想也
邇年弓仗載途輿檣間隔不能再續舊游惟栩栩然紙帳臥
游已耳戊子春二月六日用晦顧子招余曰向讀子和高季
迪九章洎與諸子酬唱知子梅游無復遺憾第桑梓離落聞
亦可著花光長老一筆子何求遠而棄近耶余亟駕一葉赴
之值小雨兀坐空齋忽雲巖道閉法師偕嘉禾原舒陳子見
願遂呼館客退山馬子攜手同舟渡語廉涇越焉驚菴訪祇
園楊子楊子方坐紫藤架下因開尊浮白無不沈醉明日壬
申登古鳳基開傑閣西窗茶煙繚繞憶昔茗香菴畔停車午
炊山腰萬樹迷蒙遮掩徘徊不忍去榜人已促塢丘之棹遂
溯白茆過卸甲口抵支塘稍折入鳳凰涇水路縈委若羊腸
舟子長纆買勇而進登用海雲樓影落西軒巡檐玉貌頰
若微醺又明日相與盤礴中林有數株秀出羣木之表如拜

琵琶街下九里松巔羣玉拱峙撫今追昔爲之泫然又西南
夾岸綠萼梅最奇古迥勝永興寺前雙樹非藉用晦相呼幾
不知我邑有此奇觀矣捨舟策杖循南沙城廢址迤邐而東
凡田家酒市游賞殆徧指點古跡摩挲石幢者則靖共顧子
暨璣卿趙子也又明日入白石何子陶菴菴在紫竹叢不設
藩籬不事丹堊雜樹交陰雲隨煙接壽藤如龍天矯谿上令
人盪目娛心併忘卻梅花入座矣又明日游谿西蕪圃多古
梅有西蜀海棠二本蔽座合抱可與顧氏荔枝並奇又明日
泛鹽鐵塘蟻雙鳳鎮訪中菴顧子夜集織簾居談諧無俗幾
乎達旦又明日坐君子亭竹凡數種種皆珍異老梅高出修
竹蔦蘿纏絡入郭熙畫品同游者各乞數株主人無倦色又
明日舟至謝堰邂逅白鶴寺僧惺寂未同游盛誇練川小
盆中百年古梅醜拙不盈數寸而有千仞之勢令人神往又

友

虞山叢刻

明日拉介平般子挂席湖上至拂水巖下登仲木巖子有梅
築月色如畫封條霜縞周除冰淨忽憶故人沈璧父詩云登
高四顧天俱白下坡徐行地亦香豈爲今宵寫照耶噫嘻每
歲仲春上浣風雨崇花今我數人流連十日月地花天賓閒
主暇往來二百里川皆恬鱗樹無驚翅又何羨乎陟羅浮而
躡閩苑哉因利用晦來韻蟬連書之以紀其事 存四首

梅花深處卽吾家不惜輕舟問路遐古鳳基邊開傑閣茶煙橫
抹一林花

水復山迴又幾家吠聲如豹隔林遐海雲樓上重攜手西嶺斜
陽怡照花

雪滿橋邊處士家南山凝翠插空遐瘦藤巧製幽人筆何羨江
郎夢裏花白石刷藤爲管其製精絕

數摺東籬亦是家誰云栗里去程遐猶嫌寄傲南窗叟不問梅

花問菊花

繞屋梅花有幾家尋詩來往路忘遐薪餘賸得槎牙樹也辱詩
人說看花
顧德基 用晦

寒食放生次石林韻

吳中好風景討春尙寒食春光未及半春風扇不息花紅映人
面粲者霏霞色綺席鬪甘鮮醉舞嬌無力蕩子興方酣挾彈當
風弋久饗海上珍更羨花梢翼虞人與醢人交手忙相逼源師
掩鼻過不啻身受殛一殺較一生孰失而孰得吾徒泣數行稽
首咸啣啣願師離彼怖願師開吾識下座灑楊枝濡毫濃潑墨
拭涕發長歌歌竟告方國樂全稱得志蒙莊豈奇特飛潛各一
方還歸舊時域呼吸同法乳何異異保岐疑普勸世間人誓取殺
心抑大書懸座右同人永維則

友

虞山叢刻

釋道源 石林

光音初生下不飲亦不食既爾采地肥腹飽各安息心識參差
生聞見惑聲色自服茹毛血爭奪奮膂力取生設網羅射活施
繳弋物命不得安狷獮亂鱗翼報應互仇讎形影三世逼輪迴
刀兵時引領就誅殛中心猶不省滋味要多得遠國來桂蠹南
越遞蜜啣他物羅所無同食亦不識爲滋三寸舌積業成聚墨
退入毘舍羣絕遠安樂國喜有同聲入發心何雄特收贖甲與
鱗放置長命域一會蓮花香德山高巖巖縱遇毘嵐風卓立不
受抑建標火宅中永爲悟者則

先墓水東結矮屋數椽顏曰小西林延石林禪師休老焉

寒明有詩志喜敬步原韻時戊子四月八日也

佛法人人有勝緣掛瓢何礙各方天惟慚鏡影繁朝雪每憶鐘
聲廢夜眠好就把茅依老樹勤將玄要叩高禪松楸隔水重重

見香靄雲深不記年

閩佛誕放生北禪寺次介平韻

多生路渺於絲何幸重逢誕佛期世上屠刀光霍霍林間梵
磬響遲遲禁蛙老子拈花地點石生公灌露時俯仰怡然延佇
久慈光無際復何疑

若撫貽余鵲巢詩次韻以謝

巧鳥營巢日良朋策杖時未銜煙際草先啄屋邊枝高寄丹霞
上長辭碧樹卑于飛不礙遠聊伏豈嫌雌出入聲相和綢繆意
或疑筇枝扶老壽河鼓借威儀逐偶風生戶交感志云鵲不孽
尾惟風中傳技
懷雛月滿墀那居人共美用拙我偏宜經始云何吉觀成若有
期迎涼窗北臥快讀召南詩

次韻留日補

沮洳蓬室不堪居未盡詩囊海嶽儲敢學坡公三白飯願留老

友

三

虞山叢刻

媿五言書好風吹入荷香淨快雨飄來松籟虛莫怪湖村慳送
供尊鱸薄酒更無餘

用前韻奉荅

楊 補 日 補

蕭疏樂共此林居拭眼時窺腹笥儲一輩風流無累道連朝酬
倡可成書會難不必留應住別易終知憶已虛餐勝卻愁同饌
飲懸河筆勢莫教餘

顧夢麟 麟 士

幽人十日隱湖居散盡平生筆墨儲獨賞畫多臨作卷互賡詩
再乞教書欲眠復起三更話未別先憂四座虛肯負主人投鞋
意差排還有繡腸餘

戲代破山鶴公招日補

杖藜何不到柴居倘笑三條篋未儲松偃颯窺堪入畫草深蛇
動倩誰書泉聲激石聽冰碎雨點疏橋過月虛與子定期休夏

地碧桐陰轉午風餘

慣聽高林求友聲無情老衲亦關情甘同蝸角藏牛舍懶逐鷓
鴒汎鵝城五柳拂檐追靖節千花落地想商英北窗獨卧中心
痲焉得階前紫石瑛

戲代日補謝鶴公

無心詩句且無聲漫展湖南嶺北情白露蒹葭開水郭深房花
木帶山城六時雲板傳三妙一幅霞綾會四英遙寄獅林多寶
座夜來應照玉光瑛

偶和日補長句中菴疊韻見贈再用韻報之

良朋避暑野人居偶檢樓頭篋裏儲肥瘦互商初揭字干干相
析互鈔書願將銀管徵韓老深愧吳歛問子虛鋤去籬邊蕪徑
草蓮花高出釣竿餘

載德堂暴畫同觀累日尤愛巨然蕭翼賺蘭亭圖賦贈

友

三

虞山叢刻

楊 補 日 補

米家艇子傍湖居長夏風晴啟舊儲山響四傳宗氏壁朝光分
照郝隆書當年想見經營苦三日難教坐卧虛能事禪那偏較
勝也應習氣夙生餘

昆湖行和楊日補

緒風牽簾暑未已與我開編讀秋水懶搖白羽談在昔屈指從
游廿年裏霞白蓮香桃葉舟霜紅楓落莫愁里與日補聚首金
陵二十餘年矣

今朝湖畔吟軋鳴恍惚秋空江止行蒹葭零亂雁聲起鷺立亭
亭獨自明黏天巨浪失岸影萬楮千州一鏡併為巢汎宅瓶無
儲靜夜號飢徧同井掩耳卻走不忍聽畫笥詩囊賞靈境東絹
圖來蜀紙題一月科頭愛便靜白駒皎皎牢繫維粗糲儒餐重

別離湖頭丙舍棲禪好掛席遲遲拾翠移舟人遙指橋南屋五
色荷花眩人目脫帽露頂薦晚涼夾岸香濃酒初熟采菱女伴

復采蓮懿筐帶溼新鮮簇一觴一詠興方酣歸舟再繫籬頭木
黯然惜別賦百一和汝長言愧粗率扣舷互唱羨陂行晶氣橫
江風瑟瑟

確菴送出大浜奉和原韻

引入桃源問老漁紆廻十里茂先廬良苗當戶懷新早古廟中
田返照虛鷗坐閒窺孤槳月荷香深護一牀書主人好客忙攜
硯收拾谿光萬頃餘

端和上人重修吳門北禪寺大功告成遂解院事歸海虞

棲隱余家墓田小西林養母賦詩以贈

次介平韻

一笑相逢秋水前挑燈追憶有前緣修羅隊裏參三妙法相光
中證入還布髮祇園才斷手過頭柳栗已橫肩爲娘齋得員僧
去誰說西林異北禪

次韻酬溫翁見贈

友

虞山叢刻

結廬次水湄耳目殊未廓桑柘連村墟車騎異宛雒晚遇世外
侶高誼雲天薄摘詞轡龍文談經摧鹿角遂使後生輩始知文
字樂紫氣干星躔青光燦藜閣文犀間大貝聲采何灼灼家學
淵源惟翁吹化籥一脈衍東魯萬物齊南郭玉德在不耀鏐
精在不躍存蟄其猶龍和陰知是鶴養志非鼎鐘食貧美藜藿
大業展已成富有仍殖學所愧勺水涔長年守荒落荷公父子
來千金然一諾頑鐵就良冶庶免六州錯

和建山移居半塘

生事同高尚惟宜丘壑間鼓聲魚入市林影鶴歸山奇石和雲
卓低花就盞刪谿頭覓新句時與白鷗還

次韻海藏菴蓮花詩

祇園重闢雜荒萊金塔階平絕點埃佛國定依千劫住曇花爭
向一時開池邊好鳥和音集葉底游魚聽法回我欲南來訪初

地白衣常繞七珍臺

次韻贈陳開仲

作賦無煩閱歲年驚才落紙似雲煙經橫虎觀無雄敵詩走雞
林有翼傳蛇壑崢嶸心已折蟲魚瑣細手頻箋新篇拂拭如霜
鏗連夜高吟醉不眠

六日載德堂話雨次確菴韻

春雨喧喧洗綠川鳴鳩逐婦溼新煙朝裁新句忙推枕確老枕
每晨夜束殘書寄釣船是夜寄元酒興方酣憐病叟余病不
通久負惱臞禪未端和索余一叙好詩也入占年例輸與燈花把
信傳

遊吾谷和溫如韻

風送峭帆西嵐光著眼迷村村紫靄凝樹樹綠天齊人影隨雲
度山花趁燕低偏余來最晚返照下前谿

友

虞山叢刻

追昔游

光福梅游屢矣今春擬聽講中峯再一放杖負痾不果適石
公以八詠索和枕上押韻憶昨元老見招有落盡梅花始放
還之句慚愧慚媿存三首

胥江曉發

日輝橋影動江鳥引人行昨夢先舟發前山入眼明還須我友
約忽動昔年情買舶魚鱗集蘭橈獨自鳴

登七十二峯閣

快閣吞湖水空闌浮遠峯凌霞三萬頃噴雪百千重橫劍鉞微
挫修眉翠掃濃何須雲夢澤始得盪心胸

家家春鳥鳴

但逢花氣醉何處不春聲繡羽歡新節嬌雛弄曉晴豈催耕綠
野如怨落紅英傾耳隨人感枝頭無異鳴

燈花綴

去春社中同賦燈花疊韻分題共得一十二首九來一一賜
和覺我形穢退避三舍久矣今春吾友四人各命一題又復
倚和殘膏綴藥能毋貽笑大方否

元夕燈花和中菴

爭說今年燈市奢誰家燈火不生花散敲花鼓催相發停擲金
錢喜可誇萬朵穠纖光一色五更開落燦交加香山舞罷凝妝
久白紵新裁袖影斜

七夕燈花和確菴

淡月籠雲到碧梧斬齊雙燭拜黃姑暈分鵲影翻金粟煙繞蛛
絲簇絳趺畫閣拈鍼窺巧樣錦機停杼照新圖銀河玉珮年年
渡紅豔紅星敵取無

除夕燈花和梅仙

友

虞山叢刻

不分家舍與天涯處處圍鑪餞歲華春氣欲來先入座煙光纔
上漸抽芽辛盤色燦枝相亞臘酒香騰穗半斜共守三更猶未
落分明妝點兩年花

花下燈花和梧墜

繡幄垂垂花滿煙煙中花又點花前初疑倩女離魂近旋睨紅
兒比態妍鸚鵡杯深人共醉鴛鴦枕暖夢誰先月來弄影休相
競只恐更闌淚悄然

和卞楓谿原韻二首

八遐蹙蹙向誰之九廟君王一髮知但是人間有周粟首陽多
事采薇詩

忠魂渺渺欲何之此意惟應天地知梳髮西風還自笑一潭明

月照題詩

與與公別十年矣春分後二日舟過荻谿忽相遇於人伯

齋中開尊話舊笑呢間雜各出新篇示余倚醉次韻

十載離愁傾十斛桃源人影吠寥寥家山亂後青仍在客鬢尊
前白不饒萬樹梅花思崦嶺半輪殘月渡谿橋明朝掛席陽城
水柳眼淒迷去路遙次韻

破山禪院同曰補夜話和袁靜嶼

時非上已不為節元入入寺方知正及辰七載離情淹話舊一
宵細雨著花新采蘭別徑攜筐遠飲馬前谿噴影頻豈有攢眉
回去客匏尊早向竹間陳

春盡日冒雨尋山和葉白泉

飄忽春風駛忙移帶雨槎柳條泣別淚藤蘿落殘花煙合連峯
暗雲歸吐樹斜慙慙燒短燭鐘曉坐山家
春光帆外去春興且牽槎南浦無邊綠西園幾處花不辭傾漱
盪誰戒舞敲斜况有尋山侶逢山即是家

友

虞山叢刻

和錢夫子芙蓉莊聽含光法師論華嚴玄談即用四字為韻

消夏何勞心鎮瓜清涼風動動幡斜庭前古樹垂紅豆舌底潮
音綻覺華無垢縷煙熏杜嚕有饜香飯供鱸牙午橋莊裏添文
句豈是人間闕入又華

圓教從頭說妙嚴聞來十益頓忘黏三舟淼淼憑隨住兩鏡重

重互顯潛樓閣千門方展篋秋空片月正垂簾百川一滴無差

別蚊飲原知水味兼嚴

曾聽談空更挹玄破除門所幾千千芥瓶觸目云皆爾鏡影擊

拳各了然宗趣後前無隔法被機深淺總乘圓翱翔一夢渾無

礙關戶親藩洵有緣玄

水田久矣著玄談又見雲孫一偉男放鶴亭空誰上座喝獅聲

斷幾同參雲邊帆影虞山北樹裏鐘聲支水南緇素同堂容末

坐蓮香蘭露滿珠龕談字

秋月次韻酬牧雲上人

雙淚秋原落淒淒江上行師至湖上余適往野風欺破薄殘月

照霜晴美酒添眠穩連飲言夏梅仙舟中高僧入夢清檣竿有靈鷲

頻報兩三聲

小重陽日文照師同雪鄰訪余湖上兼惠菊花百本秋茗

藤盤硃壺皆陽羨新安佳製更出佳什次韻奉酬

一船花影照平湖入坐相看與不孤方訝水村無別供秋旗香

微蜀山壺

淡人如菊出雲山消日秋光百里間千頃蘆花數行雁高吟何

事不相關右次雪鄰韻

奉別林那子十有七年矣秋日過訪快閣藏書方池煙柳

茫不可問但見兵伍喧呼僅存老屋一間令孫課鬢鬢

友

虞山叢刻

八九而已先生幅巾連坐握手話舊欣慨交心辱賦長

句見貽次韻奉酬

文章流別湖三都千里重來訪摯虞繞屋弓刀喧戍卒破窗風

雨課村雛播遷視席歌靡騁詮次湖山與不孤先生近修契闊

廿年如夢寐彌襟歎息撫霜顛

范小范辱贈瑤篇次韻奉酬

錦心還假賦心傳且向柴桑問秫田自有湖山供筆陣還欣廬

舍把茅編莫愁湖上鷺相和邀笛闌邊月正弦他日漳濱遙理

棹釣磯吟客髮猶玄

豁堂和尚寫寄梅花一枝次題句韻

西冷傳說最淒涼惟有南屏菊傲霜下葉秋空纖月下尋師再

寫晚來香

澄江道中即事次確菴插秧詩韻

江村沃壤半蒼蕭傳說公家議減徭二麥有秋夷管稗三眠無
繭枉蠶貓枯樺連尾乘潮挽禾黍焦頭怪火燒何日甘霖三尺
降懷新百里接良苗

再疊前韻代述農家苦

村村芒種雨蕭蕭不盡催科不盡徭野哭哀邊談政虎心寒笑

裏伏人貓鳥健賣去驅兒種靑草鋤來帶土燒莫道忍飢偏習

懶及辰布穀已成苗

三疊前韻代述農家樂

闢成蔬圃界緯蕭且喜輸租免外徭穉子分秧騎竹馬老翁罷

餉飼雛貓倦眠桑墅肩成綠醉看榴花眼欲燒頭白未諳朝市

夢天心不吝甫田苗

首春日錢夫子枉棹隱湖懷舊感新示教四章敬步原韻

酬謝

友

虞山叢刻

應真高掛憶當年禪月通靈點筆前濃繪焜煌宗立本白描冥

鬱隸龍眠鑪燒薰陸霞光接南詔木生白遠胎薰陸普薰人插

茱萸燭藥偏今日南山一片石蘇公作供米公顛崑山正南對

骨片石宛如小山亦顏曰怪石吾廬獲一雞

供置諸几上編插菊花名品

六十年華愧及辰師恩弟紀倍情親千年城郭知經徧七椀旗

槍喜任真橋外揚舲無俗駕尊前醞酒半幽人祝延相戒喧匏

竹莫道南村式燕貧辛巳秋詞延法席退過必道明教之士

郊原雲色漸童童喜接高軒春雨中往事東湖分棹月已秋夜

至湖口新情南浦打頭風玄亭廢學嗟猶白田舍炊香笑二紅

提抱孫雛前裏音攤及門小子亦呼翁

芬敷華座海茫茫豈是尋常過草堂替戾岡宜聽九子雨淋鈴

莫信三郎展開屏幃占星象演說雷音發妙香從此向師傳唱

字月明船子擊滄浪經云此方真教體清淨在音聞第四唱也

二月朔訪確菴於頑潭温如先生以中和一日作索和又見示感懷一篇追敘九年別况次韻奉酬兼柬確菴泊

兩公郎

九載湖潯愴索居重尋正值夜攤書煙霞鄰有過牆酒風雪門盈問字車不設短籬圍五畝多收香草續三閭非漁也學垂綸釣四葉怡然共一廬

再疊前韻寄謝中野

千霄獨樹似菴居疊疊連牀授子書水蘸窗扉橫釣艇花連阡陌駕輕車細評清聖濁賢酒快對樵夫漁父問一榻晝眠無一事猶嫌有夢到匡廬

宿珂月雲半居見牧雲和尚題詩壁間因次其韻

翻嶺下危徑歸鳥煙依依湖明積照反雨雜葉聲微遠避北郭氛幽討性無違身在白雲裏永隔紅塵飛一燈漸耿耿蘿壁生

友

三 虞山叢刻

光輝留題墨猶溼錫影不可希讀罷斯須立靜對淡忘機

再疊前韻贈珂月

一巢坐林杪孤跡獨無依萬松皆侍者鬚眉溼翠微調飢慣能忍本性不可違夢回驚鳥呼窗破見雲飛綠蔭層層結隱現湖波輝湖波堪撥棹船子歌聲希野麋衝戶入旋繞了無機

冉冉半月迢迢百里追訪鶴林和尚如絳雲舒卷過而不留緘詩寄訊又得賜和好音酬酢密於促膝五疊前韻

寄之

神駿莫可追仙鶴莫可依隱峯且擲錫下視草徑微行止了無著吾願卒難還急昇繩牀走忙逐蒲帆飛猊座空秀嶺古塔光交輝庶借鄭公風煙水或可希三復池上句灑灑潁塵機

訪天則和尚於維摩不值飛箋見投倚韻酬之

老樹千霄數臥游緣崖跨澗挽扶留無心出岫孤雲鶴常在當

前露地牛一杖疑龍蟠古榻千花如蝶散空樓重來問法西窗下頑石應看盡點頭

丁亥六月望日若撫七十初度敬次原韻奉祝

擬約仙期會幔亭茯苓斲地已千齡攤書獨對還成笑載酒相過不放醒老去關心惟藥圃閒中生事是農經一丘一壑成幽賞天上空占老客星

年光詩卷任蹉跎對酒難忘白傅歌村舍引泉澆舊竹瓦盆填土種新荷侯門久罷彈長缺漁艇時還掛短蓑隨分目前行樂事不知天外隙駒過

友

三 虞山叢刻

野外詩卷序

今夫生人之樂亦貴適意而已所謂適意者豈必具宮是居璇
臺游憩翫帷玳席被錦繡傾瓊漿清歌妙舞羅其前盛妓絕麗
充其後費博夜而沈白日遂云極備愉暢哉是數者富貴之人
多得之而達士不以爲願爲其傷性失生樂亦難久若夫泉石
花鳥之奇煙霞風月之變友生書卷之契今古風迹之存感慨
集其中真樂亦出其中斯固觴詠所繇興幽賞與之無斃者也
顧其事蕭散其情澹寂趨朝市者棄而不道勤墾畝者習而弗
知自非冥搜靜寄無悶塵表者何能領略而形容之吾友子晉
天贈才章兼敏研誦奇聞祕志靡弗該攬亦旣著作等身丹黃
滿閣矣當其含毫對景特富吟懷泉湧雲紛蔚爲靈構和古引
遙集之思和今迫應聲之雅和友洽好我之襟而雜興偶唱不
因酬次者則野外區之今讀斯編何其幽異古雋蒼翠欲滴奇

野戶

虞山叢刻

芬撲人也剔抉隱翳似稗官史流考驗時物似老農月令康樂
之奧博多形於山水靖節之高古偏放於田園其信然歟或者
以子晉之才不天祿校書而退之遐外爲子晉惜吾乃爲子晉
幸也嚮使子晉奮厲功名之塗雖所纂述當不止此要亦以官
分集如王元禮故事已耳安所得高流遯夫相與歡傲琴酒跌
宕文翰令景光物狀輝映千古哉昔孔光休沐不談溫室之樹
人美其慎吾嗟其苦東陵故侯種瓜遜逸以羨其達吾惜其晚
夫世變何常榮悴靡定傾軫接迹見噬來者仕宦之累人所從
來久子晉固不以彼易此吾故於野外詩卷旣服子晉之才尤
歎子晉之幸其才可及其幸不可及也非子晉不能有此樂矣
吳門社弟金俊明纂

野外詩卷

常熟毛晉子晉著

惠泉

江南有惠泉日涵九龍翠嗟彼品泉人目之曰第二浮名任顛
倒至味無詮次一滴出山來人間自嘗試惠泉發源九龍山

獨坐

風落梅花雪滿庭蕭然深坐寂無聲如何一片經行地偏有今
宵月最明

惜花

虎丘山家懶學稼接并移花滿籬下東風吹醒隔年枝爭向豪
門取高價一叢深色中人賦月榭晴闌嬌漸吐今春風雨接朝
昏萬白千紅委沙土佳人錦帳不知愁夢逐芳叢走碧油恨殺
輕衫年少客玉鞭空掛霧中樓鷓鴣何日來嗟曙三三五五舊

野

虞山叢刻

游處一雙粉蝶繞枝頭尋斷孤香不回去

游綺山

按宋鄭應申江陰志云吳王汎舟浮賞至縣東十里見一山
野花繁盛如錦綺因名綺山山上有虎礪石善利泉

嘗行綺山下今陟綺山巔西風吹我衣江天橫秋煙踞彼虎礪
石蔓草苦纏絲昔日貌貅士誰拜君王前嗟峨不改色旁有樵
夫眠樵夫道前路告我善利泉爰出亂石中濺濺復淵淵野花
不知名載路各爭妍采采盈一掬使我心怡然

移竹編籬

活竹移來帶野泥安排疏影與檐齊歸鴉頓失常棲處穉子難
尋舊釣隄曉露潤生根畔草晚風吹斷隔鄰雞老僧相伴逢迎
少話到斜扉落日低

雨夜聞鶴

空堂聞鶴鳴夜靜鳴更響不受雨聲喧杳然天界上相和如可
見回首了無像坐客各停杯一洗塵羈想

秋分杏花

年年爭發曲江春秋半相逢更可人休訝滿枝開較晚須知獨
樹賞偏真一谿花影憐詩鬼四壁蛩聲蕭酒神深夜月明人散
後葦納隱隱照綸巾

重建空心亭

據寶祐志云興福寺有空心亭蓋取常建詩中句也創者不
知何人當南宋時亭已翼然潭上矣余訪舊蹟惟見草樓礎
足碑臥潭隈為之悵然同主寺鶴上人洗石剔蘚搨得元段
判官天祐國朝李尚書傑二記具見廢興歲月亟倩故人書
之有慕乎崔君元方后君克正析詩分韻且慨其詩之罕存
招集緇素共躡前蹤各賦五言一律分得房字

野

虞山叢刻

經始空亭址頻來潭影旁碑文餘蘚色棟宇印山光調鶴殘花
亂捲簾新雨香最宜龕在哲擬設總仲醇魏叔子兩先生像相對古禪房

過毘陵憶舊

梅梢月上燭花紅曾共衾寒一笑中粉貌記來欺白雪簫聲何
處咽輕風鳴刁夜警孤城隱語燕朝飛畫閣空淒斷當年離別
地那堪帆外雨濛濛

二十四橋亦何有

歐陽永叔自維揚移守汝陰作西湖詩云綠芰紅蓮畫舸浮
使君寧復憶揚州都將二十四橋月換得西湖十頃秋蘇子
瞻自穎移維揚作詩寄曰二十四橋亦何有換得十頃玻璃
風可見宋元豐間已無二十四橋矣今改作廿四橋絕無煙
花夜月之致因用坡老句漫成十二絕以寄慨云

二十四橋亦何有惟有敲斜一影孤不見簫聲與明月夜來繞

樹有嘒鳥止存一飯橋

二十四橋亦有惟有新隄接舊隄水面野花凝晚翠一雙鷓鴣浴前谿

二十四橋亦有惟有泉源第五分破寺無僧來淪茗空留六品茶文第五泉在大明寺西偏

二十四橋亦有惟有樓臺出樹間日暮凭闌千嶂合女牆迢遞抱平山平山堂非歐陽公舊址其額尚在

二十四橋亦有惟有篷船與划船底事勞勞爭渡去笑余閒坐碧谿煙

二十四橋亦有惟有連岡見採樵落日腰鎌歸去急妻兒吹火帶泥燒

二十四橋亦有惟有枯松露鶴巢行客尙憐秋未盡吟鞭斜向馬鞍敲

野

三 虞山叢刻

二十四橋亦有惟有荒墳古道遮千載風流盡黃土不知誰是玉鉤斜

二十四橋亦有惟有寒雲覆石局欲問迷樓舊風景泉枯九曲草痕青

二十四橋亦有惟有王孫構水樓簾捲晚霞花影外風光不負古揚州

二十四橋亦有惟有青樓惹客愁始信武陵容易到不須春色望江南

二十四橋亦有惟有牙籌鬪指纖拾得唐人舊詩句錦屏對子畫鷓鴣

竹醉篇

相傳竹醉日五月維十三此君能獨醒此日何沈酣有客命作題余也試妄言日月無拘束醒醉且任天或云曾醉風篁西

復東屢舞無俗態天然而笑空或云曾醉雨垂垂亦栩栩淋漓無憇憇一洗塵埃苦或云曾醉月翠魄迷銀闕光影互吐吞宿鳥忽飄突或云曾醉日文影照虛室赫曦入深叢淒涼陡然失

或云曾醉煙蒼騰意欲顛芊眠深碧色一望似殯然或云曾醉雪瘦幹勁如鐵更深三尺許情向瑤階折或云曾醉霜寒凝骨愈剛眾林如失候枝枝射粉光或云曾醉露深得此中趣湛湛

厭夜長餘瀝霑眠羽余今肆妄言此君未必受還來竹谿濱共倒一尊酒

酒帘

尋常一幅小日向半檐斜迎送醉醒眼卷舒朝暮霞青分彭澤柳影動茂陵花望望無勞問天涯有酒家

登北固

十年三涉大江頭柳色松聲足快游鐵塔孤寒天際立金陵迢遞日邊浮僧歸煙暝魚翁棹客倚波明燕子樓扶醉漫尋丁卯

野

四 虞山叢刻

墟詩篇還憶舊風流

上巳曲 是日終風

鈺鼓喧闐競賽神岩巖山徑禮高真風前空灑祈年酒木偶原來不救貧

誰家桃樹繞谿濱灼灼當風欲帶人門裏嫣然輕一笑也將人面惱花神

忽見前山返照明柳條風靜亂鴉聲游人扶醉歸何處最好花天是晚晴

舟中讀本草經疏繆仲醇先生授余梓行海內二十餘年矣

七月既望天如藍江上晴峯三十三掛席拾月了無事一卷圖經子細探手繙還掩仰天笑命名本草何潦草玉石蟲魚色相繁提挈袖領逢韓老韓保昇云按藥有玉石草木蟲獸而還疑直云本草者為諸藥中草類最多也

作者屬何人尋源病海未得真秦灰不預閱漢晉獻徒懷亡終
幽渝漢獻遷徙小山王克稽前躅一日營來七十壽淮南子云
前之滋味一日而七遂稱三卷入三墳爭相依據梁七錄梁七
神農本草是醫方與焉神農嘗百草
帝紀煌煌或可傳帝紀曰黃帝使岐伯嘗味草木定本草
始伯此疑千古不能析世醫何必尋朱墨朱字墨字惟是三應
毒有無三品稔然貴研識彭和扁緩分流支李華張吳搜厥微
華化張機李隋書文帝勸醫方祕府空存玉匣
題千禩蹶生陶貞白鬱岡古洞飛金石注詔時土詳區畛地肺
至今留異蹟唐本蜀木分鑣馳鉛翰丹青煥兩儀開寶詔頌重
定本序例仍參陳拾遺譜注如山莫能讀仲醇先生怒張目抗
言宜忌驚四筵自詫直與炎黃續命余開棗鏤成書如雲離日
光離奇藏弄傲篋二十載頌生駭疾真吾師凭闕感昔心獨苦

野

五 虞山叢刻

況我頭顱白如許吹燈呼酒不忍看白露滿天涕如雨

瓶中四色梅花

余十年來梅花快游凡三叫絕矣同源皆勝侶如吳郡西山
則孫子在焉古杭西谿則王子在焉二子交手謝余曰觀止
矣可不作趙師雄羅浮夢矣遂幽棲余湖莊之上每遇嫩寒
春曉水邊籬畔花開花謝輒抵掌而談舊事王子挾法華山
且留下之勝以傲孫子孫子挾茶山鵲井七十二峯閣之勝
以傲王子如兩軍堅壘相持不肯下余爲之解紛曰花之富
越不如吳花之老吳不如越至若月地雲坡迷眸逆鼻實無
二相二子爲吳越分勝得毋邊見耶相與酌酒而解今春寒
勒花信既越花朝始見窗前碧萼葩葩顏黃額爭妍並吐
孫子選其各種之尤者貯以銅罇伴以石硯烘晴照夜不異
寸珠尺璧凡我同盟莫不濡毫獻頌神游一瓶之間栩栩然

盡化作梅花國中蝶矣又何羨乎涉岡度澗往來光福永興
之畔耶時壬午春分日
小闌花事少四美偶然具如何一古瓶色色枝枝互影雜光亦
分分照還相顧緬焉起深情靜香獨自悟

慰孫子託梅

余招孫子南游方羊不肯去因歎以靈谷梅花乃憮然告余
曰正謂視北瓶梅難割耳無已託諸友生余以王子告遂舍
而託焉既而挑燈獨坐不勝黯然而作詩慰之
佳人欣有託兀坐幾徘徊輕別非君意遐心莫浪猜香風疑未
斷影月恍重來歸棹應非遠休教恣意開

促馬子介梅

孫子遂信余言捧瓶而出顧影惜別余謂無人介紹使之輕
離輕就有甚難爲情者因促馬子三揖三讓俾主賓玉帛相

野

六 虞山叢刻

見余與梅花庶兩無憾

凡花容易託茲託倍應艱水濁欺寒骨鑪薰悴雪顏陰晴宜好
護疏密莫輕刪左右惟君手香分一笑間

賀梅

放翁絕句云幽香著人索管領不信如今鐵石心非管領之
難正索鐵石道人不得耳瓶梅何幸遇孫子復遇王子余拜
而賀之因作短歌書於梅花箋以獻

相對檐前笑偏君有勝緣無心逢御史著意託婢娟戶外香先
到池邊影更妍攜尊來入賀共醉雪明天

春分雨中放舟

春光忽向雨中分南浦帆高欲入雲幾處柳絲縈別思一瓶花
影伴微醺新編狼籍攜囊穩詩卷縱橫捉筆勤幸託東風飛燕
子月明林下笑同君

一宿金山寺

狂游日日愛晴江欲狎魚龍興未降
湖帶夕陽流遠磬山街明月對空窗
英雄士死留拳石粥飯僧多慨法幢
莫向微茫分晝夜妙高臺上影雙雙

生生菴

三春兀坐隱湖邊今日同游鏡裏天
絕壁摩空雲影滯崩濤入坐石痕穿
地超偏稱高僧住歲儉人歌太守賢
一路黃鸝如有意殷勤巧弄晚風前

上巳日自棲霞蚤發至燕子磯午酌復掛帆抵石頭城

年年水曲採芳蕪今日登臨一鳥輕
曉霧峯高松奏合午風磯險布帆驚
梅鬚未老迷狂蝶柳眼初開睨蚤鶯
記取春光無限好夕陽未下石頭城

燈舫

野

七 虞山叢刻

三月二十三日士女燒香歸舟張燈奏樂徹夜秦淮舊俗也
花落續紛柳色繁閒來無日不凭軒半空簫鼓雲俱墮倒浸瑤
瑤夜不昏爭喜渡頭多勝事誰知海外有兵屯燈前莫話興亡
事一曲高歌酒一尊

北草蕩敝廬度夏

相去不五里蒹葭又一村種瓜欣舊業裁席作新門
茶熟風開卷蘭香酒滿尊谿邊有漁者閒話到黃昏

病鶴

千樹葉飛霜降蚤那堪病骨漸秋深
松風入夢驚濤沸桐露侵肌怯地陰
倦向遼城尋華表空懷緱嶺絕笙音
推頭顧影雖憔悴至竟難忘萬里心

九月十五日同石公連汎兩湖從山塘載月而歸

今日晴色好峭帆入天鏡淼淼接平湖
空明望靡竟開卷且忘

讀延目療多病秋風折我中秋光悅我性
廻舟采芙蓉山影向前迎相對各無語
杯中月端正

觀海行

秋老風高城崖谷日日登臨苦未足興
來共上木蘭舟三十六里交修竹捨舟
從口入濤山萬里驚濤無斷續雄風未
遣十八姨紫霞一片如紅玉七峯返照
翻白鷺萬井秋耕叱黃犢傳聞禦寇瀚
海中血飽魚龍箭穿肉抵掌風前客盡
驚籌畫紛紛誰見錄人間榮辱豈勝數
意氣空能凌世俗君不見一波未平復
一波秋空勁翮虛張羅

送友

飄飄湖上帆曖曖雲邊樹後夜月圓時
美人泊何處

田園雜興

山重水複各成村不約家家拜歲元酒
白鑪紅相對坐隴墀初

野

八 虞山叢刻

日滿高原

簇簇朱簾綵仗新東郊今日又迎春
挨肩肆目歸村去袖出泥牛笑示人

牛飲橋頭小市東何來駿馬驟春風
多年梅老苔文古拗折南

枝惱阿翁

草咽谿聲倚杖聽還疑絲竹繞幽汀
誰家童子鳴榔去驚起飛

飛兩鵝鴿新築長隄席面平羣兒高
放紙鳶輕紅燈一點雲端繫錯認星

光十倍明

青連南浦入平蕪花不知名香滿途
隨分壺漿招近局歸來酌

酌小孫扶

鼓吹喧喧賽里神旌閃閃度橫津
誰分社肉無輕重釀熟茅柴合比鄰

蘆芽怒出滿汀洲忙駕車輪更服牛
稗子不知芟柞事爭栽新
竹釣谿流

右春日

豌豆花開布穀鳴南東千耦一朝耕
紫駟嘶入垂楊岸不敢平
原縱轡行

春殘不減社前寒敗絮難辭風力酸
雲樹忽迷歸路隔一犁方
始雨霏霏

穀雨廉纖溼薺花十分春色聚田家
蜂脾蜜嫩潮初候燕嘴泥
乾日未斜

水滿池塘草帶煙籬旁時繫買花船
楊花空逐游人去著地黏
天不值錢

半翁蛸蚪半谿萍且盡牀頭酒半瓶
秧刺纖纖青出水何人重
醉落花汀

野

九虞山叢刻

白路崎嶇抱水斜雙雙粉蝶入黃花
谷鶯纔出聲先到依舊年
年綠樹家

重重花影_畫鳴雞麥浪翻空翠影低
短笛一聲何處起倒騎牛
背草坪西

鹿眼槍籬門扇斜蠶桑無恙足生涯
官家若問中人戶只有階
前深色花

被地紅花占半村高歌傀儡蕩人魂
短衫老媪攜嬌女笑語嘈
嘈拭淚痕

右晚春

櫻筍從來不入官綴紅抽綠滿檐端
頻年二麥珍於米未熟先
芟當晚餐

連宵宿雨閉衡茅放出深林嫩竹梢
卻趁晚晴挑野菜啜花小
鳴聚塘坳

雲昏對面失前山無賴羣蛙沸草灣
笑看牛宮檐溜直平疇水
足踏車閒

交加綠蔭架高藤風暖撩人香霧凝
過客驚看紫步障明朝載
酒又呼朋

江南五月尙霉寒白紵新裁幅度寬
瓜蔓露深芳草暗螢光明
滅滿清漪

青蘇搗和熟梅香綠樹垂垂倒影長
屋角灣頭風陣陣晏然高
枕做羲皇

采采谿菱更采蓮甘鮮盈把晚涼天
莫云野外無兼味公子王
孫擲萬錢

繞屋高楊覆四鄰小窗臨水獨垂綸
兒耘婦饁當炎午贏得風
吹自在身

右夏日

野

十虞山叢刻

秋月初生眉半彎緒風吹卻睡魔還
香紅蓮稻花才放陣陣香
來別一般

繞舍紅蕖白露溥無衣漸覺晚生寒
年來虐政過於虎蓮子收
租子細看

貧種秧田不計程小舸橫截鏡湖平
怪逢甲子禾頭雨舞破蓑
衣叫月明

出水蕩絲滑勝油淺盆輕漾碧潯秋
捧來笑獻朱門裏軟飽三
杯樂未休

喜看中秋月色奢西郊豐瑞蚤堪誇
東家有女顏如玉一夜焚
香拜桂花

孤艇衝煙晚過湖蕭蕭疏雨響菰蒲
縱輪楓下停車晚也勝紅
塵暗九衢

種秫依稀粟里鄰今年差可療吾貧
小槽滴瀝聲堪聽不用陶

公渡酒巾

蘆花不借月華明
離立周遭儼似城
短棹獨來還獨去
轉灣風靜有歌聲

噴壘聲中穫稻忙
不辭衣薄犯朝霜
流民是處炊煙斷
那得西成似我鄉

流水孤村一樹丹
牛眠安穩夕陽殘
谿橋漁艇渾如畫
不是倪迂是范寬

右秋日

一年好景是初冬
餅美羹香白酒濃
挈伴輪租歸去蚤
臨流三醉學芙蓉

楫柳一籬圍老幼
影長四壁坐更深
芋煨豆爆從兒好
湛湛新醪獨自斟

霜嚴四野雁聲悲
落葉盈除檐影卑
一望林疏除日色
尚留蟬野

野

蛻抱殘枝
將茶蓄旨事千端
百室何曾一息安
幸得催科停歲暮
負喧檐下解眉攢

城遠無聞夜半鐘
狂風撼屋怒濤洶
短檠耿耿難成夢
臥犬噉寒伴夜春

雪急無聲晝掩門
同雲低壓似黃昏
支筇欲踏谿南路
三尺深埋老樹痕

村荒日月不多寬
破甕餘糧伴歲殘
一度柴扉聞剝啄
偷呼老婦隔籬看

土釜匏尊老瓦盆
家風約略古風存
更闌偶立寒籬外
野燒橫侵燭遠村

輪官及蚤慶年華
墟巷深深晝不譁
牢縛繩牀檐下坐
一瓢濁酒醉梅花

右冬日

送法潤禪師載華嚴海印儀還南詔

崇禎十三年四月八日余因汰如明公講華嚴解制入華山
蒼雪微公偕坐蓮花洞頰暇法侶瓢笠蟬聯如雲出山獨有
一僧緣紺泉鳥道而上前昇經一籠狀貌綴飾迥別吳裝目
視而異焉彈指間直至座下擎一錦函長跪而請曰弟子從
雲南悉檀寺而來奉木生白大士命也木大士位居方伯從
雞足山葉榆崇聖寺觀大方廣佛華嚴經懺法四十二响相
傳一行依經錄者兵燹之餘普瑞藏諸寺中自唐迄今未入
大藏故特發願刊布敬授把事度嶺涉江就正法眼言畢隨
出兼金異香為供作禮而退蒼公合掌向余曰異哉子向藏
中峯禪師華嚴宋本模勒既成昨又鑄賢首本傳汰兄方講
清涼大鈔第一會適有三味海印儀不遠萬里而至真雜華

野

虞山叢刻

一會光召影響也壽梓以傳非子而誰余遂欣然鳩工庀材
經始迺事越歲辛巳木公再馳一介遙寄尺書贈以琥珀薰
陸諸異品諄切鄭重雲山萬里如接几席迨工人告成又逢
如來齋生之誕何時分之適符不可思議耶一時遠近緇素
詫為奇特聞風隨喜者陸不停輪水不輟棹至法潤師南旋
之日熟香獻花者某布於隱湖之干或繪無聲或歌有韻余
亦霑一味之澤聊廣五際之言庶幾他日泝岷源登雪山訪
白水道人與法潤長老共披十萬之正文不為生客矣
萬里雲山一杖通蓮華洞口拜香風依稀何處曾相識莫是當
年兜率宮
千秋華藏閩南邦麗水迢迢又大江落日片帆何處去琴川高
樹蕊珠幢
水村森森有苔磯爭向毫端現法微築削紛紛無晝夜能令大

地盡版依

遠攜薰陸到茅齋一縷氤氳出水涯珍重香雲非近玩薰鑪不

敢傍裙釵又貽薰陸異香

貫華鐫就瑞光開恍惚龍神合掌來怪道野雲飛不定也依櫺

際幾徘徊

南北馳驅不厭頻河沙世界證天人原來一味同酣適五十三

身豈二身

溯洄迢遞吐蕃源夾路紅雲護綵旛記取片帆斜掛處花明柳

暗一柴門

長江五月衲衣寒料峭秋風歇馬鞍乍啟珠函歡海眾碧空無

際雨瀟瀟

春泉秋嶺伴慈顏短纜輕離綠水灣象駕未曾歸麗水臥游蚤

已到蒼山

野

三

虞山叢刻

五賦詩

孟夏下浣訪仲木於草蕩老屋下仲木出諸色定杯飲余虞

山絕頂茶展陳諫南海廣利王廟碑讀五代史補遺闕文庭

中茉莉一缸翠色染人高出樽際乃去冬余室中枯枝也因

念襲美云資雲水之興益琴籍之玩古人雅賦不是過矣因

效松陵五賦詩以謝之

虞山絕頂茶

從來塵外物每向靜中生味勝真堪惜風高莫敢名睡魔偏合

破羽翼自然成七椀香盈頰應知減酒情

展陳諫南海神廣利王碑

君家書法妙天下隸宋奴唐方晉駕不步鍾邨不趨謝實惜斯

碑不相借朝挹蘭露潤紫葢夜篔簹燈傾碧巘何須醉髮狂相

詫池水盡墨龍自化請君什襲古鏡吧五月松風世無價

詣色定杯

眼邊無俗物把盞更迷晴青挹秋山遠姿凝夜雪瑩靜傾棲蝶

動狂吸鬪龍獅若遇歐陽子應分集古名

重榮茉莉

同來異國悉邪茗悉邪茗西域香草與茉莉同此地相假玉柱

旁與建蘭已試霜風支秀骨不隨星月換幽光村間葢孕新秋

色頭上花開隔歲妝粉蝶舊時曾識面幾回飛度小池塘

讀五代史補遺闕文陶介立王元之

五十三年多竊據如沸如羹事如昨六一先生憑几歎卻笑薛

公紛維作薛居濡毫臨曉輒嗚呼歐陽公發論必以嗚呼悲氣填

膺或漏略陶王二子起補亡踵武孫胡搜冥冥歐陽公學春秋於孫復胡瑗

今朝開卷眼倍明皎皎晴空叫孤鸞

湖村秋晚

野

四

虞山叢刻

落葉深深半入軒楓丹雲白滿秋原淒風雜雨妨觀刈仄徑添

籬好避喧歲僅共嗟園叟厄食魚方識釣翁尊羞看篋裏陰符

卷白髮閒梳獨掩門

述萬舫中秋

壬午秋借與公月在懋公游赤石磯磯旁有古大會菴負山

枕流在萬木中遂維舟岸側兩闕月焉凡陰晴朝暮水色山

光領略殆盡八月十五余從闈中出三子焚香洗盞以待泛

月中流共唱王建句云中庭霜白樹棲鴉冷露無聲溼桂花

今夜月明人盡望不知秋思在誰家拈平字為韻

深柳深潭抱佛宮秋潮吞岸一船遙扣舷兩見城頭月勝絕今

宵圓影中

禪扉不閉漾波光茉莉花繁白似霜今夜莫教輕著翦嫦娥應

伴五更香若若贈子茉莉一缸高出佛座花長盛

翠幄分張樹色齊興來更上一層梯如何雲外高飛鳥猶自橫
枝貼水棲

水天一色浸浮圖級級明燈半有無報恩塔每夜然燈半盡道
報恩恩未報心隨明月到皇都

階前古樹與雲平階下秋鶯帶月生句引羈人無限思又添絡
緯短長聲

雨花臺外翠煙深捲幔開尊對遠岑身共晴虛銀一色六朝觴
詠到如今

四望旌旗壓帝城城上盛籃輿如駛踏隄明醉鄉廣大都無著
夜半風吹一葉橫

滿城絲管在高樓野曠山明亦快游想到芙蓉依曲水不禁腸
斷故園秋

痛飲狂歌莫問家飄然高寄欲乘槎漫嗟影落西軒裏琥珀杯

中吸曉霞

唐伯虎墓

擇勝縱游目輕舟坐春水願言睇上方斜日橫塘里黃花散平
疇絕不雜紅紫遲遲豈有待迺繫雙橋趾傾杯談在昔銜哀維

葉子遙指解元墳渡口依稀似樵牧慣夷行析薪不待死鼎鼎
纔百年一杯已塊視萬里有知音哽咽良玉毀拜首荒穢中鬼

伯應為起余也涕漣洏祠宇亟經始願君賦大招斗酒檐前醜
崇禎甲申暮春既望余與徐元歎葉羽遐毛子晉馬人伯孫

月在釋石林放舟於吳門之橫塘羽遐指野水叢薄間曰是
為唐伯虎先生之墓童烏之嗣既乏若敖之鬼已餒矣今其

墓牛羊是踐是可悲余遂與諸友人披棘拜之訪於田夫之
鄰者問其遺族云族並乏止城內桃花塢一老嫗尚屬伯虎
姪孫婦之孀者余與友人凄然歎曰是朋友之罪也千載下

讀伯虎之文者皆其友何必時與並乎理厥封樹構數楹而
祠之是在吾儕今日耳子晉欣然任之同儕各賦詩以紀閱

兩月而祠成更勒石以遺千古之有心者嗚呼凡士之負奇
不遇而能不發憤者鮮矣以伯虎英磊負謗見擯盛時而能

令其不放浪笑傲以據臆乎乃說者謂其不謹行以至是淺
矣伯虎之奇略見於畫品與一時文徵仲沈石田二先生齊

名即其為文亦天然奇麗雜以俳諧未區區與前人矜格而
其襟韻蕭邁若華星朗月翼以清風不可攬撥尙在筆墨之

表論其猖狂縱酒大有類於阮嗣宗而其晦迹於宸濠之聘
則亦嗣宗之於司馬文王也才人大節卓犖如此則伯虎自

言不使人間造業錢豈欺語哉至其逸事或效仲容之追婢
不以為嫌或作羅友之行乞不以為辱皆亦古人任達之所

為無足多怪而乃使其風流委墜狐鼯同藏伯虎有知曾不

芥蒂而適足彰方內之齷齪也子晉海虞之博物者所搜古
人遺編數萬卷孔翠一羽惟恐或墜於伯虎又焉能已哉焉

能已哉是為記併系以詩云蕩舟指石湖不必見湖水大野
來花風嗅香輒十里翠樹與金田搖漾葭紅紫濛濛穀雨天

春事多農趾道有荒草墳因之叫唐子村煙接遠山潑墨風
流似牛羊蹴一杯遂令斯人死嗟歎揚子雲裔絕同一視生

為庸人嗤死恐頑仙毀止留大雅心能喚古人起表碣更當
祠艾榛在此始嘯鳥識春林清狂堪酌醜西蜀井研雷起劍

舊時

家家新竹出林梢無數蛙聲落井坳飛燕不知城郭換銜泥重
上舊時巢

平疇新漲尺餘寬不斷濃陰覆碧端午睡覺來敲枕坐狂風吹
落舊時冠

路旁第宅聳雲霞酒旆搖風走犢車魚鳥盡空閒佇立法然一
樹舊時花

谿聲汨汨鳥聲繁四月人家衣領單節序後先渾不識祇應麥

秀舊時寒

斜襟窄袖帽簷涼試著兒童笑欲狂只有閨人無別樣鬢髮猶

似舊時妝

烏鴉飛處少桑麻數仞雕牆沒浪沙偷問四鄰誰故主重陰合

抱舊時家

年年布穀慣催耕無奈春風挾雨行入夏晴光悅鳥性枝頭頻

弄舊時聲

天涯旅泊客愁多促柱繁絃奈若何野外老農聞見少倦來還

唱舊時歌

傳聞血浪漬魚磯山徑無煙孰掩扉訪徧漁樵無伴侶春風已

野

七虞山叢刻

長舊時薇

香雲到處解重圍誰識前因是與非春夢婆能醒說夢老僧都

著舊時衣

詠並頭紅蓮

一片谿光好閒來學種蓮怪非靈蓮種驚過泰和仙莖瘦矜孤

引村承喜共憊含顰難向背媽笑互回旋各自臨風怯相假浥

露鮮片雲籠不住隻月照來偏彩蝶離羣宿文鴛挾耦遷卻憐

波上影可似鏡中娘蘇氏連環吐徐生破照圓好迷差穀旦薄

命恨同年璧水君心潔鉤鈐妾意懸孰云珠浦合不是藕絲聯

攬轡宜方軌寒裳恰並肩有情殊繾綣無夢不踟躕敢擬檣湖

瑞傾心太守賢華萃爭獻頌耕鑿樂堯天

讀劉青田草蟲辛苦獨知秋句口占

草蟲辛苦獨知秋向夕臨風似訴愁何事片帆孤寂處聲聲淒

嘲傍船頭

草蟲辛苦獨知秋斷續吟來不肯休有客倚闌吟未穩幾回聽

去若相酬

草蟲辛苦獨知秋小小聲偏上畫樓桂影入幃欺被薄無端敲

枕淚交流

草蟲辛苦獨知秋霞浸平湖山影浮螢火漁燈淒悵望一般夜

色幾般愁

上已集問漁莊賦得風俗猶傳晉永和

亂後人家如旅泊每逢佳日集羊何偶尋蘭渚流觴句漫詠柴

桑種豆歌隔岸猛風飛燕急連村苦雨落花多不妨酌酹同漁

叟偃臥舷邊覆短簑

風雨謠

花信春來二十四荒村狂吹狂無比破窗時咽玉簫聲黑雲又

野

六虞山叢刻

壓山頭遲西舍老農知歲事布穀無方魂蚤悸忙呼丁壯半築

隄鷺鷥飛過村邊寺小樓兀坐撫瑤琴忽然萬感集於心擬向

指頭寫出高山流水調如何聽者詫為狂風驟雨音

初夏至葑谿草堂

草長花落石闌低過去春光風雨迷老樹架巢扶嫩葉深廊添

壘溼新泥朱櫻映日筠籠滿綠筍當階錦額齊俗客不來歡自

得非關漏性合幽棲

中秋賞月堂集同社坐月

月無常主共推閒陟彼山巔又水灣蚤向柳梢描一線直從海

底吐圓環青熒螢點寒無燄空白雲層凝似頑一色著人如著

水杯光返照繡楣斑

柳絮

一任顛狂亂惹人幽閨深院強相親煙花三月揚州渡雪滿征

帆慣送春

采蓮曲

江上花朵鮮今年似去年花邊采蓮女顏色何如前

昨日花似儂今日花如雨榮謝不多時默默向誰語

枝上花容妍花中苦心在妍容不可駐心苦何時改

不怕艇子輕只怕飛槳急縛袖怯長風不覺紅裙溼

醉泛

極目空四海顧影何蹙蹙被酒放孤舟萬里無拘束

再登賀九嶺

吳都山萬疊到處恣冥搜或方如屋架或圓如笠浮或盪如老

僧或橫如豪牛或高與天平或坦同江流種種吐奇相圖續難

兼收吳王踞其勝宮殿攢上頭歲候七十二一候一峯游茲峯

宜重九雲輦駕蒼虬左佩干將劍右縉珊瑚鉤簫聲入清漢響

野

九虞山叢刻

屨下重樓拜賀風雨集歡聲動九州繁霜不敢下茱萸被林丘

憑弔千載事春謝復悲秋而今安在哉負然巖壑幽余能道前

路濟勝從良儔攬身學狡兔木末紛少留捫蘿興方劇日夕未

遑休松濤聒天響能生聽者愁

空村

空村少暑氣垂柳蟬聲多倚樹照蓬鬢愁心在碧波

冬日泊赤石磯野菴水次

彈缺悲歌氣未平孤舟一繫石頭城長江雪暗迷帆影古殿風

高澀漏聲草野頻年皆儉歲朝廷今日正多兵山僧不識人間

事惟說梅枝嶺上生

賦得玄晏先生滿架書

玄晏先生滿架書古人相對又添子不求甚解無人解漫說陶

公果闕如

玄晏先生滿架書瓶花尊酒影相於今年結箇南村侶乘興還

來較魯魚

玄晏先生滿架書更無塵事到吾廬科頭累月當窗坐五十無

聞亦晏如

八月十五夜從東湖歸獨坐快閣 和孟芳舅氏韻

昆湖歸去月嬋娟小閣閒凭宛似船數頃良苗浮白露幾村疏

柳暖青天煙飄檐外分香篆蓮折池中倒碧圓堪笑生公一片

石酒籌歌板過年年

南軒杏花中秋盛開

三春花向九秋鮮客到題詩野外傳色映紅霞口口口光含白

露鏡中仙昔兼桃李同蹊發今共芙蓉隔浦妍為報倚雲天上

種凜秋相約發年年

登劍門絕頂

獨鼓登高興輕舟出小灣菊籬人共采松嶺我能攀目送秋鴻

遠心隨晚磬閒一杯傾落照幾處畫晴山

中和節同登中峯聽講呈汰如蒼雪二上人

白衣隨喜共緇衣盡解娑羅聽闍微林鳥有聲皆說法山花無

色不含暉燈明寶閣僧初定日暮江城客未歸垂手二師同到

此中天佛法未云希

講寺飛花點戒衣鐘鳴香積翠煙微樹頭鶯語和清梵谷口泉

聲帶落暉黃閣故人常讚歎青山隱者悉依歸知師見地能圓

徹過去無多現在希

雨泊虞山下

濁醪聊復載輕槎十里林塘出郭斜柳外有鶯能睨曉坐中無

客不煙霞興來莫漫辭沽酒春去何曾見好花試問當年湖上

鶴幾時還得到君家

青山一片落尊前，有客相逢合管絃。
湖面好風消雨氣，林間斜日動炊煙。
笑言卽事關靈境，文字多生現識田。
鴻漸自來欣鬪茗，每烹新汲到吟邊。

穀雨前一日載酒石湖送蕭伯玉太常還西昌

放棹逢新漲，尋山值晚晴。
寺門芳樹掩，漁浦斷煙橫。
柳會縈離緒，鶯能喚友聲。
如何臨勝地，卻作送歸程。
家近涪翁閣，帆過宿子城。
百年攀附意，蚤晚濟時亨。

閏元夕湖莊文謙

風雨春光愁寂寞，喜逢良夜得追陪。
月輪樹底方窺酒，歌扇燈前又落梅。
正好客來移坐密，豈容興盡刺船回。
舊醅只爲催詩發，微燭何妨更洗杯。

登支硎山

登嶺諸方俯穿林，一徑斜芒鞋承細草。
破衲落松花，佛日三千。

三虞山叢刻

界宗風二大家，不須聽說法且賞好年華。

上巳日登華山聽講留宿

相期聽說法，勝日到茲山。
一水曉偏渡，千林晚共攀。
花光開窈窕，松籟落潺湲。
谷靜聞禽語，雲歸見石斑。
楊枝侵水碧，幡影拂牀殷。
四眾皈依座，三門出世間。
凡夫都發省，穉子亦歡顏。
鼎鼎百年內，寥寥半日閒。
玄言增法喜，禪悅破人慳。
緣感皆隨應，虛來盡寶還。
自今窺藏海，方始識塵寰。

柬謝姚康成惠茶

菴書亭臺入夢偏，齒牙長憶味甘鮮。
書封老箬春旋寄，花颺輕煙手自煎。
凝白每憐雲有子，搜枯直訝酒無權。
廿年不斷山中使，肌骨朝來半已仙。

送凌茗柯太常赴山東右轄

千秋文武屬登壇，中外徽垣領百官。
凭檻樓臺朝氣合，連營星

火夜光寒正看飛，傲吳天淨復見麾。
旌渤海寬漫道若谿，同峴首磨崖高碣倚雲端。

法曜奎躔共陸離，春深千騎擁江湄。
名高北斗南箕上，詔賜彤弓赤芾時。
天際聲華簪筆近，塵中心事實刀知。
關門正見虞廷盛，三接明廷日未移。

題麗江木生白畫卷三首

雪山

麗水城西路，居然印度來。
空巖有馬麥，絕壑少塵埃。
杖策終難到，飛翰去不回。
直疑通帝座上，界逼仙臺。

福國寺

石磴緣雲上，巖花覆地開。
寺僧持鉢去，游客過橋來。
上界雲疑夢，前谿水似雷。
鐘聲林外遠，杳杳出香臺。

皇恩院

野

三虞山叢刻

法界開禪院，何方似布金。
莊嚴華藏海，廣大貝多林。
嶺外橋通漢，村邊樹合陰。
僧伽放參去，黃鳥和清音。

送友游秣陵同用雲字

分手斜陽下，前山起暮雲。
好花憐別酒，明月悵離羣。
王謝多遺蹟，齊梁迫禪文。
莫愁無舊識，藝苑盡知君。

正月十六夜集周伯高露文室

南國頻年樂太平，家家燈影帶春星。
詎意江干有嚴令，六街九陌戶雙扃。
相攜踏雪尋我友，開軒列炬出名酒。
難弟難兄互唱酬，誰主誰賓傾百斗。
高酣縱步六街東，古廟殘燈燭火情。
天心不假人心便，星河黯黹月朦朧。
千里百里情無隔，入手良辰拋不得。
但願年年逢此宵，喝月倒行醉吟客。

洪武岡見楊花

一一去匆匆，飄飄莫與同。
無情原有性，生相自凌空。
豈藉吹嘘

力方來御苑中

花朝超果寺訪局上人

花發片帆下春深陸子基寺爲二陸宅殷勤非弔古迢遞爲尋師講

徹香雲合談深樹影移同過石橋去一笑動離悲

暮春游興福寺有序

甲申暮春西湖胡豹生訪余於隱湖之上適吳門沈璧甫林

若撫殿介平馬人伯一時咸集或尋花陌上或聽鶯橋邊一

觴一詠晝夜不輟適破山寺僧招余入山修大悲懺法遂同

諸子游焉蓋三月廿有五日也輕雲翳空微風扇和午後山

雨欲來諸子猶豫不前余力促之往舟抵麓遂度伏虎橋循

破龍澗過高僧墓萬松森立二幢分峙入寺已報暮鐘矣及

登巖壇燈燄燭天香雲拂地威儀肅穆梵唄宣流薰心歷耳

者莫不合掌贊歎遂宿東軒明日同禮大悲香像六祖古銅

野

三虞山叢刻

像阿育王舍利塔看病鶴舞於古檜下蓋梁時植也已復游

破龍澗澗水奔湧爲一山之冠三春無雨僅涓涓不絕已爾

豹生同余搜訪古蹟因過空心潭上見二石碑臥荒棘中余

喟然歎曰元泰定間段天祐立亭潭北爲文記之又分常建

詩四十字爲韻微細素名流各爲五言詩一首歲久亭圯我

朝李文安公重建亦爲文記之想二碑卽二公文也亟呼土

人扶植汲泉洗剔惜爲霜露侵蝕非復全文矣遂與寺僧謀

復其舊擬面潭構亭旁結一菴爲舅氏繆仲醇先師魏叔子

祠痛其高風卓犖皆無嗣也諸子旣賦詩紀游余亦斐然有

作而復述其事如此

同吟初日耀高林又聽雲堂微妙音海外龍歸知法力巖前花

落點禪心夢回殘月諸緣寂悟入空潭片滴深逋客獨來調病

鶴攢眉酒禁發狂吟

步入林西欲問禪古碑斜抱葛藤眠基荒鳥散山光淡水落潭

深日影圓披草摩挲悲往事汲泉洗剔笑前緣擬招二老魂來

些擬構亭潭上祀繆仲醇魏叔子兩先生水月同參兜率天

送春

三春日日醉如泥踏徧山巔復水隄朱鬣解鞍紅雨外綠旗試

翦碧雲西佳人夢逐狂蜂遠游子歌隨落燕低無可奈何還痛

飲花箋雜沓有新題

題崇禎曆溪書十七年三月十九日下

西北天崩度幾旬猶呼萬歲薦茶新江南立夏望闕薦新茶尚未聞變雨陽引

咎辜明主日月交微罪黨人告急軍儲忘問歲殷憂割土望頒

春微臣洗硯渾無事書得今年是甲申

避暑田舍

懶病難醫愧夏畦雙柑獨飲聽黃鸝醉鄉廣大人間小那得朝

野

三虞山叢刻

朝醉似泥

通流十里棹相隨數卷殘書酒一卮充耳不聞門外事捲簾情

話夕陽遲

德香社詩同石林作附跋

道無樓炭學有龍魚開卷輒議古人生生習氣得句便稱佳

士刻刻藏心非敢附人龍文虎之儔亦豈似行潦醇乳之別

無奈懶同秋蝶拙比春鳩況今作噩紀年蕤賓臨月攜錦囊

者空谷佩魚服者蔽江慟哭無門嘯歌有侶燦花鋪於鬆几

蠶田引於礫堆韞匱三年斲輪一瞬虎頭壇坵驚冀北之空

羣鳩羽城壕學周南而得所階承貂乏愧作蚓鳴難稱東國

越之雄漫效西家施之麗甘章求伐一字稱師定推敲於宿

鳥池邊辨思息於林駒道左景仰智林之座主願爲寶月之

門生遙寄八行之書高尋百里之契

開元寺石鉢

三聖同居地遺祥日月隨浮沈驚眾耳仰覆露纖倪一擊鐘聲
後千林花散時殷勤告漁者得此莫相疑

禮空生佛像

生滅誰研鏡空名千古遺默酬五體力翹仰六時

野

虞山叢刻

驟六月借霜威濯足閒垂釣斜陽下淺磯

歸三更疑雨

山雪

凍嶺插天末黑雲籠白蓮勁風起西北松柏改容偏枝折驚猿
顧三腰正暮煙梅花何日發誤報此中先

青松篇

入山何處好松色久相要眉量橫蒼鬣螺光冠翠髻偏從煙際

露不向雪中消處士有知己高風並九霄

門前路

南北東西路何從何去人捎鞭流赭汗展轂起紅塵馬跡寒衝
雪雞聲早離秦關心路旁草長伴客中身

浣衲

誰施千鍼力相依歲月多入山惟與爾出水又云何湛湛明如
拭層層潔似磨身心無染著一片月來波

秋泉

空山暑氣少飛泉早入秋花黃明曲澗雲白和輕流每向蛩聲
咽寧同月影收最憐清又淡吸盡幾磁甌

放生

生生無盡日具相自紛紜殺向何端起放從何處分高深皆率
性水陸各依羣一片逍遙地如傳祖梵文

野

虞山叢刻

石上苔

蒼翠點巖石斑斑刷色勻雨深宜薄日秋淺做餘春花落偏生
媚屐痕還可噴松根滋蔓久漸蝕老龍鱗

賦得窗中列遠岫

倚檻遠凡境看山直到今淡濃分旦暮隱現識晴陰掩卷煙光
合開尊翠色侵閒雲生幾片爾我兩無心

孤嶼

淼淼魚龍窟一拳何日生出雲朝氣少吐月夜潮明獨秀無依
接當衝莫敢傾秋來發孤與漱石聽濤聲

引泉詩

支筇陟峻嶺討彼水之源無路還能續有聲不受喧草香薰石
乳煙氣入雲根昨夜山中雨新流沒舊痕

小集法水山居

遙集谷音社何曾分素緇萬川同落月一滴豈常師人羨連林
茂吾誇獨樹奇詩筒來往數互析句中疑

仲木來居池上寄之

偶然數畝將蕪地敢曰桃花種自秦向日登臨稀俗客今朝談
笑有遺民共看架上圖書滿莫問谿邊草木貧畫永垂簾聲寂
寂一雙雛燕入簾新

一葉搖搖入遠天蒹葭零亂起輕煙招來列岫橫窗裏補得頽
垣近水邊呼友劇談無俗調擁書連屋有良緣家家旅泊渾如
夢記取湖濱乙酉年

蘆藏竹掩路深深野闊風多足嘯吟且任蝶飛相上下不妨鷗
浴自浮沈殘棹怕見侵邊局孤劍空懷掛樹心醉後狂歌君莫
唱邇來汀畔有知音

野

毛虞山叢刻

蓮鷺立飢隱解不須師向秀沈酣還自學桓彝草塘南北堪圖
畫橋外參差曬網絲

題垂虹橋亭

迢迢青漢直倒影界中吳萬騎銜煙度千帆挾浪趨漁歌連鼓
角人語雜鷗鳧亭立空明小秋風垂釣圖

登錢夫子絳雲樓和韻八首

躡履凭高縱目初風晴下瞰接衡廬空中何意開飛閣天上仍
聞有淨居仙吏只依香案籍姮娥深護蕊淵書興來時擁元龍
膝落落誰當眼底餘

襟帶帶術俯千楹迴合山川點墨成藻井銜花分向背柏梁樓
鳳欲飛鳴揮毫不枉珊瑚架鳴佩還判金玉聲便欲吹笙通碧
落恍疑身在月中行

林開初日耀瑠題風動黃金小帶泥仙骨久從千劫換佳人難

得一心齊燕鶯簾額鈴能語露溼花房蝶正棲曉起擘箋聊紀
夢臨池爭識是家雞

前身曾是與仙期天上人間此會時翡翠飛來相命鳥珊瑚網
得最高枝靈威擬授千年字神姥應傳五夜棊縹緲增城樓十
二鸞霞限日不爭差

何物神工置得牢似擎高掌出煙霄投梭帝子窺書字踏鳳仙
人聽度簫樹解聯枝霜更發花能四照雪難消流雲夜夜檐端
宿卻笑巫山有暮朝

紅樓霞氣畫霏微玉斧玲瓏傲月扉楚客空傳巫峽女陳王難
賦洛川妃九鈴鳳泡三宵露百和香薰八繭衣爲報掃眉才子
道人間今有鮑家暉

野

毛虞山叢刻

殿欲賦凌雲愧不如
阿閣翬飛入望新簾垂金蒜護春深岫嶺碑上風雷字姑射山
頭冰雪神南國久無行雨夢東鄰誰是效顰人雜華經裏婆須
女好似飛花不受塵

問漁莊

咫尺城東獨掩門更無塵事惱吟魂晚來谿上風何急日送飛
花到遠村

丙戌春分病起見庭前落梅爲之憮然適并研雷元方兄
弟至呼酒對酌

宿雨初收春正分病餘恍惚似初醺慵牽孤緒聽言鳥喜見高
帆破野雲村酒雜黃蕉葉澹河魚乳白荻芽芬簾前梅片紛紛
下楚些哀歌日又曛

空齋聞雁

劍銜峯尖翠如洗參差倒浸長江水塞北秋高霜信來江南木
落深山裏斷章縱橫度石梁關門飛盡天茫茫荒郊老人讀書
處四壁嚴風嘶欲狂蟋蟀噤寒吟乍歇寥唳哀聲天際徹初疑
鬢髮出交河復恐怪石蒼崖裂物候移人情乍聞神更驚豈向
晴空寫悽怨無故撩人涕自零一聲緩兮一聲促續復斷兮斷
復續兀坐孤燈光耿耿偏使靜中聽得足亂離情緒歡心寡歷
歷風梢聒檐瓦振衣開戶獨徘徊明月滿庭霜未下

收雲大和尚主法興福禪院敬賦二十韻錄呈印可

西來有心要傳持藉英賢文字本性離結鬢滋藤纏教外分五
葉一喝藏三玄野干盡腦裂環攻壁壘堅宗風中式微祖堂草
芊芊燈燄續光熾中興在彌天天童門庭峻到者絕攀緣惟師
具靈慧相見各嘿然如火照火薦取在言前何須密室授當
下伽黎傳得佩全提印廣施化雨權海隅有名刹荒蕪歎多年

野

堯

虞山叢刻

虎錫幸飛駐肇啟千華筵戒香普熏被四眾具不穿山林興禮
樂木石聽傳宣一音無別調得法逾雲煙羣衲皆景從朝宗如
百川嗟余秦時鑽鈍置愧機先敢求嚙鋏方不吝追風鞭得厠
龍象列常聞獅子絃

四月八日從石林禪師佛廬至隱湖放生

亂離猶是一閒人小築谿邊伴此君垂釣無鉤真有意過屠大
嚼不堪聞挑燈尙憶護生呪浴佛寧忘長者文棹出蒹葭淺萬
頃高深各自有同羣

過江上仲榮周二式穀堂

傳說翻疑入夢真十年謀面渺何因相看色笑渾如昨共想離
懷分外親且喜筆端開疊嶂更愁江上起飛塵一尊痛飲庭花
下回首來朝迹已陳

次韻酬徐仲昭二首

隱德何慚鄭子真蹉跎三獻歎無因一時投分鍼鋒接廿載忘
年水味親問法未能分半座微心直欲析微塵蝨魚難飽神仙
字細帙空煩充棟陳

解說金鑰不博真爲童猶識聚沙因久依白法宗雷合重領玄
言支許親巖老不逢身畔影趙州只掃外來塵弛兵已歷河沙
劫縛草編鞋舊姓陳

八月十四夜從湖口放舟城下遲友人不至沽酒獨酌即

事

中流鼓柁破澄鮮兩岸焚香徹九天只恐香雲凝一片猶將據
萍太清問

元旦和石林韻三首

隔年良友一瓶花攜向空王伴供茶試筆擬將書貝葉裁衣羞
未學袈裟夜無驚犬門多幸春入新枝樹孔嘉漸漸香風生嶺

野

辛

虞山叢刻

外重尋怪石老僧家

湖光遙映竹窗書地僻都無戶外車幸免林中離網雉羞同山
下搏弓狙縉絲作計成文錦繩墨何人問散樗野老相過爭歲
席辛盤不薦薦冰蔬

句裏吟安一字難石林已蒼老梅孤鶴共高閒江湖迹跡入稱

散仙錄題名不號頑影閉重門看止水春生老樹憶空山紙封

蘭榭彌三月病葉離披手自刪

除夕和石林韻

西軒日落一年空緇素應知事不同到處鏡聽祈好語幾人家
祭哭孤忠流年暗換鐘聲外感慨無端酒盞中弱女能言兒繞
膝香雲縹緲燭花紅

同中菴暨令郎伊人造蔚洲七十二潭訪確菴賦贈

水國蘆爲郭漁夫釣作臺從無輕客到惟有異書來藤向頰僧

掛花當仄徑開誰云無樂事展卷共徘徊

胡村晚興四首

八字湖邊處處潭人村自古號湖南水田漠漠開鷗聚廿里波光

芙蓉隔浦晚來紅十頃平疇受遠風一月秋霖谿水漲蘋花半

吐綠波中

谿平如掌淡含煙落日丹林樹樹鮮獨立谿邊篙影動白標分

插單魚船

宵來蟋蟀在牀頭撩我無邊默默愁獨有次寥騷客意偏伊一

樣會吟秋

次韻贈印持禪師兼頌許石虹先生捨園勝事

松老如龍爪甲成入門不改任山情鶯聲疑是戴顓宅草履疑

隨何點行共說祇洹今日建宅西建祇洹精舍休誇離垢舊時

野

劉慧斐隱居東林寺竹根如意談經夜應有金光照室明齋

帝賜明經竹根如意常與法度

師講無量壽經夜見金光照室

春日雜興

宿雨連村暗春眉尙未舒客愁花事晚鳥悅半晴初飛晚炎如

火流光走似車平生適俗懶何況病方除

莫城莫邪廟

在縣南十二里昆承湖之西

莫城莫邪鑄劍之所亦謂之劍城今有小廟云莫邪大王是

也或謂之鑄鄒城吳越春秋云干將莫邪二劍皆吳王闔閭

所佩干將吳人與歐冶子同師莫邪干將之妻干將作劍采

五山之鐵精六台之金英候天伺地陰陽同光百神臨觀天

氣下降而金鐵之精不銷干將不知其由莫邪曰子以善爲

劍聞於王王使作劍三月不成其有意乎干將曰吾不知其

理也莫邪曰夫神物之化須人而成今夫子作劍得無得其

人而後成乎干將曰昔吾師作冶金鐵之類不銷夫妻俱入

冶鑪中然後成物後世卽山作冶麻經蕞服然後敢鑄金於

山今吾作劍不變化者其若斯耶莫邪曰師知燦身以成物

吾何難哉於是干將妻乃斷髮剪爪投於鑪中使童男童女

三百人鼓囊裝炭金鐵乃濡遂以成劍陽曰干將陰曰莫邪

陽作龜文陰作漫理干將匿其陽獻其陰闔閭甚重之曾魯

使季孫來闔閭使掌劍大夫以莫邪獻之季孫拔劍之鏑中

缺者大如黍米歎曰美哉劍也雖止國之師何能加之夫劍

之成也吳霸有缺則亡矣我雖好之其可受乎不受而去

一望平原涕滿襟手提孤劍獨行吟雌雄生死無人問吳越興

亡有夢尋白虎踞顛池影斷青蛇繞足草痕深干將墓在阡門

時人耕其旁忽有青蛇繞足其人驚避以刀斷之其前牛蹊入

草中不復見徐觀其餘乃折劍一段至暮欲持歸亦忽失之

何年古廟煙波際寥落鐘聲度晚陰

野

吳越春秋云莫邪干將之妻也此廟云莫邪大王何耶有人

自蜀中來見杜拾遺廟設女郎像爲之大噱與此相反恰相

類戲題一絕於壁上以供續游者絕倒浣花豈是浣紗谿廟

貌如花伴鳥噉湖畔劍師猶血食也應羨服薦牝雞

二月望日同確菴中菴游鳳岡

連影出雙扉梅枝弄影微蒼峯寒竹翳古廟敗牆圍橋偃猶仙

跡岡卑且鳳飛頑潭鷗路便月色候帆歸

華山挺松歌壽道開法師

奇峯半坼青蓮華天空玉女堆雲縞虬松拔地挺霜色龍巖怒

礫爭紛拳山中有士好奇服時來樹下跌雙跣天花散落白日

靜松風敕令懸袈裟有時一錫凌雲起卓向人間扶禪髓舌底

流泉作雨飛師絃吼破羣狐壘中年隨處縛茅廬遙向高松日

著書時人欲識山居臘百尺無枝偃蓋如

湖中晚歸

曉從湖口發，暮從湖口歸。相對閒鷗坐，誰云良伴稀。蒼蘆延鷓首，新月上柴扉。回首停機處，煙籠柳色微。

魯國圖詩

海天孤望久，入廟洗碑新。鳧繹卑羣島，蛟門接泗濱。山川皆賴古，圖畫亦驚人。披葛風前拜，慚同卉服民。

冬居

孤燈耿耿坐黃昏，一卷陰符自掩門。聒耳霜風疑鐵馬，朝來落葉滿前軒。

封江遇仲榮志喜次韻

憶讀離騷共一舟，三年江上動離愁。瓶香入硯春風細，仲昭索詩落梅。竿籟飄空夜雨幽，新句方成茶正熟。遺編未展淚先流，仲榮集名又攜尊浦帆偶落葑谿曲，攬袂連朝爛漫游。

野

虞山叢刻

周玉介移居

依隱離人境，回頭恐不深。幽谿無俗客，近局有禪林。已恰新鶯到，何妨舊燕尋。白雲時出岫，共我了無心。
快讀江郎賦，頻驚歲月遷。竹谿迴棹遠，舊居竹山影列窗全。酒熟梅花候，茶香穀雨前。訪君逢勝日，刻燭且忘眠。

中秋坐月

蒹葭繞屋淡蒼蒼，檢點重衣怯坐涼。四起鵲聲驚畫色，雙飛蝶翅醉秋香。鵲鳴蝶飛記所見聞嘗新且喜，湖田熟薄醉休嫌。野市荒幾度月華纔出戶，與誰歌嘯看雲黃。

元日對酒

初日南枝上年開，六九春余年五醉鄉真廣漠無地著愁人。
佳人照鏡

自喜無雙豔，秋波入照明。相看兩不妬，微笑似將迎。

寄西華秀峯寺岫雲上人

月照梅花醒定中，人未眠東風湖上急。吹到秀峯前，獨游家園。

日涉忘朝暮，重行代遠游。坐花雲影換，洗盞鳥聲流。相逢行。

花片飛輕鬢，游絲冒玉鞭。相逢不相識，語語在眉邊。飲酒看牡丹。

收盡三春色，紅光照滿杯。不關移坐密，作意近人開。曹谿一滴菴有序

余家昆承湖南諸水環抱，東折一曲俗呼曹家浜。庚寅秋八月將結一菴於水車之濱，顏曰曹谿一滴菴。中供如來香像，是像在汲古閣中已二十餘年矣。因燈光香穗未能六時恆照，特延膠上印初禪師駐錫焉，敬賦長句以招之。

野

虞山叢刻

年來百事賦休休，結得茅茨傍碧流。遠避俗塵經僻地，貪看月色趁中秋。龍沙延脈七星址，瑞相分身萬卷樓。長伴一燈經一卷，北禪舊有老南洲。師曾住北禪寺即南洲老人寄跡處

聽籠中山雀

雕籠當繡戶，擬聽山中音。音中似哀訴，動我萬里心。

登樓見白鳥

迴閣立空野，煙波接檻前。何來一片雪，弄影入新年。

春夜夢游支硎題詩梅花下，醒來猶記一聯云：香雪封高寺，奇雲補斷峯。尋芳何處

寺奇雲補斷峯人日足成一律

支硎舊游路，夢裏策孤筇。香雪封高寺，奇雲補斷峯。尋芳何處騎，報曉隔谿鐘。覺後原非夢，檐梅正笑容。

夢父師持坐石圖索題時南來法師在坐，說詩偶及天界

靈山二老夢中倡，和得深林坐石生。秋隱之句同用成。

篇爲合夢詩遂書卷上放筆大笑曰夢父亦同夢否余
不揣口上續尾以博一粲

選石空山獨坐時水流花笑不關思半醒半夢誰能解便索師
題合夢詩

泉游八詠有序

三春既曠百卉具殷迨至孟夏快雨彌旬余與確菴陳子集
鮑菴朱子書畫舫中拂水乘風開尊遙對欣然買勇往招石
林老人出北門倩籃輿過小澗入桃源選石分坐容與徘徊
陳子叩桃源緣起實莫知其所自石公因述五十年前猶見
桃花夾澗紅雨繽紛邑人往往脩禳於此流觴題壁不亞蘭
亭一僧結菴泉上顏曰妙音木衣緋繡土被朱紫香雲隱天
花雨灑地信附城梵刹之壯觀也四月八日俗尚浴佛士女
來游空城溢谷兵荒以來僧徒絕影惟見如來露坐泉聲咽

野

虞山叢刻

石已耳歷級而上至白鱗洞洞銜半壁冬夏滴瀝不盈不涸
旁有崩石如屋萬層間一僧畫臥其下夢佛燈火發驚寤疾
走未至佛前其臥具已粉碎石下西偏有西相大士塑工精
巧今殿宇半傾相好儼然牆外水聲如雷名曰石屋相傳太
公辟紂之所洞中老僧導余下坡坡路已沒與人昇石基布
猿臂以渡又過一嶺相與捫蘿引葛從四高僧墓至破龍澗
非層丘曲折迥異桃源而夕陽下春煙光四合鐘聲梵唄縹
緲於初篁古檜之間幾不識廬山真面目矣夜宿興福寺寺
多詩僧秉燭引余輩坐空心潭側烹茶煮筒論詩品畫畫中
見曰補楊子題語極稱連珠洞予游屐所未到明日由萬松
書院飛跨數山見一澗從望海墩折北而下多巨石色如積
墨泉鋪石面細白如貫珠既入洞兩巨石如撐龍張口上下
相隔丈許方廣數丈可容百人俯入見石頂中穿一穴徑輪

五尺餘水從中懸如明珠分綴懸聯不斷日色倒射五采陸
離睛搖目眩令人撫掌狂叫泉飛谷應疑覆疑壓爲之肌粟
又北折爲五丈石石勢嵯峨伯石屋而仲劍門水勢洶湧庶
可與秦坡頡頏惜乎僕痛馬瘠日將逮昏不能磅礴其上心
猶慙而未遽姑揚推以詠之俟異日之續游爾

桃源澗

山郭未云遠流泉夾道迎桃花無舊態黃鳥有新聲樵子眠獅
坐蜂兒破鶴楹老僧談往昔水亦作悲鳴

白鱗洞

路入桃源深復深午雲疊疊結松陰荒涼再扣招提境淡然滴
瀝生寒音紫花蒙茸翳危壁飛鳴上下多馴禽中庭墮石高於
屋追論往事心欽欽升階再拜西來相鬚眉翡翠裝南金山僧
汲泉作供已泉聲雷沸重追尋

野

虞山叢刻

石屋

幼聞長者言西湖名尙父旣長讀紀聞石空凡十所石空卽石
屋湖山並太古洋洋東海表寧與石城伍北郭有石城爲憑弔
吳王養馬處陟重岡况逢泉跋屨矯矯一若龍咆哮一若虎滿耳激秋聲不
知日卓午願枕一拳石畢生臥韻宇

破龍澗

重上籃輿雨後天倉庚嘯殺暮山煙家家墓上消松翠處處林
中摘簞鮮救虎何人重建閣破龍今日又聽泉年來霜儉香厨
閉惟有論詩雪柏前

連珠洞

夜展古農一幅素指點連珠洞中泉惟恐丹青描不盡猶將名
勝寫長篇劈開兩石藏堂紀衣珠不用尖絲穿洞中飛雪來干
里洞外流星互九天雪消星散化爲水水花灑灑兼絲絲初疑

神妙未必爾或者下筆誇玄姁石公睜目稱如是那敢綺語誣
山川陳子聞之爲起舞臥游暗祝自我先穿松踏石不辭勤一
見使我心怡然回翔步降索幽異耳酣目醉魂俱仙臨歧緒緒
不忍去準擬秋宵坐月圓人靜山空雲不起嫦娥濯魄鬪嬋娟

拂水

借君書畫舫爲我看山地嘉名入君懷快雨傾我意峭峽雲扶
綠樹濃奔流飄轉最高峯開尊遙對鬚眉溼翠滴晴空白雪容

五丈石

尋山得響泉更尋得奇石泉枯石漸病石病泉無脈虞山竦三
秀一顧一太息劍門掛青漢左避風鯨突水簾向稱瑞水簾洞在頂山
下一大石橫其上呼爲瑞石舊有瑞石菴宋人有記未見飛雄白下拜五丈下勢可吞月
尺帛練繞千松噴雪欺日赤憩息歡忘歸山鳥呼雲夕

秦坡

野

毛虞山叢刻

頂山遙睇一線白彷彿緣坡弄澄碧松濤吞吐鶴巢雲頻年未
踏磨穹石三日流觴渡七峯哈呀窮窮應無敵紅塵百尺幾時
休結伴尋煙語蘿壁

寄懷子叔

輯權相尋春水殘幾枝疏柳暝前山盤無兼味寒僧供冠未籠
頭病子顏無賴鶯花多爛漫有情朝夕自迴還著書相約常扇
戶待把龍鱗老樹攀

答贈韓芹臣太史

每讀昌黎文如蚊飲大海腹量怯所受微性敦所愛誰云洛陽
遠寓席咫尺在閭關二千里圖書欣滿載金題玉跋間月旦蘭
與艾一字流人間淵中而炳外東山難久留夢寐通帝賚

夏日以誰家促席臨低樹分賦得誰字

六月村深暑氣遲臨窗未翦礙風枝傳人倒篋搜遺集詩入又

王叔辨注分筌譯古碑長篇石刻舉網池邊霞半起移尊簾
外月方敲年來到處矜騷雅畢竟雄師是阿誰詞壇戲問之

華嚴道場

百千刹七舍那身卷葉莊嚴幾世因薪續河沙無漏法墨酣松
雪有爲塵重重煙水我非我在在鐘魚鄰外鄰幸得勝賓來竹
院兩雙不借月波心

指月師從松陵過余湖上

飄飄一葦渡前津拜手還疑古應眞袖裏雲霞饒野性囊中冰
雪聚同人時當寒食稱佳節花落殘梅惜晚春莫訝相逢今日
乍當年兜率久相親

申之水三章題季子廟倣元吉體

申之水江之汜陟彼層丘敷衽望履飄然長揖辭延喜匪云冀
壤視疆土翹首前王願踵武嗚呼魂氣無不之果否露瑰奇聊

野

美虞山叢刻

爾揚靈醒白癡

申之水江之渚階雜椒菌堂虛鐘虞一區池子穿大隧千年樵
牧莫敢企何物么麼等兒戲嗚呼願請徐君樹懸三尺劍斬其
首填其壑血染波光紅激灑

申之水江之沱載瞻載拜且嘯且歌三邦載記果誰因五尺頭

願洵是真兩姓宗祊屬幻塵向來守祠者有陳吳二姓因勝鳴呼素王適楚舟曾敬展墓題豐碣十字煌煌齊日月

游華山宿汰法師影堂呈含光開士

洞口聽鶯憶往年重來樓閣更歸然到門彈指瞻先範入室傳
燈禮後賢滿院香風飄晚磬半山斜日訪幽泉舟中片月隨南
北約略重陽采菊天

過元歎落木菴

十年離舊榻賀九山又重登山翠連村合花香繞屋疑尋僧過

略約呼酒洗瘦藤重覓題詩處昔封厚幾層昔年同周仲榮相訪不值留題壁間

中秋日耕樓玩月

今夕家家月誰家月最明雲開臨野曠水漲接天平白雁生霜色蒼蘆起泛聲不傾千斛酒何以慰遙情

人帶白門不果鶴林之游

咫尺逢僧處幽篁覆石盟分明月同照一宵情望斷蒹葭影吟殘蟋蟀聲夢迴黃鶴遠城角已三更鶴林寺相傳唐人句即此地也故顏其楣曰逢僧處寺前古方石呼為石盟三十年前因陳眉公來禮元章墓猶及見之今不知何在

秦淮花燭詩贈江右蕭孟昉

繡轂輕移朱雀橋花燈朵朵影搖搖傾城名士偏相悅競指青谿館阿嬌

滿堂暈碧復裁紅妝點秦淮夜色濃若借天錢須幾許千金一笑得相從

野

美虞山叢刻

賞心亭畔笑相迎偏有今宵月倍明玉漏莫催星斗轉合尊纔

泛乳花輕

咫尺長干阿母家香風歲歲發桃花今宵燭下看人面爭似耶

谿遇浣紗

侍女含情擎履箱錦衾疊疊繡鴛鴦抱衾莫敢輸當夕夜夜濃

熏鵲腦香

飛燕雙雙入畫堂輕身弱羽拂花光忽驚人與花爭豔文杏梁

間絮語長

花事平章好寄情三山佳麗慣經行春浮尙有嬋娟徑從此香

雲滿地生

茉莉家園一葦航葦珠綰結試吳妝風光別樣須牢記頭上花

開入夢香

白下郎詩李登白下亭吹簫女子正飛瓊姓名本自仙家署天

上應看少二星

玉英瓊蕊偶然生人地從來有合聲南國休誇桃葉渡西江新譜麗人行

酬謝熊雪堂少宰

數行遠辱問藏書會賞遺編劫火餘傾座高談聞正始驚人奇句見黃初平湖月上清冰映三徑蘿生綠綬紆白日江鄉無事事欣憑鴻寶瘵空疏

奉酬胡菊潭家宰

敦薄交情重來詩有敦薄之句瑤緘下玉京人非吳處士業愧魯諸生未暇三冬學長勤百畝耕鶴飛空乙乙鴻逝豈冥冥揚馬今無敵裴王昔有聲滯才皆引首餘力更緣情潛處還蒙照勞歌自欲鳴待公和鼎寶更詠秦階平

贈戴大司農巖梓

野

罕虞山叢刻

班崇喉舌領朝英學海波瀾潤八紘月彩已昇金掌麗藜輝還倚玉繩明朝回樾館紛圖史詠就雞林問姓名遙歧星文阻霄漢關山萬里暮雲橫

元倬王子南陔詩其旨深而詞切孝子之事備矣東廣徵

止言敬養不已狹乎更爲三章以廣其義

膺撫南陔厥草與與婉彼孝子令色愉愉不改嬰孺慈親孔娛節彼南陔其木其勁瞿瞿孝子夙夜惟敬不屈不回厥德既正有崔南陔白石齒齒孝子之貞無替終始祓拭其躬不辱不泮

余與與治顧子皆生於萬曆己亥顧余生春前日者推爲

戊戌與治生臘月在立春之後日者推爲庚子其實同

庚也來年六十敬賦長句奉祝

太平遺老歷風煙策杖相逢各皓然自號楊公癸巳歲楊少師已歲自號癸巳人相尊裴令甲辰年裴令公歲同庚鄭師初聞亦不書年月之意

爆竹吾偏早次飲屠蘇爾最先梅萼兩開分層葉預領一盞祝華顛

指月上人鏡齋坐雨

一枕黑甜夢猶疑雪片聲曉窗千樹溼午溜半階平穿石魚心樂過橋燕影橫坐來塵事寂識取鏡中情

送雷元生往金陵

策蹇城邊客影單分飛不覺淚闌干幾村綠樹供游目一路鶯聲伴晚餐城關任填新劍戟風塵誰拂舊衣冠舟迴寂寞來時路翹首鍾山日未殘

偶讀東坡詩知先生六十一歲卜築白鶴峯頂極江山林木之勝子孫萬里遠至笑語紛如和靖節四言四章以紀之余鍵戶荒湖日夕面牆無一佳致疊讀志愧

恰是先生卜築年高樓白鶴恣游旋江山疊翠琴三調古樹重

野

望

虞山叢刻

陰手一編萬里覆壺更秉燭滿堂聚首勝歸田慚余裹足如蠶繭也記星辰次舍躔

僧祐移居石村賦詩謝別頗行掩淚不已出所藏尊甫德操像用韻書之卷尾

春秋佳日米家船不在山邊即水邊得得閒來還自課詩筒花譜過年年

何必稱狂賜鏡湖牆東自有祖貽謨晨興禪誦鐘魚肅夜靜琉璃照影孤

贈玉山子歸隱故里兼致古稀之祝

晚歲南陽有故廬依然松菊賦歸與旋依繡佛持千偈每憶糟丘餞百觚羣從牽裾娛伏臘舊人同社老粉榆清癯養得身如鶴想見黃庭產粟珠

松鶴篇祝願翁瑞翁

岱宗天下望一氣陶洪濛高風扶元化麗日當其中百物資網緼陰陽無全功軒皇封玉處與帝座通百卉不敢茁苑此萬古松仙人王喬輩來聽松下風化作雙白鶴授意東王公遠眺吳門練飛下徂徠宮玉峯何窈窕草樹多菁葱知公結真宇軒館皆玲瓏致書瑤席間聳翮凌長空上以壽聖人中以介兩翁誕開中興業翼亮資膚功永以庇斯民百祿歌攸同

題顧雅儔鏡中半身小像

元鎮寫出金粟影儒衣僧帽道人鞵斯今既觀阿英之苗裔著帽方屋而高正襟危坐挺然如處士松肅然如孔林楷不知我者向榮邊捫日知我者謂一輪明月皓然在懷何必云淵明形神自我何必云樂天身心於物惟日相羊於沙谿之上步趨陋巷子之心齋

馮定遠五十

野

望

虞山叢刻

憶昔論交初子年方十六驚才越務觀余慚非晦叔陸務觀十晦叔既遺魏夫子春雨蘇林木連坐宛鳩齋相期佩迷穀永夕復永朝書聲出牆屋讀罷花谿綠谿花萬族佳日討春秋登陟如卽鹿有時飛羽觴有時進茗粥歡會不可常離居二十熟寢跡東湖濱瞻望北山麓中心日如擣寄語託虎僕隱憂正無已滄桑變陵谷登樓獨寤歌擊碎如意竹臨池水盡墨積卷高於陸詩滿天下口字滿天下目自古多聖賢壽莫過簡牘何況今花誕子姪滿堂祝友生九如篇動輒盈卷軸牀下湛新醪爲子介一斛躋堂笑語親梅檐漱芳郁

壽夢父六十

右衛將軍早隔庭風吹一葦破浮萍隨緣到處皆香國傲世何人是客星放鶴亭前時倚杖破龍山下夜翻經年來尙齒開蓮社元亮沈酣靈運醒

法曲獻仙音

玄妙觀周玄初鍊師洪武初任持吾邑致道觀能以寸楮篆符呼召神鶴飛翔左右重登丹井覆以空亭顏曰來鶴其紀載鶴來事蹟泊名人詩頌不下千百今其十口代法祠履貞袁師克紹正傳已丑四月朔日應子常楊子之招藏事古鳳基上是日也天朗氣和飛章啟秘仙樂震空忽有五百鶴自乾方而至其四盤旋雲際其一下臨醮壇觀者如堵咸手額稱慶曰鶴陽鳥也因金氣依火精之胎仙也金數九火數七今來數又五皆陽也卜主人得雄之瑞主人神肅援筆立成四言一章以贈袁師余不揣凡陋效周南老贈周鍊師體賦法曲獻仙音三疊以為迎送神鶴之辭辭曰

香一縷玉葉奏飛仙南岳雲開分影雪緱山瑤響拂瓊煙欲下幾迴旋

野

虞山叢刻

弱水渡尚帶蕊珠香八翼摩空霞照灼隻輪入座雪飛翔矜願逗丹房

巾拂舞盪目碧虛中寶鼎氤氳通帝座雨花縹緲舞天風咫尺九霄宮

再歌三疊賀祗園主人

鳳基古原不隔凡仙絳闕連軒窺祕錄藍田角眺挾祥煙拂拂御風旋

一叩齒繞座玉芝香雪羽未梳珠樹溼玄裳初刷寶花翔天駟已占房

應節舞上下祝融中三疊影垂丹井日九皋聲徹紫藤風彷彿大年宮君家大年生鶴所中

此毛氏寫刊底本也字體絕類中州諸籍寫誤處塗鉛乙改
行式井然似寫成而未登版者現傳汲古閣藏版目載隱湖
遺稿四種曰和古和今和友野外錢圖沙邑志註云已刻而
印本顧未之見是帙向藏吾鄉晉里瞿氏文村居士更定爲
汲古閣集釐成四卷慈惠鏡之濬之兄弟梓行之適以庚申
之亂未果去今又五十年矣世事如雲滄桑萬變汲古楮墨
尙在人間先生著作乃反湮沒不著聞斯亦後進者之責亟
謀社友并隱湖題跋彙刊之篇目悉仍其舊蓋不欲奪毛寫
之真也丙辰首夏丁祖蔭初我記

野跋

一

澆

園

詩

集

丙辰冬月拜
于辛巳歲

溉園詩集目錄

卷一 五古 七古

送陳仲來會試

適宜豐紀別

送徐巨卿

夜坐

柳意

懷衷元定

詩一首

月下誦舍弟詩

送劉士雲

途中寄王崇閻

壽徐仁我

述懷

梁太公輓詩

歲暮

除日道中

訓徐巨源湖上寄懷之作

溉園詩集目錄

豫章叢書

飛花

將至金陵紀別

秦淮夜泛

毛光祿時樂鳥詩

夜坐

山中寄別陳浮長

霧中過小孤山

壽喻中立

送羅翼明先生

蕪江送朱仲韶

與袁則學別

訓陸海宗侯

喻仲延三洲亭

見新苗作

姜元章損書兼惠麥魚答謝

秋日與三弟訪孟來仲來所居有感

桃都

劉未央無隱齋

古詩一首

初營溉園示諸侄

藕潭

澗泉

石研

木魚石

秋日過丁氏妹東時之

送潘宗王歸吳興

春晴過劉無譽

懷友詩

送鄧左之

詠嚴太母

歲暮田居

除日盧原父蘇武子飲

桃都分茲字

曉度牛嶺

羅光大夢登華蓋山苦吟不就已得明月發深

曉五字而寤同社各用其語紀以詩

溉園詩集目錄

二

睡鶴爲狸所嚙歎

別宜豐吳起之馮中星

桂子張明斯諸子追送留別

紀六月廿日夜夢與阿嬌

劉伯宗至金陵過訪同孺發敬夫芑孫姪皋月

坐有作 送舒成之還里

滕王閣送仲來北行四章

客筠州寄別徐念孺省親上谷

題龍塘老人冊 金銅仙人辭漢歌

朱以昭宗侯吳元翰投詩索印竹杖次韻

羅夫婦九十

留別蔡大美顏庭生

謝學師壽詩

大水歌

送沈十庾億歸宣州 五日雨坐聞黃鳥作

送陳去凡歸武林 寶峯問權公碑見碑臺

草中僧拾殘碑片許云治圃得之悵然有作

溉園卧病寄別劉昆恆 月夜泛湖作

元日聞雷 周公鼎雲隱山房詩

驅車西門行贈陳龍媒

卷二 五律

送顧天謨歸婁東 閉關示念孺

紀行 長至後二日林祖鼎徐

溉園詩集目錄

三

濟之小遠水簾同家閑美風后起先集芳樹

齋時祖鼎將歸蒲美叔將赴公車余亦將入

宜豐志別分十灰 薄暮看梅花

寄懷陳士業 暮行

是夜同舒芭孫山店酌月

歸自宜豐追送林祖鼎江上

上元前夕戴初士初吉招同堅白宗侯舒芭孫

家弟起先分都字時與芭孫入筠

將入筠送余小星之泰和兼訊杜中兄弟

送梅子庾之白門限韻 道中苦雨

雨後看桃花

懷衷三晦若

雨行同舒芭孫 懷魏平仲葉當時山居

懷衷孔虛舅氏時雨外弟殤併唁

喜念孺至自上谷余以明日去筠州

來蘇渡 夏閩

芭孫生日 晝夢

送吳元翰歸蘆谿 倦

六月晦日憶舒芭孫 曉起

月下 村前夜宿

送沈賈明歸蕪江 雨夜小酌同芭孫昆銅聯句

溉園詩集目錄

四

似隱軒為膚碩王孫 送劉欽之歸吉州

雨夜芭孫對酌 月行同舒芭孫

有感而作 晚渡訪劉師貞江上浮槎

秋日游廣福堂 送徐無適游吳

送王慎五歸涇上 雪後過匡嶺九奇二上

人奇善詩分韻各賦 送胡涉明游補陀

月夜滕王閣別鄭謙止太史韻四首

送喻孟孺之信州兼訊鄭龍如

吉人夜宿草堂同作 次日同吉人游江天閣賦

晚至龍沙復呈湛公 寄崑銅

寄衷元定

別張德璉兼訊沈崑銅

送伯閑叔昆陵訪鄭太史

過超然上人院

送重熙一兄之淮陰

寒夜與徐永叔夜坐

守歲

雪後過巨源湖上

社日送李仲章之白門

阮穀臣祖竹齋

苦雨

送李平叔之潁州

歐于琪太守書詩

樵舍驛

吳城

舟中同舒初民朱世安作

南康夜泊

禦兒港

舟中

觀漁者

澗園詩集目錄

五

洲泊

壽彥韜大母華太君七十

中秋招里中諸子夜集

醉後步文德橋再用前韻

湯維一明府招集誰園同沈崑銅曹梁父令弟

去浮長公本初

九月二十九日舟中遇雪

見月

聞雁

旅中遲沈眉生不至

林乾維夜坐

永慶寺古柏

飲天逸閣有懷梅禹金

先生同孫其星沈眉生治先令子無尤令孫

朗三

再過朗三

贈杜門和尚

馬當同三弟阻風

安慶曉發

江南曲

沈崑銅酌別蕊珠宅同湯去浮舒芭孫家弟芭

先分得帆字

姜居之祭酒坐上喜遇

姜元章作

新涼

寶峯道中四首

禮大寂禪師塔

別寶峯

招諱友夏集龍沙水亭

士雲汎閣初成諸子夜集

集未禹卿草草亭

春思

新蟬

寄別曾弗人歸閩

送繇恭七弟之廣陵

田家偶憩

賦得青青河畔草

澗園詩集目錄

六

驟雨獨坐

澗園落成移居六首

七月初六園夜

朱廣澤橘亭社集

澗園坐月

霜月同社集歐于琪先

生鷄亭分烏潛二字

朱飛卿小西園社集看雪

臨溪看花影

送張直生學博別駕戎

州州先君宦游處故未及之

出南郭繞道余姬墓下述哀二首

池上晚坐

送從姪夔游廣陵兼寄

訊鄭氏諸兄弟

陳士業夜過澗園用十

四寒韻

冬春久晴感雨二律

小山亭

喜伯甘成進士呈大司馬

玉版居再憶貞父兼呈姚明府

壽余岸少尊人七十 寓劉安于宅奉懷先文

節公

新柳

吳石卿將入池陽訪劉伯宗過別宿余園送之

春園

春日過宗晦若雪堂作

過學公禪室

展湛如師塔有懷

樵屯舟中望月

舟行由高安之上高即事

春盡日舟行喜晴

送李小有

吳起之馮中星攜具西紅閣薄暮泛舟同桂子

溉園詩集目錄

七

明朝姪汝土

送吳桂子芥園

李青蓮過舟中詒詩為別依韻奉答因憶沈青

嶼先生

秦淮送景周游清源

病中芭孫時來省視感賦

發白門留別舒芭孫

清涼臺懷古

村病

園居水後垣墉花樹一一可憐北歸感述二首

村居謝客喜念孺過省留宿

聞士業被逮

壽余猗叔七十

將北行送別宣州唐介癯四首

蔡賁服明府奏最

將北征送三弟之梧州

兼訊王穉玉司李 入春四十日雨雪懊甚

卻書

昌邑

余自戊寅以來三度匡廬俱以卧病舟中不及

瞻眺善病殆未有如余者矣作詩一首

清明見諸上塚者 再夕宿梅朗三天逸閣

憶昔游今有十二年矣 玉方亭晚步

黎美周南還已至京口聞余在廣陵拏舟徑造

相見喜甚鄭超宗移酒夜談席間有作

五日鄭超宗佳要堂集分憐浮二字

卷三七律

溉園詩集目錄

八

上藍寺閒居

道中懷徐念孺兄弟

過筠州投贈廖鍾華 寒夜寄訊雲將

棠溪公館同舒芭孫夜酌二歌人佐酒

雪霽夜集沈青嶼先生畏知堂時立春前十日

江行值大雪

元夕雨中同李次飛舒

芭孫集文來宗侯宅看梅分情字

生日道中有作

沈青嶼先生戴星亭落

成時崑銅在侍

題黃氏節孝冊

兩行卻懷芭孫崑銅作

壽聖山

曉發

道中喜霽時歸壽家大人

上巳有懷社中諸子 羣鷺

羣鳥宿齋樹夜聞惡聲懊而賦之

送蘊之歸晉陵 懷喻仲延

寄朱堅白王孫 招山曉發

同社集喻京孟湖上 答戴叔度

哭四姪鼎大祥 七夕後二日壽朱上戩

芑孫七夕殤子遂滯來期兼寄詩有一榻雨暗燈之句

落葉 寄張元逸

送熊羽人之官文昌 別宋上戩

送趙學師遷教大理 答舒管生過訪不值見贈

灑園詩集目錄

九

泛海 頌詔禮成

箕子廟 箕子墳

公譙酬國王作 送姜居之奉使朝鮮

送樊致虛視學浙東 送美叔

過筠州 送阮生同一齋上人歸里

雨坐 秋日山行

讀書龍沙同家弟風后 龍沙九日呈湛公

春盡 送陳士業試南雍

送梁明府外艱歸粵 送熊伯陽

送沈崑銅 送喻有功之宛陵

送楊去浮歸吳 秋夜

丁卯秋闈日廬居述感 梁明府去思冊

朱禹卿齋中分賦得銅雀硯

秋日集劉士雲半舫齋同羅文止吳逢因揭來

遠蕭次公茂遠劉叔度楊內美家美叔風后

送鄧左之游毘陵 送沈青嶼明府入覲

燕子至 江上草堂觀漲寄念孺巨源

春日閒居 送吉人游廣陵

滕王閣雨中春望同吉人賦

晚渡宿江上草堂有作 春暮送人游太學

灑園詩集目錄

十

送舒芑孫赴沈崑銅梧園之約

過素園理雲將遣集悽然有作

送劉士雲之虎林 送余小星

劉老壽詩 送羅紫虛之官龍巖

送涂伯聚督學川中 冬夜謝李復初見懷之作

江上送蕭伯玉之京 送張異卿兼訊陳道掌

寒雨李仲章錢元馨旭堂夜酌

歲暮 元夕與陳浮長坐月

春日登畫樹樓 送劉西佩為尊相國存

問謝恩赴闕 三月晦日雨中遲易寅初不至

送劉無譽南游

送吉人北上

陳學師考績詩

將之白門留別念孺巨源

舟夜

舟中寄念孺巨源各一首

蟻磯

經太白詞下作

至金陵夜飲芭孫宅

七月五日憐回中友雪

堂社集同李阻修龔安治宋比玉郝子荆涂

中發李仲章朱景同 黃太君雙節冊

送唐元樸少宰還朝

莫愁湖社集分得樓字

送蘇武子北征

七夕除季良大廷尉招集署中

七夕李阻修先生社集秦淮未赴即用社中韻柬諸子

灑園詩集目錄

十一

寄懷陳仲宣

賦得青鳥西來為鄭超

宗太君壽

旅宿慈湖步大廷尉徐

季良先生韻却寄

鳩茲訪沈又善侍御書感

晚步赭山同沈侍御

雷伯石明府招同羅中

魯沈崑銅集署中佳倩陳天石令子榮子出侍

九日江上遇樊致虛先生同令弟純宇家弟起

先飲舟中是日聞辰州兵備之命酒竟而別

宛溪舟中作

登敬亭山雲齊閣

客中間生女

夜宿永慶寺同梅太鴻

蔡大美顏庭生沈字蘭 留別宛陵諸子

留別沈崑銅

留別舒芭孫

留別湯去浮

卽事

泊老龍池與士業對酒

送陳浮長同羅郡丞北上

送趙千里廷訪

龍沙雨後訪李元卿疾

兼呈湛公

龍大西山人別十九年

矣夜飲曾子冲宅話舊事有感

雨中同蕭伯玉克臣師貞訪伯開山人所居

下第送芭孫之蕪江兼訊崑銅諸子

得衷道濱先生書却寄 下第後送明生之浙

送李叔三之蕪江

同徐巨源過熊伯甘京山堂

灑園詩集目錄

十二

送張元逸游戎之任

招姜居之大司成集龍

沙水亭同項從之家弟起先

五日再同居之從之起先集夕佳樓

送陳士言謁選之京

寄懷舒初民山中

至新吳招余猗叔

上海昏城一首

秋夕飲廖仲韶兄弟宅

同兄仲堪夜坐舒泰交池上

同徐巨源家弟登小孤絕頂

客鳩茲顏庭生拏舟送造流連十日而去握別

凄然詩送之

客蕪江喜顏庭生陳龍

媒自宣州蘇武子三弟自金陵夜集

別寶峯寺

早春送七弟由恭之廣陵

生日龍沙示哲師師與余同日生是日驚蟄

送九侄之廣陵

雨中同友夏士雲武子家

三弟集夕佳樓有伎 晚邨卽事

八月十七日夜坐月 小雪日送嚴元開高晦如

送喻宜孺游金沙兼訊柯周二子

送陳無懷藩幕遷秩武昌

雪霽

上棋盤峯

林居得巨源同等公湖上詩因憶春霽訪等公

秦定寺便過龍沙問海公病遂有此作

溉園詩集目錄

十三

溉園課樹

送陳元水兼懷宛陵諸子

清明

寄李山人

同劉無譽家兄孟和步溉園作

春暮閒居

三月晦日送韓姬命六長

賢士湖庄居見巢燕作

劉師貞計至

雲在堂偶成

卷四 七律

風雨坐榆墩與武子憶盧原父別

送劉深公游吳越同阮子和

榆墩晚晴同武子

送張純歸祁門

送周仲宜歸黃州

道恆等可匡雲三上人赴齋

送楊伯祥太史冊封蜀藩

九月十七日夜坐月四更遂作

送喻京孟游武夷

孟春二十一日放生會

呈半公等公

牙背爬次元人宋子虛韻

送唐別駕督餉南京

秋日登滕王新閣次大

中丞解公韻

甲戌閏中秋微月宣城方

元甫濮陽文伯華亭朱宗遠白狼宋榮公新都

閔承升匡山道恆過集 送朱宗遠歸華亭

滕王閣送朱夢得拜官北上

寄沈崑銅

彭工部質先二月社集

溉園詩集目錄

十四

湖舫分賦

孺子祠

喜得思尹真州書

謝朱禹卿折贈牡丹

溉園春興用六麻韻四首

上巳溉園聞朱子美修

社東湖卻簡

急雨坐文成祠拂軒憶

時之楚游

落花歸雁

樓居避水簡吉人

避水樓居寄東念孺晦

若南山別墅作

四月十日吉人社集陳

士業見山樓落成

溉園寄顏庭生梅朗三

得蔡大美書卻寄

吏隱亭

溪上晚坐

羅行可過訪同坐溪上再賦

送戴初士訪座師梁遂良先生入粵

送舒成之靖安展謁家廟兼訪章九仙明府

朱禹卿小隱園秋社初集分得五微

和李少文先生冷香齋詩步韻

延閣再用前韻呈伯甘 落花

送倪右臣歸皖城 送袁則學之清江便促回期

夜雨同丁用儀袁則學李仲章子美吉人過集

時用儀將歸新安 朱舞佾邀賞牡丹簡謝

因憶旣園春事 朱舞佾座上賦牡丹分

袞字 歸園

旣園詩集目錄

十五

午院偶成

壽何松石先生

夏日林居追送右伯張鍾陽先生之岱東左伯任

湖上亭落成奉和李少文先生應教

衷晦若餉魚賦謝 章門喜晤黎美周詩送之

答李五千兼訊家唯之學博 園雨獨坐

林居聞沈宗山防寇班師奉訊

春霽劉西京見過憶南宮諸公試罷

再祝鄧太素先生雙壽 春暮村居

初夏齋居 丁時之省兄伯勉於荆

州過別旣園詩二章送之兼訊伯勉

巨源夜過旣園

與巨源西窗坐雨

望漲

送西京之吳門兼訊康侯司李

姚虞功落藩見訪湖上貽嚴印持詩字賦謝兼

懷印持

定姪理篋中書

臨汝舟中

陶英人明府招登擬峴臺

與黎美周徐巨源飲喻京孟三洲亭夜汎舟於

湖有作

美周館巨源榆溪過訪有作

章江寺候朱菊水先生不至

送思尹之江州

寄題高若木三三徑

秋盡天甯寺送陳子厚歸越

旣園詩集目錄

十六

送次謙被徵赴闕

被徵後入里門作

送城學師移教考城

至文江夜與丁爰大康

小范談各賦

過鄒忠介公宅訪公孫

巽父升甫作

曾和卿宛園

宛園同薛更生丁爰大送朱子強還豫章兼為

阿婉書別

蕭蕭

秋日送吳長卿應徵歸建武

戊寅元日

園中苦雨同張德璉

訪李匡山御史道旁亭子望香城一首

別香城同風后行西山道中憶匡山作

寄題鄭超宗影園

重過瑞芝亭有感

四月八日同桂子諸君過天竺庵

同姚使君馮中星汎舟至桂子介園作

蔡鴻臚延青閣集

卧病秦淮喜晤舒芭孫

卧病郎中吳履受大行使過金陵見訪卻柬

秦淮病中有作

清涼寺訪李小有作

方爾止左子直子忠移酒席閒談乙丙時事有感

金陵同魯儒發戴敬夫坐月

再與孺發敬夫坐月用前韻

天界寺集黃圮孺萬松庵時桂花秋海棠盛開

澗園詩集目錄

十七

陳大士奉使還都過金陵同劉伯宗攜酒僧舍

時子與伯宗亦俱赴闕

送李少文先生按河東離政

南中送李小有應徵北上兼寄士業伯宗從之諸子

金陵九日喜舒成之自淮場至汪辰初吳天行

攜具夜過談雨花臺都人登高甚盛悵然有作

烏龍潭同舒芭孫成之梁起明諸子作

庭生眉生省余病金陵邸中感賦各一首

蔡大美聞余病客長干亦以病不果來馳訊却酬

白門得沈宗山都護書却懷

舟行

南歸聞里中少年有傳

余惡耗者戲成

堂外古梅一株常時作

花甚盛今年疎蕊數枝生意盡矣作此悼之

全允康无咎巨源思尹登孺子亭

己卯十日諸兄弟對雪小飲

春日過念孺石河所居

三洲蔬圃喜晤孫孟樸

時欲枉余園亟出就之

湖上別孫孟樸

送孔昭三兄之徐州兼寄朱太和刺史

春暮蓮塘道中

雨中籬花盛開與諸兄

姪小飲

壽劉大庸都諫五十

澗園詩集目錄

十八

送童魯人

聞院中孤雀鳴

雪夜語舒成之寄詩卻酬

將至池州懷伯宗在公

幼濟

欲上廬山不果

安慶夜泊訪陳仲來值六安破賊未還留別二章

至宣州聞梅朗山麻孟璿鄒仕可諸子宿敬亭

未還寄柬

訪顏庭生夜語竟夕有作

舒芭孫客甯浦聞予至宛陵促騎相見別時悵

惘留別

孫孟樸偕黃永思招余

箸溪舟泛余與孟樸俱病不得至晷晷溪

客雒城姚雲居投示鴻譽齋詩

春盡長興縣署玉方亭午晴散步

周彝仲祖香堂限韻 長興署中示陳和仲熊孟交

丹徒道中晚泊 楊維斗招集席間投贈

廣陵送羅景元歸里 同諸子泛舟至平山堂

酌大明寺第五泉暮歸 北上過鄭超宗影園留別

閏元宵次美周韻 顧不盈鴻藻堂作

超宗影園分賦黃牡丹 送別龔建木周維斗

讀美周燈船曲感和之 又詠黃牡丹

卷五 絕句

落花 讀吉人嘗萸蒿二絕和之

溉園詩集目錄

十九

題小有扇上畫蘭 出文江小東門訪匡嶺

和尚 悼梅

桃花遂盡悵然有作 柳花桃花落盡示沈崑銅

偶占 寄贈王修徵女山人

雪後過劉大將軍南園 爲人送伎之吳城

江行 春夜

舟過雙林寺偶憩 邊詞

除日戲爲女阿嬌畫扇 曉起

雨中春望 別平叔後作

戲代友人別詩 送劉無譽之淮上

書所見 寄書

贈劉蕊珠 觀別

雪夜與鍾維紳飲劉蕊珠宅夜歸賦贈

見巨源擒蜂詩戲代蜂作怨詩二絕

清明日偶作 送門人歸山中

聽侍兒金粟誦毛詩作 喜寒公同友夏至江西

偶題 別寒公

村居雜咏 送幻影僧

偶望 謝熊道士分植芙蓉

姬人持扇索書二絕句 贈元張上人

溉園詩集目錄

二十

讀巨源溪上夢師貞感述

入闈別雲在堂 中秋夜出闈戲作

戲示嚴子岸 雪晴行市中作

題畫蕉爲沈宗山都護 柳枝詞

乙亥二月紀事 寫韻軒

屏花十咏爲何松石師賦

送陳叔則訪彭孟明太守之閩

舒泰交同陳余二少年夜過戲贈

薄暮山行 寄別

聞警 遣阿涓乳媪歸

水操臺

七姊妹

三月晦日看籬畔落花

丙子五日悼余姬

葬余氏姬

丙子述懷

雨中諸梅盛開

輓朱飛卿

劉孝則分栽湘竹

劉明仲分竹

朱二玉分栽紫竹

劉無際分植義竹賦謝

園居吳石卿寄示劉伯宗書酬贈兼訊在公幼濟

閻孝則登第口占

種秫自嘲

門前種柳七株偶損其二客有疑余故擬淵明

者戲作

陳仲來自海州還以一

漑園詩集目錄

三十一

鶴見貽

望夫山

悼耕兒

巨源令子方平十歲生日

爲人書扇疲甚九奇復索書口占

決囚口枕上口占

經桓公墓

爲李小有題楊龍友畫冊

答袁大雪中投詩折桂花一枝爲贈

贈劉翁

香城道中馬櫻花盛開

折歸有作

寒食日出城偶過余姬

墓愴然有作

七夕雨

送劉伯宗後偶作

閻孝則被謫偶書

烏龍潭憶譚友夏

再送舒成之

白門別王德甫

方子烈出德昂小照索

題對客口占應之

水漲及階戲題東徐念孺

溫九卿美人吹簫圖

代贈歐無奇青衣菊來

謝思濟先生二絕

庚辰春王大雪展鄭超

宗贈臯姪畫

社日江干與諸從別

三月廿六日鈔廢翁詩鈔罷偶書

過金山

題吳天行姪人遺照

漑園詩集目錄

三十二

漑園詩集目錄終

南昌 萬時華 茂先

五言古詩

送陳仲來會試

月陟於喬木夜照鍾陵麓林靄望髣髴下見故人屋
其間有修道修道曲復曲故人從此來相望愁眼絲
或青青子衿或勞勞車軸車軸焚作灰青衿裁作帷
軸灰從風飛懸帷無解時我欽陳仲子秀情不可已
謂當蚤富貴今年尚如此汝兄湘沅間夢寐到巫山
神女歌宋玉君才一何嫻今將騎銅馬無為結苦顏

漑園詩集卷一

豫章叢書

適宜豐紀別

晨起問前路出門何所之上堂拜老父四顧成凄其
入與大婦語畏令愛女知弟姪遠相送毋我江中抵
丈夫志四海燕越皆驅馳胡為下澤車適此空山陲
仲冬氣已肅行客易慘悽烟際日孤上郊寒樹無枝
薄暮見雁集兼之虎豹啼驅車入古巷酌酒聊賦詩
明月照短夢列星羅戶垂攬衣起復寐鄰柵聞寒鷄

送徐巨卿

昔者杜甫吟無富貧亦足徐子家赤貧弱冠困儒服
中歲備妻子兒饑中夜哭阿嬭誠槽糠經月食無肉

黽勉勤十指復苦膏難續欲學江上女餘明少鄰燭

敗麓倚牀頭卷書僅盈束憂來鬢髮黃眼視丹如綠

前年同我居列坐東西屋談笑天東迴北斗下高木

歌或撫長松倦則倚修竹從子方五齡延子就西塾

諷誦風雅遍論孟粗句讀明年別我去將住西山麓

別時日已怕歲晏獲蕭菽犖鷄知子哀微吟夜堂隩

乾坤有平陂海波盪塵陸攬子昂藏軀何事終顰顙

夜坐

人生各有尙清惻聊自安琴尊得次第卧起忘衣冠

漑園詩集卷一

二

起視爐火宿四坐生微寒繁星愛我靜歷歷窺簷端

滄滄青藜烟泥泥零露溥天地歲已晏理緒無餘懽

緬思千載人悲吟留輕翰

柳意

東城千樹柳年年綠堪藉離別傷古魂別淚今人瀉

當時大道傍曾泣明妃嫁長絲發故條送子繁陰下

白日照馬首鞭際流雲亞驚心馬尾風春寒宿今夜

柳生苦不長碧氣上朝暮東風三十日吹夢遶陽去

夢與柳魂歸倒挂牆頭樹日色照微鬢記取烟生處

日上東家牆柳宿西家霧西家柳欲眠東家日應去

少婦坐樓頭樓中織紵素柳短不勝梭淚落棲鳥語
頭色草如烟千里門前路

懷衷元定

山氣變日夕閉門愁雨聲遠屋將夏樹猶及春風鳴
去年蕭寺中與子坐嚴更霜被冷於鐵燈微雙影清
所語不可了亦已雅俗并鬱鬱各有適悠悠復西征
宵宵元豹宅忽忽鳴倉庚聞子列講席朋來盛縱橫
此道寧足齒差以慰瓶罍晨遊後園中馴雀隨我行
無故楊白花衣袖皆盈盈我懷在離索離索非至情
子貧我亦賤七尺未分明

灑園詩集卷一

三

詩一首

皇天重意氣賢愚代悲辛貧賤固有道富貴亦有人
有人客西道忻慨無所申素縑製作唯破錦縫作茵
西風吹帷舉歎息茵中人高柯蟬已老高天鴻欲賓
門巷多秋草日月同車輪廉吏不可爲其子行負薪
文士不可爲鰲面歸西秦問子何歎息或爲古悲嗔
榮枯有至理造物誠至仁參蟲宿茶堇翡翠巢松筠
月下誦舍弟詩

我窮或在詩畏使新句好爾反劇茲魔性情發微藻
明月愛孤照坐覺秋氣蚤喜汝寄來詩蠲拭塵容少

羈人感無因幽獨眾難了漢影與人聲一一皆靜省
過此芳樹寒寒空濕而皎又見謝家池夢句生秋草

送劉士雲

鴻鵠翔遠漢藤葛依故邱丈夫不得意崎嶇常遠游
西風下百草送子理行舟清曉風色厲淅淅吹衣裘
盪胸左蠶雲匡廬發孤迺吳越古山川可以足奇求
我適數百里子獨途路修告婦具美酒各歸相勸酬
感子園中樹明月徒高秋

途中寄王崇閻

王郎住章門相求竟相避始知會合間得失具天意

灑園詩集卷一

四

季弟荷周旋舉止說詳細經月君不來西行負胸臆
餘志遷僕夫益以勞夢寐禮數進衣冠言語盡意氣
校檢夢中顏終疑或非是鷄鳴戒徒旅西北涼風至
白露泣草間圓光照輕袂更意君當還懔懔曳孤緒
仰視鴻雁高啞嚶徹雲際

壽徐仁我

徐君湖海士采藥匡廬傍愛此山色古攜孳山中藏
自言少壯時馳驅行四方日月歷車轄烟靄滋衣裳
長揖問君歲七十容顏疆天寒沽薄酒再酌登君堂
山影入四垂蟋蟀方在牀牀前貯茯苓錯之丹砂紫

仰視青天高攬子忽東指龍城十二樓
曉暝黃雲起知君五嶽心清遊向茲始

述懷

暮春氣已和黃鳥鳴高枝故故楊白花
亂舞高簷垂居人念明發淚下如雨
絲晨起適單袷宛在窮秋時去年二
三月旅食西山西寄書問老父家人無
異辭夙興而夜寐但苦顏色衰今年適
庭內上座靈衣披朝昏日上食酌酒徒
盈卮升堂失語咲下堂思履綦入閣暗
塵積遺書難復持弱女苦遠勝未知阿
爺悲低頭復歎息憶翁捉抱時

漑園詩集卷一

五

梁太公輓詩

昔聞梁伯鸞五噫漢王都南海亦有人
陳義今所無當其敦宿好大業羅詩書
羣盜盛鄉邑避難陽春隅蒼皇負慈母
荆柰交路衢亦聞葬母時泥土手自輸
墮身千餘仞宛若神明扶今子起南海
文采傾諸儒耕者飽稼粟勞者澤毛膚
一朝聞令去父老羣奔趨歸抱郭中棠
再拜悲有餘既悲慈母去亦悲大父徂
白衣濕寒淚青山哭聲紆翁當爲列星
列星如白榆

歲暮

采蕭而穫菽已復日月除我生何爲爾
壯歲猶窮居

天道有新故人事多榮枯身名了不異
但覺人事殊歲暮閑高館北風吹我書
東鄰列酒脯西鄰盛笙竽南鄰阜隸婦
珠玉垂簷楹天寒日光小牆頭啼暮鳥
侍婢年十五脛突苦亡襦見人自羞沮
步履安能徐匏瓜結苦蒂繫蔓空扶疎
既非松與柏嚴霜將焉如

除日道中

天寒枯樹直日薄烟影交歲暮無行人
役車休近郊田父四五輩持筐餽春醪
我何獨中野北風吹襟袍訓徐巨源湖
上寄懷之作

漑園詩集卷一

六

去年共晨饌藜藿亦得將今年離舊羣
城郭烟中望昔爲一池鴛今爲隔浦鷓
晨朝大風起南北稀桅檣感子懷我詩
字字推中腸湖邊敷坐處草生今許長

飛花

落花亦解愁不逐春風起春風故撩人
亂送深闥裏花從門外飛女向樓中泣
樓高下翠簾莫使花飛入去年春風緩
昨夜春風急含愁拾花片花淚盈盈濕

將至金陵紀別

我上常鬱伊緝廬章水湄出門恥干謁
杜門恥茅茨朝來欲有適杖策候鳴鷄
家人具晨饌炊黍羹粗藜

仰視天河影羣星漸無輝僕夫荷被出篙師待江坻
幼女纔六歲送我必及畿惡聞阿爺去復恐阿爺悲
垂頭灑言語但問歸來時送爺出門去獨坐號戶隅
丈夫何爲爾無事行馳驅

秦淮夜泛

秦淮古烟積佳人已遲暮羈子感昔遊高蟬滿秋樹
沈郎嘉我至開尊列清醕良朋六與七蕩舟弭芳渡
日入漲水靜晚風與之過笙簫競作止轉欲清繁慮
岸上女兒聲商歌已非故獨有當時星窺簷卧清露
笛聲不可邀更至桓伊步

溉園詩集卷一

七

毛光祿時樂鳥詩

帝德洽羣動和氣偕四靈感此時樂鳥集君庭下楹
天子既有道名世同嘉榮階前花氣動五色花間鳴
幽光蕩陰雨奇輝揚曉晴鍾山照羽翼白雲流素瑩
昔聞鳳皇遊今聞鸚鵡名啞彼漢相宅文鵠羣夸驚
啞彼隴山道古樹交呶嚶

夜坐

我昔別家時南風吹碧灘令我尙留滯樹樹朔風乾
我昔別家時幼女淚闌干今我歸庭內抱妹向爺看
涉冬已徂夏日月如跳丸丈夫固有情不獨行路難

樓頭飛雁過露重羽翼單聞之不能寐坐見蠟炬殘

山中寄別陳浮長

遠人重意氣良時難別離春風來山中猿鳥鳴相宜
聞子忽有適百感中自知去歲殘臘盡相訪北城隈
積雪照子戶贈我琅玕詩有時樂嘉月偶影同一堦
呼童戰苦茗共子斟酌之鴻飛大孤岸小舟北風吹
月影墮牛渚下我故人厄君家昔先輩百軸陳中笥
瑤琴碎闕市市人皆愕貽此道亦已古望君多委蛇

霧中過小孤山

平明犯江色小孤立江水水氣上千層烟生萬餘里

溉園詩集卷一

八

風微螺黛濃梳掠羞自理高髻黛青天細腰楚宮裏
欲雲學蒼梧雲深亂生蕊欲雨學巫陽襄王夢初起
山上老鵲鳴夜夜泣山鬼山下老蛟眠眠深餓涎委
背面語大姑閉影對寒泚莫放晚霞紅窺簾見羅綺

壽喻中立

我歸躡匡廬廬峯雲滿船山中坐五老石髮蒼苔鬢
謂我昔有客抗揖匡君前精華耀人代遂已六十年
君抱九仙骨吐納皆雲烟平生雖儒服制作世已傳
曾浪我肩雪歸飲洪崖泉慧業了前悟却爲文士緣
歸家冬酒熟把滿升與捲祝君千歲壽誦君白紵篇

宮亭望霞氣彷彿臨芳筵

送羅翼明先生

南榮二十載列書憂無端弱女固非男顧盼生微懼
四歲誦古詩時來勸加餐惜此終笄鬢長大慚衣冠
先生卹所愛授之三百篇朝同從子出暮見抱書還
高樹短垣外風雨如鳴湍天晴亂飛絮學句時解顏
歸舟刺新水蒲生綠東墻有人坐梅塢放鶴層雲灣
燕江送朱仲韶
我從白門來君向白門去悠悠各行役寧獨去與住
分手野淒涼輕風緩舟趣詩題岸上楓烏啼月中樹

漑園詩集卷一

九

斯夕對霜鐘今夕泊煙渚期子歸西山共飽牀頭芋
醉嗅古梅香深寒遣餘累

與袁則學別

天寒念僮侶忽忽愁離居飢鴉啼遠樹黠鼠奔前除
明月照孤影及我床上書感君同旅食異地成歡娛
清言狹宵旦義與賢聖俱丈夫重意氣傾締各有初
別期在明發念之悲有餘寒江多北風風起浮雲趨
雲生去天末爲子立躊躇

訓陸海宗侯

我生常苦病二月披寒裘寧當著述撓無乃造化仇

仙山多茯苓采掇難自由神農亦殺人畏隨醫者游
淮南白雲去靈秘歸君侯風霜歷字句道伎皆討求
憐我藥我苦頓使顏色瘳我生常苦病我生亦苦憂
謝君病良已終如冉冉愁

喻仲延三洲亭

主人愛三洲結廬共滄洲高柳下春風客亦共蕭爽
水木澹無姿蒼綠忽殊象近遠涵空明樂爲烟雲養
坐覺湖氣深魚鳥息紛攘夕靄變遙樹欲作眾山想
濛濛隔浦人鋤畦答微響履古先生茲辰或來往

見新苗作

漑園詩集卷一

十

原隰自高下咄咄成一綠田父持醪語夕雨幸新足
雨止發柔光萬族氣交沐草碧依近畦樹蒼結迺屋
春風莫歎息漸刈秋場穀神農忽至今生事賴茲績
美元章損書兼惠麥魚答謝

東望青湖雲西落滌湖水伊人濯煙波宛在堯峯趾
詩情水與山歲月遞終始思君遠俗懷事事古人肯
朝來惠我書小魚足朝七烹魚且加飧展書意雖已
秋日與三弟訪孟來仲來所居有感

昔君晏歲別別影寒江濱出門太行道百態多苦辛
悲來不相見痛定乃復親僮僕喜我至酒炙行殷勤

兩家好兄弟意氣羞世人語怨笑或借述思悲復頻
村墟夜易永端居念風塵明月照鬢髮各已非往辰
相期南山下掃石卧松筠世道異俯仰一一誰能申

桃都

萬族積春陽二桃競芳菲莫謂造物仁曠蕩疎細微
短簷蒼綠交筆研相因依墨霧照俯仰葉動光影隨
寂寂綴古帙風輕花亂飛

劉未央無隱齋

我愛陶徵士卜宅就南鄰不爲桑麻長所忻素心人
先生蘊古處恬澹存天真寤寐義與皇世事遺怒噴

溉園詩集卷一

十一

小兒盛角抵作語驚鬼神閉戶述大雅著書徒自陳
高齋種老樹枝葉無冬春古香隨風發婆娑馥修筠
是中有真意隱現依根塵晦堂亦多事招示增辛勤
獨持尼父心無言向高旻

古詩一首

明月萬照古今夕穿我孱弱女歲未週見之疾搖手
招招月難下回環顧慈母攫月非母才笑哭備好醜
感此亦多懷命酌虛尊酒步月且微吟詩成下高柳
初營漚園示諸侄

汝叔志寡營營寡塵亦觸門多四方賓茶酒惱僮僕

干謁固所嗤聲氣亦多辱汝妹向我言今年髮還禿
攬銅始自嘲歌笑發幽獨我祖漚湖居百畝代徵祿
潘岳感二毛閑居賦初築周遭依故陵種時將表陸
鄰父嘉此役施我多桑竹楊槐桃李梅果蔬及葵藿
雪朗天容開忻然具畚耜壯夫行土功一簣且未足
幽風古樸滄于茅亟乘屋改歲思昔人吾以備謠俗

藕潭

驅車臨藕潭秋水何歷歷下無四時花上有千歲石
削翠如蓮華叢叢倚天尺魚戲波光動藻荇各有適
憇坐古石間烏遺蒼頡跡風雨蝕奇文神仙字難識

溉園詩集卷一

十五

澗泉

天地藏高深崇巖洩清泚上古遺素聚宮商發流水
汨汨伯牙情山鳥鳴未已徒御暘山間手掬羨清美
卽之濯塵纓沙紋愛微綺巢父安在哉因之以洗耳

石研

研在泐潭崖際池僅勺水霖
鳴如故云大師寫經遺跡

神禹留玉几宛委多藏書遺研委潭磧亦云師所餘
師去已千載禪心流碧鸚池水靜微綠萬古涵清虛
義言舉不再此石終不渝片偈白雲上林巒遞相於
雁影照秋水蝌蚪青天隅

水魚石

去研旁尺許叩之如
木魚聲下擊之如鼓

軟碧瀉澄潭山水具俯仰我來坐磐石嵒嵒發幽響
下聞木魚音上聞鼓聲朗丁丁伐木羣空谷共蕭爽
魚深耳根寂歛爾亦孤往桴舉石不瘠石裏悟消長
眾生盡聲聞此意誰能賞

秋日過丁氏妹東時之

西風吹古巷驅我下澤車百鳥集喬木森森見君廬
諸甥聞我來整履奔前除僮僕聞我來壺榼縱橫趨
妹聞阿兄至結束臨中厨呼婢入後園擲取泥中蔬
老大同鄉里謀生但飢餉入門共一笑內顧悲有餘
寇盜滿山谷骨肉幸無虞上堂古琴靜尚保先人書

溉園詩集卷一

十三

天命各窮達安樂且須臾命酒酌前軒忽已星月舒
徘徊白露際天河澹眉鬚安知鹿門翁偃蹇非良圖

送潘宗玉歸吳興

文章自古今今轍非古幅左馬無同聲孔孟誰信宿
君窮宛委書深情發微觸納納宇宙事吾當共幽獨
山陰昔人棹無故返空曉君坐豫章月月光對優紹
意氣苟雷同相見亦草草乃知性命交此中具元妙
袞衣留西方九戩西人喜萬口桑麻間麟兮咏公子
眾好闕裳裘予懷結圖史千年章水深不言悟斯旨
天子問周楨非謂有喬木君家五朝勛宗社寄榮辱

西風滿高槐雄文薦清馥送子蟬聲中南風振微綠
春晴過劉無譽

中田適輕服杖策隨所之廣陌靜新涼雲光蕩春泥
我愛劉子真綢繆見心脾風和衣帶緩望宇欣且馳
四方多戰鬥我里尙委蛇何必慕龐冀咫尺千古斯
經濟及耕桑講求在當茲

懷友詩

十日雨不止長風吹短籬春陰閉門巷端居念天時
欲學南陽耕自悲筋力微欲覓漁樵侶莘渭誰能期
因思我友居燕來方柳梯四時多佳夕曩共燈燭輝
疑信各有會語笑良不違別子忽已遠感子獨相知
所以陶先生相思則披衣

溉園詩集卷一

十四

送鄧左之

丈夫不得意出門思鄉里君寧五岳懷清游更茲始
涉冬多北風弭舟霜下水沙遙羣雁飛揖別斜陽裏
相逢各憔悴離別當奈何命酒無一言慷慨忽已歌
寂莫溉園客凍雨鳴寒蓑遲君天際樹息影庭下柯
君莫困風塵風塵易蹉跎

詠嚴太母并序

天水嚴母卜太君二十三稱未亡人撫四歲
孤文行成立孤復蚤世孫二日或曰神神又

先其母卒太君繼撫孤孫貞苦
幾五十年讀或所傳敬爲賦詩

慷慨易爲烈立孤難爲功俯仰今古間幾人振英風
游覽嚴或傳太母丁運窮夫逝孤呱呱泣冰霜悴佳容
漂搖授遺經文事鷄黍豐奇才遺興朝玉樓賦虛空
得年遜李賀遺雛兩終童神也先母殞百務交藐躬
老影撫弱孫悲痛達穹窿既殷宗祊慮晨夕憂復叢
故人解驂駕突烟亦遂通孤孫誦芬芳裏奇行有逢
吁嗟嬰與杵袴匠繼音宮吁嗟張與陸厓山浮巨艦
成敗勢懸異感歎生殊同獨母撫孤節艱貞兩世中
其人雖巾幗千載有餘雄

慨園詩集卷一

十五

歲暮田居 并序

負疴中田歲聿云莫時謝賓游以親妙藥旁
觀四壁忽忽意動吟咏遂生積五日得十八
首詩不云乎獨寐
寤言余之謂矣

傲廬守窮歲霜風吹敗裘閒居自言樂或以增繁憂
憂多語欲衝恥與僮僕謀俯仰會天命冉冉室中愁
松柏植高幹冰霜互縹繆根株豈不遠安能離故邱
聊用愛我拙巧將何所求

幽居念疇昔日月忽已今無論悲與悅事事勞寸心
宇宙一皮相謗譽隨升沉誰識道旁牧慨慷揮黃金
復思隆中叟三十逢知音高卧北堂上羞同梁父吟

周孔纏綿意閱俗留青編先人吏常貧奉此遺曾元
華也手授之日夕共鑽研郡邑見長吏自號鄉里賢
上策八不收歸來在中田飢鳥啄我屋大鼠窺我椽
諒哉甫里翁作賦稱自憐

中歲被憂患苦爲俗所嬰詩書沿先轍且復愛斯名
晨梳啟青鏡覽容時自驚白日照東壁素月已西楹
莫疑造化理榮悴緣物情弱草無強蔓苦茶無甘英
獨處行易悲我友甘茲獨出門語默乖聊此慎榮辱
歷覽貧士傳幸同古賢躅薄暮何所懷凌風倚修竹
日暮驚沙起鴻雁相將飛憤寒煦其牧曳尾還舊棲

慨園詩集卷一

十六

田父爲我言明發開林霏占測固不遠羣雞爭就耨

燈明墻北戶吾將悟天機
寒雨戢蓬萊緬思朝市人宿昔曾見夢華裾雜京塵
閒觀許史傳慨思田竇親不如具名酒酌我東西鄰
南鄰老寡婦事我踰嘉賓手持床下卵願以助羹藿
鞠躬謝阿母老饜今未貧

陶公有清怨含意獨不懽枕席晤千載耳目皆悲端
眾但慕高節此意終不傳古壁照燈影破爐生暮寒
孤憤托尙友撫几流長歎

丈夫惜意氣寧論升與沉出當共雲霄處當共煙岑

我有求羊侶三五東湖陰餘子皆有役次第冠華簪
向步南郭門更上松柏林嗟哉劉與李高墳埋素心
劉士雲
李雲將

所憂在往計來者將奈何戚戚念生事媿彼碩人適
處仲固豪達擊壺悲且歌暮齒自富及感慨何其多
亦有衢道側扳枝泣婆娑古來賢與聖同此悲蹉跎
夕日照西牖蛛網橫其隅諸蟲落長風顛倒難自舒
彼蛛誠不仁投者亦何愚倚杖測元理大道宜眾虛
游儻適天水莊生吾與居

平生乏酒嗜獨醒殊眾懽坐有桐枯琴弦絕不成彈

溉園詩集卷一

十七

外物或所資深情賴盤桓我生簡妙伎幽獨思艱難
朝步歷高隴峩峩切雲冠田父偶相遇聊與問加餐
歸倚門前樹賴君同歲寒

清時樹素尚本事在東臯萬類營一飽謀食安可嘲
暮夜聞鄰雞雪虐風正饕雨師仁后土濕澤冬春交
涉晨天容旭命童呼其曹澤澤荷陽凍君當勤土膏
張鷹隱深竹仲蔚樂長蒿風塵昧至性幽翳良自逃
宅東有高故負璧聊周遭左渠帶長川蒼然山氣遙
小築暫云始綺季徐可招榆柳前後列蔬蔓縱橫交
長揖謂園叟開春護新條小人學爲圃飛鳥營其巢

三載負奇疾藥霧相寒溫淡旬無嘉月倚杖窺柴門
牆邊古梅立老槐依其根霜天互花葉濃淡各自尊
感此領寒致夜靜忘諸喧蕭然遠鐘外野鶴鳴孤村
淒淒歲云暮四時倏已周萬物息餘倦人事增繁糾
高門覓盛麗奔走僮僕傳蕭條原野間新故生百求
扶桑與濛汜萬古東西流歲暮復歲暮馳驅生獨愁
昔人或寓言桃花汎春渚靈境劃然開人間具元圃
儒者尊古聞勝事感心腑如是阡陌間桑麻奠王土
嗚吠悉所安帝力復何補蜡索聞比鄰歲晚息餘苦
爰念稼穡功此意自太古

溉園詩集卷一

十八

先人遺故宅劔湖東盡頭上有羽人室下有磨劔洲
洲生何團團水去清且瀏似餘古蛟血神人爲之愁
仙人泮神劔劔去洲尚留雞犬亦得仙病子當見瘳
丹邱或不遠丹砂如可求

余宅後有洲相傳
旌陽斬蛟磨劔處

除日盧原父蘇武子飲桃都分茲字

正月二
日補作

明發歲已改萬慮緣歲時羣鴉匝白屋薄暮天風吹
盧郎家南海旅食今在茲嘉我好兄弟肯來共寒厄
蘇子偶然至英茂流鬚眉入坐陳古則縱橫獻羣疑
貧賤照四壁梅香深古姿他鄉與吾土同異各有思
今夕醉君酒十年誦君詩榮名世所寶爾我留深知

曉度牛嶺

巨靈開幽壤滄然劃茲區錯若羣兕蹲亦若干羊趨
寒光積岩壑高厚氣有餘恍疑虎豹宅或有仙人居
山中建子月萬嶺天風俱雲雨助奇勢車馬爭盤紆
鴻濛遇雲將靈境將焉如

我生在平陸原隰錯邱里不飲山中泉但聽田間水
曉杖曳空谷築筑異纖指蘿葛蔓深溪亂石濺飛乳
萬古此奔流不得窺原始顛氣洩真宰吐噏良未已
羣峯列兒孫迴環窗如失晨光開林霏木末幻空質
野人炊濕薪嵐靄混朝突鷄鳴何樹巔回首白雲沒

澗園詩集卷一

十九

雲深養孤樵石鐔斤斧出小鳥啄古苔騰猿拾餘粟
所懷托空山清事信非一

羅光大夢登華蓋山苦吟不就已得明月發深
曉五字而寤同社各用其語紀以詩

明月發深曉幽輝含眾山鬚髯猿鳥際出入恬危艱
元氣宅宇宙變動迴心顏會物信無主鴻濛如往還
君抱九仙骨簪服聊人間流覽非聞見豈在躋與扳
片語洩元秘作止隨所慳太息柱下翁大道薄秦關
靈文五千字何用欺後頑試躡浮邱袂此意誰能刪

睡鶴為狸所嚙歎

仙禽東海遊躡躡劍湖水主人愛君靜蓬蒿共閒止
濯以湖流清飮以稻梁旨亦藉君威神驅除及蛇虺
當其步斗旋河漢綴修尾夢遊赤壁涯悟入黃庭裏
彼狸胡不仁耽耽目相視問者齟齬之恩君胎息理
誰云靜無咎或者身為賄主人愧謝君宇宙浩無涖
凌霄固所欽顛倒在兔雉君族家海隅海氣混元始
蓬山千萬重大瀛千萬里弋者乃不仁彼狸安足齒
別宜豐吳起之馮中星桂子張明斯諸子追送
留別

澗園詩集卷一

二十

溪山性所戀况乃悲昔遊昔遊已千載今別增綢繆
人生各有情似為離人愁白雲躑以躑洪波咽崇洲
諸子畏我別怨我不復留晨朝挈壺榼滿酌臨行舟
舟影忽以逝塔影橫中流溪迴川路合雲木易阻修
居者各凝睇行者空夷猶回首千山樹眾鳥鳴相求
紀六月廿日夜夢與阿媽

離家已千里南風吹又生中斷江與湖日夕浮雲征
昔夕東湖夢倚嘯湖上亭諸從語歷歷慷慨皆平生
徐子好兄弟祝嘏語縱橫書生見天子何事終怍營
適家見妻女太息當柴荆囑女千萬端語罷尤叮嚀
節食還加飡起居行自矜女謂阿爺去欲語泪先零

勸爺呼母別此歸歲已更夢迴一長歎戶戶天鷄鳴
人生自多感離別誰能輕仰視天河際箕斗猶未傾
照人三山月細細窺前楹

劉伯宗至金陵過訪同孺發敬夫芑孫任泉月

坐有作

明月照萬古美人多戚傷才士苟不樂亦復多徊徨
今夕金陵月皎若地上霜劉子秋滿至慨然具壺漿
同心四五人列坐臨中堂昔如日與月曉夜終相望
今如天河星匝侍明月光天河照人袖明月窺我床
病子御單袷戢景依寒盤感子具忠孝謀畧多慨慷

慨園詩集卷一

二十三

慨慷在今古仰視浮雲翔我爾同所適君獨嚴晨裝
神龍騰遠漢鳳皇鳴高岡顧子異沮溺結思在陶唐
聖人勞夢寐四海猶未康書生在豐鎬感此恩澤長
襜被鍾山趾歎息思高皇

送舒成之還里

丈夫適四海乃生兒女仁人生感離別骨肉行益親
我生亦少賤出入嗟苦辛中歲見天子顧盼京洛塵
駕車不及渡病臥長江濱白門困紅日歎息青霜勻
僮僕憂我病屢卜神或嘆親友念我病門巷填車輪
遇子長干道入戶眉生顰匝月同所止旦暮勞咨詢

起居戒周慎行止兼具陳我當送子還念子同一身
浩浩長江水悠悠視高旻歷歷雲中雁離離霜後蓊
吾師已三載慕草秋如茵祥榮子當和離瑟同逡巡
倚閭知子懷築場情乃均妻女東湖上天寒戶當墜
願子入相慰諱我道路迤相送在他縣慷慨當茲晨
揮手一長笑笑罷淚盈巾

滕王閣送陳仲來北行四章

平生愛秋天曠莽混遙碧登樓際高深鴻飛薄天尺
鷗子具行舟居者長歎息我行十上書歸來坐空壁
窮達理不齊君臣道惟一我友騁修塗念彼詩書力

慨園詩集卷一

二十三

聖人十二叢垂衣念陶虞皇天示殷憂日夕多羽書
君昔驅五馬出守東海隅匪獨安其曹亦以慰警余
飢浪海中水晝食園中蔬耿介或見嘆天子賴微劬
北風江上來與子立斯須宇宙賴公輩明發當馳驅
海州畊斥鹵歲歲田無糧刺史念民瘼奏記多慨慷
慨慷大吏側抗疏明主傍天子謂司農此事宜審詳
公時仰天祝美意通昊蒼吁嗟薄天地秋盡寒無裳
悉索盡地力飢鳥啄空倉昨夜縣帖至練餉尤輪將
君持宿昔意惠澤覃諸方我思治平畧所憂在龔黃
瀏瀏艾溪水曖曖漑湖煙相去十餘里俯仰三十年

離合安足道窮賤吾自憐仲尼出載贄孟亦謂之然
溫飽誠足晒勞餓或所先前年州府檄索我臨中田
三載被主恩偃仰羞自前呼奴具款段出市買長鞵
君出我亦至相期勒燕然長安沽美酒待我明月邊
不如蘇與李躑躅河梁篇

七言古詩

客筠州寄別徐念孺省覲上谷

薜蘿春卧空山裏布被匡牀濕雲泚虎豹愁人狄夜
啼細雨新蕉打窗紙夢迴欲眠不得眠聞君將買小
孤船上堂拜母出門去逕犯上谷之長煙嬌兒牽衣

溉園詩集卷一

二十三

愛弟泣滕王閣下干帆急諸公辛苦囑長途我獨看
雲萬山立記同蕭寺春星昴酌酒看書共嘆喜燕山
大道直如弦相約馬蹄今已矣去年與子愁寒冬做
車瘦馬來山中今年別我君更遠弟兄駭散如飛蓬
衷生葉生亦異縣驅之不住皆孤窮梅花冷照讀書
谷各餘小弟章門東乾坤納納此踪跡憔悴春風聽
不得題詩遙送北天鴻蕙帶荷衣少顏色

題龍塘老人冊

仙人騎龍白雲裏龍下西山作潭水涎漬青苔幾萬
年潭邊曾洗堯時耳老人雞犬欲乘空誅茆靜結洪

匡侶洪匡攜手潭上行白日爲呼老龍起挈空時攬
亂山煙鉢孟時縮昂藏體堂頭古樹聽經來只伺老
人向山指老人幾載西山陞春夏秋冬笑黃綺騎龍
試問海波深東海黃塵已千里

金銅仙人辭漢歌

上古首山銅託形元狩中黃帝騎龍去復近漢皇宮
漢皇一去咸陽老金盤夜夜凝悲風西方月出霄露
白東方日出曉露紅黃牛駕車三尺輓天明似送遠
行客明星照地萬雞號照見仙人動長陌咸陽清露
別金盤仙人泪下高臺側深夜灑灑滴墓門不及茂

溉園詩集卷一

二十四

陵松與栢

宗以昭宗侯吳元翰投詩索邛竹杖次韻

舸船船上長年柁日日嶄峯千萬箇我年十五錦江
行飛鳥倒挂元猿坐折取崖前寒玉歸浮蒼沉碧流
斜暉杖頭昨夜藜烟起星近天潢指少微分贈巴山
碧一枝山山吟屐好扶持淮南雞犬武夷客采藥春
前苓朮遲古節峻嶒支日影日光瘦冷輕陰隨谿田
處處劃昏曉來往風流似漢陂

羅夫婦九十

豫章西渡西山曲萬仞芙蓉樹交綠弄玉曾隨蕭史

游鳳翼參差亂雲逐自從翁姥下人間明月孤生葛
壇足出聽千山石上泉簫管不聞聲斷續秋風吹天
大棗紅東海奇贈北天鴻翁姥今來九十載漢家五
度騎飛龍

留別蔡大美顏庭生

蔡郎顏郎住城東古窗紙壁愁寒風窗前老柏卧雄
鶴枝葉瘦硬如虬龍書聲夜夜映苦竹題詩鬼泣苦
花叢我嘗做車訪幽獨有時共宿燈花紅蓮華丁丁
語深漏不覺城上聞遠鐘穴中羣鼠伺客睡欲出不
出愁無窮宇宙荒荒皆傷人意氣從來消不得堪歎

溉園詩集卷一

三五

管鮑比生我結交猶用黃金色蓬蒿相與我輩真不
憂傾覆憂南北子將舊里君結廬我家戶映龍沙白
古梅待我小屋傍北風朝朝送歸客二十四幅江中
懸宛水回頭曉煙織秋屏閣上愁雨聲春夢迷離敬
亭側

謝學師壽詩 有序

夫有臺有萊樂只終保艾之詞采藻采芹難
老推匪怒之教斯微德福之同亦契天人之
合謝先生孤情烟遠雅意霞翳珮環曉瓊眾
識語言之妙義山文水人歸日友之宗敷教
以來元風在此二湖對面州雲染苜蓿之盤
千古賞心日月富縹緲之字君子之學如蛻
諸生之至若歸江海皆收鼓鐘任叩成日合
德無忝人師時舉六十之觴聞于二三之子

先生紫府丹臺舊藏名字青天白日將近蓮
瀛老人星見於南方賤子日親于東壁云胡
不喜聊綴以詞

長松千尺覆修庭上有叢蒼下有苓姚魏花前霑醉
烏菹蘭香外出庚星龍泉劍拔光猶紫康樂池寒草
自青不為問奇俱載酒雕弧今日照元亭

大水歌

我家溉湖雲滿屋昨夜牀頭春水綠大坵小坵沒新
秧布穀猶聞叫深竹水氣如雲萬魚入罾網邨邨如
鶴立籬花浸影影不流湖底老龍吹浪急晚光滿樹
不出煙老農攜兒多在田連朝閉戶堯時水水去沽

溉園詩集卷一

三十六

酒歌堯天

送沈十康億歸宣州

君家兄弟盡相識今年始見君顏色同坐章門亂綠
間洪厓日日待孤客石上泉聲遠不聞日際微微曳
輕白曉光忽動二孤船長煙亂逐龍沙北洪厓古洞
深古雲今日渡江應送君

五日雨坐聞黃鳥作

五日蘭舟江上急江邊翠袖亂雲立有人閉戶看青
天欄前驟響百花濕人間倏忽一晴雨孤斟且盡盤
中黍蕉陰不定竹波翻隔葉黃鸝解相語問問啞啞

語未成應亦向人愁雨聲

送陳去凡歸武林

十年夢在孤山足鶴高入雲低映綠林逋老去夢復來
萬樹梅香匝寒屋愛君家繞湖上村采真又窮章
水源攤書拜石坐古樹紫微樓月涼心魂鷺老花前
啼玉笋南浦亂流爭渡馬此後夢入孤山雲夢君看
鶴孤山下

寶峯問權公碑見碑臺草中僧拾殘碑片許云

治圃得之悵然有作

寺前秋草離離長龜臥深苔日臨穎當時片石留唐

溉園詩集卷一

二十七

鑄鏡畫銀鉤眾忻賞老僧細雨鋤春畦土花繡蝕餘
殘碑字列句裂讀惆悵精靈尙使鶴鶴悲定鼎門西
市朝改王母擊碎珊瑚枝殿前十二金人掌至今影
盡酸風吹古來文章易磨滅峴山沉石終沙泥君不
見秦皇泰山無字碣風雨萬歲蟠蛟螭

溉園臥病寄別劉昆恒

我年十五泛瞿塘岩枯尙帶盤古霜飛獵上樹悖深
黑長夫倒落烏道傍君才突兀家其下奇峯筆底相
低昂向醉南浦萱草綠又柔庾嶺梅花香病客經春
臥林屋藥氣茶聲聞深竹聞子東來西復歸斷續離

心駭如鹿我欲烹魚懷好音東風吹愁愁不禁柴扉
坐老寒食雨垂楊漠漠騰春陰思君路發桃花裏蜀
山點點黃牛趾小門寂莫想春帆雨外斜陽幾千里

月夜泛湖作

六月十六夜泛舟青湖與姜堯章謙伯魏太
初平仲家弟風后五人俱大月輕航蒼波綠
蟻小童善吹笛笛聲發于中流宿鳥競起游
魚數來堯章居水一方羣送之始歸歸來月
掛高梧河傾短袷

月白射湖湖水怯瑠璃軟膩蛟龍惜青天帖妥收雲
葉楚客壺尊蕩輕楫中流宿漿波委蛇舟回月影時
東西眠鷗夢煖歎飛去青童紫管橫參差草色扶烟

溉園詩集卷一

二十八

塔輪小北斗碎臥芙蓉厄魚吹素沫迎人語孤山鶴
唳通仙歸歸路青松壓雲立白露垂簷玉塔濕天河
倒落落難拾欲咏明河北門泣轆轤聲緩蟲聲急

元日聞雷

東風遲明拂后土章水干家擊賁鼓復聞鼓聲天上
來百里奔騰似天怒聖人在上慶賜行指揮木德陽
氣升江南士女樂新歲雲中玉虎晨爭鳴厭原山中
千雉雘山中或有乖龍守鐸聲未奮九衢驚電火奔
光列虛牖我聞元祐曾豐碑朝堂碎礧揚天威當時
不聞震崔魏今日轟轟徒爾爲前年除夕駭天地雨

師驅雷曳長勢老僧告我兆豐年黍稷千原響秋鉦
此祥占測當何如惠休已矣徒嗟吁腐儒不解識天
意破簾自護青邱書

周公鼎雲隱山房詩

信州諸峯高倚天日月岩洞生幽妍周郎性情蓄元
秘山中罔兩窺精堅樓居盡揖浮雲勢孤遊羣遊復
何意茸茸匝地點松花亂入虛窗綴瑤宇甫里先生
呼過雲山中宰相寧贈君山深夕永元豹睡疎鐘石
鐸流聲聞我亦溪邊結林屋水氣扶雲雲不宿笑將
清事學臞仙洞口列罌貯千斛

溉園詩集卷一

二十九

驅車西門行贈陳龍媒

龍媒築室廬墓屏處西郊余過而有古孝子
之思焉向眉生伏闕陳子與偕并及之亦有
感乎君臣朋友之間矣

驅車曉出城西門野田草綠黃狐奔老鴉哺兒兒返
哺中有孝子悲心魂停車忽入孝子戶素冠團團面
如土兩棺在上我再拜曠野晶晶天色苦今人讀詩
不讀禮稻錦油油時見齒大儒進止循周公麻衣苴
杖數亦止古道蒼茫見陳子築場三年自茲始前年
沈子叫丹陛疲驢短衣向燕市君入恥爲父母生出

門甘爲朋友死君面如土骨如柴石子礪邊門不開
吁嗟乎偉元中郎安在哉血淚斑斑柏樹摧朝朝白
兔趨墳臺

溉園詩集卷一

三十

溉園詩集卷一

南昌 萬時華 茂先

五言律詩

送顧天諶歸東

灌木縈前墅行杯別顧邕白雲當席變黃鳥入歌慵
客散高城月人歸晚樹鐘婁江千樹遠飛夢海雲封

閉關示念齋

與子懸孤榻封塵畏客來經旬疎白袷未雨逼青苔
徑軟紅爭墮窗虛綠自翹閒心與遠思明月亦無猜

紀行

豫章叢書

人生不得意鞍馬向空山路草侵人短晶花着雨斑
霜添枯樹冷風起亂雲刪獨羨投竿叟寒流靜一灣
野橋殘月渡寒霧總盈盈路失高低影禽喧上下聲
林光連曙動霞色映山明處處驅牛出溪農趁曉晴
寂寂筠州路輕烟半有無山深宜吠犬村晚集寒鳥
作客同王粲逢人說小蘇荒荒斜日影淒澹照昆吾
漸入空山裏迴崗四望低雲隨平野散樹帶遠峯迷
淺碧鏤沙靚輕黃綴草齊桃源如可覓疑在小邨西
覆杏成何往迴看已四圍畦隨山路變鴉切嶺雲飛
獨樹分池少高松蔭故肥炊烟村舍午嵐靄共霏微

子月平郊寂朔風吹滿林橋危看墮日徑轉欲成陰
汲水村童慣鉏園老父深棲遲行古道不獨別離心

長至後二日林祖鼎徐濟之小遠水簾同家閑

美風后起先集芳樹齋時祖鼎將歸蒲美叔

將赴公車余亦將入宜豐志別分十灰

酌酒淹高會寒風西北來卷簾初過雁熏檻欲舒梅
菜摘連霜甲筇扶過雨苜草堂辭客慣重喜為君開
座客皆湖海高僧亦肯來書雲天上事明月席前杯
醉競矛頭句禪空劫後灰別離應共惜今夜對蒿萊

薄暮看梅花

二

山縣開春蚤梅花發暮園霜多含蕊重煙冷入枝繁
向客知何意歸鴉欲有言羅浮詩後思斟酌晚來魂

寄懷陳士業

舊時丞相宅君復寄修椽門托高人靜村憑故老傳
沙池寒際日城堞古時烟凍雀梅花裏晴窗獨草元
吾兄草元處萬軸列牙籤落筆千人廢抄書十吏兼
龍文衝漢冷虎氣入山巖歲暮孤城客相思月滿簾

暮行

古道梅花屋蒼茫起夕陰日光衝樹冷寒色上帷深
渡水烟難繪呼醪得便斟牛羊邨影裏行路勇歸心

是夜同舒芭孫山店酌月

清尊共良夜照地月初升里近淵明宅人稱大歷朋
詩情關唳鶴山意靜寒燈霜被侵人蚤關山曉夢曾

歸自宜豐追送林祖鼎江上

我來君又去歲暮揖江邊濯返宜豐雪杯分南浦煙
關河飛葉外鴻雁朔風前別後蕭峯月離心夜夜懸
上元前夕戴初士初吉招同堅白宗侯舒芭孫

家弟起先分都宇時與芭孫入筠

今夜叔倫宅花前倒玉壺泪殘工部句吟入步兵廚
燭影烘人醉盧聲雜雨呼爲懼終未厭燈月憶皇都

灑園詩集卷二

三

東風新雨後隔院醉瓊瑜熬架通今夕狐裘問彼都
客能攜楚袖人自濯冰壺酒罷凌晨事春袍上短蕪
將入筠送余小星之泰和兼訊杜中兄弟

我亦筠州去題詩復送行計程朝秣馬伐木晝聞鶯
燈市離人酒溪風去路情應同爲客夢花漏度寒城
君到螺江上逢迎盡故羣別當正月雨愁寄萬山雲
汀影飛鴻遠袍香細草熏諸公鷗席在佳句偶相聞

送梅子庾之白門限韻

久識南昌尉鶻孤惜未傾雨花爲客處烟柳送君情
鳳去臺無恙鶯啼草又生閨中新織錦應有夢隨行

道中苦雨

野宿春雲裏冥濛遞曉程烟多山欲浪寒重鳥無聲
車爲衝泥怯衣難帶雨輕僕夫前路意如在劍門行

雨後看桃花

青山圍縣郭二月養花天綠短難勝雨紅疎半吐烟
一枝崔護老千片武陵鮮寒食飛香後飄零憶酒邊

懷衷三晦若

憶宿城邊寺兼之湖上亭亂藤沾柳碧新樹過花青
離別三春共行藏百慮經已過鴟鳩暮淒斷不曾聽

雨行同舒芭孫

灑園詩集卷二

四

宿霧無行伍谿田高下中路經三縣雨帷裂萬山風
勁舞便孤鶻寒栖念早鴻同車能好我何必歎途窮
懷魏平仲葉當時山居

幾載青湖上出門今異鄉別離三月盡風雨一春狂
燕熟難辭壘花飛易滿床還思讀書處鷗鳥濯雲長
歷亂心難似楊花破曉枝懷人魏無忌有客鄭當時
雨歷新年樹雲添舊日池瑠璃岡下水深淺夜來知

懷衷孔虛舅氏時兩外弟殤併唁

不見涓陽久悠悠復我思漸知長夏信已是隔年期
樹僻雲來慣庭深月到遲分明沙浦夢春路草離離

書來添異耗明月墜雙珠轉覺悲懼共其如道里殊
壁塗堪仲子金石保微軀莫送西河淚青天泣鷓鴣
喜念孺至自上谷余以明日去筠州

解劍卽相遇衫猶京路塵奕棋天上局車馬客中人
雨別傷心共風聲到耳新草芽今日淚不獨爲羞貧
相逢慳倒極離恨與驚魂今夜聊同月空山又閉門
別難應會遠夢屢識思存因想湖邊水朝朝漲舊痕
來蘇渡

此地來蘇久猶傳古渡名村陰殘野照樹影抱春城
人作黃州住江猶赤壁清予懷同渺渺蘭漿擊空明

夏閨

漑園詩集卷二

五

江海三千里風塵已數年君王歌杖杜夫僭幸燕然
獨寢餘長簟裁書疊小牋三岔河北鴈秋至又西旋
昨夜閨中夢迢迢失遠山大旗關塞外君子鼓鼙聞
月照空牀枕螢知思婦顏荳棚聞促織機杼婉班班
積雪南風裏陰山六月時炎蒸思飲馬飢渴詠棲埒
王者仁無敵天驕帝所私古來豪傑士不怕葬鴟夷
妾家湘水上君向受降城帕汗兼啼漬衣寬爲恨盈
貌同花落索別見草枯榮刺繡過長午雙鴛竟未成

芭孫生白

束髮爲兄弟相知莫問年謀生徒覓句無肉慣逃禪
妻子甘能共寒溫夢易牽可禁花下意十載話凌烟

晝夢

白石橫孤枕昏昏只午眠高低雲與鷺斷續夢如蟬
小弟閑相慰嬌兒惜自牽醒因風在竹幽獨倚窗邊
送吳元翰歸蘆谿

頭白猶爲客青山未了緣到看蕭嶺月歸飲慢亭泉
渭北思供奉終南弃浩然離心無可道隨路隔江烟
聞君高隱處架屋在蘆溪水響藤蘿夢春深桃李蹊
歸應山有主別問手重攜放鶴誰相待梅邊處土妻

倦

漑園詩集卷二

六

倦客南牕下悲來亦自歌晨梳慵作髻暮盞欲生醅
岸草先秋長哀蟬向晚多買山終未忍尙負考槃阿
六月晦日憶舒芭孫

相憶數晨夕因知夏已除據床閑較暑背日獨看書
江濶星難聚杯同月又初鵲橋輸此夜勝事在君廬
曉起

獨客梳頭嬾西風緩下來窗櫺朝上日枕席夜聞雷
章水月應減楚人秋易哀家書倍珍重敗篋故常開

月下

今夜孤城月相關獨在門溪山呈委曲僮僕自寒温
澹覺河無影斜因樹有痕露涼思枕簟嘆息一燈存

村前夜宿

夕火柴門動山程驟馬鞭天青猶見日村晚遂多烟
野雀爭依樹秋禾半在田暑餘占物候蟬響北風傳
僕夫遙共語今夜宿村前岡遠星能出松高霧已先
鄰翁呼犬入里婦餽鷄眠喧寂人誰解疎燈野水邊

送沈復明歸蕪江

愁君容易別相見又成歸黃菊香人語丹楓照客衣
傍煙過錦水迎雁指蠟磯猶及征帆落霜螯競晚肥

灑園詩集卷二

七

雨夜小酌同芭孫崑銅聯句

宿潦安雙屐崑深杯共小窗茂嵐斜分嶺出竹勁受
風降崑密樹潛歸鳥空山隱吠屨芭武陵今夜夢紅
雨漲春纜茂

似隱軒爲碩膚王孫

大隱誰能似幽居獨不喧坐深雲氣幻圖老嶽形尊
鶴夢殘香炷莓魂銷竹痕人傳劉子政藜火雜星繁

送劉欽之歸吉州

萬櫓迷前浦江臯歲盡時會因懷舊苦寒恐到家遲
訪雪鴻留迹占風暮解維十年濠上夢明發又何之

欽之昔住
濠上菴

雨夜芭孫對酌

客思禁秋雨淒淒獨夜身蕉鳴寒欲戰雁濕字難勻
四壁燈無力孤尊話有神愁思天上月蕭瑟類前因
月行同舒芭孫

何處身如豹山行似欄川林光羅苻藻夜氣靜聽猿
酒力經寒薄詩情得侶堅荒荒無盡月野色滄長煙
有感而作

灑園詩集卷二

八

晚渡訪劉師貞江上浮槎

爲君催晚渡寒水盪西紅烟冷溪山外天低雁鷺中
葉飛將暮雨鴉帶欲霜風擬載張融舫浮家共短蓬
秋日遊廣福堂

幽賞忽成步寺門秋路偏僧閑依白日樹古立青天
徑轉藏煙曲荷殘剩沼圓城中車馬倦今日欲安禪
送徐無適游吳

霜天沙雁裏今日送君行舊社疎談笑新知熟姓名
水寒魚性定帆靜鳥飛明愁絕江東樹殘雲日暮橫
送王慎五歸涇上

別離何草草岸上踏歌聲爲客章門上乘舟蓼水清
波光搖雁影闕色動雞鳴宛在桃花裏潭邊送遠行
雪後過匡嶺九奇二上人奇善詩分韻各賦
師弟過僧臘梅花閉屋深寒光流薄瓦雪意在疎林
窗濕雲難去香微縷易尋竹爐今日事敲韻費清吟

送胡陟明游補陀

之子煙中棹春風渡海南柳秘能着雨花暖欲生嵐
江氣鷗初泛潮音鳥共參禪心與關夢俱在補陀崑
月夜滕王閣別鄭謙止太史韻四首
出城因愛客尊酒醉滕王檻覺雲來靜江看月去長

概園詩集卷二

九

沙遙微見白山杳競爲蒼共惜朱簾地高歌夜未央
灌嬰城下水五夜只東流閣影洲前古杯香月底收
蛟腥迴酒氣鷗夢散春愁欲駕西山鶴仙人或可求
簷外春江色渾疑海氣封雲根埋野色樹影混山容
閣上留巢燕塔前臥醉龍離心驚續斷已入寺門鐘
劉向陳疏後傳經心事違羅浮看日出章水弄雲歸
猿鶴盟雖定星辰動欲微到家應自懊又別舊漁磯
公時以崔魏之
難避地粵東

送喻寧孺之信州兼訊鄭龍如

送子臨江水東風曉聚船鷺眠芳草雨鳩語杏花烟

東道逢王吉南屏有鄭元友朋吾輩事古道慎周旋

吉人夜宿草堂同作

晚風吹客至又赴草堂期拂袖多榆莢移船過柳枝
人同黃犢返心與白雲遲莫爲貪詩苦花前北才垂
次日同吉人遊江天閣賦

我能驅短棹君亦緩鳴騶夜共三更夢朝尋十載遊

菰風吹閣影梅雨助江流相對憐青草何人問喘牛

晚至龍沙復呈湛公

小舟尋處泊衣帶隔江烟鐘磬高林外牛羊落日邊
沙平分鳥篆亭晚出荷錢共欲蠲煩慮參師到講筵

概園詩集卷二

十

寄崑銅

記得南風棹江邊送沈郎槩依菰葉暗岸失柳花香
吳楚兼春候山川滿夕陽犀軒迴昨夢蕉影伴蒼筤
江國書頻到思君百慮繁晚雲橫菰港春雨坐梧圍
別久花能譜詩成鳥不言無由似章水千里白同渾
寄袁元定

別君初折柳尙少送行詩砌雨淹茶竈江雲足畫笥
人依元豹宅夢挂白猿枝未忍言春去千林喚子規

別張德璉兼訊沈崑銅

南浦傷心地秋風又別君雁來逢閣雨樹盡見江雲

舊館辭山鹿新醪酌野芹良朋客中味珍重沈休文

送伯閑叔毘陵訪鄭太史

與叔臨江水秋風下短裳乍辭高士里又入鄭公鄉
旅食尊香別離尊菊氣涼怕看青漢外歸雁各成行

過超然上人院

薄暮過方丈逢師採藥歸白雲生破衲紅葉滿荆扉
禪意同衰柳吾生付采薇黃梅枯坐久近喜得傳衣

弟子文止
善知識也

暫息勞生累聊同物外羣烟和牛背雨寒入鳥巢雲
屋覆藤陰重林香菊氣分村春滿歸路處處覺聲聞

澗園詩集卷二

十一

送重熙一兄之淮陰

宿鴈分朝影章門野水邊弟兄嗟遠道離別畏中年
風定晨開纜江寒早著綿淮陰垂釣處今古易潸然

寒夜與徐永叔夜坐

同君就寂莫窗紙夜深鳴話久霜前析書殘臘後檠
柵寒鷄不定漏轉鵲頻驚去住思江上橙花坐晚晴
已嗟傳侶散歲晚獨相親天欲程門雪梅花楚國春
交情新舊歷人事往來身苦思經寒重三更剪燭頻

守歲

聖代儒冠誤俄經二十年劬勞衰白髮貧賤畏青氈

梅蕊寒將迸椒花泪共傳遲明春角動澆恨朔風天

厭聽鄰人鼓東墻獨夜身強灌憑愛女托業媿中人

燈燭沿鄉舊衣冠拜歷新窮愁問生理難測是前因

雪後過巨源湖上

東風纔十日作意蕩湖水雪霽知烟歛波搖得日澄
柳眠穉盡起榆老鵲頻升似有龍蛇氣春從大澤蒸

社日送李仲章之白門

送客逢春社江舡動曉晴樓臺隨日去楊柳傍烟生
裝薄詩無價游多劍有聲輪君花事好先到石頭城

阮穀臣祖竹齋

碧色圖書滿君家舊竹林密應窺日少寒欲抱雲深
張馬幽人宅王猷靜者心經過留客處燒筍共清陰

苦雨

蛟龍爭大地雷雨撼墻東萬瓦崩雲下千家決溜通
寒聲圍楮葉衝潦沒花叢却憶章門外三洲亂綠中

倚牀兼倚檻兩月雨如泉民已將魚鼈天應廢稻田

鳥依牆樹密蝸浸石欄偏尙有催租吏東家索酒錢

送李平叔之潁州

十載爲兄弟情深畏別離酒難今日盡舟易好風吹
梅熟鷓啼後山來鶴定時應過齊相宅懷鮑欲題詩

亂烟橫野渡江北與江南路遠書難寄思繁夢亦愁
鷓飛朝犯雨鳩斷午生嵐懶慢疎良友愁余七不堪

歐于琪太守壽詩

十載懸車早城南種樹高過鄰呼酒伴結社引詩豪
菊譜幽能學鷗盟隱自逃廬陵文藻後今復見風騷
聖朝容傲吏今日更何人几杖歸先達衣冠識舊臣
鶴飛江上曲狼宿夢中身七十年來事南州嶽降神

樵舍驛

十年差作客今上秣陵舟水濶生離夢雲歸寄遠愁
雜花園古驛垂柳隱高樓去國從茲始先生劍劔緜

既園詩集卷二

十三

吳城

澄湖不可望望斷楚烟迷水國魚龍沒晴天鶴鶴栖
吳城依戍冷匡岳照旌低此地今何有千帆亂綠西
離心經昨日愁倚望湖亭松桂思窮巷鷗鳧見遠汀
雲生洲尾白日映草頭青何處憐今夜孤篷照客星
舟中同舒初民朱世安作

水宿兼星飯修途賴有君性同廬嶽靜興與剡溪分
棹發題朝日舟停枕夜雲因思李郭事今日喜爲羣

南康夜泊

匡廬峯下月何意入舡窗水氣星兼動山形夜自降

帆檣歸暮鷓燈火吠村厖坐久侵涼露天河半在江

禦兒港

禦兒千古地上下客程分山勢連吳楚人家傍水雲
興亡思越國俯仰對匡君日夕經過者江聲處處聞

舟中

烟棹南風裏經旬客路身出門啼愛女去國問鄉人
舟趣眠來熱村名泊處新吾家牛斗下夜夜望星辰

觀漁者

似愛江邊坐聽蟬只此灣眠餐宜綠水妻子厭青山
密網沉雲動浮槎上日閒幸餘沙上鵝朝與暮俱還

既園詩集卷二

十四

洲泊

明月不照地輝輝江上沙豚因風作陣鷗以水爲家
京近紅雲大帆孤碧柳斜與誰沽暮色今夜宿蘆花

壽彥韜大母華太君七十

清朝循女史如母復何求問匹稱鸞友徵才屬虎頭
菽香兒共畫簫冷婦多愁喜摘安期棗纍纍正及秋
千里尊羹熟持將佐壽杯秋陰宜鶴步春信在龍媒
悅定椒難老筵香桂自來試看歸雁影青鳥共徘徊

中秋招里中諸子夜集

同作他鄉客西風在秣陵天留今夕好月似故園升

感重憐時序家遙賴友朋巢烏應類我三匝意難勝

醉後步文德橋再用前韻

萬戶烟香亂青天水氣蒸橋危虹不定舟徙月難凭

砧杵驚新雁尊鱸感季鷹歸眠今夜夢兒女倚殘燈

湯維一明府招集誰園同沈崑銅曹梁父令弟

去浮長公本初

一人名園路藤花底角巾橋懸魚不定離密鳥知馴

竹石經營細瓜壺語笑真顏山來酒畔似欲勸游人

九日依陶令黃花盡繞墻砌蟲秋後露鄰杵月中霜

品鶴供譚史烹茶緩醉鄉更看新溉植樹樹比河陽

溉園詩集卷二

十五

九月廿九日舟中遇雪

未是山陰棹聊登宛曲舡雲兼秋岸雨風舞曉堦烟

寒信催衣帶鄉心拚酒錢孤吟向衰柳搖落似相憐

見月

青天眉影小五見是他鄉鏡破心難滿弦微魄易長

漢遙疎過雁霜冷照啼蟹意折家人語光應到客裳

聞雁

何事驚孤雁年年故國音感因逢異地影易過疎林

與月聲來往穿雲色淺深倘過章水宿憑寄遠游心

旅中遲沈眉生不至

秋容何地好鐘鼓雜朝昏鬢是齊嬰宅幽慙仲蔚園
僅多添米價客久健詩魂只望休文至香鞦獨掩門

林乾維夜坐

久識林和靖疎梅畫裏香家遙聞海月生共苑溪霜

紅樹歸心腕青萍見肺腸相逢寒燭影今夜冷衣裳

永慶寺古栢寺為唐將
遼濛舊宅

老栢根如石臺荒影自搖威義參古佛晴雨認前朝

頂禿難巢鶴松鄰欲帶潮將軍歸戰馬鱗鬣夜魂招

飲天逸閣有懷梅禹金先生同孫其星沈眉生

治先令子無尤令孫朗三

溉園詩集卷二

十六

上閣添惆悵東坡舊雪堂雜花生筆塚遺草亂書床

獨影當時慢先生讀書帳帷
今煤迹儼然池邊此日飭西風下垂

柳猶似聽宮商

再過朗三

只覺周旋少名園已數過文情依檻遠樓氣取山多

樹老真如伴鶯寒漸不歌看雲敬亭上我輩復如何

贈杜門和尙

萬事杜門好如師獲我心密房茶氣滿小苑竹香深

習病知禪定無求簡客尋惟餘鈴鐸響終日倚清陰

馬當同三弟阻風

風急馬當怒披裝共扣舷河山同草露枕簟宿篷煙
魚蹴寒花浪鴉盤敗葦天弟兄如鴈影漂泊大江邊

安慶曉發

歌枕蓮花漏鐘殘度皖城曉光催鴈宿寒氣動鷄鳴
家遠經千樹思柔怯五更魚籠雖寂莫應感權歌聲

江南曲

郎家湖水北妾住楚江南母掠雙鴉髻人誇小鳳簪
眠多難判恨步嬾為餘愁淚落鄰舟笛知儂意不堪

沈崑銅酌別蕊珠宅同湯去浮舒芭孫家弟芭

先分得
帆字

滄園詩集卷二

十七

惜別難為夜紅窗共晚酣雪應回客棹星欲散明簪
鴛並帷形暖花生燭影啣琵琶明日事雲裏望輕帆

姜居之祭酒坐上喜遇姜元章作

德星占太史今喜見真人雲逐青牛出天容白髮新
叩荆思舊日折柳怨殘春歸臥礧溪石清時穩釣綸

新涼

火雲崩大陸驟喜嫩涼生簷瓦傳秋籟天河失夜明
簾紋隨晚靜扇影入眠輕山店聞蜻蛚衣裘漸已成

寶峯道中四首

出郭窮幽討羣山斷更速秋容傳眾壑朝靄散平田

秣馬從盤谷斤柴出輞川小橋流水外似有客鳴絃
諸山經窈窕積翠冷衣裳石詭牛羊似林危虎豹藏

草花朝異能秬稻晚多香更坐聞清溜蒼苔薦羽觴

平生幾兩屐今日度逶迤徑仄藤垂面崖懸樹照眉

僕夫行不定山鬼到相疑憶在鸞叢路支筇絕壑時

寓嶺迷秋草侵陵古道邊客需樵子兩俗慶弄婆天

野色新過雁溪聲半在蟬白雲鐘磬裏知近法堂前

雙溪人以八月十一十二日為弄婆天雨則無災

禮大寂禪師塔

塔院威儀肅空香繞翠嵐峯排青玉案僧進白雲函

滄園詩集卷二

十八

兵火痕猶在塔左方為紅巾所毀殘缺宛然雲山性自含平生貪佛
意今日傍瞿曇

別寶峯

塔光朝暮合回望亦氤氳樹以鳴蟬急潭因過鹿渾
磴平秋稻沒路轉曉鐘分何日名山住誅茆禮白雲

招譚友夏集龍沙水亭

先起

同陳大士朱子強劉士雲陳士業羅翊辰家弟

不負沙留讖君能到此時寺藏春窈窕亭與日倭遲

柳靜歸僧鉢花狂愛客卮斜陽亦自好細細墮高枝

士雲汎閣初成諸子夜集

同譚友夏陳大士甘禹符徐二其朱子強

余小星鄧左之李平叔王
于一克生家弟風后起先

屢作名園集幽添閣始成圖書分位置桃李助經營
巢鶴妨人遠池烟爲水生良朋愛春夜影共月中行

集朱禹卿草草亭

同譚友夏彭次嘉
陳士業命子公美

歲歲春亭好誰能共酒栢花兼人並暖蜂與客無猜
鳥坐千林葉虫書半畝苔西園飛蓋事又屬建安才

春思

病覺獨諸累詩情獨未刪窗晴宜睡足村雨或吟還
治腐觀流水通禪悟遠山門前香眾草隨步意相關

新蟬

概園詩集卷二

十九

幽夢閒依竹醒聞何處聲日長迷夏樹隄老接春鶯
乍去枝無擇初來響未平西風暮天柳已是隔年情

奇別曾弗人歸聞

折柳非無思終淹縞帶清春秋同慧業山水累詩名

望屋人難近調笙別未成曾孫筵上夢今日灌嬰城

君下南州榻重尋海國船劔花迎荔日帆葉掛菰煙

越石存知己龜蒙莫自憐文章歸聖代君已握中權

送絲恭七弟之廣陵

西風落第後夜夜夢桃源雞犬雲中客桑麻雨外邨

家貧傷弟遠秋老易愁繁舊說江都好今朝獨愴魂

孝子復行役淒淒監忍言月圓墳共影霜縞髮同痕
急淚添秋水哀腸轉夜猿陟岡兼陟岵兄弟傍柴門

田家偶憇

古俗沿桑柘陰廻接四鄰白雲支敗戶綠水愛行人
犢懶村童狎農飢餉婦親雜花香滿路惆悵是餘春

賦得青青河畔草

未識東風怨芳洲綠漸明寒知經雨變煖欲傍烟生
人隔黃花茂春歸細柳營綿綿汀樹外不忍聽啼鶯
登樓寒食雨處處草如烟萬里人俱遠三春事可憐
色殷空謝夢毛細點蘇檀記得斜陽綠同看是去年

概園詩集卷二

二十一

驟雨獨坐

雨來深院閉孤影度殘春賤久經時態愁多悟往因
苦吟增索莫攬鏡忽透巡慣作看花泪花開益愴神

概園落成移居六首

避人生計懶今日付雲烟開戶容山入沿溪得水便

鷗閒堪對席草長藉爲毡燕雀休相賀茅茨咲幾椽

小隱吾何有幽居且自聊園仍依綠水竹未上青霄

用杜 野色先秋動天光及暮遙忘機誰爾汝田父與

溪樵

誰諳三徑僻秋路但鳴蟬槿密籬從補藤柔樹借懸

魚爭荷葉雨鳥散稻花天尙覺重陰少旁溪枕石眠
才薄羞元草門堪載酒過布陰栽柳遍種紙覓蕉多
竹路妨遊蟻花情問橐駝課清翻自累吾念碩人邁
青林宜苧裕散髮易天真榮辱評花史醒狂傲酒民
應門占犬吠施食覺禽馴尤感西堂月宵深只近人
先生居栗里蕭散似桃源樹乞鄰人種花憑后土恩
汲雲常在沼尋月屢過村五嶽雖慙負田桑古意存
七月初六園夜

物象觀流火羣心晚倍清院涼添野色林曲動秋聲
斜月難成照孤雲未肯行燈搖村外影深淺較疎雲
漑園詩集卷二 三十一

遶籬何唧唧盡意已知秋人靜鐘先斷更殘鳥自幽
攬衣逢露濕出戶見星流忽意蛛絲巧明朝渡女牛
朱廣澤橋亭社集

孤抱誰能僻詩情向橋深試看同酒伴已識擇交心
雨積千林氣弦餘四壁音諸君當聖代嘉樹莫重吟
坐臥連書屋看君蠹盡飢竹醫無肉瘦花養隔年肥
聽雨開春社占星徹夜扉風塵方滿地珍重菱荷衣
漑園坐月

輞川千古月今付野園秋雲薄難成幔星孤半隱樓
蟬瘖知樹冷蟲亂覺人幽不醉猶恬卧花香入夢稠

霜月同社集歐子琪先生鷄亭分鳥潛二字

寒光今夜聚沽酒慰尊鱸河漢千門失亭臺片影孤
天遙斜去雁林肅未栖烏汎愛非吾黨水心共玉壺
隱几誰南郭開門月滿簾秋聲千樹小露氣百重潛
今古光同積關山怨或添孤亭陪杖履因此倍清嚴
朱飛卿小西園社集看雪

千古西園會諸君雪偶同寒多因障日飄亂屢迴風
鴻爪殘餘白梅心失蚤紅詩成俱寡和寧許灞橋工
臨溪看花影

爲惜春多態尋春偶獨行泥香新掠燕花艷屢啼鶯
漑園詩集卷二 三十二

萬點魚梁亂干枝藻陣橫東風銷客意多半屬輕盈
水國香魂動名花次第生倒疑天共濕笑與草分晴
日出妝臨鏡霞添繡作栢年光溪上路如在錦官城
送張直生學博別駕戎州州先君宦游處故未
及之

六月驅車去千山與萬山文翁先教蜀丞相復平蠻
巖瀨舟如馬瞿唐水作關君家餘畫像崖石勒銘還
官况看如水清真說鄭虔弦歌千市月圖史兩湖烟
北闕知安定南山識浩然蟬聲江路別悽咽似相憐
翠屏山下夢子亦念先君峽樹今相引山猿舊所聞

詩題巫廟雨風入葉灘雲才子今乘傳重勞論蜀文

出南郭繞道余姬墓下述哀二首

年年行古道今到愴孤墳白日魂何處黃廬怨豈聞
經時情鬼伴此夜哭夫君彷彿疑薌澤風兼草共薰
尚憶頻呼喚今來覺汝瘡傷心苦長遍充耳土埋深
薄命辭新穀子愁結古林哀腸時斷續悽咽類蟬吟

池上晚坐

倚杖參差影溪蓮共此涼農心宜好雨天意重殘陽
柳定蟬歸疾雲疎鳥去長野香無漸次時覺近繩床
送從姪夔遊廣陵兼寄訊鄭氏諸兄弟

概園詩集卷二

三三

橋邊簫月侶曾送叔兄還汝去仍孤棹余愁獨掩關
秋聲彭蠡岸霜氣秣陵山好士當時在無歌行路難
落第西風好溪堂不厭貧賤應悲聖代愁復別家人
父叔衰同甚江湖侶易親艱危問天道飄泊自經綸

陳士業夜過概園用十四寒

問訊田桑侶君來到即懼僮奴交折屐橡栗且同餐
地覺琴書靜人兼唱和難流連霜月影猶戀菊花殘
竹樹懸心夕宵過秉燭看村閒鐘已定籬晚鵲知寒
架近書籌亂談深酒禁寬又愁明日去林氣作風酸
冬春久晴感雨二律

不獨驚春色空林快雨天口桑農易感身世事堪憐
鳥語沉寒樹鶯羣返暮煙曉畔溪上有窗晚抱書眠
寒煖東風後千花賴雨催天心憐舊植鄰種覓新栽
青欲今年柳紅銷昨夜梅閉門無客到吟遶屋邊苔

小山亭

念孺居南山別墅旁構假山數畝洞壑玲瓏
下瞰方沼亘以飛橋近架亭于諸山深處俯
仰高深真相賞有邱壑間意子欲額以環山
已復念少陵詩一覽眾山小覺於此中有會
因以小山名之淮南叢桂吾無取於是也亭
成念孺飭童子謝一切賓朋惟余得至其處
因作三
首落之

位置圖書古因開混沌烟居然陵絕壑歛尔寄修椽

概園詩集卷二

三三

瞰沼臨無地窺橋別有天是中欺魏晉不必外人傳
但能真洗耳近市即深山意定居無擾機恬性不頑
月從峯外出雲亦岫中還似向天台路桃花古石問
數載同晨夕今來忽此亭雨疑千澗瀑星隱半池萍
戶鎖堅僅約橋危怕客經求羊吾與爾不是獨爲醒

喜伯甘成進士呈大司馬

廟畧資文士天家重世臣國方虛帶礪人復上星辰
司馬官僚望飛熊子父因京山猶綠野呼醉共花茵
憶傍龍池柳吟鞭逐隊看聖情卿有子朋輩尔爲官
志久辭温飽時方倚治安東湖磨鏡客今日亦彈冠

玉版居再憶貞父兼呈姚明府

偶問弦歌地因泰玉版禪寺閒山郭外僧老佛堂前
刻竹晴添雨開簾畫下烟坐疑深院冷無處着鳴蟬
樓臺鐘磬發聊為駐游驂風雨前人碣雲霞古佛龕
草邊閑杖錫香裏拜瞿曇迦葉微笑拈花只自參
吏隱兼禪定風流尙可師種花思舊宰看竹憶當時
寺从僧雛換庭荒柏子疑南宗花葉地又感召棠枝
壽余岸少尊人七十

溉園詩集卷二

三十五

寓劉安于宅奉懷先文節公

里第清風在先生自古今河山留正氣圖史貯文心
詞主看如在登堂慰所欽感時懷舊德家國意深深
質庶思前輩梁鴻媿後生樓臺終少地鼎彝只餘清
宵直金蓮炬春臚玉殿聲絲綸今再世天意識昇平

新柳

雨餘風際好裊裊萬條輕袖覺黃初染眉看碧未成
麋蕪爭辨色鸚鵡似多情莫作章臺恨春纔二月晴
十五耶溪女新粧上翠樓天高初見舞烟煖不知愁
夜影遙分鶴雲香欲下鷗東風思浩蕩領取在溫柔

吳石卿將入池陽訪劉伯宗過別宿余園送之

雨餘攜屐齒一似快新晴徑煖初交蝶枝垂盡待鶯
閒鷓同客散芳草別家輕我夢隨君去鷺溪水又生
燈花今夜酒相見惜相離細雨泊河岸垂楊對此時
衣冠存敗篋懷抱託新詩幸子風塵際依劉慰所之

春園

遶屋逢春事桃花復李花簇林開細雨選夢入明霞
似歷素人洞真成處士家莫從門外望芳草又天涯
午夢醒初熟溪光偶見尋閒心和草木世事感晴陰
野蝶調蜂熟金鱗畏鶴沉不知春易費十日雨中深

溉園詩集卷二

三六

春日過夷晦若雪堂作

十里春田水粼粼照短衣殘花香客路深柳見君扉
犬熟迎還臥鴉閒到自飛池邊鷄黍在何處羨甘肥
階前流水度花落讀書床壁瑩雲留影窗虛月助光
已餐霞作字仍以雪為堂彷彿臨皋下宵深夢縞裳
廻塘深柳氣閉戶領殘春桃李窺行客溪山昵酒民
識高應任達道在莫辭貧吾亦幽栖愜陶潛作比鄰

過學公禪室

為訪安禪處知師靜者徒杖陰隨日轉山勢倩雲扶
性定依羣虎機忘狎眾麋蒲團雖大地卽此是良圖

展湛如師塔有懷

下拜俄然泪塵情媿自繁身亡祛幻相道在悟諸魂
雲壑留真氣風幡憶昔言靈光開絕頂列岫似兒孫

樵屯舟中望月

十四年前月盈盈感客衣天高村影定江靜水痕微
露欲沾空縞烟多逐樹歸鄰舟聞一欵驚起鶴巢飛

舟行由高安之上高即事

作客驚春晚殘花處處開波明却倒影山盡岸生苔
密雨鷓鴣潤斜風燕子迴暮天遙喚渡疑復于瞻來
怕聞盱汝信山縣獨行看荳麥村多秀魚鳧業摠寬

溉園詩集卷二

二十七

寒輕遊意愜流緩客心安幸此干戈際無歌道路難
斜風吹古廟似舞漢江鴉人語烟中草溪香雨後花
舟程紆澗石地力轉筒車却望垂楊裏陶潛或有家
篙師晨與夕困頓石磷磷漲綠今三月崖黃古四鄰
裝仍書在篋行有劍隨身所媿關河影蕭蕭十載貧

春盡日舟行喜晴

烟渚愁難霽江光曉乍開雨香餘草木雲氣象樓臺
燕舞村村柳蛙鳴岸岸苦子規啼更苦應為惜春迴

送李小有

草堂初下拜今日奈君何蘇圃霜前韭徐亭月裏歌

鬚眉皆想像文字舊摩娑嘆息來朝別愁添貢水波

廿年皆失意清淚落牛衣恨積乾坤老行兼雨雪歸
鳥寒南陸改鴉向北天飛惜別從茲遠山山怨落暉
遙聞君姓字隨詔下神皋海運私羊角天家貴鳳毛
才高宜鼎鼐主聖薄漁樵兄弟金門上麒麟未寂寥

吳起之馮中星攜具西紅閣薄暮泛舟同桂子

明期佳汝士

十載重來客川崑得友奇草香春後路樓影畫中詩
山盡逢橋斷雲歸覺柳垂醉吟還夕泛不為酒船宜
棹轉斜陽動村搖水氣紅篙聲欺淺石人面照羣峯

溉園詩集卷二

三八

虹斷干林雨鴉還五柳風河山同記取今夕暮燈中

送吳桂子介園

君憑南郭几一室領高深偶泛桃花棹相依竹樹潯
白雲搖斷壁紅日闕幽岑歸燕重簾外思元憶獨吟
入戶重陰滿溪聲渡板橋欲歸窺亂壑鷄犬亦層霄
山鬼疑相避素人似可招信行茶理熟又喜得泉遙
小窗烟不散片石自然安筍出應無次亭生亦有端
拜宜朝笏至悟見感花殘日夕幽泉裏詩情四壁寒
一徑入深竹沿洄復有亭鳥鳴貪古樹蛙戲亂疎萍
照硯崖分綠穿苔履染青淹留殊未覺花落遍前橋

不必深邱壑過從自一方山中千日酒潭上百花莊
塔影隨流水城陰起夕陽晚風漁唱遠幽興在滄浪
同下黃昏路烟光盡日私鳥眠驚語亂魚跳誤燈移
酌酒逢裴迥船下羨陂與君鷗浦約涼月待松帷
李青蓮過舟中詒詩爲別依韻奉答因憶沈青

嶼先生

世脫難爲士栖栖遂至今溪山悲對酒天地各孤琴
感舊棠陰重謀生研跡深中宵歌哭意寧獨爲離襟
豈謂天難問君才或已焉維舟燈共嘆烹鼎意同燃
賤久家增累才高嗜易偏期君深自保有日看遐鷺

漑園詩集卷二

二十九

秦淮送景周遊清源

先太守昔守是州故未及之

久作鍾山住胡爲更遠游別離傷在客涼雨幸宜秋
鳴吹占遺俗風煙伴去舟田文諸客散勝事在君侯
君侯天下士詩卷薄鷄林沈愛逢人眼清游作賦心
高唐歌或在稷下侶相尋倘過垂棠墅吾家舊日陰
病中芭孫時來省視感賦

族病秋難健憐余喜得朋獨愁護較似分痛艾如曾
鵲已填宵漢蟲多語夜燈最憐鐘後別遙夢滿金陵
發白門留別舒芭孫

我去君猶住悲看雁影稀半生愁共了三月病相依

旅食身多賤家貧客未歸應憐百里婦淚向伏雌肥
清涼臺懷古

高臺同一望人照夕陽多豐鎬餘亭榭陳隋舊綺羅
美人曾玉樹衰草失銅駝怪得當時烏城邊喚奈何

村病

萬里芙蓉闕歸歎且索居知希應貴我天遠孰憐子
課只供苓篋窮難送柳車歲寒矜此意冰雪自吾盧

園居水後垣埔花樹一一可憐北歸感述二首

病曳柴門杖兼旬始到園種花殘水厄亂草沒霜痕
觸眼非無主傷心未忍言虔劉雖造物還念舊時恩

漑園詩集卷二

三十

十畝俱寥落將無病較同閒塘乾映日衰柳獨吟風
旱澇嗟天意茅茨問上功可憐烽火候歸臥亦途窮
村居謝客喜念孺過省留宿

惟子嗟子病寒風獨宵來杯聽宵雁過夢約曉鷄迴
世幸存三益身堪賦七哀乾坤吾與汝寧獨爲憐才

聞士業被逮

保障如吾子依然古晉陽鴉音聞北道癡泣隱東牆
底事囚鸞鳳因之快犬羊可憐捫貫索夜夜漏奎光
無限脊令怨淒淒風雨傍萬人號楯陸九死付銀鑄
殼卵憂巢覆牛衣只婦傷吾家鄰孺子祠畔泣滄浪

明主亦何意嗟君宦苦貧
睢陽生報國新息謗由人
禍福憑元老狂愚罪小臣
匡時終我輩何計問全身

壽余猗叔七十

七十年來事端居世自平
性情山靜遠節序草枯榮
赤縣留文字丹臺有姓名
人間蕉鹿夢應爾獨長生
不須昏嫁卑烟壑娟幽姿
山霽時開戶花殘或賦詩
素心樵共識白髮鏡相知
聖代如君少真堪帝者師
閒閱古高士思君在燕林
松邊堅臥穩虎際獨行深
有子傳家學無官足道心
金門雖大隱寧與問升沉

將北行送別宣州唐芥癸四首 釘三

漑園詩集卷二

三十一

五月東湖水披蓑荷兒尋
半窗梅子雨三笑虎溪心
客味經寒暑交情問古今
青天見鴻雁忍作別離吟
可堪賓主意俱作去途看
僮僕羞同賤關山怨早寒
永談燈累燭欲別酒須乾
羈旅吾生事寧云客路難
青門燈後夢十載敬亭山
未是看花意重分落葉間
霜鐘孤岸影烟棹各溪灣
幸有詩篇在琴邊共往還

蔡賁服明府奏景

高安山水地之子雪爲堂
世盡歌鴻雁天今下鳳皇
筆花香案牘園草隱桁楊
歲歲過靈雨彈琴滿夕陽
今時難作令君獨冠羣
賢人自中郎後名同渤海傳

民勞紆菜色邊計足狼烟
却羨艱難際村菴較熟眠
十載東湖上閑門自荷鋤
午常拋織屨鄰共識干旛
揚草蒙相問潘花望有餘
紅雲鳧漸近應傍野人居
文人稱茂宰風致近何如
飽僅筠州飯懸猶錦水魚
棠陰追舊事磚影待新除
昔日三都賦重剛向石渠

將北征送三弟之梧州兼訊王稚玉司李

燕粵星霜異鴻飛各有方
陟岡今萬里分棹欲千行
漢殿侏儒粟虞封陸賈裝
此中崔字綠諸峒舊稱王
入春四十日雨雪快甚却書

春候村將老兼旬素積陰
雲霞天上失岩岫雨中深

漑園詩集卷二

三十二

桁濕淹朝澌床寒繡古鐔
溪農偕歎息不是爲愁霖
社鼓邛邛近東風只苦寒
野翻干樹吼雪變五花看
簷雀栖難出沙鷗夢未安
春光行及半何處碩人寬

昌邑

哀王今已矣尙錫野邨名
草際無遺殿耕餘見古城
栖栖憐暮鵲歲歲換春鶯
過客休相吊麒麟畫亦傾
余自戊寅以來三度匡廬
俱以臥病舟中不及

瞻眺善病殆未有如余者矣作詩一首

三年三過此負病失匡君
局影窺峯日含愁付水雲
嵩巒雖照面鸞鶴恥同羣
五老終相念松芝向此分

清明見諸上塚者

王孫青草路遙映白衣冠寒食今朝近春傷客裏看
杏花烘日暖柳絮點衣殘多少中原地烽烟上冢難

再夕宿梅湖三天逸閣憶昔遊今十有二年矣

十年重到此三徑似相憐舊石猶當面虛闌且並肩
花幽私洞空賦就欲雲烟尙憶登臺夢春溪釣影邊
幾夕眠深漏依依月在樓語多驚宿鳥光欲上牽牛
宇宙才無盡河山氣可求敬亭吾與爾相對共千秋

玉方亭晚步

派劍蒼茫意空亭對影看雨香交水石天色照闌干

既園詩集卷二

三十三

作客春無賴還家夢不難官厨烟易冷荒飽媿晨餐
暮色城陰下軒楹四面開燕低邀客語樹倒觸簷迴
落目鴉千片停雲水一杯却疑歸太僕無字綴蒼苔

黎美周南還已至京口問予在廣陵拏舟徑造

相見喜甚鄭超宗移酒夜談席間有作

感君京口路重繫廣陵舟芳草知同怨瓊花欲並求
莫尋隋帝趾如上仲宣樓珮劍何離襪相看共蒯猴
送子金臺去春風事渺漫擬從天上見又向客中看
話久緣情劇裝多慰裕單摠添高瑟怨絲肉未能寬
金美人善歌管佐酒

座客多湖海他鄉與故鄉病逢勛倍藥時子病河快
聚夜頻觴主聖羞同賤時危忍獨藏壯行多事業莫
遣負韶光

此夜難同月羈心淚燭前逢君橋四六歸客路三千
南北村村柳涼喧步步船英雄古多事只是解相憐

五日鄭超宗佳要堂集分憐浮二字

丈夫難得意節候易生憐幸有同心侶俱停異國船
穿波思洛咏門檻憶隋年何必湘纍怨吾家句舊傳
聞說邗關外簫聲亂碧流如雲追殿脚照日聚江頭
枕席鴛無賴菖蒲蟻自浮可知多病客花月負揚州

既園詩集卷二

三十四

既園詩集卷二

概園詩集卷三

七言律詩

南昌 萬時華 茂先

上藍寺閑居

蓬鬢蕭疎狎竹冠
落花風老過春寒
陰閒鷓鴣僧依
樹雨送蜨蚰鶴
在欄晝煖蜂穿窗
窈窕愁多人異竹
平安每從羅幄披
前史衛霍功名不
忍看

道中懷徐念孺兄弟

湖上長橋浸斷虹
君家舊宅水雲東
淹留盡日盤滄
共禮數頻年簡傲
同霜後苦吟悲璞
鼠燈前離語雜

概園詩集卷三

豫章叢書

蟄蟲蒼茫古渡今
何思紅樹青山落
日中

過筠州投贈廖鍾華

知君吟瘦古城邊
細雨疎燈夢十年
門外溪流延皂
蓋座中山響蒼朱
絃投書渚近稀傳
素載酒人過問
草元今日茅齋初
下拜相逢蓬鬢各
凄然

寒夜寄訊雲將

竹烟亭下夢踟躕
病後文園想著書
一月山城疎酒
盞十年風雨共寒
廬紙窗炬冷人如
雀幸舍歌闌客
有魚家訊每逢偏
念汝眠餐珍重啟
函餘
人家如住瀼西頭
無數青山入戶稠
古石松根迴瘦

馬斷橋人影渡寒流
風多晝起眠鷓鴣
夢烟冷冬添舞

鶴愁近覓桃源無
可問卜居今欲傍
林邱

棠溪公館同舒芭孫
夜酌二歌人佐酒

野館清宵倦解裝
材名猶識舊甘棠
松鄰古屋霜華
淨虎印前溪月影
涼寒入短裘連大
白人翻新譜自
宜黃酒開宜在嵩
山道並出車門夜
未央

雪霽夜集沈青嶼先
生吳知堂時立春
前十日

雪液山城鼓角幽
堂前雙樹月初流
豈能授簡同枚
乘何意清尊對隱
侯官况冷分鸚鵡
盞客心寒盡鷓
鷄裘不須十日占
春事桃李春風已
上頭

概園詩集卷三

三

江行值大雪

柔櫓輕簑盡作淞
風驅滕六餞餘冬
縞連地肺吞青
雀濕唾天膏戰白
龍剡曲山川迴晚
路蔡州鵝鴨靜
寒蹤高人雀夢梅
花冷今宿孤山第
幾峯

元夕雨中同李次飛
舒芭孫集文來宗
侯宅看

梅分情字

東風共惜遠遊情
有約籃輿逐暮行
案戶已知星乍
合倚樓難望月孤
明燈圍柳市千門
影茶作松崑五
夜聲坐對梅香疎
雨後留花知爲鬪
春晴

生日道中有作

驅車春曉下平原
新柳疎梅江上村
出爾濃烟秋滿路
今朝懸矢正當門
捫心轉爲無君熱
有舌卽從問婦存
三十六年渾浪跡
一尊山店向誰論

歲歲生辰對薜蘿
今年又向客中過
違親尙似傳柑共
憶女難忘戀膝多
烏外溪山眉霧雨
江邊茅屋老漁蓑
驅馳楚客行官道
襁褓東風奈爾何

沈青嶼先生戴星亭落成時崑銅在侍

吏事年來只戴星
官餘又構讀書亭
春添花解添精舍
雨遍桑田及小橋
郭後青山當酒落
竹邊黃鳥破寒聽
移栽只問河陽種
看共蘭香綠滿庭

漑園詩集卷三

三

題黃氏節孝册

誰司青簡筆如杠
孝子貞妻艷此邦
地下舞衣魂作伴
塚頭鴛影婦仍雙
春風家廟悲芳藻
夜語鄉人話短窗
天上英靈總何處
芙蓉城畔想朱幢

雨行却懷芭孫崑銅作

新樹啼鶯高下聞
春分三日斷微嚙
奚囊盡飽千峯雨
詩思頻添大澤雲
綠引草香鷓鴣夢
白知嵐護鹿麇羣
瑞芝亭下遙憐汝
嗔對香爐晚共熏

壽聖山

古寺經臺半已荒
寂寥鐘磬竹間房
老僧蛻去空花

盡學士名留野草香
檜柏成陰巢鸚鵡
莓苔隨路散牛羊
土人不說當年事
惆悵春風靜海棠

曉發

枕上溪流五夜聽
行人數起望春星
出門雨掠鶯邊樹
渡水波搖馬首鈴
宿霧盡盤陰不散
前溪頻失路曾經
山家楊柳垂垂長
尙俟陶潛舊日青

道中喜霽時歸壽家大人

老陰迢遞鎖寒程
雲蕊初芽放小晴
樹樹飛花兼鶴舞
村村靈雨著牛耕
遙山半露炊菴影
曲隧爭喧濕布聲
歸興倍思春酒熱
心隨沙雁過江城

漑園詩集卷三

四

上已有懷社中諸子

今日山陰興未降
獨餘修竹翳疎窗
坐添晴晝桑陰薄
立盡高空鷺影雙
好女挂巾歸佛院
仙人捧鏡出秦江
遙思兄弟章門上
日暮桃花泊小艘

羣鷺

白鷺羣飛晚日斜
孤村萬點共寒鴉
簷頭壘結聲難譜
樹底雲流影半遮
有客淒涼堪作伴
攜兒容易便爲家
細看樹羽晴飛雪
時盪輕陰照落花

羣鳥宿齋樹夜聞惡聲澳而賦之

磔磔重雲老霧中
治長千載譯難工
燈寒薜荔號山

鬼巢寄雲霄欬老翁未學九苞依律呂聊因雙宿話
雌雄鳥言笑比陽山道□□依然習上風

送張韜之歸晉陵

林花千朵濕猶寒急雨新雷動夜闌到縣看山聊共
醉詰朝送客暫爲權鄉心與雁歸同遠別路如春去
不難坐盡西窗花底漏魚腸三尺共誰看

懷喻仲延

思君湖外踏歌行湖畔三洲日夜清別惜流鶯先夏
老愁連芳草過寒生青萍十載花前夢綠酒孤城雨
後晴道似龍蛇共惆悵故人天上笑疎榮

漑園詩集卷三

五

寄朱堅白王孫

一春無賴閉空城芳草王孫少送迎短榻晝眠醒語
燕小園朝步聽殘鶯陶潛古縣仍看柳徐孺孤亭舊
濯纓憶爾清吟香徑裏花飛紅似雨中行

招山曉發

驛路新蛸昨夜聲溪藤邨樹染初晴青知遠水浮天
去綠送籃輿盡日行細雨夕沾禾稊足涼風朝下葛
衣輕難忘醒後燈花落惆悵聽鷄誤月明

同社集喻京孟湖上

梅雨朝朝壯碧流東湖南畔指三洲幽人洗硯雲爭

避好客移觴鶴並游詩入性情嗤畫虎坐皆閑止不
驚鷗白蓮散後重開社十八賢中有此不

奮戴叔度

戎葵花滿坐高樓小巷深泥過紫騮寶氣入檐分綠
字德星臨夜帶吳鉤會當暑月銷寒夢話到新知理
舊愁可惜空城坐春草虛廻訪戴若耶舟

哭四姪鼎大祥

山城細雨總無端憶爾慙留淚不乾秋墓已能深草
樹朝晴尚進舊衣冠魂悽故院三年別婦泣孤兒六
月寒最楚空牀頻入夢行藏猶覺共悲歡

漑園詩集卷三

六

七夕後二日壽朱上猷

宜豐縣郭四山圍君到山中稻正肥座有朋尊供繫
矢橋餘仙石尙支機桐陰蔽月分疎檻漢影窺人下
短衣今日相逢孤笛在清宵一曲鶴南飛

芑孫七夕殤子遂滯來期兼寄詩有一榻雨晴

燈之句

相知哀樂遂難分書到秋兼綠字聞愁汝泪看烏鵲
影居山情入白鷗羣坐偏衣袖三更月步歷階庭幾
樹雲一榻雨晴燈共對燈花今夜獨思君

落葉

西風日日下林邱萬樹飄殘泊隴頭影學孤臣初去
國命輕思婦怨登樓白雲細入郎當舞漾水低邀照
淡愁今日傷心供奉句別離仍敬敬亭秋

青山紅樹雁行齊又見關河烏夜啼漢月影隨飄虎
斷邊霜乾助落聲悽三更破夢連刀尺千帳驚寒咽
鼓聲俱是飛蓬俱是恨洛陽城裏玉門西

春渚飛花已自傷亂雲秋點益倉皇蒹葭氣冷搖秦
岸荷菱香銷織楚裳惜別空林時作雨禁寒昨夜尙
爲霜可憐已逐宮前水猶寄閒愁出上陽

春風意氣未消磨猶向疎空戀舊柯曲磴盤飛兼鶴

漑園詩集卷三

七

舞中林碎嚮識猿過性情有限秋同積節物無私晚
較多何慮愁予真嫋嫋微風初下洞庭波

寄張元逸

花裏千官早散朝羽林重拜舊嫖姚大黃欲射月支
落太白先從禁衛消軍吏盡迴天子轡征衣朝出尙
方貂故人吹笛東湖上憑畫麒麟慰寂寥

送熊羽人之官文昌

客居尤愛水爲鄉片片秋光冷夕陽倉頡書成時作
雨雲卿蔬老盡經霜一江寒蓼明朝共萬點飛鴻別
路長獨送孤帆海天去梅花疎影照文昌

羽人古
篆時寓雲

卿蔬

別宋上載

臨水將歸宋大夫歸舟江上宿菰蒲天清鶴雀看來
往潮落魚龍乍有無鄉夢秋迴衣漸授離心夜折酒
頻醅明朝亂葉西山道愁指輕帆大小孤

送趙學師遷教大理

章門萬里點蒼烟寒老楓丹買去船朔筌幾年齋席
冷生徒兩地主恩偏豺狼蜀國歸難問芹藻滇池暖
或鮮此後依然授經處一枝銀杏聖人前

師居廟左
簷際銀杏

漑園詩集卷三

八

荅舒管生過訪不值見贈

臘雪今年破草萊小堂無分爲君開寧親晚泊筠中
棹願侶重登江上臺沙遠江天初起雁晴熏官路半
舒梅思君獨泛寒流水辜負山陰昨夜迴

泛海

萬里風迴海若游笳音簫鼓疊中流重輪日馭開莫
莢八月星槎上女牛水氣倒連蛟蜃宅烟光疑到鳳
麟洲如今聖代無方士羞說三山事可求
鬱鬱中原王氣新一杯東海靖波臣詔傳官闕飛丹
鳳節擁樓船狎素鱗鯨舞樓臺天似雨波吞溟渤島

如蘋遠思簪笏從容地廻指扶桑覩紫宸

頌詔禮成

漢室威儀屬國多前星光引使星過千官虎拜非綿
蕞諸道鸞唵滿薜蘿合殿爐烟籠寶炬拂簾花氣上

鳴珂東藩日月長麟趾稽首堯天海不波

旌旗百道印朝暎夾路衣冠奉至尊歲偃鯨波歸列

祖天開龍種識文孫水光變現龜鼉出山勢參差錦

繡屯四牡作亭仙署裏箭韶今日似臨軒

箕子廟

枯柏陰陰鶴影涼廟門花滿閉長廊家懷伊洛非吾

灑園詩集卷三

九

土魂繞河山此故鄉散髮泪猶悲黼冔關心人自薦

衣裳海天麥飯無周粟薇蕨春風笑首陽

箕子墳

王子高墳東海濱野田芳草四時心一环雨暗周京

淚萬古風生陸海塵絕域春原仍秀麥祠臣歲祀尙

羞蘋應憐舊國魂難住故故花飛逐漢臣

公讌酬國王作

華渚虹流薄海聞躡留尊俎坐中分芝泥遠送殊方

喜蘭酌齊沾大雅羣五夜客能歌湛露三山人共賦

凌雲相看玉帛車書後日下應占五色文

蓬瀛縹緲望神州大國賓筵共唱酬北極傳宣歸使
者東方總領屬君侯皇華四牡存周雅烽火三韓尙
杞憂共有同仇袍澤意不妨尊酒暫淹留

送姜居之奉使朝鮮

波生南浦沼初蘋太史風傳四牡新禹甸清明虹在

渚箕封歌舞日重輪聖書遠靖馮夷窟袍袖先香故

國塵共指題橋當日客朱顏白玉照行春

送樊致虛視學浙東

王程柳色媚春堤竹箭東南就品題造士九方多驥

足之官二月聽鶯啼吳山拄笏看天竺禹穴探書上

灑園詩集卷三

十七

會稽今日文章高象緯十年桃李舊成蹊

送美叔

沙團鴻雁雪初消叔也津頭問小舸鳩出野橋人語

亂柳拖江岸客魂驕孤山鶴定看題雨三泖花深憶

聽潮我獨蕭條更何處月明西縣坐吹簫

過筠州

兩年車馬筠州路又聽春陰喚子規烟覆古城聞畫

角雨生寒店颺孤旗鷗邊綠水名蘇渡柳外青山似

未時寂寂綈袍來往客藤花深淺費人思

送阮生同一齋上人歸里

草長鶯啼花亂香我來君去益情傷家鄰荻港春移
棹坐憶犀軒月在裳作客裝分棠樹綠同僧杯渡水
雲蒼牆邊日夕桃成雨正是天台送阮郎

雨坐

杏花榆葉滿林飛匡坐寒生客子衣筆硯自陪鬚髮
改山川不學歲時非亭邊細雨兼愁落江上孤鴻與
夢歸重理隔年牆畔句綠肥紅瘦總依稀

秋日山行

日盪西風楚客行青山無盡白雲生花紫野草時沾
秋荇老寒塘欲染纓僧梵微聞清古路歌鐘漸遠背

澗園詩集卷三

十一

重城捫天欲繪高涼意北燕南鴻似送迎

讀書龍沙同家弟風后

古寺長廊共閉關蕭蕭紅樹倚愁顏雨聲亂沼荷輕
重風力穿林葉往還蝴蝶夢銷歸白社蟹盞杯冷對
青山弟兄俱有安禪意亭外疎鐘杳藹間

龍沙九日呈湛公

郭裏重陽郭外行風生古寺袷衣輕亭陰倒日龍沙
靜江氣籠天蓼水清向客籬花今日酒感人汀雁去
年聲茱萸坐上看誰健稽首師前悟眾生

春盡

烏皮几老簞紋漪漸過春前未有詩葉暗啼鶯花盡
後竹香歸蝶夢闌時馬蹄竟日箋猶誤雞骨經寒病
自支近閉閑門行步懶城隅頻負老僧期

送陳士業試南雍

君到南中識太邱石頭城畔指仙舟菰蒲水長人初
去荷菱杯香醉乍留碧舫漸同鷗鷺遠青山別有管
絃愁披裘送客聊相問車下逢君揖與不

送梁明府外艱歸粵

通國難延大父存一時哀涕似諸孫橋枝乍折南山
隩棠樹徒依北郭村載石五羊青筋疾扳轅百里素

澗園詩集卷三

十二

車屯老人星失郎星遠愁共春原雨泪繁

送熊伯陽

亂絲經天帶曉帆江陰千樹老鶯酣杏花樓在文無
害芳草洲廻別未諳五月荷風吹短棹六朝煙雨待
朋簪相期橙橘歸來候鳴鹿秋聲護碧驂

送沈崑銅

四郭青山盡照書瑞芝亭共月痕疎杯香坐歷三年
樹岸勢濤分五月裾汲水僕魚兼白小品花抽韻較
黃初魯明江外潮聲遠後夜相思獨掩廬

送喻有功之宛陵

驛路西風感別顏君行遙指敬亭山彭郎雨色青谿
外楊子江聲碧樹灣十載粉榆人驟遠一天鴻雁意
相關客中雲物生高興攜得驚人謝句還

送楊去浮歸吳

章門十里石頭津津水初生出送人間樹蟬聲新客
路當筵榴火照行塵碧雲更誦君家句紫氣今辭谷
口春到夜南風吹夢去小孤微雨獨傷神

秋夜

亂竹疎窗月有波片雲孤靜奈秋何人寒小砌吟蟲
碎鐘韻中庭積葉多芳草半階供澹泊種桃雙樹已

澗園詩集卷三

十三

婆娑西風簷外生高吹似爲深愁下薜蘿

丁卯秋闈日廬居述感

薜蘿空堂結晚愁曲欄微雨坐窮秋靜聞果落驚殘
瓦臥數啼鳥過小樓六罷鄉書終絳灌再違親養欲
巢由輕肥莫更憐同學獨理西風釣客裘
空階閉戶百蟲聲淅淅寒蕉夜獨行欲託詩篇聊玩
世翻思鍾鼎亦勞生十年悔夢龍池柳八月遙聞鹿
野萃今夜牛衣應共濕蓮花漏水伴疎檠

梁明府去思冊

三年鶴步繞鳴琴壇石蕭然冰雪襟作令佐餐惟白

水羞人歸囊滿黃金栽花縣雨留春氣馴兔苦風起
夕陰城畔垂棠廬畔柏嶺雲南北共傷心

朱禹卿齋中分賦得銅雀祝

銅雀春歸草樹荒高齋硯出舊鴛鴦重鱗向杏千門
月薄霧今寒萬杵霜玉色暈合餘楚潤漳河苔老雜
泥香與君同賦高臺怨舊物淒涼更斷腸

秋日集劉士雲半舫齋同羅文止吳逢因揭來

遠蕭次公茂遠劉叔度楊內美家美叔風后
老桂吹香滿四鄰名園秋靚晚留賓鴉啣野色藏高
樹鶴印池光擾細鱗閣有青藜圖史靜人皆白社往

澗園詩集卷三

十四

來真欲知歸路深相戀明月分燈照影新

送鄧左之游毘陵

鴻雁南飛君北行憐君鍛羽更含情霜沾古路衣裳
薄日照寒江浦澈明匡阜雲多詩骨健泖湖尊老客
愁生蘭陵已是他鄉酒更盡尊前唱渭城

送沈青嶼明府入覲

三年旅食公孫閣今日看廻北道鳧紅柿滿林參絳
節黃雲匝地照青驢圖書裝冷官如水井收恩深眾
有禱別酒乍傾懸榻里晴添鴻漸起寒蕪

燕子至

東風澹蕩引簾鉤燕語雕梁數舊遊墨帶香泥今昔
夢檐翻宿雨短長愁江邊蹴水稍頻皺閣裏逢人線
尙柔十里濃陰春社近憑將花信問鳴鳩

江上草堂觀漲寄念孫巨源

春江夜漲曉船開隔岸浮山水一杯門外柳眠拖纜
小洲前鳧沒畏沙顏漁人曝網晴難下稚子乘流晚
却廻如在浣花溪上住白鷗分席已無猜
幽居坐見水痕平幾尺新添可濯纓樹隔孳音青嶂
杳岸搖村影綠波明飛花浪逐蛟龍氣芳草斜連鶴
雀聲因憶湖邊徐孺宅萬家烟火醉春鶯

澹園詩集卷三

十五

春日閒居

門外風多亦嬾行遙遙舟楫浪前聲攤書入夢飛無
蝶倚樹成吟伴有鷺几墮芹泥知燕乳塔餘蝸篆覺
苔生關心只爲春花落腸斷籬邊故故輕

送吉人遊廣陵

倦郎初泛廣陵槎爲惜吹簫聽月華水面夜高青雀
舫烟篷朝出白鷗家隋堤鶯煖初窺柳顧渚人來正
及茶二十四橋題玉蕊曲江應計醉瓊花

滕王閣雨中春望同吉人賦

東風吹雨畫冥冥又倒微陽浸畫屏洲隱落花微斷

線山拖遠樹半浮青帆催古渡晴相亂唱發漁舟晚
自聽帝子朱簾歌舞盡祇餘鷗影濯雲汀

晚渡宿江上草堂有作

僻居爲愛少逢迎向晚中流接棹輕幾樹疎鐘聞古
寺一村啼鳥背重城殘陽立馬孤洲影亂水求魚隔
岸聲今夜草堂花氣煖橙花香裏坐天明

春暮送人遊大學

誰分俎豆宣尼座君到成均始廓清芹藻香新周太
學衣冠氣長魯諸生青皇駕去村村雨白下人來樹
樹鶯明日蒲帆江上落鄱陽遙指灌嬰城

澹園詩集卷三

十六

送舒芭菴赴沈崑銅梧園之約

十年雨雪共寒榮今日扁舟獨爾行客路千山初泛
蟻離心萬樹怕聞鶯江豚水濶題詩勇岸葦風生振
舵輕憶對休文思萬楚梧園花靜月三更

過素園理雲將遺集悽然有作

五年未到竹間扉今日重來泪滿衣入戶舊經花氣
煖傍欄新見藥苗肥孤鶯嘯侶啼難住百鳥攜兒飽
自歸愁似隴山行路客上皇鸚鵡向人飛

千遍題詩百舉觴昔時風雨共閒房藤陰尙覆攤書

屋樹影空搖看看竹床憶數春花紅在樹或眠秋簟碧

爲廊相如狼籍多遺草寂莫文園泣武皇

送劉士雲之虎林

靈鷲峯高晚寺孤南風吹雨下西湖人多岸上調鸚
鵡客到堤邊聽鷓鴣樓閣酒殘傷日暮琵琶歌軟倩
烟扶劉郎去是桃花後應望天台滿綠蕪

送余小星

去歲君行螺水清今來又指越王城雲生古驛逢人
別日上空江照客行烟棹詩成消暑倦溪田夢遶緩
朝醒多情莫過傷心地西子湖邊晚黛橫

劉老壽詩

溉園詩集卷三

十七

桃花千澗小春紅今日升堂酌酒同冠履百年真瑞
國子孫三世引華風岩邊白日隨鳩杖屋外青山起
鶴叢桂樹欲歌招隱什劉安雞犬在雲中

送羅紫虛之官龍岩

七月之官海樹邊江沙十里尚鳴蟬花生鳳驛團征
旆水拍魚梁照別筵到縣清心秋似月臨關異氣曉
爲烟近傳綠浪鯨鯢遍賣劍憑君臥理賢

送涂伯聚督學川中

新朝抗疏動明君北闕因勞諭蜀文蠻部正當鼙鼓
定師儒舊已斗山聞葭沾別路秋江雨猿避官輿曉

峽雲城號芙蓉花尙在今看桃李共氤氳

冬夜訓李復初見懷之作

長卿多病復長貧木葉關河望所親千樹晚雲橫鶴
嶺萬重寒雨暗龍津記年久斷他鄉信問業同悲聖
代身冬夜傷離燈火靜疎窗花影倍愁人

南樓同坐萬松冥尙記疏窗水青亂葉霜天書乍

到浣湖秋月夢頻經燈發鼠婦寒相近人遠鴻賓臥

自聽更讀新詩過永漏幔亭雲氣到疎櫺

江上送蕭伯玉之京

十年窮巷陰符篋今日相逢湖海心鹿弁影敬聊偏

溉園詩集卷三

十八

仄鷄墮人在各升沉江邊酌酒鷗鳧冷雲後看山虎

豹深尙欲同君燕市醉五更鳴哨夢華簪

閣前流水坐寒烟離別安危共惘然鴻雁影多分荻

浦豺狼聲盡歎桑田燕山陵闕開明主吉水衣冠屬

後賢共喜故人天上步太平風物媚貂蟬

送張異卿兼訊陳道掌

霜天黃菊滿城秋菊裏逢君動遠游門外蒼崖隨去
路席前紅葉照行舟離看五夜天河大夢入三山海
樹稠君過元龍樓上客憑欄莫賦仲宣愁

寒雨李仲章錢元馨旭堂夜酌

菊裏逢君秋色遲
卮深夜倍淒其
安危萬歲嶽山
夢時諱崔魏涕淚三冬錦
里詩寒欲據床
依睡鴨貧
難邀客飯蹲鴟
十年兄弟燈前
事凍雨蕭蕭響
暮枝

歲暮

歲晏天寒瘦日光
坐深詞客冷衣裳
小門人靜梅花
發獨樹雲來鵲
影藏笑索葦桃
供畫史貧惟橡
栗擁書床滿城
鼓角催年近回
憶兒時淚幾行

元夕與陳浮長坐月

浮長嶺南人善畫

雪霽輕寒裊未蘇
披裘同問月明孤
梅花冷落隨深
淺爆竹生烟半
有無三匝鳥棲
搖凍蔬一庭人
影坐

漑園詩集卷三

十九

冰壺歸眠莫攪羅
浮夢細榻章門士女圖

春日登畫樹樓

章門寒水綠於苔
畫樹樓前去不迴
拂袖雲花依檻
落卷簾山色渡
江來沙邊臥柳
衝朝雁棹裏聞
歌和早梅秦史
簫聲今縹緲嶺
頭時有鶴相猜

送劉西佩爲尊相國存問謝恩赴闕

淺雲江樹裊晴暉
祖道東風雁北飛
蘆荻洲前開曉
纜芙蓉闕下試
春衣風雷天已
私黃閣雨露君
先侍紫薇聖主
從容問加飯百
花深處早朝歸

三月晦日雨中遲易寅初不至

遲君屢誤展雙扉
孤負春歸客未歸
柳葉寒多棧盡
亞竹根雲老笋
初肥滿園宿蝶
愁無語昨日殘
花怨自飛寄問
夕佳樓畔雨東
風應爲泣苔衣

送劉無譽南游

墻高不礙小鷺聲
夢裏聞君撥棹
行梅雨過橋寒
食路蒲風吹客
石頭城開闕酌
酒逢家弟出戶
牽衣慰阿甥爲
掃燕磯先待我
鍾山朝暮看雲
生

送吉人北上

酌酒江邊驛外樓
草堂因憶隔年
遊青燈醉共寒
星被綠岸廣殘
細雨舟柳色東
華迎曉步波聲
南浦動

漑園詩集卷三

二十

春愁燕山近報
真人氣太史應
占屬斗牛

陳學師考績詩

三載諸生近絳
紗先生門巷子
雲家鱸堂雨過
春多草鶴柵煙
圍午試茶亂後
之官經鳥道講
餘携酒傍龍沙
芹香掠盡看天
上官樹千層正
作花

將之白門留別念孺巨源

湖上編籬照水
斜對君仗劍復
辭家孤亭臥柳
春方倦去棹聽
蟬月又華菰浦
雲來思話雨榆
墩風起獨看花
秋登畫樹樓頭
望帆落應歸剡
客槎

舟夜

六月江聲暮亦寒
離心寧爲酒杯寬
洲迴宿鷺聲無
數山近啼猿夢未安
仁別鄉園非出處
不嫌羈旅識
艱難扁舟明月憐
幽獨五老雲生祇自看

舟中寄念孺巨源各一首

長夏思君住石河
萬山松骨翳修羅
枕餘虹見雲生
蓋讀倦魑窺月有波
家遠辛勤勞霧磴
愁多狼籍類
晴莎蟬聲亂咽
江邊樹斷續離心
奈此何
絲雨斜風別我船
草堂猶記共高眠
青山問路輕千里
碧樹分題又一年
兩岸蘆花深帶露
滿汀鷗夢半
隨烟舟行漸惜
廬峯遠更遠如君
益可憐

滄園詩集卷三

二二

樂磯

江外龜鼉拜古妃
午雲黏綠上樂磯
廟生涼雨蜻蜒
出旗滿靈風燕子飛
草氣無名侵野渡
蘆香不盡着
人衣富明橋畔初來客
遙祝鄉園一當歸

經太白祠下作

采石磯前曉雨昏
孤舟祠下拜王孫
魚龍波遠留眞
氣松檜烟多闕古魂
花落江湖趨建業
苔封山路自
開元風雲寂莫三
郎死地下新詩可共論

至金陵夜飲芭孫宅

記向秋風別季鷹
南風吹客到金陵
囊琴入戶塵猶

在尊酒他鄉意不勝
坐久話殘章浦事
更移挑盡白
門燈悲懽未審今
何夕漢影西樓漸可凭

七月五日憚回中友雪堂社集同李阻修龔安

治宋比玉郝子荆涂中發李仲章朱景同

美人開社雪爲堂
露浥蕉衫共晚涼
客到梧陰初下
月秋新桃葉未經霜
山河六代波聲小
陵闕千門漢
影長後夜更看烏
鵲羽秦淮羈思政
茫茫

黃太君雙節冊

嬰杵艱難女史稀
獨令生死共光輝
青墳死並鴛央
暖丹穴生看鸞鸞
飛夜雨魂香悲斷
梗春風鬼在泣

滄園詩集卷三

二二

殘機祇餘天上松
楸露雙照人間澤
雉衣

送唐元朴少宰還朝

當年作賦吏誰如
直借天曹返直廬
亂後星辰重聽
履朝還日月照垂
魚鑄京秋水難成
別講幄春風待
起子近日黃麻多
鄭重宸旒知望北
來車

莫愁湖社集分得樓字

濕露殘花滿石頭
美人去後客登樓
山川日澹疑催
暮楊柳風多盡試
秋蟬響半亭啼木
葉烟香無處染
筇篻繁華千古眞
愁絕剩得晴湖字
莫愁

萬樹荒烟抹素秋
中山第古風流亭
臺有主朝開

鏡環佩無人暮倚樓山月似留眉影淺湖光時蕩舞
波柔鯖盤已屬侯家宴欲擷江花吊昔游湖今爲魏國宗人樓

送蘇武子北征

西風作雨嫩寒生客路傷心送遠行桃葉渡長留萬
楚蘆花雁到別蘇卿黃沙北地防衣薄綠酒南中獨
月明愁爾曉程孤劍動鷄鳴山上聽鷄鳴

七夕徐季良大廷尉招集署中

鍾山山下白雲司元老忠勤聖主知一代風雷開舊
德六朝煙雨入新詩鳳皇臺畔瞻陵闕烏鵲橋邊共

灑園詩集卷三

二十三

酒厄授簡不知秋氣改梧桐初葉下清輝

七夕李沮修先生社集秦淮未赴即用社中韻

東諸子

風搖橋幹轆轤秋欲泛秦淮上酒樓節近星河添露
氣地經王謝見風流高空靜憶蘭吹濕明月孤看鵲
影愁惆悵人間蓮社事不如天上渡牽牛

寄懷陳仲宣

聞爾三年報政優甘棠郭外種陰稠訟閒夜對孤亭
雀農暇春噓萬井牛京國喧寒楊柳氣弟兄寥落棣
花愁秦淮雁叫桓伊笛彷彿衡陽月裏秋

賦得青鳥西來爲鄭超宗太君壽太君以七夕壽

會聞七夕承華殿青鳥飛飛漢帝傍桃實又傾王母
使萱華不老鄭公鄉縷穿涼月秋無限鵲繞明星夜
未央西望瑤池環珮影應隨牛女渡河梁

旅宿慈湖步大廷尉徐季良先生韻却寄

橋斷孤邨水遶門帝城遙望隔晨昏肩輿背日衫無
力別泪侵霜劍有痕隴樹寒聲鴉嘯侶牧人歸晚犢
依孫回思結襪殷勤地野店疎燈鎖夢魂

鳩茲訪沈又善侍御書感

清霜萬樹照苒苒驄馬歸從御史臺諫草在囊寒柏

灑園詩集卷三

二十四

影筆花盈膝點龍媒閑依壽母添新綠醉向門生倒

舊醅今夜燈前思往事戴星亭雨落花催

暫從休沐試幽探紅樹秋山晚共酣問字只多文士

籍題疏閒施老僧庵羔羊直節絃維五市虎疑人至

已三如此長安棋局幻書生無夢向朝參

晚步赭山同沈侍御

斜日高低引杖藜蕭蕭亂葉與秋宜亭邊樹老添鴉
宿天上雲輕借鶴支烟愛晚林江欲斷泉留古寺月
初窺東山珍重今游歷歸在蒼生病起時

雷伯石明府招同羅中魯沈崑銅集署中佳倩

陳天石令于榮子出侍

竹裏行厨晚散衙相逢雷令愧張華巴山話到西窗
雨蕪水看栽繞郭花酒印春潮頻得雉柝傳秋樹欲
驚鴉何須獄底求龍劍座上雙懸是莫邪

九日江上遇樊致虛先生同令弟純宇家弟起

先飲舟中是日聞辰州兵備之命酒竟而別

鷓鴣秋原况未殊他鄉他席共茱萸黃花不種江邊
地紫蟹同傾客裏壺節近湘妃星入楚帆開揚子夜
歸吳陶潛醉別還相屬憑問桃源事有無

宛溪舟中作

澹園詩集卷三

三十五

客星依露照蕪關宛水籠烟又往還魂魄秋憑紅樹
供精神天與綠波開昏鴉落陣同邪日岸草辭人隔
小灣却問郵籤餘更幾舟師遙指敬亭山

登敬亭山雲齊閣

謝山詩
明府重捕

空林鳥跡綴苔衣上閣羣松繞翠微萬井烟香迷苑
樹一簾溪影照漁磯庵殘劫火藏興廢人倚新楹較
是非今日題詩仙令在不須重憶謝元暉

石邊殘葉響秋山暫借山容駐苦顏白隱青林孤雀
走縑穿紅樹老僧還野吹入磬寒無盡遠色歸簾翠
自盤何處相看尤不厭敬亭深淺月明間

客中問生女

閨中嬌女復提攜玉樹香生種未齊占入虺蛇醒昨
夢書傳鴻雁憶初啼寒同落葉傷遊子春試靈萱到
小妻姊妹相看他日事絮鹽商畧待新題

夜宿永慶寺同梅太鴻蔡大美顏庭生沈字蘭

句淡溪畔古城隈野寺宵深共泛杯古道將盟先指
柏寒心欲逆未舒梅老僧擊鉢龍窺樹孤客舉帷雁
照苔可是維摩方丈室又勞天女散花來

留別宛陵諸子

鄉心離思共蒼茫疊嶂樓前祖道場兩月梅香供暮

澹園詩集卷三

三十六

鹿千林雁字照晨裝琵琶怨入三更月衣帶寒驚五
夜霜明日敬亭隨路葉車前萬點散斜陽

留別沈崑銅

屢失梧園夢裏期與君相見復相離關搖積雪難
唱路滿悲風葉易吹人向江東分縞帶春從渭北想
丰儀書生念亂逢今別出濕青山兩岸詩

留別舒芭孫

別子河梁我獨歸西風吹淚向斜暉章門家在人難
駐灞岸離多柳盡稀忽見弟兄分雁陣獨留妻子對
牛衣君今慷慨逢搖落莫歎傳經心事違

留別湯去浮

烟外蒲帆雪後程
惠休相送獨含情
人同沙雁隨潮遠
客指江豚拜浪輕
別酒半醒過魯港
離心與夢趁吳城
東牆歸見寒梅發
亂蕊疎花百恨生

卽事

百尺龍沙曉雨橫
歸心先度灌嬰城
邨鴉送客羣相亂
岸草隨舟路不明
薄酒御寒吹易醒
題詩澆恨夢難平
參差誰和風前笛
日午天雞斷續聲

泊老龍池與士業對酒

子挾燕丹易水風
老龍池上晚舟同
君臣話到安危際

澆園詩集卷三

二十七

際兄弟交深笑歎中
漁火吹寒蘆鶴影
榜歌停倚蓼花叢
終宵酌酒關情事
月落烏啼上有楓

送陳浮長同羅郡丞北上

軍聲腊月下江潮
書寄翩翩驛路遙
壯氣寒乘風力健
離心愁見雪痕消
令嚴虓虎過淮蔡
客笑疲驢上灞橋
醉折梅花時勸酒
無衣今日慰同袍

送趙千里廷試

時清明日

送客春風強自寬
柳絲無力繫征鞍
書生拜闕占恩重
故國逢人較別難
薄酒分飭寒雨過
離尊掠燕曉花殘
漢宮回望闔中眼
莫忘金泥日夜看

龍沙雨後訪李元卿疾兼呈湛公

草花香後鳩啼先
出郭因尋半日緣
客挾堯峯松外雨
鳩呼寒食柳中煙
閑聽開土無生偈
靜識維摩示病禪
三笑孤亭分杖影
虎溪疑在小池邊

龍大酉山人別十九年矣夜飲曾子冲宅話舊

事有感

覽君鬚髮憶從前
今日相逢十九年
重耳車煩經異國
子卿旄落返窮旃
龍歸夜歇青尊雨
蟲亂聲殘絳燭烟
重說當時蘇小事
西陵松老恨綿綿

南州伎蘇二喬大酉嘗爲刻其詩以傳

澆園詩集卷三

二十八

雨中同蕭伯玉堯臣師貞訪伯開山人所居

與客同車獨樹邊
升堂如坐米家船
花生嵌石盆爲沼
書滿繩床屋幾椽
城角忽殘吹遂雨
柳腰輕瀉到門烟
輪君日日吟詩倦
五嶽披圖發古元

下第送芭孫之蕪江兼訊崑銅諸子

汨盡蘋花不自由
與君同恨別孤舟
貧多去國家難問
賤欲嫌身客未休
月照離魂生古岸
霜催寒信入輕裘
尤憐脫劍逢知己
江北江南處處愁

得衷道濱先生書却寄

十年不見鄭康成
春後開書動遠情
下榻未忘先太

守賃春猶憶舊門生夢經西峽曾看鳥人倚東風畏
聽鶯却問吾師高隱處月明溪畔釣絲橫

下第後送朗生之浙

欲向湖南理釣裘芙蓉無賴倚窮秋卜居人並三閭
怨去國君乘七澤舟黃雀晚雲迎到雁丹楓寒水照
輕鷗相看不獨傷離索沅芷湘蘭別有愁

送李叔三之燕江

春帆無數過疎林送客鳩茲岸陰杜若香生隨日
煖鳧鷖泛好落雲深暄寒候變游難定吳楚江連夢
易尋今日垂楊皆北向東風慣試別離心

灑園詩集卷三

二十九

同徐巨源過熊伯甘京山堂

時尊公壇石任南
司冠若谷任南廷

尉故有
末句

聞君春後足新詩相訪晴天倒接離病過殘花疎酒
社閑看小芰上荷池陰多午院初鶯睡香雜風簾細
草吹更向鍾山時北望白雲俱傍法星垂

送張元逸遊戎之任

驛路垂楊照玉鞍榕城鼓角舊登壇鼉鼉千里分籌
易猿雀三年惜別難雲裏河山高劔佩海邊單食遍
衣冠將軍去後無烽火銅柱烟消立馬看

招羨居之大司成集龍沙水亭同項從之家弟

起先

十年踪跡向誰論出郭尋僧破履痕寺外高沙團法
界亭邊流水似孤邨鴉啣野色遙催磬荷發池香欲
洗尊却笑清時蘇學士貧無腰帶施山門

五日再同居之從之起先集夕佳樓

倚樓江色照晴扉誰自披香殿裏歸舊侶故園分綵
線去年今日賜宮衣山光入戶當杯落雲影隨舟曳
水飛節序幾年同此會卷簾無語戀斜暉

送陳士言謁選之京

鳴贊書生只夢頻君今袍袖近星辰帆邊柳色搖銀
榜殿上花香待玉人放鶴春孤鄰社約聽雞月動早
朝身承恩好載尙書笏鍾鼎如今屬世臣

灑園詩集卷三

三十

寄懷舒初民山中

每到雲卿古宅邊圖書屋裏發朱絃洲疑三島初生
月橋落雙虹半在烟近愛猿公朝學劍或驚魍鬼夜
窺禪思君更向山中住藤氣留雲萬樹泉

至新吳招余猗叔

十年夢到海昏城今日期君百丈行夜覺桐飛疎野
葉邨多蟬老夕陽聲門栽松粒應千頃洞有胡麻種
幾莖定後不妨騎鶴出開闢又試郭中晴

上海昏城一首

司馬臨邛亦壯遊登城聊望海昏秋市樓幾尺藏危
堞天塹孤村出細流嘯虎含風山作勢鳴鳩添雨客
知愁年年禾黍耕殘後寂莫無人說廢侯

秋夕飲廖仲韶兄弟宅

十里秋陰散晚霞城西今識子雲家書窮西穴多連
屋客類禰園只供茶繞徑蟬聲迷檜柏隔溪雲影覆
桑麻因君盡載江淹筆絳蠶猶生五色花

同兄仲堪夜坐舒泰交池上

天澤池鑿自雙峯
先生舊池上有亭

翼然亭
亡矣

概園詩集卷三

三十一

天澤池邊晚雨吹雨殘秋影動漣漪遙山月到青無
了隔岸風多綠盡垂積水上林孤雀定新涼入草夜
蟲知躡躑共說雙峯事亭址遺雲繫所思
繞屋杉篁覆短籬過君疑在習家池菱鋪十畝同雲
暗魚戲三更帶露吹弱柳堤邊陶令宅浣花溪上少
陵詩歸乘白裕西風裏晚寺鐘殘月到遲

同徐巨源家弟登小孤絕頂

一柱孤危立素湍偶依晨槩泊初寒征帆亂掘龍鬣
窟縣郭斜連鶴雀灘窗閱飛鴻收楚甸祠分馬自
秦官峯尖坐據亭邊石不盡江湖片影看

客鳩茲顏庭生拏舟往造流連十日而去握別

凄然詩送之

感爾山陰棹晚移富明橋下泊舟時兩年夢隔春前
路十日眠同雪後詩霜咽斷鴻人並遠風將飛葉泪
頻吹他時倘憶連宵話燭暈銷寒坐古祠

客蕪江喜顏庭生陳龍媒自宣州蘇武子三弟

自金陵夜集

雪印寒星客在樓秣陵人並宛陵舟情多遍憶當年
事別久重添逆旅愁焚草獨留鸚鵡賦空疊拚典鷓
鷄裘天涯今夕成何夕醉折梅花記酒籌

概園詩集卷三

三十二

別寶峯寺

欲尋初地認朱幢又閱秋花過小杠半嶺棕篁深曉
塔干峯嵐靄變晨窗枝搖眾壑吹成萬鳥並歸樵影
自雙竟日山空無客到遊驂偶憇吠村厖

早春送七弟由恭之廣陵

酌酒江干弟與兄東風吹客廣陵城干村柳氣烟帆
動十里鶯啼曉岸晴梅裏詩魂驕水部杏邊經難送
康成不知何事關離夢昨夜池塘春水生

主日龍沙示哲師師與余同日生是日驚蟄

浩劫微生負世尊春池新見柳枝繁身兼俗諦因妻

肉業人多生在語言大馬何緣同佛日
筍蒲相供累
祇園人問此日知驚蟄自笑癡龍蟄未翻

送九姪之廣陵

迷樓累代傷心地爾獨傷心更此遊春盡出門初遠
道雨殘爲客上孤舟夢依白髮醒時淚飯對青山江
上愁莫向淮陰空北望如今無母識封侯

雨中同友夏士雲武子家三弟集夕佳樓有伎
夕未佳時夕亦佳入簾何必怨深靈山形隔岸煙藏
寺樓氣侵人雨上階春事陰晴花漸嬾游情消長草
俱老歸輿忽載朦朧月又照銅香散六街

灑園詩集卷三

三十三

晚邨卽事

虛堂盡日掩秋聲抱杖柴門又晚晴病骨未蘇因少
事詩魔相併只多情牛歸遠樹殘雲少鳥住橫塘細
月生坐聽東園溪叟話枯樺千片惱西成

八月十七日夜坐月

萬蟲聲裏惜閒年溪水淪漣較輞川露定烏棲深院
樹村明犬吠小池煙天河映屋今相避人影參花各
自憐何處一聲新過雁又傳秋恨戍樓邊

風雨前宵百恨生霜輪孤上愜初更短籬鐘度皆秋
氣遠浦魚多見夜晴步入野稭香在水坐分檐露濕

無聲強眠不覺移殘漏夢後紛紛尙月明

小雪日送嚴元開高晦如

別子歸同小雪天天風吹雁下江煙梅花已入初寒
笛楓葉多依向夕船乍返客星嚴瀨釣却思人日草
堂箋灑園多病添離怨聽徹疎春夜未眠

送喻孺孺游金沙兼訊柯周二子

南榮多病畏沽衣暫對河梁葉盡飛沙雁易傷遊子
聽江聲已減別尊肥西日落日當人遠北固寒潮有
夢歸寄語金沙梁畔榻周郎莫遣過從稀

送陳無懷藩幕遷秩武昌

灑園詩集卷三

三十四

梁榻何人舊姓陳兩年相見識前身公餘拜石禽多
狎署後栽蔬突未貧黃鶴磯雲迎去馬紫薇樓月戀
殘賓還思庾亮風流在應理繩床拭故塵

雪霽

雪蕩流光破早暉原田高下白初分潛魚駭日窺新
凍征鳥欺寒過小雲木落已無乾響墮村明時有鶴
聲聞更逢溪媪梅花畔應向孤山認鶴羣

上棋盤峯

石齒稜稜屐不分薇香花氣亂衣裙烟疑颺颺迷青
竹日困熊羆守白雲玉匣師存蜂作護紅巾毀塔時
羣蜂亂出晒

賊送 古杯人去鹿爲羣身如白鶴峯前住落子聲隨
眾壑聞

林居得巨源同等公湖上詩因憶春霽訪等公

泰定寺便過龍沙問海公病遂有此作

尋師杖策踏春泥門外羣峯亂綠西定水沙邊分鳥
跡維摩榻上聽鶯啼禪心參後依獅座幽夢燈前過
虎溪如殺榆墩狂客伴落花風動草香齊

溉園課樹

鄰老爭遺種樹方開園未就轉成忙長鏡過雨分泥
白小袖牽風冒柳黃乍買鶴田應減稅欲依鷗舍學

溉園詩集卷三

三五

爲衆溪邊來往尋春事花信朝朝繫客腸

送陳元水兼懷宛陵諸子

十年門巷共君詩愁向春城惜路岐小閣燕來深雨
後全村鳩滿曉風時行纔一劍先生伴坐冷干花少
婦思已念舊遊還送客梨雲今夜夢淒其

清明

坐殘芳草閉門煙人情春寒午未眠柳弱漸垂分火
後錫香又試落花前田翁畊罷迷金盃鳩婦啼多亂
紙錢歲歲斷魂應此際杜鵑陌上雨餘天

寄李山人

十載城西舊草廬火雲天上護羣書字窺倉頡池生
蚪欹笑馮驩饑少魚睡起不知芳草變詩成多在落
花餘知君夜識金銀氣更向春山賦隱居

同劉無譽家兄孟和步溉園作

園種蓬蒿徑未成爲貪清思踏莎行柳多伴水枝頻
亞竹愛新籬律漸萌歸犢隨烟成暮色啼鳩知雨作
春聲鹿門他日誰鄰近呼取閒鷗澤畔盟

春暮閑居

垣衣碧合蔓從遮雙燕歸簾日又斜側帽看天思昨
夢拂爐烹雨門新茶初黃半落蜂穿柳柔綠頻驚鳥

溉園詩集卷三

三十六

踏花今日始知春盡意輕陰多在野人家

三月晦日送韓姬命六長

春陰不肯住龍沙送客難禁滿路花暖過孤山梅影
大題經寒食柳烟斜干林盡送青皇轄兩漿遙生白
鳥家草閣星辰今夜望可堪雙劍失張華

賢士湖庄居見巢燕作

湖邊鷗鳥自相親燕子低飛亦傍人帶雨歸來喚未
了夢花醒後語難真主依貧戶安巢穩野拾餘糧教
子勤命薄不如王謝壘香泥簾幙護殘春

劉師貞詩至

野設帷堂哭未休河山真氣爲君收五朝諫草悲龍
種滿壁滄洲失虎頭白骨禪觀知久定文鴛婦塚或
相求年來天上修文事仙籍人間只姓劉指士雲
與君十月別清霜月峽哀猿兩斷腸是時予女阿茶
納阿簇殤茶
熟尙思談韻冷篋開猶擁墨痕香文章力大人難住
仙佛緣多死不妨萬點蕭園春樹發誰攜松子伴殘
陽師貞嘗言春二三月春浮園桃花海棠盛開萬花
始歸水色如燕脂嘗袖松子升許孤坐古石上日暮
始歸心魂如在
赤城霞氣中也

雲在堂偶成

逃暑秋尋郭外天清幽偏在小池邊燕知暇日占晴

漑園詩集卷三

五七

侶柳約輕風倦午眠僮懶倚床催搗藥病餘疎酒幸
餘錢西山無事閒相待共閱青林曉暮烟

溉園詩集卷四

七言律詩

南昌 萬時華、茂先

風雨坐榆墩與武子憶盧原父別

春水牽愁日滿海元君亭畔笑書淫飛花濕燕巢難
定芳草依人雨不禁風雨床連寒食晚曉昏鐘護隔
橋陰孤燈共憶來朝別銷盡年光是此心

送劉深公游吳越同阮子如

只為桃花恨未生春衫朝共阮郎行人當去路偏歸
雁樹入年光又聽鶯約客同登蘇小墓題詩看遍闔

溉園詩集卷四

豫章叢書

閩城教成妙舞翻新曲怕度陽關第四聲

榆墩晚晴同武子

古墩吹篴滿衣風杖倚開門幘子同雨過林光疑墜
綠日餘池影半舒紅新鶯入戶催花落亂鳴穿籬覺
水通惆悵不知干樹暝隔溪燈火祝鷄翁

送張純宇歸祁門

純宇向同徐若谷侍郎成清
浪春省待郎病來豫章比及
諸孤嘉其義詩以送之
是年純宇七十壽矣

處士星移吳楚分生持珮劍報徐君來參綠水干花
月歸卧黃山萬壑雲歲閱滄桑棋換世老貪松木鶴
為羣五溪人去愁難寄細讀猿聲夢裏聞

送周仲寧歸黃州

因君三伏浴新涼愁見驛車下夕陽風雅相看兄弟
社頭顧如此別離腸行經古驛鳩邊雨坐歷鄉園鴈
裏霜我憶周郎瞻夏口山川依舊鬱蒼蒼

道恒等可匡雲三上人赴齋

閉戶高僧偶見尋共披塵榻慰孤吟花餘檀度巷中
雨藤出天池寺裏陰閱世堦前忙萬蟻忘機飯後施
諸禽草堂欲問無生偈松竹深深古佛心

送楊伯祥太史冊封蜀藩

錦水開藩壯本支芙蓉城下御書馳關西夫子初乘

溉園詩集卷四

二

傳蜀國書生盡問奇兵火人思河內節山川和遍杜
陵詩相逢共話題橋事故國風流已在斯

九月十七日夜坐月四更遂作

殘更燭盡尚依闌只戀清輝就枕難未老預愁霜下
怯當圓頻記雨中看花痕入午叢分小鴉宿驚寒夢
不安萬古月明多少恨也知今夕恨漫漫

送喻京孟遊武夷

一月春風草半薰開帆遙拜武夷君囊琴夜宿平江
雨緩帶朝披大壑雲偈獻岩花千佛笑杖窮泉路九
谿分雙成更伴靈妃馭仙樂聲中共鶴羣
時全祐歲
菩薩女侍

粉姑護像入山苦
薩闍摩氏女也

孟春二十一日放生會呈牛公等公

山氣霾雲日有端試將空色雨餘看沙邊祇樹逢開
士座上拈花現宰官初地魚蝦知水樂傍人鷗鷺覺
天寬江湖此際規羣動不似人間行路難

牙背爬次元人朱子虛韻

滇南象齒散嵩花像出雕殘瑩少瑕漢殿掌孤盤有
露首陽拳老蔗初芽背多餘癢羞參良爪學真仙不
姓麻頭白將軍恬夜卧慣將清事付兒家

送唐別駕督餉南京

漑園詩集卷四

三

金陵昭代古關中轉餉誰先第一功雲罕五鹽初近
日霜帆千里又乘風鼉鼉秋老軍儲壯龍虎江蟠王
氣豐花月蔣山吟望好休遲竹馬喚兒童

秋日登滕王新閣次大中丞解公韻

西風懷古易生愁楚客年年宋玉秋江隱靈蛟酣異
氣山尋舊鹿想宸遊霞光射岸村啣照雁影歸潭水
並流恍慨書生當聖代忍將漁遂起閒謳
登高簾影護崔嵬倚檻新乘閣道廻鶴嶺雲浮仙異
代馬當風送客多才魚龍氣挾晴空遠蛺蝶人疑夜
月來最喜兵荒銷卧理萬家秋色淨樓臺

潦水寒潭記昔遊重樓新榭又逢秋閣分吳楚陪黃

鶴人對湖山穩白鷗楓照干林明遠寺沙廻萬櫓見
歸舟愁聞直北多戎馬慙負江湖聖主憂

中丞今日賦靈臺會試春燈賜醑迴章水抱欄初展
鏡董家新碣不生苔洪厓木葉驚霜下書渚煙邨向
晚開八月江樓秋色滿飛濤疑自廣陵來

甲戌閏中秋微月宣城方元甫濮陽文伯華亭

朱宗遠白狼朱榮公新都閔承升匡山道恒

過集

六街宛轉護層煙好月迷秋亦自憐初賀輪重莫葉

漑園詩集卷四

四

外却憎兔隱菊花前高城木落催霜杵小墅蟲多聒
露筵君輩天涯同薄醉一尊分對故鄉圓

送朱宗遠歸華亭

先生幽夢續江淹勝事華亭一代兼清入米家同是
癖才多朱异笑稱廉鷗汀岸到思驚坐蝶閣帆開獨
下簾惆悵鱸魚秋便好離杯容易釀愁添

滕王閣送朱夢得拜官北上

東風樓閣慰同人細雨輕霑別路塵春共辛盤初結
侶杯殘午夜暫留賓世從子駿思中壘帝念襄陽得
友仁珍重朝家鍾鼎事十年今已付宗臣
鬱儀先生別號海岳

故用米
芾事

暮閣全淹爲別難
劍裝明發又長安
燈添夕火歌三疊
寒試春衣路幾盤
章水柳難今日縮
曲江花記隔年看
思君更向披香殿
千樹宮鶯掠曉鞍

寄沈崑銅

聞君累月泛湖槎
鶴背孤山曉暮霞
閒種園蒿驅世網
怨隨江草又天涯
十年錦水侯芭席
千里蕪陰御史家
相憶復添華屋恨
淚兼寒雨作簷花

彭工部質先二月社集湖舫分賦

棟花風老雨絲肥
結伴湖南舊釣磯
夾岸香生青草

漑園詩集卷四

五

長曲欄聲動白鷗飛
五陵佳氣藏金盃
四海腥風滿鐵衣
燈火橋邊榆社散
醉歌猶逐夜漁歸

孺子祠

舊宅曾聞傍水濱
祠堂古岸照嶙峋
五陵樹已迷狐兔
一榻香猶薦藻蘋
意氣何人傾赤社
英雄滿地兆黃巾
當年龍戰終多事
千古冥鴻屬外臣

喜得思尹眞州書

知君不死未全憂
今日開書始欲愁
豺虎穴中人負劍
旌旗江上客行舟
拂龜纜斷家人卜
問柳仍悲少婦樓
更向馬當頻瀝酒
好風乘夜送眞州

謝朱禹卿折贈牡丹

牆東無分對花晴
折贈輕寒昨夜莖
種借姚黃驕寂寞
詩無李白愧清平
豔生蝸壁春猶駐
香沁藜床夢未成
莫恨尊前易搖落
名園多少怨啼鶯

漑園春興用六麻韻四首

多負溪邊幾樹花
人歸春老徑全遮
泥喧蟻半爭桃塢
日暗鶯知坐柳衙
菜種闌珊黃氣滿
草窠重疊綠香加
東籬腊月殊愁薄
喜迸新雷鐸影斜

楊柳初成未覆鴉
晴蜂社燕偶爲家
春絲晝倦紫花片
溪漲宵平出草芽
叱叱遠脰歸舍犢
丁丁擲水避

漑園詩集卷四

六

人蛙前邨又報催
禾雨雨上青衫帶
晚霞

檜插春泥幃戶斜
誅茅傍水當浮槎
溪搖亂鴨風干點
門掩啼鳩雨萬家
村氣成烟籠遠樹
帆陰隔浦帶平沙
侵衣忽覺微香動
昨夜晴添昨夜花

幕溪雲影薄於紗
布穀聲中日已斜
蝶愛晚香時在圃
鵲爭新葢欲移家
和風戀客衣多絮
急雨無人徑有花
何必終南松尤好
陶潛生計是桑麻

上巳漑園聞朱子美修社東湖却簡

遙聞畫鷁古橋東
王謝當時碧水同
祓事不除愁與病
好春嘗恨雨兼風
徐亭柳弱飛花後
蘇圃晴搖落

日中幽夢獨迴鶯樹底笑題蕉紙索詩同

急雨坐文成祠拂軒憶時之楚游

落花寂寂點香泥闌靜風危却倒吹瓦覺瀾飛驚亂
馬樹兼雷動叫寒鳴天連細草思歸驛人暗荒苔坐
古祠春伴主人湘水去蒼梧雲起或題詩

落花歸鴈

風雨蕭蕭足暮寒花前鴈後思無端愁同落蕊枯榮
蚤人阻翻飛去住難千片寂兼庭霰舞幾行遙入塞
雲寬榆關不信春先度獨倚殘枝不忍看
玉蘭花盡海棠欹塞北暄寒雁獨知日照香泥紅已

漑園詩集卷四

七

散雲連斜漢白同吹應將海燕分春社似惜林花墜
晚枝憔悴東風多少恨傷心何必獨秋時

徑濕臙脂破小紋歸鴻影裏雪紛紛偏當雨露推新
夢纒釋冰霜返舊羣紅粉墜樓魂欲斷黃沙憶漢淚
相聞陽春何事多離別委地穿雲恨不分

萬點飄殘怕綠肥碧天又見鴈行微青青或憶明妃
塚故故愁沾楚客衣貪子五更先雨落來賓二月帶
霜歸上林秋老芙蓉發又繫蘇卿寸白飛

樓居避水簡吉人

泛斗難乘博望槎均堂如海浪生花幕栖穉子疑巢

燕灶斷朝炊欲產蛙堯水忽侵磨鏡里孔杼將犯野
鷗家仙人舊說樓居好風雨吹簫待紫霞

避水樓居寄東念彌晦若南山別墅作

亂綠吞湖欲抱城魚依藻井鳥依桁庭懸明月光搖
水砌積滄浪濯可纓秦蒲兼葭今宛在米家書畫笑
平生湖邊憶汝亭邊石瀛海蓬山各勝情

四月十日吉人社集陳士業見山樓落成

片石經營傍筍叢新將袍笏學南宮見山簾盡諸峯
雨鶯座人歸大國風錦字千函窗並綠朱花幾樹酒
分紅一時賓客皆豪逸笑指星文夜氣中

漑園詩集卷四

九

漑園寄顏庭生梅朗三

別夢迢連碧草生幾年寒泪洒蕪城憂端北闕書難
上樂事東籬竹漸成名藥廣搜驅害馬垂楊遍種足
啼鶯聞園欲就知交懶只有思君意未平

得蔡大美書却寄

菰風吹到敬亭書病客三年似起予人坐孤雲看眾
鳥語多加飯慰烹魚夏蟲滿地思同好風宿彌天怨
索居君莫柯亭憐舊竹相看俱是爨桐餘

史隱亭

橋水東西孺子鄰當年仕隱各全身龍蛇今古孤亭

晚桃李晴陰萬井春大漢冰霜留氣韻重湖烟月照精神因君故慢今時尉簿領驅馳或有人

溪上晚坐

林經殘暑觸幽尋倚杖溪邊日暮心閒閱雲山分去住偶因魚鳥悟升沉鳧僂淺石荷猶蓋屋倒斜陽柳作陰楚容易悲村易晚西風衣帶總難禁

羅行可過訪同坐溪上再賦

短袷乘陰水曲東疎籬樹樹與蟬通風吹細浪新苗綠日射前山隔岸紅靜使魚蝦忘坐客漸同鷄犬識鄰翁鹿門自是愁車馬寧喚崔徐溷乃公

漑園詩集卷四

九

送戴初士訪座師梁遂良先生入粵

東湖鷗影散朋簪處處秋山照獨吟楓蓼紅添行客韻枕椰青入故鄉心臺荒南越人今古香到羅浮夢淺深君去非貪珠羽貴囊琴辛苦爲知音

送舒成之靖安展謁家廟兼訪章九仙明府

立雪多年鯉在庭偶分雙影白鷗汀葛藟義重趨家廟棠樹陰肥照客星半嶺霜通溪草遍千邨秋滿筆花靈因君却憶曾游處天澤池邊一雁聽

朱禹卿小隱園秋社初集分得五微

蓮社初開願不違西風緩下薜蘿衣池邊石澹羣鵝

浴郭裏天清一雁飛秋入林園詩總健人兼朝野遁難肥時危莫作尋常會幸對耆英數落暉

和李少文先生冷香齋詩步韻

甘棠春繞灌城墟法署西偏偶結廬馴雀上堦隨日近好花窺戶入雲疎訟閒已少新裁牒官冷惟餘舊賜書詩罷不知天早晚月痕低樹影徐徐

三年間巷足桑麻吏事蕭然逸事賒奇過揚亭元是草夢分江筆彩餘花鴉聲幾樹通晨謁雀步當庭散晚霞預向清齋歌九罭築堤應減過城沙

蜀嶺邗溝貢水濱才名處處說機雲闌花隱榻來高

漑園詩集卷四

一

士苔草分庭只此君壁照圖書人澹遠篆廻琴雀帝

升聞冷香不盡槐廳去舊解春風憶蚪文

延閣再用前韻呈伯甘

我亦爲園水竹隈輪君樓影泛江開山搖百雉浮青出檐俯羣鷗伴綠迴仙氣隔簾低野雀春流和笛落宮梅弟兄故國登臨事又喜東風遍草萊

落花

不分家園負好春盡拚狼籍付東鄰雨風遍地經時恨紅紫辭林昨夜貧深院秋千圍別夢小樓燈火照微蠶扶藜嬾就看花句腸斷胭脂滿路塵

鏡裏年光病裏身乍逢搖落更愁人鷺粘白絮溪邊
樹燕損紅香陌上塵結子成陰俱是恨飄廊點地各
無因行吟不覺傷春事水店山橋一箇神

送倪右臣歸皖城

杖頭藜火紫微樓初見那禁別路愁曉燦乍飛楊柳
岸晴波纔滿鳳皇洲幾年有夢通湖海今夜占星宿
斗牛更憶杜陵當日句江東依舊暮雲稠

送袁則學之清江便促回期

馮缺雙彈蕪水涯海公祠共雪風斜天懸刻曲王猷
夢人到湖南孺子家乍典鷓鴣分薄酒又同楊柳送

溉園詩集卷四

十一

行槎清江莫積殘春恨遲爾籬邊數落花辛未與則學同客蕪

夜雨同丁用儀袁則學李仲章子美吉人過集

時用儀將歸新安

北風吹雨老龍腥今夕何堪送客行燭照離人寒有
泪酒兼詩思暮多情茶香急問蘿山屐花落誰同崔
嶺筇園午獨眠溪樹綠園開秋暝對春晴用儀畫園秋暝圖

贈見

神祖當年在穆清內家千佛重難兄龍髯代隔悲前
事虎賁家猶見老成邱壑置子憐寫照江山妬客送

寒程傷離又感江東亂萬歷桑麻憶太平用儀兄南羽以善佛
像名海內為神廟所知

朱舞佾邀賞牡丹簡謝因憶溉園春事

東風憔悴影支離夢惜芳郊蕙墮泥近以兒啼求善
藥忍看姬病得中醫溪邊戲蝶忙無主籬畔垂楊醉
可知聞道名園花正好春愁又負牡丹枝

朱舞佾座上賦牡丹分褒字

雨過芳園履齒勞苦分魏紫照輕袍嫌籠鳥喚紅香
煖隔樹鶯窺綠影高寒食禁烟錫共醉清平遺調客
同操誰將九錫酬花品應讓詩壇一字褒

溉園詩集卷四

十二

歸園

籃輿行處柳為城馴犬啣衣到白迎滿院花香三月
暮繞籬鶯喚一溪晴歸遲樹有成陰恨耕罷邨多布
穀聲只喜舊分鄰舍竹龍孫衝雨觸泥生

午院偶成

不知門外已春殘屋覆青陰未忍看小院風香人太
古疎籬烟護竹平安全身蔽葉鶯啼晝半臂看花蝶
弄寒笑向溪邊閒照影科頭應傲切雲冠

壽何松石先生

郭外甘棠郭裏祠東湖又種昔人枝恩威萬姓民如

子詩禮三年父與師
鳧散高雲橫曉影
麥甜靈雨發
春歧孤清久絕兼
金餽夜半無勞問
四知

夏日林居追送右伯張鍾陽先生之岱東左伯

任

紫微簾做畫深深
宦况清憐貢水潄
名紀青山垂仰
止詩留白雪貴
知音雄風誇海臨
齊俗才子之官近
孔林方岳如公
今復幾東西屏翰
聖人心
銀引嵇康柳下
吹除書催客賦
將離程門雪積
他時
淚夏木雲生去
路悲地隔匡廬
留吐握天榮泰
岱借
威儀夔龍自昔
憐巢許拜別知
公意所私

溉園詩集卷四

十三

湖上亭落成奉和李少文先生應教

章流曲曲九通津
湖水東西接四鄰
大壑藏蛟天地
古小亭依鷺水
煙新江山如此
知游健花鳥全
應向
客馴因憶醉翁
遺跡在當時
領取屬何人
湘簾畫舫六忠
祠曲抱闌干
帶遠漸倚竹
陰初寒翠
袖評雲句好
媚朱絲橋邊
月出輕鷗喜
笛裏煙生古
宦知彷彿文
簫騎鳳至
杏花樓外響
參差
梅蘇徐孺各
孤亭又轉湖
光透碧橋俎
豆三春餘暮
藻酒船千斛
碎疎萍禽言
蒼水波同滑
漁唱流雲午
乍停怪得游
衫時似染樹
搖新綠草青
青

亭外春光綠汁濃
晴絲無賴攪寒涼
琉璃曉膩三千
界簾幙晴嬌十二
重繫馬繁陰沾
未了聽鶯他席
髻
多慵不知深淺
誰家夢斷續橋
南午寺鐘
綠水年年似永和
舞衫遊舫此中
多魚驚遠吹深
依

樹鳥下晴煙軟帶
莎樓閣春心分
曉望山川霞影照
微醺新亭不是
當時怨只有清
歌唱奈何

五橋宛轉澗烟長
岸岸輕簾隱筆
床菰米沉雲波
隱
見鶴巢臨月樹
微茫窗含密藻
琴多潤硯落飛
花案
有香又覺陶蘇
披詠在柳爲門
巷雪爲堂

棹轉亭陰綠滿
陂蘇家廢圃卧
重漪烟交戲蝶
蔬干

溉園詩集卷四

十四

片月落危檣雀
幾枝水外芙蓉
寒織屨樓前鐘
鼓吊
荒祠三洲似落
何年島招隱尋
仙費所思
郭外西山郭裏
湖郎官西子門
相呼未殘草色
前朝
地盡發連香昨
夜滂線白縈青
春岸影淺黃深
碧晚
邨圖昇平自是
清游好向夕吹
笙接曉鳥
可憐湖上草萋
萋今日春風就
品題歲月長留
王謝
句山川羸數白
蘇堤已看菡萏
香爲國合種甘
棠綠
滿蹊却笑戎家
無柳畔閒情何
自惱黃鸝
溪邊荷弱不勝
簪共折荷花坐
柳陰暮覺風多
香染
袖野知霞亂碧
分林鄰芻觸暑
沾難醜童浴驚
魚去

易深藉草偶然俱雅會白頭青鬢思時心

衷晦若餉魚賦謝

午炊香稻復烹魚加飯因開尺素書村客長貧惟抱
缺園官課把只供蔬朝飢愧我餐同雀暮網應君笑
似鱸命畜池邊終未果吳儂怕學鄭僑疎

章門喜晤黎美周詩以送之

章門日泊孝廉船見子歡如遇倥傯筆有花香通遠
夢嶺攜梅韻到芳筵河山滿日難爲別才調相看易
自憐爾我長安分近遠不堪彈淚向燈前

荅李五千兼訊家唯之學博

漑園詩集卷四

十五

香鑪峯下日生雲幾載思君未見君氣辨青牛人尙
遠書傳白雁意何云登臺此日梁蕭統繫馬吾家舊
廣文嗅盡梅香啞寄汝荒亭倚樹雪紛紛

園雨獨坐

梅香柳色勸加餐竟日空林雨未闌四壁荒涼添晚
靜一番清瘦爲春寒泥深折屐因移竹坐久垂簾只
護蘭覓取床頭花史在晴來呼共索駝看

林居聞沈宗山防寇班師奉訊

羽扇朝回蠡水灣春風一夜滿西山恩流桑柘農無
害威閃旌旗賊屢還念亂却愁滋蔓久仗君纔得種

花開棘門細柳垂垂露已入村中綠樹顏

春霽劉西京見過憶南宮諸公試罷

霽入園亭喜過君相看袍袖蕩微曛林光歇雨斜收
霧田影留天倒著雲綠戶柳香衣似染蒼苔鳥跡屐
同分杏花檐外無消息怕引春愁入見聞

再祝鄧太素先生雙壽

紫府真人舊注名偶來人世合長生品如羹鼎今尤
古官入烏紗俗更清書畫滿船騎米芾菊松三徑卧
淵明朝來酌酒逢雙壽簫史峯頭跨雀聲

春暮邨居

漑園詩集卷四

十六

端居日日較陰晴半爲憐花損勝情蕙帶苧衫風自
軟焚盤菱線雨餘生堂成漸入他家燕樹密重閉隔
歲鶯夢罷獨吟渙草遍滿村秧綠又春耕

初夏齋居

高齋忽覺夏雲生白滿溪田綠滿楹花鳥經春俱異
態園林過雨倍含情桐君葉脆難勝霧鳩婦啼多只
望晴步到落紅詩思懶三句憔悴自清明

丁時之省兄伯勉於荊州過別漑園詩二章送

之兼訊伯勉

午院重陰戶不開亂紅千萬照青苔山書盡卷評初

徧水次尋詩客暫來相見已傷春後屐將離况盡客
行杯斜陽分手門前路不爲啼鶯首獨回
西望荊州近峽州北方詞客怨登樓孫劉舊積三分
恨洛蜀今鄰萬戶愁豺虎避賢知漸遠存令無難亦
相求公餘莫夢西堂草今送天涯送去舟

巨源夜過漚園

朝川今夜聚王裝野色林香共舉杯羣笑鵲驚依苑
樹開門犬吠護窗苔聽蛙幾部供詩料寫竹千尋見
鞭材明月猶山時隱見此中慚愧讀書臺

與巨源西窗坐雨

漚園詩集卷四

十七

綠樹開窗萬影斜蕉陰高下亦頻遮溪陰夜挾青鳥
客村雨朝含白鳥家得句每憐春後葉攤書時落午
餘花相看布穀聲中坐笑聽農歌足歲華堪輿潘老
巨源客也
時與俱至

望漲

溪田一夜碧爲潯岸岸垂楊失舊陰沙尾山青淨似
鬢浪頭禾綠影如針斜陽萬頃村搖蕩積水千層樹
淺深不是延津風雨後湖邊疑有老龍吟

送西京之吳門兼訊康侯司李

軟綠溪頭香亂吹荷香又染別離卮分龍候逼千家

雨亂葦舟乘萬里颺吳地月明生遠夢漚園花落獨
尋詩五人墓與千人石秋水秋煙寄所思
近樹聞蟬遠樹鴛片帆遙掛一江晴才華自向文人
地今古多淹過客情禹穴書探林屋洞荀家星聚闈
閭城竹林二阮俱千里湖畔王戎笑濯纓

姚虞功落藩見訪湖上貽嚴印持詩字賦謝兼

懷印持

明時清隱合東泉案擁圖經室擁蒿妻女久安居士
法兒童驚見浚都旄傲宦貧賤驕陳榻愁遠湘潭咏
楚騷却喜近傳壇石宰雉音朝雉麥抵高時屬鍾
陵黎

漚園詩集卷四

十八

子陵十載臥錢塘君到平分妙墨香星照元亭俱是
客天教白首不爲郎杜門世覺甚千局加飯人憐水
一方今夜匡床明月裏孤山懸夢似漁陽

定姪理篋中書出殘詩一帙傳賓湖先生草也

先生從先君鄆濟兩署爲余千文大學師忽
賻遺篇當時作詩時光景尙百一可念先生
歿數十年先君亦往卷中名姓已無一人在
者慘然成詩淚隨言下矣

新恨重拈舊日詩當年悲笑各成思春風誘讀憐分
葉夜雨彈燈記品甚蕙草吟殘猶有字蓼莪詠廢已

多時當年太白樓邊事嘆息童烏鬢已絲
莫傷賓客散平津有子行歌已負薪
板拍我尤驚雨露乘箕君復上星辰
鯉庭人老悲前事蠹字痕深蝕
舊塵今日却如翻汲冢斷行遺墨摠傷神

臨汝舟中

十丈絲牽上水航空江漠漠水生烟
鶯聲近遠千山午鴉背晴陰片刻天
斜日故窺林黯淡好風難得雨
留連今宵未是他鄉夢岸岸蛙聲攪客眠

陶英人明府招登擬峴臺

城上鳴蟬日暮迴城邊燈火使君來
青分雨露千家

漚園詩集卷四

十九

樹綠泛江湖萬里苦感慨神州仍運甓
嘯歌山郭此登臺憑欄却愧南州士
榻擁青衫共酒杯

九連刀劍幾時愁今日桑麻遠地秋
老稚羣遊俱飯犢河山無恙慰登樓
烟凝古壘潭中睡月照諸峯水畔遊
更覓匡床清夜思希文當代識先憂

峴山誰向此中嗟碑版雄文費大家
百里曉陰添召樹一城春事屬潘花
星光墮水樓涵影風氣衝簾浪有芽
白笑此宵明燭裏楊雄載酒餉侯芭

與黎美周徐巨源飲喻京孟三洲亭夜汎舟於

湖有作

共選晴湖泛綠莎三洲亭向午餘過詩情入韻多
因

柳酒氣分香半雜荷鳥嶼斜連疑海近樓臺深隱覺
山多知君近訪林逋宅疏影梅魂較若何
時美周來自西湖

五橋日落碎鳴蟬晚放欄干午繫船短袷汗餘兼有
露遠邨鐘後盡爲烟篙聲觸岸鴛鴦起水氣籠花峽
蝶眠歸望小檐河鼓近泊舟如在女牛眠

美周館巨源榆溪過訪有贈

四首錄二

瓜菜同淹夏氣深古榆高柳卽長林十年舊侶添新
侶四壁文心與道心池浸天光園小芟室流山響苔
孤棹相看莫作南歸恨多少金門盡陸沉

漚園詩集卷四

二十

共閉園扉一水明暫遊歸客五羊城圖書寂寂天相
問雲木沉沉鳥不爭聽熟鳴蟬娛晚靜踏殘芳草望
秋生錦囊預繪測陰句淺碧深黃遍雨晴
末用美周舊句

章江寺候朱菊水先生不至

三十年來舊講壇佛前花雨向秋殘僧稀古院長松
老客拜諸天落葉乾相國寺餘雙碣穩滕王閣對一
江寒遙從興廢悲龍象車馬尤知道路難

獨將詩思豁郊原寺引秋峇照水痕遙掛山圖遮遠
樹新排雁字點孤邨年年古路蒼苔積寂寂空庭翠
竹屯今日驅車同仗劍西風俱爲報人恩

送思尹之江州

送客西風易自憐
曉風又動九江船
波寒南浦猶青
草雁共東林
吊白煙籬外
陶潛先菊到
墟頭阮籍抱
秋眠此方舊
有琵琶怨
莫倚繩床月下天

寄題高若木三三徑

記到寒城唳晚鴻
霜鐘遙斷苑溪風
十年夢繞山山
碧三徑人添樹
樹紅豈爲蜂烟私
研北窗容子父避
墻東爲園我亦晴
湖畔明月花陰兩處同
傍閣栽花日覆檐
晴雲高下散書籤
山光不動搖閒
壁野色無端上小簾
堂號墨君淹著述
經窮子母認

澗園詩集卷四

二十二

華嚴南陽只恐龍
難臥猿崔秋空怨
易添

秋盡天寧寺送陳子厚歸越

城北類邀古寺期
山門葉亂小筇枝
天橫雁字分沙
篆霜落花英伴酒
卮下榻幸逢今地
主碎琴仍伴舊
題詩相逢怕指還
家路路入窮秋轉
自悲

送次謙被徵赴闕

東湖煙雨足閒身
慙荷弓旌問釣綸
十載野謀餘五
噫一門朝典愧三
人荷衣拜闕從西
崦雀伴留人向
北辰斨力自應輸
小弟明朝相送急
車輪余與吉人
時俱被徵
雀書催客下平原
凍柳寒鷁古道繁
出戶母應憐捧

傲先憂君恥類乘
軒烽連赤縣勞人
淚箸借青蒲國
士言陛下莫憂臣
報淺草茅容易識
皇恩

被徵後入里門作

閒園秋冷只揮鋤
似有春風引雀書
紫氣百年天子
詔紅雲四壁野人
居入朝倘問公安
在未老應知壯
不如最媿南鄰諸
父老相呼扶杖聘
君廬
幾曾公府問長林
烟雨湖頭忽見尋
三世國恩廉吏
子萬方民隱聖人
心虞門闕後驚新
寵梁父愁多尙
舊唸知己平生隣
一飯可能肉食副
朝簪

送姚學師移教考城

澗園詩集卷四

二十二

弦歌聲裏勒燕然
緩帶曾安貴筑天
湖上鐸搖千舍
月夢中家遠萬重
煙已聞友教澹臺
後又振師模洛
水邊此地甲兵今
滿眼清時吉甫在
寒瓊公爲諸生
曾捍貴陽
者安之
難有功

至文江夜與丁爰大康小范談各賦

昭明臺畔庾公樓
秋水千層照遠游
涼月知通溢浦
夢好風又共剡溪
舟彈詩客舍添寒
料酌酒鄉關亦
旅愁莫歎此中書
劍冷煙烽何處慰
應劉

過鄒忠介公宅訪公孫異父升甫作

章甫當年社稷功
升堂猶見古人風
墀心半折真旋

馬箕尾雖還識臥龍百世冰霜餘舊里五朝天地賴
孤忠莫憐下拜衣冠冷沈滌山河氣未窮

信陵不賤老夷門寒借君家黍谷温入座機雲光照
客本朝伊傅澤貽孫麟兮有定嗟公姓蘭競留孫爲
國恩生計知君貧不忝傳家原有賜書存

曾和卿苑園

四郭溪山處處投鑑湖湖畔一林幽亭陰借日搖閒
戶野色携寒上小樓按譜栽花先雪候題詩問柳惜
風流傳家尚有金堂石煙外清風四壁留尊公向爲蜀金堂令
苑園同薛更生丁爰大送朱子強還豫章兼爲

溉園詩集卷四

三十三

阿婉書別

霜氣生寒愛燭紅裙香細度晚林風美人怨別同丁
令公子憐才對薛公客座易驚聞落葉郎舟何事逐
歸鴻離心況在羈愁侶共惜穿花漏易終

蕭蕭

蕭蕭孤影向人投獨客殘燈旅夜愁行野有臣稱草
莽出門隨處是滄洲孤城半閉風中雀長鈇無光水
畔鷗納納乾坤何地穩又看王粲只登樓時寇犯袁州
秋日送吳長卿應徵歸建武
孺子亭邊畫啟扉訪君江上舊漁磯野雲幾處橫山

路秋水無端照客衣族自聘君徵再至人如季札遁
難肥知君家傍麻姑宅仙氣吹人近紫微

戊寅元日

鷄聲燭影報初晨朔領王正屬外臣女媧謝家知拜
父宅依依孺且稱鄰芥菘未煖先舒甲歲月驚春各
在寅湖上不知烽火急煙雲猶得護閒身時旴吉有警

園中苦雨同張德璉

時客荊州以被徵旋里

樹釀溪寒奈若何柳梯千萬待風和鄰厨望霽愁烟
直僮豎沾泥識雨多客到山陰非犯雪春通南浦欲
增波晴光何日闌干外約起眠鷗釣淺莎

溉園詩集卷四

三十四

訪李匡山御史道旁亭子望香城一首

隔浦殘雲尙此亭十年官道怕重經春添花草傷心
碧人向溪山照眼青天半旛幢飄佛日烟中猿雀護
台星不須更覓仙源路處處流泉石上聽

別香城同風后行西山道中憶匡山作

千山鳥路快晴初歷磴穿崑日有餘木石蒼涼真幸
意藤蘿青隱化人居春陰滿地深樵斧煙氣凌空出
筍輿迴望繡衣千佛裏白雲修竹竟何如
共有元心領寂寥山行數日路蕭蕭中袍盡染千林
氣岩壑疑喧萬古潮仄磴雨餘僅作杖野庵烟半樹

為橋尋仙偶傍仙人宅秦洞雲多或可招

寄題鄭超宗影園二首

開君卜築帶高城鷗地鳧天各性情畫裏垂楊兼水
澹酒邊明月為樓生踏殘芳草前朝影吟落官梅獨
夜聲一自瓊花蕭索後此中花事屬康成

重過瑞芝亭有感三首

堂北依然樹樹鶯別離生死古今情花陰耐送千家
雨荀候難禁半郭晴嚴武草堂愁杜甫馬融書帶憶
康成芝香寂寂多慙負不似涪翁舊有名

灑園詩集卷四

二十五

變鬚眉又伴落花飛淒涼流水棗三登依舊青山郭
四圍歎息身如歸社燕觸簾今怪主人非

四月八日同桂子諸君過天竺庵

午院尋僧卸葛巾白雲為戶竹為鄰幽泉似浴山中
佛古石應憐客裏身口氣上林疑虎遜風光隨路引
麋馴烟霞作供香厨飽絕粒師當莫厭貧時庵僧乞
余題飯僧
疏

同姚使君馮中星汎舟至桂子介園作

使君官况似淵明簿領溪山一一清偶趁輕風過曉
渡或隨靈雨閱春畊芳園酒共花間步幽澗吟同竹

裏聲已飭前驂俱罷遣林池魚鳥莫相驚

知君家住古西湖到處煙巒作畫圖山入品題林杳
靄客添風雅徑蕭疎流鶯春後猶呼友馴雉花間靜
引雛莫易干旌郊外影幽人今在浚之都

蔡鴻臚延青閣集

紅雲香案屬仙班鄉國聊同別墅閒城上歸烟多在
水塔邊明月半依山窗搖洞壑青千片樹隱溪舡綠
幾灣取醉平原今日酒帳中兼得秘書還

臥病秦淮喜晤舒芭孫

訪藥秦淮竄自支逢君喜在泊舟時十年相見多湖

灑園詩集卷四

二十六

海三載深思總別離戀闕病知淹北望懷鄉夢易向
南吹公車自笑貧方朔伏日金門割肉遲

臥病邸中吳履受大行使過金陵見訪却柬

英蕩逢君下碧霄客星遙傍使星驕前旌更度三山
市駟馬如過萬里橋借弟筇班同授冊先秋瓜步獨
乘湖梁鴻庶下勞相問藥灶迷烟午寂寥時令弟給
事中亦使

周藩全
日出都

秦淮病中有作

伏枕秋容鏡裏生斷雲疎雨護愁城燕鴻欲代三山
冷參朮難祛二豎猶夢後忍思家近遠病來頻見月

虧盈涼帷寂寂迫行樂桃葉吹簫岸岸聲

散髮扶筇畫不冠支離十束笑相看
巡簷欲步尋花懶緩帶逢人下拜難
門籍只多題鳳字客遊差免累
猪肝書生無分瞻天近流落鍾山滯蚤寒

清涼寺訪李小有作

長廊深戶映花關匡坐聊分半日閒
何處胭脂尋舊井共將書卷對鍾山
窗橫亂葉多蟲篆院滿清陰任
鳥還斜日寺門秋路晚空香回首大雲間

感

方爾止左子直子忠移酒席問談乙丙時事有

漑園詩集卷四

二十七

逢君何獨慰新交清泪尊前盡草茅尚憶斯高
慈國寵爭排逢比奈羣鷺世從宛牒思遺血
天為孤忠護覆巢近日憂時惟我輩相看
休問易初爻左為滄嶼先生公子
方亦先生脩也

金陵同魯孺發戴敬夫坐月

病客驚秋感易生清光今夜石頭城
砧傳戍夢霜先到笛入商歌露已橫
君比澤鴻搖斷羽我依代馬滯寒聲
可憐共對盈盈月俱是鄉園別後明

再與孺發敬夫坐月用前韻

秋深白苧露華生旅話清宵盡治城
七十二家人下

上三千餘載鳥縱橫枝翻獨鵲供詩料
葉覆唵蟲伴客聲江北江南同此聚
匡床尊酒共天明

天界寺集黃圮孺萬松庵時桂花秋海棠盛開

郭外輕陰喜見招淡雲疎雨並蕭蕭
門前雀舞先朝樹午後松翻昨夜潮
客思共栖岩竹冷病顏羞對海棠嬌
今來幸入維摩室二豎驚秋半欲消

作客西風奈若何同君古寺白雲阿
經將字母傳鸚鵡涼引僧雞緝菱荷
蓮社偶逢兼酒傷山交久絕為風波
怪來此地名天界月路潛通桂子多

陳大士奉使還都過金陵同劉伯宗攜酒僧舍

漑園詩集卷四

二十八

時子與伯宗亦俱赴闕

星槎八月渡長干野寺秋聲半日懽
玉節雲中達子羽金門天上笑嚴安
楓香日送鴛行近荻蒲霜兼雁陣寒
明發旗亭休惜別關河氣滿切雲冠

送李少文先生按河東醴政

二百年餘侍從臣御前超拜主恩新
豈資醴筴推劉晏應借驄威問寇恂
三晉澄清今解廌五朝功德舊麒麟
南州人憶南州話柏樹棠枝兩地勻

青天玉節見嶙峋燕子涼風桃葉津
家近烏衣高相

里天迴雁字到王臣龍蟠二水秋原
蕭箸失前籌國

計貧解恨阜財今日事南熏樓下代西巡

南中送李小有應徵北上兼寄土業伯宗從之

諸子

文定諸孫隘筍班看君名在薦書間空羣冀北應邗
水招隱淮南咏小山劍外白雲開帝闕車前紫氣似
函關青袍憶爾趨仙仗御史新從玉陛還

雙闕君先振履塵江湖獨帶遠遊身黃花曉驛熏籬
酸綠水秋汀照美人刀劍滿天羈吊伐衣冠就日總
情親安危憑仗封侯骨慰我柴門古巷貧

金陵九日喜舒成之自淮揚至汪辰初吳天行

漑園詩集卷四

二十九

攜具夜過談雨花臺都人登高甚盛悵然有
作

黃花何處折烏巾他席他鄉見所親淮海風霜今夕
酒龍沙兄弟隔年人三山燭燼聞孤雁九月空江到

白蘋莫問明年誰更健茱萸方對病中身

仙家良日費長房病欲題糕愈自傷客載瓊花簫底
月話同桃葉笛中霜漸將鷄肋酬嘉節未上龍山望
故鄉喚聽雨花臺畔事白雲無分酒卮傍

烏龍潭同舒芭孫成之梁起明諸子作

潭上流雲晚自屯帝城深處似山村寒光貯綠搖衫

影殘日留紅照酒痕魚尾接波龍睡穩雀羣歸樹鵲
枝翻徘徊我亦經過客細數同游靜不言

庭生眉生省余病金陵邸中感賦各一首

何人命駕能千里單舫君常慰我思十月煙霜淮水
步昔年風雪海公祠憂多共酒明時泪病久應添昨
夜絲相對天涯愁又別燈前尊酒夜何其

恥同兒女泣牛衣痛哭君前抗疏歸九廟鼓鐘依棟
樑百年逢掖讓風微唾壺欲盡因時亂蓬鬢相憐各
遁肥聞汝南漪方築室肯容借臥北山薇

蔡大美聞余病客長干亦以病不果來馳訊却

漑園詩集卷四

三十

酬

桃葉清霜憶所親十年長是寄書頻酒淹紅燭當時
寺衣只青衫舊日塵同病更憐羈客思長貧俱媿宦
游身敬亭山色應如昨不似閒愁兩處新

白門得沈宗山都護書却懷

五年緩帶古南州來崔軒中佐酒籌百戰野留畊叟
續九衢人拜庾公樓烹魚喜見懷人字牧馬知同聖
主憂怪是烽煙間衛霍角巾何事不風流

舟行

潯陽向上晚潮通幾日舟行亂葦中飢客候炊如候

代飽帆乘浪卽乘風魚龍欲靜江初落稻蟹難兼歲
未豐野老尙悲連歲事江南江北花旗紅
寒波淄淄泊輕鷗柔櫓閒汀自在舟雲葉亂垂楓葉
岸霜花吹冷荻花洲倚門白練多吳女鼓櫂黃頭半
楚咻病骨自憐歸計好江邊閑却仲宣樓

蓬窗恬臥少經營病容朝朝暮暮情兩岸山多飢鷓
舞遠村鐘動野鷄鳴計程尙覺風多忤問米應嫌價
未平漸近鄉園頻入夢九華寒雨夜來聲

千帆曉逐亂雲齊棹唱漁賡遠自低衰柳冒煙猶帶
葉野棠依舍半藏谿占風只問江豚拜欲雨還同浦

灑園詩集卷四

三十一

雁栖今日歸心看淼淼廬峯遙辨隔江西

南歸聞里中少年有傳余惡耗者戲成

夢依北闕負青山又向天津病掩關市虎驚人成死
別墻烏懊婦入愁顏投湘豈爲招魂復泛海應逢子
厚還自笑此身非謫籍那能容易棄人間

堂外古梅一株常時作花甚盛今年疎盡數枝

生意盡矣作此悼之

草堂寂寂古梅踪雨雪墻邊損舊叢如友相依同十
載美人欲別怨三冬濃花記點村中蓀剩蕊難香酒
吟節身病恨兼芳樹劇羅浮清夢向何峯

全允康无咎巨源思尹登孺子亭

湖邊芳草步生憐同上孤亭日暮煙磨鏡人逢江夏
客採蘭時過晚春天香蘋萬古猶懸榻垂柳千行欲
繫船惆悵莫傾今夕酒輕帆容易曉風邊

己卯十日諸兄弟對雪小飲

亂雪孤邨午尙寒一庭人共竹平安笑商羣從鹽何
似光照難兄髮並看隴畔尋詩明雀斃厨中催婦出
鯖盤烽煙莫易家園聚不獨陽春唱和難

春日過念孺石河所居

到門竚犬吠蒼煙路向洪厓別有天草木晴如先雨
灑園詩集卷四

三十二

變溪山春欲受人憐司空宅有書堪載徐孺賓來榻
更懸却望七源仙樹裏座中泉響蒼朱絃

三洲疏圃喜晤孫孟樸時欲任余園亟出就之

雙屐聞君欲到林曉風驅馬意深深江東慰識孫郎
面藪北同懸魏闕心對案乍飛軍國淚橫琴初試海
潮音相逢喜傍雲卿圃油菜花香碧水陰

湖上別孫孟樸

湖上春多柳作衙離顏分碧照晴沙漠書讀罷晴窗
小涓雨歌殘去路斜簾影參差搖燕羽帆光開合背
龍沙尊前賴汝聊相慰四海同文屬大家

送孔昭三兄之徐州兼寄朱太和刺史

似惜春殘覓友聲
楊花如雪照君行
湖山四面迎生客
文酒千家自舊盟
兄弟夢應同錦水
英雄遊合在彭城
眉山地主看相待
好坐黃樓賦月明

春暮蓮塘道中

歲歲殘花滿路岐
蓮塘久度午陰時
梅多結子枝頻亞
柳不因風葉自吹
欲雨乍晴鶉語亂
猶寒未煖燕巢知
行行野店春衫薄
水次煙輕出酒旗

雨中籬花盛開與諸兄侄小飲

招攜長是費晴天
小雨深尊似可憐
春色已闌鶯語

溉園詩集卷四

三十三

滑晚香無限蝶魂牽
籬紅萬朶羞迎面
野綠千重欲對筵
今夕家園一壺酒
看花何處憶明年

壽劉大庸都諫五十

偶隨春酒一登堂
瓊瑤猶沾內賜香
疏上紅綾迥鳳輦
威寒青瑣淨貂璫
中朝論舊名如日
聖主知公髮未霜
從此南山歌闕下
東風好醉百花莊

送童魯人時與余訂金山甘露之約

霜浦身如雁鷺栖
可禁緞羽復分飛
環珠慣作蚊人泪
支石空殘織女機
離緒却思龍劍合
瘦顏羞對蟹螯肥
又愁鐵甕城邊路
米代山河易濕衣

聞院中孤雀鳴

養汝孤棲亦有年
踈躑弄影古牆邊
花香入夢無雙宿
竹密藏身只自憐
風雨一林寒草柵
江湖萬里隔芝田
長鳴應爲愁香稻
寧惜雪霄羽未便

雪夜誦舒成之寄詩却酬

溪柳溪梅只望晴
雪花偏綴草堂清
寒淹薄瓦風猶積
凍入遙鐘濕未輕
高適詩來門有跡
袁安臥穩榻無聲
因思半石亭中客
窗雨微吟欲二更

將至池州懷伯宗在公幼濟

春水初生別草堂
故人家憶在池陽
臥龍聖主勤三

溉園詩集卷四

三十四

顧雛鳳清時見
二方地近欲隨鴻
雁到首稀時覺鯉魚香
天風好與王郎便
蚤趁輕帆就墨莊

欲上廬山不果因憶匡雲半偈道恒諸上人

咫尺匡廬望欲登
淺深山色與雲層
元猿午嘯風猶隔
白鹿晨叅病未能
春煖石梁應水滑
雨過崑洞覺溪蒸
陶潛只負東籬約
遙掛風帆憶舊僧

安慶夜泊訪陳仲來值六安破賊未還留別二章

路人齊說亞夫營
細柳毵毵水畔城
天上鼓鞞連破賊
帳前裨校盡知兵
旄頭欲落師無敵
盾鼻常磨檄

屢成我到春防君又去暗行壁壘慰諸生

桐山聞說久稱兵風雀憑君夢不驚玉露無聲搖眾
柝銀河欲洗立孤城頻年到處多弓馬念亂于今只
弟兄無限欲言余已去家書應好熟長檠

至宣州聞梅朗三麻孟璿鄒仕可諸子宿敬亭

未還寄東

匡廬孤客到寒汀此夕聞君宿敬亭煙柳風多寒薄
酒雨花燈閃入疎櫺詩題絕壁號山鬼人語重雲住
德星我亦十年常憶此霜林乾響舊曾聽

訪顏庭生夜語竟夕有作

漑園詩集卷四

三五

當時同臥宛溪霜又挾春陰上草堂燭燼移更頻見
跋酒闌呼僕半依床山川向客嵐猶碧風雨愁人鬢
易蒼今夜鍾山與蕪水與君三度惜年光

舒芑孫客監浦聞予至宛陵促騎相見別時惘

惘留別

今夜明河露可漚他鄉他席暫爲歡垂楊俱泊山陰
權小草休彈貢禹冠家遠易傷知已別士窮翻覺世
途難此中怕誦青蓮句春半離心落葉看

孫孟樸偕黃永思招余善溪舟泛余與孟樸俱

病不得至善畫溪

相逢又是惜花天草樹重重綠到筵舟靜不知魚鳥

近山來應爲主賓賢峽無神女虛雲雨座有閒僧共
水田同病可禁花事晚柳煙溪路暗生憐

出郭難諳九曲溪巾袍碧映草萋萋鈞簾觸帽風多
北畫漿疑人路向西戲蝶舞香調薄醉新鶯選樹只
長啼徘徊似泛桃源去古洞干花到自迷

容雉城姚雲居投示鴻響齋詩時病謝客數年

矣榻前相見留贈

相如賦就喜同時愁對文園病不支天爲漢庭留綺
里身從藥圃寓元芝爐香引蝶閒過慢樹影窺檐靜

漑園詩集卷四

三六

寫枝海內詩朋今漸少逢君無用歎鍾期

憐君久負菴溪船短榻無稜坐有羶身隱書堆消白
蠹窗添茶潤到朱絃可禁過落諸公後已有詩稱大
歷前一室千秋君自愛幾人今古在凌烟

春盡長興縣署玉方亭午晴散步

步懶空庭積水明草香深處斷人行遊踪笑比萍開
合好事無勞鵲送迎茶筍充筵知入夏桑蚕問俗喜
多晴板花計挽青皇轄黃鳥陰中過此生

晴天處處倦游絲舞蝶交蜂不自持柳畔雲香空外
色亭邊人影畫中詩寒輕箬水殘春路雨漲洪厓昨

夜思莫道旅懷容易惡最難堪是落花時

周葵仲祖香堂限韻

堂植幽蘭數十本公與兄夢生弟在中讀書處也孝友一庭情文互荅諸名人各有詩贈索和依韻二章報之

佩將蘭蕙與留夷不為湘纍百世師種自天家分屈
軼畊殘雲氣出靈芝香光入座春無恙吐握如公帝
所私大被却思花下意肯隨桃李問先資

堂下雲深色不同百花莊煖發春叢金盤曉澗垂
露瑤圃時熏片片風人指國香看葉大晚當溪路覺
泉通來朝更買沙棠檝酌清時造化功沙棠邨名公住處

漑園詩集卷四

三十七

長興署中示陳和仲熊孟交

畫閣香爐坐小年高樓對影各蕭然窺窗塔湧金蓮
寺閉院蒼消白日禪苔長舊痕深夜雨柳迴斜影午
時天還知此後風塵面何處千山響杜鵑

丹徒道中晚泊

北固山邊布帽斜人隨返照泊天涯飛花不改春前
路野鶴爭還月裏家城郭斷雲橫薄暮帆檣過雨著
明霞清時怕問前朝句依舊潮平岸帶沙

楊維斗招集席間投贈

揚亭十載夢中天齊瑟同操見自憐鷄黍龐徐誰是

客龍門李郭並如仙鐘聲夜半寒山寺梅子春過剡
曲船明日虎邱應徑度逢君無用石頭禪

廣陵送羅景元歸里

廿四橋邊故國船我來君去益蕭然瓊花醉共千春
酒芳草程分五月天客舍只多題筑伴鄉心怕費賣
絲錢樓頭小婦應相問簫底揚州慣獨眠

同諸子泛舟至平山堂酌大明寺第五泉暮歸

共泛輕舟綠樹灣遙從北郭問平山烟雲似挾川原
動魚鳥俱親水石閒細品名泉供草坐偶尋遠謁識
苔斑醉翁行處殘陽古多少遊人日往還

漑園詩集卷四

三十八

滿路煙光盡日私萬荷香軟席前危青樓未醒樊川
夢東閣仍驕水部詩山色捲簾溪不斷雲陰到樹鳥
先知雷塘弔罷歸來晚燈火揚州又一時

北上過鄭超宗影園留別

相逢呼酒攬蓬蒿林木翳然照短袍書帶繞青通德
里畫欄分碧廣陵濤垂楊十里春無限積石千層氣
自高幾載題詩常憶此入門行坐費周遭

園林賓主各孤清倚杖科頭罷送迎雲影撲簾嬌舞
蝶歌聲近戶間初鶯愁當落日催分席又感寒潮促
去程莫道帝城風物好壯懷難是別離輕

開元宵次美周韻

燒殘絳燭暈難消翠管銀罌可再邀百子光中香不散
萬年枝上煖初調春憐花月重開夜節改中和憶
此朝却思歲華燈火事可能容易負清宵

顧不盈鴻藻堂作

記同桃葉病時秋潮泊輕帆問小侯縞帶升堂依竹
語檀槽供客洗花愁諸公置我應龍尾勝事如君繼
虎頭家有河山遺券在迷樓何處古風流

超宗影園分賦黃牡丹

石欄行處亂聞香紅紫光中別有粧側面檀痕搖翡翠
重樓瓦色照鴛鴦鄧通鼓權臨花陣豪客輕衫過
粉墻金帶圍開清賞後廣陵家事屬姚黃

送別龔建木周維斗並載新夫人北歸

酌酒逢君古蜀岡雙攜玉蕊問歸航臨窗對影波分
盞遠岫當眉黛更香有夢前驅迎蛺蝶停舟索伴愛
鴛鴦可知劉阮猶慙爾共泛桃花入故鄉

讀美周燈船曲感和之

五月披裘病可憐遙聞歌吹竹西船珠光入水驚魚
躍星采穿林照鵲眠爲雨却添春後譜好雲爭護月
中煙看君此曲疑天上便付旗亭並酒傳

又詠黃牡丹

淺碧深紅處處逢青皇何意漏秋容鶯聲近戶光相
照蝶翅驚九蠟自封影伴穀城憐石瘦愁連古磧覺
沙濃遙知九錫東風候獨立宣麻近九重
三千隊裏門春暉獨洗閒粧見自稀夕月故披君后
服行春偷着聖人衣野花過蝶風深淺斗酒聽鷓鴣色
是非爲裏爲裳君莫問六官齊拜上皇妃

漑園詩集卷五

絕句

南昌萬時華茂先

落花

花狂不解惜亂舞小庭中呼童莫輕掃片片是春風
開遍去年樹落殘今歲花紛紛花又落春事是誰家

讀吉人嘗萸蒿二絕和之

刈萸江漢事碧氣滿春陽莫賤汀洲產東風別有香
章門青不盡剪取薦餘芳寄語吳張翰萸絲是故鄉

題小有扇上畫蘭

漑園詩集卷五

豫章叢書

我問山中桂淮南別有天叢蘭何處葉光影又相憐

出文江小東門訪匡嶺和尚

車馬城中倦寒山望不開出城人借問爲訪老僧來
記別章門寺東城萬柳西禪心俱似絮今日不沾泥

悼梅

梅踰牆外余田居詩所謂牆邊古梅立老魂

依其根者是也墻臨大道每開時攀折殆盡

今薪矣詩以悼之

可惜梅花盡淒淒怨古蒼東風門外至誰復寄春魂
敢辭扳折苦薄命委若墻不合如桃李開花只道傍

樵斧今難謝鄰媒舊見欺美人終命薄無分倚豐之
記得年年雪花開舊滿園身殘猶作焰終報主人恩

桃花遂盡悵然有作

桃樹千頭燕子家交交欲語受風斜知愁春社連朝
雨來往輕陰訴落花

可惜花飛無可飛樹頭樹底見應稀柳郎書寄錢塘
後雨鬢風裝逐浪歸

流雲千片下春衣小閣鶯啼曉夢飛一曲淋鈴上皇
泣馬嵬昨夜葬楊妃

柳花桃花落盡示沈崑銅

漑園詩集卷五

二

細蕊嬌花半作泥胭脂飄斷絲香齊明妃老去紅顏
盡只有青青塚上低

偶占

山縣紅梅已放花客魂無賴獨思家遙憐幼女呼燈

笑學語逢人問阿爺

寄贈王修徵女山人

有引又首存四

王徵字修徵金陵倡也後事茅止生一日緘
書謝止生福舟挾兩雙鬢遍謁普陀太和太
華諸勝近入匡廬受戒慈山師築生壙西湖
上仲醇陳徵君誌之爲購海內贈言賦八絕
句

參軍學士美人期帆落西湖聽竹枝寄語六橋橋上

客今來不是載西施

險詩春渚溢春烟獨洗春流製小箋一自風流歸畫
舫何人更道米家船

遊思潮生月上初溪田吳越夢躊躇山中宰相陶弘
景聞道親傳玉女書

不將塵事老朱顏日日看山擁畫闌曾宿匡廬峯絕
頂虎溪明月定中看

雪後過劉大將軍南園

南園古樹老寒烟城上烏啼雪後天却憶當時歌舞
地池塘衰草沒遺鈿

澆園詩集卷五

三

雕甍白日鎖朱簾零落休嗟歲屢淹十載將軍東戰
後漢家三度泣龍髯

爲人送伎之吳城

芭蕉深處夢難醒泪上離衫一倍青欲識江邊今日
意琵琶亭後望湖亭

江行

野外青天吹碧流白雲無數落官洲愁心不爲春風
緩獨客滄浪一釣舟

傍水人家楊柳枝野船爭繫午陰時村姑無事清江
上細數鱖魚立釣絲

春夜

鯉魚風起客愁邊月過花谿尙未眠獨自中庭坐花
落薄寒輕上鷓鴣烟

舟過雙林寺偶憇

江邊坐愛雙林寺石路蒼苔歲月深黃葉滿天秋雁
裏十年今日繫船心

邊詞

聞說沙場日易黃涼州一曲淚千行登樓忽見門前
樹記得春風繫驕驄

繡被香熏夢半温夢迎夫僧出前門醒來驚喜還雙

澆園詩集卷五

四

泪怕是遼陽月下魂

除日戲爲女阿嬌書扇

道韞壚頭笑語多晴無柳絮下庭柯東風明日歸團
扇與寫宜春七字歌

曉起

帳隔輕寒曉未知雲鳩啣雨杏花時東風又報陶彭
澤門外綠楊今半垂

雨中春望

江聲活活動蛟龍獨上高樓覺易風怪是青山舊相
識朝光猶借白雲封

雨後江帆葉葉懸
籠山下北風天
沙邊鷗雀商何
事共破章門十里煙

別平叔後作

小院匡床盡掩扉
晴洲芳草夢微微
傷心何事關春
夢昨日江邊送客歸

戲代友人別詩

五月江邊綠水渾
別君羅帳惜餘溫
城門自下葦蕪
鎖難鎖相思夢裏魂
鏡匣將分強自支
傷心梅雨晚花時
朝來偷拭何郎
粉又怕粧成淚暗垂

漑園詩集卷五

五

送劉無譽之淮上

城畔王孫釣碣存
君過秋水遍柴門
更思乞食王孫
省今古書生盡感恩

書所見

綠舫朱簾照水斜
酒痕朝暮濕琵琶
如今更入烏衣
巷盡是尋常百姓家
江花不繞鳳皇城
王氣從龍盡北征
祇有陳隋遺恨
在商歌低咽暮潮生

寄書

一紙遙傳客思安
家人應慮袷衣單
憑君爲報西風

信雁到金陵尙未寒

贈劉蕊珠

紅鳳香生絳燭烟
背人宛轉向人憐
自言一別通明
殿簡點春風十六年
倏鬢重添傍晚粧
花邊親遞廣寒香
歸眠細數人間
事只有秋宵刻漏長

觀別

折盡長條古道傍
西風衰柳使人傷
落花影裏麤麤
絲難忘春腰門沈郎

鳩茲北下是真州
歸去重尋燕子樓
應感沙棠宵見

漑園詩集卷五

六

夢買儂莫作別離舟

合懽帳底惜餘溫
誰拭桃花細雨翻
檀袖纖羅今自
懊獨將輕搵別郎痕

芙蓉無態颯波只爲空
江別怨多欲識滿汀離別
意亂烟絲雨奈卿何

顛顛香魂懶自支
最銷魂是上船時
舡頭惜別歸舡
底又見蓬窗半面窺

丹滿楓天綠滿溪
江流如客自東西
鄰舟未必逢司
馬泪惜青衫莫浪歸

雪夜與鍾維神飲劉蕊珠宅夜歸賦贈

陶家學士舊相識
邂逅同京雪裏茶
半夜山陰人欲返
輸卿雙影照梅花

見巨源擒蜂詩戲代蜂作怨詩二絕

春夢如烟去不歸
魂香疑逐亂花飛
生憎十日廉纖雨
暗出將軍又合圍

小隊纔驅出畫簷
細腰宮裏恨重添
可憐此後占花信
不及餘香報晚甜

清明日偶作

行盡春郊見酒旗
少年下馬倒金卮
可憐李白墳前草
零落清明細雨時

澆園詩集卷五

七

送門人歸山中

堤上殘花日日飛
雲鳩聲裏送將歸
君歸明月山中坐
神秀誰爭夜半衣

聽侍兒金粟誦毛詩作

侍女經春不解情
青衫窄袖傍花行
當筵未與歌秋水
芙蓉聲中見太平

倉庚簷外叫春紅
簾影歌傳十五風
爲語鄭家遺事在
好防中露與泥中

喜寒公同友夏至江西贈二絕句

師住寒河不當家
禪心詩意滿天涯
泊舟南浦春纔

半已有西山穀雨茶

望久匡廬到自親
宮亭掬水流衣塵
生涯盡付譚居士
處處青山但此身

偶題

無處覓愁愁轉深
雨窗眠起怕春陰
東風歲歲人如病
芳草落花俱此心

別寒公

寒河舟下灌嬰城
沾絮禪心亦自驚
不似尋常楊柳岸
春帆起處別離心

村居雜咏

澆園詩集卷五

八

古村烟藹下牛羊
又聽悲蟬咽晚吭
斷續不知何樹

遠憑將秋恨付斜陽

側帽疎簷夜自風
秋聲無數繞晴空
百蟲碎和疎春遠
又落仙壇月後鐘

送幻影僧

此邱蜀綦江陳氏子也八歲時遭悍少年掠賣之先夫人攜歸豫章汜十四年祝髮歸蜀是時萬愿已未父萬言官楚藩強之婚娶不許因復遍游名山王申訪于澆湖又更十四年矣相見凄然感舊作四絕句送之

秋風黃葉短牆飛
感爾擔瓢獨歎扉
太息相逢今日事
禪心無語亦沾衣

去時余已泣靈萱今到重招太守魂拜罷共尋板拍
淚古苔銷盡昔時痕

捫石穿雲苦行身彩衣拋却衲衣新堂前不用深相
憶聞說曹溪舊姓陳

離合都經十四年傷心難說舊因緣晚風又送柴門
別知踏名山何處煙

偶望

晴縷孤雲抱石根靜看山鳥啄苔痕諸天日午僧歸

院萬壑千峯獨倚門

林氣蕭森日氣深藤蘿遍地晝常陰幡搖古殿青山

漚園詩集卷五

九

裏却問經臺何處尋

謝熊道士分植芙蓉絕句

閒心怕及晚花時花盡東風柳亂吹多謝芙蓉城下

客預分秋色到春籬

姬人持扇索書二絕句

卷簾雙燕話春陰似識龐家學道心樊素庭邊春草

綠先生不醉亦孤吟

桃花飛盡柳爭長日送春風過短牆曲罷却辭王氏

拍朝雲不解滿庭芳

贈元張上人閉關誦法華經

霄雲初地認迷津妙轉蓮花卽勝因說法門前餘片

石書生慚愧宰官身

香臺縹緲白雲飛獨掩重關解息機十六年餘相見

處寺前松樹已成圍

讀巨源溪上夢師貞感述

地下應無訪友期魂來湖面怯風吹主人泪憶當時

客依舊門前綠亂垂

入闈別雲在堂一首

雲在堂前秋水新疎花隔岸笑相親將尋桂樹青天

上今日閒鷗愧主人

漚園詩集卷五

十

中秋夜出闈戲作

碎雲如葉破重陰怕見馮唐短髮侵瓜果滿庭人自

喜三年一度月明心

戲示嚴子岸

墜策春風動曉思又逢汧國罷粧時客星今夜臨江

水虛負巖灘冷釣絲

雪晴行市中作

滿天晴雨殘春衣柳市樓高瀑布飛少婦臨窗新恨

事雪獅今減昨朝肥

題畫蕉爲沈宗山都護

謝公樓畔種蕉殘影伴孤吟六月寒細柳營前軍吏
散故山清蔭畫中看
將軍坐泛米家船來雀亭前綠有天又掃秋陰歸四
壁秋風秋月共相憐

柳枝詞

孺子亭邊春已深千條垂柳亂春陰東風只在湖南
岸歲歲飛花攪客心
多在三洲水一灣湖邊柳外見青山野人爲愛看山
坐細逐輕陰日往還

漚園詩集卷五

十一

舞半在高樓畫裏看
亂鶯啼遍夕陽天爲惜新晴暮可憐知是江南寒食
過春風欲倦柳三眠
絮滿誰家昨夜船曉含清露晚含煙稽康懶渡湖風
去又是清時鍛隱年

乙亥二月紀事

地是高皇舊鎬豐車書萬里靜華風如何嘯聚神堯
里處處山河涕淚中
諸陵賊到萬人奔自有山靈衛至尊王氣試看兵火
後依然日月照乾坤

江北千村少吠鷹豺狼魂盡在烏江寧因父老相憐
少自料天亡氣已降賊至烏江惡其名不敢渡

黑風吹滿賊旌旗遺廟君侯不自支一自捐生吳地
後又捐七尺障無爲賊欲陷無爲占關侯不吉怒斬神像而去

春風荳蔻綠林知泣父攜兒斷腕時未死爐傍今夜
恨鐵家姊妹舊題詩巢縣儒生手持兩女拒賊賊斬生兩手奪兩女宿酒樓上

元元古殿薦克靈殿上黃冠血復腥斷首孤魂如得
度還應多誦度人經賊首被殲覓道士薦之惡疏中斷首孤魂語焚觀盡殺諸道士

護諸童子佛遺經今日空王法不靈池裏呱呱池上
笑斷猿何處哭春萍賊投諸兒池中頃刻池滿視諸兒拍浮大笑爲樂

漚園詩集卷五

十二

聞說諸城井灶荒縣官攜印夜奔亡買臣突見懷中

綬不是之官太守章英山廬江令携印逃九江

罡風吹血滿人間仙佛清緣此日慳試望旌頭中夜

落五臺山與太和山

寫韻軒

西山明月照人間騎虎仙人去不還紫極宮中花影

寂雲深應在藥王山

誰識當年寫韻心軒空只有碧苔陰應知天上諸仙

課鷄犬聲中亦苦吟

城南無處問真仙玉女窗虛到惘然猶似蕭峯峯外

奎夜騎人語落青天

洪厓遺事盡消磨
吊古求仙恨總多
欲問龍沙今日事
五陵千載近如何

屏花十咏爲何松石師賦

地上琉璃影半斜
豔分千頃洛陽霞
畫屏試覓東風樣
他日平章宅裏花

牡丹

開傍春風細柳隅
一庭雪影浸雙壚
官衙冷對花房笑
共有冰心貯玉壺

玉蘭

湖水東西花滿濤
閒將公事了湖陰
使君只有官如水
笑折蓮房認苦心

蓮

溉園詩集卷五

十三

亂剪朝霞上下屏
春光如海染秋莖
年來已種城頭遍
莫數華陽號錦城

芙蓉

簾雨西山放曉衙
淺蒲深杏萬人家
東風又見桃成實
誰占公門第一花

桃

馬乳霜殘入墨肥
元雲難譜酪奴非
侍中拜賜辭春殿
笑殺金門割肉歸

葡萄

天江生處遠江東
夢斷楓亭五月風
誰似宋香陳紫豔
滿城棠樹爛西紅

荔枝

瑞子亭西滕閣東
嬌花弄蕊鬥春風
玉堂預識花顛影
一點紅生萬綠叢

石榴

莫道廣平新賦好
揚州詩興自君家
他年染就梨雲句
又在南州幾樹花

梅

春社千邨醉曉鶯
桑麻影裏遍生成
河陽萬樹花如繡
晴綵金丸屬鷓兄

枇杷

送陳叔則訪彭孟明太守之閩

九月青山別恨重
離心漸次染丹楓
隄防寶匣當風雨
怕到延津欲化龍

莫惜衣沾滿路塵
山川今古戀游人
南州太守梁間榻
解向閩天客姓陳

舒泰交同陳余二少年夜過戲贈

溉園詩集卷五

十四

寒星萬點照山城
晚寺疎鐘客影清
何處步虛聲上下
飛瓊來並董雙成

歌搖銀燭吐青煙
絳蕊輝輝照夜妍
千古僧孺惆悵事
香風又入大羅天

薄暮山行

日暮空山客影寒
天風吹客路漫漫
千峯亂起侵天勢
奇絕峨眉此地看

奇別

生憎離恨未消磨
別路參差恨轉多
霧滿千山人漸遠
知君憔悴更如何

梅嶺蕭峯日放晴
愁雲偏自鎖寒程
夢聽三疊陽關曲
已是銷魂第四聲

聞警

鶯花二月古揚州
何處烽烟到石頭
渭水折衝齊躍馬
塗山今作五陵秋

汝穎紛紛鉅鹿張
橫戈誰復似盧郎
左豐未死英雄泣
笑拭芙蓉匣內藏

六載憂勞恃聖明
空將金印耀生平
安危不借談天口
丁甲何須問郭京

柔櫓聲聲建業隄
長江天塹臥鳧鷖
百年蘆葉楓林

既園詩集卷五

十五

岸誰向深潭試水犀

鶴唳風聲此地多
羣公勝算欲如何
征西亦是江州督
不信潢池不解戈

偃月堂前萬慮深
咽喉赤羽漫經心
好移腹內無窮劍
盡掃天驕與綠林

道阿渭乳媪歸

勞爾霜絲送爾畿
酸風作雨淚同吹
城南一塊荒涼地
地下寧無索乳時

浪逐東風一度花
曉光記上碧窗紗
匡床小腕銀鈴動
抱乳聲聲喚阿爺

水操臺

誰門猿燼水上師
長江天塹幾人知
章門歲歲晴波好
惟有龍舟習水嬉

羽扇新開江上臺
中丞號令轉風雷
操舟莫道南人專
只解青山款乃回

臺屬大中丞
解公新創

七姊妹

亂簇新粧出漢宮
曲欄拖影怯東風
春衣莫鬥鄰家女
只較深紅與淺紅

三月晦日看籬畔落花

蝶怨蜂愁不可知
曉風千片繞郵籬
春光九十知難

既園詩集卷五

十六

任紅雨香中欲嫁誰

趙家姊妹別離時
雨送春殘淚各垂
黃鳥似憐惆悵事
綠楊西畔罵封姨

丙子五日悼余姬四絕

今古誰傳續命絲
魂如輕絮剪春枝
去年尚憶晴窗曉
艾影搖身獨畫眉

五月南風薤露侵
虛貪結子望成陰
堦前悔種宜男草
忽見花開淚不禁

湖波漲滿淚同分
人似鴛鴦乍失羣
只恐新魂招不得
九歌聲裏哭湘君

鏡中遺照墓中身欲薦菖蒲淚滿巾歲歲端陽今日
酒華家塘下濕香塵華家塘姬葬處也

葬余氏姬

始信傷心不解愁高墳突起草修修可憐前夕鴛鴦
伴零亂池南土一坵

玉簫無分再生緣素從茲別樂天青草瀾瀾燐火

亂孤魂今夜泣荒烟

馬蹏新封古道邊今生已矣宿生緣重來莫更依貧

士悞落荆欵十八年

四野酸風鬼火吹千秋長恨別墳時丁寧地下眠應

既園詩集卷五

十七

好淚盡重泉知未知

丙子述懷

月落秋園照苦顏九回上策又空還堪憐同輩俱頭

白半溷朝簪半掩關

邨墟漏斷月初沉孤枕平生未了心往事千端難復

省西風今夜已難禁

兒病姬亡梅雨天嬌花已墮早春前柔腸寸盡人間

世半歲晴陰走墓田

春王二日女阿渭殤四月喪余氏姬時耕兒病疹至七月既望

兒復

湯餅筵頭菊映卮兒殤又是蚤秋時今年菊映今年

淚東罷殘書欲付誰

九月涼秋野草枯愁人怕讀李陵書中原未是胡笳

地清淚無端對曉烏

拱日扶雲望帝都緇袍青鬢笑吾徒不知仙枕誰家

竅半世華胥一夢無

家國身名此夜心憂時却憶主恩深書生洒血今何

地只恐年來白髮侵

貞白先生地上行三朝只爲鐘浮名仙凡盡處應無

別九障難除亦世情

慰兒好語望兒心尙憶當時嘆息深地下若能知地

既園詩集卷五

十八

上此時懷抱更難禁

乙卯下第先夫人語不孝兒尙年少富貴當自有根余六十老矣明年先夫人歿甲子下第先君語如先夫人余心動丙寅果先君歿兩尊人語讖二十年來念之腹痛不堪再回首也

鍾鼎怡親只世榮又虛鍾鼎誤時名三光照眼俱兒

罪贏得松原恨未平

五羊城外弔師墳墓草無因拜子孫廿載門生看又

老西風何處報人恩

予少辱知東宮樊珠城先生今歿十四年復世絕傷之

窗篆蝸涎紙欲穿霜風忒忒似鳴弦漑湖病客橫孤

枕夢斷天明只自憐

詩卷俄然數尺餘推敲字字憶躑躅應知司馬歸來

後太息當年賦子虛

冬烘遺恨枉縱橫天網寧須世上名笑殺坑儒痴獨
絕不將文字作長平

芙蓉萬樹照晨梳短髮蕭蕭媿不如老圃東家堪作
伴芋衫蓬鬢帶花鋤

負薪行野不披裘失計當年在寢邱莫羨他家貴公
子南鄰絲管北筵篴

雨中諸梅盛開四絕句

已是東皇昨夜枝迴廊難護曉風吹相看似對林居
士放雀聲中冷自知

澆園詩集卷五

十九

素豔微香態只垂輕烟如夢雨如絲春光莫道晴偏
好和雨和烟記此時

綠萼紅英各異裝花魂不了是寒香風前曉淚知誰
恨應惜餘春付海棠

滿林風雨鶉鳩啼一月梅開蕊未齊小院無人春寂
寂好風又在曲欄西

輓朱飛卿

天上修文地下期原香國裏去來時湖邊此後開秋
社莫作人間悼友詩

移竹

普天烽火識艱難此地春風綠幾竿種竹栽花俱帝

力園丁好與報平安
樹酌春風好護持南窗烟煖北窗颺蕭蕭更布西窗

影爲伴秋桐夜雨時

劉孝則分栽湘竹

年來只爲種花痴種竹憑君俗可醫刷向名園新雨
後又勻殘淚到湘妃

劉明仲分竹

先朝文簡室中遺只有蒼烟種滿畦感取孤清分白
屋枝枝曾照舊青藜

澆園詩集卷五

二十

朱二玉分栽紫竹

湘雨邛烟共寫姿紫雲拖玉影離離花飛亭館他時
恨好取玲瓏風管吹

劉無際分植義竹賦詩

爲愛嘉名竹譜新龍孫千葉護輪囷田家荆樹君家
竹分取和風滿比鄰

園居吳石卿寄示劉伯宗書酬贈兼訊在公幼

濟

風雨園林午未梳池邊忽到故人書相思較比驚春
草蚤莫侵堦綠有餘

烏斜天角斷雲橫門外傷春獨自行如此江山何處

夢池陽三十六峯晴

春水春田雀可呼梅花殘後冷林逋江東却憶風流

在未假山邊大小蘇

鄰家移竹種窗西按譜栽乘雨後泥更上危樓成遠

望寒梢萬尺憶鵝溪

鵝溪伯宗別業

投書消傍豫章城千載洪橋事不情多謝吳郎來往

意秋春如雁寄聲聲

聞劉孝則登第口占

何事漁樵亦浪驚春風消息鳳皇城錦鱗居外泥金

澆園詩集卷五

二十一

帖新聽勾臚第一聲

多少青雲負聖君此邦忠孝舊升聞百年鄭重臨軒

意日下應看五色雲

種秫自嘲

不須粳稻比香城種秫呼奴趁晚晴自笑東坡長禁

酒一般生理學淵明

門前種柳七株偶損其二客有疑余故擬淵明

者戲作

遍種溪頭作樹林五株天遣映門深平山亦有歐陽

柳何必陶家舊日陰

陳仲來自海州還以一鶴見詒

田橫島畔一錢看琴雀歸來宦橐寒雀贈故人琴在

匣弦歌聲欲向誰彈

近結茅齋傍水汀蒼苔白石理殘經今來更乞賢州

守爲記山人放鶴亭

望夫山

山去彭宗數里許土人云昔有鄱湖戰士婦

登山望夫戰處碎揉竹葉今山上竹葉皆碎

美人曾此泣刀環歲歲春風紀別顏爲語遼陽征戰

後普天多少望夫山

澆園詩集卷五

二十三

至今竹葉碎空山不學湘妃淚共斑戰鼓陣雲何代

事尙留遺恨向人間

悼耕兒

生未遇若死便葑塔鎧橋火憶當時雪堂寂莫因蘇

通淚盡人間哭子詩

東坡有子通未周而天朝雲所產也

記囑青衣好護持最相憐惜曉風吹如何拚付城南

土鬼小魂驚野草知

巨源令子方平十歲生日詩以勗之

瑤池阿母坐秋清笑擁諸孫共濯纓三見蓬瀛波淺

後含飴十載弄方平

天上聊從地上行司空孫子古西平黎郎解汝前身

事偷取神仙舊姓名君名元晟黎美周字之方平云

憶得源公小友時素園題偏百花枝今來又見榆溪畔梨棗都拋日寫詩

爲人書扇紙疲甚九奇復索書口占

湖畔籠鷺道士曾閉門終日染枯藤黃庭纔罷繙經坐又到翠微何處僧

決囚日枕上口占

貫索星中殺氣吹葭灰無復死囚知曉風天上鷄聲動猶是人間未了期

澆園詩集卷五

二十三

經桓公墓見古樹一株今爲人伐去二絕

將軍墓上草痕荒獨樹蕭蕭古道傍今到忽剛當日影歸鴉如客繞殘陽

刺史猶憑太守思寒塘衰艸一碑存不知日夕行人路多少狐狸吊古魂

墓久夷廢郡太守范公封樹之萬歷初年事也

爲李小有題楊龍友畫冊

樹外晴川草舍孤千峯深處亂雲扶楊家元閣君家谷都入烟巒作畫圖

蒼袁大雪中投詩折桂花一枝爲贈

寒香分寄雪中天雪影花光照客妍金粟前身知近

月可曾攀折自羣仙羣仙文江麗人袁大賞之

贈劉翁

翁濟人丁丑除夕造廬來謁道先太守刺濟上時德政縷縷具言甲午大禱先太守招集流亡萬家復業悉爲了諸通賦翁家與焉語城南生祠香火如故相對泣下因口占三絕句送之

翁過刺史舊柴門淚說蠲租昔日恩四十年來車馬地郭前棠樹幾株存

任城今古舊風流杜甫南池李白樓憑說城南祠屋在知章留得鑑湖秋賀監昔守任城

澆園詩集卷五

二十四

月傷心難對舊時人

香城道中馬纓花盛開折歸有作

愛客山花映袖斑擔頭攜取到人間我來不似桃源路只有飛花逐水還

寒食日出城偶過余姬墓愴然有作

芳草離離繞墓門重來已沒舊時痕今朝寒食啣知否麥飯春風慰斷魂

眼前痛哭盡如何青塚茫茫淚點多試問遼陽征戰後幾人歸骨葬山阿

七夕雨

瓜果長干競此宵獨眠秋雨病無聊重雲似爲羈愁
客不遣人間望鵲橋

送劉伯宗後偶作

白露淒淒百草斑月痕依舊向來彎西風日日催行
棹病客蕭然獨上關

桂樹無花對苦顏只餘瘦影向鍾山懷鄉就闕俱干
里南北心情雁字間

聞孝則被謫偶書

三湘名世似雲興身繫安危只奪情六十年來黃閣
老武陵看又繼江陵

灑園詩集卷五

二十五

天上遙傳諫草新五湖烟雨急垂綸桃花自有仙源
路何事劉郎再問津

烏龍潭憶譚友夏

烏龍潭在冶城旁閱盡游人幾夕陽却憶譚郎當在
記寒波照影獨情傷

再送舒成之

北風吹雁盡南歸送客懷鄉意總違怕上勞勞亭上
望古今多少淚沾衣

白門別王德甫

同是天涯去住人相逢相別易傷神西湖莫道多紅

葉今日江邊怨白蘋

方子烈出德昂小照索題對客口占應之

五柳先生何許人無懷民與葛天民方郎示我長康
照病客相逢畫裏身

水漲及階戲題柬徐念孺

階下新流欲滿墀樓前晴泛綠楊枝却看徐孺西邊
宅恰似來鵬夢裏詩

溫九卿美人吹簫圖

怪道真真喚不迴人間絲線浪成灰可知天上吹簫
侶能下君家玉鏡臺

灑園詩集卷五

三十六

代贈歐無奇青衣菊來

愛伴陶潛爲此名東籬佳色似卿卿桃花莫說東風
豔不負湘潭是落英

謝思濟先生二絕

書生無分望龍樓却服丹砂病早瘳此病本因猿雀
怨先生忙我帝城遊

白髮朱顏道氣馴隔垣窺病屬何因大醫院裏題名
客今日如君有幾人

庚辰春王大雪展鄭超宗贈臯侄畫冷壁寒煙

孤亭敗柳復增寒意書二絕句

樓角新年凍雀呼樓前粉砌雪花麤朝川詩思應難
畫却展王維舊雪圖

枯柳蒼烟不住鴉小亭背指數峯斜春歸墨氣知多
少留取寒光萬楚家

社日江干與諸從別

壯士臨觴淚亦垂孤舟獨上曉寒時江邊柳樹纔青
眼那得長條縮別離

草茅未敢負君恩破劍殘裝又出門花滿東軒應笑
我主人何事不窺園

三月廿六日抄廢翁詩鈔罷偶書

溉園詩集卷五

二二七

堙却高人淚碧空六橋花老斷詩筒朝來抄得遺詩
讀綠州亭邊狎廢翁

六十年餘舊草廬聖朝忘却茂陵書千秋自有三部
賦元晏光生我不如余時爲作序

過金山憶十年前夢登山頂有窗懸萬古日人

立半時烟之句偶成一絕

夢到金山覺後疑窗烟人影十年思相看不似何中
舍尙欠金山寺裏詩

題吳天行姬人遺照

天行有姬馬氏慧而年二十有一而歿天行

自寫小像綴姬遺照侍側娟靜妍好楚楚可

念蘭蕙爲心已隨黃土芙蓉如面宛在丹鉛

人天淼淼已無雙宿之緣蚤莫依依尙綴駢

石之影畫圖省識春風環佩應歸月下憶杜

甫當年之句學樂天長恨之歌聊成二絕以

代郎悲庶感九原如聞姬歎余亦不能不爲

天行一黯然也

郎比喬松妾比蘭春風無賴作花殘箱中本行經猶

在莫向吳家問綵鸞

小立郎邊知未知非烟如霧怯風吹依稀七夕驪山

溉園詩集卷五

二二八

下畫取關干夜語時

溉園詩集卷五終

茂先詩初名芳樹齋集後築漑園乃名漑園集向少
傳本此本頗精然無目錄無序跋不知爲何時所刻
咏黃牡丹七律三首乃其北上卧病維揚時所作未
幾卽卒於旅邸搜輯殆無不備更有園居田居詩數
十首初嘗單行集中未全收入殆其最後定稿有所
去留是集當以此本爲最審也丁巳六月朔日南昌
魏元曠跋

漑園詩集跋

豫章叢書

顧
興
治
詩
集

蔣	屋	如	厓
氏	校	月	涂
慎	印	著	月
脩	甲	始	吉
書	質	丙	成

顧與治詩序

東吳顧炎武撰

與治之先自吳郡洪武中以貧徙都下遂爲金陵人曾祖英玉先生與其兄華玉先生皆以文章聞於代至與治亦號能詩海內名公大人無不願交與治者當崇禎之世天下多故陪京獨完得以餘閒賦詩飲酒極意江山留連草木騁筆墨之長寫風騷之致晚值凋謝獨身無子迫於賦役卒轆軻困頓以終今讀其詩鬱紆悽惻有小雅之遺音焉予以同姓故嘗兄事與治曩北行時謂與治曰兄平生作詩多散佚今老矣可無傳乎與治曰有一編在故人沈子遷所其他稿棄舊笥中病未理也予行三歲乃得歸次揚州聞與治卒施尙白

頁一五 顧序

金陵 顧炎武 校印

顧與治詩序

長干宋 崑撰

與治顧先生予老友也昔從石頭余集生先生聯九經文會於小湖南復徙烏龍潭共講席者久之後更訂詩會於秦淮同事者則有范太蒙俞容自葛震甫林茂之紀竹遠李小有陳旻昭諸先生鼓吹風雅唱酬靡輟四方詞人聞風畢集南中之盛不減西園數年以來羣賢凋謝大雅幾微與治憂之復邀同志攷古課詩挖揚旨趣而月一舉每集必卜芳辰佳景以助筆墨之興亦盛事也無何與治捐館舍矣青谿鍾阜之間壇坫寂寞能不令人永歎哉所幸詩卷長留讀其詩想見其人即謂詩存而其人亦存可也頃者尙白爾止子遷三

頁十五 宋序

金陵 宋 崑 校印

先生既經理其喪又欲集其詩刻之而無處得稿屬方爾止爲之蒐葺爾止則索子遷藏本得十之五六又從他友得其三四共付尙白選而傳之嗟乎士生今世不能治生至有負郭數頃之田不免饑寒以死而猶幸有故人錄其遺詩使垂名於異日君子所貴乎取友也如是與治名夢游崇禎末年貢士其書法尤爲時所重云

顧與治詩序

棠邑沈希孟撰

與治之爲詩海內同人亦既知之矣第其詩草隨手卽逝索書者來則縈縈出諸腹中偶有遺忘卽以意改之雖前後工拙不問也嗟乎茂陵有妻韜川有弟非易得事不則散逸失傳豈願問哉嘗趣與治壽諸木與治謂家方垂橐不暇以珠桂易梨棗可嘆也然古人著書必有藏本壁與井皆禹穴也苟得出世不論何代何人自不忍聽其湮沒若與治詩唯曝腹將奈何退與吾友孫阿匯商之願得其稿代爲整理而與治方骨見衣表藥裹支牀形神俱瘁莫能繕寫嗟乎與治不能繕寫而予索稿之心益棘矣大江南北數行書問時接於道唯伏枕稱謝終未克應未幾修文天上嗚呼前約未酬音徽頓絕予復何以爲心哉吳子不官暨家弟子甯輩皆予同心共爲搜輯得詩五百餘首編次成書急攜渡江謀梓行之偶晤方子爾止爲言施學憲愚山先生求與治詩甚切南中藏本雖多未有若君之備也曷不以此本歸之因取予所錄者持向愚山重加參訂明年捐俸授梓予亦少助刻資遂成全集頗用爲快或曰與治交最廣卽微子天下必有刻與治詩者何爲是汲汲哉然天下無宿約之人矧予與愚山先生皆與治生前好友許劍短札墨瀋尙溼安忍以亡友遺編存亡聽之則是刻也亦何預與治事卽謂予與愚山先生自酬其志可也

頁一五 沈序

金陵施閏章撰

顧與治詩序

宛陵施閏章撰

吾友顧與治淹雅服古有忠孝至性與人敦氣誼不僅以詩名而世人知稱其詩次則愛其書法而已楊子曰存則人亡則書存其詩而其人與俱存焉與治平生懶自收拾遭亂放廢益欲焚筆研詩草散亡予累書促其自訂將板行之皆以疾辭戊戌春予官山東與治錄寄詩四十餘首卷長三文自言歲暮嚴寒力疾呵堅冰作書若見屬者發之黯然庚子四月予歸見其病坐榻上不能掛固強予酒食謂後此恐不相見予又促其錄稿時吾里蔡君大美在坐與治拱手曰君行後當以屬蔡君已而不果與治論詩雅善邢孟貞癸未秋序予越遊草時孟貞已死篇終悼歎不置庚子九月二日予在牛渚舟中偶讀其序爲涕零私怪孟貞歿十許年何涕乃爾次日抵金陵訪與治則先一日死矣入哭於其牀然後知舟中涕零時卽其死日也生死之相感如此予嘗許刻孟貞詩爲范計部所奪今又恐負與治乃取曹石倉所刻及其外孫梁爾礪鈔本而去又屬吾友方爾止多方蒐輯得沈子遷本尤詳予與爾止重加刪訂擇其精要正其訛舛得詩五百七十六篇是爲與治遺集予卽捐俸付爾止刻而傳之雖不敢謂足盡與治之詩而因其詩以存其人庶幾備矣憶予初因孟貞交與治爲崇禎壬午性故好詩然方從事帖括後十年所與治多病予役在四方不能數唱酬今稍力爲詩而二君

頁十五 施序

金陵施閏章撰

皆已死嘗私論二君之詩曰邢學勝才故氣格淵古顧才勝
學故風旨韶秀與治平生不襲跡盛唐然清辭俊語動能淩
絕得中晚佳處其憂時憤世鬱紆莫告之心誦其言未嘗不
慷慨泣下也嗚呼與治貧老無子不爲憂獨其詩可存復不
自愛惜蓋若澹然無所營者而累以江田逋賦至掃地剝膚
以死哀哉哀哉其詳具本傳不復序

顧與治詩序

六合孫泚如撰

吾觀今人恆狎於詩而爲之狎於詩者以花鳥山水足以盡
乎詩而浮靡相逐吾之性情不與焉斯人也奚足病詩詩病
斯人矣吾友與治則反是其詩一以性情爲主而花鳥山水
不與焉曹能始先生十二代詩選外無他刻也今海內亦既
知與治詩而與治無刻以是知詩之傳不傳不係乎刻不刻
矣吾里沈子遷氏於與治在時則屢索其稿欲壽之木與治
以善病未報及其捐館予與子遷哭其人更哭其詩亟從友
人壁間扇頭窮搜博討得詩五百餘首將爲徐君之劍會是
時施愚山先生亦有同心子遷遂出其稿付方爾止轉致愚
山重加選定捐俸授梓子遷仍助其梨棗不旬月而其詩成
予獨訝與治素不存稿不刻稿一反今人之所急乃有人焉
代爲之急益信詩之傳不傳不在我之刻不刻也至其爲詩
亦無不反今人者今人狎於詩第知山水花鳥浮靡套語夫
花鳥山水三百篇亦言之然不過比興耳而謂詩遂盡於是
乎與治詩字字在人意中而人自不能及則以其善言情也
蓋得三百篇之深者哉今刻與治詩不獨風雅之業有功亡
友其有功天下之狎於爲詩者抑又多矣

顧與治詩序

龔山方 文撰

古人之詩獲傳於今者十不及一焉其散亂遺落不知有幾也若夫生前未經散亂而死後亦不至遺落者唐三百年惟杜少陵白香山三集而已少陵久客西川嘗以二子自隨其示宗武曰詩是吾家事人傳世上情又曰覓句新知律攤書近滿牀則公平日之詩必宗武收錄之矣其卒於耒陽也宗武病弗克葬以屬其子嗣業後嗣業遷公柩葬於偃師而乞元微之為墓誌銘曰自有詩人以來未有如子美者是時公詩九十卷已盛行於世王洙蔡夢弼之徒復取而註之以故讀杜詩者年月次第皆可考焉香山老而無子懼其詩身後

百十五 方序

金陵叢書 蔣氏校印

失傳手自編排得七十卷錄為五本一本實東都聖善寺律庫中一本實廬山東林寺經藏中一本實蘇州南禪寺千佛堂內一本付其從子龜郎一本付其外孫談閣童其意以為世方多亂兵火莫測庶幾憑藉佛力使不毀耳後刻白詩者悉遵元本一字無改其年月次第亦可考焉夫二公當日為詩雖自信必傳亦不料後世篇帙完好竟無殘闕若此設非其時詮次有方付託得人能保其後不終佚乎然則編詩者之有功於詩豈曰小補也哉吾友顧與治詩情書法妙絕一時上自名公鉅卿下至於田夫俗子咸知寶重之第與治性情懶散不甚秘惜其詩隨手即逝有索書者來含毫濡墨一取諸胸中俄頃間輒竟數紙故與治之詩反若賴其書以

傳者崇禎甲戌予避羣盜來江東卜居與治之里晨夕相過權好無間與治每構一詩必持以質予予或指其微疵與治欣然改易無忤也甲申以後予攜家返桐與治亦以江田之累奔走京口揚儀間常數歲不得見見必出詩相商思日以苦情日以深氣格日以老視嚮時白門所作工力殊勝予無間然也矣戊戌己亥與治年逾六十貧且病不能治生惟坐臥一小齋賣詩文自給門外索書索詩者踵相接也與治力疾以應之覺詩思漸減而書法遒勁逼真古人易簣之日猶為高座寺僧作五言律書丈餘大幅了無倦容其神志高曠如此施尙白使君自宛陵來江上心動馳至其家而與治瞑矣尙白既親為含殮經理其喪又探其篋中遺草無有因屬

百一三 方序

金陵叢書 蔣氏校印

予廣為搜之蓋是時南中藏與治詩者八九家予一一借鈔互有異同而六合沈子遷所藏尤備即從子遷乞得其本持往臨江與尙白共較焉尙白於今人詩絕少許可獨心折與治不啻口出及予至臨江留居其署二十日每夜一鐙青熒相對取與治詩字櫛而句比之標其警策汰其繁冗釐正其訛謬吾兩人頗費苦心至年月先後之次亦以意揣度位置不亂務使觀者因其詩以考其時因其時以窺其志百世而下必有知與治之深者矣壬寅春自臨江歸尙白捐俸屬予授梓而子遷亦有將伯之助不旬月剞劂遂成因念古人詩之最多者莫如少陵香山其最少者莫如常建李頎劉脊虛輩品唐詩者不因其少故詘也今與治詩六百餘首即不敢

追蹤杜白其視常建李頎諸君則倍蓰矣況其詩冷秀蒼妍
實有諸君所未到者乎或曰詩貴精不貴多審欲傳與治存
其詩數十首足矣奚以多爲哉雖然好學者繇博而返約明
辯者獻可而替否古人之詩勿論其他卽少陵香山亦未必
盡善盡美矧亡友遺篇曷忍過於刪削正不妨瑕瑜並見以
俟後之君子論定可也若夫與治爲人孤超絕俗篤於友義
生死不渝則錢宗伯周司農二序已詳茲不復贅云

顧與治詩序

大梁周亮工撰

吾友顧與治金陵顧憲副英玉先生之曾孫也英玉爲大司
寇東橋公從父弟高潔自負與物多忤宦成歸里至無以給
朝夕臨街一小樓扁曰寒松訓蒙童數人待以舉火東橋性
豪放好賓客宴飲不廢妓樂與英玉居間一牆招之飲多不
赴嘗絕糧東橋餽以斗粟亦不受每召鄰家酒徒與之飲典
衣沽酒盡三四甕而去作酒隱詩以見志其清尙如此越數
十年乃有厥孫與治繼起因以酒隱名堂蕭然高寄有英玉
先生之風嘗以諸生例得鄉貢不仕著詩文自娛所爲詩清
真絕俗別成一家讀者望而知爲高人介士之詩也予每見
世之工詩者多自矜惜半紙數字秘而藏之以庶幾身後之
傳而未必其可傳或詩可傳矣而終致湮沒無聞者往往而
然與治爲詩脫手卽逝未嘗存稿生平著作求其編連成幅
者亦甚鮮有然一咏纔成人爭傳誦兼之書法古勁妙絕一
時天下之真嗜其詩者既斤斤然務存其詩卽不真嗜其詩
者又以書法之妙存其書而詩亦與之俱存以故與治既沒
其詩雖散佚終在人間不致遺落蓋藏之者眾也宛陵施愚
山先生旣爲收拾付梓會棠邑沈子遷亦有夙諾因助其刻
資屬予友方爾止爲之點定標異賞奇特爲精當與治之詩
遂成全璧其爲傳之百世無疑凡有目者所共覩也予獨念
與治窮年矻矻專攻風雅未嘗輕下一筆精神凝結可達幽

遐獲傳於久固能自信進而求之若別有所恃者蓋與治生平以表揚文士爲己任闢幽發伏不遺餘力南州蘇武子古文妙天下中道夭折予愧不能傳其書與治爲之鐫木世乃知有武子之古文武子雖才得與治而名始彰也北平子司直有奇氣傾貲結客至破其家旅死秦淮無一人軫恤者與治親爲含殮而梓其遺稿俾海內得識司直而仰其人不衰賸公之及於難也禍且不測與治左右之不稍避卒與之俱全賸公既寂復蒐其遺左雜咏存之今世猶有讀賸公詩者與治力也宋比玉之歿與治既輯其遺稿慙思李侍御少文爲梓行復走虞山乞錢宗伯爲墓表少文方按閩與治屬少文鐫於墓側會少文得代遂不果越十餘年予廁閩臬過金

百十五 周序

一

金陵遺書
蔣氏校印

陵與治又諄諄屬予予令其族孫祖謙勒石歸以石刻示與治喜動眉睫若重負方釋者費考功筆山家在石阡罷官後無所歸與治分宅居之歿即葬於顧氏先塋旁歲時祭獻酌酒必漬筆山墓草也筆山舊爲福清令刻稿多在閩頗散失予官閩時與治託其嗣弦圃從予行盡收舊刻若干行於世予爲賦長歌以誌之其平生好義務不朽其亡友類如此夫我以此施人人亦施焉人利賴於我我亦賴焉與治既好爲詩又輕棄其稿不略爲計畫者固恃乎慙慙懇懇不忍湮沒其亡友之心亦恃有愚山爾止子遷諸君子在知其身後斷不至冥冥漠漠爾也雖然以億萬斯年之事聽之幾倖莫可必之數不亦危乎予嘗刻林宗先生詩僅千百之一二耳阮

太冲秦京詩亦落落如晨星所不至盡淪亡者蓋已幾希矣彼世之負高才無聞於時者求如林宗太冲秦京之落落晨星並不可得蓋又不可勝數矣則夫士生於時欲以詩文名後世固宜及身爲之計焉乃曰後世有相知定吾文者豈盡可恃乎哉

百十五 周序

三

金陵遺書
蔣氏校印

顧與治詩序

蕭中陳方策撰

柳子厚爲柳州刺史病且革寓書其友劉夢得曰予不幸卒以謫死以遺草累故人夢得執書而泣遂編次爲四十卷通行於世嗟乎此道今人不可問矣予每讀子厚之文尤感夢得之義爲不可及也顧與治爲江左耆舊能賦詩善行草書雖鄉里小兒皆知愛慕之今一旦修文地下而身後伶仃其平生吟咏幾湮沒而無傳予友沈子遷夙號能詩與與治交善收藏其遺草一編將授梓會施愚山先生亦有此舉子遷慨然曰秉彝之好何必自我爲政哉因取其稿付方爾止轉致愚山選定而梓行之俾百千歲以下知有與治之詩與治藉以不死而諸公之於夢得也殆庶幾矣予甯無感乎

頁一五

陳序

金陵叢書
蕭氏校印

顧與治詩序

黃海程 蘇撰

古人業不精異不傳人非奇特不著人與業無二術也究之人尤資業以表見於當世故稽之於琴孫之於嘯庖丁之解牛郢人之運斧瘞之丸秋之弈小藝且然況於詩乎詩之爲道三百尙矣降自青蓮工部以往竟陵空同輩出亦必磊磊成一家言而後膾炙人口用是以垂不朽顧子與治金陵名宿也聞其人抱道古處有烈士義且詩與字俱力爲開創自名一子之風予初來白下卽晉接之見其人恂恂然若不勝衣予心乃疑以詩之蒼秀無敵字之道勁絕倫宛不似其人之癯癯也後每見輒病繼而嘆昔人謂窮能工詩今更詩工於病始信文園渴後而子虛乃足擅乎戊戌夏家慈見背同人賜奠顧子必自撰文并手書於軸章以致祝迄今猶珍之爲家乘益知其古文詞更甲妙天下不獨詩與字爲然也而其人彌見矣

頁一五

程序

金陵叢書
蕭氏校印

顧與治詩序

虞山錢謙益撰

予初識與治見其威儀庠序筆墨妍雅喜王國之多士而華玉英玉之有後也莆田宋比玉客死吳門歸葬於閩家貧無子詩草散佚與治裹糧走三千里漬酒墓門收拾遺草請予勒石表其墓金陵亂後與治與朕和尚生死周旋白刃交頸人鬼呼吸無變色無悔詞予以此心重與治片言定交輕死重氣雖古俠烈士無以過也晚年屢遭坎陷困於蒺藜卒無子窮老以死施愚山學憲經紀其喪又屬其友方爾止沈子遷網羅放失舊稿手自排纂爲集刻而傳之嗟乎與治以老書生蓋棺瓦燈敗幃委絳無後愚山惠顧風雅噓枯而然死

百十五 錢序

金陵遺書 附氏校印

若此其汲汲也愚山之於與治猶與治之於比玉尹班之永夕范張之下泉氣類相感可以徵天道焉風塵瀕洞士生其時蒙頭過身而已孤生黨軍持而抗服匿讀與治詩九原猶有生氣存與治之詩所以存與治也知愚山存與治之義士之自立而悲於無徒與夫慕義而懼於湮沒者可以慨然而興起矣

顧與治詩序

金陵紀映鍾撰

啟禎間舊京以詩名者艾子魏容廖傳生孔悅張彥先一儒傳遠度汝舟顧與治夢游王穆如亦臨張紫淀文時張季從可度暨先君子竹遠諱皆以布衣雄長詩壇聲聞藉甚今九原不可作而後死者則顧先生與治也數君子皆負過人之才其詩文各有所獨詣或手輯以懸國門或卒後而其子掇拾以傳或篇章具存而梨棗不能無待或僅見其一斑而尙隱全豹獨與治閉戶讀書落落寡合於詩一以漢魏三唐爲宗時時有清超俊逸之詞寫其感時喻物之意每一篇出如初日芙蓉鮮潔可愛如秋山過雨蒼翠欲滴不旋踵而隴矣

百十五 紀序

金陵遺書 附氏校印

藝林矣與治曰是寥寥者何足存隨手雲散烏沒僅游閩時曹能始先生刻入十二代選中皆其四十歲以前作晚年老筆紛披姿態橫出僅見之牀頭敗篋與海內士人洲應箋扇之遺耳愚山使君與之夙世玄契易簣時二百里外心動疾馳而來經紀其喪又輯其遺稿十不得五方子爾止沈子子遷皆與治故交苦心併購復增三四雖未得稱全璧然生平得意之作亦庶幾其是矣與治生與子魏諸君同時諸君皆戛戛乎欲不朽其言桑海以遷徙零闕海內貴其書而不能見其本卽遠度十集櫟園侍郎幾欲致而廣之卒不可得先子詩文世所傳僅樺冠鐵船二稿餘者等身賤子徒抱之涕泣不能卽出以問世也與治多病散懶老艱子息生無欲

傳之意死後而其良友傳之國人傳之四方之士傳之其傳之一時者卽其傳之千百世無疑也然則傳者其己之精神爲之乎抑後人之精神爲之乎抑各有命焉遲速遠近如人之功名富貴不可強乎予因之有感矣實以自傷真不敢自比於人也

丙十五

紀序

金陵遺書
蔣氏校印

顧與治傳

施閏章

顧夢游字與治江甯人曾祖瑜仕至河南副使伯曾祖璘刑部尚書同時負盛名金陵耆舊至今稱之父端詳判河南汝甯夢游少負神童名九歲作荷花賦十九補諸生明年食餼入棘闈輒病不終牘寢厭舉子業好攻詩詞四方士大夫爭相推重與甯田宋珏長洲葛一龍南昌蘇桓友最善珏死自吳而聞走數千里哭之並表其墓桓死爲梓其遺文傳之時曹公學佺選十二代詩士爭附以立名夢游獨屬故舊遺草而不及己詩曹強發其笥得一帙刻之曰眞詩也其聲大振是時夢游雖布衣然故名家子生長陪京公卿大夫肩相比皆好文詩或式廬從之游觴詠無虛日提學高公去奢聞其名才檄試之得歲薦卒不就廷對及金陵變後交遊零落悒鬱杜門蓋自是無意人間矣然四方至者容接不倦貴州進士費道用困無所歸分宅居之歿即葬先生墓側歲時必祭贍和尙避世伴狂與夢游爲方外交至則主其家禍發逮捕且并誅夢游詞色不稍變卒免於難時以此推烈士先是其兄夢清早歿遺孤京善甫三歲鞠之如己子同居四十年有問及其兄者必墮淚親友有急或以衣付質庫中去之如流水不復顧也平生薄家人產會中山王國除其子以私田數頃歸夢游田濱於江歲多湮沒或被侵奪追呼通稅無甯日至盡鬻他產以償之貧病骨立庚子九月二日卒年六十有二妻劉生一子殤遂無後四女皆適士族夢游工詩善行楷

丙十五

小傳

金陵遺書
蔣氏校印

書如靜女高士閒逸可喜凡譙遊餞送之會必有詩詩必乞
手書晚年閉關以書易粟易簣之日猶爲高座寺僧作詩書
大幅好事者寶其牒墨如金球爲詩不甚起草惟對客以書
客去稿即亡卒歲餘其友施閏章方文沈希孟蒐其餘佚得
八卷刻行於世

丙十五 小傳

金陵叢書
蔣氏校印

小傳

顧夢游字與治幼號神童八歲作荷花賦千言十九補諸生
鄉試輒病不終牘浸厭舉子業好攻詩詞並善行楷凡譙遊
餞送之會必有詩詩必手書名流爭相推重與莆田宋玉長
洲葛一龍南昌蘇桓友最善珏死於閩走數千里哭之並表
其墓桓死爲梓其遺文時福建曹學佺選十二代詩士爭附
以立名夢游獨屬故舊遺草而不及已詩學佺強發其笥得
一帙刊之曰此真詩也夢游雖未通籍而故名家子生長陪
京公卿大夫或式廬從之遊觴咏無虛日督學高去奢聞其
才檄試之俾充崇禎十六年歲貢卒不就廷試及金陵變後
交遊零落悒鬱杜門蓋自是無意人間矣然四方至者容接

丙十五 小傳二

金陵叢書
蔣氏校印

不倦貴州進士費道用困無所歸分宅居之沒即葬先人墓
側歲時必祭剝和尚避世陽狂與爲方外交至則主其家禍
發逮捕洶洶勢且并誅夢游辭色不少變卒免於難先是兄
夢清早卒遺孤京善甫三歲鞠之如己子同居四十年有問
及其兄者必墮淚親交有急或以衣付質庫去之如流水不
復顧也平生薄家人產會中山國除其子以私田數頃歸夢
游田瀕江歲多漂沒或被侵奪追呼逋稅無甯日乃盡鬻他
產償之丙戌秋鍾山木伐爲薪買者塞途獨不取尺寸問其
故不對無何句溧土賊起城閉旬日乃裂柱以炊貧病骨立
晚年以書易米好事者寶其牒墨易簣之日猶爲高座寺僧
作詩書大幅年六十一卒著有綠茂軒集宣城施閏章梓以

丙十五

小傳二

二

蔣金
氏校
校覆
印書

顧與治詩目錄

卷一

五言古體

元旦聚族息園

上已遊于園

南嶽山莊

與蘇武子夜話

展玩寒松齋卷

壽劉今度二首

寄葛震甫

秋客吟十一首

哭葛亮生

贈夏彝仲

焦山紀遊二首

答韓芹城太史四首

題梅杓司響山園

夜投祖堂助公房

送與田弟北征

送王亞珠北遊

丙十五

目錄

一

金陵叢書
蔣氏校印

和宋山眉四十二首

壽吳發祥八十

和陶飲酒詩二首

喜黃若木諸子過飲

答范太蒙先生

登周處臺

惠山見新月

詠井中心史

哭陳古公

遺補 秋客吟二首

訪鄒滿字溪上

卷二

七言古體

采蓮曲

竹醉日移竹歌

壽與夏弟

留別謝太守

施桴遊母九十

湯允繩六十

湯允繩初度生子

秦淮感舊

寄題五松園

龔孝升合卷杯詩

寄余公佑作

九日雨集

節嫂徐孺人六十

補壽葉士安六十

送嚴感遇還吳興

送梅杓司還宛

送張水蒼還河南

題松下煮泉圖

徐有翼先生八十

歐陽初白六十

沈子遷五十

沈夫人節壽詩

葉夫人節壽詩

遺補 花朝日集聽鶯軒

卷三

五言今體

丙十五

目錄

二

金陵叢書
蔣氏校印

同葛震甫夜坐

震甫月下見過

夜酌鄒滿字溪上

歲暮寄慧公

指樹園

社集天界循公房二首

送于司直二首

方爾止生日

同葛震甫兩郊送春

待月節霞閣

再送文啟美

江上東班荆社諸子

江岸

范異羽先生邀集

過鄒舜五隱處

哭葛震甫四首

人日伯閣爾止過訪

清明日答歐陽江都

三月二日集影園

且適園二首

東秋水

投錢牧齋先生二首

方爾止移居水西 徐昭質移居城南 四首

題張林宗像 四首 山行

答黃仙裳 杜于皇生日 二首

和祖心師 二首 何次德見過 二首

祖心孟貞于皇共坐 金孝章至自吳門

答張向之 和施次仲過訪

金陵雜咏 十二首 高座寺送春 四首

牛首影江閣 建山華隱草堂小集

沈子遷雲在齋 二首 送鄭掌和遊楚

秦淮夕泛 題林茂之爾窩

題劉遠公扁舟圖 題雞鳴圖

遠林和尚入山 二首 挽顧遂初先生 二首

哭友 卷四

五言今體

送邢孟貞還石白 二首 答韓元長 二首

寄祖心師 答黃仙裳

樵青詩 二首 高座一指師 五十 四首

贈東曙上人 二首 喜方太史至里中 二首

送周元亮憲臬 四首 題萬年少草堂 二首

和邢孟貞生日 二首 繆菴莊移家江外 二首

寄蔡芹溪 寄梅杓司

九日 送方爾止還江上

別鴈寄懷祖心師 答施比部尙白 三首

訪潘江如不值 二首 北固月夕 十首

清明遊招隱寺 玉山寺

萬歲樓 二首 贈長鏡上人

答方坦菴太史 送李天助之吳門

送趙赤霞之雲間 午日京江社集 四首

送朱叟叔還新安 潘江如雨過 二首

蔡芹溪過存 二首 次施尙白來韻 二首

寄龔孝升中丞 贈孫無言移居

七夕宿梵伊上人房 同伯紫于皇宿桐室

過王雪蕉僧寓 張介子山莊

冰上人初度 八公洞共賦間字 二首

訪角里諸子 角里諸君載酒邀泛

集趙使君寓齋 訪問照上人

過顧云美隱居 過王玉畫梅

卷五 五言今體

徐昭法山房 二首 留別角里諸子 四首

送趙使君 四首 途中見花

雨發龍潭 題徐公輔汐閣

許青玉青谿新居 二首 姚叔采谿閣坐雪

訪陳默公

徐玄超西歸

王舟生新居

馮大馮貽賤日詩

贈何第五秘書

送李吧瞻歸涇陽 三首

東龔孝升中丞 三首

祝施愚山學憲

集許菊谿泉憲 二首

紀伯紫生日 二首

沈子遷生日

姚寒玉移居

徐裕超移居

王孝廉園亭

送黃浣生

送一靈師之遼陽 二首

答丹徒張明府

喜何贛州予告歸

秋海棠 四首

梅信

陸右臣過訪

施愚山學憲寄酒錢

百十五

目錄

五

金陵叢書
蔣氏校印

陳翼仲四十

送古白上人

過王著公齋頭

東陳古公

寄沈公紱

贈賀元白

贈問旭上人

贈離念上人

得友讓姪書

再為節嫂徐孺人壽

吳東生八十

姚叔采四十

張子猶初度

丘接青初度

吳振振初度

吳君初初度

壽友

別友 二首

送友還新安

懷友都門

挽孟景沂

喜友讓姪還家

送于皇之廣陵

贈西照上人

贈不識上人

遺補次王孟津韻

奉酬周元亮見寄 二首

東宋比玉 四首

答黃若木 二首

再答若木 二首

寄申青門先生 二首

過張來初園 二首

過宋山眉鸚笑齋

卷六

七言今體

市隱園月集

同鄒滿字松塢閒步

文及先移居

楊日補移居

酒隱堂守歲

送葛震甫

百十五

目錄

六

金陵叢書
蔣氏校印

震甫相送過湖

送范大司馬 四首

閩元旦

閩元宵

詠並頭蓮 二首

冒辟疆樸巢

九日集樸巢

馬馱沙

花月山堂 二首

過馬稚遊

樸巢看梨花

山茨社送春

過胡僧眼

社集三石亭

次徐興公韻

閩弈樓社集

石倉招集

楊子儀社集 二首

拜宋比玉墓

溫陵別李觀察

楓亭晤林侍御

再晤林伯珪

登狼山

寄朱撫甯 二首

徐元歎六十

垂青菴僧初度

送黃帥先

秋日東僧

訪菊次沈子遷韻

夜至東園探梅

乙酉除夕 二首

答宣城諸子 二首

集陳澹仙園

贈別張大玉

送趙孟遷北遊

寄答鷲子

答常熟陸先生

湯君謨過訪

臘八日水草庵

送朱岑雪還山 二首

張介子移尊梅下

送祖心師還嶺南

送方爾止遊武林

寄錢馭少

丙十五

目錄

一

金陵叢書
蔣氏校印

寄鄔沂公

贈友蒼上人

寄黃仙裳下第

送朱漢生歸通東 二首

送周元亮方伯入閩

送康小范公車

送王子京兵備

寄壽范異羽先生 四首

寄壽宣城沈子

寄題陳簡菴草堂

寄題丘季貞西軒

寄宋撫之先生

寄周元亮方伯

寄丹徒張康侯明府

寄吳不官

贈謝在之

送孤松上人

送南徐張銓部

壽糧憲傅公

哭黃海鶴先生

劉榮之叔丈七十

胡曰從中翰七十

朴君實七十

伍瀛州八十

朱太夫人八十

卷七

七言今體

金山飲慈雲閣

焦山宿樵公房

新秋集晦公房

北固山小飲

甘露寺社集

小春飲

萬歲樓春望

趙赤霞見遲不至

辛卯北固送春

聽冷四十二度曲

寄周元亮方伯

送何明瑞之任永嘉

夜同龔半千小飲

集潘江如山居

丙十五

目錄

八

金陵叢書
蔣氏校印

送葉綽如

送范文白

贈靳于王

東楊曰補

答鄔沂公

朱公是酌別甘露寺

韓聖秋過京口

北固送春

鶴林寺

送徐松之

真州拜文丞相祠

贈吳園次

宮紫玄春雨草堂

送孫無言還黃山

九日泛舟遊吳山

贈蘇侍御

飲范是文曲室

菊影

京口送友

梅下聽冷四十二度曲

家報海棠盛開

歸夕封牡丹小飲

爲丹徒張明府母壽

雁字 十首

元夕社集 八首

半水園 六首

送馮秋水入粵 九首

再餞馮方白

送祝長康入粵

許菊溪臬憲社集

趙赤霞使君五十

次王珂眉韻

九日過李岷瞻

寄懷分爾止

和吳不官還山

送周中丞入閩

龔芝麓新居

壽許菊谿臬憲

送王望如之官閩中 二首

瓶梅和爾止韻

過林茂之先生

贈汪曼白

友生姪初度

何次水四十

目錄

九

金陵書畫社
蔣氏校印

應智回四十

汪磴仙兩尊人壽

已亥除夕

項眉雪詩來卻寄

病中葉士安枉過

不晤沈仲連

枕上送春

遺補 寫震甫諸子雨集

文啟美諸子再集

震甫見過待月

夏日寄穎齋師

卷八

五言排律

紀伯紫香橙詠

秦淮社集

小園初成

和吳不官詩

七言排律

重陽前一日張羣玉觀察招集

五言絕句

葉君節豆區園詩 十七首

別天目弟 二首

茂生樓上聽琴 三首

喜雨 二首

七言絕句

村歎 二首

留別李觀察 六首

楓亭 二首

同安道中見紅葉

哭興公 六首

別黃若水 四首

題畫

九日吳振振過存

蕭孟昉新婚詩 十二首

野宿 六首

移居

東程望尼結夏

目錄

十

金陵書畫社
蔣氏校印

題畫壽王式玉

爲東曙上人題梅

病中謝客

五言古體

元旦展族息園

晴色滿芳甸新歡洽天倫遠近亦散處老少俄並臻序列拜我祖穆然敬茲晨以次拜厥長分在能不馴末俗損真氣同生如陌塵靜言水木理百世初一身先王制禮樂所以厚吾人誰能不為厚虛負熙熙春

上已遊于園

三日宜臨水清晨蕩輕舟遊目企江光未權情已適驚風自何來沙走如邊秋羣木勢盡拔大地號未休壯哉榜人力牽

丙一五 顧集一

金陵叢書
丙集之十五
顧夢游

挽爭逆流亭午辨天色理策尋所投花源緩我步風來亦輕柔木石互明晦疲足難全搜高眺盡平遠欲去思久留主人復何事經春閉空樓興發自我輩暢以風湍遊

南嶽山莊

蚪柯一百尺翠極夏寒生復此蒼蘚壁同壁高隱情所閱幾今古悠悠泉壑清道懷偶相值世累忽自輕豈惟愜雙寂亦以盟吾貞松風落高枕清琴澹無聲吾意方自得浩浩誰能名

與蘇武子蕭唐九夜話兼寄黃若木方爾止

武子嶽崎人唐九慷慨士才情不相下雄辨各自喜及其議論合澹然如乳水乃知儔人中矯矯非得已秉燭照清夜交

情入古始觴至畧行次不停亦不駛自言久作客嘉會方推此有約不果來停雲寄爾止庶幾若木翁冲深契斯指如何阻微疴咫尺隔千里來朝竹下談共彼冬日美

又與武子展玩寒松齋卷

我祖觀察公卓哉固窮節藜藿不得飽高名與山嶠當時互激揚猶有數英傑風尚隨代遷茲契邈誰結齋中有題詠肅肅洒松雪豈敢漫舉似欣慕差以別開卷或贊歎掩卷意已茂觀君歛襟意穆穆對前烈勿云古人遠興情即同轍吾生亦多岐與子慎攸軼

壽劉今度五十

德公居漢陰司馬宅州陽悠悠向千載脈脈此相望豈不志

丙一五 顧集一

金陵叢書
丙集之十五
顧夢游

經濟山林自徜徉欣賞託豪素真率命壺觴舉杯送月色茲樂殊未央日月易來去因君生慨慷今歲候五十四九予亦將行藏同草草君鬢忽已蒼但勵宿昔意坎壈非所傷

其二

飲中有何樂但問與飲誰澆胸遇真賞天地自清夷七尺豈無事沈湎非所宜珍重各有語酣適當謹持嘈嘈雜廣坐靜念每深思過門兩相對乃無不飲時觴多失行次不勸亦不辭所寄良獨遠幾忘手中卮置身羲皇上安知喬與期

寄葛震甫

葛仙洞庭去悵然逐行舟別時意悽惻幽奇不遑搜送予胥江上相持淚雙流忍淚強慰別期晤橙橘秋秋來飢驅去此

約不獲酬前月初寄書未知今達不爲言重陽後後信當再
郵重陽今已過客身滯他州寄書難及爾會而安可謀

秋客吟有序

庚辰秋以先母大事未舉勉從于役而往輒不偶深懷悞
悵又時事所見感觸不一隨手有得曰秋客吟既以紀時
且見客非吾志也

夙齡意恬曠富貴非我欲失路拙謀生老大事行役有戶不
得閉違情別茅屋仲秋涼風早寒氣侮薄服曠野惟鴈呼平
沙帶霜宿百感從中來波濤起心曲落葉無定飛浮生與相
逐負郭余何耕握粟余何卜但去勿悲歌悲歌今年促

其二

百十五

願集一

三

金陵遺書
蔣氏校印

婦家隔宿歸見母淚兩行問母何爲淚兒生未離旁以母痛
兒意忍縫征衣裳長跪告素幃兒今之遠方故人有高義爲
母治立房莫念客行苦千歲樂未央有母不自葬歎息摧中
腸

其三

今我所適土多年太平樂薦饑化爲盜負險肆野掠田家八
口人七死一被縛有官胡不告忍此無辜虐老父但搖手官
軍聞更惡陵京屏翰地天下根本託此禍不可釀敢以告戎
幕

其四

虎穴迴我轡悠悠指江皋信從來陽來前日焚賊巢來陽匪

剝膚遠襲不憚勞故知循吏情微病必抑搔螻螿手當斷草
盛根須薤自古狙小得或爲大毀挑君其臨事懼終以成樂

郊是時黃若木
爲來安令

其五

陸行不可爲水宿倘有託出逢世多故事事不如昨往者夜
行船未夕戒早泊官兵坐洲渚白日沙船攫昔爲雄費憂斗
束今亦索哀哉無食民觸網取微薄大豪春橫江一令悉手
縛風輩豈不聞出試芙蓉鏢

其六

草盡牛已賣公家正催租正額十未三三餉尤急呼軍府別
有令搜括米豆芻刻期至軍前不得緩須臾邑長向我唱無

百一五

願集一

四

金陵遺書
蔣氏校印

肉豈堪剝剝肉猶自可賜劍捐頭顱不徵法已峻徵急民盡
逋急民但益盜無乃非良圖

其七

揚州佳麗地家家結綺樓明眸服紈扇妝罷臨清秋玉粒貴
自貴笙歌無時休秉燭但苦短處堂何預謀關使獨閉坐攢
眉視牙籌國脈在百賈盛世嘗周流榮衛苟不赴何爲守咽
喉課少豈足道履霜吾所憂

其八

兒女擔兩頭家計亦隨身一羣動十百俱是有田人赤地走
千里去樂江南春豈知江南地今夏土亦龜雖云舊京師不
擇五方民人滿食既盡過江亦苦辛何如故鄉好問渡且遼

巡

其九

渴水強進舟百里曳泥塗觸石折其棹長年但哀呼斷絕三日
日藥買枕恐不敷慰言莫咨嗟我當爲爾圖及岸問東道主人
行在途臨叩不有令長卿誰與俱強笑語長年爾我窮不殊

其十

踟躕平橋上新月如蛾眉因憶別家初見月亦此時客好不
如家況我心多悲女兒見應拜依依前致詞願保爺平安不
怨爺歸遲出門信舟車望安可期不道離別苦但念家人
飢清影忽不見悠悠千里思

其十一

碌碌復碌碌日月久邁徂真氣生寂寞悽然念平生少小依
父母生我望其成勛爾慎愛惜紛紛乃多營顧此病弱軀何
以堪百嬰垂死亦自艾病已輒復萌所好匪無益本業反不
精天豈不爾厚爾覆絲爾傾四十不學道流光向西行式穀
無一似何以拜先靈霜鐘一晨省縷縷百年情

哭葛亮生

震甫先生之子也

三十思致主忽然失此身一生幾朋友轉告呼蒼旻阿翁本
曠達老至亦念貧祿養良可逮奄謝人間塵我竭知已淚君
能不傷神山中逼除來持哭當王春未語聲兩咽欲慰不得
陳怪君憂生甚不獨傷蹇屯入耳心頗動過耳付一掣詎意

丙一五

顧集一

五

金陵書
蔣氏校印

語皆讖即事今爲真遺文滿塵匣誰爲傳清新空餘然膏處
精魄青燐燐寡婦歸傍母攜兒哭昏晨老母兩兄弟招魂太
湖濱阿翁雖得見齋志同酸辛

贈夏長樂彝仲

其一補後

萬山圍一縣海水到城前僻壤須循吏胡當勞大賢攜
琴來安坐今五年甯靜世莫窺卷舒道乃全隨例迎督郵早
起行春田皤皤諸父老鼓腹歌堯天天子虛禁席高秋會
鳴籥情知惜遽去摩拊轉悽然昨日禱秋旱夜來水平阡起
念卽天地矧與岷周旋

焦山紀遊二首

巾車駕言邁煙草鬱秋原欲往心數止雨氣來前村入舟漸

丙十五

顧集一

六

金陵書
蔣氏校印

清霽日色明山根了了見古寺臺殿松杉門直上轉蒼翠雲
英猶吐吞遂振所攜策登高若騰鶩目領神已越況得攀輿
捫海色萬里至江聲亦何喧籬花與客笑老僧澹無言于焉
永年歲眺聽無朝昏俯視芸芸內日月空崩奔歎息下東嶺
撲面金波翻憩石餞落景濯足臨潺湲何能謝塵累聊可清
夢魂

其二

絕頂猶未歷晨興企高尋頗聞北崖奧著屐先山陰巨石墜
不久崩坼絳夏霑是日江海涌蛟龍攫陰森峯嶺兩孤峙草
樹無敢侵何年巨靈劈怒擲洪波心此地絕樵徑曲磴循前
岑吾意在幽險穿穴摩黝黔石勢迴未已焉能卜高深安知

數折後忽與昨路臨松際來二叟提壺抱清琴跋涉遠逾健
登峰力猶任笑語林谷應落響驚棲禽永懷遠公曠有酒不
得斟處士去千載臨風獨沈吟感彼瘞鶴處陵谷移古今齒
髮日已變吾衰復誰禁念此不能語含悽面楓林

韓芹城太史讀予詩輒賦四古體感而答之
野雀蒿下飛摧藏鮮毛羽驚風自何來飄落荒江渚道逢雲
間翻相呼作儔侶微巨本非倫層霄況修阻感激生中懷涕
淚零如雨願爲雙黃鵠翔翔以容與

其二

容與吳王苑秋氣淒以悲霸跡但狐兔落木蕭蕭飛白楊間
衰草高墳鬱纍纍豪華與貧賤倏忽同所歸富貴非吾願寂

百一十五

七

金陵叢書
蔣氏校印

寔難久居往從神仙還丹未可期不如清尊酒樂我新相知

其三

相知非有介膠漆忽以投我有聞聲思未見先綢繆孰云寤
寐永而間山川悠遺我百斛珠意氣凌千秋焦桐置爨下斷
木溝水頭此物有誰顧亦爲知者收寸心得所託明月中天
流良晤恐不再江上增離憂

其四

離憂不可輟庭橘馨以香思託南飛鴻致君白玉堂扁舟自
茲去孤蓬入煙霜音徽日寥廓千里遙相望昔爲松與蘿今
爲參與商相思當命駕會而安可常惟有尺素書可以慰迴
腸

題梅杓司響山圖

梅子人中英本懷非棄世祇因吾道窮遂結山水契誅非置
巖間扶杖入雲際茲山擅名久空響猶未墜溪水日夜流千
峰一門閉曾經青蓮遊斯人去千歲明月照青天高風復來
詣舉杯與之揮乾坤亦何細

夜投祖堂助公房

向晦止行邁回策投香林登嶺絕樵訊蔽藜聞梵音下循水
岸轉遙見山門深陰陰松栢路步步入幽森未知所宿處先
清塵外心躋曠臺殿迴折隘巖壑臨徑窮及荆戶剝啄驚樓
禽老僧具主客入夜披虛襟靜論洗凡臆陡作寒水淋悲哉
山中侶一山各飛沈而我復何事十年迷此尋空山澹無言

百一十五

八

金陵叢書
蔣氏校印

來者成古今明發更回首白雲生碧岑

送與田弟北征

嚴霜滿階除苔草同一白遊子中夜興治裝一何迫深居凜
寒風千里乃爲客衰年幾兄弟依依永晨夕自余臥病來歲
月益共惜吾弟匪少壯開歲倏半百何爲易分手努力事行
役長安有知己天遠情不隔見弟如見余歡言話疇昔知我
離別懷春明贈歸策

送王亞朱北遊

買臣世久棄歛起事明君親交頓改色同時望青雲吾子澹
蕩意蕭然出塵氛半百甘不遇山田自耕耘偶爲京華遊不
入鷓鴣羣願爲知己用帷幄策寄勳遠希魯仲連數言卻強

軍鄴侯一何暇諸將徒紛紜意氣古來重毫末視玄纁苟
明王夢還山抱清芬
和宋山眉四十初度

之子本選異坦懷混俗人置身三季後選與羲皇鄰時尙日
以巧古道成荒榛寸心各有託所貴惟一真炙手豈不熱冷
風蕩爲塵道腴苟已足誰謂原黔貧君看豔陽郊昨好今已
陳霜霰閉天地眾目知松筠

其二

古來功名人所怨肉生髀物我本無事紛爭自茲始達士觀
其初萬緣嗒然已焚香夜未眠問膳晨自起頗怡山雲白亦
餐松霞紫無夢漆園吏無言柱下史椿菌兩不知甲子何用

百一五

九

金陵遺書
蔣氏校印

紀悠然欲舉似忽復忘所以真意苟不存毫釐失千里欽哉
晨鐘心其勇在知恥

壽吳發祥八十

少君二十歲別君三十年相過健猶昔容色如更鮮暢以松
霞養悠然得天空山亦宵警比者辭林泉改卜南村居舊
隱情所牽興來每孤往意愜仍留連別時所生兒文采今翻
翻青雲分有定素業家已傳特小欣物外老至歡果延心閒
止足際代是羲皇前笑予墮塵墟霜雪空盈顛

和陶飲酒詩

與治舊有和陶飲酒二十首未久即焚其稿自
謂摹擬太拘不能出脫也今閱其詩果然惟末
之二首自出己意故存
其餘盡刪可矣

陶公本高人爲貧聊一仕在官八十日歸來潔其己深衷諒

有託不爲督郵恥西山匪周粟柴桑亦晉里日月代謝去甲
子自爲紀當時以默容百世爭仰止苟無貞松心歲寒亦何
特

其二

家世推名飲陶然任天真苦節固所甘兼值皇風淳世傳酒
隱句齋中墨猶新名堂百年後書法追先秦遂令人境廬蕭
然出風塵如何舍之去行役長艱辛兀兀抱孤影淒淒念情
親幸賴此中趣悠悠未迷津終當返茅屋漉我頭上巾惟有
痛飲酒可以見先人原刪十八首補後

喜黃若木楊龍友徐巢友過飲竟日

秋氣閨益佳晨興覺陰涼微雨颯然止高雲散晴光幽獨念

百一五

十

金陵遺書
蔣氏校印

儔侶疏簾圻遙望果來文酒客粲粲星一堂初擬出郭步幽
林與崇岡談深愛促膝乃爲遊屐妨近臺聊一登還歸坐閒
房貧家何所有草草出壺觴雖無絲竹音篇籍含古香浩歌
靜不發清論聲琅琅流盼循四坐眾懷靡不康深衷忽以動
懽中自迴腸黃子官閩海楊子買泖航徐子五岳身煙雲遲
高翔雪鴻偶留趾矯翻行各颺海天何浩浩來會殊茫茫心
知今日燕異日黯不忘及此飲不痛既別甯復追呼童益清
酷良宵幸未央

寄答范太蒙先生

栖栖谷中雀卑飛傍寒柯霜雪不獲免聊以逃網羅心知天
路迴安已遠謀他感彼雲中鴻下視臨山阿借以好毛羽勉

蔣意何多野雀既自放激切當奈何

登周處臺

茲臺傍吾廬一月必幾上自予抱疴來經歲不一往勉隨良
朋遊步步入高爽山川悉如昨我齒忽已長靜言念伊人年
少稱粗莽折節能爾為千秋繫遙想予少乃不鈍老大轉迷
罔顧茲病廢躬望古但悲愴悠然詠三立願以勸吾黨

惠山見新月

物候忽已斂茲山氣猶鮮愛此泉上步新月何娟娟汲響靜
林樾香剝流空煙煙中鳥初宿林外僧方還一酌病肺爽再
酌塵襟捐獨往澹無慮不醉情陶然月落予亦去星光照歸

船

百十五

十一

金陵叢書
蔣氏校印

詠井中心史

社集黃海編先
生千頃堂分賦

烈士忘其軀豈願千載名所悲道日喪呼世長疾聲共秉君
父性獨含深苦情鬱鬱復鬱鬱穹蒼鑒精誠德祐墜西日人
天一時傾矯矯鄭夫子方與陽九爭舉手挽天河願洗塵穢
清其事如可就夷齊安足并雪涕淬霜鋒大義期共明四海
無一士持此將何成鎔劍裹心血沈淵入澄泓蛟龍鐵旁臥
飲泣不敢驚夜夜輓轡上光氣如豐城神物不自閤出為盛
世頑沈吟想當日子影申幽盟一往開萬里四顧仍憤盈至
今心炯炯敢以文字評拾鐵付歐冶鑄劍揮機槍

哭陳古公

君本天上人豈肯人間住鶴背一揮手歛起不知處肘後非

有方至人意相喻或拈空青水灑作清新句頓絕廣陵散水
落甯再注平生萬金裝盡散為秋霧惟餘玩賞物又復歸質
庫其氣乃益豪何曾知失路神仙既無種誰為支門戶哀哉
倍隱人痛哭荒原暮

補遺

秋客吟

偶存別稿不載此二詩今
從他友本搜得故補入

舟子倦牽挽羣兒相與嬉此景我昔有入眼傷心脾父母望
我子甚于望我時高堂候見背吾生行復衰冥漠倘能佑天
道猶可疑弱女慰予情何以望為箕兄子幸有子十一乃頑
癡今年復舉一眉目誠可兒祖德亦孔厚為善當孜孜
其二

百十五

十一

金陵叢書
蔣氏校印

結束登遠道但恨僕夫少及其維谷時一身亦煩擾升米錢
六十脫粟猶草草何怪窮簷民哀哀盡成殍戲作換鵝書易
粟可一飽亦有好事者提壺餉清醪僕夫有懼顏予情亦難
矯臨觴忽不豫心為饑人慄

訪鄒滿字溪上

言尋居士家薄暮青溪道荒原鳥獨飛寒木雲相抱入室聞
疏鐘開門見秋潦落葉坐來多清風時一掃

贈夏長樂

鳳鳥鳴嗷嗷野雀聲唧唧類族非有殊奈此賤微質向風同
眾羽不知幾千日舊巢高岡下形跡乃相失飄零墮天南蹇
修告予急高視攬八紘所貴在華實海風摧殘盡持此欲何

匹豈知特達觀見若平生
嚙羽儀方可借毋爲飲啄恤
壽劉今度五十

古人去予久精靈自閒止
所恨眼光薄一紙隔萬里
時時接緒論往往獲微旨
默然或終日語發莫逆視
遊醉任所通頗悟章句鄙
耿耿未可磨九原揖而起
爲問懼茅塞賴心提有耳

失題

和即補前所別
陶飲酒所別

吾生初何爲入世乃紛之一
飲忘百慮甯異羲皇時焉
用悲既往爲歡方在茲來日
非我事縱心復奚疑可與
達者言觴來聊共持

又

百一五 願集一

十三

金陵叢書
蔣氏校印

沾沾眾文士國門與名山頽
然以終日悠悠獨無言人
生少至百何爲計千年但
願目前醉不願身後傳

又

富貴有何戀兒女多苦情
策足先要路幾人保榮名
被褐茅簷下淡然得此生
飢劬良可念寵辱無由驚
正使隨物役迂拙當何成

又

昔我同來者翩翩起高飛
握手不能語中心恍以悲
八表無故物六合終何依
故人有樽酒不如早還歸
良無金石固壯者日以衰
不傷年命速但惜寸心違

又

灌木荒人徑山鳥時一喧
夕陽下江水高霞起西偏
明月忽已上照見城南山
感此無枝雀遠樹方未還
歸心託沈醉寂寞將何言

又

蠻觸何爲者自謂爭國是
孰者爲國成空令人國毀
我從醉鄉來所見殊不爾
漢家了無事不勞黃與綺

又

結交天下士矯矯人中英
遙遙千載上歷歷平生情
不復見古人痛飲杯共傾
斯人久物化躑躅空哀鳴
臨觴獨遐念何以慰吾生

又

百一五 願集一

十四

金陵叢書
蔣氏校印

有士顏我宇閒園養幽姿
雖無千仞覽愛此鶴鵲枝
閒暇輒招飲載酒或問奇
置余荒江畔天意將何爲
嗟哉林中羽一樊中羈

又

形容悴江上一樽時獨開
客至共斟酌曠然多好懷
流坎有定運胡爲與之乖
巢林拔其木誰能獨高樓
黽勉榮薄躬褻裳就塗泥
租吏豈不猛秋穫行當諧
安往非貧賤前途豈云迷
追呼如可緩吾駕亦中迴

又

杲杲日初出照耀東南隅
客心慕千里整裝啟長途
終風歛以至浮雲西北驅
長跪稅客駕斗酒幸有餘
相將守如晦無

爲嘆離居

又

我有芙蓉衣思將遺遠道五載限河關憂傷令人老今君德
所榮一心等灰槁夢寐見顏色不飲常美好我醉不求餘沈
冥以爲寶醉醒兩不妨相將出塵表

又

黃鵠志千里高舉及良時飛埃失雲路斂翮從此辭今我不
爲樂胡爲待來茲有客指天道欲去更狐疑福善云可恃斯
言或予欺但飲勿復道君今何所之

又

憂來可如何醉中無此境我飲亦無多所貴時不醒醉中見

百一五

願集一

十五

金陵遺書
蔣氏校印

華胥其人具要領如何末世士紛紛事機顯元化本宵冥願
言戒彪炳

又

我徂當首春長夏忽又至瓶粟任屢空汲汲謀一醉既醉身
世寬桃源豁胸次漢魏所不知安知天子貴欲勸長安人緩
步思厥味

又

今古無留人天地乃空宅旅次各掉臂焉能顧陳跡服食延
壽命誰者壽千百不如素心人驢言共浮白此日良不再臨
觴自珍惜

又

在世逾半百坎壈多所經束髮遊六藝垂老無一成遠耕渚
中田歲晚滄桑更濁酒聊自命俄入鈞天庭霞光拂衣袂簫
韶正和鳴哀樂本無據此物真移情

又

蒼崖聳羣木赤日含清風疏處見平遠江流帶其中醒醉北
窗下夢與仙山通酒至但徐引何曾見杯弓

又

塞馬失不妨何者爲爾得池影相幻化智者爲之惑油油一
醉人了不辨通塞無何非有鄉無懷自爲國欲言忘所以以
茲長默默

丙戌秋爲裕超寫炤賦流泉三章

百一五

願集一

十六

金陵遺書
蔣氏校印

泱泱流泉粲粲菊英載觴載咏頌人其清

其二

莫清匪泉莫馨匪菊有美一人溫其如玉

其三

徂彼朱明忽焉素秋維葉落矣我心則憂神農虞夏兮與子
同遊

汝賢姪孫四十

歲月良易多汝年已四十皎好美少年俄是方剛力射利如
養由百發不一失又如得雨苗轉眼有增益汝父辛以勤得
汝老閒適弟以兄友于暇豫豐文筆汝叔父兼愛事如父在
日止止有吉光集汝太和室聲名走四方朋友共肝膈貴遊

與賢豪登堂作賓客稱心服執素隨緣置田宅園林在青郊
花光復山色家有如花人靜好御琴瑟有兒最娟秀頭角行
又出享者等閒視羨者爲嘖嘖世界有缺陷神仙無此福我
生與患俱老至更蹇拙感汝及汝父敬共久無數願汝蔗境
長從今直至百進以謹身孝勤施逮窮迫飯佛究無生味道
知止足是爲真享用餘者盡枝葉勿笑老顛倒頌禱輒饒舌
他人不及此暱汝爲汝策

壽宋山眉母夫人

華宗有碩媛南國流音徽鳳羽叶和鳴朱門覽德輝素琴當
靜好並坐吹芳辭對揚吉士心林風何霏微鸞鏡俄隻影松
栢異芳非令子瑤瑛彥冰玉啟重暉踰躡翹藝苑婉嬾侍彤

丙十五

願集一

十七

金陵遺書
蔣氏校印

闈長筵列儼祚輕軒覽皇畿應共瑤池觴縣圃結征駢

喜元俾聖因瞻兮同舉因呈下第諸兄弟

夙齡締羣彥雅志匡明時藻筆競奇秀神鋒紛陸離共云非
久賤攜手青雲梯荏苒再三獻過眼色同迷追風騁駑足千
里胡見羈求賢亦已亟既得匪所期平生有知己淪落或予
嗔向人悲馬齒敢自憐蛾眉賤子甘棄置夢絕華纓綬看鏡
悟骨相一擊終幽棲矯矯二三子百折意不移竟厲高秋翻
同日凌天遠都人慶熹旭況子蘭臭私榮遇乃固有連翩致
足奇敬哉時不易致身今可爲屈久達已晚礪新勳未遲顧
惟吾黨士尙有明珠遺預見蒼蒼意風雲始在茲河清良可
俟結網詎須疑

七言古體

采蓮曲

江南女兒弄江水照見如花
在江底不隨簫鼓競中流輕
撓蕩入香風裏香風拂拂別
爲天荷葉荷花隱畫船瞥見
誰家游冶女相逢同是弄珠
還船邊山色青於沐山下鴛
鴦映花宿就船折得並頭枝
一時女伴皆回目折花心事
對花癡落日臨風欲有遺蕩
子不歸花在手苦心空自引
長絲

竹醉日移竹歌

羲車赤午鞭不動一林寒玉
青冥夢野客移來尙不知道
是

頁十五

顧集二

蔣氏校印

此君方醉時醉中疑向湘江
路碧魂飛溼暖處西方亦盡
東方高天風吹醒秋颺颺此
君既醒主人醉玉塔臥影清
光

碎

翁園

帝遣五丁厲神斧劈就兩山
勇難賈誰知人力挾靈閻洞
壑能教向空舞山鬼披煙去
路迷毛女不飛入偃僂嶮呀
勢作窗互嚙度處巧爲蟲所
齧幽窮絕頂仙閣開猶拔數
峰簷外拄喘息稍定雙眸明
萬頃一平帆細數翠蓋亭亭
王母車青峯脈脈湘靈鼓我
來御風悲心生欲仙不仙空
自撫廊迴窈窕境不同綠陰
爲天淵爲戶雪竇雲房意外
通黑夜月明晴日雨主人成
此跨鶴飛傳言近作青城主
胡不此居而遠遊

奇鑿定憂巨靈怒山頭時有步虛聲疑是歸來弄清羽

題妻兒累圖

人人道是妻兒累此老獨稱窮快活
一家家計盡隨身日日團團百年樂
君不見守財防盜憂吏虐要人籍沒
成甌脫腰纏那有揚州鶴

辛巳九月寄壽與夏兄

孝皇肅皇全盛年國家累洽元氣全
維嶽降神盡人傑吾家適與風雲連
矯矯羣龍過荀氏二龍特起凌高天
臣門第一百餘載流風代代生名賢
卽今兄弟數十輩濁世公子何翩翩
就中阿夏更卓犖胸藏武庫譚驚筵
文章下筆如流水日影不移成大篇
才大從來世難用脫去鞵網長超然
今年政

頁一五

顧集二

金陵叢書
蔣氏校印

滿一甲子朱顏愈好無華顛留髡猶
能飲一石醉客何會惜十千覽揆之
辰秋正老菊花開徹東籬邊聚族稱
觴百人至草堂西爽相新鮮鹿門偕
隱案雙舉蘭玉灼灼紛盈前游也依
人客江外極目不見鍾淮煙獨立蒼
茫寄斯語如與長幼同周旋

將遊閩海留別謝太守

金陵三月江水深我賦遠遊君別吟
幔亭雲氣迎來展香署仙郎憶舊林
舊林期與同游賞口說荔支神已往
勸君且看秦淮山桃葉新涼待歸槳
行路誰知若箇難船到西泠夏已殘
秋風吹度仙霞嶺詩篇中道寄君看
句中花月君稱好不信遊人興潦倒
日對余兄念遠行幾回同夢池塘草
君家康

樂真無儔阿成後起何風流白玉堂中曳珠履聞君新命爲
諸侯石頭五馬飛旌路光輝直接榕城樹君來我去恐參差
欲去爲君留且住

錢桴遊母九十詩

四十年前事如昨同舍同師年並弱只道青雲在目前誰言
垂老成淪落當時有母皆白頭此日悲愉迴不伴我母淨土
逾八十君母九十神逾迥君以科名慰母意分甘有人成偉
器而我孱弱爲母憂視息雖存徒自愧聞君新整先人廬精
堅光潔勝厥初爲母置酒臨前除母健并卻杖與與兒故善
歌發徐徐母爲按節倚和渠兒歌且舞母甚樂老萊子樂當
何如

百一五 願集二

三

金陵遺書
蔣氏校印

湯允繩六十

君家後起何多才翁也獨立尤崔巍讀書薄視青雲路抱策
不問黃金臺胸中落落無所好我詩一卷酒一杯我詩懶作
復佚盡人間零落如飛埃愧君拾掇感君意神遊如見秋堂
開有客遙徵俯觸語賦詩宜遂羣公來荒園偃臥思枯槁豈
有佳句陪尊疊吳綾粲粲玉膚滑怯腕欲下仍徘徊橫塗亂
抹入君眼縱有痴嗜須疑猜莫爲江郎歎才盡若肯過江來
相訪新詩還可爲君裁

湯允繩六十一初度生子

是爲五月六日

田文五月五日生好客千秋垂令名君家掌珠光四溢剛比
田文遲一日鬱蔥佳氣盈房櫺兒庚乃與翁庚同堂前周甲

方拜慶玉麟天上遙相映他時翁開百二筵兒年亦似翁今
年同時苗有塔蘭秀秋花更比春花茂問花何事晚來奇汗
血駒生非少時

秦淮感舊

淮流雨足波光膩詞客停船午相運文園多病阻清歡坐起
尋思溯洄意此時落日酒初酣望裏悠悠總詩思何人對此
最深情風前獨下鍾山淚遊子皆言風景殊居人倍感河山
異余生曾作太平民及見神宗全盛治城內連雲百萬家臨
流爭儻笙歌次一夜扁舟價十千但恨招呼不能致佳人向
晚傾城來只貴天然薄珠翠不知蕩澤自誰邊樓上舟中互
流視采龍鬪龍喧未已蜿蜒燈光夜波沸偶將一葉到中流

百一五 願集二

四

金陵遺書
蔣氏校印

半夜移舟無樂地當時只道長如斯四十年中幾遷易渡頭
猶是六朝煙畫閣珠簾久顛顛鶴首全隨戈甲人馬嘶亂入
王侯第卽今月好幾船開惟有空明照酣醉繁華既往莫重
陳幕燕搖搖定猶未但願遊人去復來再見太平全盛事
寄題如皋余八兄五松園

鍾山之木何蒙茸環三十里皆蒼龍山前道旁最奇特知從
何代稱五松行人來去坐復臥江風澗雪長洶洶千株萬株
一時盡五松何處覓遺蹤誰將快筆掃風雨宛移天矯還東
峯偉人冠劍儼獨立互爲兄弟相友恭四時堂上殊氣候百
靈林下來雍容肅穆疑瞻夜遊出昂藏不受秦人封主人對
此了無事看松閒卻看山節我欲借君高堂方丈壁開我十

年鬱鬱愁心胸請君滿貯百斛酒預期君家好兄弟及我意
中所欲逢待我狂呼大醉而入蒼蒼最深處相與枕藉梅花
下靜聽靈谷之清鐘

庚寅正三日立春龔孝升奉常出古合盃酌別即席同賦
青青河畔草初生新月新年此夜明此夜春風又初動離人
卻向明朝行手中莫放杯中綠沈醉猶傳漢時玉當時制度
爲合歡持作離觴惱心曲落魄予當晚歲來見君懷抱一時
開春來江上龍鍾老君去何人復愛才上卿此去遊真壯驛
路攜家到天上旁人但羨比登仙出門顏色翻惆悵丈夫心
事誰得知風雲霖雨各有時平生富貴非所欲野老還期共
賦詩

百十五

顧集二

三

金波
蔣氏校印

寄奈公佑作

與君結交初歲暮悽旅食君爲謀歸壯歸色與君重見面江
左圖中興大才度越期飛騰誰知時事一朝異別後蕭條但
高寄漁樵蹤跡兩茫茫九年不到雙魚字吞聲野老易悲秋
近與黃郎相對愁問訊故人今好在相思宛見舊風流老我
蕭條頭盡白君亦如今成半百縱使河清只釣竿敲棋縱酒
聊爲適昔時兄弟今幾存昔時無子今有孫江田山田薄有
稷讀囉讀易長掩門此樂當與神仙並何能扁舟過往共爾
開清樽

九日雨集同邢孟貞方爾止諸子分得絳字

有菊有菊殊未開粲者鴈紅與雞絳且喜蕭蕭境絕喧莫問

滔滔世成澤美人冒雨過荒齋黃葉呼風捲窮巷縱使登高
祇愁絕帝子雲中何處降淋漓勢急欲翻盆須臾又見東西
虹我爲觴政君莫辭次公酒狂長孺巖酣呼直至夜分時溼
雲忽度疏鐘撞

節嫂徐孺人六十壽詩

第九兄與振氏與先君少同學先君老而不第以里選得
官不竟其用兄方待薦遽失明人共惜之年過五十始得
友生既夙慧又喜讀書兄之背也友生方髫年即能砥礪
問學有聲四方微孺人教養之功不及此今孺人壽六十
羣從以下旅上稱觴授簡于游歌曰

桂花院落天香起護樹堂前選綦履子弟百人皆恪恭此外

百一五

顧集二

六

金波
蔣氏校印

東南名下士清歡清徹人致詞新度新聲聽盈耳吾家文物
中式微微毋何絲頌麟趾風前玉樹露中芝汗血重生亦千
里門巷烏衣非舊時燕子來如舊時喜百年後望百年前風
流映帶長淮水人言是母樂未央母卻停觴淚清泚藐孤孤
日真伶丁今日成名望非始回思二十五年中茶苦茶甘不
堪理我語猶子汝念哉寸草春暉報難矣男兒五鼎等閒致
七尺千秋爾何以母聞我語顏爲開匪子何爲栢舟矢所天
才大志更奇老眼看兒亦如此他年形管須特書下里賡歌
俟青史

己亥七月補壽葉士安六十

與君同生神宗皇帝全盛時豈知垂老之年逢亂離危城晝

閉三十日杖藜過我病榻悽其兵戈滿眼一身爲長物猶
嗟去年六十初度無余詩憶識君初乃與莆陽比玉惜別飲
淹淹十日銜深厄自此披衣數晨夕則有震甫父子相追隨
是時四方用兵已多事陪京安穩神祈司文露堂中日高會
兕觥餚核能爾爲今夕復何夕丈人安坐且勿悲牀頭未乏
謀婦酒圖書翰墨充茅茨田荆謝玉互輝映身輕頗與秋尋
宜莫思繁華說舊夢亦莫逃避滋此儻但願友朋家室兩相
保一芹半菽皆可以自怡此去更度六十歲安知不復再見
江南全盛時

送嚴感遇還吳興

蒿城先生謫仙人自稱一代之遺民詩篇吹氣作蘭芷豪華

可十五

顧集二

七

金陵叢書

蔣氏校印

過眼同煙塵爲憐吾土風光好一住青溪二十春故人招隱
還山去白門入夢心飛絮重尋數子望衡居不遠舊時栖逸
處倚人能得往來頻白眼看他日箕踞悠悠市上漫行遊餅
粟長空總不憂月米惟憑高士餉歲飢糧欲與同休忍腹商
聲振金石浩然之氣凌清秋江上孤帆忽搖曳如何爲別秋
冬際短歌咽咽吐復吞長夜漫漫且猶未江鴻斷影絕哀響
海鶴空天落清唳憶當神皇全盛時吳興公子天下知臨水
朱門白玉砌看花白馬黃金羈萬金一擲與豪士千金一笑
與歌姬生來本厭阿堵物問渠何日纔揮詎卻笑昌黎反送
窮歲歲除陳酒祓此物亦復解人意再拜亟去無敢拂先
生大笑體爲輕南面千秋擁百城異書讀盡了不異但覺日

日清機生病來兀兀坐枯木筆花森秀光熒熒金陵第高馳
道直城中有人人不識撞鐘伐鼓饗老兵獨有先生不衣食
風蟬肯近酒肉臭寒松故挺冰霜色送君去望君來貧家朋
月可徘徊君不留可奈何西風颯颯水增波山水清佳老亦
得相思相寄雙魚多

送梅杓司還宛

十年以前與君好勸君莫向風塵道有山不住田不耕賣田
卻買舟車行頻來數見良不惡心憂世窄人情薄自信才名
天下稀誰知煮字不充饑妻兒待米淚承曉呼童還家賣餘
業得金盡收死友尸依舊餅空午斷炊貂裘龍馬門前過雪
深皆笑袁安臥別時朔風刻骨寒雙肩聳立衣裳單愛君意

可十五

顧集二

八

金陵叢書

蔣氏校印

氣過疇曩百尺高樓更豪上臨行苦索緩聲歌歌罷其如君
別何

送張水蒼還河南

杏花雨足秦淮滿秦淮遊子歸思緩忽聞君喚渡江舟不盡
愁心逐水流憶昨聞聲遲見面兩人詩句交相羨相逢一尊
能幾傾別我更向姑溪行懷君歲晚心如失重來已過春三
一可惜季子又開航數子同將遊事商妒花日日愁風雨不
到南山到南浦南浦春波作意寒聞君垂橐爲君歎中原有
人人不識自拂長髯看顏色

題松下煮泉圖

有聲謾謾松濤鳴松寂不語因風生道人高枕樹根睡飛身

夢入銀河傾起來自汲山下水迸火出石燃瓦鏘活水活火
暗相激須臾亦作松間聲古瓷香裏生微碧炤見高枝翠將
滴空香空色莫語人引人踏破空山春

徐有翼先生八十

及見先生壯年日我父六十君四十我今亦是六十人先生
八十賓朋集欲往從之病不能先生之豪今轉增以詩贈之
破詩戒含毫欣慨交相仍吾父若復健如是百年觴亦今年
稱安知先生幾百歲可能爲我分升恒杖履相隨二十年爲
君百壽揮溪藤

歐陽初白六十

憶昔垂髫相對時高齋伸紙索題詩而今白髮重相對愧我

百一五

順集二

九

金陵叢書
蔣氏校印

曾無幼婦詞惟君此興獨堪鼓險壘湛處筆花舞仲宣文通
手不停未卜相當誰勝負那更栖心向竺乾性修老衲讓精
研達人穩有歸休地幻境儵然信可捐草構軒名隨自意白初
詩集曰隨稿課餘楮墨多玄致自今甲子已不拘任縱年年且
游戲

沈子遷五十初度張屬筱孫阿匯方爾止友蒼開士同集水
齋菴予方養疴未赴走筆呈此

日長將至冬久晴蔚藍天色雲品品黃梅紅梅開欲遍紅葉
黃葉銜枝鳴鳳皇山下好風景何人不愛閒遊行道人此日
逢初度來向空王乞超悟清齋不用泛清醪隨分伊蒲集朋
故同來禮佛盡詞人不是機鋒亦玄著平生最好最高僧恰

問棲霞山下路我生碌碌塵土中血肉枯盡心難空看君亦
有塵事累高情直欲凌華嵩世閒那有閒日月達者自與天
機通百年日月正餘半願君日日閒與今朝同

沈子遷母夫人節壽圖詩

靈巖之顛石崢嶸千年結得徂徠精天喬百尺怒龍舞鐵骨
時搖風雨鳴下有寒泉挂絕壑北風吹作冰瑩瑩誰將此圖
表貞冽黃鵠之歌自鳴咽襁褓兒成偉丈夫回看益灑崩城
血閭宮鐘鼓久不靈形管水張閨閣聲母貞子孝自天植區
區文章小伎何足名堂上鄒下如相成嗟乎堂上鄒下如相
成

葉士毅母夫人節壽詩

百一五

順集二

十

金陵叢書
蔣氏校印

昔從震澤論人物高義葉公指爲屈風流早同朝露唏意氣
人間尙伊鬱閨中良友黃夫人女中丈夫超等倫傾囊脫珥
無所惜所樂施濟娛嘉賓只道爲歡堪白首三十誰知泣蓬
垢皈依空門恨未消夢裏貞心向君剖葉茶彈指三十年昔
孤孀稚今蒼然繡口白眉人共羨嗟吁血淚枯機前最奇小
星年尙小風塵新結夫君好慧心激感未亡人鐵幹冰壺永
相保今年設稅樹護堂松筠交映生輝光板輿花下有新句
四方玉軸堆瑤章我亦爲歌待惇史明堂采風先采此葉公
故自有芳名芳名更用閨中起

補遺

花朝日集聽鶯軒梅下

日日春光染柳絲晴空搖蕩亦多時幽禽尙惜春陰薄不出
深林上小枝二月紅梅開已遍冰姿豈作尋常舊曉霧初霏
潤欲垂輕花細落明如練燈下還疑處士魂疏疏微雨出芳
尊夜闌人醉花亦醉夢入羅浮第幾村朝來枕上新鶯喚始
覺春光復過半我病難爲出郭遊郭外青山令腸斷

甲申壽徐六岳魏國公

維嶽降神全盛代八荒有目瞻嵩岱上惟一人下百辟身配
至尊弘覆載四方理亂亦何嘗旋轉乾坤恃公在今年天子
與公閒朝野聞之驚且喧正羨膚功光竹帛俄傳逸駕在山
泉不是先憂能暫謝鳳毛龍種早擎天趨庭閱畫中朝計問
寢先詢海內賢時事中原朝暮改南國搖搖策安在萬靈所
託但公家厚德如山福如海名園木石冠皇都清畫羣仙玉
珮趨海上何須問蓬島中林不用喚提壺赤霞滿獻名花發
天樂天香散九衢

補山堂

楚澤浩無際居人若浮空沐浴日月發光采混涵天地對鴻
濛如何蒼茫汗漫極目無所見忽有千巖萬壑突兀茅堂中
青峯濯影蛟龍國翠微滴秀馮夷宮道人坐臥其下神已往
直窮洞天福地而以身徜徉于其中行吟卜居豈不苦以茲
放情于五嶽不憂五嶽墳其胸移山煉石徒爲爾筆補造化
天無功

其二

澤國連天等溟渤誰挾蒼山置君室幽奇一人兩人尋明淨
千峰萬峰出楚天風塵足頽洞下指區中正空闊氣蒸雲夢
常宵冥極頂秋清辨毫髮非是化人喜幻化亦非狡獪作仙
術譬之幽貞履坦坦其中磊砢挺正骨又似魁梧奇偉人聚
立平沙竦袍笏世間缺陷貴有補平遠何必無筆峯君不見
家家四壁無所有臥聽諸山響琴瑟

五言今體

江甯顧夢游

同葛震甫夜坐牛首

上方清梵合絕頂翠濤行有客振雙策憑虛領眾聲人煙燈
半壁僧定月三更不寐貪靈境嗟余勞此生

震甫月下見過探梅聞鄰笛

似君閒不易隨月到貧家梅意如延佇冬情得靜嘉空晉江
怨起橫影閣陰遮誰道能催落還催欲放花

夜酌鄒滿字溪上值其他出

主人閒此月客到占清幽竹影閉深院柳風虛野舟霜溪寒

百一十五 顧集三

金陵叢書
蔣氏校印

尚闌煙閣靜如浮連夕虛高會茲宵共枕流

歲暮寄慧公

寒山無客到破寺有僧存數折入松徑一籬開竹門耕牛閒
旱土野雀噪飢村托鉢應空返霜天口蕨根

指樹園 其其
四二補其
後三

城裏似山遊門前繫野舟過橋塵影斷拂岸柳絲柔曾折如
無路蕭疏不爲秋已令歸思緩知有幾時留

社集天界循公房

松氣暗晴晝叩扉雙啟扇定香生寂磬空翠落疏櫺出郭當
花候何山不幔亭谷深人跡少幽夢獨青冥

其二

來已半春徂遊欣眾衲俱鳥窺遲日下花近午風蘇世事到
山盡高言對佛無杖頭曾不繫隨意乞香廚
送于司直

遊道今難問孤高始見君踞涼懷漫刺歷落卷歸雲詩好無
多句書傳廣異聞雞栖愁獨夕矯鶴已離羣

其二

忽見起行塵翻思遊趣真樵風天際想綸月水邊身已共兩
除夕還留一半春意中多少事今日是歸人

方爾止生日兼送其遊合肥

君才宜早達三十尚浮沈旅食逢初度高歌感壯心柴門紛
載酒草閣靜鳴琴忽復渡江去淮南春水深

百一十六 顧集三

金陵叢書
蔣氏校印

同震甫雨郊送春

樓外笙歌地空濛望窅然何來兩閒客同倚一山煙眠柳愁
行陌飛花黯暮天年年青鬢改吟畔已絲懸

待月節霞閣聞譚友夏至

日遲還上蚤如爲倚樓人先白水邊路微分竹外鄰煙帆投
信宿感歎接音塵飛動尊前意清光一倍新

再送文啟美

遠遊逢歲暮去住各吞聲已作渡頭別更淹江口程片帆千
里色落日一樽情雖得重攜手新愁倍昨生

江上東班荆社諸子

客愁忽無際落日江悠悠曠望獨回首芳春不共遊酒聲花

下鼓詩思柳邊樓自是清歡散能無悵去舟
口岸

半年來兩宿歷盡夏多情村叟逢迎熟山僧禮法輕犬鳴篩
月影雞趣響車聲占曉聞農喜今朝甲子晴

范異羽先生邀集願園

地主情無已娛賓借辟疆戲蓮魚路闊翎徑燒魂香遙旭海

搖閣層陰塔覆堂病餘嚴酒禁此夕已盈觴

過鄒舜五隱處

數畝盡栽竹一隅安一亭不知湖近遠但覺日蒼青交澹款

門少心慈施藥靈冰專情所寄孤權在煙汀

哭葛震甫

頁一五 願集三

三

金陵叢書
蔣氏校印

能得幾知己又傷傷逝神書從歸後少淚想別時真怪我負
秋約逢人問客貧重來湖上權心語可誰陳

其二

晨夕披衣路谿空林影深歸春必同送守歲不孤吟書就兒

爭乞杯乾客自斟依然風物在開眼是酸心

其三

出山真失計高在以官貧萬里攜孤鶴三年歸一身裘凋澗

河雪衣典秣陵春空有棠陰在還聞哭蠶人

其四

齊眉堪共隱飄泊十三年歸計因兒決高情傍酒眠青蘿山

下客白板水中船并是傷心地龐家泣暮煙

人日伯閣爾止于皇過訪梅下

年年花下酒定有素心過人日逢晴少今朝到客多歲荒裁

五簋月白隱千柯瓶粟何須問微酣且放歌

清明日歐陽江都邀譚因留信宿 其二 補後

佳節奈愁何又當風雨多一尊相對盡此日不輕過如水三

年改新煙四野歌縱心譚世外只似在雲蘿

三月二日集影園

坐處若空浮春和淨似秋靜波初掠燕喧酒不驚鷗城柝急

歸路江風虛夜樓主人真好事先禊集臨流

且適園

爲園何必廣日月此中間樓上見千里江邊非一山經年留

頁十五 願集三

四

金陵叢書
蔣氏校印

老友寂午閉深闌予適旅無事時來暮不還

其二

花時買花種幾日已成蹊蕭散宜城外繁華付竹西省糧爲

鶴食藏酒待鶯囀何處思眠醉高窗俯大谿

東秋水

伊人非室遠多雨若重山草閣已栖鳥柳扉應下關好文宜

細論停筆想餘閒但恐晴當發相看是別顏

虎丘舟次投錢收齋先生

文章論得失時運與低昂今代尊夫子精誠獻我皇風流歸

大雅日月仰新光莫道龍門近從今始望洋

其二

耦耕堂裏客宋玉獨堪悲往問西州路來徵有道碑空山芳
草墓舊事荔支詩不盡鍾情語山塘分權運五時予先入國拜爲

文表墓

方爾止移居水西

客居無不可所急母情安屋敞還餘圃蔬香儘入盤轍盈天

下士杯合古時歡晚饌須遊鯉前溪把釣竿

徐昭質移居城南

秋光紛在野選勝此移家負郭風煙迴依山山水木嘉道心生

夜梵清興引朝霞只有城中侶來尋路轉除

其二

高情屬巖壑今已愜幽尋門外溪邊路樓頭塔下林鐘聲寒

頁一五 顧集三

五

金陵叢書
蔣氏校印

月曉暝色亂峯陰此際微吟者彌清山水心

其三

重陽前日過籬下菊初繁來挈一壺酒相從竟夕言秋餘無

葉寺雪後有花村如共鄰僧飲呼余定幾番

其四

每逢風日好臨眺必同來且喜幽棲徑還從此路開山閒俱

畫影簾捲見登臺預恐春郊綠嫌予屢破苔

題張林宗像

有序

往者葛震甫喜道林宗先生予飯心久矣大梁聞變恨此

生不得與先生相見瞻禮遺像百感交集次櫟園韻遂題

五首

所恨山河阻空聞姓字香他時同老友每夕話連牀次第先
朝露悲涼更幾霜誰知畫圖裏今日見昂藏

其二

拾掇遺文少旃檀片片香自高懸國價似積等身牀五字曾

攜雪千秋迴挾霜蛟龍護全帙深處織綉藏

其三

汨羅同弔處杯酒醉蒲香楚澤招魂些秦淮邀笛牀情深千

尺水愁滿一頭霜自逐巫咸後三光日閉藏

其四

古心勞汲引粲齒借餘香歎息同生世因循不拜牀鹽車千

里影塵匣十年霜萬事隨流水名山敢共藏

頁十五 顧集三

六

金陵叢書
蔣氏校印

其五

頰毛生動處似坐佛前香颺海今登岸彌龕舊是牀門人感

時雨孤子泣秋霜好手宜絲繡家家一幅藏

山行阻赴顧校書社集

佳人宴良夕詞客滿高樓獨引春山步虛飛靜夜謳松眠風

聽徹溪照月魂幽知爾歡無盡懷予亦寫憂

柬答黃仙裳

君來空有約江上又秋風道是長貧累還憐善病同名成多

難後詩老少年中慚愧稱知己徘徊對去鴻

杜于皇生日飲眺孔雀庵

白日城門閉烽煙何處來相過仍竹裏一徑有花開英妙形

吾老飄零歎爾才亂離逢小飲肯放手中杯

其二

橋想佳人倚園思公子爲猶餘夕陽好空照柳絲垂流水無
情去東風著意吹暗將吾髮換君少亦生悲孔雀左爲馬
湘蘭故居右爲

徐國府

和祖心師雨中見訪

乾坤逢此日野老獨吞聲不道西方學能同故國情墟煙何
寂寞行潦漫縱橫連夕傷心話寒燈別未明

其二

樂莫新知樂相看祇是愁餘生猶未卜於世復何求兵甲連
蒿徑豺狼阻獄遊未須思坎止滄海一浮漚

百一五

願集三

十

金陵雜詠
蔣氏校印

何次德方吉偶兄弟見過梅下

漫說煙蓑好滄江何處歸不妨嘶馬地猶閉野人扉搔首天
難問吞聲遜豈肥相過幽興在心事未全違

其二

花開當歲晚愁緒望中繁荆棘生銅獸風煙似玉門空悲華
髮改敢道漢儀尊賴有澆胸酒相期倒一樽

九月七日祖心孟貞于皇共坐得孝章書

九月傷心會星霜忽再周書開數行淚葉滿一庭秋樹近陵

原少山當僧戶幽隔朝情可卜惆悵欲何遊

金孝章至自吳門同祖心師次濤兄弟小集

此回花下見一拜各傷神且喜身同在還疑夢未真即時呼

濁酒向夜集高人醉覺乾坤好深悲莫細陳

答張向之

老去更無賴一生惟苦吟卻爲貧士客真見古人心短髮思
全難佳山愛獨尋交余形跡外疏略轉情深

和施次仲過訪

賴有披衣客慚非問字亭樹陰連砌綠梅子近檐青愁思經
春草詩人傍曙星相逢傾倒意且醉詎能醒

金陵雜詠

鍾山

諸山遙立笏陵寢獨盤空紫氣千年在丹心萬國同銅人秋
泣露玉馬夜嘶風最是樵蘇者踟躕夕照中

百一五

願集三

八

金陵雜詠
蔣氏校印

牛首山

一幅李將軍仙山細界紋碧濤雙闕瀉清磬半空聞眺聽尤
宜雨軒窗盡是雲婆娑何代木涼翠落紛紛

鳳凰臺

陵谷千秋後蒼臺白浪遷空餘瓦官寺不似鳳遊年竹塢家
家暗花村曲曲穿點塵飛不到人境亦幽偏

雨花臺

佳麗長干道高臺近易登出城空翠逼藉草細茵承落日搖

江練叢林擁塔燈遊人清夜盡消受與山僧

烏衣巷

王謝堂何在斜陽倚杖看新潮自來去古寺亦荒殘赤石磨

人代青林穩釣竿閒遊誰氏子非復晉衣冠

桃葉渡

望裏六朝煙依依楊柳眠佳名邀笛步麗事渡江船白月明
臺榭清風度管絃板橋新踏夜更費酒家錢

玄武湖

不知幾何頃浩淼鍾之陰負版年年入浮山面而深青荷銷
夏氣紅樹蔚秋潯厲禁知魚樂無勞結網心

莫愁湖

盧家人不見一面鏡新開山遠疑眉畫歌聞想珮來葦風漁
艇出波月酒船回醉欲呼孫楚遺樓安在哉

石頭城

吳國何年罄皇都勢轉雄江移十里外山踞半城中寺趾羣
峯色湖頭眾壑風翠微亭上雪忽漫碎虛空

龍江關

江關一萬戶萬里集帆檣地勢臨空闊天圍合混茫樓臺連
夜雨蘆荻老秋光共付閒人領勞勞亦不妨

燕子磯

何處飛來石臨江作大觀千帆迎曉色萬里到迴瀾日月生
無際魚龍上急湍御風當盛夏衣袂怯高寒

方山

蒼蒼定林寺平頂鬱松霞下界見耕鑿中陵滿鹿霞池龍因
客出山鳥向人譁樵響在空際天風吹水涯

百一五 顧集三

九

金陵叢書 蔣氏校印

高座寺送春

春老佳遊始春心去住中情懷似南浦涕淚向東風江綠流
空碧鶯梭落晚紅今年在家別更比客匆匆

其二

門掩飛花後春魂不可招如何方以外亦共黯然銷老樹興
亡代長干且暮潮馳光無繫處合付最長條

其三

他時和雨餞詩與葛仙裁彈指廿年過凭樓百感來山容經
亂改鳥夢失林猜初地還逢劫浮生何用哀

帶高林蔚然今宜山矣

其四

人淹積雨杖屐響晴朝出郭盡無事入林非待招荒祠芳
野水夕陽橋試聽頻嘯鳥知春去不遙

首影江閣

九年塵土夢一夕付松風東嶺度秋夜南樓臨碧空浮生无
可住多難早成翁不待聞鐘省心灰佛火紅

送鄭掌和遊楚

京國黍禾愁扁舟獨遠遊日看衡嶽晚波汎洞庭秋萍梗存
書簾兵戈賸蒹葭只尋陶靖節不上庾公樓

沈子遷雲在齋詩和子甯韻

文杏香茅地披幃幽可尋太虛參去住古處汲遙深朋好詩
書氣禽魚淡靜心諸侯聞達事一笑付鳴琴

百一五 顧集三

十

金陵叢書 蔣氏校印

其二

常下梅梁榻時烹石谷泉花眠吟月席人語隔溪煙有道忘
今古多情洽後先自憐支鶴骨虛負渡江船

倪建山華隱草堂

隔夜訂佳期侵晨自滌厄放懷拚更醉促膝詫何遲花語觴
千勸鴛喉曲一絲叩門來惠遠靜默總相宜

同蔡大美徐曰贊沈治先秦淮夕泛

落日淡生煙空明浸短艇人來花檻裏酒出板橋邊楊柳風
千樹簫歌月一船十年重對此回首各淒然

題林茂之繭窩生曠也

身後豈須問亦關賢達襟青山萬古宅滄海百年心蟬蛻已

月十五

顧集三

十一

金陵叢書
蔣氏校印

物表鴻冥方遠尋預知千載下醜酒聚碑陰

題劉遠公扁舟圖

高懷何所寄一艇一漁竿豈有風波到居然天地寬煙生帶
山郭月見隔江灘都作園林玩他鄉度不難

題雞鳴圖

不用悲長夜中宵有此聲壯懷驚自起世事息還生海色分
明昧天心薄利名淒淒茅店月風雨倍含情

遠林和尚入山

偶隨白雲去倏與清風還遺世自無侶逃名豈爲山薄田仍
盡賣破屋未須關不是貧能徹何人得此閒

其二

壯心何處是只合死前休煙路惟逢鹿風泉獨飲牛興衰雙
眼冷日月數峯悠莫引漁郎問人間無限愁
挽顧遂初先生

能幾靈光在先生又返真同時一門貴備福六朝人籌國當
平世還家未老身而今玉樓上回首笑風塵

其二

高門相望起子弟互爲型舊接烏衣巷新連玉樹庭平時推
夕景一旦失晨星香洛吾何附空悲弔脊令

月十五

顧集三

十一

金陵叢書
蔣氏校印

五言今體

送那孟貞還石臼

河漲晚初晴歸帆趁曉行離家剛一歲惜別過三更吾代詩

篇重人情舊舊輕憐君垂橐去牽犬有餘清時孟貞將嫁女

其二

月露分手夜分外冷高秋蟲響坐來歇林風相與悠到家收

晚稻搗子上湖舟莫戀衙門好遲君在酒樓

答韓元長

未見韓康面心知能隱淪有時到城裏無日不湖濱雞犬逃

頁十五 顧集四

金陵叢書 蔣氏校印

秦代煙波老葛民扁舟吾欲買應許對垂綸

其二

入春芳訊至歲晏報書遲容得嵇生懶惟應惠子知有懷勞

去夢如面是來詩試問還家客能言我所思謂孟貞也

寄祖心師

忽觸崩雷散同爲死別哀生存三載後涕淚一絨開消息傳

仍誤形容夢亦猜江魚不可去敢望北鴻來

答黃仙裳

十年書問斷別後雪盈頭幾作溝中瘠空回刊上舟如何行

患難轉欲羨窮愁湖海餘生在君看百尺樓

樵青詩爲黃仙裳賦

何處山猶好容君入白雲得薪聊一醉惟獸可同羣遠色登
峰見長歌隔隴聞逢人多索句隱矣不須文

其二

持斧自來去閒心如有營護松看雪色選葉聽秋聲啼笑山

阿美行吟澤畔情世人渾不識浪惜舊才名

高座一指師五十過訪賦贈師方纂修市上錄

城南東晉寺細徑入煙鬢闌地全栽竹爲樓正對山定香消

寂書清磬出深關不遠遊人路遊人自不閒

其二

一心防老嬾苦行及時行蓮界重開埽蒲團日進城低眉悲

有漏閉口說無生欲度貪癡盡何人知此情

頁一五 顧集四

二

金陵叢書 蔣氏校印

其三

清事猶爲累收藏歲歲增寫經晨洗硯課晝夜明燈榻爲高

人下山邀靜者登塵中予自厭襪被近何曾

其四

忽復春三日春山爲爾尋淹留隔歲約支許百年心薜荔垂

成幄娑羅種作林還同僧臘老積翠幾重深

贈東曙上人

吾師真靜者不語住空林山水或行腳香燈自問心竹扉煙

火少木榻鮮苔侵憶共蘇桓學條然直至今公曾三從蘇子

其二

入境卽深谷移單更入山久知於世幻不到此時閒詩思寂

猶動書通懶亦還總無心可繫自在白雲間

喜方坦庵太史至里中

避跡託浮槎乘春一問家新歡對鄰里舊夢說京華門靜宜
垂柳溪幽過浣花超然高寄意不爲戀青霞

其二

莫傷容髮改不易此相過愁向歸時減詩因亂後多山田全
布穀水開半封蘿天意容閒適行生奈爾何

送周元亮臬憲入閩

石頭帆影動文士出傾城惟我稱新好多君抗古情各嗟遲
見面不負久聞聲正欲深杯話踟躕是去程

其二

百十五 顧集四

三

金陵遺書
蔣氏校印

社開淮水上良友復良辰天地終難問文章信有神綠波初

怨別青眼老逢人持達臨歧意高風迴出塵

其三

領得蕭騷意於君詩句中絲來心事苦不與世人同堤草連
天碧江花入酒紅愁他供帳客車馬太匆匆

其四

此去皆圖畫予曾到昔年溪聲醒夜酒山色擁高眠曉白迷
千嶂空青挂百泉武夷獨負約何日與同船

寄題萬年少隰西草堂

住處在蒹葭門前繫釣槎煙墟陶令里風物梵王家畫壁看
山曉開扉坐日斜王裴來往熟水木倍清華

其二

山色過淮少漁風出浦多中林閉白板高岸隱黃河抱膝思
當世聞歌喚奈何齋心真佛子只此未消磨

和邢孟貞生日時客子京齋中

交到白頭好其如老至何百年逢世亂七尺傍人多鄉思驚
黃葉秋成付白波那堪問生事且共覓微醅

其二

酒杯蟬靜後天氣鴈飛初向夕詩同就茲辰度不虛家居秋
水國兒讀夜堂書歸夢無勞數高齋方晏如

繆菴莊移家江外

細泉來石下雨後亦潺湲巖戶靜以止澗花深且閒讀書恥

中古絕欲居名山鸞鶴遊天際無勞弋者攀

其二

忽載圖書去煙波理釣蓑就船魚價賤擇木鳥聲多酒任新
知送詩同舊友歌江南能不憶一歲幾回過

寄蔡大美

今年君不出八口豈無憂未必山田熟多因小婦留路難僧
不免網密黨方鉤較是饑堪忍飛鳥且漫投

寄梅杓司

論交文物代小別未躊躇音問三年後乾坤百戰餘詩來稱
絕妙書就定何如似爾多才甚疏狂豈易除

九日

百十五 顧集四

四

金陵遺書
蔣氏校印

風雨連重九陶家貫酒難谷幽來客喜世亂食貧安醉覺乾
坤小悲生天地寒獨攜冰雪卷俗眼不曾看

雪夜社集送方爾止還江上

客懷傷歲盡我友更分攜雪止離人集燈明夜色淒杯深頻
握手裝倚再分題乘興期重訪春山好杖藜

別鴈寄懷祖心師

空江爲逆旅歸去塞雲深不減驚秋思還同送遠心字留煙
滅沒聲寄雨浮沈逐客居遼海煩傳萬里音

京口次韻答施比部尙白

今代君才少論交具古心殷勤因道合脫畧見情深五字名
山業千秋空谷音重逢欣賞日分手各沈吟

百一十五 顧集四

三

金陵叢書
蔣氏校印

其二

日日憑江閣蒼茫獨憶君夢回看落月情往託孤雲遠水將
帆沒長林帶草薰何因共杯酒沙鳥自爲羣

其三

已識恆饑樂衙門奈不歸貧惟租吏過老與故人違莫及攀
楊柳空思飯蕨薇相如出乘傳應得攬春衣

訪潘江如不值

到門山數折園若野僧寮君出定何事予懷奈此宵籬垣三
面缺竹木四鄰樵有子耽文史雖貧樂自饒

其二

待予仍北渡留信返秋中不共山間月多因江上風拍天翻

白浪捲葉下青楓獨立真愁絕還聞叫斷鴻

北固月夕十首

庚寅十月坐北固山八夜至
十七夜卽景懷人各成一咏

初八夜北固西閣懷潘江如江如家在山下

獨閣俯蒼然波光接遠天清霜初染樹新月忽平弦有客秋
爲別懷人夜可憐望中棲隱處高柳出墟煙

初九夜東岡獨眺

晚山渾欲醉月出是初醒皎漢已空碧抹林剛半青微風生
眾籟遠火亂疏星知少幽人過松扉自不扁

初十夜出城步過多景樓一帶

清光不擇地積素滿塵寰出郭情彌曠過橋心早閒還尋林
末寺極望海門山豈是僧同定雲房盡掩關

百一十五 顧集四

六

金陵叢書
蔣氏校印

十一夜霧久不解

畫家高米筆夜色緬摹臨著樹生濃淡與山爲淺深江明漁
父火寺認梵王音已作鴻濛對寒光莫遽侵

十二夜澄徹無纖雲

歸途逢好夜宜月此秋山簾捲千螺入江空一鴈還廣除光
可掬瘦影病全刪耐冷須堅坐難求日出閒

十三夜白雲彌下方亡何盡歛

高天上明月大地布兜羅山頂看如此人間望若何二更雲
氣盡五夜露華多欲駕扁舟去中江弄浩波

十四夜懷子恂寓余酒隱堂

貧家明月好今夕際秋冬知子愛深坐憶子棲遠峰中庭浮

藻芥下界涌魚龍各自爲清夜同時聞曉鐘

十五夜沂公許過山樓不果與老衲淡如相對

魄圓光更足照滿氣逾清下見山煙薄遙連江水平期人城

早閉謀醉甕先傾賴有僧情樸和鐘伴五更

十六夜獨坐懷日補諸子

澄懷自無寐百感亦紛來有美共千里相望又一回冰輪如

未減塵匣爲誰開後夜良難卜當頭莫放杯

十七夜月上東山作赤色少焉如畫花木弄影歷歷畫圖

倚闌殊未久山外忽升空色異分初日光寒生夜風入樓尋

晚菊上壁寫疏桐莫道冬情寂冬情漸不窮

清明遊招隱寺

丙十五 顧集四

七

金陵叢書
蔣氏校印

興以良辰發來同竟日留寺荒山氣足林霽海風柔遊女紛

無礙樵歌響更幽書臺煙綠處杯酒酌千秋

玉山寺

突兀臨江出潮喧合渡喧憑虛生棧道到頂見山門一氣涵

空闊雙丸互吐吞客愁無盡處極目總東奔

潘江如招集萬歲樓卽送孫石君阿匯分權而去

坐處羣峰侍同人戀日斜逢君好兄弟尋友入松霞微月見

孤嶼夜漁聞遠沙塵心相向盡似汎五湖家

其二

不道他鄉歌翻生別恨多去帆分路遠拄杖幾時過江外漫

通問尊前莫聽歌秋風殊未起淒惻滿層阿

贈長鏡上人 京口負版者暮夜冒風號下波時遭覆溺李小有

之暮
厄波
誠者
仁品
也

一衲江頭老逢迎總善機風濤欣有託瓢笠望如歸水月空

清境山雲在翠微此心猶未已更念渡人饑

答方坦庵太史

出以追呼急來當風雨旬誰知浮梗處偏近望衡人日見山

花發晚看江月新客愁容易減不念故園春

送李天助之吳門

失路同爲客羈心對酒開如何春正好更以別生哀舊雨尋

春廡新煙上霸臺盛名居不易莫倚謫仙才

送趙赤霞之雲間

丙十五 顧集四

八

金陵叢書
蔣氏校印

春風多惜別此別倍躊躇最是知心感難爲分手餘鶯花遲

北渡賓從滿南徐計日迎歸櫂湖中先寄書

午日京江社集

清夏似清秋詞人載筆遊岸塵隨雨淨山翠入波流羅綺沙

榮機笙歌杜若洲歸舸在江上欲去更夷猶

其二

詩思若爲生江空鼓角明近山龍鬪急出浦鷓飛輕潮滿平

天坐風微拂練行青峰開面面何處不蓬瀛

其三

卽事同懷古長吟屈子噓江山迎酌酒風雨落揮毫錦纜牽

無定清歌聽不嘈迴橈有餘興猶擬踏金鰲

其四

遠近集遊人瓜揚亦問津香風飄袂服畫舫會清晨隔幙看
皆豔移舟傍不噴江南信佳麗儉歲樂茲辰

送朱攷叔還新安

巾車遵嶺路家近促兼程雲樹山山秀霜天日日晴團圓妻
女會權洽友朋情應念飄蓬客題詩寄潤城

潘江如雨過北固山樓

雨勢截江至山風滿竹扉此時逢客到望處當僧歸豁達涼
生閣空濛翠撲衣高林兼絕頂暑氣向來微

其二

共倚蒼崖住僧窗對可呼水田分陌細山路到門紆宜醉偏

頁十五

顧集四

九

金陵遺書
蔣氏校印

無酒清齋但有廚惘然昏黑去歸火動樓烏

蔡大美過存適予蒙難非所賦此送之

知子扁舟意向予心語多相看無可說急難欲如何人世逢

金革吾生合網羅羈孤風雨夜莫爲淚滂沱

其二

記是七年別又將三月天驚心惟聚散遊目有山川籠鳥忽
已閉飛鳥何處還夢回深黑地彷彿見開船

次施尙白比部見懷來韻

別日無他祝惟求老去閒一春坑塹裏百死劍鋒間盡改愁
中鬢誰開醉後顏故人應急難語及淚潺湲

其二

空爲叢桂約流落事全非不敢悲歧路何曾夢故扉青門種

瓜地赤石釣魚磯君爲謀歸計知予何日歸

寄龔孝升中丞其一補後

孤生長失路垂老倍傷神不道青雲客偏親白髮人淚枯還
飲泣舌在豈全身但使無田累甯甘閉戶貧

贈孫無言移居

一身長寄食逆旅更移居賸有粘詩壁初爲留客廚市聲苦
院靜月路竹寮虛會向黃山去棲遲意泊如

七夕宿梵伊上人房

客心孤此夕晚到遠公廬別後一年過涼生九月如明河疏
雨外高枕暮鐘初息慮依慈火憂來付太虛

頁一五

顧集四

十

金陵遺書
蔣氏校印

同伯紫于皇宿潘楚吟桐室

今夕揚州月何人不踏秋君家真靜夜我輩復閒遊薄醉得
茶理高眠失旅愁短檐回夢後錯認水明樓

過王雪蕉僧寓

松徑雨逾深松寮著屐尋酒杯寒翠動茶白濕雲侵未語知
肝膈相看忘古今忽悲身世事梁父不成吟

張介子山莊憶友客燕

十月罷農事閒門古渡前溪山適人意雲物表天年落日鴉
翻腹空林鳥息肩因之憶君子何日賦歸田

冰上人初度

無生爾何說說爲憫當時講席龍身竦經臺鶴夢怡幽篁和

露響曲水過風漪了了皆禪悅人間但誦詩

八公洞共賦閒字

一水出深碧窅然生客閒流觴黃葉路敲火白雲山是草皆

香氣無僧不古顏泉聲如惜別相送到人間

其二

向晚一樵下經聲晝掩關住緇成聚落積翠隔塵寰不待高

尋頂何曾深入山諸方富名勝獨讓此中閒

訪角里諸子

耆舊望衡住沿河一水潄扁舟窮窈窕曲路向蕭森侍僕饒

古意入門生隱心未知塵內客曾有幾人尋

角里諸隱君載酒邀泛

丙十五

顧集四

十一

金陵遺書
蔣氏校印

高士不常出移尊逸興生舟窮山向背塔與水逢迎花市疏

燈影魚牀靜夜聲月中歸隱處分權擊空明

半塘集趙使君寓齋

一葉飄將去臨歧來故人淹留成勝事流覽及芳辰山市煙

光古秋林日氣新忘形爲劇飲潦倒見吾真

過白樵庵訪問照上人

秋尋隨艇去水盡到山家竹塢暗晴晝楓林明夕霞一庭堆

落葉何代種梅花清供無他物香生雪色茶

過顧云美隱居

虎丘一喧地巷轉卽深山水木依人寂風煙似夜閒古香浮

白板秋影落蒼灣自笑勞勞者還來浣俗顏

題王玉畫梅

玉骨伊人是含毫偶自臨知其停筆意似我選苔尋悟得遠

山法通將明月心塢香曾放未浮動此中深

丙十五

顧集四

十二

金陵遺書
蔣氏校印

五言今體

徐昭法山房同姜如須楊明遠賦

一權溯秋清幽人正倚荆山瘦先入夢水國久逃名土室冰
霜氣商歌金石聲五湖村外白光采化雲英明先道見移夢

中形瘦如鶴開當相訪病為雲然故云

其二

未免塵中去其如惜別真得朋能愈疾留客不知貧天地存
諸子蒹葭老此人相逢惟痛飲往事莫沾巾
半塘留別角里諸子

丙十五 顧集五

金陵叢書
蔣氏校印

未是還家客船開亦當歸可憐衰柳路猶作斷蓬飛勝地遲
遊展良朋待款扉霜天扶病去山水各依依

其二

臨發更移寓多時住半塘清秋閒竹杖白日臥藤牀茶受枯
僧供餐分高士糧累人非一事方悟久空囊

其三

十年深閉戶一歲此三過不是追呼急何緣會晤多勞人終
草草愁髮已皤皤乞作無田士重來共嘯歌

其四

詩篇隨手散不願世間名賞識窮偏遇逢迎避又生雪鴻聊
和句雲鶴豈同聲欲別難為語臨風空復情

送趙使君赤霞還東萊

客裏正悲秋如何送遠舟人歸遼海國情滿近江樓老淚忽
欲落深知無可酬徒然對尊酒誰為解離憂

其二

日日催歸計成行轉自哀如君真急難於我最憐才旅橐傾
頻盡羈心對即開片帆天際去江上獨徘徊

其三

久客乍還家山中叢桂花酒筵徵竹肉湖水送魚蝦分得春
池句同浮秋海槎月明千里外應念故人賒

其四

共說彈冠好相期獨不然風塵返初服耕鑿是何年才大終

丙十五 顧集五

金陵叢書
蔣氏校印

難屈時平會用賢莫因推轂眾容易起高眠

途中見花

暖知花候足晨雨別僧來客裏驚先見到時應盡開輕陰宜
緩放急鼓莫頻催今夕闌干畔家人念幾回

雨發龍潭

昨發尚絲絲通宵簷溜垂那辭衝雨苦為有赴花期縱護顏
應減能看醉不遲經旬風日好偏是未開時

題徐公輔汝閣

聞道長干隱長閒似野鷗柳柔渾是態花落不知愁水勢遙
浮嶂磯聲靜入樓何曾有炎暑城角自生秋

許青玉青谿新居

平生蕭遠意傍水卽爲宮垣短來朝爽林高受夜風種蔬爲
壽母分米與鄰翁不賣韓康藥而同良相功

其二

壯心降豈易怪爾遁能肥春雨苔迷徑秋風葉滿扉人間書
讀盡物外客來稀日倚谿頭樹看山咏采薇

正月八日姚叔采谿閣坐雪後二日方立春

春色回芳甸年光是臘餘撒鹽豐可卜逢穀瑞宜書密掩城
邊寺橫穿水上廬吾徒轟飲處寒氣欲全祛

鷺峰寺訪陳默公次伯璣韻

花時臨水寺來去兩閒人陌草皆眠酒溪風不動塵倦遊豪
氣在逃祿隱情眞君看長安弈朝朝換局頻

徐玄超西歸

百十五 願集五

二

金陵遺書
蔣氏校印

前身一定僧絕壁坐層冰來幻水中池住爲塵內燈世緣貧
得減道力病能增不少空王子如君了未能

王舟生新居

得遂棲遲志何辭卜築勞一村皆素樸二仲亦孤高白板連
芳草青山換濁醪尊中空復滿將父日陶陶

馮大馮于穎士貽賤日詩卽追寄

尙想農虞代徒傷草木年牆東飢卒歲研北病荒田夜雪求
羊徑江風李郭船賴攜明月句只當未離前

贈何第五秘書

不解君何術能教身早閒放情攜淨侶引疾住空山律細陶

公句歡承疏傅顏因悲騎馬客鏡鏡電光間
送李肥瞻歸涇陽

歲暮仍分手蕭條感索居楚江剛返權函谷又驅車作客因
求友論文獨重予老深知己愧病裏倍躊躇

其二

最愛詩篇好多於覽勝成三年半天下萬里一人行囊以收
書重金當急友輕觀君眞至意渾不貴浮名

其三

不怨此行速但嗟前別長春風去桃葉秋水滯鄱陽雪裏驅
征騎花時到草堂江南回首望落月照君梁
病中柬龔孝升中丞

丙十五 願集五

四

金陵遺書
蔣氏校印

旌節經年望從公願竟遠軒車想流水藥物掩荒扉舊侶披
衣過新詩刻燭揮瘦生偏不見應爲詠調饑

其二

尙有支牀骨難忘急難恩未酬空血熱縱話只聲吞道故須
連夕論文藉一尊沈疴是何物令我獨消魂

其三

惜別名園醉星霜又七過白頭眞自厭青眼欲如何古道求
君少窮途仗友多臨風生百感五字淚滂沱

寄祝施愚山學憲初度

四十昨年是無由寄一觥聲名齊魯嶽文物重周京祿厚全
分友家貧罷治生從人笑迂拙千古有誰爭

許菊溪泉憲重午前一日集止鑿堂限韻同賦

朱明臨令序白社恣幽尋薄夕尊鼎興遙空歌吹音蕭森疑

夏淺脫略感知深慚對拈髭句沈疴罷苦吟

其二

洗酌詩成後餘思輟復尋友朋誇盛事風雅起衰音天藻神

靈護王家洞壑深野人瞻眺意似共楚臣吟在御書

紀伯紫生日在御書

浮名代相角能得幾人傳高語徒爲耳清機自渺然五家村

裏客三雅醉中天故是悠悠者千秋見爾賢

其二

望衡良復樂心事兩相知肥遁仍憂世孤行不近時羣公習

鷗狎八口厭鯖道今日虛高會吾衰祇自悲

沈子遷生日

與君權正劇歸夢越寒湖薄俗宜通隱窮交重俠儒分題渾

漫與投轄每狂呼觴舉成詞社多應念老夫

姚寒玉移居

本無棲遁意身世適相成花圃移鄰郭山衣罷入城小樓秋

晚色素友歲寒情爲問開懷飲朝來可幾觥

徐裕超移居

綠陰交覆屋流水曲當門來路亦人境過橋如野村圖書傍

花置鳥雀下除言莫話生初後時危閉戶尊

葉士毅移居

見山卽問水渡口伊人思玉韞如何解時危出且遲謹身能

事母好古只教兒蟬靜樓邊坐容予數舉卮

王孝廉園亭牡丹

舊宅荒陶令新妝擬太真碧油金谷曉紅粉玉樓春入幙疑

含睇凭闌欲妮人十旬風雨限遊賞及茲晨

送黃浣生歸海陵

可惜復爲別園林好月初霜天溪艇溼秋水夜堂虛隔岸聞

漁唱過鄰移野蔬魄圓江路永相望意何如

送一靈師之遼陽兼柬賸和尚

嶺路雙緇下關門一杖孤吟隨芳草去飯藉落花跌輦道懷

章奏天山入畫圖江船宜看渡予病未能扶公鑑公粵人欲北

求上具疏請自成而

其二

無物可爲寄持書淚滿襟一生千古恨萬里十年心及見悲

何語重逢樂豈任別來空老去法乳負恩深

答丹徒張明府過存病榻

長貧復長病天意欲何如支骨迎高駕披襟當異書竟無謀

婦酒聊共飯僧蔬簡略君容我知深節自疏

喜何贛州予告歸

竟有休官事高懷迥出塵提攜知足子消受未衰身紅樹歸

帆路黃花老翠春何能隨杖履問想亦精神

丙一五 願集五

五

金陵 蔣氏校印

丙一五 願集五

六

金陵 蔣氏校印

秋海棠

幽姿宜放晚未肯媚春容避暑深深碧先涼淺淺紅嘆苦滋
玉露倚石笑金風但是閒庭院丰神自不同

其二

秋英亦多種冷豔汝無雙譜牒通西府風情寄北窗光交紅
葉砌影亂錦鱗缸試向高林照羣真夜會幢

其三

嫋嫋復娟娟依依劇可憐無風柔自舞不綺淡尤鮮天氣初
聞鴈房櫺晚弄絃芳樽與清簞移向小闌邊

其四

南朝無數寺古壁盡秋葩與客閒攜酒何年入獻花殿荒新

百一五

顧集五

七

金陵叢書
蔣氏校印

濯錦崖削迴飛霞廿載重遊未空悲擲歲華海榮之盛無過

梅信

兩日商梅事山寒信未傳偶來茅舍飲不讓竹溪賢古驛生

新草荒臺入冷煙雲陰滿林樾似惜買春錢

陸右臣攜詩過訪

門徑沒蒿萊高人惠肯來食貧存古骨餐秀得新裁客路悲

江水閒心冥劫灰年華看又晚懷抱幾時開

施愚山學憲寄酒錢

愛閒容假臥未敢嘆長貧不道持清俸還勞憶遠人山妻慳

改色茅屋煖生春留客頻沾至花間醉幾巡

陳翼仲四十初度

相逢年正少忽是壯夫時學道不違俗博文兼善詩書聲山

鳥和心事澤漁知莫漫求聞達儀型在爾師翼仲從爾止

送古白上人遊西江

纔返湖邊錫又開江上船閒身猶有事別緒兩淒然鶯笳知

回首香燈待息肩盧峰雖可愛吟罷且須還

過王著公齋頭

近市爲幽築居然一隱淪烏衣來舊客緱嶺是前身詩思窮

偏老交情滄愈真聲名雖不驚卻自邁時人

東陳古公

乘春起行樂初日炤朝墟拭我臺上目望君林際居煙光連

古寺閑影枕清渠聞有長安約何妨且釣魚

百一五

顧集五

八

金陵叢書
蔣氏校印

寄沈公紱

消息傳來惡深山豺虎過可憐隨世俗不得穩巖阿菽水欣

無恙山林且放歌江瓢頻寄好須是慎風波

贈賀元白

豈是依人骨詩囊到處攜烏枝三市繞鴻雪四方迷貧入陶

公詠名將高士齊青山猶可賣兒女不須嘯

贈問旭上人

小閣不盈丈居塵塵事無山翠行脚處壁響臥遊圖惜墨偏

能潤同人不礙孤從來雲水去只與一筇俱

贈離念上人

許以詩爲贈蹉跎又幾年同參皆學畫新句已堪傳病後清

機足貧來道味全分明住城市只似白雲邊
得友讓姪臨洮書卻寄

才大宜驚眾其如世眼何書來真曠達官去更婆娑老屋清
風滿高堂白髮多函關春返騎藏酒與酣歌

再爲節嫂徐孺人七十進觴

吾姪失兄早聲名得母成鸞淒四十載茶苦百千更秋蕊原
宜晚春暉何限情飛騰看次第孫子又崢嶸

吳東生八十

何法能祛老胸懷本廓然身閒輕跋涉意愜每流連天與傳
神筆春隨拄杖錢那須萬古宅地上一真仙

姚叔采四十初度即送往吳門

百十五 顧集五

九

金陵叢書
蔣氏校印

親知看漸老君亦壯年時刻勵先公意飛騰我輩期夜涼催
子讀客慣罷童隨酌竟復爲別冬深歸早宜

李子猶初度

江城足樓隱江水到門前櫻筍逢初度松霞引大年國人尊
姓字樓客集神仙令子青雲事相看意邈然

丘接青初度

知名年最少天路久逡巡卜日遙趨闕追風始絕塵長橋平
漲雨高閣霽留春坐客誰能醒應懷消渴人

吳振振初度

城隅樓迤地流水傍柴門無日不我顧有懷惟汝論分甘來
酒伴隨杖入花村最是而翁樂清歡俯仰存

吳君初初度

風雨重陽後淋漓更一句望衡迷白水伏枕念華辰君合秋
堂富予逢春饗貧應知伸紙意卽對灑巾人

壽友

圓月菊花天正當強仕年何須胸有嶽且盡酒如泉春夢閒
來話秋風歸去船與君同任運高枕自悠然

別友

暫別未爲恨況當今夜留嘯歌殊類放應對不妨幽梅瘦開
無奈烏孤飛自由春光雖可悅往往白人頭

其二

明朝江口去預惜解維時芳草猶在望素心徒自持旅魂花

百一三 顧集五

十

金陵叢書
蔣氏校印

片片人影髮絲絲近日情如許那爲萬里思
送友還新安

無日不相過經年別奈何寒江開雨權愁望入煙波兩屐黃

山興千杯采石歌離懷歷清景宜寄畫圖多
懷友都門

滾滾京塵內思君寄託還秋山騎瘦馬落葉閉官衙古學開
來代新詩逼大家此中情不盡高足莫相誇

挽孟景沂

又失一耆舊風流憶宛如交情排難見會面閉關疏倚藥能
扶老遊仙忽棄予春山多執紼應少故人車

己亥六月喜友讓姪還家

江氛傳不定閭倚望逾殷華岳俄歸鳥長安豈蔽雲竹林新
釀熟桃葉舊歌聞但恐才鋒銳乘時又策動
病中送于皇之廣陵并寄石塔上人

嗟君才莫及歲暮過邗江野泊隨煙艇高僧共雪窗病聞遊
可羨貧恐氣難降想見聞鐘夜空林倚石幢
贈西照上人

長病一身贅孤雲遠見存素心宜靜對秀句許深論海上罷
弘法河濱歸閉門期予廬岳返小築共晨昏

贈不識上人上人與一指師重修高座寺成持杖餘大

萬緣歸默感公獨任艱辛紺宇忽涌出青山如更新樹培花
古代遊喜竹林人惟願長來往沈疴去此身

補遺

次王孟津韻送周元亮先生回閩

子舍戀平安王程去住難北堂天末望南極夜深看訪士輕

千騎論交重一寒古來情至者俗外有奇觀

奉酬周元亮先生九龍見寄

別後無聊甚違情背里悶還家驚歲盡作客怨春初老去慙

知己詩來說夢予平生何以報一劍獨躊躇

其二

此日思飛蓋春尋平遠堂羣心仰高嶽幽意迴臨滄節鉞宜

新命功名厭故常詩篇轉清絕懷抱本冰霜

黃若木將訪宋比玉於吳附詩代柬

百一五 願集五

十一

金陵叢書
蔣氏校印

分手春江上孤篷榜夜行寄子書久絕知爾病難平傳語多
荒謬交情見死生高秋看起色吾體亦為輕先是誤傳比木

其二

高閣留題徧凭闌感嘆生此才長不達餘子漫成名莫辨蒼
旻意猶聞風雨聲護持閒筆墨長似去時情家比最多故云

其三

君因求友切去我指吳閩以此愁將別遙知見欲狂悲秋應
共賦好月定同航細倩來鴻語聊當一對牀

其四

不信別時久清光在屋梁寄詩當苦早快讀起新涼山色吳

百一五 願集五

十一

金陵叢書
蔣氏校印

中好江聲白下長相期來草舍莫便問歸航

若木留別用前詩二首韻因次答之

此別知非遠依依惜遠行天空來鴈冷江闊對山平寥落三

秋盡陰寒百感生布帆無賴甚臨去意偏輕

其二

客路長貧汝憑誰訴帝閭人疑懶與慢我愛醒而狂別意霜

前樹相思雪後航休令懸榻處塵跡久封牀

若木再次前韻再答之

君去秋誰共溪橋予獨行客扉臨水閉高樹入煙平木落夜

聲靜礎鳴寒氣生是時燈影裏相思孰能輕

其二

白門雖信美家世本吳閩海內尊詞伯江干賸酒狂客心悲
永夜鄉夢逐歸航故老煩相語遺書空一牀

寄申青門先生

生來無壯志鞭策愧吾師勝地勞相引逢人說不遺春風堂
上鼓秋水侍中祠回首渾如夢青雲事可疑

其二

枉卻中郎歎頭顱祇自嗔千秋意何似十載命如斯計拙惟
謀醉囊空尙有詩龍門在天末懷抱向誰披

同鄒滿字過張來初園

蒼翠滿山村雙筇午入門野花幽味足頽屋古風存交淡忘
先達情深託酒樽相期惟痛飲世態復何論

丙一五 願集五

一三

金陵叢書
蔣氏校印

其二

秋光又欲暮才得一相尋以我文園病非君蒿徑深品書窮
變化展畫助蕭森茲會殊難別何時復步岑

過宋山眉鵬笑齋

越王臺畔宅一畝護梅花全是詩人意從無俗士車我尤耽
寂寞君亦厭繁華安得常來此停杯閱暮霞

壽王南衡先生七十

父執惟翁健昂藏過少年閉門盆內酒出郭杖頭錢急難非
圖報忘懷卽大還齊眉進春翠最好杏花天

其二

平生惟一厚月且乃稱豪廣廈千間覆危樓百尺高功名曾

壯歲聲價又兒曹請看登堂者何人不譽毛

指樹園 其二

意表爲高下巖泉得似稀已窮還曲曲何想不非非水氣浮
清曉雲光上翠微誰其通靜理魚鳥在天機

其三

勝地倚逍遙新來勢更遼三層通海氣萬里到江潮鷺句青
天問閒竿皓月邀壘頭春百斛清夜與同消

其四

不自閱清景同人玩物華羣兒尋鬪草靜女踏晴花漁進桃
邊艇僧歸竹外家何曾因難遲而得礙煙霞

梅塢雪後

丙十五 願集五

十四

金陵叢書
蔣氏校印

花開遊事好亦厭去來忙一雪蕭條後千林自在香光涵衣
袂淨氣拂茗煙涼山鳥如全解無言坐短牕

夜酌願所符園中

情多惜春夜夕塢笑迎賓曲好無勞願杯酣不記巡月浮重
洗盞花照淺妝人何待君投轄髡留欲自陳

延令送范汝掄

乍逢如久識有酒定同揮羈味添將別秋心羨早歸千帆懷
雨漲一馬立晴暉陸時河馮臨發頻爲語先梅待款扉

次答許茂勳

就君談累日悔晚入花源天地此中廣葫蘆若士存素心非
泛託遊事會深論不是輕分手秋帆許到門

清明日歐陽江都邀譚因留信宿其二

饑驅仍注俗賦骨感予歛勞下連宵榻深知一片心驪黃支

遁馬山水伯牙琴執手分廉俸茲情不近今

讀阮光祿山遊草

一卷翠猶溼留茲探歷程會心喧靜合絕景霽陰更仙鬼迎

呼出江山入寫生無絃來眾響深我臥遊情

驥渚僧舍酬贈黃心甫

處處逢詞客家家出殺青波流誰砥柱河岳有英靈一字防

人乞千秋慎獨醒夜深深討論杯酒閣熒熒

又

君才宜早達江海久淒涼小權破寒浪高名依末光向人先

丙十五 願集五

十五

金陵遺書
蔣氏校印

氣短知己轉心傷歲晚同歸葬相憐各問囊

哭友

慘澹咸池日俄看石火收風流餘竹肉事業付山丘蠻觸今

應悟滄桑早合休還悲先露溘不共蠟書謀

又

平生投分意難共世人言筆墨他生契箴規古道存一從高

畫戟不復近朱門客散秋風後偏予涕淚繁

壽許臬司

帝厯東南顧親臣咨爾行先聲雷比迅執法水同平垂橐應

留客收書不礙清高牙維岳且怵舞百城情

贈孫石君

故人先後到意外得逢君幽戶年來閉深居世共聞悠然心

獨遠隱矣子能文旅食何妨困歸裝裹白雲

寄龔孝升中丞

袞袞諸卿內知公獨立情風裁三院靜霜氣各臺清大手司

文運和衷化黨朋萬方同矯首台位一星明

過張損之看梅

卻立凝神對珠光溢廣除繁枝偏拂地清氣欲凌虛鄰山幽

人興花時靜者廬餐香宜茗椀煙冷竹間廚

許臬司壽病中寄祝二首

召父棠祠在茲辰競掃除通都重秉憲野史又成書風雅持

牛耳雲山夢鹿車高懷空爾切主眷豈能虛

丙十五 願集五

十六

金陵遺書
蔣氏校印

又

進前憂不御未見卻相知道豈文章合情於患難私踟躕無

可報特達轉生悲臥想龍門士何當捧一卮

奉補慵菴五十壽二首

池上毛爲鳳天邊目送鴻聖明恩最渥勛業看全空雙隱平

泉石同臨玉樹風神仙無此樂揮手謝山公

又

居廬多異感孺慕老依依虎意同人善芝英帶雪肥傳家惟

若谷與世久忘機已過知非日知君未肯非

丁酉正月錫老道兄惠臨家塾志喜

穆穆懷先德悽悽感後昆勃澥籠許入梨栗好應諛道氣親

逾見高風望更尊閉門三益在春到一庭溫

百二十三 願集五

十七

金陵書局
蔣氏校印

七言今體

市隱園月集

虛閣疏林照水清寒光蕩漾白盈盈畫圖裏作仙遊夢簫鼓
中生世外情權擊月波空谷應酒喧鄰火隔溪明家園竝美

今荒草覽勝令余有嘆聲先東橋公息園與市
隱園并稱今廢矣

同鄒滿字松塢閒步

出塢仍行幾里松松間清梵滯幽蹤過山又見前朝寺昨夜
共聞何處鐘樹樹抱花園鹿苑家家開戶對牛峰春來一望
紅多少只恐重尋路不通

頁十五 顧集六

文及先移居溪上

溪邊盡是幽樓舍歲晚仍添白板扉霜水蒼蒼人宛在雪田
漠漠鷺閒飛短牆上月同僧候遠岸斜陽看客歸竹杖家家
容索酒醉情尤喜對君揮

楊曰補移居

青溪尚恐通人境更結香茅引薜蘿好月自茲相送遠寒塘
依舊入村多客中選勝輕遷土樓上逢春易放歌二仲故應
仍我輩素心鄰曲近誰過

葛震甫劉今度鄒滿字口淇竹口仲御過酒隱堂守歲
年光忽忽去來閒消得青燐一夜閒窗照好花如好月坐依
名士卽名山囊空欲盡且酤醉世難將平望凱還見說春來

金陵叢書
蔣氏校印

多遠別天涯芳草預愁顏

送葛震甫歸太湖

握手不分因溯流舷邊深夏似深秋愁心半月呼清酒離色
一天堪白頭路入仙源渾是水山浮寒碧舊居樓到家那更
思人境但囑頻來桃葉舟

震甫仲御相送過湖

情比湖波如更深隨帆百里暫開襟酒杯零亂客愁起山色
蒼茫歸路陰別去奈何孤月權分攜珍重十年心不知明日
晨風發相望各爲何處吟

送范大司馬還吳橋時以抗章爭不克祖道去

公名在昔齊山斗嶽嶽增高在此行草疏早知歌鳳已拜陵
新喜策驢輕雀來閒第仍多客書滿歸船不礙清江上餘威
列旌壘去時何似舊時情

其二

靜遠堂開清夜游俄傳冠蓋送行舟憂時誰問中原事對酒
還生萬古愁似奔何妨飲高手如山獨許柱中流養疴不及
東門帳望見飛雲出石頭

其三

葛巾旋駕出郊坰似向空天刷羽翎繡履稱心貪艸輭孤藤
隨意引峰青御屏名在能長往野老杯寬肯獨醒士論儘教
私太息松風不許亂清聽

其四

其四

頁一五 顧集六

金陵叢書
蔣氏校印

青山無恙殊風景亂後還家異昔游入戶壘泥重賀燕拋田
莊客乍鞭牛邊城馬去防初密公子魂歸憤未休好誦君恩
向遣老孤臣今許展松楸

閏元旦

曉來佳氣滿庭除復是春王書月初青柳已勻三雪後黃楊
其奈五更餘幾何南郭扶人醉久矣東風入我廬羣盜卽今
宜買犢吾皇化日爾看舒

閏元宵

年年此夕半春天今夕春光特地延百二良宵難此度十千
拚醉肯輸前六街兒女衫初薄到井花燈踏未還一樣人間
望三五新年先得拜重圓

百一五 顧集六

金波遺書
蔣氏校印

范大司馬朗照堂詠並頭蓮

廣庭香散碧雲叢仙袂相將出水中采采涉江難再得娥娥
初日見雙紅惟公不是凡花主于爾能移造化功莫逆未知
何以笑傳神詩句許誰工

其二

亭亭立向晚風前何處飛來玉比肩片葉下秋涼面面兩心
如月照娟娟若爲私語元同氣競出新妝總一妍香國對房
齊結子明珠顆顆是天然

冒辟疆構屋樸樹上卽以樹作平橋而達屋處名曰樸巢

木客經營待謫仙來攜野鶴伴棲煙虬龍鞭作虹梁度風雨
時呼鳥夢還根勢下窺全化石簷陰高積不通天置身百尺

淪漣上絕勝香茅傍朝川

九日集樸巢

節序驚心復重九他鄉愁說強登臺主人特爲張高幕客子
何辭進滿杯樓樹一枝通嶺去鑿江百里引潮回晚天秋色
空濛裏涼雨遙飛海氣來

時開河集下

馬馱沙與同舍諸子賦

離憂高會不相期遊倦偏逢新故知沙冷半江連鴈影月明
千里定烏枝殘冬催去晴留客廉俸分來酒滿卮一輩東南
好賓主風流宜記峴山碑

李徂徠吏部新成花月山堂

百十五 顧集六

四

金波遺書
蔣氏校印

小結居然一島洲玉人花月共生幽照花最愛花能語如月
宜攜月滿樓石戶夜開聞按板道書朝把看梳頭春來春去
渾閒事只解爲歡不解愁

其二

水木名園舊近家更于家裏闢清華何人先植留如待不日
成山步已賒錦石平臨玉蘭樹綠窗上覆櫻桃花洞門閉後
仙塵隔再過惟應望碧霞

過馬稚遊

秋客園林去住情別來時復夢酬賡草堂相見此春暮花事
恰逢今日晴何術度荒能閉戶以經詣子卽謀生衡門泌水
堪娛樂自悔辭家萬里行

樸巢看梨花

韶光客路兩匆匆樹底朝來是落紅獨有梨花似年少共依
芳草醉春空繁枝初散玲瓏雪柔葉全敲澹蕩風歡賞未終
驅馬去露晨煙暝復誰同

山茨社送春

仙共起用關

三月正當三十日春光還有一旬留輕寒白社遲花候足雨
青郊釀麥秋多病登臨扶杖怯他鄉情思聽鶯愁非因地主
催乘興去盡東風懶上樓

過胡僧眼值其山行用見投韻

彼我情于未見深聞聲先已似披襟荆扉掩日一村晚拄杖
看雲何處吟獨客旅魂依塔定懷人遙夢帶鐘尋青鞋白襪
元同興倘許相從過遠岑

丙十五

顧集六

五

金陵遺書
蔣氏校印

社集曹能始先生三石亭

是日主賓
如竹林致

千秋壇坵四方推遊子初過白社開廿載意中人盡見三山
林外爽齊來竹封入徑蕭蕭響石辨前朝細細苔途似步兵
何用哭清風快舉七賢杯

次徐興公徵君見贈韻

通家子弟喜同遊問舊淒然有淚流住處先生在東郭明時
高士隱南州客中白露猶愁暑坐裏清風始見秋詩思病來
全潦倒縱逢青眼豈能酬

閒弈樓社集

佛地仙居對一杯疏簾高捲眾山平林深不到行天赤谷應
時傳落子清問字客來皆載酒窺簷鳥下自呼名旅身蕭散

元無累此日風前倍覺輕

石倉招同孫兵憲小集

秋暑征途汗不乾登臨客但道高寒地靈悶惜因人著山勢
周遭讓水寬帆去影含空翠嶂樵歸歌散夕陽灘使君千騎
東方立暫得相從徙倚看

九日楊子儀社集平山

儒將偏多飛蓋遊與賓搖筆賦清秋曾無落木淒高堞恰有
羣峰近畫樓吾土兵戈稀遠信佳辰風日易羈愁天涯兄弟
今相對忽漫憑空緩百憂

其二

老大乾坤一病夫玉山頽去倩人扶南天秋色此山好北地

丙十五

顧集六

六

金陵遺書
蔣氏校印

軍書何處無渡水暮鐘同雁過入堂涼月作霜鋪主人愛有

忘歸客高燭重燒倒玉壺

拜宋比玉墓

時李直指墓石

空天落木迴生哀豪士青山骨已灰劍掛高松吳客去酒香
宿草白魂來遺文一代傳新板片石千秋表大才地下好名
知不免爲君寄語謝霜臺

溫陵別李觀察

客路浮雲見世情獨將心事向君傾招攜送目千山徧眞率
揮杯萬感平久住似家嗚鳥識空囊辭主去驪輕快心最是
逢知己何必臨卣重長卿

楓亭晤林侍御別後寄之

豈是聞聲不用媒刺投一笑竹扉開驛邊去路呼停馬谿上
高齋旋啟醅懷抱朗如行日月封章忠欲感風雷臨歧青玉
勞持贈比德何堪及匪才

歸途再晤林伯珪卽別

海內聲名黃宋流關河通夢幾經秋高情世路豈堪問獻策
君門偏不收既見其如行更遠未來先恐別生愁鄉心非爲
兵荒劇歲晚相從一月遊

登狼山

茲山特以水生奇極目迷茫混兩儀南際點青無對岸東連
一氣是諸夷高峰塔語潛蛟立絕壑風鳴介馬馳誰使暴帆
敲酒盞樓船新有誓師期

百十五 顧集六

朱撫甯重鎮淮南卻寄

元老成謀慷慨言聖明虛已數臨軒得投魚水時將治屢犯
龍鱗道始尊闔外令無天子詔宮中餞用御前樽知公鸞拜
辭天後露布猶難報主恩

其二

十萬貔貅擁渡河高牙新府列靈龜芙蓉劍表青天色楊柳
營中白雪歌衝髮誓師親草檄遊魂羣盜早投戈八公草木
春來長乘勝還聞風鶴多

徐元歎六十初度用錢牧齋宗伯韻

近住空林日日閒自來塵事不相關縱然絕跡市城裏未許
逃名天地間竹屋雲封樵客到花谿月出權歌還懷余應念

吟重九吾欲從君共買山

垂青菴僧初度

小結山邊又水邊酒人遊許共逃禪黃塵十丈隔深竹清磬
一聲開野煙種樹林成身未老護花籬薄手重編昨朝臘八
今初度雪煮青菴上佛筵

送黃帥先赴史相公幕

淮南江北竟如何惟爾雄心急渡河未去先因談虎快從來
不爲食魚多故園萬里春無夢積雪千山夜枕戈諸將盡如
文士猛飛揚豈復虛鯨波

秋日柬僧

幽情共爾結雲根只有陰晴勞夢魂葉響空塔疑夜滴光生
虛牖恰朝暾山溪百折無塵路澗壑千重過雨痕好辦雙筇
弄寒炤遠公應已設清樽

百十五 顧集六

訪菊次沈子選韻

爲問秋英候淺深閒心閑客共秋尋籬邊逢友是三益采處
青山非一岑賣酒人家宜小憩登高天氣愜幽吟煙墟欲認
陶公宅先辨荆扉雞犬音

夜至東園探梅

白月入戶人未眠驚鳥一聲開野煙梅花兩村對香澗竹杖
十畝穿水田袖手不語立中夜倚石孤吟看遠天軍城有禁
悵歸早此意悠悠誰與傳

乙酉除夕

乙酉除夕

青熒燈火不成歡薄醉微吟強自寬何意有家仍卒歲久知
無地可垂竿壯心真共殘更盡老眼重將舊厓看同學少年
休問訊野人今已擲儒冠

其二

未須深坐惜流光歲月愁人去不妨細數二年渾涕淚奈何
吾世盡滄桑詩篇只索寒花笑心事惟同野衲商酒債入春
應不少朝來檢點是空囊

答宣城沈徐諸子

論交宛水倍酸辛可贖何難百此身杜宇有情終望蜀桃源
無路可通秦黃沙安忍埋新骨青史猶堪起故人讀罷長歌
真當泣窮愁宜爾句如神

百一五

顧集六

九

金陵遺書
蔣氏校印

其二

更無閒地在人間霧裏翻憂見豹斑快意但求今日醉相逢
誰似去年顏淮簫歇後空浮月陵木疏來罷看山開得遠書
愁轉劇暗飛清淚滿河關

集陳澹仙鳳臺寓園

香徑重來有落花天風吹不散青霞更穿密竹成深坐欲上
高城怯暮笳喧夜酒聲驚鳥雀懷人秋思亂蒹葭臺空風去
千年事芳草而今恨轉賒

贈別張大玉

孤城百戰空回首眉色猶存精悍餘莫報君恩惟梵唄并無
生事在樵漁偶拈石理如斲畫

假山善堆

別有詩情欲廢書何

計留君共蕭寂又尋遊權及春初

送趙孟選北遊

江南江北總黃塵君去將誰託此身落日聞笳千里淚酸風
吹黍一天辛自來燕趙多悲士爲覓荆高舊酒人不是送行
纔作惡秋來無事不傷神

寄答鷲子步原韻

蕭蕭秋雨謝湖邊卻共樵夫晝打眠野史直書德祐紀新詩
老並建安年戶封石髮疑埋照雪壓山柯不鬪妍飯客草蔬
雞供母風流如見漢人賢

答常熟陸先生

正是懷人落木初開門快讀故人書宦情拋擲歸垂柳生事
蕭條得荷鋤夢入虞山秋色老亂來淮水酒船虛詩筒幸不
兵戈阻便欲相從學釣魚

百一三

顧集六

金陵遺書
蔣氏校印

湯君謨梅杓司過訪話舊

誰能見面不神傷身世難從別後詳一輩友朋埋碧血十年
詞賦泣寒蟄豈無歡伯淹良夜卻有愁城在醉鄉江路莫看
春草色東風明日又開航

臘八日禮佛水草庵喜謝在之至

清水塘邊血作燐正陽門外馬生塵祇應水月無新恨且喜
山雲來故人晴臘最憐今日好閒遊同是再生身自傷白髮
空流浪一瓣香消淚滿巾

送朱岑雪還山

不見先生三十年重逢顏色好於前雪霜頭上近如此日月
人間劇可憐西子五湖同恨載中山千日與愁延新詩只合
藏名嶽江路風波莫浪傳

其二

霜林棲處共寒威不待將離淚已揮雪候豈堪聞買權月明
從此獨開扉青山似恨歸雲晚碧漢爭看一鳥飛誰道紅塵
無去路諸公自不夢漁磯

張介子移尊過梅下

一樹橫斜老屋邊花時正好雪晴天挂錢竹杖換村酒與客
荆扉坐晚煙月落皎如通夜照風停香自帶鐘傳醉鄉莫問
今何代只似空山太古前

丙十五

顧集六

十一

金陵叢書
蔣氏校印

送祖心師還嶺南

一春風雨愁中去春去還添送客愁心事兩年同下淚鶯聲
明日獨凭樓舟車已斷尋前路城郭重歸失舊遊只恐經臺
也荒草吾廬何不且淹留

送方爾止遊武林兼懷蕭伯闇

花開惆悵欲歸春花下淒其爲送人風片乍飛離思亂煙帆
停發酒情親晉江東向波濤立岳樹南懷涕淚新慷慨況同
燕趙客誰能弔古不沾巾

寄錢馭少

我友半爲生死別君家兄弟獨相歡日邊鴈去衡陽近塵裏
鴻飛碧落寬望遠不來空歲暮封書未寄又春殘比來雲物

非前度試上三山高處看

寄鄔沂公

大隱由來市上居不將蹤跡溷樵漁空傳婦子知君實未許
文章薦子虛一水共看明月夜三春未報隔年書蒿中近有
求羊徑倘肯相思命鹿車

贈友蒼上人

心期近得遠公知許我同醒醉亦宜交友自多情足累新詩
卽事語尤奇百年日月空悲壯萬里風煙總亂離記得躊躇
分手處婆心一倍切臨歧

寄黃仙裳下第

相逢空下行藏淚干祿猶爲失意人鵬翼何妨今日息牛衣
更比去年貧江村愁絕頻除酒樵路歸來孰問津病裏懷君
思命駕青山紅樹老閒身

丙十五

顧集六

十二

金陵叢書
蔣氏校印

送朱漢生歸甬東

幽映城隅別有村兩三家接竹間門與君住處望衡宇每我
過時傾酒樽貧賤儘容同放浪兵戈猶自滿乾坤佳期此後
真難卜未折長條已斷魂

其二

錢塘江外事堪傷客子逢人問故鄉別友正當搖落後夢歸
先見菊松荒倦遊更尙臨叩令薄俗難謀陸賈裝酒熟月明
梅信近留君無計總淒涼

午日社集送周元亮方伯入閩

清淮十里夜喧闐往事新逢意惘然怡似故人重見面不知
今夕是何年詩成多在明燈後歌疊愁當解纜前驛路三千
有仙侶也須回首渡頭煙

送康小范公車

十年姓字四方聞側席公卿重識君南浦別秋淒綠草北河
先凍入青雲從來自信千金價此去真空萬馬羣老意中
無富貴臨歧情爲救時殷

送王子京備兵澧州

知君心事道君賢五載功名亦偶然舊感自生曾宦地新詩
未許眾人傳楚天盡處逢家口蜀道通時上慕田持慰故交
無過此封書付與下江船

百一五 願集六

十三

金陵叢書
蔣氏校印

寄壽范異羽先生八十

十年前寄古稀觴春酒今年復寄將居海誰知周尚父如山
獨立魯靈光鬚眉想見冰霜色緱佩思齊蘭芷香我已扶衰
需藥物可容肘後乞真方

其二

漢室才名尊董賈文章老去更無前瓢筒歲歲分同社梨棗
家家手一編後起眉山仍絕代別留心史待他年綠陰清畫
府家慶新句應將洛紙傳

其三

少日青雲身早致一身長是愛蕭閒人師局冷養心骨天部
節高風懦頑黨禍獨超評論外徵書再付水雲間紅塵熱客

今何許贏得龐眉照玉顏

其四

秋風吹過石頭城天遣重來覓友生冤劇何曾妨嘯咏別輕
其奈各屏營隔年預約稱觥此日安知阻甲兵我有寸心
江與永白狼山下幾迴瀟

寄壽宣城沈子

沈子民字耕農者

太史名高百代傳後來奇節抗前賢敬亭秀色參天起宛水
高風與日懸夢裏子規聲是血意中精衛海爲田霜原此日
皆茅靡誰道青松更迴然

寄題陳簡菴谿南草堂

洛下名園誰復好新堂帶郭俯清漪閒閒十畝思遊處鬱鬱
千章話種時世守異書同友讀偶成佳句報僧知懷人未見
詩先見他日漁郎到不疑

百一五 願集六

十四

金陵叢書
蔣氏校印

寄題丘季貞西軒

古城高木樓遲地散帙開簾事事宜赤日自行濃綠外寒原
最愛夕陽時天空初鴈來秋爽夜靜新桐待月移我向淮南
布帆落歡迎應許入披帷

寄宋搗之先生

中原吾代多耆舊君隱蘇門得遜嘉名姓合題高士傳身心
全付梵王家過江遊爲佳山水蹈海人增老歲華莫怪風蟬
太孤潔神仙原自節松霞

寄周元亮方伯閩中

使君當代獨風流山色詩情到處收八郡諸侯皆擁篲三山
才子競隨舟每將古道存車笠豈有貧交歎蒹葭遠託故人
零落子月明同上庾公樓

寄丹徒張康侯明府

在昔關西稱獨步於今爲政復何如干旄行處攜冰雪山水
光中了簿書千騎望風遵約法四郊沾灑似堦除江田敲骨
逃無計此日來蘇欲荷鋤

其二

多難餘生顧影憎龍門不望聳身登噓枯拯溺有何幸請急
訟冤殊未曾肺病夢中梁苑賦心期江上剡谿藤他時尊酒
論文地雲白山青第幾層

丙十五

顧集六

十一

金陵遺書
蔣氏校印

寄懷吳不官

龍鐘愧爾十年知歲歲書來答每遲野艇不逃催賦吏窮山
莫問破愁卮湖中歸隱虛前度人外爲廬合此時我欲攜家
相傍住因風先寄隔江思

寄謝在之移居

開門仍是傍河開移近烏衣巷口來東距畫譙青嶂轉西流
淮水赤磯迴鐘鳴獨入霜中寺城閉重登月下臺老友愛君
能減累清晨客至卽銜杯

送孤松上人北渡

法雨初回起病吟又將離賦振秋林只須期遠常存杵莫謂
知稀不載琴數字鉢拈三乘識一編雲動五湖心折蘆飛渡

淮河曲到處爭酬長者金

送南徐張銓部

前年得上李公舟廿四橋連煙水悠別後春風開匣劍夢回
明月滿揚州池邊白鶴真雙絕天上青雲第一流隨世豈堪
稱國士感時吟望獨搔頭

壽糧憲傅公

江南二月春如海恰喜今朝雨乍晴官舍近連淮柳綠宜情
遙並嶺梅清琴生畫壁千山響火照青藜乙夜明白叟黃童
諷未已誰將度入管絃聲

哭黃海鶴先生

八朝人物從今盡一代文章自昔雄鏡裏有心長似雪草頭

丙十五

顧集六

十六

金陵遺書
蔣氏校印

何意勁於風舊遊白社還餘幾新冢青山又送公雙淚近來
乾不得西州況是哭秋空

劉榮之叔丈七十

東牀四十年前夢介壽抽毫感不禁我已單雞棲倦羽翁如
雙鶴快高尋秋花滿徑茅堂淺春酒來朋蔗味深莫歎壯懷
全未展驂駟後起更駸駸

胡曰從中翰七十

朝市絲來多隱情老思逃世未逃名不將金馬重尋夢爲感
銅駝只掩荆海內詩今稱有子有在詞名致果閨中友共說無生
重陽過後秋逾好觸處西山爽氣迎

林君質七十爲沈子遷索賦

六峰山下草初薰日日春醪醉隱君
化手種花盆是圃閒心
供石几生雲放懷不問神仙訣
閉戶從無理亂聞一任兒曹
天路闊長林獨愛鹿爲羣

伍瀛州八十

駐世神仙出世儒飄飄霞氣上衣裾
朱顏長在非關酒白日
餘閒不著書花徑有時還抱甕
水亭無客獨觀魚飛騰自是
兒孫事看作浮雲點太虛

朱太夫人八十

壽母文成十載前高堂大蓋又開筵
仲君迴馭調朝七季子
溫裘待夜眠花下板輿凭玉樹
塵中法乳現青蓮清齋不用
君羹進四海人文手一編

百十五

願集六

十七

金陵叢書
蔣氏校印

補遺

壽賈徒南先生七十 辛卯

官味從來矯鶴翎於今蹤跡是鴻冥
滄桑以後尊者舊德靖
之間論典型步健廢車兼廢杖情高宜醉復宜醒
後生笑我頭先白君似青松老更青

七言今體

金山飲慈雲閣

寺下岷江萬里來，短闌平倚立崔嵬。
秋清海上晴看雪，浪息山根靜起雷。
八面帆情隨地轉，四虛眼界際天開。
登臨詞客知多少，千載還推張祜才。

焦山宿樵公房

破浪尋山水滿船，獨來轉覺興超然。
蝸廬世遠人如在，鶴墓名存字不全。
叩戶正逢僧病起，登峰直至鳥巢邊。
虛堂清福容消受，夜煮黃精自汲泉。

頁一五 顧集七

金陵叢書 蔣氏校印

新秋集晦公房

道人住處暑全收，客到添衣木末樓。
江上數峰遙隔雨，山中六月早驚秋。
又更物候還飄泊，久聚朋情去重留。
蓮社但能長置酒，不因蕭瑟問歸舟。

北固山小飲

修堤一縷引危攀，坐處居然出世間。
三面雪濤連碧落，萬家煙井住青山。
人懷蘇米如同賞，時比孫劉似更艱。
極目神州心折盡，酒杯雖滿未開顏。

甘露寺社集

住山情味愛山冬，風雨諸君肯過從。
紅葉亂飛林末路，白雲浮動石根松。
不分江際疑臨海，纔歇歌聲又聽鐘。
一幅畫圖

晴望遠卻將烘染試煙濃

小春集飲瓶菊前

憑高歷歷數晴帆，卻爲良朋下碧巖。
地近市囂因主勝，庭留秋草戒童芟。
冰輪過望如初滿，霜蕊迎寒有半緘。
轟坐忽驚筋令下一堂，豪飲學枚銜。

萬歲樓春望

南徐景物迴消憂，選勝來臨指點收。
山浸綠波連海氣，花飛紅雨入江流。
萬家煙火清明近，八表風光碧落遊。
爲惜半徂春，領取那堪高處望神州。

趙赤霞諸公開社以見遲不至爲題賦謝

頁一五 顧集七

金陵叢書 蔣氏校印

娛夜不淒陰，懷人預作班荆想。
聽鳥勞爲伐木吟，只道扁舟迴興盡。
雨嵐何意隔前林。

辛卯北固送春

歲歲留春春不住，今年別處又天涯。
窗邊黃鳥清江樹，樓外青山古佛家。
南浦蘼蕪煙若夢，東風楊柳雪爲花。
枯僧到此還惆悵，況我停觴坐日斜。

春歸夜聽冷四十二度曲

但是聞歌喚奈何，奈何今夕更聞歌。
絲絲不繫韶光住，嫋嫋能生別怨多。
無語低回三漏盡，有家拋擲一春過。
未知空外愁人耳，幾處推窗溼袖羅。

寄周元亮方伯

寄周元亮方伯

海上新傳十月詩江臯又是送春時風帆故向愁邊過煙草
偏於望裏滋有美欲來勞夢想無人不道寄安危嚴公旦晚
開軍府野老先寬失路悲

送何明瑞之任永嘉

最奇謝客開山處幽夢探尋幾十年海上飛鳧爲地主江間
移舸卽天仙小鮮初試經綸手大廈終爲梁棟肩聞道鯨波
似山立知君到日已恬然

夜同龔半千過友人小飲

林明地白月黃昏步入城隅小小村最喜故人秋有約卻尋
高隱夜敲門松風細細生茶響竹素蕭蕭閣酒尊日出片帆
江外客憶君應似憶仙源

百一五 題集七

三

金陵叢書
蔣氏校印

集潘江如山居

高士蕭蕭有數椽菊花籬外一溪煙呼兒掃葉迎詩客謀婦
烹葵上酒筵無限夕陽開戶看幾回秋雨對牀眠將歸預恐
難爲別明月偏於去後圓

送葉緯如歸杭州

客裏君來醉幾回秋逢搖落不知哀難于好月經旬後忽報
歸帆向晚開山路午風同喚渡江心落日更登臺誰言對酒
愁還減無奈清歌是別杯

送范文白歸海甯

小立河橋緩去鞍斷鴻天際帶愁看何時更就陶家醉誰敢
輕憐范叔寒鹿苑但餘閒梵唄鳳臺空憶古衣冠與君共是

悠悠客潦倒休歌行路難

贈靳于王

青松歲晚見高枝縱有凝寒不敢欺壁響羸山年少操家藏
萬卷相公遺空庭老樹閒嗚鳥出郭澄江對賦詩存魯靈光
逃物色桃源人不是秦時

東楊曰補

大江東下客心悲獨夜窮冬又北吹念爾正溫松火酒與兒
同得草堂詩煙雲供匪人問有水竹情於郭外宜景物蕭疏
煩自寫寄將一幅慰予思

贈鄔沂公 其二 補後

顧廚一著讓君先聞達無求性命全几上嗒然非有我壺中
隱矣別爲天閒尋芝朮消長日節食松霞養大年聞道方平
近相語揚塵行復海爲田

百一五 題集七

四

金陵叢書
蔣氏校印

三月二日朱公是酌別甘露寺喜晤曹離菴范性華諸子

愁說江邊繫去舟一樽攜處儘淹留分題臨水先修禊半醉
看山更上樓芳草心情偏客苦落花庭院是僧幽離筵卻有
新知樂別後應同乘興遊

韓聖秋過京以杓司寄懷詩見示言君謨且至

與君縱跡同萍梗客路相逢此會難遠道有詩驚隔歲深杯
無算耐春寒兵戈江左身空老棋弈長安局正殘塞外何時
歸逐客又看南鴈向三韓

其二

吾子浮沈在舊京，嫩從知己說長鳴。避人自有幽棲地，舉世猶傳任俠名。江上形容雙鬢老，天涯兄弟一燈明。伊人又報扁舟下，何事春來也輟耕。

壬辰北固送春

難爲別奈不留何，樓上愁人愁緒多。九十日逢晴色少，兩三年是客途過。淒煙林黯頻嗚鳥，欲雪江寒獨釣蓑。擁絮當窗一杯酒，和風和雨醉清波。

鶴林寺

乍晴天氣城南路，古寺重尋空翠中。竹院人來初地碧，鵲樓花去夕陽紅。細摩新碣尋前蹟，獨倚高松想數公。爲愛晚山回望好，故紆歸步到溪東。

丙十五

顧集七

五

金陵遺書
將氏校印

送徐松之訪邢孟貞於石臼

來去翛然興獨乘，布袍以外只枯藤。辭家衲子少瓢笠，遺世仙人多友朋。別我又尋湖上權，話離重翦竹間燈。相思記取相逢地，紅葉蒼山雲數層。

真州拜文丞相祠

楊子江頭丞相祠，春帆弔古獨看碑。中興百死猶思濟，正氣千年儼在斯。風雨如聞九合語，乾坤又見陸沈時。吞聲野老偷生久，未薦蘋蘩淚已垂。九音制

贈吳園次

楊柳風流張緒年，相逢記在亂離前。藏名此日無如酒，買隱從來不用錢。百尺未曾容客上，一寒誰敢爲君憐。鍾情我輩

愁無奈學佛，須知勝學仙。

宮紫玄春雨草堂

漢代文章重子虛，時移只合賦閒居。王孫去後空芳草，紫燕來歸是故廬。煙織柳絲迷遠浦，水流花片過前除。米家畫裏鉤簾坐，門外惟應到澤漁。

送孫無言還黃山

靈區垂老無緣到，送遠遊心忽漫飛。獨樹裂峰蒼雪瘦，千巖沈海白雲肥。青冥日月非塵世，縹緲林泉有住扉。滿意家山隨分隱，天涯逋客幾人歸。

九日泛舟遊吳山

此日誰能閉戶吟，衝風擊汰遠登臨。半天作雪原無雨，一月放晴何事陰。羸酒不知波洶湧，凭高應感氣蕭森。自憐寒峭蓬窗下，臥看遊人恣絕尋。是口疎不
能登高

贈蘇侍御

知君柱下是深山，茅屋春雲臥更閒。時雨徧生南國色，清霜不上醉鄉顏。舊遊詩帙披盈案，新漲淮光弄幾灣。手筆古今真絕大，小儒也許日追攀。

小飲范是文曲室申青門司農拈起句同賦

一幅天然士女圖，看來猶恐畫難摹。風流是柳柔生態，綽約如花弱待扶。半醉更衣愁意足，拈辭說謎怨情俱。蘇臺佳麗知多少，得似伊人定有無。

菊影次陸道威韻

愛惜秋花恐冒霜霜深移植護花堂素暉分映青藜榻淡筆
高懸白版牆單葉寫如雙葉照兩枝爭似一枝香當年籬下
悠然處此際風流孰與長

京江送友

江上重逢冬未殘秋宵好月尚同看相思應歎流光迅欲去
先知爲別難五岳戒心虛蠟屐十年歸計誤漁竿淮南叢桂
雖招隱桃葉還期續舊歡

梅下聽冷四十二度曲去年春歸度曲於京口客寓

欲晴不晴春已分繁花曼曲相氤氳當軒滿覆太古雪倚簾
細過空天雲坐中有客情悄悄林下無月光紛紛送春迸淚
如昨夜河滿一聲驚重聞

頁一五 顧集七

七

金波 顧集
蔣氏校印

家報海棠盛開牡丹將放促歸

手種名花似靚妝當軒倚石映迴廊開時爲客不歸去書到
問予何事忙入夜明燈親照睡深春藏酒待澆香綠肥紅暈
東風裏遲我須教翠幕張

歸夕對牡丹小飲其二補後

花下人歸喧女兒老妻置酒索題詩爲言昨日纔全放又比
去年多幾枝夜裏香光如更好曉來風雨不堪思巾車若得
先三夕飽看還從欲吐時

爲丹徒張明府母壽

河陽花信先春好花下與開花下樽侑以謳歌彌四野若爲
歡舞散千門筵娛狡獪麻姑米岳氣氤氳玉女盆聞道詞人

爭獻賦才華誰與茂先論

鴈字

誰遣飛鳴作此奇高天歷歷繫人思揮絃送處頻留別落木
空時正寫悲得意故爲三折勢諧聲定是一篇詩春風吹到
差池羽碧落依然無字碑

其二

天然位置密還疏舒卷風前迴自如式好弟兄長共硯相將
琴瑟復耽書塗成正爾非鴉類拆散猶疑經蓋餘我有離憂
銷不得秋來一字一愁予

其三

顏筋柳骨未須論真跡偏於幻蹟存大海名山藏不住霜天

頁十五 顧集七

八

蔣氏校印
金陵 顧集

雪積去無痕秋風汾水君王淚夜雨湘江帝子魂多少傷心
數行裏一行行又向黃昏

其四

縱刪詩手豈能刪編簡疑殘未是殘白水盡頭毫末細青山
絕頂墨光寒錦文機畔憎常見紅葉溝邊悵獨看常恨惹愁
因識字冥冥何苦只揮翰

其五

秦城漢戍天山迴漠漠迴看筆陣長重譯同風來萬里空江
落日下千行年年惜別題新恨歲歲尋盟返故鄉不似蘇耽
夜書屋人民城郭兩茫茫

其六

詞林墨客羽林軍草檄傳符共策勳金殿前來呈露布玉關
外亦奉華文寒生白葦一編雪秋老丹楓五朵雲野鷺家雞
太分別不妨遊戲入鵝羣

其七

遠水長天拂作箋未曾寫就已仙仙蕭疏自挾風霜氣歷落
偏宜雨雪邊蒼頡造前何體製祖龍焚後轉踟躕從知筆墨
非能事此意居然在筆先

其八

載筆尋山賦遠遊翩翩何處不夷猶代韓補作青柯記邀李
重題黃鶴樓塞上殘星橫幾點水中細縠影雙鉤九天珠玉
隨風下散落人間未再收

丙一五 願集七

金陵遺書
蔣氏校印

其九

紛披老筆掃青旻海外文章空外神遠信與誰書一一閒情
兀自寫人人略將雲氣分濃淡難以天機辨草真試向化城
看鳥跡大千世界幾微塵

其十

好學何人得比渠晦明風雨耿相呼不須閉戶成玄草似頗
知兵作陣圖一晝後來渾變化三冬以往尙伊唔縱橫到眼
皆文字過眼元來半字無

元夕社集馮秋水方伯玉尺堂限韻

良宵滿月早升東庾閣詞人逸興同筆陣並驅冰硯側梁塵
徐動雪歌中皎絲射豔爭朝采火樹噴花逆夜風賓從獨予

頭白盡醜顏還借珀光紅

其二和秋水

未覺茲宵氣似冬團圓溫語到鳴鐘清颺故故梳窗竹白月
紛紛灑石松照徹天街鷺鳥鵲聲喧人海幻魚龍滿城燈火
千山雪共坐冰壺對玉峰

其三和長康

百卉先春爛滿枝竹枝歌踏上元詞塢花耐冷初開口堤柳
搖晴未放眉雲樹正同千里外風花不異六朝時青天問月
人如在更欲停杯一問之

其四和石友

東皇新駕兩龍車月殿光盈斗柄斜玉尺堂中天不夜金陵

丙十五 願集七

金陵遺書
蔣氏校印

城裏樹齊花板輿行樂逢春鳥竹素生香漾紫霞詩思怪來

清欲絕松聲雪水試秋茶

其五和肥瞻

如水高齋合署蕭宦情久付鹿邊蕉尊蠹淹夜疑清畫星火
飛光亂碧霄風定花魂香作吹酒酣歌頰暈生潮白門城下
烏囁曉乘燭微吟影正搖

其六和訥生

萬戶千門映九微餘閒官舍吏人稀遨遊宛洛前塵似帶礪
河山舊跡非雅會東南仍白社風流來往半烏衣清樽紅蠟
宵逾永玉唾珠咳細細霏

其七和澹心

消遣春寒子夜歌玉龍天嬌粲庭柯煙花甲第連雲麗水荇
空階受月多時序也知彈指過繁華其奈賞心何虛疑身入
光明藏九陌鄰鄰起素波

其八和伯紫

水洗長空霽雪天燈光照徹月光前可憐宵買元無價此度
春占是有年詩以上根能入悟酒於中聖即通玄起居爲問
高堂寢樂意婆婆殊未眠

方伯在太夫

其九和閣公

春蟾影裏見秋毫列戟門前列炬高醉倒玉山還授簡權騰
鐵甲更投膠平原愛客宜絲繡幕府開筵盡布袍一代詞壇
讓牛耳江山潤色借風騷

丙十五 顧集七

金陵遺書
蔣氏校印

朱石者太守歸自大梁索賦半水園詩次李司馬韻

谿尋窅窅似山尋來路無多但覺深韞水賦宜同迪浩漾陂
汎亦共高岑臨流已合千章木隔塢還連十畝陰好鳥也知
人意靜呼朋細細入林吟

其二

舊愛磯頭臥懶雲野心初狎野鷗羣波光澹蕩邀魚上夜色
空明與鶴分地主自來能好客風流此日孰如君凭闌忽自
傷遲暮四十年前寫練裙

予初過此作

其三

家家廊檻繞清塘修竹陰陰水一方白鳥下來當夕照黃鶯
多處落空香四鄰燈上星搖影對岸人歸月滿航我病豈堪

居視北頻遊詩思未全荒

其四

有時閒話竹間門細數前朝幾箇園江令宅邊仍茂草謝公
遊處又荒墩十千酒好無容惜二百年來此獨存我欲朝朝
扶杖至不煩折柬赴平原

勝市隱園與先司寇息園並

其五

著屐移船半隱淪忘情衲子倍情親家家花裏皆喧酒日日
鳧來不避人土物分遺梁苑雪天香移種洛園春蓬瀛已注
神仙籍宦海何心再問津

其六

功名穎渤有誰如天與蕭間水竹居俠客夷門知己淚高僧
匡嶽故人書醉情浩浩何關酒釣意悠悠不在魚清福未應
容久戀蒼生爾且莫躊躇

丙一五 顧集七

十二

金陵遺書
蔣氏校印

李梅公黃石公兩先生合集送馮秋水先生入粵分得魚字
緣陰清夜廣庭除明月涼風畫不如一代文章會盟日五羊
旌節置郵初青溪湖水留將別白雪詩篇賦索居岳牧聲名

滿滄海江天回首託雙魚

再餞馮方伯共用東韻

三年高步大江東海國新除倚更崇楊柳路歧隨轍雨荔枝
時候送船風歌場窈窕容俱靜曉色依稀宴未終此夕渭城
纔再唱驛亭供帳莫匆匆

送祝長康從馮方伯入粵

歸夢已依松菊徑別予庚嶺更難尋有山不隱爲知己垂老
何求徵道心荔子夏丹和露摘桃陰冬密避喧吟他鄉風物
殊堪戀未定菟裘是故林

許菊谿泉憲社集

幕府詞人禮法疏春風此日扇和初盤殞不是人間有樓閣
眞於天際居轟夜酒聲傳谷遠過溪花氣拂筵徐未知後代
論今夕授簡梁園如不如

次王珂眉過存原韻

喜溢相看悲亦餘別時青鬢見時疏亂來莫問梅花屋去後
何無桃葉書江上結廬終客計山中製服宛僧如南村卜宅
宜將母我病猶堪醉隱居

丙十五

願集七

十三

金陵遺書
蔣氏校印

云故

趙赤霞使君五十初度詩以寄之

南徐郡裏傳遺愛北固山前走瓣香急難不知貧逆旅還家
只有滿詩囊逢佳山水歸心緩攜好賓朋靜日長閒到白頭
歡到老百年餘萬八千場
元日過李吧瞻讀其新詩

春光曉入幽人戶出戶尋春興獨乘歎子風塵猶作客似予
蕭寂已同僧青郊此去遊應共白雪從來和不能秀色一編
餐未厭辛盤何用酒如灑

送周元亮司農被誣入閩勘問

秦淮吹綠不成波情滿春觴雪滿河鵲月夢回親舍遠鴿原

詩好淚痕多一生寵辱閒看偏十載勳名半枕戈誰使勞臣
傷意苴百城曾否問謳歌

和吳不官還山作

悔從客裏聽倉庚君去南明春水平招隱人同青雀泛拋荒
田帶白雲耕松醪未熟先開徑石戶無求亦治生莫向漁郎
問何世桃花深處卽河清

寄懷方爾止

隔歲爲君藏好酒春光欲去來悠悠孤城江上豈安土落月
照處增離憂文如珠玉自有價志不溫飽今何求珍重論山
三十卷預知風雅垂千秋
龔芝麓新居病未能往寄此

丙十五

願集七

十四

金陵遺書
蔣氏校印

新秋老樹暫婆娑山色淮光上薜蘿北道夢因清興少南村
卜爲素心多畫圖萬里看詩帙賓客千杯共醉歌同是羊求
溥緣分掩關憎說病維摩
壽許菊谿泉憲

南國高秋逢再旦新晴雨氣淨高巽蒼山紅樹攜詞客紫蠟
黃花治酒軍馬首卽尋天路去鷗情長共野人分明年今日
知何地引領遙看松外雲

送王望如之官閩中兼柬急難諸子

曲江聲價更誰如此去搏風九萬初賣賦長安羞索米覆人
廣廈陋懸魚政君先用臯陶法學古曾焚不害書野老荷鋤
兼把釣閒看台鼎十年餘

其二

誰言交道近難論急友君能古誼存
颯海正翻偏著手晴江未到早消魂
故人天上多揮涕新歲山中擬閉門
相見定知爭問訊好教顏解莫聲吞

寄蔡蓮西太原

春風五馬憶襄幃三十名城待指揮
南極星光臨紫舍太行山色閃朱旗
謳歌遺愛留秦地橋梓清風被晉畿
我友去爲門下士八行迢遞雁初飛

蓮西晉人仕晉寄書者爲太原石岸伯

袁淑歧索賦霜葉紅於二月花

秋冬際日變山谷最喜新霜透染楓
比對芳菲無此好畫將顏色較難工
陶家濁酒浮霞綺謝客枯藤入錦叢
特地爲君

百十五

顧集七

十五

金陵遺書
蔣氏校印

明月照不教飄落小春風

餅梅和爾止韻

幽姿自合老荒村攀折逢君亦是恩
不向黃昏歎孤立卻依清冷託芳根
偶然獨笑香吹幕似解相思月到門
回想寒崖虬屈意燈前細數雪霜痕

過林茂之先生

植杖何堪問九州乳山應爲避人留
青疏舊閣頽無壁黃落高田稔有秋
微累每因珠在手悲歌偏愛雪盈頭
我來願乞終長往病起還恩附嶽遊

贈汪曼白

如昨風期少小時浮雲富貴老安知
千秋節表遺經母四海

名歸式穀兒排難妙於微中處樂貧
何用治生爲笑予先落同蒲柳獨挺
寒林松栢姿

友生姪初度時方移居而徐節母七十

才華何富遇何慳最喜無金有壯顏
培得天風須六月買成老屋且三間
兒書探索青燈共母飯婆娑白晝閒
期爾國門懸世業莫將著述付名山

何次水四十初度

祖父情親慶厯前高才晚遇兩歡然
君今盛年不得意世盡俗眼誰能憐
貧賤儘堪傲骨風流真不愧先賢
觴邊自覺梅花好東閣新詩又幾篇

應智回四十初度

百十五

顧集七

十六

金陵遺書
蔣氏校印

荷製衣裳籜製冠茅齋高會酒杯寬
不傷壯節逢今世且與時人爲古歡
道在河汾原自重名齊兄弟信稱難
鍾山雲物應翹首未必君能老釣竿

汪磴仙兩尊人雙壽

新秋爽氣入前軒眉案雙擎難老尊
有子已成玄圃玉何人不羨太丘門
野情勝地高借隱勁翮空天快獨窺
青鳥紫泥知不遠詞壇歌頌此時繁

病中酬葉士安士毅枉過兼乞太夫人節壽詩

入秋二仲頻相訪愛是芳林連理枝
短帙已居詞客席高堂何用野人詩
湖中空翠生衣袂籬下初黃待酒卮
欲起沈疴期共醉朝來紫氣正支頤

項眉雪詩來卻寄

風雅連牀話竟陵竟陵風雅得君增千旄小隊攜冰雪山水
閒情憶友朋海燕又來窺病客江魚不去託高僧何時強起
文園臥權入寒河與共乘

己亥除夕

蕭齋向夕興悠悠餅粟賒來百事休窮到忍飢方有味亂容
高臥復何求愁心自遣輕看酒病骨人扶學上樓燈火牛衣
相慰語研田荒落也微收

不晤沈仲連三十年庚子元旦偕諸子榻前圍拜語及好友

近事慨然作

木榻枯臥一病僧夢中見君來何曾東風入門借勝侶西山
百一三 顧集七

抗志皆高朋收抵傳聞已易節飯牛下淚空成冰劇談酣飲

聊快意浮雲富貴吾安能

枕上送春

枕上經春未見春忽聞春去獨傷神青郊誰賦消魂別白日
偏驚臥疾人翻羨腐儒能夜坐何如逆旅是輕身浮生歲月
知多少漸覺心於古佛親

補遺

葛震甫文啟美劉今度鄒滿字雨集小樓次啟美韻

殘菊含煙細雨中西風吹葉過樓東松齋素業寒猶在竹逸

青溪數偶同望處幾村人待雪飲徒一輩酒生風羣公擅美

仍多暇樂事冬餘正未窮

啟美今度滿字曰補再集小樓遲震甫不至限深字

草閣推窗面遠林不寒前約此重尋飛鴻送目天無際遲客
挑燈夜又深城樹影分知月上籬花香寂畏霜侵怪來山似
詩懷淡野霧空浮碧岫沈

其二

冥樓林色倍深深宴坐居然似遠尋鐘動意中黃葉寺語真
交後白頭心苞梅候雪開寒酌瘦竹因風答細吟月上荒臺
望空碧高城一帶澹生陰

震甫滿字曰補見過待月

秋葉晴冬吹不稀閒筇先後款柴扉夕陽登閣半規在遙海

生寒一鏡飛頌橘昔宜湘水種懷人新自洛陽歸高吟此夜

應難得對景無勞咏式微

夏日寄穎齋師時予為書雨碑

秧田初綠雨初晴杖笠蕭然幾處行妙悟得來獅窟後遊蹤
所到鸞峰生午鐘親設千人供夜漏聞眾唄聲我與大書
深刻石萬年陵谷百年情

五言排律

和紀伯紫香橙詠

眾落千山翠偏垂一樹黃留將秋後色占斷臘前香露泣珠
 生馥煙寒壁變蒼蹲鴟仍謝巨蒸栗亦輸光紋燧湯初沸規
 懸月未火鳥棲頻睥睨蟲嚙慎隄防暮霧平林裏朝暄小閣
 旁沈吟凭幾度滿引對千觴手折思持贈懷馨孰寄將辭枝
 情自黯入坐氣彌昌案拂何朝組審明古墓細護肌沈水冷
 照睡吐花長如斂越村韻來新吳苑妝及其含正色猶似拒
 嚴霜別擬幽人淡全疑道氣莊令人消鄙吝願我若清揚誰

丙十五 顧集八

金陵叢書 蔣氏校印

筆生能寫惟梅伴不妨呵柯驚歲晚拾蕊憶春芳夢月虛廊
 迴眠雲素壁涼會邀鶯舌賞未許蜨鬢忙大雅空凡植微芬
 耐寂嘗中邊甜豈屑仙逸品須詳宣淋羞牛後吳柑耻鴈行
 弄閒欣以永題句病渾忘片玉茶淫嗅麝金酒渴腸曾誇珍
 味絕忍劈膩膚傷起臥齋心向寒溫著意量還延銷夏翫分
 與楮君藏

社集秦淮分得淮字時薛千仞鄭超宗楊龍友將行

山水頻高會煙光如更佳夏雲青不斷夕漲白無涯近市滄
 浪趣消炎冰雪齋船平邀笛檻扉拚曬簷柴樹幟騷人集能
 文女史偕含毫生氣韻交臂略形骸點染停纖玉迷離墮小
 釵燈明天不夜酒灑照非埋望古遙情接謀篇險韻諧滿堂

成互目獨倚送孤懷轉以風期合而將星路乖夷猶維去權
 何忍別清淮

小園初成同社過集值朱潛生初度

塵沙餘隙地不礙酒徒狂莫漫愁爲客相於即故鄉亂離生
 日重酬勸醉時忙月白知煙盡秋清似雨涼窮將詩調合澹
 得友情長感物還攀柳論心類坐桑風聲先響竹露氣暗滋
 棠籬落黃花近還來看傲霜

和吳不官欽性就幽蓬詩

那更知人境深居似老禪桃源無漢代栗里是羲年屋角千
 頭橋波心二頃田兩峰浮水鏡三徑疊松泉不擇漁樵侶長
 攜冰雪篇林陰安鳥夢廚火接溪煙得酒愁何在同塵意不

丙十五 顧集八

金陵叢書 蔣氏校印

然獨看高士傳如對古人賢風落蘇門嘯雲埋華岳眠終酬
 招隱約來問渡湖船

補遺

頌守憲林公德政

林公以江寧太守

南國逢初運東溟蔚巨材穎川名藉甚廉度跋方來佩犢風
 初汰迎貓歲不災四知心獨凜八面譽羣推鋤暴恩偏洽親
 民德逾蠅魚懸留故署鳳下集高臺遷秩丰稜峻攀轅父老
 回璽書褒異績憲府表雄才寇美何勞借膏深得更培舊恩
 忘鼎革大地散雲雷墨綬聞皆解賢門洞不媒風流羊石永
 月燕庠樓開自顧同魚目垂眸比蚌胎等威寬草野光化及
 蒿萊作頌愁疏懶酬身感暮衰祇應占象緯佳氣上三台

七言排律

重九前一日張羣玉觀察招集諸子坐雨青谿寓樓限韻同賦

木落未殘秋已殘浮生一日借蒲團愁中歲月隨流水年大文章學老瀾病與懶宜渾似傲眉因醉後不曾攢驚心涼雨催衣早吹血悲風射眼酸蹈海有人懷激烈登樓容我共高寒堂傾燕子空留壘津失漁人獨賸竿乘興擬尋黃葉寺晚晴望斷白雲灘蕭瑟短髮看如此明日何心問正冠

五言絕句

葉君節豆區園詩十七首

有杞門

丙十五

顧集八

三

金陵叢書
蔣氏校印

山中雖設門樹杞不樹棘藩籬復何事聊以資服食

石屏

無數青芙蓉到此忽如削天然列屏障巧匠不曾鑿

閒雲石也廿年長數尺

名山挾靈氣煙嵐日滋養惟有無事人靜見雲根長

踏月廊

清光在松際長廊最先白徘徊未能去下山已空碧

倒影橋

水是無心物青山自寫炤獨客過橋來顧影成雙笑

雙檜

昨從虞山來娑娑已無幾雙龍何昂藏似君兄弟偉

柳塘

嫋嫋煙中絲下拂悠悠波秋風復春風情人當奈何
釣臺

其意不在魚傍水聊自適何事釣名人竿懸數千尺

鳳凰瀨

是為鳧鷖居而以鳳得名似謂池上毛不若山間清

巖壑

陰崖入跌坐不知日暮午但見人間雲初生白縷縷

櫻桃塢

誰家玉窗前花開對花歎家有如花人年年在家看

杏花欄

丙一五

顧集八

金陵叢書
蔣氏校印

村鳩不妨喚晴風盡花力最愛輕陰天養花好顏色

下嶺磴

上嶺喜先登下嶺宜緩步歷歷心目間清景數回顧

北碕

白石淨可數清流細生湍終古無日色六月高松寒

聲聞室

瀑布作風聲樹聲響濤水風水互吐吞不亂定中耳

西垞

幽人愛夕佳閒心倚林望返炤收紅嵐高峰月初上

返渡坂

杖策歸去來此興殊未已遙見村墟煙復詠滄浪水

送別天目弟

一劍何人許高堂有老親黃金因客盡身在不言貧

其二

日日醉笙歌明朝隔雲樹愁是別時醒君當醉時去

茂生樓上聽琴

飛閣倚青山溪流去無極枯桐理深夜中有山水色

其二

纖纖春可憐道心等灰木客有琵琶江愁消來忽如沃

其三

曲罷別情深何時便乘興泠泠三峽亭明月來清聽

久旱喜雨作

丙十五 顧集八

五

金陵叢書
蔣氏校印

一片黑雲起半空雷電隨銀河自天瀉玉龍乘雷垂

其二

萬家浮水上溪壑片時平急漿無避處擁糶寒尙生

其三

應禱傳輦下來蘇徧江南州縣追呼緩君王惠澤覃

七言絕句

村歎

市上斗糧如異物老翁扶杖說荒年百年未有今年苦秧草

焦枯滄豆田

其二

比屋惟聞對怨嗟揚州誰說最繁華始知羅綺笙歌事只在

高官大賈家

留題李觀察書屋

碧蔭參天不見天荔枝樹下抱書眠早知仙境容高枕何不

來於未熟前

其二

清涼秀色逼高臺天淨遙峰面面開海氣東南最空闊青山

中斷紫淵迴

其三

石塔封苔蘚碧空前朝傳是梵王宮千年別倚新臺樹清唄

還飄靜夜風

其四

丙十五 顧集八

六

金陵叢書
蔣氏校印

此地城中最高爽短牆矮屋勝全收胡牀隨意移簷日處處

山光到兩眸

其五

歲晚不知身是客春花春酒認江南主人醉客已一月但道

不肯停行驂

其六

近市能如山谷深生幽全爲覆高林隔牆復是誰家苑望去

仍連十畝陰

楓亭

谿碧山青天路空人家齊在翠雲中秋陰小駐忘前路細想

垂垂萬樹紅

其二

故里高阡落日程行人下馬拜崇先明相連諫議新開徑帶

月款門通姓名

林自蔡忠惠與
芳侍御

同安道中見紅葉時冬深矣有懷今度

愛向冬林看積翠山迴忽見沼溪紅清霜不度鐔天嶺玉露

天南自變楓

其二

望望蒼山登復登海村柏塢一層層如春天氣忘歸客忽亂

鄉心到孝陵

其三

千里清江秋岸好管山直接富春山迴帆堅許閒消酒水落

丙十五 顧集八

金陵遺書
蔣氏校印

風嚴人未還

其四

渡白溪邊素心侶秋尋嘗比看花忙此時待雪待遊子肯信

紅林坐夕涼

哭興公

一見騷然有贈篇交深惟恐上歸船誰言少別千年恨卻在

春波南浦先

其二

身入清源久不回懷人矯首思悠哉到來何事遲相見隔日

來過隔夜臺

世予至自溫陵在先生去
前一日竟未再面

其三

南山山半迴居樓不是仙人不共遊此日愁雲空鎖卻重來

有路是西州

其四

絕筆似詩還似偈胸中原不宿纖塵最奇了了知前數預畧

年齊絳縣人

元末五字帖先生

其五

萬卷每容佳客借一生長爲買書貧遺籬莫笑遺經者玉樹

詞壇幟又新

其六

城裏三山畫裏詩鼇峰人去色淒其古人嘗恨我不見猶喜

相逢未死時

丙十五 顧集八

八

金陵遺書
蔣氏校印

別黃若木

洪塘暮雨問停舟童僕歡迎江岸樓一夜翦燈三載事豈能

話盡別來愁

其二

已知官況似浮漚說到人情舌不收籬外南山門外柳陶公

何事不風流

其三

來去莆陽三日間訂交拜墓不曾閒佳山佳水重遊夢明日

隨君車馬還

其四

遊興知君未肯刪名山到處望躋攀相期先上清淮閣拂拭

煙光看曉覺

題畫

高樹無風葉自飛
山泉落處響岩扉
看山獨有忘機客
解得清秋在翠微

九日吳振振攜菊過存

一榻眠爲一畝宮
不知門外已秋風
送花人到知重九
似坐籬邊山氣中

蕭孟昉新婚詩和李梅公司馬韻十二首

桃葉桃根舊渡頭
水煙臺榭入空浮
爲逢世外雙眉嫵
一洗人間萬古愁

其二

丙十五

願集八

九

金陵書
蔣氏校印

煙姿玉骨映清淮
烏鵲填橋傍水涯
絕代從來厭金屋
千秋風雅一蕭齋

其三

綠陰交影燕鶯忙
春老初遺洛浦璫
自是名花比傾國
新梳也學牡丹妝

其四

詞人盡賦麗人行
道是飛仙下玉京
若使秦王償趙璧
不知宜與幾何城

其五

天然不畫遠山青
草草妝成掩玉屏
密地背郎偷顧影
鏡中迴轉愛娉婷

其六

水明樓上倚闌干
似御天風駕兩鸞
若個合歡詩最好
謫仙人在碧雲端

其七

山水江湖到總遲
秋波靜對好花枝
待儂滿月添妝後
十里笙歌不斷時

其八

溪雲淡淡想衣裳
水近巫山一段香
好借春浮園向此
誰爲縮地費長房

其九

輕盈如欲受風斜
婉約居然未吐花
爲立匳邊誇雪月
一時嬌頰起微霞

丙十五

願集八

十

金陵書
蔣氏校印

元無塵事不須刪
愛翫偏宜日日閒
宴坐茗香書畫裏
還攜素手看青山

其十

柳色山光上板橋
桓伊篴向水邊邀
世間多少貪花客
不解風流度此宵

其十一

年年行樂憶江南
消受桃夭春正三
不爲忘憂佩萱草
愛他小字喚宜男

其十二

野宿六首

襖被前途早入城荒村斜日戒人行村沽如水醉不得土榻
生冰眠豈成

其二
百家蓋屋亦新草舊草爛來通見天翁言屋破住不得但恐
亂來還播遷

其三
久客近鄉無限情一程分作兩程行時危行路難如此江路
石尤山路生

其四
北戶無扉風惱客鄰翁哀客進烏薪村中強半無煙火此物
胡能尙急人

丙十五 顧集八

十一

金陵遺書
蔣氏校印

其五
逆旅主人供布被一家鐵足不曾伸千金漫說淮陰事未必
拚饑餓路人

其六
販柴來往六十里升米帶回堪活家聞道山東無一粒家人
相食骨如麻

移居
構得幽居愜隱情經年無送亦無迎有時直上孤峰頂月下
披雲嘯一聲

東程望尼結夏

冰雪精神秋水姿紅塵應不掛鬢眉何須更掩蓬門臥猶恐

南薰動薜帷

題畫壽王玉式

王郎自是仙山客偶謫人間亦高格笑指青青海上山碧霞
長近仙人宅

其二
愛閒世事一齊刪未減風情向小蠻宜在畫橋泉落處置君
柱杖倚雙鬢

爲東曙上人題梅憶友

往葛震甫畫梅一幅贈劉今度自題詩於上今三十餘年
矣有人於他處得之以贈東曙東曙索予續題適予庭梅
亦死故感而賦此

丙十五 顧集八

十二

金陵遺書
蔣氏校印

門庭一樹最先開花後花前醉幾回花與看花人盡去尋花
獨入寺門來

病中酬王季銓

知君分手葛洪家日與仙人論汞砂病子粒丹如許乞相隨

山海弄青霞

其二

閉戶不來空谷響支牀灰稿亦陶陶故人遠過復空去始覺
文園太寂寥

原跋

憲不孝夙遭凶閔先君子見背蓋在甫離襁負時也母氏守志撫孤惟吾外祖是賴外祖視憲不啻己孫教之誨之飲之食之無所不用其極方弱冠時即隨外祖游吳越荆楚間選勝湖山定交風雅終日吟詠不輟憲周旋杖屨見其詩艸脫手即棄去不復存心竊訝之外祖亦不告以故想謂小子未足語此也憲雖不敏亦有志於學詩況日侍外祖之側安忍聽其散佚耶凡往來贈答之作必手錄而藏之雖不能窺其精義亦庶幾識其梗概焉爾丁酉冬仙裳黃君索外祖詩授梓竟無存者憲因出所私錄稿四百九十八首皆曹能始先生刻中所不載者仙裳鈔之而去庚子秋憲有穎毫之役與

原跋

金陵 蘇氏校印

外祖牀頭言別泣數行下若永訣狀不一月而凶問至矣嗚呼痛哉憲小子幼既廢學長鮮成立其負吾外祖者實多計惟撫其生平著作以公同好少仲報效之私而已然家貧弗任剗勵可勝感歎愚山施先生篤念亡友期踐宿諾憲不敢自私其秘而子遷沈君又出其所藏合而選之外祖之詩遂得流傳於世至於警較精嚴賞奇標異則爾止方先生更有苦心微獨吾外祖一生精神不致與艸木同腐即憲小子亦得藉手以報外祖於地下諸先生之德其曷可忘也哉若夫外祖為人爲詩當時後世自有定評憲小子何多贅焉

外孫梁之憲百拜書

顧與治詩集跋

右顧與治詩集八卷江甯顧先生夢游箸先生爲英玉副使曾孫門伐鼎鼎抗希王謝而標寄蕭澹一洗紈綺之習蟄居斗室弦誦自娛見者不知爲烏衣子弟也其詩濡染家學兼具眾體不矜奇不炫博而信手據寫天趣盎然既不若北地信陽之叫囂亦不若公安竟陵之纖仄冲和閑雅望之初若易能味之寔爲難盡其上者幾破靖節之扁次亦不下大庾十子有明一代之詩先生寔其後勁江左稱詩者莫能或之先也丁國變侘傺以死遺業多散佚施愚山方爾止諸先生授拾遺殘以傳於世即是本也數經兵燹若滅若沒王木齋先生得一舊鈔國榜復乞梅蓀丈假以印行先生之詩晦而復顯殆亦英靈所呵護與鄉後學蔣國榜

原跋

金陵 蘇氏校印

續騷堂集

四明張氏約園開雕

序

壽鏞蒐輯鄉書於吾鄞萬氏三致意焉丙子春既瞻謁
白雲莊越歲萬布衣祠成集鄉人而落之壽鏞先爲之
記更展拜其墓時萬氏後裔有自杭來者二人焉皆誠
篤君子也客更詢壽鏞所得萬氏書告以寶羣歎十世
勲績與七代文章相輝映異日儻彙合之爲萬氏家集
豈不偉哉壽鏞唯唯攷萬氏自鹿園先生承四忠三節
一義之後開文章節義理學經學史學之先其子達甫
字仲章有皆非集孫邦孚字瑞巖有一枝軒吟皆詩也

續騷堂集

序

一四明叢書

續圖刊本

更得續騷堂集爲悔庵先生作先生嗣音一枝而啓牖
八龍者也亦越四世矣益之以充宗允誠季野兄弟爲
五世管邨授一爲六世開遠爲七世此就著述流傳者
言之若其人足爲世法而其書無可攷者更多即如斯
集依會稽孫氏德祖序言第一葉截兩行當集名一行
作者名氏一行楷則端嚴隱秀當是先生真蹟自敘所
云手錄存之者不敢示人蓋固隱晦聽之天焉然續騷
堂集李泉堂序之履安先生詩黃黎洲序之且曰今續
騷堂寒松齋粵草皆遭亂以來之作也徵諸全謝山續

甬上耆舊詩選萬戶部詩凡三百九十二首始之以斯
集終之以粵草其中閒則爲寒松可知也又攷懷剡詩
自題見續甬上耆舊詩丙戌之歲避亂剡曲山中去郡城百五

十里而遙溪山幽邃有終焉之志三年以來憂患洊至
死喪之餘繼以兵燹過返故里今六更寒暑矣所謂三
年以來即先生斯集自序始於丙戌終於庚寅者是也
又攷重葺寒松齋卽事詩云剡曲歸來理故園空山猶
是未招魂是即充宗撰行狀云所居寒松齋二三友朋
香茗坐對嘯詠忘飢亦卽懷剡詩自題今六更寒暑時

續騷堂集

序

一四明叢書

續圖刊本

也迨至丙申夏客粵東迄丁酉十月六日沒則又爲粵
草六十首所由作更徵諸充宗所謂續騷堂稿凡若干
卷懷剡詩一卷粵草一卷又適合矣今雖寒松閣集三
卷未見而謝山所選秩然有序意者續騷爲一卷寒松
爲一卷粵草爲一卷平概稱之寒松閣集據後名之也
嗚呼自甲申迄丁酉十四年中先生義聲震天下所不
可奪者大節耳東身頽垣破壁之下續秋望寄跡儒衣
僧帽之閒哭董晉公詩僧帽儒衣讀道書心病難醫世亂誰恤卽景生
情呻吟澤畔既哭亡友更救良朋情之所至縱蛇漢水

釋狼中山杲堂謂之曾不自悔者而晚號悔庵雖悔之
而人知先生之失於厚固無損於君子人也歟刻既竣
因書於端時民國二十九年九月後學張壽鏞

續騷堂集

序

三四明叢書

約園刊本

鄞縣志本傳

萬泰字履安晚號悔庵邦字子崇禎九年舉人自爲諸
生卽偕同邑陸符從學劉宗周毅然以名節自任時黨
部正分浙人不與復社相通泰首拉符應之諸名士無
不倒屣以迎會有保舉之詔當道欲以泰應讓之符時
稱其義符性剛於世閒嵬瑣之士叱之若狗泰稍和易
然自一掛外交一語其人多惶恐退去泰嘗與無錫
顧仁杲吳縣楊廷樞蕪湖沈士柱餘姚黃宗羲聚講南
京惡阮大鍼甚作留都防亂揭逐之東江建國以戶部

續騷堂集

傳

三四明叢書

約園刊本

主事司兵餉充日講國亡遁入榆林已而榆林亦被兵
乃復歸公車敦促長歌謝之然日益忽忽不自得燕人
梁以樟至鄞約同志六七人與之倡和其音淒絕吳鍾
繼死泰購得其遺稿摩挲故紙手鈔傳之泰始未嘗作
詩遭亂以來驚離帛往所至之地必拾其遺事表其逸
民宗羲謂泰詩爲詩史孔子所不刪也其推重如此生
平最重倫理女兄弟五人所適皆貧泰有無共之給其
終身高斗樞李桐父子蒙難泰與大將之記室有舊聞
之感然曰吾不出獄不解也爲至會城以奇計出之桐

死杭州泰以其喪歸晚游粵東返棹有同年生毛汧染疫將死同舟皆欲棄之泰獨收視親其藥裹汧得生而泰病卒年六十子八人斯年斯程斯禎斯昌斯選斯大斯備斯同

續騷堂集

傳

二

四明叢書

約園刊本

攷定續騷堂集敘

甲申九月既望余與馮君舸月集趙氏翰香居主人瑾伯戶部出所藏寫本古今體詩一冊屬爲攷定凡詩三百十首第一葉截去兩行當集名一行作者名氏一行有自敘凡兩葉又六行文氣未竟當連屬歲月名氏亦截去大抵寄感滄桑或以鼎革之際疑有所諱故也乃相與雜誦一過主客往復討論定爲鄞萬履安先生續騷堂集蓋先生爲鹿園居士曾孫鹿園葬錢唐歐家山自敘云西渡錢塘掃先人墓其證一先生與同縣陸符文

續騷堂集

序

一

四明叢書

約園刊本

虎並爲黎洲黃氏所兄事黎洲謂文虎死後先生始爲詩而自敘亦云文虎早以詩古文詞名世心慕之而未
能學文虎以憂瘁死不平思鳴始有意于學詩其證二
集中七歌之二章有曰我生之初在帝城吾父秉鉞方
東征攷先生生于萬厯戊戌而先德瑞岩都督實以其
年爲游擊將軍師鴨綠江主征倭之餉其證三黎洲志
先生墓云先生不受公車之徵遁迹榆林喪其夫人已
又喪其太夫人自敘亦云乙丙以來崎嶇逃死哭妻于
矛頭刃底藁土未乾彼蒼降割恨與天終其證四至若

先生所著寒松齋集凡三卷著錄聞蕊泉氏鄭志黎洲
敘先生詩與續騷堂粵草兩集並稱謂皆遭亂以來之
作是集既未釐卷次而自敘時把離騷向水邊林下讀
之之語殆續騷所由名堂而是集之爲續騷堂集可以
不疑矣夫以萬氏之繁葉勳舊固與明室同其休戚而
先生流離瑣尾不皇自卹唯是惓懷故國纏綿蘊結一
寓于詩慟黍離于行邁悲天命之不淹歌以當哭怨而
不悱風人之遺略可睹矣楷則端巖隱秀當是先生真
蹟自敘所云手錄存之者可寶貴也大清光緒十年

續騷堂集

序

二

四明叢書

約園刊本

會稽孫德祖彥清謹書

讀萬悔庵先生續騷堂詩集

閩運蹙海東明社既云屋日把離騷經一讀還一哭國
破家亦亡何處歸邦族告密飛章名不麗狂生六行歌
賦黍離隱遁榆林谷猛犬吠狺狺孤臣悲放逐白雲縱
鷓鴣傾身救巢覆生友黎洲黃死友文虎陸決絕博士
徵奚煩詹尹卜感喟舊神州誰上徐陵牘中山悔釋狼
眾喙任謗譏顛顛此湘纍鬱伊載其腹心死出哀吟炊
斷啓詩軸慙悽楚些辭三閭存面目淞河風氣開名士
老而禿繼雅三百篇藉作風詩讀孔子所不刪詩史良

續騷堂集

題辭

一

四明叢書

約園刊本

見獨埋山沈井中終古必傳作湘水弔無知血淚紛滲
漉先生魂歸來寒松風謾謾光緒甲申冬十二月慈谿
末學楊泰亨謹題

續騷堂集序

自東漢諸君始以品目相重所稱爲名士並極標榜至其後惟謂諸葛君可稱名士甚矣名之難副也啓禎之閒江左復尙標榜以名士相推測東則悔庵萬先生首稱模楷吾黨數輩亦得依以揚聲閒出其所作詩古文詞與三吳名士爭長一時傳布及遭亂已來諸君歲寒相見俯仰河山各著文章高論忠義旣而嗟壯年之冉冉苦長夜之漫漫漸失初誠致乖末節此人平日文章遂若有鬼神默禱其筆煙消灰滅無復可傳卽此人內

續騷堂集 序

一四明叢書
約園刊本

惡夙心亦不願以高論忠義之言復欺天下時尙有赤石逾堅蒼官不改仍闕永初之年終謝地皇之臘浙河以東惟姚江黃先生及吾里數人而益以萬先生爲之宗嗟夫先生斯可謂名士矣且先生功在吾黨固不獨其詩文也當亥子閒吾鄉高大中丞與先儀部並遭大難余輩亦身纏櫃杻幾至覆巢幸先生傾身救之得免先公竟畢命虎林先生麻鞋夜走五百里買木衣尸得載其骨歸余破械甫一日與先生抱頭哭江上感動路人久之姚江黃晦木復被繫至甬上罪且不測先生閒

出奇計事竟得解當此時也萬先生義聲震天下夫人

平居把臂相論交卒有小患難夜半叩門能爲一出手

援之已不可及况惡浪瀾天弱泥投地負僵尸於虎穴

奪生命於歐刀非徒不能救人并將自陷此時親朋塞

戶行道倉皇而先生裹劍獨行聲淚並發直度易水自

謂能還即使忌名者百口相讎然且縱蛇漢水釋狼中

山曾不自悔此眞古人所難試讀晦木援阱之章且中

感述之什宋七歌秋所紀事未有不流涕闌干搥腕

而起歎先生爲無慚名士者也夫詩文之道上關君父

續騷堂集 序

二四明叢書
約園刊本

下關友朋然則先生此集非特鬼神默助其筆埋山沈

井終使必傳亦先生自吐夙心樂以高論忠義之言正

告吾黨者矣李文胤

自序

嘗聞之言詩者曰詩必根本於三百篇參伍之以屈宋漢魏六朝三唐兼備體格自成家言而後可名詩人杜少陵之言詩亦必曰讀書破萬卷詩若是其難言之也僕何人斯敢涉斯義雖然詩者性情之事今人讀古人詩如見古人見之于性情也僕于詩未游其樊而性情則吾所自有蓋嘗論之詩有殊塗義惟一致歡娛愁苦意不相兼要皆本之天懷副在音韻升訶廟堂吟詠泉石惟此雅道揚真氣孤行然受其言足以風當時而

續騷堂集

自序

一

四明叢書

約園刊本

傳後世若夫掇拾菁華矜詡巖刻雖宮商畢赴而指義無歸一字千金究為敝帚至于逢人投贈到處留題稱觴上壽全同巫祝之辭達官貴人多識交游之字此昔人所謂庸音雜體各各為容揆之大雅風斯下矣僕不敏少與陸文虎為舉業之學文虎早以詩古文詞名世而降才爾殊僕心慕悅之未能學也乙丙以來憂患相仍崎嶇逃死哭妻于矛頭刃底藁土未乾彼蒼降割傷哉貧也恨與天終草土餘生苟全視息三年蹤跡往來西臬剡曲閒文虎亦以憂瘁死人倫凋喪家室漂搖晨

風暮雨呼天搶地之餘時把離騷一卷向水邊林下低回而讀之不知涕之無從也痛郵沈憂荒忽煩亂出無以為歡入無以為語有懷耿耿不平思鳴始有意于學詩而已老矣悲從中來疾疢交作經年病疴奄如泉下荆扉晝扃望突無煙而負俗之性動每得謗沙蟲射影邑犬吠聲辟俗如仇仰天而歎僕不意離亂難遭至此極也所賴筆硯僅存血心未死披帷時來素心抵掌不忘吾道傷離歎逝錢苦送窮每以癡憂寓諸韻語嘗西渡錢塘掃先人墓田輒溯江上釣臺問謝皋羽痛哭處

續騷堂集

自序

二

四明叢書

約園刊本

煙水空濛有逝將安適之歎登臨憑弔觸緒生情凡此筆墨所濡無非愁歎之事誠不知三百篇而下屈宋漢魏六朝三唐之詩何如也而性情所託若春蟬秋蟬夏然而鳴率意任心無關體格惟與二三子倡和酬答當其佗僚意色俱飛悚然而骨立惋然而心痛悲哉言之聲泪迸出不顧鬼神之臨而斧鑕之伏也此僕之所為詩也客曰斷木為棋梳革為鞠莫不有法而況于詩子未夢見古人而言詩可乎僕應之曰吾未知古人而知古人之性情讀匪風下泉而知為忠臣讀蓼莪陟岵而

知爲孝子此三百篇之性情而卽屈宋漢魏六朝三唐以迄今人之性情也我生不辰禍及膚髮六經之阨慘于秦灰仰視蒼天不見白日使古人當之其悲憤淪淪狂歌慟哭當不似今人含垢忍恥伊優泮忍而已僕顧瞻前修驚慌心骨粥粥乎其咨嗟歎息之聲而名之爲詩夫咨嗟歎息之聲而以爲詩也僕何足以知詩然而性情則已存矣是集始于丙戌終於庚寅刪艾之餘存詩三百十首手錄一過存之笥中不敢示人

續騷堂集

明鄭萬 泰履安撰

剡曲雜詩

片帆夜落雨絲絲舉目河山異昔時倥傯百罹逢此日
蒼茫七尺去何之愁雲深鎖冬青樹寒汐空迴夏禹祠
天若有情哀志氣尙留漁父在蘆漪
清溪九曲杳沈沈楓葉蘆花一徑深似與幽人尋夙約
不妨濁酒且孤斟徘徊今古丁公鶴廟滅成虧昭氏琴
賸得青山堪送老林閒生事水邊心

續騷堂集

一四明叢書
約園刊本

潮落錢塘怒氣闌江天六月朔風寒人家荒草當門戶
都市饑烏集井榦道上相逢惟韎韠民間若箇是衣冠
廿年戰伐成今日隸也爲誰力不殫
萬里神皋望帝閣不堪垂首憶天門都門半是中行說
宦學全誇石季倫榻畔駒兒方駭躍堂前鷺子故翩翻
九州鐵鑄難成錯已事于今未可論
越王城外草萋萋雪恥當年事已非官屬幾時重睹漢
捷書何日再傳淝乘舟盡學鴟夷去乞食誰從茂苑歸
惟有荒村舊鳥鵲朝朝暮暮向南飛

經年辛苦避機槍何事匆匆忽悼亡望斷霸陵良寂寞
夢迴炊日太郎當西皋原上三更月剡曲山間一夜霜
偕隱無緣空擇木寄愁泉路已茫茫

避人窈窕作山行林藪何妨小隱名未忍鴻毛輕一死
誰能牛背話三生倦游且就車頭宿老學惟思谷口耕
獨倚愁心對修竹悠悠天地總浮萍

山靜杳然成太古關情最是夕陽天溪聲入夜都生韻
樹色經秋亦可憐學易早知肥遯理讀騷欲廢卜居篇
草深地僻無人問一日聊當一小年

續騷堂集

二四明叢書
約園刊本

送窮卻老鮮良謀自在林閒署隱侯底自千金龜手藥
生涯五月負薪裘夢回故國山山暮坐斷禪關葉葉秋
村落桃源隨處有人閒浪說武陵游

側身天地思無涯影落空山抵活埋自笑墟中聞咳鼈
從教壁上看粘蝸迷陽處處徒爲爾杜宇聲聲亦復佳
嬾惰只宜長閉戶前村風雨正紛霾

練川沈一韓避地甬上與予攜手入剡經月西歸

賦詩留別答和二首

一月空山住千秋過客踪遺民題靖節逆旅識林宗碧

漢翔孤鶴寒江蟄毒龍別離無限意心指一株松

其二

匆匆如此別何以慰離踪夢落千峯遠魂歸萬壑宗書
應傳隻雁劔許合雙龍他日中原會無忘澗上松

還西皋

風捲秋潮浪打門蕭蕭獨坐又黃昏不堪細數槐柯夢
遮莫難招蜀帝魂貧比原思兼是病才非季布亦遭髡
向來勝事都衰落惟有蒼苔護竹根

哭陸文虎

續騷堂集

三四明叢書
約園刊本

夢夢竟如許悲來乃兼常不當哀朕時世喪道亦荒欖
槍橫天衢少微失晶光邦家既殄瘁斯文果云亡吁嗟
霄漢材零落隨秋霜

其二

秋霜陰始凝所憚蒲柳姿峩峩千尺松落落無頽枝崎
嶇涉歲寒古道儼在茲嘻吁廈已傾乃以一木支材大
古難用直節安可施悽愴撫年運終古長齋咨

其三

齋咨夫如何心惻在吾道名場三十年天日旌懷抱時

事已焚巢君身方建纛雖矜幼婦辭未解高山操世亂
難爲士力命誰能造傷哉英雄心闐然付高蹈

其四

高蹈若爲樂君心良獨苦嵯峨雪山岑窈窕剡溪澗涉
江思美人登高悲陟岵傷心千萬端銷歸向西土幽憂
慘不歡尸既有餘怒魂兮如可招恍惚在庭戶

其五

庭戶尙蕭寂我來哭人琴聞君示疾時忍死欲招尋及
其大期至默然遂如瘖豈無兒女懷終是道人心痛切

續騷堂集

四四明叢書
約園刊本

憑君棺淒涼撫君衾以此生死意感彼雍門吟不知幽
泉閒寥落誰知音

其六

知音不恆有千載稱牙期世人攜手好背面分澗瀟君
才大于海君懷朗于曦游觀澹古處何能隨今時爾我
訂心言其眞皆撥皮與君稱死友苦墳簾吹君今去
已邁我失誰爲規久要詎能忘歷歷存鬚眉

其七

鬚眉儼然生雖死未顛頓大文足不朽精爽寄遺笥知

儒緣學佛神理闡幽閤旁兼內外典皆聞第一義開闢
爲文章言辭絕思議後世誰相知千秋今日事珍重名
山藏玄宴當誰俟爲君發幽槭依然笑相視

其八

相視睽幽明憂來不可絕生平湖海踪往往惜離別如
何百年期一訣竟奄忽茫茫志士心子子孤臣血空山
弔旅魂夜月聞啼鴉纔上剡溪船欲返西州轍世事莽
如晦我心愁如結焉得招君魂次第爲君說

寒江夜涉

續騷堂集

五四明叢書
約園刊本

寂寞蘆中客飄零江上舟月留千嶂色煙鎖一天愁幽
恨憐孤鷺安眠愧浪鷗平生滄海意敲枕問東流

其二

倏然驚歲莫沉復歎離居水漲潮生後江澄月上初一
帆歸漠漠四海臥遠遠猶恐風波惡殷勤問老漁

其三

剡舟輕似葉萬頃縱茫然目斷江南樹魂歸冀北天中
流懷擊楫傍岸欲牽船浦澹多鴻雁寒宵更可憐

劉瑞當薙髮入山爲潔供疏傳之同人予以李長

衛畫作供而系之以詩瑞當變姓名全復字去古

有僧名復字去古結茅空山一環堵瓣香蕪向首陽巔
常山信國列兩廡更有井中藏史人晨夕嘯詠相賓主
方袍圓頂寄性情鬚眉儼然見鄒魯低頭長隱南郭几
奮袂或爲越石舞不矜飽死羨侏儒送老齋鹽貯空肚
眼前萬感集一身熒熒鮮喜偏多怒自言別有休糧方
不在人間問漑釜山中有屋大如掌欠伸亦足恣仰俯
何妨土窟若焦先未能掛瓢學巢父殘縑破紙供婆娑
敗瓦碎石具摩拊疏云求之殘縑破紙有餘施以敗瓦碎石而足飢來坐臥竟

續騷堂集

六四明叢書
約園刊本

旬日充腴何必羅簋簋貽書乞向同心人拈出坡公與

耘甫疏用蘇長公與賈耘老事妄想瑤瑤太癡絕需索風月更淒苦

疏云瑤瑤與不恡來遺潔風明月亦堪持贈我已入山爲老樵有兒皆使歸

農圃生平此興復不淺今已嚶嚶委塵土因君發篋忽

大笑笑我長物何些麻蕭條獨有李生畫開看扶疏兩

松樹落落枝柯想歲寒筆墨煙雲相媚嫵懸君空山之

丈室依然爾我雙踽踽此中謾謾聞高風絕勝鄰廚聽

粥鼓聊當送米續晨炊憑君飽玩充羞脯

瑞當過從西皋有感瑞當以哭文虎來時有子之傷

愁人獨臥在菰蘆忽漫相逢夢裏呼死友昔曾聞范式
佳兒今再泣童烏君子亂世全名士我以孤情寄佛奴
一夜深譚千古恨嗚嗚何處哭窮途

清霜澹月靜江村暫爾開顏亦斷魂寂寂誰過揚子宅
悠悠莫問翟公門人前啼笑鷹憎眼世上安危虎決躡
惟有寒山一片石與君深夜可評論

對酒 原本刪

登高岡望層雲把酒不飲心先醺清聖濁賢展戲謔焚
枯酌醴當大嚼人言對酒能消愁我今對之思悠悠自

續騷堂集

七四明叢書
續騷堂集

古文人多頌酒其閒寓言恆十九世亂男兒多賤貧擲
揄路鬼紛相噴天下健者飽食肉白骨槎枒紅粉哭誰
能醉裏獨惺惺舖糟歡醜全其名陶然濁醪有至理干
古一卮澆粟里

除夕

避人長獨往幽意託巖阿寥落竟如許離愁可柰何題
詩留歲月對酒話山河一映流年換生涯委逝波

其二

此夜視何其端居有所思書題晉甲子日斷漢威儀閱

世聞譚虎謀生聽拂龜病餘衰相現一榻坐支頤

其三

世亂腐儒輕尋山避甲兵韶光歸幻夢生計誤虛聲白
日歡相得蒼天恨未平怪來身似客相伴只孤檠

其四

忽忽當今夕依依憶昔年觀梅燒燭坐挾冊枕頭眠短
髮愁千丈空囊看一錢明朝是何日悲淚更潸然

元旦

曉起日初曛千山四望通欷歔新歲序騷屑舊家風禮

續騷堂集

八四明叢書
續騷堂集

樂君臣外衣冠山谷中蒼天如可問額手祝年豐

其二

有意尋丘壑無心問市朝流離經一載感慨重今朝野
沉存雞黍年華付柏椒良辰掩關坐栖托比鷓鴣

其三

萬古此明山興亡幾度閒不因陵谷變那得歲朝閒積
雪開青嶂寒流繞碧灣愁心對日曆無事且躋攀

其四

春色到山隈晴暉此日開乾坤憂易老家國恨難裁懷

抱人千里風光酒一杯傷心無限意吟望獨低回

感興詩

端坐閱年華韶光易遲暮二曜如跳丸一往無還顧所以英雄人流涕撫庭樹高陟嵯峩峩峯遠睇蒼茫霧勞勞旦夕間乾坤自新故池魚游千里跋鼈不再渡戚戚徒爾爲貧賤天所賦

其二

榛棘滿天地去去當何之掉頭來山中芳草相與期鵠志失千里鷓鴣栖想一枝悄悄心中言悠悠夢中思軀身

續騷堂集

九四明叢書

約園刊本

學顛當豈曰守其雌

其三

出郭百餘里邈然如大荒自非汗漫遊安能忘故鄉昔爲桑與梓今爲參與商旣歎永州鼠亦笑中山狼誰謂食糜苦不如飲泉狂

其四

山澤具真性閱人無冶容片片岫閒雲株株巖畔松雲閒散作雨松老幻成龍揮手出塵壻幽獨處其中自契草木昧而無蕭艾榮神山儻非遙躡躡還相從

其五

朝餐山中霞夕采山中蕨日從東山生又向西山沒窮石有歸次洵盤且濯髮魯陽非荒唐夸父豈狂悖誰操尺一箠夙駕九州筏

其六

鳥飛亦有序獸聚亦有羣人生恃心骨今古同悲欣幽屏澄予懷耳目不得紛靜言閱往昔日星麗典墳匹夫慕大義其氣疾于焚田橫三百士魂歸大海濱呼之或可出吾以張吾軍

續騷堂集

十四明叢書

約園刊本

其七

孫登以嘯聞阮籍何善哭此皆有心人俯仰太蹙蹙側身當窮途孤鳴在空谷嘯旨今不傳哭聲如可續誰爲鸞鳳音且就醉鄉宿

其八

坐臥看雲山山青雲自白山本太古頑雲來相塗澤觸石合膚寸雲出山欲沒致雨不崇朝奔濤徹終夕雨絕雲不還依然見泉石世事豈如斯吾當問樵客

其九

海上春風生玄鳥又來舍歲歲度韶華年年依王謝空
山多寂寥況此風雨夜幽人殊不眠何事來相借

其十 原本刪

澗側老松樹孤露幾經年茯苓宅其根兔絲緣其顛山
人工采劂食之皆可僊我攜長鏡來穆如逢古賢人閒
千載事髣髴待君傳豈惟資服食兼亦共周旋

其十一

林靜號微風山高瞰小月老鳥繞樹飛杜鵑啼不歇鳥
栖將何依鵑啼爲誰設驚魂不可招招來羞白髮

續騷堂集

十二四明叢書

約園刊本

其十二

林閒有老鷹側目長苦飢荒村窮雉兔腐鼠飽鷓鴣獨
出振孤翩翩爲烏鵲欺豈無風霄志八極無安栖戢翼
俯原田時來啄其泥

其十三 原本刪

學書已無賴學劍復不成旁皇風雨夕流涕撫青萍荆
軻太無術專諸浪得名不如空空兒一擊入青冥我今
銷爲鉏攜向隴頭畊雖然失鋒鏑其鐵猶錚錚

其十四

頻頻自有黨鸞斯集于木古人重結交久要在胸腹生
死共夷險如車兩其軸管鮑不可作薄夫狂如沐何當
剖肝膽一擲等片肉嚶鳴事已非絕交書可讀胡不歸
山中山中有麋鹿

其十五

冥心觀羣動舉目愁紛闕里久榛莽履視無專門人
生此天地癡黠爭精魂蟻蝨處禪際居然河嶽尊區區
目睫閒千古多繁冤高論且卑之欲語聲還吞

其十六 原本刪

續騷堂集

十三四明叢書

約園刊本

昔賢詠貧士歷落傳其神上下觀古今寥寥此幾人志
士死溝壑冷風銷輕塵何如在史傳千載偏嶙峋昂哉
飢寒軀之死求其真彭澤無膺仕義熙有遺民雖然持
此意難爲肉食論

其十七

入山不厭深茲行亦已杳放居良可懷何爲獨幽討人
生當亂離憂患因智巧犬吠在所怪虎視焉得飽揮目
招三仁振容揖四皓初蘭乃逢茅采芝偏得蓼踟躕此
高厚命也誰能造

其十八 原本刪

此日是何日廟社成丘墟大地盡髮鉗曾不問賢愚艱
難逃一死生趣已無餘滅迹來山中稼圃是良圖吾師
荷蓀翁聊以避狂且神農與虞夏一往不可呼斯氓何
蚩蚩傷哉子大夫

其十九

塵霾障遠天白日當午沒虎噬不避賢君子慎膚髮惟
水有滄溟歷歷見魚鼈惟山有岷峨齒齒望霜雪高深
無世情保身乃明哲

續騷堂集

十三四明叢書
約園刊本

其二十 原本刪

客從市上來告我人閒事鸞鳳革其音豺虎日以孳渥
泥無獨清歡醜已共醉年年復年年天心不可伺泉下
尸視人山中未死酖志士閱我躬我躬亦憤憤置身六
合閒焉能不論議

徐石客聞霄虹家于雪竇屢有過從之約詩以代

柬 原本刪

雪竇山椒剝水漬幾回搔首歎離羣釀來綠蟻充三雅
種得黃雲熟十分篋底殘編尋舊事門前野老送新聞

胸中五嶽嶽崎處夜雨疏鐘只待君

陳義扶題詩寄懷次韻答和

不堪回首憶當年一度書來一黯然若箇吹簫吳市上
幾時抱鼓越江邊巖阿暴露無安枕典籍幽栖當橐籥
攜手千峯曾有約看山莫漫問腰纏

三載從君杖履游元龍湖海一扁舟虎丘明月夢中落
天姥高峯雲外收亂世貧士少青眼深山野人多白頭
孤燈濁酒長相憶何處遙瞻百尺樓

西皋絕句

續騷堂集

十四四明叢書
約園刊本

日長靜遠有何事花落鸞啼自送春欲遣愁懷付流水
滔滔流水亦傷神

煙雨迷離蔓草寒一抔馬鬣獨嶺岷紙錢拂拂又寒食
痛煞威儀說漢官

幽恨繇繇不可裁漸看新塚長莓苔最憐溪上三更月

閱盡人閒一劫灰 先妻卒于光溪逆旅
正聞江干失守之日

才拙應知賦命窮漫將傀儡辨魚龍從來雨雪欺貧屋
不用其涼怨北風

倦來敲枕亦遽然惟有松風到耳邊夢覺夕陽斜在牖

不知此日是何年

結廬只在近郊西戶滿蜘蛛草滿蹊且向梁間看鸞子

何妨糞裏聽醯鷄

春林處處叫蒼庚男理耨粗女餉畊頭白老農常飽臥

可憐我乃不如卿

自從荒遯空山後到處聞人說採薇若使夷齊至今在

可能攜手與同歸

故人零落在山椒天外游魂若可招生死心期一夕話

對牀風雨憶瀟瀟

文虎丙戌之秋信宿而去遂成長別

續騷堂集

十五四明叢書

約園刊本

何須策蹇走邯鄲人世風光枕底看回首昔年燈火夜

不堪重數舊悲歡

卽事

鸞子方來春又去空庭野花嬌欲語簷前勃姑整日啼

每夕牀頭怕風雨聲聲欵乃五更餘前村老漁夜打魚

明月似憐人寂寞破窗流影伴圖書

示酒人

獨飲不盈合羣飲亦羸疏世人終日飲且與酒爲徒人

生天地閒日月相馳驅一日半日醉百年五十餘飲中

有真趣酣適在須臾痛飲稱名士荷鍤無乃愚東皋吾
所慕醉鄉非久居古人有酒誥其語夫何如

偶讀劉義詩戲和其古體十首

服食求長生本爲駐顏色韶光迅于駛百年幾旦夕華

屋多歡娛荒丘生感戚生死還相尋哀樂茫無極去者

日以邁來者日以窄秦皇與漢武情懷徒脈脈惟有北

丘墳是爾萬古宅蕭蕭白楊風聖凡總狼籍自古無長生

餅馨恥及髻袖短苦納手古之深心人無聊且頌酒獨

荆卿非劍客所慕在大義燕丹庸孺子枉殺天下士嘲

續騷堂集

十六四明叢書

約園刊本

軻

朝朝沒鼻牽辛苦事農月但免椎享士阡畝力當竭代

言

莫問卜三代自長秦自速管生嚴生不可作握粟茫茫

自歌哭

莫問卜

穆王遺事久銷歇猶有畫圖留歲月誰能駿骨市千金

壯士不教羞白髮

觀八駿圖

飄飄陌上塵殷殷草間血游魂託烏鳶啼破三更月不

見陣雲橫但見將星折

經戰地

楊柳青青覆石閒夕陽寂寂水潺潺有酒難澆天外土
幾度招魂魄未還野哭

生死等旦暮屠沽非賤貧一言勿其頸萬古留餘嘖嘖

風搖蔓草割涕想伊人烈士詠

豺虎相啗食芻豢何其賤鼓腹作雷鳴寒山看古篆餓

緱城道中原本刪

平原極目道青青海潮噴雨魚龍腥煙消月冷山冥冥

土人攜家尚避兵翹首赤城霞欲起子規啼血斜陽裏

馬蹄踏破萬峯雲只尺天台一徑分流水潺湲落何處

續騷堂集

十七四明叢書
約園刊本

桃花已逐劉郎去風生兩腋指扶桑敲枕游仙到石梁

贈緱城居停主人原本刪

策杖蕭然獨到門相逢相笑且開尊望中霞氣侵書幌

眼底山光淨客魂歷落千秋追勝賞殷勤一飯飽王孫

悠悠世路誰能問猶喜天涯有弟昆

陳蒞亭吏部來游甬上其祖中齋公會倅吾郡里

人誦述遺愛僕亦與焉

太丘先生古名德老專詞賦空南國一生偃蹇尚書省

四海人倫想顏色竭來海上訪丹丘落落煙雲繞傲裘

都人倒屣迎佳客父老垂頭憶故侯故侯昔佐明州守

公論千秋存俎豆是時原天子治垂裳萬井千閭欣在

宥民間共說胡威清輿上留題仲舉名夜月琴書鑑湖

水春風桃李官奴城琴書逸韻不可作桃李于今如隕

籜荒祠歲歲薦江蘼暮雨寒煙久寂寞君來恍惚瞻鬚

眉明山之巔大海湄陽城已改避賢驛岷嶺猶存墮淚

碑朝元殿燬華清閉莫問開元天寶事君今只作并州

行邦人尙是桐鄉誼禮泉有源芝有根貴而能貧道自

尊甘載爲郎猶作客不知其祖視其孫

續騷堂集

十六四明叢書
約園刊本

丁亥六月錢塘江上阻風漫述

一片孤帆破浪開黑風吹雨過江來棘門灞上留空壘

越水吳山剩劫灰跼跼海翁鷗欲下依依丁令鶴初回

居人指點屯兵處幾日潮頭去不迴

亂後初至河渚見鄒孝直劉雪符金夢蜚悲喜交

集卽事感懷用夢蜚韻

東皋植託處幽夢若爲通人已成真隱文猶賦送窮愁

心看故故底事恨重重不道干戈後還來醉碧筒

其二

相逢皆失意愁思入眉頻世上無安枕山中有角巾乾
坤遺客泪湖海道人身莫漫悲牢落吾生自不辰

其三

喪亂山還在萍踪許再過交情問霜雪世事屬風波去
去窮途哭行行正氣歌幽芳欣有託吾道竟如何

其四

夜闌譚轉劇山月向人生懷抱尊前盡風光分外清湘
江渺無際蜀笄難行永夕淹良會三年此一檠

聞張秀初江道聞棄家入道悵焉感慕各記以詩

續騷堂集

十九四明叢書

約園刊本

湖南深處白雲多矯首孤鴻天際過夙夜道心真不退

皋亭農務竟如何當年底事秋槐國此日因緣春夢婆

慧業瞥然超浩劫肉身古佛住恆河秀初河南讀書處
顏曰夙夜齋甲申

之變卽率妻子
躬耕皋亭山中

蟻庵隱學江居士白鶴山樵是後身藜火光中消夙業

雙林病裏識前因傷情海底生塵日努力竿頭進步人

澹泊儒門收不住我來方外訪遺民道閣結廬橫山題
爲蟻庵生平善病

有前身白鶴
山樵之夢

西皋秋夕

入秋佳氣到林塘買得扁舟載夕陽南郡暫來眠一覺
山中應許醉千場碧梧葉落月初上黃菊花開天乍涼
小立空庭佇幽籟不勝哀怨聽蛩螿

方塘曲水繞幽宮惆悵寒煙暮雨中風景不殊霞露白
夢魂無賴佛燈紅工愁庾信思偏苦返馭王陽事已空
可歎仙人辭漢後茂陵原上草芃芃

閉戶先生不出村驚看黃葉已成屯雁飛碧落書愁字
露滴青林染泪痕撩亂山河紛雨戒沈寥宮殿冷千門
閒中欲續悲秋賦燈燼香銷總斷魂

續騷堂集

二十四明叢書

約園刊本

乾坤蹙蹙去何之寂寞滄江一釣絲造化小兒多詰曲

鬚眉男子竟優伊窮途不盡黃金泪夙習難忘白雪辭

細數生平渾是夢牀頭有易未全癡

悵望江皋泪未收亂離經見幾番秋臥游萬里且尊足

兀坐一庵聊排頭哭世人應嗤許伯置身吾欲學黔婁

改柯易葉風霜後極目難銷大地愁

郭外茅堂一水隈月明舒嘯獨登臺懷人夢逐梁州去

弔古思從汾上回勝事倚樓都欲盡壯心看鏡便成灰

蕭蕭三徑蓬蒿色冷落求羊不再來

短歌

霜林凋殘秋氣深樓桑日下天沈沈昭丘石馬委茂草
冬青一葉凋荒岑男兒此身能餘幾等閒凡聖同蟬蛻
東方先生正苦饑南國老人且隱几孤燈細雨小窗前
愁來泪落紛如泉嗟哉啣石填滄海已矣逐日走虞淵

夢游西園呈黃太冲晦木澤望

吁嗟古道不可作夢寐其人或見之自從天下走名譽
讀書種子懸如絲生平論交有黃氏豈曰友之惟吾師
每來坐臥西園下左右圖史兼尊彝正氣堂中拜遺直

續騷堂集

三四明叢書
約園刊本

夢矯首青天自賦詩

戊子季春朔日信宿河渚明日將返剡溪之棹留

別孝直雪符

春水桃花開滿隄我來小棹夕陽西到門握手無新語
捫壁看詩有舊題抱膝誰當今管樂買絲且繡古夷齊
憐予汎汎同萍梗漂泊明朝又一溪

宿西方庵

法華山下雨冥冥花落鶯啼竹外亭繞座煙雲供古佛
延宵鐘鼓續殘經僧歸別院穿林入話到無生敬枕聽

須臾杲日出天際炤耀林木呈鬚眉賓主破涕纔一笑

忽聞好鳥啼桐枝瞿然驚顧已相失還來被底眠僵尸

起看殘月斜在牖蟲聲四壁紛齋咨嗟吁大地徧雲霧

踽踽投足罹凶危良交次第就割沒悠悠里聚同羣麋

憶昔原先皇誅大憝昭宣臣節旌孤兒反覆于今二十

年國事已去家聲墮姚江三子靜如女涉歷寒餓猶嶽

崎文章氣節剩一綫天或有意此愁遺我交三子在性

命久不相見無相疑自傷骨肉半零落獨留友道相支

持如何耿耿平生言託在一枕徒吁嘻且向夢中還說

續騷堂集

三四明叢書
約園刊本

枵然一室張四維風冥雨晦天地閉斯文未墜當在茲

三年饑走荒山中艱難契闊長別離夜來孤枕臥獨月

交曉恍惚來江湄前村煙雨峙傑閣竹木蒼翳相蔽虧

入門老鶴似揖客穉犬避人穿破籬披帷突兀逢長公

其冠岌岌存威儀亟問別來著何書笑謂此事徒爾為

偕來晦木下榻處冰雪一卷手自攜筆墨几席尚精好

鎮以古玉如凝脂相對無言但恭敬傷離感逝存領頤

憑欄為我呼澤望到來握手無他詞但言歲月日以邁

公等賢賢毋乃癡我聞其言若有會通身汗下難為施

夜清緣隨分足幾年醉夢暫時醒

鄒孝直屬題情隱詩為其尊人仲錫先生

學道本來離垢地破除結習始成慵觀心自在翻千偈
行脚無煩走萬峯錦里園中收芋栗鹿門牀下拜鸞龍
靈山只在西湖上秋菊寒泉物外逢

隱到真時意若慵幽人環堵法王宮漢陰昔日忘機叟
塞上今朝失馬翁自是知儒緣學佛果然及第證心空
竭來乘願生天去揮手人閒劫火紅

曉起

續騷堂集

三四明叢書

約園刊本

晨昏依丙舍淒切展空幃萱草當階茁慈烏傍母飛泪
隨清露落魂與曉雲歸生孝何如死安豐未可譏

其二

獨宿當春夜愁多每失眠無緣謀肉食未免問廚煙吾
道存鳩拙人情競蟻羶凌晨餐沆瀣聊欲續殘年

其三

啼鳥破殘夢窺窗月近人孤衾身似客兀坐影成鄰鸞
語方知社花飛已送春愁來歌五噫垂髻若為賓

其四

村居少人事幽意在田園迎旭且晞髮畏寒猶負暄畦
蔬看長甲籬竹報生孫願學牆東隱蕭條長杜門

陸夢明至

原本刪

忽在故人駕翛然造我廬微風蕩輕舟煙雨生衣裾握
手互悲喜譚笑成欬歔問君來何為將無饑所驅君真
湖海姿我本山澤癯賓主迭爾汝古道敦桑輿君今委
顛頓我亦託狂且豈無衛足智辭苑集于枯公穆身賃
春孫弘方牧豬未能殺袁劉寒士安得舒本懷在彭澤
強作魯公書臨邛與安邑四顧多躊躇雖然王修齡不

續騷堂集

三四明叢書

約園刊本

乞陶胡奴君看天地閒儕輩自嗚嗚世人正飽死無為
謂侏儒我學在老圃不爨空樵蘇荒村明月夜相將來
據梧滄江今日竭莫漫歌無魚

集歸去來辭

原本刪

窈窕歸三徑晨光颺微風嘯傲怡良辰心情寄孤松南
窗鳥自飛西皋木已榮去去聊息駕願言懷老農

其二

原本刪

悲來不可絕惆悵登荒丘遙岫無還雲清壑有安流世
事成今昨吾生感行休倚嶇撫時命任化乘飄舟

西臯書壁

荒村無人雲掩扉格磔飛鳥當窗啼忽忽浮生看野馬
冉冉世事聽醯雞蒼苔碧蘚恣璀璨青蘇紫筍能甘肥
此生未得霸陵住獨有魂夢依要離

門外遠山青一抹隱几看山儘空闕學成老圃抱犁鉏
坐入初禪依蒲褐白日已逝傷悠悠蒼天何勞書咄咄
新愁舊恨紛難裁卽今顛頓非饑渴

贈桐城方子留 原本刪

君來大海觀瀾日正我空山絕粒時避世不妨長作客

續騷堂集

玉四明叢書
約園刊本

傷心無奈強吟詩風流舊事烏衣巷淨業新參玉版師

圯上何年遇黃石人間再見有男兒

昔日篤呈武林卓方水

方水交文虎與予二十餘年今來甬上文虎死

矣予亦奄奄如泉下人相將過陸氏故居撫其

遺孤泣然出涕爰述短歌當慟哭云

昔日湖濱偕陸子傾蓋逢君笑相視今日江干重見君
咨嗟夙昔傷離羣古道交情生死見薄俗悠悠口背面
亂離名士多國殤食肉有人自宴宴我家東海之窮荒

側身懷古思茫茫陸子一瞑不可作我身未死先荒唐

君來握手還道故環堵淒其斜日暮不堪聞笛在山陽
沉復策馬西州路噫吁天道方夢夢風塵阨塞眯寰中
揮戈難挽白日下捧土豈障黃河東男兒相許本意氣

迤邐貧賤非所諱可憐舉足逢迷陽如魚在罾鳥在罟
昭氏之琴分成虧郢人削鼻徒爾爲人生此日皆零落
不須更作丘山悲丘山索索自位置今人猶揮古人泪

生何如死不足歎苟全性命誠難事羨君河嶽英靈襟
感君縞紵平生心相逢但有相憐色話到當年又欲瘖

續騷堂集

玉四明叢書
約園刊本

和董次公自哭詩

笳聲吹徹海天寒做請生涯到處難仄注笑人長寂寂
曼胡躍馬自桓桓張羅門外堪悲翟撫劍牀頭竟負韓
碧血青燐芳草色眼前幽恨莽相干

極目遙瞻十二樓傷心淒切有商謳冬青樹冷西泠暮

五國城荒北海秋端策也曾占太卜避人直欲適扶藜

自從擲杖千峯去無復雄心問蒯緱扶藜國人性機巧
善變化能改容易

服
先人豐沛起同時十葉衣冠盛羽儀鹿走周原亡國恨

瓜絲邵圃故侯悲愁來怕讀文山傳老去空吟宋玉詩
他日遺民題墓日青蠅應許弔吾尸

西風颯颯布愁雲悽楚登臺慟哭文赤社豈知王氏臘
黃龍失望岳家軍萬牛莫挽滄江水四海難招鸞鳳羣
木落洞庭秋雨後我來何處溯湘君

和秦汝翼寄懷五首

一丘行可託幽意每相遭人事荒荒老子冠岌岌高未
能焚筆硯聊復涉風騷何處遙相憶春深杜宇號

其二

續騷堂集

三十四明叢書
約園刊本

山居無歲月花信幾番風夢覺分明後枯榮杳藹中同
行攜子手不閱歎吾躬顛顛今方甚星星鬢已蓬

其三

我寒一至此子熱豈因人今夜山中月他年世外身君
親終質質憂患每循循無賴箋芳草堪悲漢苑春

其四

偶耕曾有約忽忽滯良辰不學荆卿術還留聶政身中
原失上策荒微泣逋臣極目風塵際幽憂未可申

其五

避地因逃死謀生乃更難可憐亡國恨翻作潔身看林
靜增秋思山深知夏寒君來訪樵客爲問剡溪灘

過周唯一山寮

截真峯前屋幾閒宰官幻作比丘顏古今若箇真成佛
世界何人解住山大地劫灰跌坐穩彌天風雨閉門閒
我來欲問無生旨百尺竿頭未可攀

會見銅駝荆棘閒遺民尙有道人顏瞻天萬里傳雙泪
去國孤踪寄一山虎乳虬虬方擇肉顛當得得且偷閒
不堪重說興亡事泣盡龍髯何處攀

續騷堂集

三十四明叢書
約園刊本

英雄回首刹那閒住世精靈出世顏挹取曹溪一滴水
來居剡曲萬重山最憐白日渾無賴且看浮雲莽未閒

斷際截流孤露處尙留樵徑許躋攀

唯一爲靈台
其治在曹溪

竭來攜手水雲閒悲泪難施舊日顏萬劫緣中留佛國
一袈裟地是明山阿羅漢已先成果大丈夫偏早得閒
爲問空庭明月夜孤峯曾有幾人攀

徐掖青聞霄虹過從西皋有感漫述

原本刪

我生託命在窮谷未便爲僧已不俗土室泥封抵活埋
草深一丈彌天綠徐子躬稼東湖濱聞郎饑走雪山麓

歷落欹崎見性情道氣文心在眉目憶昔雞壇舊有盟
中原齒遇成方輻自從少微慘無光雲中之鸞化爲鷺
世情何必瞿公歎窮途但作阮生哭忽看幽徑破蒼苔
款扉驚喜求羊躅迷離塵翳儘驅排渾噩風流貽貯足
生平避俗如避仇况復逢君嗜幽獨元直來過龐公廬
淵明就飲柴桑屋一感一慨風雷生一泣一歌天地肅
十載雞鳴風雨心暫時邃古義皇國君心謾謾嶺頭松
我懷澹澹亭前竹眼底蛩歷何紛紜世上夔虺徒刺促
爲君一撫雍門琴爲君再撫漸離筑人生焉得長聚首

續騷堂集

三五四明叢書
約園刊本

但須聊厚不爲薄古人可作吾安歸遺民有傳從頭讀

王水功亟稱博融禪師因招游香岱予神交博融

而夢游香岱久矣爲和原韻以訂後期

山居堪送老獨往恣幽尋流水觀身世浮雲證古今人
閒無勝事方外有威音遙憶誅茅處幽篁一徑侵

其二 原本刪

曾問天童路竿頭百尺臨幾年生死夢半世水雲心君
唱高山調吾耽白石吟何當攜手去獅子窟方深

其三 原本刪

一袈裟許地跌草坐成陰未企三生石先徵七處心傳
衣勝鐵鎧度世得金針此日遙相見悲來淚滿襟

方水就訪西皋答和二首

君復何爲汗漫游殘山剩水不堪酬傳來詩句篇篇好
話入琴尊事事幽四海難逢河朔飲百年偏遇汨羅愁
荒村掃地焚香坐此意還從濠上謀

蔽身贏得此田廬鐙影雞聲事已虛濯足振纓聊復爾
讀書博塞總何如悟知塵劫千生外學得浮沈一夢餘
相見故人頭早白怪來湖海興全疏

續騷堂集

三四四明叢書
約園刊本

蛟川雙烈詩

錢塘江上建軍牙定海關前列戰艦聲援倚角未成勢
坐令澤國蟠長蛇乘潮鼓浪恣出沒哆口擇肉張喳呀
大者爲侯小者伯命吏脅息無敢譁北風鬻粟潮聲死
解甲何人是男子江上武士奔如雷關前健兒躑如豕
辟易蹒跚喘息餘睥睨猶思食人髓量金輦玉滿餘艎
笑指嬋娟若箇美幾人抱瑟上樓船幾人擁髻泣花鈿
白日荒荒天地晦一身似葉隨風旋名門女士靜如玉
習詩嫻禮在兒年冰雪爲顏鐵束骨其姁皜皜姊皜然

如絲一縷腔閒血灑向人前明大節大節分明死可矣
此血可枯不可涅有身但掛嫁時衣有魂不識他鄉月
鶉之奔奔將奚之狐之綏綏復何說是時江干新鬼紛
千羣何當啗指從夫人腥風毒霧膩如障乃有氤氳杳
靄之祥雲吁嗟大義有咫尺誰人一日千秋易眼前閨
閣眞英雄天下衣冠盡巾幗海水滔滔東復東扶桑日
出通天紅東流不改日還在雙雙環珮乘天風

西皋雜感

戊子之春子居墓廬几席淒涼草木荒落顧瞻

續騷堂集

三四明叢書
續園刊本

巨墓靈焉傷心嗚呼天方酷虐人盡此儻睹此

茫茫能無永歎作雜感詩

荒涼丙舍立四壁墓木吟風更可愁人閒華表鶴千載
天外邠連土一抔有書不幸如趙括生子誰當如仲謀
昔時舉策學數馬此日持箕來飯牛

朔風已盡東風吹墓上紙錢新垂垂倚廬此日還瞻母
嚙指當年想憶兒世上未能酬一日夢中惟見蹙雙眉
縱然淚灑千行血不及慈烏在樹枝

但見詞人賦悼亡生平不識別離字豈知逆旅弔孤魂

天崩地坼人閒事生生死死只尋常如何之死太荒唐
我欲招魂招不得極目溪山空斷腸 原本刪

世界堂堂列酒肉我偏覺憂懣樵蘇一生心行獨游頌
千古文章越絕書世出世閒皆負負此日何日猶蘧蘧
自蔽且須就泥水龜魚鼈眞吾徒 原本刪

廿載讀書林下屋一卷冰雪長避俗斥鷃何妨笑大鵬
高陵今已沈深谷譚何容易難爲瘖泣近婦人不可哭
把酒一呼平原君天外松風起謾謾 憶文虎也
原本刪

管鮑不作程杵死友誼臣忠薄于紙男兒一日有千春

續騷堂集

三四明叢書
續園刊本

生不逢辰死猶視我思其人泪欲垂星辰在天嶽不墮
可憐世上多曹李坐令豺貉張其威 原本刪

周妻何肉徧方外潘江陸海空人閒不堪回首問百六
何處避地尋三山虺隤老馬失駒想顛顛孤松損龍顏
學得放言身可廢頽唐天以調其頑

我身只合置丘壑偃蹇生事皆勞薪賓送日月歎鹿鹿
漂搖風雨逢狺狺尙有鮑叔能知我何物鄧禹解笑人
千金不龜得辨統此意難將問水濱

饅頭生意從吾好擷得萱蘇勝蕨薇已知樊須非俊物

且與莊周譚杜機封狐跳梁市上出老烏畢逋城頭飛
戶外流泉當沁水洋洋吾亦樂其饑
當面輸心背面笑杜陵詩句至今傳交道炎涼瘧瘧耳
世法提牽傀儡然黃金白壁乘時客大哉深杯得意年
行路不須愁蜀道我寧作我好周旋

病中口號

百年能得幾寒暑如何隔日一回過分明旅邸南柯夢
偌大炎涼在剎那

來病君子故名瘧豈真有鬼乘其時我體居然呈四大

續騷堂集

三五四明叢書
約園刊本

無端冰炭爲誰施

等閒一病一百日秋老前汀蘆荻洲緣愁贏得十分病

因病增卻幾番愁

亂世難遭是病死病裏求生屬大愚可笑兒童不解事

強來枕畔說醫書

當年奉母山中住一病五日恨終天今朝憶母還同病

此恨應齋到九泉

寒從何來忽已熱寒熱于身何不堪卻怪維摩長示疾

且于彌勒暫同龕

題高且中道影

世情尊捷足兀坐爾何爲老鶴萬里想孤桐百尺枝深
心今日事幽意古人知顛頓存吾道空山雨雪時

其二

男兒不得意今古總蕭條草木愁中變山河望裏遙淮
陰看把釣吳市聽吹簫與子同依隱寒松是久要

其三

澹泊笑儒門衣冠未可論已知虞夏沒猶喜管蕭存自
許鐵爲骨天生玉作昆蒲團敷大地心想正乾坤

續騷堂集

三五四明叢書
約園刊本

其四

默然跌坐處其氣淡于秋古望知遙集幽栖是遠游文
章天地事忠孝祖孫謀何處傳真氣三毛頰上浮

贈陳山民

原本刪

攜琴乘興到滄洲孤迥琴心分外幽一幅生綃千里目

數聲高調五湖秋不禁紅葉催人老況有黃花照客愁

我亦好游多侘傺可能與子共悠悠

山民能琴
且善畫

秋望詩

原本刪

戡身草土忽焉暮秋當志士傷心之時況棘人

在疚之日痛逝者之不作歎我生之徒存哭泣
之餘偶近筆墨爰述八章以寄一慟

曉起看庭樹枝頭露溥溥原野改顏色四望淒以寒日
月逝如擲天地慘不歡愁人惜景光壯士撫衣冠人生
可奈何方寸起嶮岏

悲從秋聲生心同秋葉槁搖落觀物情驚顧企墓草墓
草自淒其人生日醜老岵岵雙嵯峩瞻望盡荼蓼哀哀
孺子懷嗚嗚復何道

夜冷衣裳單枯坐集百憂絡緯促人織無婦將誰謀窗

續騷堂集

三五四明叢書
約園刊本

外桐風吹蕭蕭助我愁孤燈此一夜坐斷萬古秋攬衣
睇高寒風清月滿樓

歎息復歎息舉目成離披昔日桃李花今日薔薇枝春

華當豔陽不知有秋時一朝經繁霜紛然呈菴蕘安得

冥靈木千歲存其姿

徒倚原上村極目送飛鴻雲端書何字母乃怨秋風秋

風吹碧落天宇增穹窿舒翼翔區外稻梁安得逢冥冥

自此去虞人在澤中

栖遯已三年悲來欲狂走依回生死間怛成負大名

流死如麻昔者皆吾友秋風被黍離哀怨彌林藪上慙
博浪人下愧桃源叟

笳聲吹鬢栗秋容天外低北風襲南枝越鳥失故栖豈
無雲中鸞不如埒上雞蔓草炤夕陽四望荒煙齊芙蓉
集爲裳衰落委江隄

昨聞螻蛄啼今聞蟋蟀鳴二蟲閱春秋不知誰死生橫
目及四足得時皆崢嶸故者日以槁新者日以榮崎嶇
新故閒努力觀虧成

哭瑞當

續騷堂集

三五四明叢書
約園刊本

造化賤庸人初不問死生志士隕一朝終古難與平劉
子早聞道吾黨推干城感慨閱時運牢落愁心兵鳳翮

既已鍛龍性誰能更鼎鼎百年閒蓋棺存令名

其二

昔我出門交目成得吾子茫茫如望洋舉首東面視劃

然截眾流萬壑俯沼沚頽波去不迴龍門鎮一砥浴出

日月光屈注天河水學海涉波瀾誰當測其埃

其三

天地植真氣大雅留文章讀書三十年眼底無洪荒時

危大道弃臧穀同亡羊雖然多風塵不揜筆墨光我來
撫遺編涕泗仰屋梁萬卷老白日暮向青山藏

其四

孤者易爲悲貧者易爲感人生險阻間努力事心膽與
君期古處經營最慘澹君知不如葵我身集于窻三載
失歡顏欲哭或不敢傷哉平生言竟成終古憾

其五

陋巷訪故宅寂寂荒江邊兀傲抱膝坐寢食古人前殊
不蔽風雨時或生雲煙潔者許爲供題詩紀歲年天地

續騷堂集

三四明叢書
約園刊本

自爾爾戶庭已悠然淒淒風雨夜遙憶對牀眠

瑞當題
讀書處

日潔庵有潔
供疏以寓意

其六

翳然林木下是我西皋廬昔年君始來寒月坐前除今
年再叩門偃仄惟欷歔爲我著紀游其文儘發抒上言
多龜勉下言長相於嗟乎墨未乾忽作古人書

瑞當有
訪西皋
記

其七

君將賦遠游就我商行轍未及脂君車先欲捫君舌聯

牀三日譚遂爲如此別別來日以遠木落秋江晚孤鴻
天際歸思君如或返不恨會時難但恨譚時淺

其八

世亂無良死心病無良醫天下殺英雄名士紛然萎傷
哉後死人其生將有爲一朝忽已瞑時命安可知舉目
朋舊盡何處呈鬚眉悲來一失聲我豈哭其私

枕上 原本刪

不寐其如此夜何虛窗破壁月痕多吟成五字燈初燼
耐可三秋病有魔吾道龍蛇當曠野人情鷺雀屬沈疴

續騷堂集

三四明叢書
約園刊本

隕然一枕支雞骨猶想山阿臥薜蘿

蘇眉聲至自嘉定劇譚往事喟焉傷心賦此爲贈

兼柬義扶 原本刪

昔我游粵中神理澹孤吹晨夕友素心人文揖古誼宗
明推上谷

侯廣成
先生

黃陳分座位

黃蘊生
陳義扶

蘇子最靜穆道義

稱昆季我得從之游把臂笑相視以君冰雪姿滌我風
塵氣莊莊無苟容落落成深致北闕借上書南天各垂
翅悠悠六七年天涯紛涕泗君涉吳江深我入越山邃
愁觀白日靜坐老蒼天瘁足音空谷來相看總顛顛深

語不終歡乍見還疑寐蹙頰話侯黃

乙酉之難廣成先
生死兩子幾道雲

俱爭殉皆遇害生借其弟偉一語一揮泪豫讓國士

心杵日男兒事眉聲撫蘊緣君見古人始識彝倫字深

深此日譚脈脈當年意乃知澄懷人絕去榮觀智明夷

大道存後世斯文寄南陽田可耕商山芝可餌况當強

仕年隱學求其志努力酬君親正氣還天地有如死可

生當使生不愧契闊與艱難此理無失墜為我語平園

蕭條且高寄

客有為予圖小影者顧影自憐殆難為懷因嘲以

續騷堂集

三五四明叢書

約園刊本

詩

闌珊骨相豈堪傳畫出鬚眉尚儼然荷芙蓉高士服

雲山風雨道人緣身將隱矣誰知我論且卑之莫問天

獨立滄江歎離索餘生還讀馬蹏篇

兒時負劍學為儒龍服于今盡是魚青史蕭曹全寂寞

烏衣王謝半狂且懷哉古往同萍梗嗒矣乾坤在草廬

紙上冠裳如夢裏不堪愁對我慙渠

生事無煩問苑枯一庵蕭瑟寄屠蘇避人且自開三徑

投老猶思長五湖擇得木應嫌我拙移來山亦笑公愚

何如太液池邊鵠化作延秋門上烏

難堪短髮亂鬚髻迴向初心詰老僧牽出泥牛還踏蹬

學調狂象息奔騰塵霾障裏煙霞氣星火灰中日月鏡

大事因緣凭一几笑看窗紙窹癡蠅

寄題山陰謝氏園亭

昔人多抱山水癖爰有寄題五嶽篇雖然說食終不飽

如望屠門空流涎我病一枕歷寒暑夢中丘壑相與旋

朝來故人惠良書開械恍惚呈山川指點布置見結構

自言此中別有天似聞流泉出戶牖又如几席生雲煙

續騷堂集

四四明叢書

約園刊本

圍棋賭墅此亦足伐山開術徒騷然主人作此豈無意

坐臥其下懷幽燕太行崔嵬幾萬仞會見跛牂牧其巔

黃河東去不復返愁看碧血流涓涓出門但覺天地隘

坐得安隱誠良緣我欲從君十日游猙獰瘴鬼紛糾纏

始知清福帝所恡君何優厚予何慳只尺寄題聊爾爾

何必五嶽愁連連

贈高辰四

絕學寄千載惟尊靜者心至道穆無言洪荒自古今雲

蒸仰山高水清知泉深物理在寧謐冥漠通天忱人生

當亂離塗毒環相侵才智互矜許膏火每自燭坐令器
界隘乃成謠詠淫一重氣類鶴鳴和以陰高子真靜
者古道推獨斟情情端士容浩浩獨凡襟蛟龍隱文章
蟄爲蠹書蟬卓犖寄心想萬古一目尋大器辭小琢雅
樂絕繁音以茲清淨理嶽然成崎嶇世障腥于霧亦濫
如春露豈有湖海士攀裳試蹄涔君坐百尺樓閒撫
中琴勝事在昆友抱膝相與吟亂流不堪濟且臥滄江
潯試看鑪鞫閒躍冶無良金

哭董晉公

續騷堂集

聖三四明叢書

約園刊本

總帳蕭蕭儼在斯臨文空復賦些詞荒涼杖屨人千古
慟哭生平酒一卮夢難從天道問心心不遺市兒知
可憐懷抱爲君盡憑几應聞某在斯
奇窮似我人應少古處如君事已希老鐵波中尋響出
喬松枝上許蘿依分金管鮑千秋邈裏飯桑輿一夕違
兒女深情爾我意幽魂來傍瓣香歸
韓韓庭前棣萼容悲風五月颯于冬爲言古誼存昆友
不道斯人獨閔凶良月入簾空自好餘樽在牖爲誰濃
每逢時節長相憶新冢愁看宿草封

自從劫火侵膚髮隱約心期不可論豈是君平真賣卜
且從德操學鋤園人閒無復存者舊世上于今少弟昆
閒閒西堂清畫永我來何處賦招魂

幾家豪氣已全除僧帽儒衣讀道書隱几嗒然南郭叟
臨流荒爾楚江漁朔風陣陣悲魚服夜雨絲絲泣豹祛
病死如君當一笑有情未免更欷歔

年來朋舊盡傷凋零落如君豈意料準儼半龕通夕坐
曾期一葉五湖飄天高鴻雁風光冷秋老魚龍夜氣消
背郭茅堂白日靜可能與子共昏朝

續騷堂集

聖三四明叢書

約園刊本

王忠烈公詩

公諱章別號芳洲直隸武進人令吾鄆七年入
爲御史甲申之變公奉原命巡城城陷賊迫公
降公大罵不屈遂遇害越宿家人收公尸于城
頭屹然危坐顏色如生贈都御史諡忠烈

昔日稱公眾人母桑梓嗚嗚尙安阜今日稱公百世師
大地莽莽多骸齒自從大命竊薰腐士氣隕然成市賈
營營盡是盤中蠅兢兢或爲殿上虎三君已死八俊亡
姝姝媛媛皆荒唐穴金陵玉長安道獨以社稷憂君王

廿載用兵空踴躍推轂受賑資嗚噓狐狸晝嘯犬搏人
多少衣冠盡崩角公曾持節到關西關中小兒無夜啼
天子召還備侍從爰授齊斧俾登陴峩峩廡繡城頭峙
臣心已許城頭死投戈解甲紛如雲行行且避王御史
俄驚白日當空頽人間萬事同塵灰公言帝命不可貳
男兒死耳無徘徊隸也不力師不武一死豈足報君父
罵未絕口刃剗胸歸然兀坐死猶怒吁嗟原空朝廷何負
人蒼黃此日不堪論百年士氣一朝盡惟公取義成其
仁我來揮淚拜祠下墓草芊芊護石馬鶻啼日落春風

續騷堂集

四明叢書

約園刊本

寒彷彿伊人在松楸公乎之死豈偶然上支碧落下黃
泉豪豬健狗滿都市垂頭搖尾誰爲憐國家養士三百
載報恩曾有幾人在于今循吏爲忠臣父老還來泣異
壘

續秋望詩

戊子之歲廬墓西臯曾賦秋望詩成而瘡作經
年不除今還故居又颯然秋矣束身頽垣破壁
之下淒風侵人落葉在地枵然之宮兼有寒色
言念往昔惻焉興懷既勤瞻望之思亦致怨望

之感深情所至副在短篇作續秋望詩

去年賦秋望今年秋又深明月幾當頭涼風忽披襟聽
月坐臨風天漢杳沈沈秋容日以淨秋懷日以侵夜闌
無語時默然觀其音獨將霜露意冥漠見天心

其二

秋空高且寒風雨助幽悄塊然閉閣坐百感集窈窕錦
樹遲顏色能得幾時好悲哉龍門桐一葉落最早

其三

當年避兵處深入剡中山山靜秋更古冷淡開心顏住

續騷堂集

四明叢書

約園刊本

山不知樂別來良獨艱大地劣一榻虎豹當其關戚戚
此愁坐仰愧飛鳥還人生如秋葉黃落不須刪寄語謝
山靈山靈笑我頑

其四

秋水以時至但聞河伯喜未聞百谷王豈識望洋理人
生不聞道安能釋奄鄙歸愚無夷塗九十半百里鼃
亦有徒蹄涔亦稱水大道博一笑高山荒俗耳豈知六
合閒論議紛難擬焉得決滄江一洒儒門恥

其五

遠天澹夕陽爽氣散林樾對景無勝情何以寫空闊浩
蕩想河漢溯洄不可越灼灼江上花幽姿爲誰發鬱鬱
草中荼苦心獨自捋志士懷冰霜隱忍在閨闈悠哉一
寸心耿耿送日月

其六

學道如牛毛道成若麟角古之英雄人回首卽正覺我
生無福慧章句早束縛正如少水魚圍圉思大壑形骸
忽已老禍患及毛髮振容揖先王顧影理亦惡行將揮
手去千峯應須託靜對古先生西風看隕籜

續騷堂集

四五四明叢書
約園刊本

其七

經年親一枕寒暑任悠玩曉風吹骨涼驚心秋已半病
劇不憂死胡爲獨長歎長歎可奈何丈夫惜軀餘露滴
蟬將暗霜侵漉欲斷喬松無貞心豈得免零亂

其八

山水通性情清緣天所貺但得山水理臥游神亦王宗
生徒四壁煙雲自供養當其撫絃時高深出指上我懷
在青岑白雲鬱相望束縛投市闌耳目雜譏謗栖託夙
好佳神爽暫無恙風雨海天秋遙意領悲壯愁人多閱

思不爾益悲愴

旅歎

饑來驅作客蕭瑟此淹留雨色連天暗邊聲入暮愁深
深杯酒夜衲衲布衣秋試問枝頭鵲何如屋上鳩

其二

菩提傳古寺一榻坐來深旅思通禪觀幽栖長道心獨
將龍象意還滌馬牛襟問法僧無語吾方恨未瘖

其三

賓朋空四海去去欲何之閔叔難爲客林宗自可師聖

續騷堂集

四五四明叢書
約園刊本

人悲筮旅吾道重觀頤極目渾無賴溪山入夢思

其四

秋風吹不極窮鳥失安柯夜臥寒欺枕朝飢獨放歌離
家貧亦好逆旅病偏多偪仄此天地愁來可奈何

其五

夜雨滴寒漏孤鐙聽欲殘一身行役賤大道合時難處
友思公叔因人媿伯鸞天涯儘漂泊鴻爪雪中看

其六

天地干戈際人生蜉蝣身游知世路隘貧覺道情親白

日荒荒老青燐簇簇新儒門正罷病何處訪遺民

其七

百年身是客況復客中過未免懷兒女何堪廢嘯歌窮
愁徇白雪生事卜蒼鵝四海流方橫傷心在逝波

其八

孤雲無寄託隨分得因緣放腳千峯外觀心百草邊青
山原故故湖水自年年寂寞成賓主相看作意憐

其九

出門皆蜀道豺虎正縱橫耆舊無顏色交游總世情論

續騷堂集

四明叢書
約園刊本

文高興盡摘髮晚愁生雁落秋江晚磬磬何處聲

其十

繞樹歎烏栖登樓望眼迷枕邊三丈日耳畔一丸泥學
道西江水愁時北海紙新詩多忌諱到處莫留題

遇仁庵和尚于靈隱志喜一首用前寄懷韻

秀初
道號

我來湖上恨偏多幾度思君夢裏過十載論交人尚在
三年成道事伊何眼前法法皆塵劫舌底心心是老婆
攜手同行當棒喝踏翻龍象絕江河

大丈夫歸方外多風塵能有幾人過但言學道當如此
若論匡時可奈何識破髑髏無伎倆看來世界自娑婆
伐毛滌髓尋常事難得抽身是愛河

寄懷同社諸子用旦中韻

西湖草木許相依秋老驚看黃葉飛明月欲憐人夢杳
孤雲長傍旅魂歸不堪懷古臨清鏡贏得看山坐翠微
獨有愁心寄朋舊風前未敢賦無衣

寸心千里最依依倦眼登樓雲亂飛北望一天愁欲絕

西風何日送將歸已知衛霍功名薄待學毗那願力微

續騷堂集

四明叢書
約園刊本

作客況當多病後故鄉頻夢臥牛衣

泛湖同徐蘭生劉雪符

西湖寂寞久無主但到湖邊望湖水偶來山中尋舊游

迥然把臂兼悲喜呼醪斫鱸且命舟凌風直抵湖心寺

蒼茫秋水清且漣水深魚樂相悠然我亦如魚縱大壑

圍圍漸欲開心顏臨流便作濠濮想當年莊惠非虛傳

還舟穿破兼葭渚西風鼓浪兼天舉飛鷺跼跼水欲墮

老葑舞波濺蒼雨主人洗盞且更酌一葉但憑隨處泊

笑言暫向此中游雖在風波亦可樂風迴浪息櫓聲柔

紅葉如霞雁落洲此時此景最清切暮色侵人不可留
薄醉頻歌將進酒怨恨分明曲中剖舟向錢塘門外歸
瞪目湖光又分手

旅夜

寒月蕭蕭掛薜蘿孤燈旅館夜如何牀頭有泪羞兒女
世上誰人執斧柯且以道心看白髮漫將年壽俟黃河
荒雞喔喔真無賴啼破霜天惱睡魔

一天風露冷滋滋正是游魂結集時隔院檀槽宵漏永
破窗蠹簡曙光遲陳人不慣從新樣小點終爲勝大癡

續騷堂集

四九四明叢書
約園刊本

認得死心休歇處眼前羅剎亦吾師

讀晦木寄懷詩悵焉傷懷和韻酬答

避死各青山羈愁共白日君因遯得肥我以貧爲極志
士當亂離一死事已畢豈知生存軀苦處正切密鶴鷄
迎人啼狐狸當晝出集彼豺狼羣導以狙公術妖氣蘊
日隆乾坤亦以窒橫流溢滄海焉能問家室禍患尋英
雄芟戮同蟻蝨厦傾不可支保聚萬有一悲哉旦夕閒
匆匆判生卒與君成久要古道無遺失譬諸墳與篋羣
吹協一律鄉里多小兒饒饒競梨栗來登正氣堂嶽嶽

離儔匹天生卓犖才贍以菁華筆師友在門庭寢啗供
著述八極正縱橫一榻獨蕭瑟河嶽列大地流峙無回
適其高常嗟峩其深常湛溢丈夫恃心膽相勉無相恤
既發潛德光亦副高名實冰雪周其身陰霾非所怵

西湖泛月同雪符蘭生

有客高臥在湖頭我往從之得勝游把酒邀出天上月
乘醉戲掉門前舟秋深露冷風不起四山倒景醮清流
蕩入湖心縱目望天光水色相綢繆夜闌月氣淨于洗
炤人肌骨香幽幽菱葑承露時有聲拂拂出水驚鳧鷗

續騷堂集

五十四明叢書
約園刊本

最不勝情是孤雁聲聲哀怨來汀洲徘徊愛翫生感歎
風流心想皆調柔恍惚天漢若可到一葦直與星槎伴
從來游人避月色紅日欲落卽歸休況將鬢粟易歌吹
畫船野泊無人收我欲暫借玻璃光聊滌明聖萬古羞
百年能得幾良夜如此樂事非所謀長載孤光臥小艇
不須翠袖倚高樓

送月用禪師入塔

道闍法字月用
塔在靈隱山中

曲水庵中瞻古佛鷲峯山下送歸人十年交道存今日
一瓣心香是夙因幻出層巒來作供破除億劫不成塵

舊時賞月吟風意可許三生石上論

孝直笥中有小硯大僅如掌理製精好予乞得之

酬以短句 原本刪

我腕夙有鬼操筆如操鎚而有好硯癖雅擅精良姿三
年山澤中鼓腹謀晨炊易米賴石友長揖從此辭黯
然撫几席矯首遙相思揭來訪河渚庶幾一遇之解珮得
紫玉開函呈陸離半截大圭質瑯琊作鳳池其妍比女
士其滑爲柔肌浴以清冷泉藉以古錦綈以試險糜丸
觸手如熬脂乘興弄柔翰煙雲生陟釐硯田久無年筆

續騷堂集

五十四明叢書
約園刊本

髣墨不肥得此足欣賞適意且自怡相將登名山或臨
大水湄磊落撰良辰逍遙賦新詩抱持當佳麗與之老
而嬉此興復不淺人乃謂之癡再拜謝主人石交今在
茲

富春道中原本刪

朝出湧金門暮入富春路朝暮此江山紆迴自環護江
中片片帆山上株株樹紅葉炫野燒飛濤驚驟雨榛莽
翳荒丘村落沈沮洳一目無牛羊百里空婦孺今朝瓦
礫區當年格鬪處豺狼噴衣冠鴟鳩矜毛羽去去無安

驅行行且復住天涯總孤闊人馬同衰瘵歎息謂兒曹
行役惟苦趣

桐江雜興

沿隄錯落是人家寒碧環山一道斜木落夜深風雨後
遙看烏柏是梅花
突兀江皋秀一山月明時有鶴飛還僊人已擷桐花去
留得空廬在世間
桐君山上宿寒煙桐君山下碧連天片帆夜落潮生後
幽夢初迴殘月邊

續騷堂集

五十四明叢書
約園刊本

屠沽蕭條只幾家眾山環護一官衙當街市肆人常寂
下瀨戈船鼓亂槳
斷岸荒涼古渡頭迷離煙樹有歸舟老漁罷釣日初落
欵乃聲聲送客愁

面面青山入座幽望中籬落半高丘晴江無波淨如練
曉起尤宜獨倚樓

數尺頽垣號郭門千家雞犬幾家存民間不敢弛衣臥
惟恐游兵夜到村

山徑行行避馬蹄兒童拍手唱關西朱門多少生荆棘

蕭索空林有燕泥

桐君山

作意陟峯巔峯情秀且閒煙嵐互明滅江流蟠一灣有
如振綺裘綴以碧玉環長松肅肅列幢戟古鐘無聲暗
暮山僊人坐此煉何藥高桐百尺手自刪老鶴縱翮去
孤雲飛不還夜靜月明江水寂彷彿猶疑炤顏色鳥啼
花落自春秋丹竈無人守空島我來未敢學長生但學
不死足衣食手將員嶠招肩向浮丘拍石壁留題字可捫
將無前身此搜剔白日沈沈可奈何青山已老誰相過

續騷堂集

五十四明叢書

約園刊本

當年枯桐折爨下僊乎歸來空巖阿水寒蟄龍喚不起
荆榛瀰天霧露多未得臨風生羽翼便將從此問漁叢

聽雨 原本刪

旅意集遙夜風雨送寒聲械械幽林閒澗響忽砢砢游
子撫孤衾一夕百感生憂來太潦倒夢去不分明桐江
一勺水的礫萬古清頑僊此結廬客星徹口口耳目耽
視聽今昔費商評晦冥劣氣候蕭蕭侵蕙蘅愁眠不終
宵荒雞失常鳴喟然謂鐙影知我豈其卿

祠山 原本刪

一葺孤絕處松篠冷寒條暝色與山古江聲入望遙老
僧宜乞茗曲徑不通樵靜坐閱道性吟魂天外招

釣臺

富春山上子陵祠祠壁留題今古詩山高水長人在斯
千秋萬歲此一絲南陽未起公何之男兒豈其無漢思
伯升兄弟躬鉞基絳衣大冠一旦施前此交游是阿誰
十八年來何所爲心言早定中興規惜乎不得聞其詞
雲臺諸將公侯姿鄧馮耿賈又一時天生豪傑帝王資
各行胸臆分鬚眉平生不負久要期功名何必鼎與彝

續騷堂集

五十四明叢書

約園刊本

灘頭垂釣羊裘披遙揖漢官新威儀自從殿上手同攜
軒然抵足相與嬉兼之太史多嫌疑客星入奏聲如馳
若使囂然在水湄漁人老死無人窺乃知留侯從下邳
赤松之游非希奇封侯裂土此常兒太上風爲百世師
兩人異世可同歸當時佐命皆等夷我來臺下不勝悲
安得魚竿留一枝意不在魚觀龍飛大橫之占白水涯
不然謝翺魂可追招來慟哭山之塵

釣臺有感謝皋羽遺事

當年君哭文丞相今日我來當哭誰暮雨寒潮楓落後

朔風極浦雁飛時國家未得書生力草澤偏懷故主思
擊石一聲天地裂泪痕千載溼江蘿

乞硯

蘭生有端硯鐵筆手自勒銘頗爲珍惜憐予同
好持贈石交作乞硯詩

古人得硯自長嘯朝夕對面爲良朋腐儒避俗無長物
耕耘穠藁石一塍與子十日話蕭寺咨嗟硯田久不登
獨有新詩擅奇好神骨岬嶠峰稜稜心許幽閒足鼓吹
山頭負薪湖頭醉懷中端溪一片石崎嶇好事銘其背

續騷堂集

五十四明叢書
約園刊本

霜鋒鐵筆自手鐫石鼓之文籀史字自從孔鼎泗水淪
鄴侯三萬徒紙費雖然不替硯北緣長吟永嘯聲淵淵
欲學蘇米相巧賺老饕幾嚼屠門涎听然一笑憐我癖
出手持贈無留連世上黃金盛筐篚豈有子墨升寶筵
貧游四海但垂囊席上之珍白手索驚顧榮于十賚文
風流抵跨揚州鶴長吉無煩羨割雲杜陵不須誇禹鑿
河渚新逢紫玉生相將並赴青溪約

至日

此日何日陽復生人間氣候從新更客途感慨及時節

吾道消息難分明殘煤枯管爭世界肥肉大酒觀人情
嗟乎未央長樂閒鳴珂珮玉暗無聲江枯水落石欲出
山澤寒洳龍蛇蟄物論悠悠漆桶中帝命繇來占七日
遮莫藏身學養雞何處逢人譚捫蝨葭吹灰信欲如何
拄杖荒郊看雲物

寶華洲 原本刪

言尋寶華洲散步出西郭層巒臨平疇百雉俯大壑倒
景激城頭澄光盪雲腳千山萬山閒儲此水一勺寒裳
就野航問渡在籬落振容登彼岸湖情更充拓白雲停

續騷堂集

五十四明叢書
約園刊本

遠岡寒潭靜于澤樹木涵古意招提結隱約樓居淨窗
几灑氣歸簾箔老僧臥半龕巾緝致磊砢能以文字禪
現出寶華萼世事問水濱道心寄醫藥爲憫眾生苦故
放魚龍樂因知佛恩深可歎儒門薄幽尋得良緣理會
從嗚噓浮生多駭機來此悟栖託

贈與然禪師

師本姓孫氏名自修爲天啟甲子應天鄉薦筮
仕粵令原國變後弃家祝髮參訪名山予遇之
于仁庵坐上心契古佛而作是詩

毗盧頂相宰官身自在塵羅轉法輪放大光明觀浩劫
認真面目作完人進賢冠底三生案選佛場中兩足尊
問法無言但微笑相看總是義熙民
吁嗟大雅久不振方外今朝見老成心許佛門爲弟子
身于吾道作干城拈花灑盡孤臣淚解紱新傳古德名
世出世閒皆寂寞獨聞法鼓響彭彭

桐江遇樵李高公路傾蓋定交爲予作雲山小景

意殊繾綣賦詩留別

原本刪

識面纔幾日心言若生平紛紜多感慨耳目轉孤清夏

續騷堂集

五十四明叢書

約園刊本

然雲霄姿優哉山澤盟虛榻有晨夕羣峯無送迎讀書
早聞道臨池久擅名一目營八極萬卷擬百城林色企
靜穆水心觀澄泓大隱豈爲樂硯田聊復耕我心如古
井波瀾久不生視笑在幽獨懷抱傾日成因君畫中詩
知君物外情筆墨涵煙雲臥游相與評千里貯顏色四
壁聞音聲窮途不足歎珍重在嚶鳴雖然分袂去長如
攜手行無爲惜離別天涯共月明

七歌

僕本奇窮兼之善病子居戚戚無以爲歡俛仰

之間皆成感歎偶讀杜陵同谷七歌悲憤相撓
愁懷迸集率爾命筆情見乎辭

束髮讀書三十年口非炙竊思譚天帝閭遙遙在萬里
賤臣有說不得箋堂堂裘馬長安客虎翼猴冠腐鼠嚇
獨以殷憂遺至尊坐致乾坤紛劔戟嗚呼一歌兮憂方
來愁雲漠漠生燕臺

我生之初在帝城吾父秉鉞方東征呱呱弗子迄三載
歸來摩頂錫嘉名常自教兒手一卷授書先授春秋傳
十葉家聲藩本朝豈知自我始貧賤嗚呼二歌兮愁如

續騷堂集

五十四明叢書

約園刊本

結勞勞析薪負荷絕

三年奉母空山中風冥雨晦天懔懔子子奔走救寒餓
一身轉側如孤蓬老人倚子以爲命朝朝暮暮當門迎
生事曾無菽水歡安得幽泉問溫清嗚呼三歌兮情茫
然傷哉貧也恨終天

北風其涼吹我裳朝寒夕冷一空房獨把殘編當永漏
欲語不語心悲傷傷心細數從前事志士肝腸兒女泪
溪上游魂歸未歸夢裏相看空愕眙嗚呼四歌兮慘不
樂驚語梁閒人寂寞

昔者吾友平原氏一代風流推國士劉郎謝郎相並驅
大兒小兒幾人耳霧毒風腥白日頽疾聲呼天天難回
宛其死矣成今古國殤之魂招不來嗚呼五歌兮傷傷
仄屋梁落月留顏色

少年章句徒紛紛四五十今無聞長鏡短褐眞吾分
妖狐獠犬難爲羣我已閱人同野馬一榻蕭蕭北窗下
獨有狂奴態未消龍泉太阿知我者嗚呼六歌兮還自
弔老僧無言山鬼嘯

昔日剡溪分一曲南雷之峯天外轟悲來被髮登其巔

續騷堂集

辛酉四明叢書
約園刊本

東望滄溟放聲哭自去桃源不問津一番寒暑一番新
尙憶深春風雨夜聽到杜鵑愁殺人嗚呼七歌兮聲泪
殘花落鳥啼何處山

三月十九日

三月今當十九日普天聲淚憤盈時一卮酌已非王土
七載人猶是漢思國士未聞酬豫讓南冠惟見泣鍾儀
滄溟萬里頻回首慘淡春風咽子規

年年此日淚潛然今日今年更可憐帝子不歸猶望狩
櫓槍未隕尙經天青萍但有沈沈氣赤伏徒聞嚶嚶傳

我欲排雲問閭闔人閒大恥幾時消

寄懷旦中兼柬太冲

江上春風吹浪生江聲撼人心不平故人一棹乘風去
江水滔滔流不住遙憶西湖樓外樓無邊春色十分稠
男兒志不在歌舞魚鳥有情自媚嫵風光與我欲平分
幾度遺書到海門言尋攜手同行約滿紙離愁寓嗚噓
嘖嘖市上有宣鑪尤喜硯滴美可沽恨不相將共欣賞
半是高情半癡想我欲從君作勝游杜老看錢囊正羞
致書不作相思字但羨客邊饒韻事今日西湖異昔時

續騷堂集

辛酉四明叢書
約園刊本

知君憑弔有新詩山水之間多吾友君曾把臂入林否
自從鴟鴞來毀巢天下男子歸漁樵君今不衫亦不履
隻眼乾坤正瘡痍章句豎儒無良圖屠狗吹簫儘可呼
卽今地上有黃石匣中孤劍懷中策一夕深譚勝十年
此去眞如李郭僊朝暝人情爭鸞蝠豈有英雄長蹙蹙
出門萬里指顧閒行行且見燕然山

贈別舊令馬靜庵

春風習習江天開魚龍倏擾聲喧厯水深泥濁歌獨漉
有美一人江上來江上風光非夙昔彌望桑田失阡陌

舊日琴臺已寂寥，獨有峴山留片石。君去惟攜袖底風，君來如見樹中松。落落亭亭一千尺，獨存丘壑辭芳穠。我亦蕭條好高寄，每向今人譚往事。今人猶是昔時人，往事于今不可企。朔風被髮吹遐荒，南州高士潛茅簞。鷓鴣黎狹獮並世出，安得隴首栖餘糧。憶昔江皋惜分手，歎息蒼生失慈母。今日江皋重見君，或泣或歌在童叟。童叟何知龔與黃，撫我者后無相忘。桐鄉之思并州誼，千載此意非荒唐。道上惟聞相絮語，來幾何時且欲去。來去春山一段雲，何時觸石生膚雨。我心悠悠君所知。

續騷堂集

空三四明叢書
約園刊本

峩峩古雪商山芝，江聲滔滔流不極。還憶當年分手時

贈黃澤望

世道既喪，人文萎。讀書皆以蠡測海，鯤鵬曾遭鷺鳩笑。鐘鼓但見爰居駭蚩氓，因之昧大義。坐致衣冠化傀儡，君家正氣天所植。告我原先皇曰：無罪翩然一鳳將。三雛橫絕霄漢分，符采元方季方閒。世出風流更有斯人，在我來西園尋舊游。道風秀出見頤頰，等身之書腹爲笥。兀傲一目空萬載，尋常騷雅命奴僕。自許醉鄉對壁壘，著得農書續月令。手種原田最每每，蕭蕭槭槭傷吾

道獨持菱笠當重鎧，浙人柔悞古所譏。輕薄浮華弱于菑，腐草灼灼生螢光。何如石暈未有塊，嶽崎歷落見眞性。直以螳蝓觀蛇虺，十畝之間萬卷書。以寄憂患亦樂愷，英雄失職何足憐。邈世如君可不悔，前有柳下後孫登。古人應恨不相待。

雙桐生空井 原本刪

雙桐生空井，井深桐鬱然。上有百尺枝，下有百尺泉。以此龍門姿，樹之景陽邊。鳳鳥不來巢，蒼冥自歲年。天地則已老，山川長不愆。但知松柏寒不共，兼葭鮮桐風太

續騷堂集

空三四明叢書
約園刊本

高蹇井性無流，遷水枯木落後。此意當誰傳。

鶴歎 用劉夢得韻 原本刪

老鶴戢倦羽，飛來自玉京。煙花空故國，風雨暗江城。嘹唳一天恨，迴翔萬里情。緱山今寂寞，遙夜不聞笙。

夜坐湖南蘭若聞城樓鼓角聲 原本刪

繩牀坐到佛燈殘，嗚咽城頭竟夕譴。種種悽涼千劫恨，聲聲哀怨五更寒。最憐月澹花明夜，又作風冥雨晦看。我欲安心安未得，愁來無夢入邯鄲。

當年文酒過從處，此夕孤燈一榻時。獨有城闈依舊在

不知鼓角爲誰施邊榆落月黃塵色禁柳含煙暮雨思
無奈傷心撫庭樹栖鳥偏集向南枝

春陵置酒歌 原本刪

漢世祖既復帝室幸春陵觀田廬舊宅置酒與
宗室酣語髣髴高祖過沛宮時誦以紀之

日惟吉辰惟良帝來臨服上黃震雷燭電聲堂堂金鞵
玉羈列驕驕天廚禁饗旨且芳帝曰賜醕眷此舊都龍
旂鸞路充交衢父老來趨以燕以娛當年文叔最謹厚
絳衣大冠今何如歌房中舞垂手父老前致詞爲上君

續騷堂集

卷四 明叢書
約園刊本

王壽百川亂流勢必東奕奕眾星共北斗赤伏之符兆
大橫黃帝受命天所祐十八年來開建武帝命於昭被
下土被下土萬萬古

約掖青入山採茶 原本刪

東山有太白其峯高且寒密篠飽宿霧古松臨清瀾草
木副真性秀色皆可餐靈芽當春時吹氣勝于蘭碧玉
千萬枝葺葺抽嶮岼吾友山澤癯灑氣天所完春衫入
青林煙雲收一簞低回就蕪薄凌露手自搏珍重胡韡
腴弃實霜荷殘既分櫛設味亦別茗薜觀擇枝得穎拔

蒸焙穿封乾白花傲粉乳紫面欺龍團天味殖嘉卉幽
賞非恆歡煮之清冷泉泉冽火欲安一啜齒頰芬再啜
澄心肝世人飽食肉酒行急于湍何如拊餅鉢坐對千
琅玕指點定品格兩腋清風寬東溪與北苑紫盞把來
看

讀井中心史 原本刪

我懷德祐年間事鐵匣今傳一卷書豈是名山留副墨
若爲易世戒前車重泉未洒孤臣泪智井如聞古鬼獻
多少衣冠稱識字可堪執卷撫襟裾

續騷堂集

卷四 明叢書
約園刊本

不寐 原本刪

蕭然四壁臥遠遠涕泗無從恨有餘且以海鷗娛石虎
但憂狐貉噉曹蜍函關道士五千字圯上老人一卷書
磨滅歲華今古事風雲莫漫說龍攄

茫茫真宰與誰論惟有青山入夢魂明月中庭空碧落
幽花小徑靜黃昏雄心未死形慙影道力無憑風動旛
老去不須爭定命游僊一枕概乾坤

三宿西園留別黃長公

西園風雨夕一榻臥連宵眷此江海情愁魂相與招靜

契草木理心心知久要當年臥此中爾我氣方朝昆友
聚金玉涕泗說三朝今我再來游意象不得豪國計困
籌邊養兵成教猷高祿參犬豕化爲獍與梟如何君父
倫獨賴草莽標君當弱冠時大叫天門高曾食賊臣肉
以報忠端勞瑾戶二十年血淚漬枯毫著書今成家嚴
潔非常曹六經無凡字一目人外遭當代寄絕學斯文
未寂寥大儒不世出建此忠孝旌澄懷如日月晦冥安
得韜龍勉赴大義其氣疾于麤蓼我旨慘淒離騷聲鬱
陶丈夫篤斯誼七尺萬古杓安能无咎譽括囊學坤爻

續騷堂集

左五十四明叢書
續園刊本

胡馬飲長江殺戮方噍噍碩果留斯人天心未可料君
看廿一史消息如江湖英雄遘時會亂流投一篙所以
有心人視聽恆不忒當其窾卻處奏以庖丁刀有如謀
否臧不若還山樵我當返故國君亦理征橈行矣各努
力回首天堯堯

杜鵑行

四月五月春已徂杜鵑竟夜聲嗚嗚空山無人月欲落
迷離天外煙模糊此豈銅梁與玉壘人間但說蜀天子
荒忽游魂不可招哀怨一聲愁萬里春去春來只等閒

鶯雛鷺乳儘悠然無賴東風最分曉二十四番花信傳
如此年年復歲歲王孫不歸芳草瘁路隔蠶叢可柰何
一啼一洟血痕多寂寞風光天又曙青鸞縞鳳飛何處

得仁庵和尚書

憂患窮歲年耳目最機巧狐蜮解伺人背面幻媿姣交
誼如芻靈弃置勿復道我懷在古往雲山躡孤躡蕭寂
性所近乾坤淡一眺生平所心師嶽嶽人天標風烈寄
瓢笠情懷託紵縞昨年曾攜手飢兒忽以飽今年再得
書長夜忽以曉人生亂離閒衰落同秋草非無菁華姿

續騷堂集

左五十四明叢書
續園刊本

雪霜自窳窳胡塵高于天戰骨滿蒸蓀腥羶盪魂魄儒
門迹如掃英雄一揮手氣薄秋陽暝痛棒施佛恩其言
儘明了豈不念寒餓道在貧自好豈不念死生朝聞夕
非殀知我耽藜藿餉之以茶蓼冷水沃脊梁驚顧出意
表繇來道味深自覺世情少乃知人外交性命以相保
愧彼蚩蚩氓麋聚稱管鮑

寄晦木

西園一榻夜相視恨堂堂坐到窗初白行看鬢已蒼人
方矜失馬君乃歎亡羊五嶽胸中事愁來不忍商

其二

泗水淪周鼎湯湯誰問津文章關世道學問補人倫之
子憂方大吾徒德有鄰傾懷三日語冥漠信乾坤

其三

別來頻問訊幽意託雙魚世態變憐蚊交情蛩負驢寢
門難問劍禹穴失藏書滿目傷搖落離愁莽未除

其四

恨事誰能紀南冠君有詩黍離經可續檣杌戒堪垂直
筆文無害孤臣某在斯名山藏信史大義列鬚眉

續騷堂集

李四明叢書
約園刊本

其五

朝來望雲物何處是春陵龍氣終疑蜃鳩心未化鷹峩
嶺千古雪佛隴一枝鐙爾我相看意天應許共憑

其六

陸子宛其死劉郎不再來蠹魚空筍篋腐鼠嚇輿臺賴
有牙期侶還留管樂才風雲行可託懷抱待君開

避地剡中盡攜藏書以行兵燹侵尋無復存者掩

關枯坐悵焉傷之因用古人亡書久似憶良朋
之句為韻聊抒憤歎以寄鬱陶云爾

鬱攸列焰彌天張一卷未許名山藏徒聞脈望飽僊字
何處子墨留古香生平栖託太癡絕涉歷憂患尤荒唐
人閒焉得張安世為我口誦無遺亡

被髮荒荒一草廬蕭然長物是圖書丹鉛且喜足點勘
甌石豈必求贏餘大地沈冤徒陵谷人生猛氣歸蓬條
一炬空山已焦土百城南面今何如

天下神山稱二酉祕笈靈籤為誰守自從章甫委沙塵
男兒性命孰長久祖龍遺恨幾千年豎儒嗾嗾絕可憐
豈知麟閣蘭臺客功命不待簡篇傳

續騷堂集

李四明叢書
約園刊本

畢世因緣在文字蠹魚老蟄殘編死誰將幽實弔書魂
獨有挪揄豁鬼齒寒煙吹絕冷千峯永漏銷沈凭一几
四壁枵枵影問形石渠天祿將無似

文人福慧天所植我身何事苦偈仄禹穴無緣問琬琰
桃源亦復生荆棘青箱舊業委荒原黃衣老人熄太乙
何當快讀復長嘯孤鐙夜雨遙相憶

讀書昔師邴根據感遇今懷陳子昂餘年已判置巨壑
大藥何術攻膏肓祝融驅龍互南紀煤炷翳日天無光
人閒樂事總消歇豈有筆硯還精良

鄴侯家藏三萬軸黃衣白衣相友朋我身纔攜一卷書
南雷之峯躡躑登五經掃地太狼籍文事零落同春冰
盱衡古道無顏色面壁從今學老僧

客有譚蘇李之事者予因讀李陵與蘇子卿詩而
歎陵之尙知有子卿也爲戲擬錄別詩代陵言
以告今之爲陵者

黃塵高于天翳此白日光君今去何之行行返故鄉丈
夫惜離別臨歧多慨慷自非雙飛鳥安得比翼翔今日
斗酒會明日遙相望嗚嗚爲君歌歌聲出清商此豈兒

續騷堂集

李四明叢書

約園刊本

女情有懷未能忘

其二

投君北海上朔風分外寒朝驅羣羝出暮與羣羝還依
依十九年敝節手中看凍雪嚙齒齒羶裘不得完爲臣
固不易如君良獨難歸報漢天子白首氣桓桓

其三

老母旣終堂生妻亦去惟男兒墮家聲九死復何辭雖
然士有志委曲良可思束身單于庭意氣日以衰清歌
爲君發雙淚爲君垂千里萬里道一死一生悲君今忽

已去我當何時歸負負國士心報漢徒爾爲

其四

丁寧執君手送君當路衢關河不可極矯首爲躊躇胡
姬牽衣袂稚子泣座隅揮手謝故人絕裾出穹廬去去
勿復道驅車指天樞君心正脈脈我懷徒區區拍拍胡
笳聲哀怨不足娛

其五

高陟陰山巔遙望漢宮秋千門萬戶閒冠帶何綢繆一
雁獨南翔道路非阻修此去謁明光籌邊仗老謀道出

續騷堂集

李四明叢書

約園刊本

居延塞爲我少淹留昔年接戰處遺蹤當可求寄語疆
場臣邊庭多隱憂

其六

側身淪異域徬徨至于今豈曰飢無餐豈曰寒無裘志
士重懷抱愁絕寄哀吟臨流歎鳴犢當予惜曾參安得
百年身珍重萬古欽舉首見白日耿耿炤臣心子卿知
我者別淚詎能禁

秋夜雜詩

又當秋夜哀怨日增枕邊鐙下多寄嘸之句李

子鄴嗣示以秋懷三十首讀之心傷泫然流泪
嗟夫人情則兩天道何之兀坐冥游一涕一笑
皆成夢藝僕無李子之奇禍而憂勞過之因廣
其意作雜詩如其數竊比同患不敢示人

一東

身經離亂後愁入夢魂中幽意門前柳商聲爨下桐魚
龍秋水夜鵬鳴曉天風何處傳懷抱蒼茫問塞鴻

二冬

一榻如僧靜淒涼枕畔蛩愁來詩思澀老去睡情慵霜

續騷堂集

主四明叢書
約園刊本

落天邊樹月明江上峯獨觀遙夜意心許歲寒松

三江

索居多寄嘅寒色燼殘釭赤縣方多壘花門未受降世
途依鳥道生事託魚鱖鶯栗中宵發風煙又蔽江

四支

秋懷不可極況復亂離時力命誰能詰乾坤有所私蒙
皮嗤市虎曳尾歎靈龜刺促人閒世勞生徒爾爲

五微

大道今重趼斯人久病痲明堂沈贄玉原廟失游衣國

手三年艾雄心十日飢我懷師尙父白首坐漁磯

六魚

儒生聞國是鐘鼓駭爰居哭世傳悲泪丁年老敝廬昔
應慙賈誼今復愧申胥底事渾無賴傷心理父書

七虞

聖主求賢日千金抵一壺按圖煩索駿選技竟呈鼯陛
下親推轂軍中盡賜旅三韓不可問漫自策防胡

八齊

指戈天闕上回首玉關西遺恨教升木空聞悔噬臍朝

續騷堂集

主四明叢書
約園刊本

廷無失德草野有餘黎故國山河在悲思及髦倪

九佳

國事紛難說沈憂不可埋臣工自水火盜賊本優俳危
論驚鳴鳳虛聲式怒蛙頻年易將相戰守計全乖

十灰

高皇定鼎處宮殿切雲開共灑新亭泪誰爲江左才管
絃桃葉渡車馬雨花臺丞相門前客多乘暮夜來

十一真

中興千古業一旅亦堪振況有人思漢曾無客美新蒼

黃扶社稷草昧立君臣成敗須臾事何堪取次論

十二文

漠然忘大恥甌脫弃燕雲周鼎千尋沒胡笳一夕聞鉗徒驅故老降表奉新文獨有中原恨江東子弟軍

十三元

義旗之所指其氣薄陵園泣血河山誓登壇金石言雖令犢習駕猶勝鶴乘軒咄咄田橫客何如李廣孫

十四寒

帝室親王子巋然舊漢官乘輿遵禹服薄海泣南冠天

續騷堂集

三四明叢書

約園刊本

欲留餘燼人當歷歲寒扶桑一萬里日下是長安

十五刪

五載傷膚髮幽憂尙未刪緣知牛有角養得虎成斑海北懷蘇武江南哀庾山健兒好身手白日坐閒閒

一先

四海在塗炭男兒絕可憐詩書今寂寞忠孝古流傳卑論非儕俗高軒且避賢蚩蚩婚宦世此日是何年

二蕭

萬古稱嬰杵忠魂不可祧世人何憤憤此意竟寥寥大

誼存吾黨孤臣死一朝中原多義士王氣未全消

三肴

明夷古用晦吾道在篁茅我已慙頭責誰當著解嘲名流爭入雒戰骨未封嶠得意且食肉人閒氣正休

四豪

良朋不可作交道等鴻毛麋聚從時輩鷗盟屬我曹三秋泣風雨一徑蔽蓬蒿搖落江皋晚懷人首自搔

五歌

秋蟲不去戶宿鳥下庭柯病向愁邊集情因境外多道

續騷堂集

三四明叢書

約園刊本

心天地閱歲月夢魂過漆室憂方甚誰憐倚柱歌

六麻

澄懷付秋水怡悅在蒹葭天意終難問吾生未有涯歌聲出帶索骨相合餐霞自判投溝壑長負亦復嘉

七陽

我懷在剡曲幽澗靜聞香豈是愚公谷真成處士鄉愁余懷北渚抱膝弔南陽最喜輪蹄絕衣冠揖上皇

八庚

秋氣偏宜晚風傳天外聲古堂松色淨深夜月魂清骨

肉添新泪賓朋失舊情人生消息事默坐最分明

九青

有客頻窺戶愀然感晦冥愁容風雨集深語鬼神聽欲
殺人何意論交我獨醒吾徒好珍重古道正凋零

十蒸

昨日湖南寺堂頭詰老僧安心心未得問法法無憑世
事競營窟人生鼠嚙藤坐來塵界外劫火冷于冰

十一尤

吾生如落葉槭槭委荒丘本不因人熱翻為薄俗仇論

續騷堂集

七五四明叢書
約園刊本

從身後定心向死前休此意誰堪說悠悠任馬牛

十二侵

無奈悲秋色兼之悶亂心一生愁過半百感集于今拍
岸占潮信還山羨鳥音行吟來澤畔白露正深深

十三覃

讀書三十載學語尚喃喃魑魅憎人賤兒童侮客憨自
須焚筆硯只合向瞿曇莫問浮生事浮生總不堪

十四鹽

愁人長不寐殘月冷窺簾獨鶴橫高宇荒雞叫短簷知

寒嫌袖短厭夜妬更嚴寥落鐙前意難從太卜占

十五咸

適俗原無韻逢人但避讒蔽身資短褐託命倚長鑱名
士死千指奇文瘞一函雪霜方貿貿薺麥不須芟

獨漉篇

獨漉獨漉寒裳濡足濟河無舟臨流蹙蹙走壙有獸鳥
則高飛熠熠宵螢不知曙暉弱草在野曰荼與薺誰置
其甘而苦是地大江之流滔滔其東精衛之氣猛于蛟
龍秋陰翳天不見白日紛紛蜉蝣昧死一出有滄其雨

續騷堂集

七六四明叢書
約園刊本

尺水興波大地茫茫公無渡河

黃鵠吟

庚寅七月初四日黃晦木祝髮入山貽書相告
僕讀之淒然不怡者累日噫吁天下士零落盡
矣黃子後死蓋有待也今即未死而託之方外
噫吁黃子之心我知之矣戚戚予懷能無眷然
為作黃鵠吟以傷之不敢以讚歎作佛事也

黃鵠振奇翼背負青天過晝游天之涯夕游江之沓世
閒荆棘不足栖虞人澤畔空張羅山河兩戒判宇宙聖

賢將相皆傳訛鳳凰閒世不再至
鴝鵒鳩鳥何其多
蝮之腹集大毒食母之喙慘于戈
荒荒雒陽古道邊蒼然飛出一
雙蛾豺虎咱食龍蛇厄紅塵白骨
滿青沙梁閒鷺雀聲啾啾杜宇生
子無常窠吁嗟乎精衛碌碌徒自
苦老鶴眊眊不肯舞蒼梧暮雲慘
不舒愁予目渺湘江澣山閒有鳥
名鷓鴣但南不北啼嗚嗚石湫黝
黝山雨夕其聲哀怨凌江湖宮居
竈食螻蛄聚河有伏罟蛟龍去戛
然橫絕四海姿焉得婆娑戢其羽
黃鵠一去摩天飛水何澹澹山崑
崑六合內外安適歸曷夜曷日難

續騷堂集

主七
四明叢書
約園刊本

爲期我欲從之駕雲旗

烏夜啼

霜天啞啞烏夜啼朔風陣陣彤雲低
野戍城頭候更鼓坎坎鼓聲月正午
吹出胡笳拍拍寒魚羔呼酒夜未闌
帳底女兒若箇美路上嚶嚶哭新鬼

續騷堂集

題萬民部履安續騷堂集後

履安在復社中甬上四孝廉之一也丙戌後文虎早逝時有七孝廉皆謝公車而次公節最高履安天鑑次之卽四孝廉之三也履安與謝氏婚乙酉之役諸公欲殺謝氏履安救之及戊子諸公反爲謝氏所殺履安力不能止遂以此大不理於口然履安亦甚自悔故以悔名庵其後同志始稍原之林大常璽庵貽書董隱君曉山言春秋責備賢者固當然不可沒其補過之心可謂平情之論適予甬上耆舊詩特爲著其事此固不必諱

也全祖望

續騷堂集

題後

四明叢書
約園刊本

續騷堂集者甬上萬悔庵先生所著詩也南雷之誌臬

堂之序雖著其目流傳蓋希竊謂長恩不守脈望爭餐唐隱居之瓢委諸流水劉復愚之冢化俟香泥可喟歎爾余友趙瑾伯稼部嗜古若渴尤耽聚書嘗手一編屬爲審定壺山駢集不著姓名栗里詩編但存甲子因與孫君彥清孳尋辭義根證時事而喜得其爲先生詩也先生生鼎閩之族值滄桑之交江干之鼙鼓都暗榆林之琴書已燼鬱伊侏佻一託於詩今讀剡曲雜感亂後河渚三月十九日諸什則驚黑劫之灰飛愴冬青之雲

續騷堂集

後序

四明叢書
約園刊本

鏢魂招杜宇泪灑新亭以視義山翠輦之思長吉金人之感不是過焉讀西皋雜感秋望續秋望七歌諸什則宰木搖落總帳淒迷旣魚索之痛深復牛衣之影隻以視孟郊春暉之戀安仁朝露之悲不是過焉讀吳陸文虎劉瑞當王忠烈諸什則鄰笛曉驚秋墳夜唱東海之蹈獨往西臺之慟日滋以視駱丞白楊之謠杜陵青楓之夢不是過焉讀寄黃晦木和李鄴嗣秋懷諸什則吏似蒼鷹憫北寺之見繫贖無黃犢脫南冠而倖逃以視仲文園棘之吟國輔獄書之歎不是過焉讀緱城道上

桐江雜興錢塘阻風旅愁夜諸什則幾家破竈半壁
殘山中澤集而雁劬華表摧而鶴去以視肩吾郵亭之
作微之田家之詞不是過焉蓋其掩寒松之廬結鷓林
之伴鐙青照膽月黑抗歌馬角烏頭鬱此孤憤黍油麥
秀寫以酸音遠追湘纍之塵近接冰槎之席論者謂高
論忠孝鬼神相之一卷留貽宜何珍重瑾伯以黎棗勿
登楮墨易做謀付削氏用誌辦香此則昌黎舊文賴崧
卿之藏弄樊川別集藉田概而播傳往獻心聲于茲不
朽厥功偉已校刊既竣屬書其後因思他日者東觀重

續騷堂集 後序

二四明叢書
約園刊本

開採奇鑿隱幸邀燭龍之照不黜精衛之音錄及斯編
附於集部得與白石晞髮九靈海巢懸耀儀璫長留天
壤何莫非是刻爲之權輿也光緒甲申冬十二月慈谿
後學馮可鏞謹序

吾郡萬氏爲明室世臣累葉忠盡及履安先生以不世
之才身丁末造愴懷故國寫以騷音詩固非其所長而
楚猿蜀鳥腸斷血枯亦千古傷心之譜也董前得此冊
於書賈決其出自因國遺民什襲藏之已周星紀比偕
孫君彥清馮君舸月參互攷訂定爲先生續騷堂集二
君既各爲之序矣彥清爲言同治中與修鄞志蓋未見
其書同事諸子弟據聞氏舊志著錄寒松齋集於藝文
則此集豈未經刊布耶九原已矣僅僅留茲寫本雲煙
過眼存佚難論自茲以往安知不墨昏紙爛終歸澌滅

續騷堂集 跋

一四明叢書
約園刊本

余小子不得辭其責也爰乃檢校書人屬之削氏庶幾
有傳於後以爲文獻之徵凡行列一如其舊自敘後幅
及集首二行舊所截去者仍空之不敢妄以意補書眉
閒有刪字印識殆先生暮年手定欲刪去者亦不敢刊
落第分注原本刪三字以竢讀者鑒別若夫恨深亡國
淚血呼天慷慨悲歌淋漓盡致則孤竹之歎黃農粟里
之書甲子衡諸往古心迹同之況以我列聖如天之度
雖殷遺抗命如止亭蒼水諸公猶且備荷褒嘉加之美
謚滄桑之際感在興亡山澤之癯誼無嫌諱則以西臺

慟哭之遺音存東國變風之逸韻可也慈谿趙家薰瑾
伯謹跋

續駉堂集跋

二四明叢書
約園刊本

雲南叢書集部之十二

陳羽興叔詩集

共六卷

雲南圖書館藏板

甲寅
年刊

天叫集序

廖先生云近日詩之道一似大市裏賣平大冠并無人問噲噲昔日已如此今日能不如此孰知亦有不如此者譬如予行年五十鑿破混沌始讀書能讀幾何書能窮幾何理而敢于學詩不二三年間著有寧瘦居集二卷寧瘦居續集二卷是何庵集二卷僭不自揣遂災木求政於詩壇中之聖者即有大來唐先生云此詩非人所能爲必由天授者也孫行年六十復著詩若干首曉潮孫先生云此創言也能關人世所獨無能關人世所未有噫予乃何人而敢當此哉客有曰若是乎此集應

限真叔詩集

序

一

命名天授予曰若名天授未免落言詮涉理路客又曰何以使不落言詮不涉理路爲予曰如彝人聞漢人語漢人聞彝人語之類也故命名天叫集嗟嗟予知此刊行如者嫉者稱者頌者議者論者又不知幾許若以今日論之廖先生之詩未必似大市裏賣平天 下闕

擔老和尚曰一圈一點吾不濫加有圈點者不是意
好卽是句好

王秉仁曰伯敬鍾先生評瓊山丘先生詩云詩元風
雅物耳若作詩不入風雅便失詩之體矣瓊山淵
博大儒子詩一道豈不能冠冕其詞而亦借兒女
情態弄風雅詩之體應如是耳若填塞經史以爭
淵博者元不識詩也余讀近代之詩不填塞經史
不爭淵博多以兒女情態弄風雅者當推翼叔第

一
危煥如曰翼叔詩有不從文字中得來極淺近是極
陳翼叔詩集 詩下

深遠極粗俗是極風雅得古樂府之髓細味自知
張允懷曰翼叔詩矯健道勁猶不減英雄本色
陸玉書曰奇處似杜少陵怪處是李長吉君之詩吾
漁不能有兩又曰詩中有古人未曾及者君能及
之有令人不能言者君能言之敬服

張子正云翼叔詩格調音响酷肖唐詩如唐詩有寒
雪梅中盡春風柳上歸翼叔則有秋隨梧葉落春
向柳條來唐詩有江山如有待花柳更無私翼叔
則有春秋無面目花柳有容顏唐詩有不是無兒
弟其如有別離翼叔則有感謝汝詩酒顛狂我弟

敘

予遊跡天南孤居十載與梅爲二共竹成三過此冷淡
日子梅熟時有擔老人相訪烹茶劇談予談及五湖黃
先生復櫟園周先生書云今天下無不詩人今天下無
一詩人如某某選某某某某某某某某詩皆因人而錄
其詩非因詩以存其人其詩已深卽不能行遠嗟乎可
見天下重聲勢者多具隻眼者少識詩旣不易作詩豈
又不難耶擔老人良久而答曰詩者能洩江山秀氣天
地那肯生許多詩人不過古來這幾個能詩者在世旋
轉耳此數年前舊話也因暇日予取某某詩讀之果有
陳翼叔詩集 序

如五湖先生之言者又取某某詩讀之又果有如五湖
先生之言者始信先生之言不謬矣適取翼叔寧瘦居
草并是何菴集讀之聲調最遠品格最高造意幽深出
常情之外其詩有與盛唐相類者亦有與晚唐相類者
回思擔老人之言而翼叔莫非盛唐人復生耶晚唐人
轉世耶吳門許又渾拜題

兄唐詩有流星透古木走月逆行雲翼叔則有斜
月低于樹遠山高過天舉此大畧與古人爭勝毫
釐安得以不讀書三字抹煞翼叔哉

又云句如壯士從來有熱血深秋不必送寒衣又若
是梅花有傲骨開來謝去不由春若此類者誠別
才別調也又懶去登高相對酒今人閒處古人忙
又而今節操全無用那有敲門看竹人又近來閨
裏夢不必到遼西若此類者真翻案見奇也又吾
拋一丈地魚得二重天又眼裏無梅放心上有梅
開若此類者最多誠水月鏡花也直自性靈中流

陳翼叔詩集

詩評

二

出嘆服嘆服

小子彭心符讀寧瘦居草語友曰天下奇怪有如翼
叔陳先生者乎友云天下奇怪最多如何獨稱翼
叔余曰試問天下讀書僅至論語者能作此前無
古後無今之詩否友無以對

後學李從寄曰寧瘦居草有純有正有奇有怪有深
有淺有悲有歡讀之教人歌不是咏不是叫不是
跳不是笑不是哭不是

遊子李自白云余丁未歲見寧瘦居草刊成又于壬
子歲見寧瘦居續集刊成傳播海外但篇中亦有

犯時忌者深為翼叔恐翼叔云吾于辛丑歲已打
破生死關矣何恐之有遂將辛丑歲事大略附後
知空老和尚云不堆古語不寫時套無庸腐之氣者
翼叔居士詩是也今山僧與居士評詩居士與山
僧談禪何也自古詩情半箇禪以詩為禪以禪為
詩無可無不可也擔當老和尚曰詩得當

以上原集題辭

李二其曰翼叔自恨少未讀書夫人大義不明立身
無節即目破萬卷終愧衾影翼叔行已有古烈士
風而吟咏足登大雅之堂其得於天者與人固奇

陳翼叔詩集

詩評

三

翼叔之詩余則因翼叔之為人而並重其詩也

師荔扉曰翼叔蒙化人少倜儻不羈世亂習才技隸
泯黔國標下受弁職後乃隱居發憤尙學喜吟咏
著有寧瘦居天叫集是何庵等稿暮年鑿石為棺
作詩自挽云明末孤臣死不改節埋在石中日煉
精魄雨泣風號常為弔客遠近知交皆有和章名
石棺詩俱鑄棺上及死子孫遵遺囑即瘞於內翼
叔詩多血性語不事推敲而自有遠韻深如題關
帝廟壁云漢家無寸土關帝廟常存試問何功行
殺戮為天尊曹瞞亦殺戮難禁冤鬼哭樂府云龍

老有小龍鳳老有小鳳其對月飲云飲乾酒數盃
腹裏有明月小陽春云背時桃與李越分門繁華
若是春來到何顏又放花賣磬云我夢已驚醒又
醒他人夢送遠曲云臨欲別時不及問可過雲遮
那座山吁可哀已

袁陶村曰陳翼叔詩好在直而不徑拙而不笨怪而
有趣巧而不纖人謂其似少陵似長吉吾謂其當
從金剛華嚴脫化出來鈍根人更道不出一字每
讀一過爲之爽然直覺其性情眉宇宛然可接殆
君家同甫後身也

陳翼叔詩集

詩評

四

以上新輯題詞

陳翼叔詩集卷一

雲南叢書集部之十二

蒙化陳佐才翼叔著

寧瘦居集

吹笛

杏花村裏已無酒楊柳枝頭別有春何事牧童吹夜笛
淒涼不顧斷腸人

尋春

連年昏醉若劉伶那識暑來寒又更縱是春風能指點
野花開遍不知名

失花

陳翼叔詩集卷一

竹林之樂癖于酒老我生涯愛種蘭連日苦遭風雨妬
好花只得片時看

山居二首

門外古柳拖嫩綠斜遮老叟白茅屋村荒不聞賣花聲
睡起之時飯已熟

靜臥山中幾許時性情養類木雞痴眼前若使無楊柳
秋去春來也不知

自感

曳筇沾酒度松嶺散步回頭自顧影憶昔少年渾是醉
如今老去何曾醒

冬寒

老夫寒過雪中梅空乏紅爐把酒煨不是清操能練骨
壯心幾被北風摧

偶占

老來却有住山緣抱箇石頭作枕眠莫謂此間無伴侶
松聲與我夜談禪

淺草平原戰馬嘶孤城夜半動霜聲幾回尋箇深山住
何處深山猿不啼

密樹繁陰堪避熱長條忽被風摧折空餘崖畔幾枝梅
歷盡寒冬霜與雪

陳翼叔詩集卷一

二

學箇山僧無有爲囊空沒得米來炊幾回欲把松風賣
肯買清涼是阿誰

昨是今非勞白眼斜風細雨倩青蓑一瓢醉臥長松下
無數寒暄枕上過

慧然上人靜室
處處有僧舍何爲傍嶺西懶擔柴與水就住樹邊溪

雲去無幃帳月來借枕棲仙雞聲唱曉喚醒老闍黎
壽擔當和尚

彌天障霧滿關山多少英雄髮有斑擔老上人古且怪
年餘七十尙童顏

送嵩谷和尚

匡廬望斷路迢遙
去却儒冠掛石瓢
歸去莫愁無一物
殘山剩水杖頭挑

思母

策杖閒行過遠村
偶逢知己話寒溫
歸來不覺天將晚
望子無人再倚門

菊

黃花開近野籬邊
露冷風寒絕可憐
只道淒涼人不管
那知還有蝶來纏

行路難

陳翼叔詩集

卷一

三

懸崖散步常孤往
坦路兢持扶杖過
非是老夫多倔強
從來平地有風波

寄陳平伯

與君聚樂已多時
別後安危未可期
欲寄梅花無驛使
臨風遙賦斷腸詩

一別天涯便十年
幾多黃髮已盈顛
君容變也不須問
只問肝腸可似前

枯竹

撐風老幹堅如鐵
幾度凌霜不改節
那似薄情桃李花
須臾便與春相別

送梁鼎臣往黔中

送君遠過古城壕
人畏長途馬怯勞
兩意慙慙擔不去
一齊堆積與山高

送張穆生

樵樓鼓罷出榆關
笛弄斜暉不忍還
安得長繩繫白日
送君再過一重山

弔黔國公為緬酋殺

戰馬嘶歸還漢地
將軍枯骨在蠻城
招魂惟有沙溝水
日夜嗚嗚作怨聲

誤聞擔當和尚西遊

陳翼叔詩集

卷一

四

少時豪氣邁羣雄
晚歲生涯詩畫中
竭盡幾多心上血
可憐飄擲付東風

一榻松風正好閒
先生何事便回還
想因洩盡山川氣
不許常留山水間

張允懷學館栽菊賦贈

深紅淺白亂交加
誰人不愛此繁華
先生只合栽桃李
何事籬邊種菊花

惜花

二月天和景豔陽
深紅淺白競芬芳
無端幾陣風兼雨
落盡茶花到海棠

小陽春

不見垂楊掛綠絲桃花却放兩三枝嚴冬豈是行春令
為厭霜飛無盡時

道中懷友

淒涼路上賣村醪過客呼朋飲與豪我有故交相別遠
望之不見恨山高

遇舊友有感

昔時相別髮還短今日相逢鬢有絲二十年來眼裏淚
見君安得不垂之

一自長亭話別離何期又復遇相知君回有問我容貌

陳翼叔詩集卷十

五

但說鬚眉似舊時

悲秋

黃花開罷秋風老綠柳凋零暮雨時極目傷殘無處著
長歌一曲黍離詞

惜春

垂楊倒影日將斜笑解春衣當酒家為惜韶光容易老
夜深邀客共看花

送月潭上人

行踪無定任風飄留下梅花看小橋問爾所携何物去
一雙草履一崖瓢

別擔當和尚

誰知依舊各天涯只恐相逢隔歲華別後莫愁無可寄
吾家園內有梅花

昨宵閒話到三更今日携筇獨遠行鴻雁分飛亦戀伴
別君何以若為情

移桂

一枝丹桂古垣東帶土移來上苑中纔見花開又見落
可憐難避是西風

遇僧

過水緣山力不勝撐持賴有一枯藤相逢老衲休相笑

陳翼叔詩集卷一

六

身未如僧心是僧

橋柳

可憐無數園中樹竟被誰來採作薪何幸獨存橋畔柳
安排青眼看行人

惹恨牽愁垂柳樹沾泥帶水江邊路何人折盡嫩枝去
不管春來無處住

和友人韻

覆雨翻雲幾變新深紅淺綠舊時春近來問柳尋花者
還念當年種樹人

木槿

物有相類此花不同朝開暮落

春日戲陳念祖

離去此中

來此處種桃花無錢沽酒晉人醉

寫幅

僧問

歲月不容人自私韶華只與物相宜山僧欲識春來處
去問梅花乃得知

午後聞笛

晚風樓上笛聲悲牽引離思泪欲垂只恐愁人腸不斷
黃昏未到便來吹

陳翼叔詩集

卷一

七

題雞足山袈裟石

何處走來老比丘蕭然踪跡冷如秋皈依弟子知多少
把件袈裟付石頭

朝梅

枝凋葉落幾經旬暖擊寒催又發新若是梅花有孤
策杖歸時宿處無遙望亂煙山外起數堆裏
此中有一老知己若箇梅花凍不死

江邊別友

楊柳岸邊輕霧鎖蘆荳港口繫艇舸吹殘滄笛起漁樵
唱罷離歌分爾我我自西行爾自東誰憐送故兩蓑翁

滴破鄉心一夜雨飄零歸夢五更風

漫興

未醉酒時便醉茶邇來喜我興無涯雖然老去一雙眼
看過許多桃李花

賞五月菊

已經付流水且向籬邊把酒甌五月菊開不怕
便人知夏是秋

春怨

綠楊枝上起悲風驚覺深閨夢落空遙望遠山有雨色
恐君還在路途中

陳翼叔詩集

卷一

八

賦空和尚臺山

老衲不耽世外閒自開世外一重關空處松梢撐皎月
潭低水沸煮高山忽聚忽飄風攪霧若淡若濃雲染樹
冷屋蕭蕭八九間恍然人在畫中住

遊臺山觀鏡池有感

幾行輕霧鎖孤峯數椽茅屋傍枯松此中一箇老和尚
遠方衲子盡來從帶土沾泥欲洗濯澄觀鏡池門外鑿
恍似日兮恍似月不見缺兮不見落

苔姚城高太守

懶傍風塵寂寞子數竿修竹為依倚嗟乎故友盡飄零

樂哉今又遇知己任意敲詩句自新信手草書筆有神
恨我隔居數百里無由共醉一壺春

紀醉和尚

葉榆城外醉和尚樣式郎當莫可狀霜雪堆中去打眠
花柳叢裏來飄蕩水石山雲信手塗澤毫先需酒一壺
爛帽遮頭常漏頂破衣透汗不黏膚幾多相識贈絲羅
轉贈乞兒與貧婆幾多相識贈金銀轉贈穢客與貧民
人皆斥汝是瘋癲我却疑汝是神仙孰是孰非俱勿論
聊將實事寫長篇

瓶花

陳翼叔詩集

卷一

九

爐香自有味瓶穢不堪誇換水打破月折枝跌碎花

贈性定僧

菜根時咬斷味自與人殊情性疏而懶身心有若無

送友

欲別又難別臨行再舉盃離人向北泣疲馬望南哀故
友從今遠異鄉何日回應須訂下約莫負早梅開

舟移山動

細柳春來綠孤舟日不閒脫離蒲草巷轉過蓼花灣煙
霧叢中去風波浪裏還漁翁不畏死撐活幾重山
孤峯泛泛順風飄回首相看魂自消試問漁翁多少力

層巒疊嶂盡撐搖

乘風解纜水悠悠渡過沙灘倒逆流莫怪漁郎輕盪漿
兩山命脈繫孤舟

晴月

沙鷗投宿蓼花磯夜靜水寒人跡稀晴月滿空何所用
漁翁停網晒蓑衣

題臺山水月亭

孤峯何處不雲煙孰侶臺山另一天夜裏無人去做夢
書閣有月卧亭前

來到臺山住半年留連何事不思還寒梅幾樹斜鋪地

陳翼叔詩集

卷一

十

明月一輪倒照天

春夜遇徐扶萬彭符節李皇實楊維翰談詩

蕭疏柳絮舞長堤浪蕩桃花放滿溪攜酒尋詩何處客
夜深還在小橋西

夜遊

就詩不出戶賒酒過鄰家說與枝頭月好好看梅花

寧瘦居

沽來酒已無瓢空壁上掛耳邊時有聲風對竹說話
避暑往何處常來卧此中寧無升合米不賣北窗風
清風逐日來酷暑盡消滅似點蒼山無時不有雪

落花

誰家園裏花零落途泥路何不隨風去與春一處住

寄詩與左清源

策杖橋邊去偶逢過客回寄君詩幾句聊當一枝梅

贈淵淵上人

一切法無差出家如在家翻盆打失月種樹得看花

漫興

自從春去後不曉把門闌雖有數瓶酒能消幾日閑

穿牆杏花

誰人教爾厭繁華衝破牆來到我家只說東風饒得過

陳翼叔詩集卷一

何曾饒過不開花

賦得無計留春

誰云無計策我說有安排不欲春歸去且將花折來

殘紅片片委泥沙蕭條景色總堪嗟尋思若欲留春住

多栽四季粉團花

寄老友

相逢兩老路邊說得會一時是一時最有想頭此句話

寫來寄我故人知

余春夜弄笛適空禪師至問云君還不去睡欲吹

落梅花耶余以詩答之

梅花欲放枝頭重深夜故將短笛弄君問我何不去睡
已經做過許多夢

贈梁鼎臣詩

我郡有儒醫梁子鼎臣者藥性透徹脈理精微

卽古之盧扁不過是也或問翼叔何以見得如

某某疾將危梁君察脈則云形病脈不病不久

卽愈果愈矣如某某疾勢微梁君察脈則云脈

病形不病不久必死果死矣及至用藥不分貧

富貴賤皆因病而下存心如此察脈如此用藥

如此非古之盧扁而何雖然特醫道之一端至

陳翼叔詩集卷一

若立品立行立功立言處而賢愚知之奚俟掄

揚

冷熱交加日抵年民多疾苦甚堪憐何由不致填溝壑

賴有懸壺救世仙

盧扁去後說無人復見于今有比倫任是槁枯寒徹骨

指尖到處便生春

囑山童

明日重陽節酒無須去賒而今吾已老能看幾年花

題雞山瀑布

四顧不見水平空落潏潏應疑拋白練直豎靠青山

試問晴空裏何由瀉冷泉龍來此處過留下一條涎

漫興

萬壑霜消盡寒岩暖氣來隨攜一甕酒到處看花開

題畫石

補天應有分砥柱若無功米傾攜不去寫入畫圖中

蒙郡太守盧

撫字勞心將一年傾囊不足酒家錢旋時攜有清風去
好在途中過熱天

偶占

會寄此詩與故友讀未終篇淚已流怪得吾今頭好白

陳翼叔詩集卷一

三

滿紙原來都是秋

題知止菴

歸去老僧不復還茅屋空餘三兩間若有人來此處住
相贈青山與綠樹

自述

年來事業最支離遙對江山漫撚髭老去傳家無別物
牀頭惟有數篇詩

蒙化陳佐才翼叔著

寧瘦居續集

龍鳳不絕種

龍老有小龍鳳老有小鳳

苦哉行

饒殺妾隨嶺西樹葉落冷淒淒不敢哭倩猿啼

擬子夜歌

郎乃讀書子竟將筆視焚日來常看劍想是要從軍
問郎何喜妾喜妾似芙蓉妾亦喜秋水而不喜春風

陳翼叔詩集卷二

春怨

軒中柳自柳樹中鴉自鴉閨中妾自妾山中花自花

囑婢

雁過傳書信我郎不得聞外人若問爾只待早梅開

曠夫

癡走南共北浪遊東與西是人皆有婦而我獨無妻

山居

得趣在深山課兒種草藥不栽桃與李那見花開落

賣花吟

豔陽三月景多少賣花人歡喜富家女有錢買得春

梅塢

亂離二十載城市幾家存教我依誰住梅花共一村

哭長兄 有序

長兄諱甲才別號曠仙或問何為曠仙因世變
棄功名而不問子姪不教以書日夕以酒為事
痛醉時或哭或笑或呼天叫地我何不醉死云
云人有笑者則云我醉是醒爾醒是醉我不笑
爾爾反笑我迄今年近七十果醉酒而故異哉
吾兄處于濁世有淵明之風劉伶之興非曠仙
而何佐不以詩哭而以詩贊但死于此時又有

陳翼叔詩集卷二

不得所處佐不以詩贊而又以詩哭之

幼以書為業老將酒作緣醉來即卧地醒後便呼天醒
醉自無亂死生何又憐若過兔子歲得見龍兒年

夢想

賣花聲漸遠日色近西廊問妹思何事低頭不下牀

秋海棠

雖有海棠名雖有海棠姿花開春不見花落春不知最
是風流種偏逢冷淡時

尋苦竹庵

策杖尋幽僻尋過亂雲灣僧一二塊破屋兩三間若

竹約成影住滿半邊山

到老梅穿

岩上山之頂岩下水之涯無有外人住梅樹兩三家開
時花看花

秋江載酒迴文

空山一落葉葉落一江秋風疾逐來雁浪翻衝去鷗童
酣抱醉客水厚泛輕舟蓬轉逆流急湧波碧玉浮

雨中聽燕

風迴爲雨轉葉落因花開鴻去隨鴻去燕來引燕來空
虛寫个个野曠叫哀哀窮路客淒慘淚寒滴冷腮

陳翼叔詩集卷二

三

觸景

誰抱琵琶窗外弄音愈幽靜思愈動昨朝已識昨朝苦
今夜不知今夜夢

送郎曲

不怕遠離去願郎效古人異鄉桃李發思憶故園春
雨裏別郎歌

一點與一滴點滴聲皆苦從此別郎後何時不聽雨

春夜

何以酬良夜抱琴理舊絃二更已酒醉三鼓就花眠斜
月低于樹遠山高過天來年此處住有耳聽流泉

閨情

問爾容何若人言日漸羸相思秋後柳日夜斂雙眉
遠眺

歸來高坐碧雲間遙望長江與眾山歲歲山青埋白骨
年年水綠洗紅顏浪遊道士開生路孤寂禪僧閉死關
縱使死生終是在便宜落得許多閒

弔蒲詩有序

夫人各有性情卽各有所癖予幼時所癖者名
花勝卉遠綠高紅邇來有如嚼蠟一任別嫁東
風近癖一種疏花幽草或生岩穴之中或產孤

陳翼叔詩集卷二

四

峯之頂所謂高尙其志與隱者同其類耳予有

虎鬚蒲一種深根固蒂失其遮攔爲霜欺雪壓
雖枝葉焦枯幸根猶在當此雪消霜散春風和
煦時未見萌芽不識根還在否以詩弔之

虎鬚蒲一種霜雪已侵枯日久芽未吐不知根在無

哭何文叔

哭我何文叔義氣迴不羣容顏兩未識名姓兩相聞期
君花放後花放已無君

慰老友 喪女

聞君日夜哭聞君日夜哀君不見枯枝梅花落讓葉發

葉落讓花開

擬子夜歌

日暮倚圍屏自思還自語城頭夜打更何處做夢去
只謂落葉聲乃是擣衣者今夜夢不成何處見郎也
勸郎莫遠去遠去回來遲妾貌桃花似能開幾許時
既欲離鄉去何又種醪醴花開君不見花落君不知
留郎不肯住暗地祝蒼穹今夜雲迷月明朝雨又風

黃花瘦

開了黃花信不聞寫幅黃花寄與君君若可憐黃花瘦
妾比黃花瘦幾分

陳翼叔詩集卷二

五

雞足山讚

洗心有水比肩無山獨尊世上孤立人間

參知空和尚

楊柳無顏色芙蓉妝點秋江長水泛泛海澗水悠悠登
岸人稀少隨波人不休慙師船一隻渡在天邊頭

趙州道中

不到趙州久碧煙依舊環山紅吞月曉水綠洗天顏遠
近龍蟠路高低虎踞關昔時爭戰處野草尚斑斑

清明

時遇清明日滿郊哭泣聲皆知生有死誰罷利和名糟

養埋醒蠓酒缸葬醉蠅移來山裏住為識世間情

山居

十年遊俠子一旦遠離城屋破吸山色罇虛漏月明濃
陰松畫影碎响竹敲聲眼耳既能靜夢魂豈不清
靈時守寂寞何故少逢迎已在山中住那知世上情竹
枝自竹節松杪自松聲各具本來色年更色不更

不雨不晴

滿天布雨勢遍地絕朝曛密樹變為霧疏松化作雲猿
號不可聽雁叫豈堪聞途路人魂斷模糊竟未分

冬日旅中

陳翼叔詩集卷二

六

西風搖落後寂寞天之涯泥屈吞聲蟋沙埋伏氣蛙翠
偏依竹葉香最戀梅花何事迎人賞枝橫賣酒家

寄友

屈指一年別鶯啼三月期殘荷棄舊葉敗柳插新枝寒
暑自無顧春秋各有私吾儕存直道安得與時宜

詩酒

無聊過半世何事子餘生感謝汝詩酒顛狂我弟兄
將酒作姓弟以詩為名一家有兩癖各自得其情

暮春遠眺

浪遊知幾許得趣小橋東桃樹花疏落柳條葉密濛滿

天布綠雨遍地起紅風驢背帶春色騷人興轉雄

春日

春光却有幸得遇時之清簫鼓花間鬧酒旗柳外橫英雄願醉死豪傑恨虛生匿跡長江上持竿釣月明

徐方伯

移近孤城住還如山外邊年豐養欠酒寒盡衣無綿忠孝家中物詩書囊裏錢柴門常不閉高枕日頭眠

太虛上人靜室

放下數間屋依山結一巢草稀通野徑樹密塞荒郊葉落因風妒花開爲雨饒老僧俱不管只把木魚敲

陳翼叔詩集

卷二

七

遊籬山

雞足高千仞扶筇試一攀脈分曲直外穴接斷連間剝剝不離水庵庵別是山推松捫竹入拿露坭雲還

別李皇實

脫畧自無羈青狂遇白痴不分老與少只爲酒兼詩痛醉冰霜夜潮吟風雨時一朝成各別兩處費相思

雨行

纔過起雲地又逢落雨天一身已是水兩足便爲仙

贈袁復一

紛紛落葉後遁跡天之涯名姓霜兼雪功勳泥與沙吞

刀消世態飲血度年華歸去故鄉好故鄉不是家

贈張子正

別後復經歲相知已數年操持如鐵后脫畧似雲煙寫畫風中柳詩詞雨裏蓮才奇人好妬性傲我偏憐

途中

村荒不似有人家何處牧兒吹暮笳攪散浮煙數點雁衝開密霧幾羣鴉浪舒青眼風前柳妬殺紅顏雨後花匹馬遠行寂寞子片時相賞樂無涯

夜坐卽事

醉倚闌干儘可嗟怪哉物類逞驕奢痴鼻嘯聚吞天色

陳翼叔詩集

卷二

八

狡兔呼羣吸月華南舍貓兒移北舍東家鼠女嫁西家

狐眠老叟難爲夜况聽聲聲落淚笳

冬去

景色蕭條歲已窮無端冷落粉墻東喚回冬去數朝雨相送春來幾夜風淺白枝間添嫩綠淡黃樹裏雜微紅兒童知趣忙沽酒驚醒牀頭好睡翁

孤僧

齒將凋落眼將昏願後瞻前幾斷魂薄霧有情連草屋斷雲無倚傍柴門呼猿喚鶴爲兄弟種竹栽梅作子孫非是老僧存浪跡蒼苔雨過亦留痕

讀史

讀罷醉狂傳長笑兩三聲買窮一阮籍賣賤一劉伶酷嗜詩和酒遺留姓與名何故欲留名英雄不浪死豪杰肯虛生

清明日書所見

霧散煙消春欲還嫩葉嬌枝任意攀戴柳幼兒雙綠鬢門花少女兩紅顏幼兒少女孤且苦哭父未終復哭母淚冷滴醒一塊泥酒温澆醉一堆土

曉行

痴童睡覺將槽掃瘦馬嚼餅腹未飽冷灰亂撥燃殘鏡

陳翼叔詩集

卷二

九

孤枕夢回披納襖酸風射目淚寒流軋露穿膚天半曉

月亦有來月有去花自有情花自老

暮春有懷

草滿郊原樹滿川朔風幾度皆可憐蜂寒蝶冷怨聲頻桃枝李枝却逢春深紅淺白正芳菲何處望春春欲歸苦死相留留不得復教桃李無顏色

妓女墓旁花

墳後墳前一樹斜雨泣風號抽嫩牙纔見開花花又落墳中有鬼鬼不嗟可憐此箇墳中鬼一十年間最愛花春來來

寂寞深山裏景色總堪哀如何三四月桃李還未開君不見公子消愁館王孫行樂臺無處不花柳肯放春風來

失巢鳥

何不遠飛去飛去又來啼孤鳴天未晚羣呼日已低共是失巢鳥相依一樹棲

古意

村中年少婦日夕兩眉顰一遇佳公子便作歌舞人許多窮姊妹相問是何因君不見但逢有樹處風最弄精神

陳翼叔詩集

卷二

十

迷渡橋

瀟瀟一溪雨淒淒兩岸風波翻船莫過渡迷路不通修補洛陽叟種植武陵翁沙黃柳映綠水青花染紅看來似幅畫掛在小橋東行人欲盡興短笛夕陽中

青華洞

道旁聳石壁穴隙劈何期透漏弗為怪點染足稱奇風敲並雨擊顏色更覺宜自然一幅畫雕鏤幾聯詩舊致已如此近況復轉移屏絕草散亂種植樹參差好過春三月桃花開滿枝好過夏四月楊柳倒垂絲往來名利客何妨住片時

贈深脩上人

已是空山裏尋縫入瘦求無奈窮和尚攜瓢汗漫遊惱
壞寂光寺氣倒貫花樓草色浸人目苔痕長佛頭竹雨
時流淚松聲多帶愁蕭條幾歲月奮發一比丘中興祖
師道解紛迦葉憂

俠客行

揮盡千金濟困民只攜一劍走風塵不知殺過多少人

雜歌

杖頭擔得酒瓶來脚寫草書不放杯說與遊人且莫醉
前村却有好花開

陳翼叔詩集卷二

十一

花下草書

寫過草書數萬卷看來紙上幾千鴉東風學得誰家畫
枯樹枝頭點落霞

曉起看梅

笛聲三弄五更初叫罷塞雞星斗無月去睡時我已起
梅花日夜不曾孤

留友

十年故友復相見一歲逢春得幾回日暖去眠花應笑
夜寒不飲月來催

贈楊懷玉寫竹

風去吹時枝似醉雨來落後葉如堆吾家寧瘦齋中肉
箇箇移將紙上栽

竹杖詞

對門巷口阿誰家年少女兒披白紗何事傷心啼血淚
籬邊似放杜鵑花

閨夢

夢裏分明見玉容醒來依舊枕邊空可憐半世爲夫婦
盡是相逢在夢中

池邊梅

根植小池側枝橫近水涯莫云人獨賞魚亦看梅花

陳翼叔詩集卷二

十二

懷友

臨行訂下約期在小春前不用寫書信東風自去傳

小陽春

背時桃與李越分門繁華若是春來到何顏又放花
牆外有桃李趨時欲鬥華縱然雪裏放不說是梅花

嘲水眼

知君非是病別具一形容面上無溪澗眼中有小龍

武侯祠賞菊有感

黃花凋復放仍是漢時秋無奈天更改而今不姓劉

老梅

年來歲去數回老
葉冷枝寒幾換新
若是梅花不忍耐
那能經得許多春

古梅

苔蘚層層如破衲
枝條瘦瘦似枯藤
將何堪比老梅樹
枕雪眠雲苦行僧

寄遠曲

雙棲乳燕欲辭梁
乘便修書寄我郎
故里蕭條是故里
他鄉穠豔是他鄉

贈陳將軍

胸懷韜畧氣吞雲
撫順投降四海聞
侯印不曾封李廣

陳翼叔詩集卷二

多應留下待將軍

昭君怨

雁門關外朔風夏
起窄窄衣袖纖纖手
指調絃無聲琵琶
涼死將何依倚

題蟬與樹寄張子屯

相知蟬與樹蟬樹俱有情
樹以蟬爲韻蟬以樹爲聲
樹高聲便遠樹低聲自清

寄李文起

何時君再來不須別處宿
推開綠竹牆卽到黃茅屋
但莫笑我窮夜飯鹽齏粥

送月潭禪兄回山

孤棲二十載策杖下高山
試將閒來賣無人肯買閒
依然隨爾還

農夫哭

踐傷禾麥半成熟征徭輸足無餘粟
長天老日蕎充飯夜靜更深菜煮粥
農夫農婦相對哭可憐人到不如畜
馬食白米犬食肉

賦孤山梅

騷人詞客幾回過弔古傷今醉後歌
枝上梅花沾酒氣何愁風雨夜來多

陳翼叔詩集卷二

秋日遠眺

小橋東霜氣濃于酒
楓林盡醉紅

寄空和尚

高青山常在望白眼不知勞

賦得打起黃鶯兒

莫打黃鶯兒隨他枝上啼
近來閨裏夢不必到遼西

春情

浪子尋春去日斜未還家
始知妾容貌自是不如花
桃李一時放紅白色偏殊
看罷問夫婿妾貌似花無

夫婦吟

從來節與義兩字頗相關不欲妻如水只須夫似山

送郎曲

不得遠相隨欲將淚眼覷那邊有樹遮莫往此中去

閨情

孤眠塞上郎獨宿閨中女帳外起寒風枕邊落冷雨

夢

幾欲出門外恐沾足底泥誰知夢自苦還去到遼西

題彭心怡心敏心符心崇心獲弟兄園內未放牡

丹兼贈

帶土移根已久嬌枝嫩葉成攢雖然未見花放誰不呼

陳翼叔詩集卷二

五

為牡丹

松竹林避暑

日過竹間不熱風來松裏更涼野僧却也知趣兩處鋪

下石牀

冬晴喜

石寒自是苔薄樹冷亦因葉稀天贈黃綿襖子憐吾老

去無衣

雪後訪僧不遇

路向孤村轉橋橫古木斜到門偏寂寞入戶只吁嗟昨

夜纔飛雪今何不在家問人將手指嶺上看梅花

尋春遇友

不欲閒雙足尋奇覓野芳粉堆梅瓣上暮雨不成妝酒
灌竹枝裏迎風便發狂晚歸逢故友語少意偏長

讀徐方伯詩集

君詩言似淺君詩意最深思家因戀國弔古為悲今句
句窮猿哭篇篇孤鶴吟但能傾耳聽未有不傷心

暮春有感

偏到黃昏叫鷓鴣淒聲入耳動悲呼肝腸未老頭先白
眉目雖存淚已枯嗜酒耽詩非得樂栽花插柳自支吾
而今笑我成庸腐二十年前也丈夫

陳翼叔詩集卷二

六

贊蒙郡太守張

建西河橋

憑空架柱陸地橫舟以來以往頌德弗休與山不老與

水長流

贊原任司李孫

共建河橋

驚走遊龍鎖住長虹曉行夜往何處見翁蘆花明月楊

柳清風

遊千佛山祝空

卽五印山

一山纔欲斷便有一山連一水纔欲去便有一水旋如

此山和水宜居佛與仙惟願來阿難不獨雞足砥柱瀕

荅陸玉書

只愁調來同勿恨未相逢君不見園中有柳樹牆外來
春風

對月飲

七夕興何枯中秋狂又發飲乾酒數杯腹裏有明月

外甥張璇素未知詩于中秋夜飲偶成一絕雖是

失粘稍有詩意附集

夜深不去眠爲是中秋節月入酒盃來却被我吞缺

黃粉團

迎風無力傍牆栽帶葉牽枝雨裏開滴淚低頭渾不語

儼然老大黃花女

陳真叔詩集

卷一

七

雨中懷友

友爲功名去途中雨又風斯時陳翼叔攜酒看芙蓉

贈漢冲張老先生

有序

九日有賞菊者云我輩今日痛醉東籬不減淵

明風味余聞嘲之以詩云只爲此時候酒人不

欲生誰知冷落處一夥陶淵明繼而思之如吾

郡張老先生輩正當有爲而却恬退種菊植柳

遺情世事真不減淵明風味也故贈之

溪水迎耳响柳外小橋橫黃茅一笠裏寄傲樂餘生傾

倒盃中物消磨世上情復以菊爲重又以米爲輕何事

近來者許多陶淵明

別郎曲

誰唱陽關曲隨風入繡簾舉杯酒不滿眼淚暗相添

夜吟

霧散雲消夜風來月到時空墻梅寫字虛閣竹吟詩

河上晚歸

野草生沿河閒花開到處夕陽隨我來下水上山去

冬夜宿塘子鋪

城市相通處往來接續間死灰然活火熱水煮寒山

初春

陳真叔詩集

卷二

六

朔風尙未去却有小春來不獨寒梅放使人冷眼開

路邊種梅

嚴霜落滿路寒風拂曉塵縱有數斗酒能醉幾行人吾

把梅花種來往盡沾春

畫梅

紙上無寸土移將梅樹栽葉不待秋落花不候春開羨

爾丹青子造化手中裁

次韻贈答姚安高郡丞

知君過人處時抱孝與忠自讀五車後何曾六詔同烟

雲筆底聚桃李眼中空得趣春郊外馬蹄踐落紅

老年

明鏡不須照容顏比舊衰甜桃偏破腹苦李却清脾胃
冷時澆酒腸枯日潤詩興來常自笑老去最支離

移居

平昔耽幽僻移居野寺傍不將草作屋却以樹爲牆聽
雨耳根靜聞風鼻觀香我來閒一載補足半生忙

別友

楊柳淒淒秋滿枝風雨瀟瀟別郎時郎有淚落妾無語
妾心已自隨郎去郎不歸兮心不歸妾只空身臥翠幃
誰吹短笛弔斜暉

陳翼叔詩集卷二

元

竹枝詞

閒行惟是影相隨墻角海棠絲亂垂不得風吹花不放
放時却又怕風吹

孤枕聞猿

回頭遙望日將低放下行囊宿嶺西野猿一箇啼何處
滿山盡是野猿啼

蒼空和尚

別離十載不相規問吾日夕有何爲白雲留在家中宿
清風引來衣上吹

贈心微和尚闍菴

何處來老叟佛經不離口有有說無無無說有有一
棒活打死拖將去餵狗

水月亭

策杖來時六月天耳聞目見盡皆禪一池明月一池水
不見桂花只見蓮

題魚籃觀音像

一手提住魚籃一手將衣揭起紙上不聞水聲自在風
波浪裏

題水目山倒影

十日坐樹下一日動遠思父母知何處現我欲生時剪

陳翼叔詩集卷二

三

斷臍帶後顛倒無了期從此悟人者不識却是誰

遊雞山宿拈花寺有省

狂風不識字壁上亂敲詩驚走幾許夢冷然破遠痴花
開郎落日花落郎開時而我心花者無開無落期

懷友

一自長箋傳至後捫懷無日不悲歌年年酒禁邀遊少
歲歲詩題送別多顧我肝腸仍似舊知君肺腑復如何
幾回欲寄書相訊望斷天涯無雁過

別友

匹馬行來興倍賒須臾分手又天涯杯停暮雨村村柳

鞭逐東風處處花望入行雲嶺外斷恨隨流水路邊斜
野橋草店憑君宿背痒誰將十指爬

原任司李孫梅癘公以江南甲第忤時左遷我郡

因道梗莫遂尊鱸之願以此慰之

十載天涯事已殊破愁不飲胡爲乎陶潛焚醉心偏醒
杜甫狂吟興轉孤烽火燒紅來日路征雲壓黑去時途
江南景況知何似誰寄梅花對酒廬

初春

新筍已熟許多期園林春色來何遲半開不開桃花日
欲嫁未嫁女兒時

陳翼叔詩集卷二

三

荷

水淺泥深處連根帶葉栽吐花雖接應各在一枝開
人從池外過荷在池中開風入池中去吹香池外來

溪行

十日泛孤舟一朝覺有趣沙灘幾箇鷗見我不飛去

白牡丹

相陪數嫩葉隨侍幾柔枝不染胭脂色終成豔麗姿
可憐富貴種流落貧賤家開若無人賞却成無用花

厭亂

陰晴未可知離亂孰能料不欲見干戈願天忽爾叫

郊行有感

農事已經盡扶筇郊外遊青青一派草只牧兩隻牛

題畫

愁眉兩相對皆說容憔悴桃李可憐花那如我姊妹

擬子夜歌

年少誰家子盼睐許多時却之又不可又恐娘知

賣劍

將劍街頭賣問吾劍若何血腥氣尙在總是殺人多

題死節長沙周太守遺容

公諱二南滇中蒙化府人蒙化卽陽瓜也

既有真面目形容何必傳羨君歸去早不見兔兒年

陳翼叔詩集卷二

三

訪僧不遇

閒客來相訪僧忙去不回窗間落葉聚牀上亂雲堆

山居

茅屋無牆壁柴門不用關削開前後樹放過去來山

讀史

不醉無餘事頻將歷史看奸邪無限苦忠孝有何難

夜飲

來醉把鋤亭舉杯興不發須臾山肚中努出一輪月

宮菊

多來個粉菊何事變成黃因植背陰處不會見太陽

賈磬

夜昏磬數聲聲聲不落空我夢已驚醒又醒他人夢

再嫁吟

桃甜應嫌李苦柳媚宜愛花妍再嫁夫妻各別兩自悔

後思前

秋夜

寒蟲夜靜聲唧愁人獨倚西窗楊柳春風相別蘆花秋

月成雙

曉起

睡覺五更興已孤起來策杖出茅廬遙看月在前山落

陳翼叔詩集卷二

尋到前山月又無

題破屋壁

夕陽古道幾回還到處村中皆可憐民舍不須愁鐵雨

牀頭因有月來眠

賦得十年磨一劍

摘句尋章學腐儒觸機掩卷又狂呼眼前多少不平事

昔贈鏤鐔還在無

雞山夜歸詠瀑布

昏夜歸來路轉灣相隨月去宿松間誰將長劍倚天立

劈破一山作兩山

閨思

邊城風景異况是秋深時不寄寒衣去回來未可知

老妓悲春

不知不覺問明日又交夏花事已凋殘隨他春去罷

天旱

殊將日染紅雲被風吹死今歲逢旱天農夫淚作雨

月夜賞梅開笛

疏影畫空墻斜枝貼冷屋笛聲夜半吹恍是梅花哭

寄劉漢傑索菊

畝空閒地開池剩半丘有荷已是夏無菊不成秋

陳翼叔詩集卷二

題竹

再洗風磨不染塵霜欺雪壓倍精神如今節操全無用

那有敲門看竹人

題墨牡丹

嫩葉相扶非畏寒嬌枝無力欲遮欄縱然不用胭脂染

到底人呼作牡丹

高人塚

鷓鴣繡聚天小曙冷風吹燐照人路閒花野草似含哀

箭射刀傷死戰處血化為水肉化泥骨自成堆魂自迷

喚醒百千陰鬼泣只須一箇夜猿啼

戍中聞笛

蠻煙瘴霧迷人目芳草垂楊沿路綠
夜裏誰將短笛吹
吞聲似我妻兒哭

初春

冷氣漸從北退陽和將向南起
梅花已謝復開柳樹雖
活如死

黃菊

那堪人有送迎誰知物不新
舊淵明別去多時菊花如
是黃瘦

竹枝詞 雜咏

陳翼叔詩集 卷二

眼角傳愁淚未殘健兒驅妾上
征鞍臨行欲作昭君怨
抱著琵琶不敢彈

歸期已許春來到春到如何未
到家莫是行人眼睡著
不曾看見樹頭花

暮春

浮煙散後霧猶朦杜宇啼時春
欲窮桃李花如兩姊妹
搽脂抹粉嫁東風

漫興

老去貪杯興不窮誰知仍是白
鬚翁東風何處沽來酒
醉得桃花滿面紅

贈周爾昌

何處容雙足寄身詩酒中敲推
消夜雨傾倒樂春風相
識桃李共知交松栢同年雖
半百外氣邁少時雄

同李木生遊山遇雨倏晴

午後鳩飛過聲聲喚夕陽泥浮
驢足緩石滑馬蹄忙滿
路雲踏亂遍身雨漬涼歸時
天已晚月下晒衣裳

別友

路向孤村轉橋橫古木斜到門
多寂寞過戶自吁嗟昨
日纔下雪今何不在家問人
將手指嶺上看梅花

有感

陳翼叔詩集 卷二

把酒謝天地無物不留根山水
一夫婦草木兩兒孫
秋日雨中見桃花放

連陰雨不晴凍餒皆愁絕只道
人無義誰知花失節
訪僧不遇

客來欲習懶僧去有何末路遠
草鞋苦坡遙竹杖愁

獨

栽梅幾樹種竹幾根老若無後
作汝兒孫

寄同年友

相識許多人已經成異路知君
共我年當效梧桐樹
送友入山

隻身無有累楊腹不須愁若遇賣手叟死猿乞幾頭

紀所見

村南寨北戰場多順將降兵戮滿坡憶昔如何不肯死而今死去又如何

題流民

何處拋家與失業三三兩兩過沙灘相逢盡道住山好米少柴多也是難

送徐方伯聯句

風景羈人天一涯陳不知何日得還家徐去時應作來時意陳留着兒曹種菊花徐

陳翼叔詩集

卷二

三

春

著意留春春不住而今飄蕩在何處蕭條無數牡丹花憔悴許多楊柳樹

處處村中皆寂寞家家園裏盡蕭索不倒不歪竹醉醒無葉無花梅睡著

山茶花

誰種山茶隔路岐萌芽吐蕊末冬時遙看不與花相似冷火清煙滿樹枝

浪蕩浮花數萬種寒枝冷葉幾千叢朔風忽作有情物吹起火星滿樹烘

漁家

寒蘆枝掃碧波煙弱柳絲牽繫釣船脫却蓑衣且當酒從來雨後有晴天

老梅

年來歲去數回老葉冷枝寒幾換新若是梅花不忍耐那能經得許多春

古梅似僧

苔蘚層層如破衲枝條瘦瘦似枯藤將何堪比老梅樹枕雪眠雲苦行僧

買得姚家山地

溪山亦是可憐人姚姓未久復姓陳種李種桃雖在我花開花落總由春

陳翼叔詩集

卷二

三

路中人

漁艇笛三弄城樓鼓二更我宿君亦宿我行君亦行雖是同路客同路不同情

夏月途中

匹馬遠行五月天眼中吐火鼻生煙突然何處蓮花放香送風來過路邊

病後

病前已厭杯中物病後仍思飲數杯竹葉於人既有分

菊花從此又須開

旋中夜飲

夜長滿擬三更睡飲到三更還未醉非是杯中酒不濃
愁人落上許多淚

送月潭回九臺三十峯

鐵杵磨針歲月延何處留君了舊絲捧日峯頭二十箇
一箇峯頭頭一年

三十四歲詩

斜風細雨送歸春樹色含輝草色新纔去遊山一二日
回來不見兩三人深可嘆息鄰居子與我同庚今已死

陳翼叔詩集

卷二

三

而我怕死對天泣老天許我活七十明年已是三十五
身軀一半埋黃土一半須臾又欲埋何處何物遣愁懷
日向籬邊飲數杯菊花都被酒催開

秋怨

風淒淒兮落葉飛良人一去兮幾時歸

擬新嫁娘詞

多少遊春去我歡獨在家問歡是何意看儂不看花
欲說與我姐恐笑我自誇埋沒我郎意愛我勝于花

別友

知識已三載往來不定期消愁同醉酒遣興共聯詩冷

雨孤燈夜寒風并枕時吐哈君睡重噴鼻我醒遲對做
許多夢相牽無數思俄然欲遠隔何以贈別離竹葉寫
千箇梅花畫一枝

和友人懷古

試問此何處樵人嗟不休荒煙秦帝墓野草漢王坵五
斗勞彭澤一瓢累許由誰能如此類身外絕無謀

無題

世間容易事莫過孝與忠蜂蟻能如此虎狼便不同性
情若可轉霹靂總成空黑霧一時盡日頭到處紅

宮怨

陳翼叔詩集

卷二

三

愁來持鏡照自愛還自嗟薄命已如此何須貌似花
愁來將鏡放獨自倚窗紗想汝承恩者容顏不似花
囑童收石

得天授此石仔細與吾收若去松間卧把來作枕頭

題活佛寺

一到山門外教人疑不已此間佛既活何處佛還死

贈道友張榮公

城市難容物祇堪潛爾踪騎來那隻鶴寄在那青松

嘲以耳爲目者

那知春又來聞說放早梅眼不聽花放耳却看花開

春怨

疊水層山道路賒
惟憑魂夢到天涯
杜鵑叫落三更月
寂寞枝頭桃李花

雨中遙望爾爵側揚二宜老先生別業

遍地風兼雨滿山
雲連霧一幅米家畫
二老此中住茅
屋三四間桃花五六樹
流水七八灣隔斷來人路

鶴有引

吾滇山高水深鶴最多
因取羽爲箭翎用炮擊
之十年來遂不見以爲擊絕矣
近有人從最遠最深最高山處來云有數千鶴避于其中予感

陳翼叔詩集卷二

而賦之

不怕山遠已有人知寫字與鶴須再遷移

題擔老和尚畫

鬚髮蕭然興未闌年來無奈腳跟酸
許多山水不遊到都在先生畫裏看

贈淵淵禪人

鐘鼓黃昏後禪僧枯坐時形骸非汝有
冷暖衲衣知

登樓望陳噫

故人別我云不得遠相從何處堪窮目
樓高若箇峰

題知空和尚畫梅

逐歲條無葉長年枝有萼不知何代人見此梅花落

老婦對鏡

花又如如是花柳又如如是柳
妾貌似花柳還似花柳否將
鏡照幾回幾回令心哀容顏何處去一去不回來

遊山晚歸

遊山晚欲歸露溼衣衫重
滿路青青草餓驢鞭不動白
雲辭我回明月將我送到家
二更零只做半箇夢

遊雞山

浪遊十日多尋見起雲處歸來到半途
掉目幾回顧最是愛山人不在山中住

陳翼叔詩集卷二

題寺壁

拾得一禿筆寫詩寺壁間
愛僧勿做僧愛山勿住山問
我何以故山僧最不閒

贈月潭上人

得入空門後將是二十春
塵不來染汝汝不去染塵去
來不相染水中月一輪

念佛有引

佛法無事念佛亦是多事我何又念佛
不過權以消遣詩魔耳只待詩魔遣後佛亦不念矣或
有問余如何不念佛余默然若會得此意許頂

門上具一隻眼

世事莫瞞我無一不是魔何處暫消遣合掌念彌陀

陳翼叔詩集

卷一

三

蒙化陳佐才翼叔著

是何庵集

秋日與破浪衲子于是何庵談詩畫

吾不欲畫畫在詩中汝不欲詩詩在畫中不詩而詩不畫而畫無與有同詩而不詩畫而不畫有與無同有有無無無無有有月過虛空

年後看梅

不問酒已醉拉將看野梅夕陽懷裏去明月腹中回親友各分路掉頭復相顧今日聚樂場今日別離處

陳翼叔詩集卷三

秋日有客過山房詢及徐交伯先生因賦

遠客相逢敘話餘問吾夫子近何如功名不受將天傲產業無求與地疏眼放青山岑縱酒頭生白髮日看書邇來更有東籬僻種遍黃花自把鋤

重九

幾度重陽過野坵相逢道上樂今秋唱酬酒綠觥尤麗潦倒花黃葉更稠鶴懶雲痴歸闋苑容酣詩醉下高樓不愁舊帽風吹落短髮蕭蕭猶戀頭

登高晚歸

相逢盡是登高客莫問他鄉與故鄉鶴唳三三催續韻

笛聲兩兩罷衝觴輕搖白扇遮容醉倒折黃花插鬢香路遇兒童迎我笑年餘五十尙顛狂

閱緬錄哭沐黔國天波

風吹阿瓦黑雲屯一將橫戈獨擁門戰敗會兵力未竭身經亂矢氣猶存淋淋漓滴血完臣節片片分屍報主恩碧草黃沙迷漢路殘黎何處弔忠魂

春夜與劉端木張寅揆飲孫鶴胎花園

二月是何月園林春至時風催紅到樹雨縱綠歸枝如此花兼柳偏宜酒與詩何來疏曠友遣興夜眠遲

夏日過西溪賞蓮

陳翼叔詩集卷三

集水亦無垢此中趣不窮許多娘子綠無數秀才紅色混一池雨香飄兩岸風遊人十里外氣味已相通

新秋江上

不是風旋轉秋聲去復還霧隨雲淡薄山共水潺湲楊柳含愁色芙蓉帶笑顏歡予髮漸短更得老來閒

冬日晚眺

登高堪望遠何處敢相遮薄霧迷空翠輕雲帶落霞柳衰鴉作葉梅病鵲爲花眼底無窮趣耳邊絕暮笳

聽說小傳再哭沐黔國父子

逆旅淒涼莫可狀故人不至遙相望何來一叟抱琵琶

忽啼忽笑街前唱唱到沐氏孰忍聞子南父北死於君
教人向北向南哭南山北山起愁雲

弔竇將軍名望王將軍壘死戰有序

已亥歲清兵陷雲南永曆帝蹕緬勅晉王李將
軍竇等伏兵磨盤山據險截之清兵至不覺有
本營叛卒盧桂生曹延生潛入清營洩機清兵
遂遠道劫營將軍率兵血戰殺清兵數千而亡
烽煙滿地捲旌旗鳳輦龍車欲遠馳受命忘家生不顧
以身許國死寧辭路逢峽道夷兵泣力竭重圍漢卒悲
一自磨盤血戰後誰如老將具鬚眉

陳翼叔詩集

卷三

三

退師千里外險道復相持悲壯聲聞鼓縱橫步伍旗勝
兵汗滴滴敗卒血滴滴天地魂皆落將軍死戰時

弔沅江世守那公有序

沅江世守那公嵩永曆先帝授以將軍清兵陷
雲南之明年公提兵伐之不克退守沅城清將
率兵攻沅城公統兵出郭沿江大戰殺清兵將
甚多尸橫水逆不流後因戰守日久無救應城
破招公降不從舉家男婦三百餘登棚樓公着
朝服北拜舉火自焚清兵亦嘆其忠烈余弔
之者恐史書編不到之意也

不忍時流血振旅日登壇戈揮黃石峽師敗綠波灘萬
姓水中絮一家火裏丹黑煙懸日月紅焰現衣冠漢將
渾身冷夷兵徹骨寒六詔如斯者從古至今難

燃薪賞梅有序

壬子歲除夕前二日與蒿隱子道旁賞梅談及
時事不覺黃昏興猶未已即于梅花樹下燃薪
賞之烈焰薰蒸梅花色變不同嗟乎吾只謂桃
花愛熱孰知梅花亦愛熱乎今而後梅花可笑
桃花不可笑也或問予何故予曰桃花愛熱自
是本色梅花愛熱大非本色矣予深為梅花惱

陳翼叔詩集

卷三

四

遂辭蒿隱子冒夜跨驢而歸于驢背上偶成一
絕

黃昏試把梅花燒色更麗兮顏更嬌只恐暫時能避冷
風霜到底不相饒

甲寅春余跨驢攜酒遊東莊賞碧桃花憶舊年與
徐沃萬共醉於此

誰識交春後堊老興有餘斜擔一壺酒默跨一隻驢離
城五里路碧桃開滿樹見花想去年故人知何處

芙蓉謠

秣江兩岸盡是芙蓉朝見開紅暮見落紅開也西風落

也西風

過徐烈女墓 前集有序

老去徐娘莫比芳丰姿雅淡亦非妝霜爲容也雪爲貌
石作肝兮鐵作腸憶昔生前節未改而今死後骨猶香
經過墨客頻相顧一樹梅花葬道傍

過榆關閱弔萬人塚詩慨然成韻

半林殘雨掛遠村百千怨鬼泣黃昏戰死病死皆是死
汝何嗚嗚泣不已君不見陰火篇戰場賦有身無首知
是誰寒風莫射刀傷處又不見榆關城外寒風惡

以詩爲子

陳翼叔詩集 卷三

五

寒瘦郊島詩爲知己我則不然詩爲兒子或問其故精
血在此者耳

題是何庵壁上

雖有三間屋却無半點埃開門水不去閉戶山常來怪
石從天種奇松由地栽淡然成別致非我力能培
是何庵莫問已結兩三椽但未沾微祿安能買薄田留
僧共佛住容我化人緣嗟此飢荒歲誰家不可憐

別李二奇

聞說欲歸去淒然動遠思只因守我拙致使識君遲日
夕成知已須臾便別離何時再握手竹下又聯詩

荅臧總戎

從自相知後肯肯不厭過常愁一日別又別半年多風
雨花辭樹冰霜葉謝柯淒涼無限意君意却如何

亂時

世情尙未改時事已經更遍地皆戎馬滿天盡甲兵活
埋小兒女生葬老弟兄遁跡窮山裏猶聞戰鼓聲

憶徐方伯先生往粵復還

粵西不可到又到粵之東匹馬干戈裏孤身烟雨中髮
隨心共白淚比血猶紅力竭佳城築歸鞭逐曉風

寄徐交伯先生

陳翼叔詩集 卷三

六

西風滿地狼煙起戰將倒戈戰卒徒逐我故主人不毛
流落孤臣無倚惟倚有鬚眉共此身夜行曉宿影相親
頽垣廢寺深山裏那个僧家作主人

春寒

朔風到處雪漫漫便是梅花忍凍難只說春來有暖氣
誰知還似朔風寒

秋興

風亦來兮雨亦來蕭蕭籬落起青苔誰知我是悲秋客
幾許愁懷共菊開

數椽破屋楚籬東短髮婆娑一老翁風雨淒淒興不窮

披蓑遠遍菊花叢

漫興

老來猶覺興無窮
景色誰知又不同
前歲雨多今歲少
桃花那似舊時紅

壽八十二翁

翁素人所重
吾亦有五頌
頌翁道自尊
道尊乃與論
頌翁才自奇
才奇始得知
頌翁樂自如
眼老不廢書
頌翁歡自歌
孫子何其多
頌翁壽自殊
幾經松樹枯
壽地壽天者不在吾頌也

擬子夜歌

陳翼叔詩集卷三

七

窗前月已無
枕外燈何有
是妾夢郎時
不知郎夢否
楊柳風吹日
芭蕉雨打時
夜來多少淚
惟有枕頭知
日日望書信
時時慘妾情
魂銷折柳曲
腸斷賣花聲
聞說從軍至
妾歡忙下樓
君顏有慚色
想是未封侯

古意

姊妹喜相逢
牽手後園中
桃李參差放
各自有春風
題蓬下牡丹寄宗室

牡丹遭雪壓
何處可容身
忍死蓬蒿底
埋藏未了春

漫興 一字至七字

才才有盡堪
哀吾雖老興
未灰許多閒
地遍把花栽
栽

花不為客
花開客自來
村醪一甕兩
甕浪飲百杯
千杯

醉後何妨
花下卧枕邊
蝴蝶去復回

彌只道中次楊端年韻

詩思相牽我
騎驢峻嶺行
景從無外覓
情向有中生
雲色幫山色
風聲襯水聲
夕陽烘老眼
低首望高城

惱郎曲

聞說春將去
庭花日夜忙
蕙蘭知幾許
郎歡愛海棠
妾始識我郎
只愛花有色
不愛花有香

清明日過榆關至班山弔擔老和尚便道送榆城

奠李爾偉陣亡歸葬

陳翼叔詩集卷三

六

葉落冬已靜
花開春不閒
又是清明日
攜淚過榆關
弔我亡年友
老死在山間
便道往孤城
買酒奠李生
吾欲汝埋劍
誰教汝從征
虛負蒼峰景
空餘淚水清

寄戴三聘

君不見柯亭竹已廢
又不見道傍樹已陳
柯亭廢竹復為笛
道傍陳樹又沾春
男兒蓋棺事始定
况君猶是少年人
何恨遁跡遠
風塵僻壤窮
荒不可處
瘴雨蠻煙不可親

喜張振公攜友過訪

孤居十數載
地僻客來稀
突至兩紗帽
相尋一布衣
琴

同棋契洽詩與酒投機最苦分離後依然日掩扉

讀傳

昔人何處去遺跡可追尋蓮社越生死竹林無古今不知飲酒意安識作詩心此致吾稍解長年自醉吟

憶友

聚樂十餘載孤行九月間風霜欺鬢髮雨雪老容顏逢憶往回路不知多少山倚樓常在望日斷碧雞關

荅友

處處君行到陽瓜尙未過移情花柳少寄興酒詩多醒以歌爲哭醉將哭作歌其中無限意盡付奈之何

陳翼叔詩集

卷三

九

贈是何庵僧

掃却塵情與世違浪遊亦似坐雲歸來何來也去何去是不是今非不非脫罷草鞋知妙悟拋開竹杖識玄機蒲團坐老孤峰月莫管寒鴉叫日輝

別友

此是何時也交情又得聞我將君作我君以我爲君義氣旣相許形骸孰可分不堪離別去尺紙鴈殷殷

懷古

笳鼓西風慘客情樹搖草動遍皆兵而今勝敗成何用好與街頭唱月明

遇春

羞將鬢髮老風塵回首圓圓却遇春不見梅花有一載梅花一見更相親

宿榆城聞三塔鐘聲

梧落西風霜落天五更殘月載漁船滿城客卧皆驚醒野寺鐘聲帶夢還

酒後與張子正談心有感

十年閒于足不欲走窮途多謝天饒汝苦遭地限吾躬吟羞腐士嗜飲愧迂儒日在喧嘩處此身亦覺孤

憶范爾瞻

陳翼叔詩集

卷三

十

故人別我去近况却何如杳杳路途隔沈沈音問疏空教魚識字虛負雁知書惟有夜來夢不辭到草廬

擬從征別

隨攜酒一壺相送赴征途試問別離後還入夢也無吾存吾夢汝汝存汝夢吾昔人云一將成功萬骨枯多是汝夢吾

春日訪劉端木于紅梅園旅館時日高未起

溪山何故苦留人回首陽瓜迹已陳逆旅春同秋氣冷宦情詩與酒魔親梅花依舊相連屋柳絮遙新遠隔隣睡起日將三十丈一冠高掛不彈塵

閱彭心符詩集賦贈

心符年少友落落亦無羈跡人皆見襟懷世莫知沈
酣十載酒獨創一家詩但惜吾衰老相談能幾肯

飲張允懷蓮亭

甕有酒多少芰荷開滿溪耐風花自立傲雨葉難低品
卓清愈苦心通悟豈迷逢人開口笑何處不汗泥
一亭疏柳外池淺注蓮肥未放含愁重將開帶笑微雨
餘香滴滴風縱色飛飛差可留人醉夜深不欲歸

花亭

與彭心怡心符李皇寶楊元翰饒仲與飲王中孚

陳翼叔詩集卷三

十一

何處消時事藏身幽僻中地無八九尺卉有兩三叢淺
白兼微綠深黃樸老紅歡娛談劍客醉倒咏詩翁雖是
尋常酒有花味不同

月夜遇劉端木醉歸賦贈

一官寥落後十載遠風塵肝胆仍如舊鬚眉已換新黃
花憐處士翠竹憶幽人酒向誰家醉歸來月滿身

輓楚庵陳總臺斌清陷雲南被害

脫却誘人網孤踪孰與羣瘦驢駝怪石痴僕坦奇雲竹
裏相尋我花間離別君悲哉從此後消息不堪聞

春日輓南侯官兄弟

獨坐空亭無所思却逢春至哭相知花開三月是良期
那識生離死別時

不寐

酒醉何常眺思牽淚欲垂家成應在我國破却因誰鼠
死猫猶恨鴻亡雁亦悲夜深纔入夢驚覺曉風吹

與友共宿山房聽催歸

坦然睡一覺日過尙掩扉喚起喚吾起催歸催汝歸異
鄉蒲筍瘦故里荳芽肥趁此東風便登舟願莫違

新秋

蕩蕩風淒日亂催丁丁水滴夜偏哀夏辭池畔荷猶放
陳翼叔詩集卷三

十二

秋到籬邊菊未開

九日

村落幾家酒欲醇籬邊到處菊初新時逢九月寒猶暖
節過重陽秋亦春

平戎曲

單于未滅邊城擾振旅提戈欲盡剿平旦交兵晚未休
將軍猶恨殺人少

別羽士

少年誰家子超然世外人寧爲豺虎友不與利名親裝
束堪過夏形骸渾是春浪遊何處去莫惜寄書頻

許有實

誰來傳妙訣識得玄中玄
茶醉同雲臥酒酣共月眠
栽松不擇地養鶴欲冲天
浪跡人問世飄然已是仙

睡隱

塵紛無盡苦何處了塵緣
流水聲中住浮雲影裏眠
草鞋既已脫竹杖敢相牽
吾得閒中老忙歸阿个邊

送羽士歸山

識破神仙不值錢
精完氣足體安然
若云浪走方成道
何事陳搏屢月眠

亂後懷友

陳翼叔詩集

卷三

三

放情何處好溪外
桮雲屯柳樹連三里
桃花共一邨詩
朋常抵戶酒友不離門
嘆息兵戈後而今獨我存

夏日道中

誰使程途熱難禁
血汗流松風憐我苦
相送下山頭

春興

何處春來到園林
日起風花開哄我眼
一看已成空

牧馬吟

一派焦黃草紛紛
牧馬兵迎風吹暮笛
遍地起秋聲

征夫吟

多少離情擔不動
斜風細雨遙相送
是誰店裏無雞啼

行人好做還家夢

題畫

丹青自是妙手寫影描形
不差三里四里客路五村六
村人家七間八間茅屋九樹
十樹桃花帶醉老翁扶杖
倚門遙看歸鴉

夢郎曲

夜來枕畔起秋聲
點點滴滴報五更
妾夢不辭風共雨
拖泥帶水到邊城

擬從征別

楊柳路傍發蒼薇
路傍開誰知送別處
紛紛車馬來教
陳翼叔詩集

卷三

六

人不敢哭教人不敢哀
攜將眼淚去攜將眼淚回

別離曲

跨驢攜酒過沙灘
忽聽人歌行路難
送亦難別亦難幾
句離詞苦又酸
若還想我便門看

吾郡石龍山有層樓
拄地撐天孤高無敵雲山

煙水環抱有情乃滇西第一樓也
呂祖降筆題

其扁曰洒鶴騷人墨客日每登臨
不絕皆有題

咏吾亦勉占數首

登酒鶴樓懷古黃鶴樓

最上層樓醉眼開
仰看俯視幾徘徊
黃梁半枕功名淡

鐵笛一聲天地哀
鸚鵡不來芳草怨
鳳凰已去碧梧摧
當年詞客知何處
流水行雲空悠悠

鶴樓遠眺

閒來何處訪蓬瀛
鶴樓高遠市城風
雨迷離撓酒興
煙雲聚散亂詩情
孤村有路疏籬隔
野渡無橋古木橫
日暮風吹如笛响
聲聲似喚石龍鳴

樓高百丈接長空
勝槩堪傳圖畫中
雲避干戈難定跡
鶴逃賦稅不留踪
詩人自有如崔子
酒客從無似呂翁
幾度登臨得共醉
歡然潦倒板橋東

世事浮雲幾變換
登樓一望却如何
眼前地濶濶無盡

陳翼叔詩集卷三

三

頭上天高高不多
跨鶴酒翁同酩酊
騎驢詩客共吟哦
興豪猶欲留殘照
短笛橫吹過遠坡

再遊栖鶴樓

昔時遊此秋將半
今日再遊秋已回
衰柳無風葉亦落
枯梅有雪蘂纔開
浪看未必花千樹
漫飲又宜酒白杯
客醉倚欄閒議論
酸心橫笛莫相催

宿栖鶴樓

百尺樓高與世違
登臨爛醉竟忘歸
昔時舊恨隨流水
今日新愁付落暉
浪叫白雲梅外宿
狂呼黃鶴竹間飛
巢空且藉吾儕卧
冷氣頻侵不卸衣

一顧一回秋凭欄
興轉幽我如龍欲
懶誰似鶴知休雨
縱煙敲樹風催月
打樓但來雖進步
好景載高頭

睡隱

此地堪吾隱
離城不近村
月來已閉戶
日過未開門
蝴蝶枕中老
杜鵑耳外喧
醒時心尙睡
何事敢相煩

別張燦公

相攜手兮出城東
步遲遲兮話匆匆
別故人兮不忍別
誰吹笛兮落團紅

避亂舊作

十年戎馬亂京華
何處而今更問家
思友無書傳過鴈

陳翼叔詩集卷三

六

懷親有恨付啼鴉
曉行奴僕身充樹
夜走妻兒淚點花
極力窮山回首望
故鄉迢遞暮雲遮

雪峰杜次於子旭武文若聯韻

野火燒峰峰不烈
峰高自有不化雪
千百男兒撐冷眼
二十兄弟多熱血
死生交情堅愈鐵
學武學文迥出羣
筆插青天劍截雲
愧殺倡狂嗜酒輩
爛醉能教今古聞

弔危孝子有序

吾郡有危姓者
斯泰父有疾割股療之
不愈遂日夜號泣
隨父而死予甚慕作
眼淚歌弔之
眼中之淚最是奇
哉歡向何去悲從何來
悲弗能已心

肝化水

秋風敗葉

隨句回文

風兼雨半夜夜半雨兼風空枝樹落葉葉落樹枝空

春日與諸親友于蕭寺中結社指雪峰爲題各賦

一詩

霜飛雪集鴈聲孤暖風二月草猶枯撫景懷人幾嘆息

平原君沒信陵無二三兄弟好男兒學書學劍貨與誰

或與竹林兩爭異或與蘭亭兩鬥奇盃酒相從天地老

篇詩斷送古今痴浪言後日有支離手指高峰是何時

荅贈知空和尚

陳翼叔詩集

卷三

七

吾非陶處士頗愛遠公風蓮白却隨白桃紅亦共紅曠

懷形影外孤跡有無中如此虛空者人人堪與同

征婦吟

梧桐葉落遠隨征楊柳枝搖動妾情要哭幾回不敢哭

留將冷淚送殘更

征夫吟

塞北風刀刮骨寒綿衣着破鉄衣單思歸祇敢吞聲哭

眼淚攜將馬上彈

送李文起赴省

柳梢掛夕陽攜手路之傍嗟我鬚將白悲君髮漸黃歸

來難料料別去莫忙忙更勸幾盃酒何時再舉觴

送張子正往雲川

故人欲別我相送赴長途酒盡村花晚詩成草色殊暫

收雙眼淚遙望一身孤雖有隨行劍愁腸割斷無

別張君試

不可竟離別臨行再放歌旅窮解意少途側賞心多綠

柳陰中去黃鸝聲裏過相隨一担酒到處醉如何

征婦吟

鴉啼最苦更苦徵兵人但知夫隨征婦守營却不知夫

守營婦隨征非我征婦不知此情

陳翼叔詩集

卷三

六

閨怨

別時將郎問不言到何處日久未回來多是臨邛去

代妓送遠

何忍便離別停盃待夕暉薄情是杜宇苦苦勸人歸

甲寅春郡守查公整理門戶編審內住鄉老促余

開報入册余戲之云

空庭冷風吹內住者是誰竹樹與梅樹共我爲三戶桃

花與李花共我爲三家一一開明白憑汝入於册

春城柳色乃前任查公觀風詩題於時自覺無興

不能成韵茲值卜公爲政偶成一律始信詩須

有興而作也

一自春光到古城酒旗高豎綠楊橫搖風散雨無寒色
捧日瞻雲有熱情幾展翠眉欣世治頻舒碧眼望時清
如今此地逢純政簫鼓家家醉太平

自解

何處吹橫笛聲聲到竹籬獨自坐明月忽爾動悲思歲
暖猶啼冷年豐亦涕飢徹窮無了日時作送窮詩更窮
興更多窮豈奈吾何

喜迓東司李孫梅癯致政

不見孫公久高風真可思醒人却以酒醉世只將詩踟
陳真叔詩集卷三 六
踏更衣日徜徉拂袖時囊窮無一物寄興有東籬

贈梅溪和尚竹腳

獨坐東山寺冷然絕世情九年十年苦千里萬里行眼
底無雲障心中有月明陳言皆掃盡智辯使人驚

送雲岩上人住山

眼底山多少歸去住何山坐卧雲岩間免得草鞋苦便
宜竹杖閒

春興

桃紅李白遍天涯策杖閒遊眼醉花日暮歸來神已倦
老妻忙進一杯茶

閱素芳詩有序

素芳楚中姬也近流落於滇之嵩明州
風雨黃昏後挑燈讀爾詩誰知不相見不見更相思
相思不相見疑有夢來通容貌未曾識何由入夢中

聞愚夫愚婦謝地謝天丁巳歲

一載勝似三年晝則同食夜則同眠夢則同然愚
夫愚婦謝地謝天

贈隨宜和尚偈

隨宜說法惑人不已誰持一棒將伊打死從來衲僧共
埋一坑

陳真叔詩集卷三

再弔擔老和尚

死去回來說黃泉路甚遙詩書知幾許付與阿誰挑
春日喜張君試過訪

風塵何處訪相知忽爾逢君過竹籬亂後似會同醉酒
愁中却喜共聯詩雙鴉寂寂呼酬唱孤燕飛飛話別離
歸路漸遙那可望祇緣疲馬步遲遲

漫興

遊人不肯負春光物景相侵日夜忙楊柳發時風有色
醪醖落後雨無香從將白髮聊同枕那許紅顏再共牀
忽夢少年行樂處幾回痴想斷柔腸

立春日與眾社友飲 次胡心耕韻

搔首望春春卽至可憐猶有未逢春
年華來往歸何處
冷暖交加付此身
人謂苦難便覺苦
我常貧慣不知貧
典衣買酒酬良遇
莫遜千巡與百巡

重陽日醉彭心符旅樓

憑欄一望興偏悠
景色紛爭聚
醉眸冬至到來梅
萼喜
重陽回去菊花愁
杯無綠酒忙開甕
坐有紅裙懶下樓
幾曲琵琶痴淚落
斷腸原不爲悲秋

別張君試

十年鞍馬控邊城
一劍橫腰萬里行
逆旅逢春花索笑

陳翼叔詩集 卷三

三

窮途遇夏柳爭迎
攜將甕酒看雲暇
賦得詩篇對月明
惱殺誰家吹短笛
悽聲入耳動離情

祭灶日與睡仙仲兄飲有感

曆尾相催過五十
冷然虛度許多春
年來雖是鍋無鬼
歲去應知竈有神
呂氏夫妻曾囑苦
陳家兄弟不言貧
掀眉願見中興日
傾倒殘樽酒百巡

蒙化陳佐才翼叔著

天叫集上

贈天空和尚

嶺外梅花從北放誰教老宿向南來衲衣片片披黃葉
草履層層襯綠苔齒縫水流冰不聚眉稜山豎雪成堆
相逢况是冬時候棉袖燒殘冷撥灰

九日途中別友

故友欣逢重九日遙思故里復傷嗟
中徒熟今年酒籬外空開舊歲花
廢地自然生莽草荒園誰復種桑麻
陳翼叔詩集卷四
從來成敗皆如夢夢裏還家即當家

贈大潤禪師

孤庵傾圮路偏長僧老心空與世忘
雨裏不知松落色風中豈識竹飄香
遮頭髮死難留雪蓋胆毛生能耐霜
應嘆浮雲閒不慣飛來飛去為誰忙

農歌

風雨交加已渡河隔堤忽聽唱牛歌
熟田歲歲收成少荒地年年賠累多
野草不能逃賦稅閒花何處避干戈
牧童亦解流離苦橫笛吹殘臥綠蓑

過古戰場

十數鴉飛逐夕陽一回顧盼幾回傷
熱腸遣去憐爭鬥冷淚攜來弔敗亡
戎馬潛踪芳草綠犁牛絕跡野花黃
經過無那陰風急誰識征夷舊戰場

代梅竹納稅

城去十村到香家荒園十丈短墻遮
風吹竹幹斜鋪影雪壓梅梢倒放花
賦稅只尋有枝葉徵徭不問無桑麻
老夫何故欲哄眼惹得終年苦累嗟

別靜陰沈道士

晚花樓上望彌殷野草城邊餞別君
獨往不攜猿鶴侶孤行直入虎狼羣
銅風吹散山頭霧鐵雨敲開水面雲
陳翼叔詩集卷四
尋得玄關歸舊隱丹成須許我平分

送危煥如先生之祿邑任

閒居河上老風流看破浮雲夏亦秋
酒裏夜邀親友臥詩中日喚子孫遊
芒鞋已許不拘足紗帽焉知欲套頭
既去就官饒有興十年空被菊花留

題知空老和尚畫

有序

歲庚申予避亂溪山所攜者惟詩畫耳
內有知空老和尚寫意山水十二帙筆墨縱橫
運氣生動有空房而無人物恍然此時流離境也
詩人見境生情遂逐一題之以誌

歡然一見使予驚筆勢倒顛墨氣橫小抹大塗成雨色
橫拖直掃起風聲漁山不許逃踪跡樵水豈容避姓名
騷客從來多興致何妨畫外更生情

風雨淒涼猿叫哀殘篇閱盡笑顏開修文地府皆奇種
作賦天宮必怪才詩內既然無客去畫中安得有人來
况今正值亂離苦流水行雲空在哉

從來畫意由心得安有傷心畫不成草木皆含征戰氣
江山盡帶亂離聲男兒流落悲雲變妻女蕭條哭月明
空屋尙聞雙燕語似言家破國亡情

獨對窮山將奈何披圖閱後自悲歌筆頭有雨難翻浪
陳翼叔詩集卷四

紙上無風欲起波畫意同誰逃變亂詩情共我避干戈
如今不忍便拋棄歸去來分感慨多

欣懷便覺狂俱發觸景頓教興欲灰肥地高低蒿遍滿
腴田遠近草成堆亂時孰敢桑麻種寧日誰饒賦稅催
流落殊方歸未得絕煙斷火屋將頽

畫圖自是昇平日觸境儼如離亂秋劈地誅茅非淺慮
遮天構屋亦淡謀滄茫猶有軍兵過險巖必無妻子留
聞說隨營多死難嗷嗷鬼戚望雲愁

流水聲邊凸起空刻平凹處補茅蓬蒼生遍野明朝雨
葉滿落郊今日風霧集難開曉酒戰雲屯不致用詩攻

怪來興致應如此移入畫中氣更雄

閱來畫意渾如昨物景難堪似比薄逆旅纔經客亂離
孤亭又見人蕭索山淡漸覺烽煙苦海濶猶然波浪惡
極目長空絕雁書傷心老去瘦成鶴

郊遊遇友

風和氣煖遍郊坰扶杖徐行影伶俜老友忽逢頭共白
小朋乍見眼同青夢生池草填詩窘醉死庭花葬酒瓶
潦倒不知香落地晚歸頓覺履邊馨

自述

亭高垣濶戶長扁獨處窮居十載零甌內不炊梅瓣白
陳翼叔詩集卷四

竈中常爨柳條青避寒逃脫奴三口愛熱隨奔婢五丁
若我耕時傭莫顧誰家農唱滿郊坰

憶是何庵宗解解人

野寺迢遙遠市城依然景物幾回更鴉翻落地墨偏黑
雁過書天字不明老竹猶能藏雨色小松亦解學風聲
把鈕行者知何處貫酒遊人動慘情

哭交白徐老先生

傳後文章何足弔弔公忠義并憐才少時不受飢寒苦
老日偏遭離亂哀生在地間應懊悔死歸天上孰疑猜
愁雲慘淡音書寂淚盡枯眸絕雁來

昔時情意恍然在今日形骸安在哉衰草號風吹骨冷
殘沙泣雨觸心哀須憐後學修書問猶望先生寄字回
何處與予復聚首上天下地不辭來

先生何事氣俱灰避亂深山遂不回芳草淒淒皆抱怨
名花寂寂盡含哀柩中不見招魂去枕上常思寄夢來
復恐鷄聲忽斷送使予無奈叫傷哉

別去誰知再見難月潭僧說共盤桓眉毛重重霜敲落
鬢髮蕭蕭雪擊殘殉葬雖非唐印綬裹軀猶是漢衣冠
幾多後學行裝改道及先生齒覺寒

七夕茅亭午睡

陳翼叔詩集

卷四

五

匹馬歸來廿載零窮居仍舊爛茅亭竹栽淺水拖微綠
樹種深山送遠青腹內有詩何必晒夢中無酒自然醒
隔鄰誰唱邊關調猶是南腔不忍聽

老

少年常自苦人老到身邊苦自知骨膝幾遭風雨妬
鬢毛屢受雪霜欺擄天長劍遠相棄拄地短筇近欲持
問酒尋詩歸去晚誰家燈火夜遊時

亂中逢友彭心符

小小攜家避亂時衰年奔走路途欺短筇伴我同顛倒
長劍隨君共亂離戰鼓聲中難問酒征旗影裏易尋詩

相逢孰忍便相棄坐待山高月影遲

亂後憶塗玉華先生

亂離常怯旅途窮隔越何由得見公顏色遙看山色外
音聲近聽水聲中波翻疊疊魚書破霧集重重雁字攻
烽火相連不斷絕懸眸時望信函通

挽程石門先生 有序 先生江夏人

歲壬戌聞程石門先生議降而死茲遊歸化寺
見壁間題句不勝淒然予雖未識先生面然詩
文乃一脈也姑依韻賦詩二章以挽忽夢先生
謝予曰君實有情人也間有感嘆語予醒後覺

陳翼叔詩集

卷四

六

此夢甚幻特并詩書之

蕭寺依然不復遊壁間尙自有詩留頭毛血染難經夏
骸骨泥污易度秋君爲歸遲遭短劍誰能退早駕扁舟
蓑衣無恙傲朝服晝夜漁歌過海樓

匹馬行來憶舊遊先生何事去還留聲名寥落楚江夏
骸骨飄零滇海秋詩跡漫懸放鶴社酒痕浪寄釣魚舟
觸懷不禁西風淚淒斷誰家聽笛樓

挽曉湖孫先生仁溶

流落情懷何處遣之乎也者共徘徊興枯每自題詩句
疾苦何曾棄酒杯別我不知便死去思君猶憶再生來

得誰授與神仙術，頓使鬼家叫怪哉。

一肚文章何處論，宦遊十載姓空存。生前常作思家夢，死後應爲泣路魂。親友贈棺停綠野，妻兒守柩哭黃昏。牧童不識哀離苦，橫笛頻吹過遠村。

十年車馬走塵埃，處處何由倦眼開。閱過書篇數萬卷，遺留字跡幾千堆。之乎不肯同君去，者也偏宜共我來。致祭有文莫有酒杯，杯乾後又酒杯。

窮

窮賤老翁亦自尊，鐵爐炭火酒頻溫。容顏已許霞留跡，鬚髮何妨雪寄痕。竹種甕中移白晝，梅開笛裏落黃昏。

陳翼叔詩集

卷四

七

倦拳一手支頭睡，任有風呼月叫門。

冬日同蒼語和尚遊鷄山過虎跳澗蛇褪皮至捷

菴陳公所題雪陰橋處有感

朔風野寺片雲遮，不于窮山夕照斜。痴蠢自知隨杖履，英雄何故著袈裟。虎能跳澗纔爲虎，蛇祇褪皮猶是蛇。寒聚雪陰橋凍倒，潺潺流水哭蘆花。

壽胡郡尊公布

華誕偶逢殊有興，未逢華誕興猶賒。緒餘載酒時尋竹，政暇呼燈夜問花。容貌何妨沾雨露，語言常自帶煙霞。昔年雖在昆明住，不是昆明第二家。

再遊雞山

匹馬重來鬢已皤，登臨遙望復如何。雲霞淡薄留連少，山水豐肥依傍多。僻壤不能逃賦稅，虛空豈可避干戈。定中尊者猶惶恐，華首門關歲月過。

陳翼叔詩集

卷四

八

蒙化陳佐才翼叔啓

天叫集下

秋初

雨氣無香空去來風聲有韻若敲推梧將落葉留詩別
菊不開花待酒催

閨夢

鴈字風吹斷却西西窗高掛枕頭低低眠好做晚行夢
夢到君邊雞未啼

九日留友

陳翼叔詩集卷五

不老又逢重九日留君共飲莫辭杯菊花雖是年年放
誰見淵明墳上開

弔古

孤墳壘壘幾傾頽草閒花徒爾哀死去若無詩酒樂
淵明何故不回來

別友

別酒那能醉夕暉促吾詩句送君歸提毫不覺魂飄散
字字斜書似鴈飛

征夫回

一劍相隨百戰身歸來却遇柳逢春如今又是深閨夢

不是深閨夢裏人

旅中遇友

風雨樓中故友逢燈殘酒盡話將窮祇知睡去枕相共
誰識醒來夢亦同

初秋

晚風江上逐秋聲騷客登舟誰送迎楓葉欲凋詩有興
蓼花不放酒無情

旅中別友

逆旅逢秋不似秋暮迎朝送未曾休友朋非是煙花婦
幾箇相交到白頭

陳翼叔詩集卷五

戲場

風雅女郎入戲場高聲低和韻偏揚長亭哭別休重唱
恐有天涯客斷腸

五月賣雪

風從路過吹人熱毛孔曬蒸汗滴血不再如何是五月
滿街日頭晒出雪

詩酒

年來嗜飲自無倫何處纔能醉殺人滿紙淋漓都是酒
一詩足抵萬家春

登雞山頂

風吹石磴若猿號鶴老飛天不覺勞祇謂此山高莫比
誰知吾更比天高

題楊蒼秀畫雪

陰雲凍砭冷颼颼雪片飛來聚筆頭幾度斜陽晒不化
少年相對鬢毛愁

聞猿

風吹葉落滿山城夜半猿聲慘客情只是一聲腸已斷
何須啼到兩三聲

題於子喬畫風

流水聲邊樹幾叢剗平空處補茅蓬避亂數回若此中

陳翼叔詩集卷五

三

柴乾米盡煮西風

別友

衰柳寒煙迷白晝斷橋疏雨滴黃昏行人欲問誰家宿
流水聲聲過遠村

明末時作

鬚髮依然一老臣羽書閱罷淚沾巾乾坤此日成何物
東倒西扶似病人

春興

航吟有伴興縱橫嗜飲無朋醉不成紅杏枝頭留酒意
黃鸝聲裏寄詩情

古別離

風轉羅幃月轉廊枕邊與短話偏長明宵不得同君卧
願入夢中共一牀

夔關

夔關日起鼓鼙聲馬上揮鞭笑孔明佈石爲兵行鬼怪
陰風常見戰旗橫

停舟觀鴈

一篙撐動浪分開遙聽雲中忽叫哀燕子爺娘別我去
想今年老飛不來

贈僧

陳翼叔詩集卷五

四

功名原不歸吾輩節義何須屬爾曹雨雪旣教頭髮避
風霜應許鬢毛逃

征婦吟

北伐南征賊突西戰場消息冷淒淒營中少婦知多少
半是人妻半鬼妻

代征婦寄遠

橫戈壓馬鎮邊西拋撇一子與一妻一子一妻若箇似
小鳥啼罷大鳥啼

停亭

孤孤冷屋近風塵中有一僧不畏貧日上三竿睡未起

分明愧我曉行人

畫雪

聽竹軒中無夏月長年高掛一幅雪客來但覺冷氣侵
拔去眼中許多熱

野草

荒郊處處哭清明遍地春風草亂橫野火年年燒不死
王侯墳上亦來生

魏寶山

魏寶山高雲亂堆一層層自絕塵埃道人欲建青霞觀
鐘鼓頻敲混倒雷

陳翼叔詩集卷五

五

次唐大來先生韻

行人天地路途中驢後馬前白間紅若使野花常不謝
牡丹何日見春風

賦得芙蓉不及美人妝

飄搖葉底弄輕紗冷落枝頭淡點霞只謂再無能妒色
誰知更有欲欺花

遊寺

老來何事不堪空扶杖閒行野寺中心白鬢黎髮未白
頭光常自撞妖風

別友

眼老偏如離別愁依依握手淚雙流贈君有句休拋棄
攜向思鄉望月樓

聽說詞傳

長廊冷落與將窮一曲琵琶逐晚風歸去英雄氣已盡
忽聞吞吐月明中

肥鼠

歡娛醉卧忽然醒掀覆翻盆夜不寧幾欲覓求肥鼠訣
隔隣恐有瘦猫聽

自解

溪山既許姓名逃斷却推敲不自勞欲識老夫詩外意
陳翼叔詩集卷五

六

只須夜聽野猿號

贈名醫梁鼎臣先生
寒熱交侵幾怨嗟懸壺貨藥遍天涯先生不是董家輩
紙上誰來種杏花

達摩尊者贊

鬚鬚倒捲眼翻白只說我們認不得汝是西來那惡賊
殺人決定要見血

吾體原來本自足不須得汝皮與肉只須得汝這拄杖
打死和尚了了佛

遊繫風亭留題

滿天黑霧墨成堆鐘鼓敲殘盡掃開月入池中跳不去
風回亭後繫將來

畫梅

誰將一甕酒移我筆頭邊醉把梅花畫枝狂幹也顛

雨中畫竹寄友

誰教風雨來筆墨漫相催移我心中竹向君眼內栽

梅

朔風日夜催顛倒屋邊梅葉去枝頭落花來樹上開

遇醫僧覺先生買藥歸來

悲涼涉遠道何喜笑顏開賣得千錢去買將萬命來

陳翼叔詩集卷五

七

贈蒼語和尚

不受單瓢累隻身萬里行橫擔鐵拄杖打殺野狐精

觀棋

分明古戰場勝敗暗埋伏稱我老猶閒看他未了局

畫喇哥

飛歸叫喇哥獨自却因何不是弟兄少年來離別多

六十四歲詩

流年虛自度花甲過六旬歷尾管不識應稱世外人

達摩尊者

道理絕滅性氣剛烈誰是爺娘養地黑鐵

題畫

任予亂塗毫不能樣見者必云此非畫匠

題唐大來先生畫

世上笑吾怪此翁又怪哉耳中流水聚足下亂山堆石
滑填黃葉崖崩補綠苔緩行有好步不自惹塵埃

柳外一舟橫江風幾變更網羅疏不漏簑笠密還輕浪
湧天皆懼波翻地亦驚如何夫與婦猶有羨魚情

何處放情日欄杆卧倚時梅顛風醉酒竹响月題詩調
冷欲誰識跡疏不自知似吾兄與弟頻聚少相思

只謂起爍日誰知避亂時溪山路遠遠主僕步遲遲愁

陳翼叔詩集卷五

八

把琴書棄忍將妻子離吾雖未問汝觸景暗相疑

望見浮雲變世情頓覺疏江山猶爾爾吾輩自如如頭

白未忘酒眼青不廢書此翁不若是歲月竟成虛

覆有酒多少此翁醉不昏松枯心尚在石爛意猶存顏

有紅留跡眉無白寄痕煩君添幾筆畫我共傾樽

題太平寺茶花

吾滇多古木茶樹甲于滇葉密條偏軟花稀色更鮮射
紅一塊地戕緣半邊天髮白休來賞相觀自可憐

題慧明寺桂花

吾何少欲懶此桂老猶忙花去餘邊綠葉來枝上黃色

原不是色香本亦非香若以見聞會鼻尖再放長

送友還鄉

解纜登舟去雨停風亂吹朝朝無地立日日有天隨酌
酒涉波險題詩渡浪危家園頃刻到柳眼隔花窺

過故友彭心符花亭閱壁間詩有感

一樹黃鸝罵荒園放草生亭斜無酒醉壁倒有詩撐霧
擁墨吞色風吹字吐聲觸懷淚不落豈是故交情

蒙化陳佐才翼叔著

補遺

冬日過榆城賞唐梅並訪擔當和尚

歲久年深枝未枯風磨雨洗色偏殊我來看到月將孤
杖策歸時宿處無遙望亂煙山外起數椽破屋雪堆裏
此中有一老知己若伴梅花凍不死

客榆城

楊柳淒淒秋滿枝風雨瀟瀟別郎時郎有淚落妾無語
妾心已自隨郎去郎不歸兮心不歸妾只空身卧翠幃

陳翼叔詩集卷六

誰吹短笛弔斜暉

感時

天高不必問世事可悲兮冷屋無人住陰風有鬼啼晝
行常見鼠漏盡不聞雞夜對孤燈說竹枝窗外悽

春夜

何以酬良夜抱琴理舊絃一更已酒醉三鼓就花眠斜
月低於樹遠山高過天來年此處住有耳聽流泉

送月希上人

放下詩書擔兒曹自去挑只提臨濟棒不用許由瓢別
去身無累歸來路又遙孤踪何所似一葉任風飄

冬寒

鴻雁歸飛過別灘淒涼時候客衣單煖爐只助陶朱醉
苦雨焉知范叔寒骨徹惟將毛蓋胆腸柔賴有鐵爲肝
梅花若是尋朋友舍我其誰共爾歡

嵩谷和尚

傍水依山結數椽石頭作枕草爲氈肝腸寄在梅花上
節操存於竹幹邊肥馬輕裘成夢幻單瓢破衲却塵緣
欲歸無地容雙足混跡頭陀別有天

閨怨二首

烏倦欲休息飛來爭樹枝黃昏將又近是妾斷腸時

陳翼叔詩集卷六

閒步柳陰下杜鵑枝上相忙將他打去打去向郎啼

題陳念祖花園

名園城市外遊客幾迴環我欲來清賞問花何日間

山居

得趣在深山課兒種草藥不栽桃與李那見花開落

梅塢

亂離二十載城市幾家存教我依誰住梅花共一村

折梅歸

興闌詩思冷酒盡夕陽斜朋友各分路梅花同到家

閨思

邊城風景異况是秋深時不寄寒衣去回來未可知

天旱

殊將日染紅雲被風吹死疇非天之民抑亦荼毒只

月夜賞梅聞笛

疎影畫空墻斜枝貼冷屋簫聲夜半吹恍是梅花哭

邊行

邊關萬里隔邦畿瘴雨蠻烟過客稀壯士從來有熱血
深秋不必送寒衣

獨守窮廬已數年

獨守窮廬已數年名剝斷隔小橋邊莫云我懶無生活

陳翼叔詩集卷六

三

一枕清風不用錢

墻角古梅六七樹蕭然破屋兩三間此中有我癡如此

不為饑寒賣去閒

幾卷殘書秋復春數椽破屋可藏身門前種有千條柳

不繫朝來暮往人

把鋤鋤地種桑麻却幸餘生自有涯惟是眼空無處放

長年只看故園花

留張子正

亂後何緣與子期相依不久欲分離一年幾許花開日
看過花開去未遲

移來香粉紅芍藥變白

幾枝曾倚市門中作態迎人淡抹紅自入深閨知有主
不將顏色嫁東風

題擔當和尚畫

信手能傳詩外意闕來瘦骨也清涼昔遊山水知多少
不及先生紙半張

對樹

無數枯藤任手持何妨兩鬢已成絲但教留我一雙眼
看爾花開花落時

梅開

陳翼叔詩集卷六

四

不到園中四五期園中梅放兩三枝與其落後遙相憶
何若開時莫遠離

曉起

睡覺五更興已孤起來杖策出茅廬遙看月在前山落
尋到前山月又無

題竹

雨洗風磨不染塵霜欺雪壓倍精神而今節操全無用
那有敲門看竹人

旅懷

旅館羈留又一年烽烟梗阻信難傳已知別後相思苦

不敢深林聽杜鵑

立冬前一日感懷

苦雨淒風日不休
明朝又過一年秋
黃花猶是舊顏色
多少英雄已白頭

題仲兄睡仙門外梅花

路傍一樹梅花放
無數行人着眼看
假若移來幽僻處
有誰知汝耐風寒

聞杜宇

細柳橋邊弄夕暉
哀哀杜宇樹頭飛
口中不禁啼紅血
喚得行人幾個歸

陳翼叔詩集

卷六

五

途中聞笛

誰吹短笛喚黃昏
滿樹梅花盡落魂
牽引行人腸欲斷
携風和雨宿前村

石棺集

雲南叢書集部之十二

七十老妻安氏輯

陳佐才自挽詩

明末孤臣死不改節埋在石中日煉精魄雨泣風號常為弔客

石棺左畔有石泉圖隱老人題云紅梨花對白楊

樹此是兒啼女哭處名曰聚淚眼男陳坦衷刊

石云

見此石棺心碎腸割血淚淋漓池水添活

猶子陳和衷

陳翼叔詩集

石棺集附

一

石椁倚寒岩仰瞻自慚懷悲予父已逝不共此中埋

孫陳統

石塚倚高峯公日卧此中孫孫情莫盡惟種幾株松

孫陳云

石中瑩白形骸清潔高山護持流水鳴咽似弔我公與

世永隔後共何人吟風弄月冷落梨花亂飛蝴蝶

樵兒牧兒

一入石棺後養育已成灰兩人恩莫報也種幾枝梅

猶子陳明哀代謝諸名公

荒山野澗條爾增輝啼麟不減悲鳳豈稀樹無死氣石

有生机陵寢千萬詩誰與歸

附諸名公贈詩

袁美

孤臣石內埋骸骨堅于鐵風雨欲何號皇天為弔客

學蘊九台山僧

生從何來死從何去這箇老者得第一義

時亮工

溪山不老冷風摧漢寢唐陵無土堆若箇石棺天地迴

何妨鵲鳴叫哀哀

徐定國江西人

陳翼叔詩集

石棺集附

二

不該此處死裝入石棺裏首陽山迢遙力士難移去

鄭匡時湖廣人

先生不復見高卧石之中欲識英雄氣森森長夜風

月閒道人於蓮

再來盤古開闢石棺或有彷彿落于後天

彭印古雪峯社友

不欲染污濁淒清若箇同須知李太白埋在流水中

張錦蘊

愧殺曹阿瞞到處設疑塚何如石椁翁長卧無驚恐

賣雪和尚廣廈

關地開天無此石棺有此石棺動地驚天

楊廷斌 雪峯社友

鑿此石窟藏此靈物天父地母為之孕育

李爾庚 貴州人

老在竹中骨藏石內淵明疊山出乎其類

王國 雪峯社友

先生欲睡隱睡隱石之中又作青山夢青山夢亦同夜

半西風起吹向那株松

武襄文

這是藏形處還須問阿翁昔時馬革意可在石頭中

陳翼叔詩集 石棺集附

三

祝如岱

非為驚人眼強留奇怪跡貞操不染泥直欲確金石

盛世德 江南人

山皆有石誰為鑿之先生作塚古今一寄贈之以詩

道珂

從何來歷劈開怪石脫却形骸掃却踪跡這夥詩人洩

漏消息梅花笑倒為兒戲

吳彪 浙西人

磊磊落落數十堆看來塞滿胸中氣忽然大叫兩三聲

石上縱橫千萬字

張卓

此石如何不補天祇因留下葬詩仙有窮殘夢歸蝴蝶
無限悲歌送杜鵑心曠徒懷庾嶺月眼飢空望少陵煙
不須化鶴啼華表芳草春風紀歲年

郭復毓

石榔何年鑿孤雲練一身此中骨不朽千載卧詩人

陳嗣茂

石榔先生非怕朽欲埋忠孝同天久饒烹詩句補遺闕
奚問石頭爛與否

朱昂

陳翼叔詩集 石棺集附

四

石借人不死人借石生香冷眼對青山萬古見斜陽

雲南藝文書集部之十五

梅柳詩合刻

共一卷

雲南圖書館藏板

甲寅年刊

滇釋大錯著

梅花

孟夫子云詩亡然後春秋作則詩之爲道豈值時物遷感往來贈答而云然乎從來風人謠詠詞旨多端草木蟲魚別有寄託以故名流觀玩每託類以言情高士興懷或借物以寄志淵明愛菊固隱士之高風茂叔觀蓮亦君子之雅況但群花燦爛靡不借力於暄暘即百卉彫零孰不歸情於霜霰至於嚴寒冰沍轉露芬芳殘臘

雪飛獨苞新麗冰心鐵骨既不合於時宜素質清姿復超絕乎凡俗豈非天縱之逸品物外之異材乎故夫陽和爭艷杏桃逞其芳菲歲寒後彫松柏徵其剛勁氣類相感風詠以興况茲梅也者賦性幽貞天姿雅潔傲雪霜而獨笑友松竹而爭妍幽谷先芳回孤陽於一線寒英破臘引百卉而齊開春入羅浮香迷清夢吟安孤嶼雪滿歸舟玉笛高樓怨曉霜之嚴肅清琴別院翻白雪於陽春何期賦出廣平猶存兒女閨廨之色詩名和靖不免金樽檀板之嫌子卿徒感

於年催少陵祇傷乎歲暮寧第凌寒之勁骨耻受人知抑且違俗之幽情反遭白眼余也時當歲晏道值陽消偶屬意於詠歌非敢託名花知己即興情於搖落亦徒爲澤畔行吟但求命旨摘詞毋得罪於風雅比物起興或有當於美刺云爾

幾向空山夢裡尋詩成驢背暗香侵月明千里懷前約春到三湘繫遠心冰雪清華天地淨衣冠高潔性情深憐他玉笛橫吹久飄落寒枝怨不禁

幾幅冰衫冷乍舒春信無緣憑寄使月明有夢獨懷余孤山千樹迷香雪雙鶴飛來可卜居春到前溪泮薄冰疏疏幾瓣落魚曾短橋凍滑尋難渡絕巘倒垂攀未能半曲寒煙留野鶴一枝殘雪待詩僧從他桃李矜芳艷萼綠嫣紅是下乘臘信於今幾送迎耐他吟賞費經營烟霜近日翻新譜詩酒當年訂舊盟茆屋疎籬雞犬靜枯松亂石水泉清羅浮別有修花史金谷何須問姓名聞道前村花事齊短筇扶鶴過橋西橫當澗戶石苔古斜引飛泉香霧迷遊俠折歸猶帶雪山禽爭落半沾泥

東君好護新枝弱茗具詩筒擬再携

傲雪凌寒遠俗情冰絃別調和難成故園客夢江南路
此夜相思玉笛聲流水浮來香石骨好風吹去亂楸枰
誰能格外真相賞坐卧憑君仔細評

香雲千疊覆吾廬笑傲依然見古初石上橫琴清自許
溪邊洗鶴意何如掩關終夕遲新月對子有時開異書
冰骨稜稜絕塵豔肯容凡卉伴山居
花信風多各有名冬深先訂歲寒盟一泓月浸春冰薄
十里烟迷夜雪晴窗外夢回餘瘦影琴中韻遠落新聲
何時猛力謝塵事遯跡香林過此生

梅柳詩合刻

三

抱膝高吟不知倦蕭然孤傲是良朋半牕殘雪隱眠鶴
一院寒香繞定僧楮葉何人裁碎玉瓊枝昨夜翦春冰
碧天瑤瑟清音好仙骨珊珊化未嘗
送臘東風力未借春光先到水之涯藥依蝶夢芳魂淨
根綉苔衣香骨埋荒寺何人題破壁深山有客踏芒鞋
一枝折得玉釵古月映寒牕供小齋
破笠瘦筇尋幾遍酒帘高揭到山村凍烟十里春無力
空影一灣雲有痕玉燕飛來衣漸化冰蠶蛻去繭猶存
梨花爲待東風暖鉛粉相思欲斷魂
百艷爭芳擬占魁東君先放一枝開千年冰骨成寒玉

半夜香魂孕素胎三霄不知人卧八月明何處鶴飛來
仙姿上苑矜名貴羯鼓能驕未敢催

花候重逢臘未殘山蹊獨笑伴魚竿冰心嘗映玉壺冷
幽夢時憐素女寒尋到村深知酒熟吟成雪後覺衣單
明朝猶恐東風惡夜半携鐙仔細看

曾讀何郎詩句無芳名豈必在江都幽輝映耀冰成窟
積氣空明月滿湖壽主宮妝留舊樣滕王蛺蝶扇新圖
海棠國色徒嬌豔縱有天香也作奴

玄圃仙根本傲霜謫來又見雪衣娘春冰映月生寒魄
秋水凌空淡遠妝別苑無情消蛻玉深閨有夢掩殘香

梅柳詩合刻

四

堤邊遊馬都攀折留得高枝是短牆
不羨名園九錫榮山蹊離落自孤清隔江花信嘗千里
一夜春風定幾程興到何妨袍笏拜狂來且命弟兄盟
莫云誤識林和靖先有奇文賦廣平
對君足了一生事性癖耽奇不厭癡澆創欲求千日酒
支根云是六朝碑水雲暮戀香猶濕霜月高寒影乍敲
狼藉沾泥銜不得春風燕子怨歸遲
老樹婆娑幾歲年空庭嘗是伴枯禪夢驚新句魂俱冷
春入寒胎骨已仙榦未帶花原自古枝纒著紫便生妍
山深不解市朝事梅曆陽秋任意編

新臘冰封失花候高人何處費幽尋抱琴入寺石苔靜
策蹇過溪風雪深忽買濁醪來野店或携筇杖陟高岑
誰知鐵笛傳春信明月一聲泚水陰

藍田移種是何年園苑飛來第一仙春暖夢遺珠玉佩
月明人映水晶簾撫絃變調音多怨得句推牕清可憐
剩有餘香浣殘雪隨風吹醒杏花天

素魄偏宜弄月華山迴水曲景尤賒一林欺雪藏僧舍
十里尋香到酒家雨過或疑珠有淚烟開始信玉無瑕
誰人蹙背吟新句縹緲冰封路恐差

冰雪重重暖未回春光枝上競蓓蕾弄珠神女留香佩
梅柳詩合刻 五

餐玉仙人化素胎正恐客過隨葉折爲妨鶴惱傍籬栽
明朝怕有聞風雨夜半鄰翁載酒來

昨夜寒香透竹籬春光暗度向南枝橫琴作枕看終日
疊石爲屏護幾時好月漸生憐影瘦新詩欲就怪思奇
晚年待此娛朝夕鐵笛樓頭莫謾吹

夜半驚看亂雪橫紙牕竹屋也分明烟迷淡月影還好
霜襯輕冰骨更清對子不覺老將至銜杯安問身後名
花神今夕遊何處待從咸騎白鳳迎

香雪層層壓短籬淡烟臨水悄寒欺花關半掩鶴無夢
荒寺頻過僧有詩老去作欄依竹石春來剪箔護葳蕤

幾年高隱深村裏莫使孤山處士知
臘信催花未可憑小樓見雪幾回登攀枝呼酒惟狂客
倚樹分題是野僧瘦骨自宜霜夜月烟姿嘗映玉壺冰
名園麗質知多種品格如君恐未能

臘餘更慮此花殘朝夕村郊冒雪看野店乍逢呼酒伴
板橋半折據吟鞍杏桃未敢爭春信松竹偏宜共歲寒
莫道來年堪結子不知鼎鼐幾回酸

嫩蕊何緣破凍開古根抱石繡莓苔輕烟似覺暗香動
疏影不知明月來雪意滿天詩欲就霜華覆地酒應催
孤山佳偶誰相訪不待鶴飛舟自回

梅柳詩合刻 六

花債連年總未酬冬來欣賞詎能休卷書卧對竹牕靜
啜茗行吟苔徑幽幸有素琴橫石几何妨玉笛在高樓
莫云春到花將老故蒂餘香尙可求

梨花李花矜素姿品題終自分妍媸高崖封雪子爲主
勁骨傲霜吾所師山深可避鶯燕關質古不受蜂蝶欺
何必歲晏徵晚節群芳孰能爭先時

十里空濛霜滿天鶴歸時繞短籬邊香侵詩客狂來思
涼入高僧醉裡禪渠骨獨清應自許我頭將白更相憐
枝梢殘雪尤孤迥吟到宵分未肯眠

枯樹何緣作此奇歲寒有意待君知老根穿石苔能點

嫩萼吐梢霜不欺
晤對十年成好友
拋離半日即相思
臘殘花盡無多怨
夏葉垂陰子滿枝

臘信頻催霜霰橫
今年花事正堪評
寒潭照影詩情瘦
亂雪封根鶴夢清
掃石烹茶看十日
推牕待月坐三更
冰心鐵骨誰知己
煙火消除可訂盟

絕世丰姿索笑艱
疏香冷豔墜溪灣
淡煙寫照情俱遠
秋水爲神韻自閒
村店月明人入夢
孤山雪靜鶴同關
花童珍惜慙成癖
多少繁枝總未刪

玉洞花明夕不知
冷光空水映參差
風流對子惟吟卷
格韻酬君是酒卮
只許山礪藏淡冶
豈容朝市辱清奇
梅柳詩合刻

七

殷勤古驛逢鄉使
欲向江南寄好枝
春來不屑門繁華
卧雪含霜別一家
寒月將低燒蠟炬
曉風欲動護銀紗
山園買屐香難訊
水竹分題酒易賒
名種果從仙苑謫
於今猶自帶烟霞

小春花信有誰尋
素豔繽紛雪滿林
香隔湘簾涼入夢
影橫石几月當琴
山扉半掩鶴閒步
禪室微關僧苦吟
弱柳繁桃何足盼
却從松柏問知音

菊花之後更無花
瞥見蓓蕾景便嘉
况復三冬飛朔雪
何緣一樹燦奇葩
開籠放鶴舟將返
携酒招僧月欲斜
縱是杏桃多麗色
春光孰敢說當家

修柯周匝隱蒨廬
綠萼清疏畫不如
山野原無肉食相
市朝曾有絕交書
詩情縹緲春風外
酒興沉冥夜雪初
花譜幾番尋舊事
壽陽一案可刪除

山塢重重香霰勻
短籬茆屋絕鷲塵
老枝曾傲前朝雪
嫩葉忽偷明歲春
桂萼有香稱侍史
梨花雖潔是陪臣
東風搖落轉生意
碩果青青子有仁

冰落千山冰正堅
孤陽一點滿春先
清高不屑花王貴
瘦勁尤嫌國色妍
薄雪淡烟流水外
嫩寒新月小牕前
此中幽興誰堪語
賦得揚州咏幾篇

一日堪消十日愁
正憐寂寞足優游
寒溪照色波逾碧
梅柳詩合刻

八

冷雪封枝香更幽
花影半牕人似玉
笛聲一院月如鈞
吟魂朝夕嘗相守
猶恐東風不易酬

花信冬深似久虛
高枝春色忽然舒
窗前月映明還暗
竹外烟橫密復疏
絹幅影摹斜瘦好
膽瓶香折半開初
年來正欲修梅史
古石新苔竝可書

春光本自傲花王
永日相看鄙吝忘
名姓嘗留高士傳
芳英故點美人妝
只愁隴使終難寄
縱是林妻也不妨
蜜蠟殷紅雖異種
同他霜雪解禁當

繡戶雕闌趣不同
好從泉石結芳叢
淡烟微抹冰綃捲
曉月將橫素粉空
饑鶻啄花窺樹外
寒蜂趁日到香中

殘英狼藉憑誰訴怪殺樓頭一笛風

一林素豔霏氤氳積氣連朝凝水雲香色皆先別有故
冬春之景復何分應知品質絕凡樹遂使詩詞無至文
陶菊周蓮亦云貴風流世外孰如君

護惜嘗嚴外戶扃藥欄猶借竹爲屏香生故向冷霜烈
花發豈因寒歲停瘦石留題人帶酒高枝挂月鶴梳翎
東風不肯恣飄蕩野史應翻種樹經

嚴寒偏與眾芳違高士園亭正掩扉香引清風浮硯水
影隨涼月到書幃雪花多出飄難久梨葉同姿豔又肥
爲問蝶蜂誰夢見咄嗚有待未能歸

梅柳詩合刻

九

干樹飛香戰白龍鹿胎斑落曉霜濃蠟須似翦金絲簇
紫萼疑傳貝錦封玉暖空山雲影合珠明銀浦月華重
不知夢返羅浮後雪壓蛾眉第幾峰

老樹支離意似灰新條簇簇早陽回月光將到花先得
蠟信未殘葉便催歲暮愁心看欲亂鄉關歸思望難裁
莫嫌故葉彫零盡又向群芳頭上開

玄冥當令百花怪別有烟霜駐玉顏香發每驚魂入夢
開時仍令鶴司關攤書靜對山逾古倚石高吟人自閒
檀板金樽欲相狎奈他清尙未能刪

霜後孤榮勢本危貞堅不受歲寒移空山流水愁無奈

島瘦郊寒信可師臘雪壓斜偏有致春風搖落亦多姿
買絲繡得新圖樣畱待花殘慰我思

高樹欹斜雪滿叢蒼苔數點任東風清芬寫就吟魂斷
孤影立殘香夢通牕倚素琴新月冷樓橫玉笛曉霜空
幾回尋訪低徊處獨木橋邊野寺東

窗前忽到每生疑雪影空明月滿枝夜半無人憐獨笑
春回有夢說相思蒼苔立徧賞難足香蕤咲殘情更癡
聞道花經尊傲骨小園欲紀歲寒碑

吟成月上紙窗明寒鵲爭枝曳露聲既有詩詞供笑傲
豈容烟火累生平春愁恒恐東風覺曉夢頻驚夜雪晴
梅柳詩合刻

十

多小豔噴消不得好留青子待流鶯
前林曉霧亂紛紅花氣空濛望裏分靜對無言人化碧
微吟欲就夢爲雲丰神淡泊難爲狀與味清適未易群
只有道人心似水不辭風雪致殷勤

冰玉清明照素顏幡然半點鬢毛斑淡雲籠月花初睡
新露披烟鶴未還流水斜穿荒徑角蒼苔欲上古牆灣
幾枝掩映難圖處暮雪寒林帶遠山

花時蠟屐過前溪石徑歧分路漸迷水映半灣翻畫譜
烟橫一樹入詩題不將暖夢邀蝴蝶惟恐春深叫竹雞
風雨每憐狼藉甚欲尋好穴堊香泥

清古從來獨有君
林幽山僻望難羣
玲瓏碎玉搖寒魄
杳靄空香結素雯
高士支頤欽傲骨
美人掩袂襲餘芬
終年護惜勤歌頌
好紀花臣第一勲

垂垂一樹壓茅牆
獨向深山紀歲芳
雪霽頻頻增酒債
花飛貼貼滿詩囊
不須長笛翻新譜
惟倩銅瓶貯古香
老去暫除如意事
賴君清況浣愁腸

花事三冬最苦辛
芳菲獨爾露精神
一簾瘦影搖新月
半夜幽香動早春
絕巘煙霜偏有韻
柴門風雪不知貧
久披城市多捐棄
閨苑樊桐自結鄰

玉骨冰膚孰與憐
閒心惟我結情緣
春愁只恐花先老
梅柳詩合刻

十一

夜詠恒疑樹欲仙
流水孤村殘雪後
斜陽煙塢薄寒天
倚根盡日跏趺坐
悟得空香自在禪

花夢多情願每違
冒寒尋訪不遑歸
谿邊見影招漁艇
籬外聞香叩竹屏
曲折幾枝山雪瘦
空濛一樹野烟肥
携琴載酒忘朝暮
妬殺春風帶雨飛

山牕永夜伴題詩
愁緒多端孰與期
月上豈無人共卧
春回只有子先知
寒泉白石留清照
楚水吳山屬遠思
歲暮每傷攀折慣
齋僮日日護新籬

花開寂寞歎清貧
殘臘驚看雪藥新
朗曜光浮千片玉
霏微香靄一園春
長松修竹神相賞
遠水寒煙意自親

任爾嚴霜費摧折
憑陵傲骨似難馴

冰雪封香見爾難
踈枝掩映隔離看
不同眾卉爭春色
獨守山園耐歲寒
尋訪每矜新杖履
周旋猶是舊衣冠
連宵對月乘時賞
莫待東風一夜殘

柴門晝掩足優游
玉藥叢叢照傲裘
偶爾遂酣三日酒
等閒消去十年愁
寒鴉既噪樹尤靜
蝴蝶欲來香正幽
竹下低徊看不足
爲君携手一登樓

歲殘日日怨春遲
影度紗牕夢轉疑
清貴一時稱獨步
風流千里慰相思
朝看似覺冰生骨
宵詠不知霜在眉
但使高人肯乘興
留連莫問夜何其

梅柳詩合刻

十二

孤高不作眾花緣
獨傲清霜骨更堅
小閣迷香春似夢
山牕得月夜如年
化來寶玉身爲佛
超出凡塵品是仙
何意東風偏効力
枝頭轉盼子青圓

不屑群芳鬪麗榮
爭先獨自見孤清
寒深臘雪偏留意
暖入春風便不平
嘗擬閉門吟半月
偶然立影遂三更
幾番紙帳驚宵夢
屋角幽香次第生

瘦骨稜稜頗自矜
雪中鬥豔復誰能
恥留嫩葉迎新露
獨結老根蟠古冰
宛爾含情憐處子
蕭然得意是高僧
從來花譜稱奇絕
一品尤侈九命增

百卉千葩苦凍僵
仙根別有返魂香
誰將春色藏冰窟

故向寒岩逞素妝雪影一庭空映水綃痕萬點夜飛霜
怪他蝴蝶迷清夢却醉東風上海棠

野渡橫橋望未真夕陽斜映景偏新
荒崖斷壑藏奇豔積雪凝霜弄早春
香隱寒光連宿霧影涵空水淨飛塵

從來朝市難知己好伴深山古逸民

得得尋香幽谷來每逢泉石更徘徊
一林雪影風吹亂

千點冰痕月照開露浥繁苞凝玉乳
霜封細蕊隱珠胎

任他零落驚春早猶有殘妝襯綠苔

瑤臺曾說植仙根縱落塵凡品自尊瘦
立修篁應有骨

幽同明月尚留痕高吟十日忘饑渴
坐對三更清夢魂

梅柳詩合刻

任是群芳驕艷怡爭喧負暖不堪論

錯怪前人用意深幽姿果是慰閒心
臘殘買屐携琴訪

夜半推窗擁被吟每向山中求好侶
偏於世外見知音

春來誰與消愁緒留得高枝野水陰

不向春光逞麗華冰清霜冷自當衙
柴門流水影偏靜

破寺萌牆枝復斜夢覺轉憐香淡漠
詩成又喜雪交加

深山時有高人訪村落紆迴路恐差

蒼向林泉伴隱淪蕭疏枯寂轉相親
斷崖一樹露香霧

高澗幾枝飛玉鱗似暗還明初得月
將開未吐正含春

精神淡遠名言心清靈輕嵐總是塵

山腰有癖嗜清狂朝朝周旋老是鄉
小酌懷人憐瘦影清齋供佛散天香
昔時孤傲猶難化今日風流詎易忘
莫怨春來有彫謝幾香開落悟行藏

獨涵幽豔畏人知水中山勢景更宜
醉裡逃禪香代酒宵分娛客影催詩
琴書得子韻尤遠城市逢君俗可醫
最是夢回清絕處霜天明淨月如規

偏是高寒得賞音思連宵夢好追尋
酒帘村舍春風早

襖被僧寮夜雪深禪觀誰能消
艷想荊菴我欲隱香林

關心只恐花容老翦燭臨窗夜半吟

寒盡何緣見異姿芳菲簇簇出疏籬
橫斜照水疑霞散

梅柳詩合刻

濃淡施朱畏雨欺西子時生冰玉骨
楊妃醉向雪霜時

莫云桃杏多天怡須讓春先第一枝

眾芳頭上競繁華粉素叢中別作家
疑向霜前翦春勝

翻從雪後散天花騎驢客醉桃源路
放鶴人歸玉洞霞

閨閣寒深繡新樣紅絲捻盡艷尤賒

騷人策蹇漫疑猜豈有繁英冒雪開
似把珊瑚裝玉樹

誰將猩血點珠胎天台劫遜幽香遠
官閣應多艷色堆

莫是花神送殘臘故褰錦幄下瑤臺

葉葉緋英弄早春寒閨驚起惜花人
高枝帶雪嗁紅淚

嫩蕊凝霜點絳脣每欲調朱描影瘦
不須翦綵耐寒新

自從國色魁群艷萬紫千紅莫效顰

花時日日負胡牀布被青鞵特地忙馬上隔溪遙見影
村中貰酒暗聞香高崖得碣疑秦漢古澗留根自晉唐
濃淡烟雲描不得爲君收拾入詩囊

夢到江南第一峰閒雲野鶴伴孤筇山陰雪後舟中見
關隴春先驛裡逢高潔不煩暄日照堅貞寧畏冷霜封
刪枝護萼勤終歲好向花田學老農

孤潔誰能與俗諧寒深風雪繫余懷香連嵐霧迷山麓
影透松筠映水涯美女橫釵妝綠髻幽人選石供清齋
酒爐茶竈都無恙月挂疎枝與更佳

梅柳詩合刻

五

歲暮愁心不可支巡簷索笑待新詞
銀蠟當窻照素姿坐久老人催白髮吟成驪客落雙眉
冰絲絕調誰能和別院空將玉笛吹

瑤壺移種果非差昨夜群仙駐玉車
瘦蝶趁香翻雪瓣
饑禽連葉啄冰花枝橫古澗遮飛瀑影落寒潭漾月華
正是畫師停筆處淡皴明滅半欹斜

朔氣催花正過情春光不意樹頭驚烟姿照水風前冷
雪影搖牕夜半明腸斷人歸期近遠魂消霜落忽陰晴
江南風景知何似夢到家山第幾程

幽暉隱映四山空一片寒光照水東
清曉鶴來孤影外

黃昏人立暗香中新梢高出藥方足老幹半枯花復叢
果是春回貪結子多情寧怨五更風

水竹從來有夙緣疏籬曲折板橋連
高寒愛弄霜中月
淡蕩嘗橫雨後煙得意每當殘雪夜消魂多是小春天
深山歲曆無餘紀報道花開似去年

東風一夜透花關開徧繁枝不可刪
較寒姿惟獨賞
稜稜清節有誰攀高人晤對衣冠古美女維持韻度閒
只恐雪深花信杳先傳春色到前山

蕭然手骨本清臞不借三春綠葉扶
宿蝶有情憐玉葉
寒蜂無賴損香須水光遙映斜方見烟色橫遮近又無

梅柳詩合刻

六

杖屨年來幽興足江村花市儘招呼
何處飛仙弄玉簫傳來花信不知遙
牕前夢到月方吐
枝上春回雪未消千點珠光分露彩
一庭空影映冰綃

誰家高本藏深塢門對橫塘宛轉橋
花時寂寞掩荆關無奈春愁斷
續問竹裏瑤琴知我靜
牕前文石對君閒清貧自是增幽興
煙火安能駐玉顏

似有花神與夢私山牕幽豔忽催詩
修柯既凜堅冰節
嬾蕊轉開龍戰期水影若從燈下見烟姿欲向畫中覓
不知何處翻新曲鐵笛聲中雪滿枝

不知何處翻新曲鐵笛聲中雪滿枝

孤懷木自愛芳晨雪裏殷勤漏早春樹似有心哉此老
花如衣白者山人林泉未熟調羹味巖穴能甘陋巷貧
獨幸塵埃猶不染好留顏色對先民

牡丹空自說花王誰敢衝寒鬪豔陽玉蕊天姿終遜麗
海棠國色正輸香樓頭鐵笛翻紅怨驢背佳詞偏錦囊
深夜月明光燦爛不須燒燭照新妝

秋柳

歲庚辰讀書驥渚之江峯閣閣宏敞可四望前
有高柳數株霏微掩映翠色依人及乎秋深風
霜欲下枝葉漸彫回念春陽可勝淒惻嗟平時

梅柳詩合刻

七

多變易物有榮枯春華方盛芳菲之態堪憐秋
露將零慘淡之容欲絕陽關客舍遊子魂消漢
室離宮佳人腸斷鶯聲既老小蠻之嬌怯難堪
雁影來過阿堵之風流頓盡金殿惟生秋草蛾
眉安得忘情玉關不度春風羌笛何能無怨余
也悲年華之冉冉感弱質之依依爰寫短章用
伸哀思流連多感悲寄託之無端忠孝懷思知
比興之不忘從來宮詞閨怨多託意於佳人棄
友勞臣亦寄情於蕩子詞章無幾或泣或歌物
理雖微可觀可怨淫哇既盡大雅方興無非觸

憇而陳詞敢曰玩物而喪志在昔天桃郁李咸
見採於風謠以至沅芷湘蘭亦不遺於屈宋興
懷既遠故不同於風雲月露之音寄志有章或
稍當於蟋蟀草蟲之詠云爾

何處飛來一片霜秋風昨夜度河陽烟絲幾斷鶯梭巧
露彩空含蝶粉香腰比休文憐瘦影眉從京兆染殘妝
芳菲江浦俱消歇猶把寒姿倚暮航

燕隄春色近如何一夜西風恨轉多細葉難勝秋雨重
柔條幾奈曉霜過徒從漢苑憐青眼不復章臺斂翠蛾
惆悵憑欄談往事百花深處拂清波

梅柳詩合刻

六

灞橋秋色望來深回首長條已暗侵紫燕含情辭故壘
黃鸝無語過前林閨人夢繞樓頭色蕩子魂消笛裏音
最是今宵嫌月白疏枝飄颻不成陰
長門昔日影交加何意嚴霜削翠華秋露已沾南陌葉
春雲曾惹上林花古隄有恨憐荒草野渡無心繞斷葭
最愛前村寥落後寒鴉數點夕陽斜
清霜何事向柔條悞恨芳華一旦消鴉鬢已無前日媚
蛾眉空妬舊時嬌殘陽征雁歸思急古道西風別恨遙
此去不堪重繫馬朝來葉下影蕭蕭
飄蕭一帶舞長空立馬前堤怨曉風眉黛誰憐當日秀

腰肢猶作昔時工樓邊慘淡迷思婦塞外離披送遠鴻
最是羈愁消不盡春來還發館娃宮

剩得輕絲縮雁行羞將倦態倚迴廊烟迷池館懷春雨

月滿簾櫳怯曉霜旅客無心翻舊曲宮娥何意鬪新妝

不知此物關何事每遇秋深更斷腸

秋風颯颯樹頭生少婦懷人夢裏驚葉滿長橋愁滑馬

枝疏別院憶遷鶯月明怕見蕭疏影雨過惟聞斷續聲

寄語殘條深自惜寒冬不復此時榮

寒影霏霏照淺湄清轉怨豔陽時已無嫩葉含烟笑

尙有疏條拂地垂芳草天涯成往事桃花流水寄相思

梅柳詩合刻

九

來年縱使春光早飄落何堪去故枝

兼葭一望共蒼蒼回念春遊事可傷歸雁幾行連影度

流螢數點惹絲長旗亭折盡深秋色砧杵敲殘午夜霜

傳語楚宮休見妬纖腰不復舊時妝

秋光瑟瑟曉窓前葉墮驚鳥拂素絃張緒風流雖頓盡

小蠻嬌怯尙堪憐低徊似欲迎來雁搖曳何能繫去船

客舍一枝青漸減殷勤休唱渭城篇

故園搖落繫秋心幾樹高寒暗夕陰人見封侯鄉夢杳

涼歸小閣露華深長途征馬嘶殘葉古渡昏鴉認舊林

若使何堪今未老應教三疊昔時音

回首春光未可招秋聲幾度暗魂消隋堤夢繞歸帆急

漢苑神傷去國遙夜雨清琴憐別館曉風殘月恨河橋

不知塞外霜飛早多少征夫怨寂寥

鐵馬聲中葉下遲那堪心緒亂遊絲已知黃鳥非吾友

自許寒鴉是我師衰病相憐今日意芳姿重訂隔年期

近來製得清商調翻盡三春折柳枝

盡道君名應列星何期殘葉逐浮萍玉關莫怨春風度

上苑先愁曉露零李固夢驚當日綠韓翃書訊舊時青

陽和肯向清秋轉我欲重修種樹經

故苑芳菲不可窺梨花寒食事難追聲隨鴻雁風中遠

梅柳詩合刻

十

葉並梧桐露下遲彭澤門前傷舊色永和坊裏問新枝

莫云摧折隨秋老依舊長亭縮別離

俯仰無端喚奈何不堪零落影婆娑天文兩宿應虛象

漢苑三眠恐未多別淚聲乾南內雨清霜葉下洞庭波

人情到此都捐棄不似春深載酒過

神傷往事詠新詞剩得柔條付阿誰涼苑蟬聲驚露早

霜天雁影渡江遲芙蓉冷落能相守桃李繁華未敢期

嫩色依然消不盡西風颯颯爾何爲

陽關非復昨來青滿目霜飛酒乍醒瘦葉支烟猶淡蕩

長條戰雨漸飄零青驄嘶亂還堪折畫角吹殘未忍聽

莫向河橋驕綽約年華恐不爲君停

誰憐翠色映青樓不信柔條已報秋葉帶寒蟬霜欲下
絲牽別燕露初收青餘酒幔殊堪戀黃入征衫未解愁
記得東風舊庭院飛花搖曳滿簾鈎

春光駘蕩正難支不道金商氣暗移時不再兮堪自惜
樹猶如此欲何爲榮枯天道知難問冷煖人情未易窺
折得殘條將寄遠西風又向手中吹

西流大火氣蕭然千條萬條失春妍新涼乍生結清露
微風初動拖暝煙寒溪照葉色逾淨霜石倚根情可憐
悲秋何人賦搖落倚杖長嘯青旻天

梅柳詩合刻

三

不禁時序暗相催忽報衡陽雁盡回雖有疏枝籠曲檻
漸看黃葉點莓苔鳥栖正恐流螢照鶯老猶防紫燕猜
白帝徒聞費摧折枝枝依舊抱玄胎

謾道清江舊板橋美人何處可相邀修眉欲寫青先減
衣帶重圍翠暗消幸未折殘留意遠忽因望去寄愁遙
殷勤護得柔條在好向春風舞細腰

春明載筆記同遊駿馬驕嘶過別洲翠色雖因新節換
垂條猶爲故人留涼生午夜聲多露月落寒潭影帶秋
却怪歌樓霜未老不禁搖曳足風流

霜華欲下轉生妍掩映殘陽雨後天盡道柔枝堪棄折

誰云弱質更便娟聲求友和雖無鳥清畏人知幸有蟬
但使遊朋肯乘興臨風何必憶當年

數經風雨半離披轉惜青陽媚怯時燕婉鶯嬌雖可念
金明翠暗恐難持物當既老情將變節近深秋感易悲
莫道嚴霜慣彫落小春猶護向南枝

秋到前溪損暗香絲條隱隱護魚梁聲隨寒蟬啼宵淚
影照芙蓉卸晚妝帶結尙堪承早露肘生猶恐夢驚霜
年年羌笛關山月調變梅花怨更長

江干飄蕩動離愁楓葉蘆花兩岸秋幾點征帆隨影亂
數行栖雁帶雲留天文原自通朱味時令何堪祀暮收
梅柳詩合刻

三

不是籬邊黃菊傲蕭疏風味尙誰攬
綠楊嬈娜依綠浦白露既降色漸殊枯澗斷崖敲老幹
修枝濯月啼寒鳥春日遲遲今往矣雨雪霏霏胡爲乎
含苞且固勿輕發青陽一轉黃金鋪

風驚一葉到牕前玄鳥來歸似舊年別浦依然迷去棹
荒臺何用拂離筵馬聲嘶落千條露帶影飄殘幾樹煙
留得高枝堪贈遠臨歧休把繞朝鞭

飛花飛絮未多時輕煖輕寒不自持露結煙消空有影
鴻來燕去亦何知閨中今夜催佔急塞外明朝望信遲
幸得餘香惹衣帶臨風結佩可相貽

秋聲歷歷過溪灣幾樹蕭森掩故關猶有新芽隨露長
豈徒黃葉任風刪寒鴉歸晚栖難定宿蝶來遲夢未還
最是雨餘時色潤殘陽弄影滿前山

修柯露落曉烏啼剩有遊絲繞故堤千里來賓遲後雁
雙柑何日聽黃鸝王孫歸馬絲難繫蕩婦高樓月易低
何意流風吹斷葉倒隨寒蝶過橋西

欲憑餘蔭護香蘭忽報清陰昨夜殘葉墮始知霜氣重
枝疏不覺雨聲乾勞臣目斷天涯色思婦神傷午夜寒
幸得前溪影未盡風前嫋嫋拂漁竿

細葉蕭蕭下碧流菰蘆叢裏繫扁舟山中桂子勞子念
梅柳詩合刻

江上芙蓉爲雨愁鞭影搖殘孤店月角聲吹徹一天秋
來年紫燕探春早應向枝頭怨不休

青青終日繞吾廬一榻秋風曉夢餘律協清商聲已變
日隱鴉火影偏疏養羞群鳥安巢固还戶寒蟲惜葉除
爲問繁華事好儵然高致孰懷予

春遊曾倚七香車折贈同心事已賒舊苑曾無青舫繫
前村剩有酒旗遮歌樓舞榭懷歸燕錦纜牙檣帶晚鴉
此去陽生殊不遠枝頭蓓蕾吹葭

高樹鶯啼漸自疑蟬蛩新蛻莫來欺騷人曾詠依依色
名土空懷濯濯姿皓月蘋花應共賞西風禾黍漫相期

深閨昨夜樓頭望忙翦寒衣詩所思

高枝未見損輕柔轉向霜天舞不休月淡誰憐清露冷
風疏偏妬曉霜收離宮別館虛前約玉勒金鞭憶舊遊
却怪樓頭橫笛久一聲吹醒楚江秋

梅柳詩合刻

青

雪翁詩集

四明張氏釣園開雕

序

魏白衣先生畊當朱明易姓之際奔走江湖日圖恢復其行誼詳見全謝山撰墳板文及海東逸史慈谿志傳著有息賢堂集十五卷是稟乃得之張冷僧而冷僧得之先生族孫魏仲車友枋蓋傳家之稟也考其自序乃稱雪巖又分卷十四題作雪翁詩集與續甬上耆舊詩所稱慈谿縣志著錄息賢堂集十五卷本皆不同先生手定是集於丁酉而就義在癸卯七年之中續成詩篇不知世間尚有傳本否也壽鏞既獲是稟更假馮孟顛

雪翁詩集序

四明叢書
約圖刊本

藏本參補之仍其名曰雪翁詩集嗚呼慈谿黃伯成玠當元至正閒家燬於兵退隱弁山嘯歌自適今所傳弁山小隱吟錄是也先生築息賢草堂於吳興郡城東南別鮮山之陽為東晉沈楨沈聘避亂棲隱之地與弁山壤相接也乃有草堂而不能保且為怨者所首身死杭州卒不得以隱終其命也夫讀其歲暮遠游與嶠嶠二稚子詩序曰覆巢之下豈有完卵理所宜然陶潛為晉處士恥事二姓屢值凶歲往往乞食潛有五男曾不為怨堪為汝等標格也然則先生固欲學五柳矣世稱閉

門覓句酷嗜李白誠皮相也時與唱和者有若長洲陳三島會稽張近道歸安錢續曾祁五理孫祁六班孫皆一時名宿先生嘗往來澹生堂盡讀其藏書故學益進而詩益工斯歐陽子所謂窮則愈工非詩之能窮人殆窮者而後工歟今距先生之死二百七十年矣迴思康熙癸卯吾鄉人死明難於杭者曰職方楊文琮曰先生明年甲辰曰張蒼水時號三忠獨蒼水之墓歲享其祀職方之葬謝山以為在南屏或曰在孤山先生之葬慈志則為先在南屏改遷靈隱石人峯下而別為傳者則曰封土為牧馬所壞好義者函骨葬之靈隱西之五寺橋大桐隕題曰魏長白山人夫婦之墓是宜合三忠而祀之今訪其墓猶未得也幸得其詩彙斯先生精靈之所寄者矣爰函付梓與弁山小隱吟錄並傳而書其大凡以哀其遇焉民國二十二年十二月後學張壽鏞序

雪翁詩集序

四明叢書
約圖刊本

慈谿縣志本傳

魏畊原名璧○從弟霞撰字楚白甲申後改名畊又名

魁○全祖望奉萬西郭問魏白以世胄少失業學為衣

工於湖州能讀書有富室奇其才客之尋以贅壻隸歸

安籍成諸生○霞傳生萬曆甲寅四月六日年十四母

試邑人周躍雷為歸安尹李長華癸酉鄉試所取士謁

師至署閱卷見先生文拍掌謂李曰此卷宏深撲撲有

古大家風不徒為小試冠也揭案列第一歸安士競以

外籍附李曲全之遂入庠湖入凌某義渠從子也仰其

名妻以女己卯督學許彘試冠軍食餼○祖望國亡

棄去○霞傳甲申之變懸衣冠堂上北面稽首曰予雖

在草莽然稟食膠庠亦君祿也縱不列國難亦當

野身道迹為世外閒人乃挈妻子至蓮花莊更名畊字

野夫別號雪竇居士聖朝定鼎有薦之仕者再拜辭之

所交皆當世豪俠志圖大事與於茗上之役兵敗亡命

江湖妻子滿獄弗恤也久之事解乃與歸安錢繼曾居

茗溪閉戶為詩酷嗜李白○朱彝尊云白衣詩中年專

未見其長洲陳三島尤心契之東歸遊會稽與張近道

止也朱士稚極相得因并交繼曾三島稱莫逆畊又與祁公

子理孫班孫善得盡讀淡生堂藏書詩日益工○霞傳

安錢尚書孫允武山陰朱太保孫明請祁侍御子班孫

秀水朱太傅孫錫曾及長洲陳三島會稽張近道注來

吳越以詩古文相砥礪吳越之士翕然稱之先生學貫

經史詩法漢魏嘗就允武徵古今諸名家詩藁彙選成

帆一時名宿如虞山錢宗伯謙益山左姜侍御垓湖廣

曹翰林允昌姑蘇吳學士偉業並不憚開關持藁乞許

選畊癖於酒邑祁氏兄弟竭力資給之畊至輒為置酒

呼妓而朱張數于左右之○全祖望祁六公子墓碣銘

兄弟與之誓天稱莫逆畊談兵有奇癖非酒

不甘非妓不飲公子兄弟以忠義故曲奉之久之畊道

死士致書鄭成功謂海道甚易南風三日可直抵京口

己亥鄭如其言幾下金陵已而軍退畊遮道留尚書張

煌言請入焦湖以圖再舉復不克○按祖望撰張公神

公入焦湖慈湖義士魏畊遮道說公以為焦湖入冬水

涸不可駐軍而英霍山寨尚多畊皆識其魁請入說之

使迎公乃焚舟登是役也江南半壁震動聞其謀出於

陸語頗異附存之

畊邏者益急繼曾行賄得稍解癸卯有孔孟文者從鄭

軍來有所求於繼曾不贖并怨畊以其蠟書首之畊方

館於祁氏被執至錢塘與繼曾俱不屈死妻子盡歿○

傳康熙壬寅六月朔先生與允武伏法於會城觀巷口

配凌氏聞先生死以髮白經次子疇亦自經長子疇成

尚陽堡○畊有歲暮遠行與嶠嶠二子詩序吾束髮讀

書蒙朝廷恩澤兼祖宗以來世有顯人為清白吏不類

屈節汝母侍吾巾櫛固當同體同心回哀汝等稚小無

知罹此困瘁撫頂摩掌言願弟等語云覆巢之下無完

卵理所自然昔陶潛為晉處上心事二姓值歲班孫亦

雲翁詩集傳

約園刊本

死○霞傳庚子助詣卒先生偕允武自歸安度錢江經
陵視其封畝含殮辛丑二月與班孫錫送葬於大禹
塹哭而去畊死山陰李達楊遷經營其喪坐遣成錢塘
孫治卒購得畊骨葬之南屏○霞傳先生一女適仁仰
生葬先生及子於清波門外西湖之山麓○後改葬靈
按谿上異聞云山陰張彬葬之西湖與此異
隱石人峰下題曰長白山人之墓○霞傳封土為牧馬
之靈隱西之五寺橋大桐陽題
曰慈谿魏長白山人夫婦之墓
鄞人墓在湖上者職方
楊文琮同以是年死次年尚書張煌言亦葬焉時呼曰
三忠之墓畊居君上為晉高士沈禎沈聘故山故有息
賢堂因名其集曰息賢堂集○息賢堂集自序息賢堂
在吳興郡城東南別鮮山

雲翁詩集 傳

約園刊本

之賜子以乙酉居此地考志為晉元帝時沈禎沈聘避
亂棲隱之山前有渡曰息賢蓋二沈名之自寓肥遯而
子既遭亂遂書其額於草堂自予掛株連之禍
草堂轉售他氏甲午春過別鮮間且再易主矣
自言其
前身乃劉楨也
全祖望撰墳坂文○按畊有三月三
日夢前身為劉公幹作七絕一首

自序

崇弘後作詩若干總名之曰息賢堂詩集息賢堂在吳
興郡城東南別鮮山之陽余以乙酉居此考地志為
晉元帝時沈禎沈聘避亂棲隱此山前有渡曰息賢蓋
二沈名此渡以自寓肥遯之意而余既遭亂遂書其額
於草堂生平有所撰述悉以名之而詩其一也數年困
迫飢寒往還吳越六七郡間身無定止往往多道途之
什未嘗一日居息賢且余望株連之禍草堂亦轉售他
氏妻子寄人廊廡甲午春過別鮮問草堂且再易主然
余猶以息賢名集何哉昔漢高祖定鼎關中不忘豐沛
語父老曰吾千秋萬歲後魂魄猶應縈此况艱難數椽
風雨所託能恣然忘情乎屬屢以深山為安飛鳥以茂
林為樂曰息賢蓋余志也今歲丁酉將以詩問世自序
其得名之繇如此至詩之佳惡俟天下後世賢人君子
之論定蘇子瞻曰昔之為文者非能為之為工乃不能
不為之為工也又曰古之聖人有所不能自己而作故
載文至多未嘗敢有作文之意余謂詩亦猶是也苟無
所為而為之雖擬議盡變曲肖曩篇無疾呼痛偽託可

雲翁詩集 自序

約園刊本

笑故余之於詩初無矜飾務達其情凡博奕飲酒朋友
酬酢以至山川風俗城郭之所歷覽遺跡之所辨證雜
然前陳有觸於懷發之詠歎以爲合於作者不能自己
之指此則余之所自道也六月二十六日雪翁自序

雪翁詩集

自序

一

四明叢書
約園刊本

雪翁詩集目錄

- | | |
|-----|--------|
| 卷一 | 五言古 |
| 卷二 | 五言古 |
| 卷三 | 五言古 |
| 卷四 | 七言古 |
| 卷五 | 七言古 |
| 卷六 | 七言古 |
| 卷七 | 五言律 |
| 卷八 | 五言律 |
| 卷九 | 七言律 |
| 卷十 | 七言律 |
| 卷十一 | 五言排律 |
| 卷十二 | 五言絕句 |
| 卷十三 | 七言絕句 |
| 卷十四 | 樂府 |
| 卷十五 | 五言排律補遺 |
| 卷十六 | 附錄上 |
| 卷十七 | 附錄下 |

雪翁詩集

目錄

一

四明叢書
約園刊本

雪翁詩集卷一 五言古

明慈谿魏 畊白衣撰

田園雜詩四首

冲齡慕顏閔四十無所聞撫志感植葵進德忤行雲戚
往既為痛戒來復餘悶空期達者堂著作似獲麟眇默
謝昏墊周覽返吾真交徒散江宇命儔布金園西嶂逼
故晦東嶽爽朝暎偃林媚素蕞濯川玩紫鱗非徒滌輪
鞅寂妙亦以論狂歌直接輿再宿還再信

又

雪翁詩集 五言古

一 四明叢書

約園刊本

羈憂尋屢續積憂如川坻憂歡難並託返齡詎可期萱
蘇稍析煩登躡庶解頤策馬越郊坰鼓柁蕩瀾漪騰波
魚鱗鱗攀條猿淒淒海陸遵未訖勞愛賞已離勤農懷
田畷迴轍觀畚菑起墪疏陳根耘苗戒化茨食場吾何
慕鑿井願無違綠桑翳負郭青暘娛晚時幽抱協清曠
植援爰在茲

又

出城眺西岑躡步凌巖壑飛館抗青冥疏渠鄙白鑿灑
灑循階鳴渙渙瀉雲落密篠迷樵蘇春條榮沃若豈必

麋懸庖何羨玄投閣眷月明孤景惜日凜素託金經樂
我懷丹液腴我澤解帶追上皇外物詎能樂

又

西疇慶高廩蟋蟀休農工天清邱隴曠隈隩亦解蒙皎
潔升霜兔叫嘯戲春鴻覽化妙眾賞釋絆豫微躬登樓
遲佳人臨江望縵幢披蘿若在翳秉簡竟靡從傾崖仰
崢嶸俯潭窺澄洪石垂唐堯隨著搖伏羲叢幽興無與
索陵緬誰為同心契警新悟智開舍舊通欣戚理雙遣
沈冥推無窮

雪翁詩集 五言古

一 四明叢書

約園刊本

靈鷲峰靈隱寺讀書詩

澤雉游山梁豈慕園林棲逍遙雲外鑣鄺闕非所期所
期在嘯曄怡志謝磷緇矧此靈鷲峰靈異夙吾嬉左竦
青蓮宮右瀦璇壁池五色映喬木瑣細羅丹崖投簪仲
春爛愛日孟夏遲微析楞伽奧宏窺墳索奇餘欣攬眾
芳攝生掇玄芝葛仙為我導許公為我師汲泉鍊玉井
引嘯授丹圮濛谷送陰魄海門迎晨曦澄心歸縣解情
愜且猶夷

乙未七月二十六日郡城西蓮花莊寓齋作

蓐收迴金馭祝融火猶燠秋陽鑠肌膚無異炎洲縣裸
躬窄構爐承握疲葵扇孤客痲樊籠游子蹶塗炭矚矚
首邱慕悄悄朋儔眷兩懷俱在纏憂來故無畔蓬頭像
黃霸滯跡似王粲旣思繁子孫復苦營廩膳撫兒嶠與
嶠何時遂婚冠嬌女憐纖縑何時詠鳴雁支離歲易逝
循環情彌縑皇穹數陽和藁籥齊吹萬恭己不忤天赴
物蹈眾善神理當有凝衰榮隨所遣屏氛山澤游戰勝
舒良玩

擬古

雪翁詩集 五言古

三四明叢書
約園刊本

三十染篇翰苦爲儒冠誤四十授素書經略昧世務自
媿筐篋才偃仰就園圃前有濟時客解軫迴中路陳醴
獻葵羹哺用乏良具竦盼激青雲流目哂我度富貴人
所榮道德人所慕君子懼兩端我願守我素

贈錢肅潤

扶桑海水波燭龍光景微蟾魄相淪惑天地紛無禧蒼
梧狩不還烈士志亦危喟然起西游汎舟昆明池黃姑
不駕箱織女縑靡儲陰風晝夜興卉木頓已淒撫躬懷
洛邑頑民良足悲遜匪依巖穴散髮吟郊畿漆身餘隱

痛蹈則陷焱機二心何所愧慷慨欲報誰令名榮丹青
丹青未可嘗商山遺素風終南多佳期深谷路匪遠玉
液可療飢行將憩我轍斯道倘能追

贈李侍御模

白馬望吳門清渠周遠郭山川邈用睽游盼安所託
蝮經長天淫雨灑飛閣河洲鷓鴣鳴芙蓉日零落躑躅
玩薜榮徒倚芳蘼薄緬想東陵翁灌園井自鑿雞跖曾
無慕旨此葵兼藿懷仁有休侍履義諒無惡何懼重陰
密氛稜滿寥廓君子安固窮忠信行蠻貊余也雖不材

雪翁詩集 五言古

四四明叢書
約園刊本

持躬敢匪恪

送胡介

薊門不可行北望使我哀冰雪截馬角狐狸馳蒿萊山
岑造雲起洪流何涸涸猿狖駭崩岸鳴鵲鳴林隈宿莽
塗人腸行路盡徘徊奈何遠游子將赴軒轅臺出門辭
親友顧泣離袖揮觸目見俘虜繫繫隨兜魑何鄉無樂
土跋涉從南來念君此行役冥冥心脾摧

送姜侍御

奉檄辭嚴親佩玉謁承明朋儔遠迨祖謹譁填吳城車

騎四面至逍遙影華纓鳴笳導輕蓋廣樂臨洞庭望舒
次水裔連耀雲間星葭茨隨風靡龍鱗波徐興浚洲矚
別浦宿雁參差鳴丈夫居津要誰不希榮名濯磨玄璆
美庶幾獲我情

贈姚宗典金俊明

矍矍觀時運塵埃扇且浮飛步追逝景青陽安可留大
儒儲德義薄俗積愆尤處世尙明敏礪躬親朋儔不見
鷓鴣鳥睨皖會有求昨譙城西隅慨與數子游我寧無
他寶傾蓋雙綢繆蔦故依松葛藟自榮樛萬物緣天
性竭情詎足憂翩翩相容與偃仰息丹邱所愧乏璜珮
永爲君子投

寄贈陳三島

芝蓋臨東園逍遙散瞻矚寒澗繁雲興涼風起陰谷蜻
蛸扶庭吟哀蟬悲叢木羈客本多愁懷人益淒促嗟君
美才彥沈疴臥蓬屋牽帷對孺人空房秉華燭圖史紛
就陳四顧靡展讀焉得赤石英令君豐肌肉世路若浮
塵時事崇反覆達人信天命養心在寡慾微詞遠莫宣
延頸聊躑躅行當采其蠶陟彼北山麓

雪翁詩集 五言古

五四明叢書

約園刊本

寄訓孟遠

秋颺鳴爽塏宵露承簷滴明星河漢間纍纍如白石嶽
慨懷所歡風義敦在昔握手常相親迢迢今爲客山川
雲霧漫杳杳天無極貧賤傷枯槁富貴豐膏澤嗟彼桑
戶儒甘心不謀食蔡澤西入關何必慕秦德譬玉出荆
山良賈售其值願因北風起厲哉振羽翼

贈陸嘉淑

種豆南山下豈必連陌阡結交四海內豈必盛輶駟丈
夫貴適己汎愛奚取焉昔余鍊玄液抗襟大滌山情盼
如雲合今來期屢愆道遠日月邁苦懷慷慨言路險知
騏驥世僞知聖賢美玖示良工展翫識其然伊余頑魯
質龜勉追不前應門閉重闔明燈曜芸軒新文遙有贈
贈子松柏篇

寄張近道二首

禍亂昔崩虧神鼎以沈淪中州寡安壤江介無逸津汎
泊周八極俯覽蠹茲民蹋之必糜爛擾之則陽春壯志
徒嘈喝猛氣空雷震朔颺零露急涼暑銷火雲梧楸就
林衰衢路揚埃塵吁嗟漆園吏毛褐終其身我欲赴溟

雪翁詩集 五言古

六四明叢書

約園刊本

渤窮源遡崑崙觀彼鵬所化悠悠養靈椿

又

海水怒澎濤猛獸駭其曹撫劍而太息躡步空嗷嗷陰
陽煽靈運忽若隧風飄我聞棘津叟屠釣奮熙朝吐吟
懷王佐厲夜氣蕭條御軒觀景星北辰何其高隆思誰
為馳染翰展鬱陶吳起適大梁商鞅躍秦郊彼皆羈旅
客努竭解所嘲抗顏雲霄間俯仰激長謠

贈朱士稚四首

飄飄蓬科轉汎汎萍葉傾驚颺忽焉急離合諒難并昔

雪翁詩集 五言古

七 四明叢書

約園刊本

我從君役總轡石頭城睽曜帝王都員闕浮秦清鶴鶴
薄雲翔江流皎且澄結交參羣彥華館熺明鑑謹譁騰
逸爵曲度娛悲情故人今已睽迢迢隔紫荆陶陶方仲
夏草木鬱以挺我懷誰為舒瀏覽篇自成

又

端居念在遠故人毒我腸親面未始懼隆思別後長誰
云江介邇咫尺不可方濡毫染彩繪徒倚增迴惶扣舷
出西郭舒嘯適濠梁鱗鯨迴成侶於物躍金塘潭潭水
中坻游戲雙鴛鴦菱芡冒沈浮菡萏流芬芳渠漚互灌

注榆柳夾魚防炎伏雖蘊隆風至自生涼人無延年術
隨時宜樂康鄙願既有涯胡為常惻愴

又

慷慨慕八埏結志凌三湘眷言采蘭茝編輯為我裳翟
公兩走馬屈宋道毀傷二儀迭淪蝕哲人多喪亡攬涕
東門歎霑襟薤露章竄身苟存活與汝共翱翔天地誠
遠廬偷蔭亦非臧黽勉各努力奮迅在陳嘗升沈異塗
轍為德自芬芳

又

雪翁詩集 五言古

八 四明叢書

約園刊本

吾無濟時策整駕歸北山雅懷敦典籍蘊憤託寓言寒
暑雖流易俛仰不徒然談笑欲有酬勞勞阻河關庭榴
下翠鳥林樾映檀欒蕭條委巷中據梧復憑闌據梧詎
云適憑闌匪云懼歌謠代行國慷慨振纓冠矧我蓬蘽
姿所志在苟全

酬贈潘時升

行行棄越土竄身白蘋洲中更嬰禍羅去家日以浮一
蹈頂尾危如鶴傾轅軻翩躚列仙子披被丹霞裘奉錄
文昌殿執籥扶桑邱何意忽來會集靈我庭陬貽我補

腦方情盼渥且周誰謂駒在門相送成遠游今來返故鄉安知歲月道素葉飄西陸明星隱南樓童童渠上柳倏忽鳴春鳩人情窮側左竭誠者無尤辭翰流榮觀束帶敬來訓

寄呈靈巖繼起禪師二首

古城臨洪波朱曦停虞淵俯仰何淹留淹留此山川紛攘感時命汲汲無與歡帶索行且吟肅侶恣游盤東皋巾柴車徘徊隴與阡時苗何或或瓜瓞被原田薰風自南來薄木柯條振蟪蛄紛已夕歸鳥鳴翩翩顧懷中阿

雪翁詩集 五言古

九四明叢書 約園刊本

人巢棲無歲年衣薜披女蘿芝朮以爲餐苾芻滌塵網冥寄寶忘筌身世兩捐棄委運天壤間廓矣返寂寥安測玄中玄庶有鹿門期高崖仰可攀

又

在昔聞庖丁揮戈洞理因輪扁棄糟粕神穎亦靡倫皎皎大比丘冶鑄握洪鈞既非寰中客豈名世外臣靈谿挹丹溜息意玩天真我願游其鄉解駕濯玄津共尋石門道振策高峰顛長嘯巖竇湖逍遙歷荒榛藹藹絳雲卷冉冉白日淪長想攬大象髣髴宛已存浮生須若燧

火流歛然薪詎能乘尸素喪逐野馬塵厲志思所託悠緬希嶙峋懷哉飯至德至德固有鄰

雜詩二首

烽燧舉不息邊城殺氣昏鳴鏑風颼颼雕落如車輪燒我敦煌郡鈔我廣武屯沙鑠蔽漢月陰雲起胡塵斲鏃貫丁寧自卯行及申轉戰七十二執訊還都門士女盈道傍誰知子苦辛

又

愚人寶燕石不知荆璞良下里愛款段寧識代馬疆不逢黃虞世騶虞誠不祥仲尼行適楚七日畏於匡伍胥諫勿聽獨鹿化吳江倚嘯上東門坦步歸高岡

寓懷四首

荆軻俠烈士其意輕燕丹車騎及美女恣取供敖般瑣細豢養具寧足結其歡是非田先生一死要所難烏肯批秦庭慷慨白虹貫臨風坐相激矜氣凌雲漢至今過易水壯髮猶衝冠誰謂非泰山比之飛鴻翰

又

潛穎濯幽厓陽條晞嶙峋物生成有命榮瘁相依因嫫

雪翁詩集 五言古

十四明叢書 約園刊本

毋驕衣錦西施行負薪巢由跼軒冕夔龍困風塵由來
得喪間側足增迷煩彩虹帶清昊華星出浮雲天雞鳴
海滋孔雀飲江濱拂劍歌桂樹逍遙投吾綸

又

淮陰年少中韓信抱奇才泗上風雲起漢王從西來一
言佩黃金搏擊橫埏垓輕賊重瞳君談笑瑯琊臺分明
鼎足資器小無取材終身感衣食竟爲漂母哀何如安
期生焚書怒秦灰挾策不見收吸景空山隈至今千載
還縹緲在蓬萊

雪翁詩集 五言古

十二四明叢書
約園刊本

又

標鹿不可追擊壤安能游福輕洵毛羽禍重積山邱鳳
凰覽德輝何處尋芳洲鷓鴣銜禾葉衛身智已周豈若
荷蕢儕逃之無人幽歲星潛金馬步兵醉糟邱出入塵
鞅中世網誰拘囚

蘭皋集詩

荒塗露晚彫蕭條歲云晏縱橫靡所託婉轉去鄉縣迢
遞結同心契闊相諧譙割鮮膾牛炙臠肉羅豐腆奏樂
雜宮徵羽聲誰不變仰視雕鶴羣乘秋凌雲漢低頭念

游子惻惻中心亂

寄沈士柱二首

縱轡觀廣武豎子成令名烈烈感時運慷慨墮長纓朔
風橫地起猛獸山中行海鶴警秋露蟪蛄連宵征出門
西向笑歸途還涕零終年懷尺帛斗粟常不盈

又

生命不常固天道不常親操刀擬不割無以握絲綸志
士貴決機盈縮在一人何須慕黃唐揖讓相逡巡區區
仁義言豈足束其身

雪翁詩集 五言古

十二四明叢書
約園刊本

擬支遁四月八日讚佛詩

炎精排春飈仲序育朱華世珍青陽際業崇玄會奢大
覺調御師應期乘絳霞神景煥彩庭靈顏一何葩傾柯
芬陀榮白毫感四遐欄楯交珠網凱風奏陵迦紫霞灑
芳津甘露霽瑤沙祥祥升堂肅疊疊欽儀嘉道爲默者
授神爲恭者加恬愉研寂妙夕惕承聖化塵刹攝毳軀
萬劫鍊無邪稽首東旦洲圓光倚委蛇銅池挺玉芝淑
氣相紛拏濯陰汗漫府騰波濟虛查願奉解脫寶六度
拯恩河超拔下務尸游遨覩史陀

擬支遁述懷五首

斂神玩靈府振褐披冲玄
同同幽室中暉暉想層巖
負笈尋妙德共調無爲絃
晨起陟萬塗夕駕周三天
鬱嵯見雲樓排虛臨重淵
傾崖通風霄市地攢嶽蓮
解輪息嗽囂頓策離塵
荃仰嘯若木林俯漱飛蕊
泉至人時往來咄哉皆金
仙煩情隗隗頽大智蕩蕩
存漏盡證泥洹泥洹得自
然翱翔隨宇化竦眄彭殤
間

又

欲駕玄圃北崇阜拂玉清
既汎琳琅谿復陟絳芝城
仰

雪翁詩集 五言古

十三 四明叢書

約園刊本

止懷榮松徧游嚼芳蘅顧
盼出廖廓靈廳乘和征至
樂無橐籥吹萬自然鳴不
覺冲躋怡吐納融煩醒拊
吟太上篇流詠阿含經至
心感大匠令我返黃庭神
條絲絲秀玄根恢恢生薪
窮鏡不滅無得故無傾

又

天地日淪剝嘗聲日侵附
千齡須臾移萬紀如電過
濁途戀榮競濡首蠕蠕地
玉爲塵土幪灼灼永潛翳
林木無終暉繁葩肅秋厲
往者不可追來者猶可冀
騰躍戲玄津皎皎黜凝滯
游神兜率天棲形海嶽際
對虛連肘

化運斤赴容裔沈寥無身
道旦暮庶一遇

又

縱躡驚塵鞅駒趙懸角年
曖昧櫻長羅忽此玄中玄
迴轡攬大道長揖駕紫煙
振嘯雪山頂拍浮崑崙淵
逃名劣巢許戀魄鄙倥佷
曠觀形骸外廣漠樂靜閒
怡盼釋千歎朗煥燭八埏
游悟既高妙擾競總不遷
劫盡天地傾靈局常洞然

又

熒熒夸毘子篤信在煩囂
紛紛苦猶豫冥冥俗慮搖
安

雪翁詩集 五言古

十四 四明叢書

約園刊本

能澄滓穢元氣薄清霄在
昔有化人白馬騰漢朝遺
經變化綱崇規攝形條扶
我寂滅輦導歸鄰虛舉仰
望升堂賢沐浴警三焦進
卽玄珠獲退必無纖毫保
則神充實替則行尸勞

游仙三首

九陽耀閭闔玄螭鼓洪鈞
協風扇太虛順氣翔天垠
馮夷游大川上元襲崑崙
真人得靈寶上揖東林君
擲神煥霞邑晞髮天河津
仙伯皆蒼牙與我笑齟齬
鳳腦剖良宵瓊腴漱清晨
奏璇閣霄闕嗽嘈溥星辰
世間啁啾

聲瑯細安得陳

又

太和鍊我氣金液鍊我形朝登真人錄暮游白玉京唱
導萬靈上舉體雲霞輕駕驂麟洲鶴飛集赤縣城金銀
如嶽積爛燄相拄撐野馬逐醯雞前感續後生奔競百
年內坐地割奇齡誰能要丹訣啟悟求良朋至心澄寶
訓邁俗栖巖扃

又

璀璨望舒宮中有玉蕊淵左注桑林井右繞紫桂壇雲

雪翁詩集 五言古

十五 四明叢書
約園刊本

闕自然構我我擁真官素女鍊神藥願免擣靈丸俯矚
地仙輩一似鯨與鱣寄遊隨頽波永劫不得旋至道豈
難尋所貴在存玄振衣從我游逍遙排芝田

初住茗谿與鄰叟山行過張醇別廬置酒

茗谿勝剡谿鳥鳴春復幽草生明月映花滿銅峴洲相
攜鹿門侶結廬臥崑邱清晨出門行卻披紫綺裘杖者
四五人與我同遨遊遂酌張野叟登其上樓天日雲
外秀笠澤天邊流暮雨向之來窗竹颯鳴秋頽然不知
返行樂何悠悠

歲暮遠游與嶠嶠二稚子 有序

吾束髮讀書蒙朝廷恩澤兼祖宗以還世有顯人爲
清白吏不願屈跡虜庭自甘窮餓汝母生於富族亦
粗知大義既侍吾巾櫛固當龜勉同心但哀汝等稚
小無知罹此困瘁撫頂摩娑言願涕零語云覆巢之
下豈有完卵理所自然夫何足怪昔陶潛系出長沙
爲晉處士恥事二姓屢值凶歲往往乞食潛有五男
曾不以爲怨堪爲汝等標格也歲暮冰雪吾將行矣
繫惟二兒勉焉

雪翁詩集 五言古

十六 四明叢書
約園刊本

遙聞廬嶽秀欲臥香鑪頂瀑布落九天巖樹啼猿冷道
遙叩東林耽玄冀深省將發蒲帆塘僕夫駕已整出門
復入門行止戀俄頃紅日銜海山白雲生湖嶺把袂佇
西風珠淚雙雙迸

湘湖游眺

渺然湘湖裏西望富春山雲景鮮且秀彩翠雙眉彎迴
潭下石壁層谿接潯浚村村攢雲樹處處眠白鷗遙見
隱居者臨流采芳蘭願言邀丹術餘光駐頽顏谷口弄
明月棹歌不能還

泛舟從山陰抵曹娥百四十里山水作

觀壽樟亭北挂席禹穴還歷歷當清秋一一似三山恍
惚駕巨鼇突到蓬池間官殿三千所璀璨都可觀游行
多玉女折花調笑顏峰明白雲靜水闊鴻飛閑窮源覽
眾化擁楫溯迴瀾清暉娛幽寂佳趣落天關狂歌歸去
來誰能憶長安

游天竺寺寄會稽姜廷梧

昔聞天竺寺夢想瓊瑰厓上攢青青林下垂紅蘭花由
來無人往勝蹟徧磨屨三栢興忽發揮手登雲車獨往

雪翁詩集 五言古

七 四明叢書

約園刊本

始為遂昇頂弄煙霞俯窺葛洪井至今流丹砂仙真鍊
玉液黃姑摘瓠瓜敷玩多妙理味者自紛葩寄懷剡溪
子何時乘海槎共修羽化術干春道非除臥聽天雞鳴
相將攬日華

金陵沂流過白壁山翫月補

我愛金陵江瑟瑟明水玉况沂白壁岸秋月清可掬銀
河掛碧峰搖波蕩層綠照見牛渚磯不用然犀燭客吟
山鷓鴣疏籟振林木長川寫幽懷何殊淥水曲釀酒芙
蓉深斂袂露華溥留懽待天曙且莫悵行役

送祁班孫過蕭山問徐芳聲李文達二子補

昔聞許玄度歎息蕭然山至今滿城郭蒼蒼白雲寒今
君採菖蒲如到九疑間落帆固陵渡明月照潺湲

又補

蕭山有隱士築室蕭山巔門覆惠連櫟井開靈運蓮此
中多佳趣獨往誠高賢倘君灑飛翰一枉霞上篇

天門山浮舟望金陵補

朝辭茱萸浦暮登天門山天門三千丈杳在白雲間白
雲望無極茫茫江水碧江是錦江來向餘濯錦色擁棹

雪翁詩集 五言古

十八 四明叢書

約園刊本

溯江流逶迤眺石頭日落鳳凰臺縹緲鳩鵲樓雪明雉
堞絢蕙芳渚激幽還隨鷗鷺轉清楓正修修獨酌對兩
峰海月生孤洲緬懷古賢哲耿耿使我憂

贈吳生

羅含記瀟湘遂客巴陵州子山賦枯樹亦向關中游從
來賢達士何曾戀首邱延陵貴公子被服貂鼠裘結交
皆豪傑恥為兒女謀南海出珊瑚若耶練純鉤珊瑚廟
廊重純鉤龍用優黃金散還合窮途安可愁投詩貽燕
甸縱酒晤蘋洲攜手一相豁笑上芙蓉樓

雪翁詩集卷二 五言古

明慈谿魏 畊白衣撰

短歌行

蟾蜍虧陽精浮光一回促我願游扶桑解帶挂若木飄
飄魏元君相遇白雲中雙手弄流電鞭海起蒼龍回頭
顧我笑婀娜開心胸神飈催鳳駕導從還玉宮頃刻霞
路滅躊躇恨煙虹歸來還對酒撫景鳴絲桐

宿梅市祁氏別業醉後就枕忽夢游天童謁山翁

和尙并終朗楚莫兩師因風有寄

雪翁詩集 五言古

一四明叢書
約園刊本

浮舟訪梅生還宿梅生宅玉井菖蒲叢映階搖碧色溪
禽繞棟飛萬山日醉夕酌酒遂陶然高臥北窗北薰風
拂綺琴涼月流枕席忽夢天童寺因游太白峰樓橫雁
蕩雲門對阿育松下有金仙子曼笑相從容我戴華陽
巾趨謁蕊珠宮攀崖竹篠密穿林花氣濃昨來雷雨過
流水尚淙淙寐起失所往故境猶臃臃何當攜謝屐星
聞南鳴鐘

早過相城因懷姚少師廣孝

海門日未出天雞三四鳴浮舟下姑熟歷歷猶明星豈

雪翁詩集卷一 五言古

雪翁詩集 五言古

十九四明叢書
約園刊本

爲尚書顧官冥向東行碧草搖湖光曉色涵空青雲開
相城野處處荷花生扣舷謠美人風至有餘清因懷一
匡業慷慨振長纓少師不可再醞酒還自傾

鏡湖二首

言尋麻峴溪還訪樂潭來沿溯至鑑湖百里澄流開遙
岸秀喬木翳歷映雲隈帆迎樵風轉趣繞明霞迴鷺鷥
隨人飛皋隴起雉媒維舟望前林欲上越上臺月吐海
雲端對月清徘徊結桂思韓終折麻想方回空山徒延
竚猿狖增悲哀

雪翁詩集 五言古

一四明叢書

約園刊本

又

夙昔愛鏡湖欲買賀公宅敕賜臺沼榮丹井有遺跡想
見解金龜青蓮呼狂客今我仲夏來菡萏滿湖碧雨散
千峰明蕩艦恣所適傾壺就淺沙題詩掃白石嫋嫋披
雲蘿陶然日已夕何必游金華騎羊赤城側

仲夏月湖館思雙髻語風院舊游

至心思餐霞遨遊千餘年未得王母驕時邀羽人憐歸
來月湖館跂腳北窗眠蟬鳴梧樹枝流響和哀絃涓涓
俯清波我我憶高山突兀雙髻峰何異浮羅巔迴溪注

白雪沓嶂橫青天我行自春暮桃花正欲然密篠無行
徑飛夢有黃緣星星聞鐘聲遠出杳靄間策杖凌石室
曇摩相追攀美此高蹈意夙昔羨獨全願效謝客兒再
植秋池蓮

與祁五兄弟泛鏡湖

鏡湖明綠水通塘羞見之白沙傲霜雪皎潔映鷺鷥草
木攬靈秀崿嶂眺屢奇予未值五月興趣正愁絕荷花
搖兩岸蕩漾繞雲物湖自賀監清興是二祁發登臨澹
忘懷蒼茫送落日惜無王子喬控鶴下絳霄雙雙垂素
足相與吹洞簫棹月且歸去還過南渡橋明發上華頂
試覽赤城標

雪翁詩集 五言古

二四明叢書

約園刊本

贈李翰林長發

苦縣有李耳騎牛出函關空餘五千字能開天地顏君
是玄元後清詞超煙靄然諾羅英俊吐哺不及餐落魄
游吳楚木脫江上寒而我玉清謫飄飄鬢已斑願爲安
期生長嘯浮雲端忽然白日沈天關不可攀高談若粲
花時俗非所賢仲冬錢塘門踏雪鞍馬還含笑攜素手
壚頭盡醉歡華燭儼相對歌鐘星漏殘明發別君去把

釣滄浪間

還別鮮山寄馮徵君元仲

引領青山歸白鳥飛還滅抱琴松下彈寒露溼秋月我
來幾何時停舟已昨日孤懷清有餘發興事非一陟磴
攀桂枝傍崖采藜菊曠懷起長嘯徒侶趣奔悅緬懷赤
城駕冥心坐超越窈窕望東瀛石華未可掇

靈巖四首

吳中有仙山可望不可攀皚皚石如玉何謝麻姑壇我
夢登其峰舉手明月間瓠瓜若可摘恍惚越九關露下

雪翁詩集 五言古

四四明叢書 約園刊本

天始秋羈客適見還湖波蕩霞流花雨從風殘碧空送
歸雁嘹唳沒雲端故鄉腸斷處落日正西看

又

岩巖青蓮宮獨往謝城闕翠微橫鳥道靜城人煙絕凌
夜登琴臺曠懷攬孤月澄湖眼前流洞庭皎若雪側聞
天樂來嘈嘈碧雲發天香清人襟湛然生禪悅終當事
瞿曇宴坐消永劫

又

洞庭秋雨來澗花鮮且香長老清磬罷談笑聊徜徉遠

岫霽在眼碧天浮遙光彩雲鷗外飛水色疑瀟湘澹泊
寫我懷真寄皎空王深院閉修竹脫屣上胡牀蕭條理
章句幽趣一何長

又

雲生有起滅我心本湛然會得粲可趣屢泊雲窗眠夙
具栖山志江海不及宣今遂捫蘿好樵牧開山田因之
桃花飛坐汎湖中船戚戚念故侶悠悠懷前賢極浦搖
煙月鸞鶴情邈緜絲拂衣歌歸去書此霞上篇

贈劉雲

雪翁詩集 五言古

五四四明叢書 約園刊本

劉生曠世才邁往足驅馳經義疏春秋文章擬楚辭末
俗輕風雅多為行路嗤早聞宣城居浩吟謝朓詩門羅
敬亭秋松月步遲遲高興歷天竺雲帆無還期我固紫
煙客野鶴任所之昨來櫻梅候今已鴻雁時霜凝金井
上葉落梧桐枝且典鷓鴣裘旅館慰相思終當發剡中
言訪洗屐池

登吳山望浙江懷古贈董以寧

岩岩吳山頂登樓觀浙江驚濤雪山來拂面若飛霜游
子天地間壯懷迴景光俯仰託末俗體骨多摧殘邁往

激清風攬袂送斜陽茫然巨鼈沒歸鴻溥天翔在昔聞
嬴政好奇心飛揚日觀回駿足浮舟下錢唐欲采蓬萊
藥飄搖達帝鄉射波魚眼紅沈璧海水蒼我曹今何似
窮轍哀伴狂渭川不可渡襄野亦已荒但慕白雲篇瑤
瑟彈扶桑

酬張杉

飄飄天地間逸若洞庭波寒蟬與落葉其奈秋風何拂
劍事遠游舉手謝雲蘿駿馬龍文脊蹠躩渡黃河雞鳴
近皇州垂柳鬱婆娑結交皆豪俊珊珊佩玉珂錦衣賜
顏色進酒命雙娥一朝倏見遺山上颺吹過功名不自
立寵顧豈足多桃李失陽春年貌已蹉跎何如鍊內景
羽翼升大羅

宿天台桐柏觀寄雲靈先生姚尚靖

晚投桐柏觀已流赤城月羽人邀我游披襟采爽悅迴
廊掃松梢石鼎茗可啜清風至徐徐陰蟲聲切切彈罷
蘇門琴孤懷轉幽絕登嶺豁長嘯觀崖驚飛雪天雞鳴
海岸紛吾復東出霜露野中飯黃精會當掇曉夕望洞
庭雲濤遠明滅

雪翁詩集 五言古

六 四明叢書
約園刊本

酬蕭台州亮

勾漏有丹砂葛洪拂衣行金瀨嗽乳液倏忽羽翼生碧
霄十二樓迢迢臨玉京攜宅來此處下視惟青冥蕭公
神仙吏剖竹台州城五日獄訟決十日風化清拄笏看
西山爽秀不可名一朝世事殊落魄浮東瀛蕩波鷗鷺
沒倒景雲霞明握手浙江頭盈盈兩含情笑上酒樓去
呼妓彈鳴箏濁醪可以飲安問醒復醒

秋夕飲越城沈九胤范最高樓留別

休文耽逸調獨坐嘯南州宅近范蠡城中最高樓環
嶺入遙澗平楚散良疇昨者月華好邀我樓上游酣歌
竹枝響揮杯天河流竟夕露氣清何異雲林幽終當下
茗水挂席峴山秋踟躕不忍別秉燭仍夷猶

中秋藏書樓置酒對月醉後示祁五

皎若盤龍鏡碧若瑪瑙杯欲邀此月光舞蹴起徘徊况
登高樓上置酒涼風來銀箏彈急絲玉笛橫落梅四座
飛觥籌妙曲還相催醉罷酬清論揮塵大言開君看我
豪邁何如袁宏才飄飄牛渚詠緬懷鳳臺豈必庾元
亮乘月朗嘯迴我願駕烏鵲濯足天河隈

雪翁詩集 五言古

七 四明叢書
約園刊本

剡溪招朱驊元作

行徧女貞林徒羨長溪碧豈無黃精草遠贈紫煙客
伐木登鵝峰弄琴潭水側藤花落紛紛磻戶幽且寂何時
一瓢酒與君永晨夕興來摩崖還留此綠苔跡

梅市送愚庵和尚還橫山集福寺呈西遜先生祁

超

昨經龐老宅飯僧供紺蓮吾師雖沙門能為儒者言脫
略時世拘貴愛魯仲連側聞橫山頂精舍在其間翠微
藹沈沈遠嶺秀絲絲榜簷有石洞如雪鍾乳懸陰風晝

雲翁詩集 五言古

八四明叢書
約園刊本

常集涉暑可以眠扁舟今歸去拾月遡前川白雲若有
贈遙望虎溪煙

秋日登下山玉樓峰後寄剡中周三懋宜作

清秋昨登臨卻愛玉樓好澗中石磊磊而無行車道
簷色起澄湖涼風發長嘯若非弄白雲何由見幽操歸來
閉荆關焚香事灑掃日夕懷山川煙霞興浩浩引領望
飛鴻攜誰訪海嶠惟有剡中人鳴琴可同調

與朱四角調過瓜渚湖作

鏡湖若耶東澹澹生菱芰我是洞庭來已窮水鄉趣所

未涉此湖擁楫故難去鷗鷺乘匹飛時鸞四峰翥越女
嬌沈紗解佩玉珂處白雲卷還滅青山晦復曙何當邀
祁六載酒共游豫

紫芝軒對雨書懷示祁五

谿邊娑羅樹角巾散行樂歸來奏薰風祁五有雅酌飛
雨從西山荷氣涼滿閣雖無雲門深居然已邱壑紫鷲
翳鳴蟬白石下秋鶴解帶滌煩襟中懷祛忙惡曾齊物
論妙世喧煩脫落明日飯僧去更著阮公屨請君愛沈
冥勿疑吾寥廓

雲翁詩集 五言古

九四明叢書
約園刊本

憶息賢草堂作

秦望白雲裏卻憶別鮮山草堂在其下秋風吹未還松
露彈弦響草蟲鳴發寒遙憐稚子弱竚立候頽顏惆悵
無心月柴門不能關

宿桐廬江寄顧二處士有孝

連潮江愈寒知宿天邊驛月出桐廬尖照見未歸客風
傳城漏疏巖挂栖猿白俄然愁滄波佇想飛鴻翼

南軒述懷

山鵠下梧桐涼風吹白谷去來候沙門玄言景芳躅雲

窗屢不關軒堂做林木石壁汲暗泉厲夜然楚竹巖中
歲月疏羈此趣頗足遙憶湘夫人愁見江草綠感懷鳴
玉徽長歌采薇曲海月吐半規徒然照幽獨

旅堂秋暝待朱士稚不至

荷枯池雨漫螢翳秋草深長風吹日暝雲物罷登臨汲
泉寒山裏待月玉堂陰漸聞暮聲息遙送風中琴寂寥
懷梅尉荒途有知音紛吾邀鳴佩隔此天姥岑滋露溼
修袂躊躇望竹林如何贈雙鯉去去紫解沈

茗南秋日齋中讀書寄嘉禾朱十彝尊

雲翁詩集 五言古

十四明叢書
約園刊本

澄湖晦煙霜橘柚森晚照彩翠紛吾前臨風忽獨笑遂
校石渠書而愛太上道雖與賢聖殊精微羅至要恨無
終南隱迴爐證其奧悄憶蘆中吟飛鶴遠相召昨聞勾
漏回應識丹砂妙山中倘見遺爲君泥丹竈

日夕山中忽然有懷山陰道士徐真誠

恥爲章句儕不喜弄文翰沈冥土室中抱膝怡水觀鴻
雁鳴秋節始知韶華晏返照翻欒林飛簾滿蔥蒨散行
著葛巾山梁有餘玩暝還竹樓宿徑轉松雲斷忽憶籠
鵝客遠隔山陰縣朗吟步虛辭欲贈謝公扇興來擬登

臚恐值剡溪霰

南樓雨中望鑑湖作

蒼茫寒雨晦何處散愁疾况我離故園已是清秋日登
樓望鑑湖臨風陶佳節翻翻水鳥飛時時遠嶠滅雖有
芙蓉花妍姿爲誰悅渺聞漁子歸浩歌弄舟楫滄洲倘
見招持尊候蘿月

越中羣公宴別

余欲訪紫陽將爲赤城游是時七月中風物方驚秋羣
公相祖餞乃在葢山頭哀管間急羽妙舞迭清謳不知

雲翁詩集 五言古

十四明叢書
約園刊本

王逸少蘭亭得比不酌罷上馬去夕陽忽西流翹首望
南雲飛鴻起滄洲

題葢山戒珠寺

五游苦竹郡葢嶺曾未登昔聞王右軍於此關檐楹一
朝化精藍千祀胎佳名我興去秋發魯酒今誰傾況有
籠鵝癖寄懷在黃庭羽人太白來一笑還相迎苔深指
石牀廊迴歷雲屏紛吾感逸氣攀踐趣愈生偃蹇倚桂
枝眺聽臍體輕鏡湖杯中碧秦望肘底青煙暝策歸騎
烏噪夕陽城

酬姜十七廷梧送歸苕溪之作

公子餐霞客每泛桃花津家住漁浦口喜與幽人親秋
風昨夜起絲管橫相陳殷勤酌我酒送歸苕溪濱苕溪
在何處一望迷煙雲遙遙挂帆席幾日到柴門童子掃
竹候田父荷蓀詢芋羹飯香稻蔬盤薦紫鱗小隱諒如
此為歡未可論感君滄洲言無由贈采蘋還將別時意
再拜書之紳

八月十三日晚同西遜先生祁超及諸阮汎鏡湖

登彤山亭子

雪翁詩集 五言古

十二四明叢書
約園刊本

叢叢蔓紫葛搖漾寒溪流日日把道書高臥不梳頭閒
卻一雙屐未解彤山幽晚來雨新霽先生攜我游水檻
傍澄碧停楫在沙洲數鱗潭上酌望嶠松下休憶昨泛
湖役無如今年秋夕陽逗浦月歸途興悠悠迴看嵐彩
飛還上西南樓

游半月泉館蘇玉局題壁

常把月泉吟遙愛山泉冽垂葛纜扁舟始識泉如月持
杯一飲之五內金沙發一飲肌體輕再飲毛羽潔三飲
朝玉京仙真導鸞節如何春草生長與名藍別昔聞刺

史賢政成休沐出往往登嶺頭白雲自怡悅我今摩崖
還苔深銘字闕詎若墮淚碑湘江久磨滅

七里瀨作

澄江碧若凝寒山與之一回矚來時嶺已見彩虹滅
晶望何歸澹澹坐起忽緬懷披裘翁乘槎釣明月中流
指雙臺高風逸未歇雨洗楓林清猿嘯鳥藤絕日暝迴
我艦鐘落遙天末

題洞庭山

家住雪溪口遙望洞庭山嘗見碧雲起雨色飛人間悠

雪翁詩集 五言古

十三四明叢書
約園刊本

悠借漁父夙昔之霞關挂席愛曉日迴洲羨白鷗滄波
幾迴涉乃登明月灣漸聞雞犬喧松竹幽且閒愧我非
園綺無由巢阿端鐘聲援蘿去桃花藉草斑探討與何
已十日不言還

耶溪還舟

解纜耶溪上俄逢桃花林不知從此去白雲幾許深丁
丁聞寒溜層層隔遙岑歸家月正好孤坐擁瑤琴彈入
松風裏猶然山水音

秋日述懷

借問八荒間何以固吾寶綠綉惜秋暉無過田園好昔
人北窗眠坦腹攜幽抱珪組豈不懷壯年曾聞道偃蹇
臥煙蘿植援事黎棗帶索散垂腰芳醕每自倒向來多
暇日尙欲恣遐眺玩月愛赤城濯足思蓬島寄言同心
者領意在天表

宿揚子津寄宣城劉雲

想君吟詠佳灑落敬亭雲繁余客揚子清興逸未聞鼓
琴濼中流望望日已曛寒鴻自嘹唳衝霞不及羣勞佇
悲獨酌鄉心越江濱夢搖清溪月潭島花紛紛

雪翁詩集

五言古

十四四明叢書

約園刊本

晚泊蘭谿

薄暮因旅游蹇有煙景憩了了見金華歷歷明遠霽灘
聲聒已寒江縣殊迢遞華星雲間曙遙岸蘿門閉參差
何人吹淒清一以厲擁幟漫徘徊不覺愁思至官燭邀
僧話還宿天華寺

清秋金吾朱公兆憲邀同諸君攜酒龜山觀海

昔覽山海圖已識山海好左盼凌崑崙右顧窮蓬島今
茲戊戌秋而來恣遐討同趣四五輩攝屐龜山曉白鳥
飛不下黃花吹嫋嫋相望欲乘流沿河溯浩淼崩騰潮

始來轉覺天地小畢景神彌清扶醉心愈皎迅風聞樵
唱款憶長者道何當逢月滿復俯眾松杪

晚秋滯山陰與朱四祁六二生

世網多拘檢此心澹無涯霜吹葛屨輕仍汎貫月槎貫
月徑窈窕意得興轉加遂有鵝鼻游沿流溯若耶傍潭
暗竹篠幽嶼明灘沙鐘傳何處寺縹緲隔絳霞人生百
年間在苒摧光華况泛濟時用羨此山水遐疏逢習鑿
齒風流得孟嘉吾欲依二子白雲以爲家

宿千松禪院待錢大纘曾不至

雪翁詩集

五言古

十五四明叢書

約園刊本

好雨何處來灑灑葉上涼俄然紫閣霽羣壑迴清暘喧
寂兩谿如幾几隱鑪香飲虹捲瀑落飛燕拂雲翔趣滿
雁子堂逸興爲誰長息居心已悅慕道機則忘閒階宿
松桂俯澗媚菰蔣引領意婀娜臨風曳明璫佳期桃林
岸孤帆悵蒼茫空餘東嶺月蘿壁搖寒光

曉發采石懷李白

楓生浦淑暗楓落客子憂挂席聞雞唱迎旭見霞流氣
象迴然爽迴望西嶺幽蒼翠弄無已翻飛下白鷗采采
擘芙蓉何處是芳洲朗吟謫仙句欲與天上游天上不

可見雲關增我愁，還乘大江月，嘯登黃鶴樓。

趙翰宅聞琴卻贈

雨霽春江綠，搖鞭玩芳菲。昨者趙翰宅，何人彈玉徽。曠聞伯牙心，耿耿如可依。賞酌不言醉，流盼送清輝。桃花發湖浦，白鶴西山飛。

汎太湖泊銷夏灣曉行有懷

持竿何嫋嫋，嫋嫋下洞庭。舉酒醉夕陽，孤霞繼明星。曠然煙波上了見，遠峰青。緬思美無度，縹緲越燕城。別浦桃花宿春風，沙鳥鳴曉夢。東山人悠悠，著屐行。

雪翁詩集 五言古

十六 四明叢書 約園刊本

雲門尋雪厂上座

古之寶掌寺，幽幽雲門中。尋游不道遠，溯從指飛鴻。陟巘識巢居，飲澗窺蝶螭。樵夫引歸路，乃至青蓮宮。微言有冥契，宛見君子風。如何笑別處，日出東林東。

九月浦陽江聞蜀人楊太常能彈琴客淮南作西

方風木二操遙有此贈

鴻飛江上洲，渺然秋意長。雲木鏡中落，浩浩流煙霜。孰是峨嵋客，玩此淮南芳。天邊遙有憶，孤舟繫夕陽。猿猱晚驚嘯，橘柚寒青蒼。獨酌板橋下，微吟多勞傷。

爛柯山卽事寄烏程沈四充煒

歡言酌酒時，渺渺隔雲闕。豈無潮可乘，翫此江上月。金橘攸流霜，陰崖驚栖鶻。離思東南飛，蒼然滿吳越。

重過雙髻峰蘭若懷□□□

白雲在南山，攬之無由得。輕舉今再停，密筇蔭猶黑。仰窺巖上溜，臨軒灑何極。暗葉眠麝香，陽葩耀丹棘。畢竟漾春愁，揮塵有初憶。終念古先生，留此煙霞宅。

君山望江懷族弟允柎臥疾

獨酌青山上，忽念贈珠人。抱疾空房裏，臥送桃花春。昨寄一封書，猶聞滯關津。江清波若鷗，天迴樹疑雲。海日廣陵遠，何處望夫君。

雪翁詩集 五言古

十七 四明叢書 約園刊本

和祁六泛舟問田家作

稔聞操雅興，清晨起櫓沐。往往越鏡湖，愛向白雲宿。有時或捨櫓，遙望中田屋。茅茨吹寒犬，煙虹散翠竹。蕺甌進薯蕷，漁尊泛醞醑。日見桃源人，長年意彌足。余亦幼安流，每夢苕溪綠。行當挂篷還，醉倒東籬菊。

杪秋戲柬祁五

秋風客未歸，籬菊已堪把。昨日傾玉壺，醉後還騎馬。問

君能再邀試掃竹林下

聽美人彈琵琶

美人玉指寒雲和聲未歇一曲春風生園林花盡發分
明苧蘿溪猶見吳宮月

憶何山寄元禪師

醉臥雲門月何山隔暮暝猿嘯巖花落谿流寒不聞想
見參寥子時時弄白雲

舟行

淪老客煙波孤帆洞庭水霜花明驛樓珠女游江汜夜

雪翁詩集 五言古

十八 四明叢書

約園刊本

行楚雲間光景兩奇美月寒吐巴山秋猿嘯未已夜夜
夢還家枕上數千里披衣拂綠琴沉湘清風起

三妙軒酬王二嗣槐

疏雨鳴碧瓦晨氣靄青蒼山中洗耳翁吟興一何長庭
槐無繫馬脫帽憑隱囊逍遙注纜畢華嚴疏復詳還愛
蘇玉局意得自相羊挂瓢吹漑漑不覺對斜陽鷓鴣下
衣桁松花落筆牀翹首薊門客流翰飛清光欲報瑤華
嬾三閱春郊芳

宿州山吳二卿禎宅卻贈

薄霽開華林須臾返照紫臨流明濯足隱者自為美翠
嶺寒禽喧蕪階霜葉委憶昨別來久君懷尚如此汎菊
盈佳興羅尊甘且旨歡謔滌塵襟笑言殊未已悠悠曠
頂期望望白雲裏獨有煙波客日夕渡江水

雪翁詩集 五言古

十九 四明叢書

約園刊本

雪翁詩集卷二 五言古

雪翁詩集卷二 五言古

明慈谿魏 畊白衣撰

同吳五邦璋及其令阮卿禎懿禎游王右軍所題

鷲峰寺 崖有老梅
晉時植

石橋散行藥高柳白鷺翔風送木客吟始見鷲嶺陽霜
橘垂秋金疊水鳴琳琅寒林煙剝出舊題開陰廊緬懷
蘭亭客永日憩竹房緣崖探昔梅預想清春芳深公待
茶椀三笑虎谿長

南谿還遲朗軒讀蔡五十一仲光詩集因寄蕭然

雪翁詩集 五言古

一四明叢書
約園刊本

隱居

魚鳴綠萍響青青蘭葉渡遙聞黃鳥啼芊茸隔煙樹倒
載笭筍歸垞口日云暮五柳掃徑幽兩兒供孺慕坐敞
遲朗軒讀我中郎句此事十載還風流見豪素蕭條北
幹園因憶始相遇頻年客洞庭不獲元歎顧待月吐芳
洲閒居聊自賦

酬兀庵長老謝爛柯江石之作

稽首皈大鑿贈之五色石蕭然玉局風應笑雲門客憶
我游爛柯秋空映寒碧江水清且瀾飛鳴朝復夕青山

望不歸翫弄沙洲側今茲竹窗間磔椀承瑤席焚香雙
鶴步窺巖落花積倘君時見思谿流長可滌

陪兀庵和尚上虎巖禮塔憩宜晚亭觀銀海有述

偶與雲霞親穿林迎旭日春風復關情令我見珠闕珠
闕渺何許二漾迴如一龍圖寶鏡開金波瑤池出髣髴
下湘君風雨聞靈瑟飄飄天響來蕭蕭松籟逸灑掃浮
圖還傍窺洞門畢明發回馬首恂恂恨猶失

雜詩

道逢扶桑君雲車下冉冉貽之青藍花贈我玉椀欖相

雪翁詩集 五言古

一四明叢書
約園刊本

攜過南園靈光不能掩夜坐明月軒金池發齒蓄官奴
抱琴來朱絃映竹簟彈成太古音其味一何淡矯矯西
山鶴飛鳴動遐感

戊戌除歲高齋迴臘有懷玉林大師

嶽歸倦游旅海還釋行查值茲歲又除荒隅集幽遐冰
池響連璧風枝濛日華眺聽出高齋蒼苔碁屨斜遙見
碧山岑驚鴻帶晚霞綠蟻方持滿蘭釭薦已賒飲光渺
何在積念增紛葩亮未緇素衣豈復慕京華坐憶高人
踪無由寄折麻秉燭愁至曙鳴梢去城鴉

憶別

櫻梅啼黃鳥蘭若搖芳洲
踟躕上陽日思君千里游
萋萋欲碧曖曖露已秋
是非感恨情安知送餘憂
早聞君闈婦三五月滿樓
彈箏惜指寒滅燭窺螢流
愛而望不見飛鴻憶邊州
邊州若可到為君寫悠悠
悠悠鳴塞馬萬里黃雲愁

答祁六班孫聞予留滯蕭然以詩寄怨之作

田田蓮葉暮嫋嫋涼風生
白露尙未晞鴻雁江州鳴
抱琴北幹園挾彈文通城
桂楫不可渡寸心愁已盈
寸心

雪翁詩集 五言古

二二四明叢書 約園刊本

愁奈何銜杯不解醒
羈客懷宿莽公子怨杜衡
由來慕佳期文翰相流并
結言幸有藉滄洲終協情
窮海助所蹈秦望可以銘

答祁六見憶

江花澹容與望望衡門開
霧洗林彩妍雪罷巖光迴
春風復何豫令君多所懷
未果遼東諾應有山陽哀
禽囀竹素莊睨腕在櫻梅
鶴銜雲錦字彷彿下琴臺
苦乏伯牙調徒拂陳公杯
風延入簾早月照離宵
幃雖無滯歡術終言託徘徊

五磊寺藏經閣讀華嚴呈拙長老

五磊海上山嵐彩不可名
我來十月交長老袈裟迎
揮塵坐竹窗吸茗笑松楸
雪霽鳥樹見日出天雞鳴
幸無虛塵染故已浮榮
輕納履不能去高枕宵夢
清食哺方頰盥息游偃化
城既覽天親論復讀華嚴
經超超諸心賞豈必悟無
生常希苾芻趣玩此智寶
誠邱園諒可託吾欲濯吾纓

南湖贈俞汝言

雲散落帆亭酌我鴛湖月
詎知山中人依然對瑤闕
摘

雪翁詩集 五言古

四四明叢書 約園刊本

匏迴仙查光練飛秋雪浩
流千丈上誰家園林出微
微磬遠聞瀏瀏風不絕因
懷桐柏宮更憶爐峰碣瀑
布霜流虹莓苔宵映日別
後倘相思待君煙蘿窟猶
有許斧芝入巖尙可掇

鶯脰湖寄朱茂朋

曾聞章句美常憶弄珠樓
竹林五載別白雲多所愁
春雨桃花發湖波日夜流
飄飄吳楚客安能辨沈浮
月出洞庭山浦口繫我舟
潏驚忽爭喧沙鳥飛相求
徒然開幔坐獨酌思悠悠
曉渡青楊岸挂帆風颺颺
回看懷君

處蘭杜已盈洲

贈聞初長老

長老竺法徒身世棄何早昔有峨眉游今愛茗溪好構
室伏虎巖語默寂為道無心若春風歡喜常開抱因掃
松下雪遂跌澗邊草對嶺送白雲接翼看歸鳥居士四
明來相從輒傾倒早晚聞山磬休憩蔭蘿蔦

新治思溪舍南小隱即事和錢价人作

羈客越鄉愁邱樊多所暱迴船青谿口見君有此宅石
路駢紆徐蘭椽做弘赫竹樹澄湖陰雲霞浮嶺色我常

雪翁詩集 五言古

五四明叢書
約園刊本

下君榻晞髮謀閒適疇坐南軒南今臥北窗北噫噫晷
聒晨團團苦生夕怡神風中琴游衍彌自得種瓜願所
希烹鼎恨何極幸從潁水游秉筆參圖籍遐哉樂志論
仲統垂嘉則

歸甬東寄蔣苑

四明巖嶠直羅剎江流深城池若連壁南望星河臨川
際同炎嶺停雲常晝陰子滯青峴曲我作還山吟彷彿
閩邱阻燕賞不可尋向夕攜從弟拂衣送遙岑明然遠
峰雪目接歸鴻林隔溪雞鳴寺徒聞鐘磬音掩蘿燈耿

耿離思夢沈沈空梁海月來孤坐彈瑤琴

春日柳園憶羣從作

余早歲婚於菴上遇時多艱到四明者廿載閒纔三
四往而已戊戌秋送嬭還鄉置酒會高曾下羣季得
四十餘人依坐班齒余乃衰然為首自顧已容白髮
蒼蒼把杯敘權慨亦至焉余常游雞鳴湖越謝嶺愛
李家竹園十餘里豐塢坡松篁蔥蒨澗澗濼迴謂可
以構室娛老與昆弟輩逍遙賦詩今輾轉以來遂成
虛願軫念同氣聚處何期上春芳菲羈旅滋愁聊書

雪翁詩集 五言古

六四明叢書
約園刊本

短篇寄之亦俾羣從知我意爾

陽回冰池泮茗南春早歸雙燕舞風簾園柳搖芳菲羈
人有何愁愁此人事非森森愛連理脊令思依依日夜
滄海郡月落桐江磯渺然煙波闊如雲車蓋稀坐閣聽
猿嘯移艇惜花飛安得踐首邱言采故山薇

鴛鴦湖別孫處士治

芳洲榮蘭芷可以寫我心行行欲採賄忽下翻飛禽皎
然若霜雪交交送好音曠懷將千里尊酒敘在今在今
亦靡留歡少別恨深游期約五嶽名德砥南金笑言未

及終桂楫度前林帆開天目遠
龜嘯桐渚臨飄搖去程
闊蕭條離岸陰惆悵還城邑
雲色空沈沈

寒夜怨

渠枕惜青春停雲思往昔未遂石梁期
且臥東山夕玉
礪流清音松風起寒色誰知關塞游
能傷獨居客

緒冬自四明將返吳興舊時江路阻於戎艦乃由

餘姚馬嘴山間道抵夏駕湖飯訖渡百官至東

關是日風氣清恬每見巖壑彌亘彩翠重沓卽

次雖艱僮僕忘勞有可記者

雪翁詩集 五言古

七四明叢書

約園刊本

飄飄返五湖江路適無寬既關監舉昇復鮮鞍馬歡隨
僕豈自由緣谿沂林湍沂未已峻嶒覆上看雪色
映虹霓雲光爍洞瀾詎如流浪來所經肆遐觀始寧聞
殊勝石門可游盤歸鳥聯翩去月吐遙岑端何時尋謝
公相將挂我冠

渡曹娥江

析析蕙葉彫黯黯滌雲漫未倦旅游者安知江水寒風
餐辭遠嶼野宿出近關鴻雁白沙集城闕人未還故鄉
杳沈沈去國淚仍潛離岸就孤篷回首傷暮山嶺燧然

楚竹逗月迷蘆灣誰復泝剡溪聞笙桐柏間

秋杪同馮愷愈宗異宗儀諸兄弟游慈谿北郊登

慈湖講堂待張鴻遵不至作

北郊秀山色刻畫連霞城講堂在其下湖水映分明青
蔥寒玉樹密柯交前楹狂客違鄉久今來始從行道德
諧夙慕雲澤慰素誠開屐夕陽晚丹桂采欲盈佳人不
可見談笑空縱橫辭歸候蘿月蟋蟀林間鳴

夜泊永嘉江聞柏雲在華頂欲往從之先寄以詩

三秋華頂雪千丈石橋松上人結茅宇巖壑生清風夜

雪翁詩集 五言古

八四明叢書

約園刊本

夜禪定起嘯月東海東野客纜孤艇淼漫江水中裊裊
叫嶺猿肅肅流雲鴻蕭條雜灘響蕩漾塵襟空他日相
從憩定識襄陽翁

金車山報恩寺解參聞去西二十里銅井最幽欲

偕禪侶尋遊以臥疾不得往作

岑寂觀此心欲得無生訣破春三月來煩惱頓捨滅琴
硯汗竹粉衣巾酒溜雪趺坐石牀寒冥度韶華節誰知
鳥換聲落花湖流出遙聞銅井佳白雲堪翫悅松臥駭
龍鱗潭迴貯水月旦日東溪上偶與緝流說何時散行

藥獨往願仍畢

息賢渡

渡口臨絕壁四望玉山岑
羃歷映女蘿搖曳青松林中
有陶潛宅五柳春風深
竹樓誦素書菌閣弄瑤琴
俯仰天地間悠悠得此心
遙岸杏花落日晴川谷
鶯吟清歌扣舷去漁父知我音
開尊湛芳月歸來露霑襟

春夜竹素莊憶陳六郎字

懷君山陰夜惆悵若峴東
卻憶千松院秉燭幽篁中
鶯啼花露溼起來聞曙鐘

雪翁詩集 五言古

九四明叢書 約園刊本

錢山漾作

曾言出郭游汎汎錢山漾
千峰濯翠屏卻疑洞湖上
菱葉浮新鮮鷺鷥時飄颺
晚炊起竹煙漁艇聞蘆唱
我懷無懷前爲心澹已忘堪
笑洗耳翁臨流猶參養

杪秋武林胡處士介從玉林和尚結刹金輪峰下

余以他故不遑踐諾介作書相招裁詩酬去時

在干松禪院

霽霞澹不盈佳興前嶺浮
我在萬山中愛上松風樓
飛來太湖色灑落洞庭秋
蔽虧藏仙洞縱橫見橘洲
夕嵐

忽然起矯翼有鳴鷗長嘯懷故人
撫景感時道如何招

隱篇蒼蒼下林邱桂枝參差發
白雲偃蹇留願言暮春

期還從維摩游

度雞鳴湖憩李家竹園作

偶然涉江還愛此數里竹
襪褫俯潭幽嫫媻迴磴曲
檀欒有佳意蔥蒨積寒玉
豈必棲白雲應是留芳躅
樵蘇客晚歸邀我茅簷宿
從容謁兒子雞黍話棋局
枕上聞清猿牀下臥閒鹿
醉識桃源人欣對不須熟
若肯餌丹砂相從願亦足

雪翁詩集 五言古

十四明叢書 約園刊本

送客

湘江多芳草洞庭起微波
送君清秋日奈此白露何
去辭鄉縣悠悠隔山坡
游宦楚天外雙鬢當蹉跎
上官手板迎郵吏折腰過
鄙夫有所獻無忘黃髮皤
簡靜撫浮人澹泊偃階柯
他日倘迴駕聞風候鳴珂

送呂八師濂

賢生丞相家蹀躞負才華
筑中常置鉛魚腹隱鎮鄒
報鸞輕鴻羽結客徧海涯
陸沈無所屬高義難自剖
忽有薊門行還醉離亭酒
天寒渡黃河日暮臨汶口
秋砧落

哀雁邊馬倏回首送歸指白雲遙岸楓紛紛惆悵雞鳴
曲蹴舞不可聞計程赴燕臺試憶望諸君

送魏家浦故里作

故鄉入我懷胡爲久留滯小小攀姻婭若雲中宵濟竭
來浮舟還乃在戊戌歲上堂拜耆老執手寧見弟契闊
敘故懽事事悉如記迅翮矯夕嵐殘雨捲虹霓徘徊矚
雲物山川猶夙契首邱思曩哲祖德遺芳惠義風安可
忘流宕使終替何日歸田園夢想愜所詣

宿凌處士凱濠上別業

雪翁詩集 五言古

十二四明叢書
約園刊本

素襟好沈冥夢想濠上墟幾載淹城邑未始憩君廬風
霜念徒積山川看已疏今茲適見邀春日麗有餘桃李
映遠村水澤滿新畝徘徊候明月澄輝躍鯉魚寒春起
深巷鳴雞憶讀書興居晨夕間依依忘歸與白髮眞已
得良醞未可虛我懷偶然遂妻子復何如

飲酒八首

冉耕歌采苜籤鏗榮大椿修短各有期孰爲來者嘆結
茅南岡下散髮養天真麥隴起雉媒樵唱響夕榛斂襟
賦我詩游想絕埃塵春風日夕佳山川日夕新歡來酌

美酒願言邀故人

又

念我冲齡日慨想葛天時大鈞忽然傾不謂我罹之獨
策還廬山林泉久見披資糧罄竭盡襤褸及老妻曠懷
父母生落地爲男兒豈不榮軒冕縱浪古所嗤年來得
失泯已與自然期悠悠復悠悠愛此春遲遲何人期白
雲招之安所辭

又

草廬山澗曲皤皤一窮老門外町疃場種桑復種棗
花何纂纂桑枝更嫋嫋溽暑散清陰颺迴入襟抱臥起
田園閒量腹授一飽一飽便已豐那用營昏曉有兒豈
必佳憐其方穉小當其歡喜時長在膝前繞誰謂非至
樂廣營恣煩惱從容齊物論沈冥衛生道寄言世上人
無過杯酒好

雪翁詩集 五言古

十二四明叢書
約園刊本

又

嚴冬沍寒冰陽春見和曉氣象縱橫舒麗日正皞皞西
山聳樓簷游目皆甚好含桃出林榮雨過色窈窕雖無
松柏姿亦自殊眾草銜觴澹素襟同調有野老瓦甌可

以傾何必貴瑪瑙於此不解憂栖遲終枯槁

又

栖栖營園林芳樹森森植於中我偃仰他人從所適借
問何為然彼此均為客朝雨洗青巖海鷗下白石月來
滿東軒百年逢佳夕絲桐有妙聲宜其凝滯極陶陶詠
天籟詎須悲失職

又

塵俗競喧譁逐物如奔轍名山不肯游擾擾在城闕所
以箕穎流一生抱苦節至心愛松柏耽玩靡時歇伊余

雪翁詩集 五言古

十三 四明叢書
約園刊本

衡門下西岑遙聳列竹徑搖明玕掩映悉超越況有好
鳥鳴關關未曾絕寂寞養頽齡春秋汎瑤瑟嘯傲終其
軀誰謂無所悅

又

去者如湍逝來者如電驚皓首道無聞念之雙涕零山
間夕飈急灌木寒蟬鳴夜長無繹被何以慰我情激澗
溪上月流光入疏櫺披衣彈華瑟鏗爾庶可聽

又

南山何崔巍拂衣竟不還非能勵高節世網使之然望

望孤鶴飛止止青林邊代燭有荆薪漱齒有寒泉恬澹
日月積不覺閱華顛此意無人知慷慨還自言

東贈柴紹炳

懷子美才彥亦復非一時直以世途阻披論未相持偶
有天台游曾宿浙之湄華軒承倒屣曲檻窺清池落花
琴硯藉叩竹鷓鴣飛歡言酌春酒意得遂賦詩了無適
俗韻諧笑發天機秋冬霜雪漫風氣山林悲別來一何
久節序頻遷移耦耕湖陂隔銜書鶴隴違唯有歲寒心
江海以為期

雪翁詩集 五言古

十四 四明叢書
約園刊本

寄題潘陸北固山下隱居

伊昔慕游俠會遭時運傾劍術避席引探丸虛左迎流
浪別鄉里因之下金陵大江嶓嶭來噴雪與天平沙鷁
飛將暮田鴉差池鳴晶晶湛秋月耿耿低玉繩迴艫維
彩纜中流見翠屏竭來感驟驥晞髮耽黃庭聞君住此
麓養真丹已成倘能煮白石還擬宿茅亭

寄葉雷生

茗上多佳山栖隱靡歲時今春和澤周草木發新姿遙
遙叩柂去安知我所之桃花無近道鷺雉林中飛日暮

投荒谷野老不吾疑委運祗煩惱斯理將在茲聞君有
同懷承言寄此詩

己亥歲移居南陽竹素莊作有序

昨歲故人朱士稚客游白下愛燕子磯前小洲抱江
如月幽篁叢匝欲與余築精舍數間退老其上題曰
江村細竹庵迴廬雪川屢爲言之余僅笑而諾焉今
春余卜居思溪之南陽曰竹素莊者遂有終焉之意
因憶杜老浣花非有力代營勢所不辦而袞袞一角
隨地或可偶乞也誌之以詩旣用廣朱亦以自慰爾

雪翁詩集

五言古

十五四明叢書

約園刊本

舉世尙營營達者貴樂生古人居樹下茅茨亦已榮冰
泮春氣融風暄榆柳萌東臯盡耒耜我翁墾且耕人歸
林犬吠日晡村雞鳴我還攜兒子把書不簪纓傲遲
朗軒待君倒屣迎開荒澹素襟虛室養頽齡斂性就幽
逸淳悶返無名庶幾自然極栖遲任流行

贈周筠

寢跡市廛裏顧盼知者誰經營簞瓢足偃仰有所歸曰
余訪然明星火西流時望望田稼登浙浙霜草衰試聽
一言善清醕前相持邈然免且風能詠漆沮詩披襟與

之諧通識可解頤懷哉返園林相思當在茲

竹素莊閒居作

貧賤可肆志富貴如浮雲悠悠紫芝詠慨然懷斯人潛
襟歡耒耜柴門閉荆榛膏雨湛華木冷風鳴幽筠雖乏
南山駕西嶺眺轉新朱絃有時發白鶴下斜曛當年皋
隴上長嘯華陽巾擁褐將已矣屢空非所論

憶別梅里祁六班孫諸昆季并示朱四角調

人生化當返清暘逝隙塵因之愛親友惻惻春宵晨去
歲上剡縣枉路過君門吟諷遂情性得與諸子親牀下

雪翁詩集

五言古

十六四明叢書

約園刊本

屐互著檻前荷共薰悵然離邈來忽已及仲春漪漪震
澤瀾鱗鱗弁嶺雲搖月徒有夢懷風渺無因高齋事藥
臼疴起步松筠雙燕迎我飛聊側九華巾

蓮花莊與朱士曾

髯叟嵩少還常吟洛下詩偶過子昂宅愛其洗硯池池
水遙天碧楊葉四面垂風來滿院涼揮毫書所奇一行
青鳥下兩行鴻鶴飛何因寄王母遙與東瀛期聞邱饒
玉酒招手未爲遲

哭吳理禎有序

理禎字治文金吾期生先生之長子也幼耽詩賦文
思煥發與其從兄雲章齊名雲章嘗對我有惠連之
目今年暮春越州文謙赴者三百餘人而余爲之客
時治文亦在座人初未之言余顧其雋爽一見識之
遂與定交過其郡中精舍相與沈飲半閱月乃去及
秋余復至將踐五世之游而治文病矣偕雲章訪於
榻前猶危坐吟詩如無病時而形神困竭余竊私憂
之而治文竟死聞其臨屬纊對家人無所分囑而祇
稱余不去口氣息絕而後已嗚呼亦堪哭也矣

雪翁詩集 五言古

十七 四明叢書

約園刊本

翳翳惜摧蘭惻惻感絕絃騰化悲迅驥古來有共然嗟
余於故人沈痛亦何言憶昔執君手君驚我衰顏豈謂
先我傾在生稱天馬相送歸墳隴駟馬鳴不前風慘秦
嶺高霜落鏡湖寒夕來還虛館素月流前軒沙雞扶井
吟墜葉飛翩躑況聞孺子泣攪腸不成眠撫襟增餘慨
縱飲懷當年焉能餞青梅歡笑對几筵揚舲洞庭去徒
使情絲絲

雪翁詩集卷二 五言古

雪翁詩集卷四 七言古

明慈谿魏 畊白衣撰

天馬行

吾聞毅皇甲申歲土魯火飾貢西馬雄姿矯矯開長道
遠來已刷幽并野香羅帕覆起蕭梢寶鞍照地九尺高
絕代真龍入天殿磊落得意稱英豪憶昔初生瀚海年
青龍降精雲霧連蹴踏憑陵駕霜雪髯欲匝崑崙巔
今日馬鞭秋金鑄絡髮飛控大僕寺億萬驂駟盡側腦
拳毛師子非其類麒麟殿前天笑新柘黃袍子動聖人

雪翁詩集 七言古

一 四明叢書

約園刊本

欲騎此馬殺盜賊恨無垂綸出涓濱逡巡李闖破京都
大官叩頭小官趨鼎湖仙去玉座陷倉卒不得同馳驅
禍亂反覆真難詳橐駝滿眼首蒼長鳳臆龍鬚苦不見
蒼梧萬里恨渺茫安得丹青寫其像騷裏礮礮見奇狀
風雲蕭瑟激悲壯

戲題施孝廉畫山水圖歌

湖州畫山水近推施之圻公車不上常游戲雖然不比
叔明與松雪秃筆橫掃殊有致淋漓磅礴生長風無有
一筆與人同當其得意時悄然超天工兩峰劈破華岳

懸洪崖掌跡何歷然黃河西流白日動青柯北折紫塞
連恍惚秦漢封禪道中藏玉簡金泥篇坡陀更有長松
樹偃蹇倒挂層樓翠高枝礙青天低枝塌大地漠漠陰
飈六月寒森森遠島秋毫利男兒貴適真胡爲落風塵
殘年憔悴戎馬際旅食慘淡江南春吾觀此圖只咫尺
居然萬里橫金壁安能乘風望三山攜妻挈子附海舶
吾語施之圻吾有甬東細絹如雪白勞公細寫玄圃圖
扶桑洞庭成宿昔無使九州之外相斷隔

湖州行

雪翁詩集

七言古

一

四明叢書

約園刊本

君不見湖州直在太湖東香楓成林橘青蔥山川迢迢
麗村渚秋城澹澹遮蒼穹亭皋百里少荒土風俗清樸
勤桑農充腸非獨多薯蕷宴客兼有錦鯉紅白屋朱邸
互原野黔首擊壤歌年豐今歲野夫四十一追憶往日
真如夢腐儒營斗粟閭閻挽長弓盜賊如麻亂捉人流
血誰辨西與東又聞大戶貪官爵賄賂漸欲到三公豪
僕強奴塞路隅豺豺狼日縱橫皇天無眼見不及細
民愁困何時終安得聖人調玉燭再似隆慶萬曆中天
下蚩蚩安衽席萬國來朝大明宮

公莫舞行贈顧有孝

君不見項莊拔劍五步內頃刻崩城壓戶牖拂巾橫遮
公莫舞玳瑁筵中碎玉斗公莫舞碎玉斗帝王有天命
憑陵亦何有寥闊千年來吾與汝曹在塵埃日向塵頭
糴升米布袍垢膩顏如灰遭逢濁世取淨證數憶往事
增徘徊疏狂常得世人罵顛倒屢使塵眼猜詩書禮樂
何齷齪束縛難教笑口開石田茅屋好歸來決明燦爛
秋霞堆瓮有新醪飲百杯醉眠不聽林猿哀

贈潘四古琳

雪翁詩集

七言古

一

四明叢書

約園刊本

憶昨與汝菱湖東少年得意走春風刺船解水郢客同
杖篙擊楫鼉眼紅廿年不見汝髮白我還齒落左耳聾
佯狂避世無人識病驥老馬窮途側囊空金錯衣食少
妻孥啾唧啼四壁喜汝山田屢督耕夏收蠶絲秋穀成
菟羹飽飯日酬酢瓦盆注酒彈鳴箏況有兩兒天上送
五色鳳毛真聰明見我知我伯父行問我遠游來何方
更深持燭照我旁寒霜夜落鳴枯桑錦衾爛漫不成睡
起看天地何茫茫

醉歌行

姜大行筵中作

明州布衣家已傾幾歲亡命乞餘生襤褸百結腳不襪
伶仃枯槁無人形奔走東吳與西楚滿城盡是商與賈
各自全軀保妻子搥胸何處訴愁苦今年飄泊長洲來
性命如絲更可哀一餐飽飯襟懷好輸心寫意傾深杯
秋雨注牆螻蛄叫菊花倒地金錢開三盞兩盞筋骨活
將醉未醉春姿迴歡樂填填徹曉夜何知曾繳徧塵埃
姜生姜生不須慮聖賢豪傑終荒苔人生三萬六千日
會當日日眉頭開富貴於我何有哉

吳門老人林雲鳳歌行

雲翁詩集 七言古

四 四明叢書
約園刊本

吳門老人嘉隆間弁州大泌相接聯親見文士聲煊赫
海內望之儼登仙汗漫太清把盧敖金幢導歸三神山
尺書飛去邀萬錢蔥薤魚肉堆玉盤妖僮豔姬奏鷓鴣
此時老人纔爛醉日色曛曛恰高眠錦樹凋傷歲月晚
逝水東流隨清川胡鷓夜夜叫屋頭兩京宮闕化寒煙
詩書詩書恰欲滅摩天黃鶴翅盡折老人何地可曳裾
劇憐無食枯皮骨江邊獨立風蕭條爲歎老人淚流血
贈山陰老翁周二懋宜醉歌行
世人反覆爭機巧吾愛老翁氣義好世人顛倒誇明聰

吾愛老翁雙耳聾男女長成婚嫁畢世人誰得比老翁
萬事不挂老翁懷俯仰天地胸襟開今年呼我游長洲
月明還上姑蘇臺金柝深沈烏鵲飛北斗橫斜白露晞
酒肉如山恣歡謔雙童扶掖不肯歸吾聞陝西地震日
彼蒼傾仄黃圖裂百萬生靈化作泥陰陽破碎難回斡
寧似老翁生東南扁舟來往安樂窟川嶽不動風物優
驛路逶迤雲樹稠曾城華屋徧登覽蕭管笙簧恣淹留
楚女如霜吳娃白錦筵促席奏名謳老翁老翁真有福
放浪形骸恐難續應哂碌碌爲子孫襟裾向人顏色辱

雲翁詩集 七言古

五 四明叢書
約園刊本

老翁躊躇感吾言還家早買剡溪船將我歌行書泥壁
倘值惡醪亦大喫

卻贈錢大長兒超麟歌行

代北掣豪鷹天闕騰麒麟吏部名父子兒郎復異人朱
脣白面皎若璧瞳如點漆頭髮黑十歲已能搦犀管文
選離騷暗指摘滾滾詢源不讓人他年定是文章伯昨
日見我衣裳單請謁悃悃相憐惜筵中美酒饗琥珀手
持一杯到我膝老夫衰邁蓬屋姿邀汝寵顧生感激似
汝聰明在幼齡數載必通金閨籍從容須記老夫詩暇

日高眠念宿昔

寄西泠陸圻

雪溪草堂清秋涼野池菡萏滴露香青山迢迢月東出
明河歷歷雁南翔憶昨與爾呼五白袒衣繞牀時一擲
劉毅粗豪日稀少阮公放誕誰比得別來遙望南屏巔
海水明滅隔蒼煙安得青鸞下雲間錦書繫足飛上天
贈君千行萬行淚薄暮還到廣苕邊

日出入行贈鎮江潘陸

白日如金盤迢迢轉青天夕沒虞淵朝復出苦爾獨照

雪翁詩集 七言古

六四明叢書

約園刊本

騎人顏我欲長繩繫其影誰能上結高高之青天下結
冥冥之重泉春花吹落斷腸去秋霜蕭颯不可言我與
汝曹日奔走茫茫赤縣疲人間才大世人皆欲殺七尺
之軀那值錢潘江如肯聽我言萬古文章置高閣青蚨
須索五十千天台瀑布插眼前潯陽酒樓宜酣眠那待
好鞍與好馬纔指五嶽拂長鞭海上白龜橫島去倏忽
已過三山巔金宮玉闕霄漢間直與東王西母筵

題宋徽宗皇帝黑白二角鷹圖歌行

君不見徽宗皇帝困在五國城父子幽囚慚且驚凍餒

哀號死不得豈能復憶揮毫畫角鷹我朝墨妙誰可比

邊昭與呂紀兩人徒能得其貌對茲面赭生慙恥不靚

高堂中漠漠絹素空霜毛側腦飄西東軒然欲下搏飛

鴻黑鷹掣從玄冥來鋌條徐墜爪距雄繪彩年深雖銷

落殺氣浩洶日迴薄戴角飛上呼鷹臺蕭瑟滿林動寥

廓安得臂爾駕駒駘羽獵平原鳴僕姑鸞繫鋒稜十二

翻鴟梟破獵盡翦除筆端真豪放披覽空惆悵想渠經

營延春殿裏時縹緲如御玉清上恍惚圖成有奇姿拂

襟攘腕何酣暢宮女千行呼萬歲良嶽峰頭兀相向於

雪翁詩集 七言古

七四明叢書

約園刊本

戲道君工此失乾坤始知小藝不足言徒令子規啼血
瀟湘竹竹上至今淚痕綠

擬李翰林醉後答丁十八以詩譏余搥碎黃鶴樓

我本謫仙翁親見東王公借取盧敖杖汗漫隨春風尋
仙直上黃鶴樓扁舟繫纜瀟湘東黃鶴高樓壓荊州影
落洞庭三萬秋憑陵大嘯弄明月崩摧捲入天河流太
守卻來相調笑譏余搥碎黃鶴樓黃鶴樓已搥碎更鏟
疊嶂傾豪輩洪濤浩瀚駕青雀乘風嘯傲事沈醉醉後
狂吟淥水歌白雲一片遙相對願君歸漢陽日日進千

觴錦袍吹玉笙振筆爲文章若道鸚鵡無人賦試看洲
前瑤草芳

同錢纘曾游法華山觀法華寺宋旭畫壁

法華嶠曉天日東青葉倒插具區中長松際天掃赤日
金沙噴礴垂雲虹清晨騎白驢挈榼復攜壺會有海叟
談方丈兼聞越客誇鏡湖不知粉壁之上圖瀛渤劃見
滄洲遠明滅眼前十二有名山千峰萬峰森羅列滿堂
紫翠紛榮光洛伽廬阜接夕陽麟洲鹿苑遙相望神州
咫尺白雲鄉金光明草堪服食採摘何由通車航倥佯
倘可到隔江空斷腸砮厓簸岸水滌迴珠林琪樹杳迷
茫月上峰頭愁倚徙縹緲飛入丹青裏杜鵑啼殺不歸
來雜花紛紛吹滿底錢生錢生見畫已移情何況眞爲
五嶽行明朝大笑出吳會龍虎鼓瑟來相迎瓊闕洞開
雲漢表王漿一杯勸長星

客茗谿題天聖寺管夫人畫竹

昨夜秋風起苦竹拂秋水夢入瀟湘川月明茗谿裏茗
谿美箭由來傳有誰乘興圖雲煙與可泉臺黃荃死那
知猶有夫人傳子昂圖畫窮殊妙夫人秀筆凌神仙數

雪翁詩集 七言古

八四明叢書
約園刊本

枝淋漓揮寺壁珠宮颯颯翠相射三四百年枯疑活青
青欲墮增寒色恍惚千峰白日暝清猿啼處叢篁寂鳴
呼爾畫眞苦心亭亭如出坡陀陰炎天大暑避毒熱赤
脚攜簞走空林奴子不用搖大扇殿閣涼生風雨吟茗
椀蔗漿僧擎出談笑久之毛髮森吾聞東坡太守日亦
寫篔簹付浮暉賈芸老關驕語添丁收藏好不知堪與斯壁
相爭輝不知堪與斯壁相爭輝令人惆悵那能歸

吳興黃浦亭答董黃兼寄吳懋謙張彥之

鮑昭昔時送別處惆悵重臨憶故人上有青峰千餘仞

雪翁詩集 七言古

九四明叢書
約園刊本

下有澄潭碧粼粼野鷗歷亂鴛鴦飛玩此可以送三春
徘徊月出誦皎兮忽然淚落還紛紛憶昨說萬乘謔浪
事縱橫詩成奪錦袍長嘯傲公卿蛟龍矯翼將升天沈
吟不決遂沈泉自知功名計疏拙壯心轉逐飛蓬旋任
公三千六百鈞放棄巨鼇跋清川飄飄謝安汎海裝挂
席一去無歸年賴遇安仁豁心目復睹風流逢二陸有
似陽鳥跳扶桑披胸洗出太行谷跼足復連臂壯心快
六博迢迢相約訪仙山儻值浮丘攜手還騰身排躍望
舒間渴飲紫桂壇西之井水饑食白兔所搗之藥丸我

與公等皆不死嘗有如花好容顏公等今安在寄我白
雪一何快幽簾寂且閒靜覽若遐外海上菖蒲倘許摘
階前瑤草如可得願沾洞庭春相待苧城側

寄沈翰林荃

昔在百花洲上還值爾奉詔歸雲間寫心洞懷傾河嶽
拍手大笑開雲煙撞鐘伐鼓凌滄流紅妝翠舞紛華筵
坐深葉落城西郭倏忽月出湖東山今君謁帝明光殿
視草彤庭飛彩翰承恩出入銅龍樓弱水微茫望不見
欲折瑤華遠贈君寄取悠悠一段雲聞道春暉爛漫去

雲翁詩集 七言古

十四明叢書

約園刊本

滿園蝴蝶徒紛紛

峴山行贈茅槃

峴山之西日欲沒峴山之南行人絕接離倒載有何誰
吾與茅生掉湖月湖月初生似玉鉤挂在銀河天上頭
桂樹無枝攀不得蕩漾澄波增我愁我愁澹澹橫江海
溯擊空明淚還灑借問青山幾萬春放誕風流有誰在
長嘯浩吟歸去來呼兒且開盃頭醉兩人對酌三百盞
醉後重傾五百杯但貴朦朧幕天地雙眼寧爲俗人開
君不見東流故是無情水曉夕如箭太湖裏君不見丹

崖綠草縈白骨疊嶂連峰去未已有酒不必桑落清有
歌不必陽春名濁醪可喫歌可聽旋倒敢惜玉山橫阮
籍劉伶氣吐霞世間富貴何足誇不信豪華有零落明
朝再踏東園花

梁父吟

長嘯上梁父還作梁父吟吟成涼風發潏潏淚霑襟聞
報哥舒已破虜兵連三月殘黎苦黃河西岸震鼓鼙鳴
綠江南橫干櫓又聞鼎湖騎白龍王孫乞食困戎伍九
州流血城城滿明駝銜草蹂中土思明未擒祿山驕兩

雲翁詩集 七言古

十四明叢書

約園刊本

京安得歸王朝洶洶大勢實難定漠漠殺氣連雲霄
生既已困酒徒張良避仇在圯橋沛中不謁赤帝子世
人輕之若鴻毛何況吾輩顛毛已如此側足焦原無所
止苦隨亭伯走遼東笑隔蓬水前度渡江越城
青轉帆側柂指華亭越城每道朱家士好心雄萬夫合
傾倒華亭更說吳生謙奇文章建安名譽早結襪誰云
勞結交任人道心肝洗出如青天廓落無翳淨若掃六
月荷花開大洲鬱金柳色搖深愁主人自是董糟邱拂
袖攜手登高樓文瓜朱李堆盤饜酌坐邀洞庭月咳

唾直捲太湖流人生達命自瀟灑攀龍附鳳自有在人
生得酒須痛飲百年幾何不復再謝安高臥歸東山角
巾攜妓日往還救濟蒼生終不免且須睥睨消人間

寒食行 徐晟筵中作

何人倒接離日日酩酊回若上顛狂客行吟歌落梅吳
趨小兒攔街笑笑我貪飲醉欲頽穠花間桃李清明連
上已誰家海棠一樹紅迴鞭緩踏花陰裏露滴風搖萬
朵鮮朱明霞繖千重綺吾生最喜繞花行洞庭春酒故
須傾頻呼主人來揖客開筵布席對繁英滿堂笙管嘈

雪翁詩集 七言古

十二四明叢書

約園刊本

嘈發能和花間春鳥鳴勸君酒歌昔昔主人起舞日將
夕簷前落花未成碧大醉眼不開抱琴歸去來倘君有
意惜芳菲曉來與君更上西施臺

和沈寬夾山漾曲

余是鏡湖人浮家湖州府君是西湖客偶來到此土人
如列麻不足賢盪舟自棹夾山間流水如霏藍遠樹團
蒼煙白鷗飛來處紫鷺隨棹去萋迷兔絲蒙分明女蘿
曙眼見捕魚翁會得滄浪趣滄浪一曲落日紅銀濤似
屋太湖中迴波搖曳夾山漾石門左轉青濛濛疑是武

陵谷雞犬桑麻綠丹崖秀玉芝白沙映茅屋笑指巖巒
不忍去月細青青出林麓鷓鴣啼月愁空山風色蕭蕭
悲擊筑抱關遠謁信陵君賣漿屠狗皆奇勳自當拂衣
去人世扁舟直下桃花津

山陰贈朱二十九驛元

胡雛秣馬黃金闕天驕萬里射漢月君抱才華不得伸
我遺枯槁遭摧折一身悴憔悴無成千里間關阻甲兵
每憶故人隔州縣夢魂繚繞苦竹城寧期殘臘走禹穴
蠟屐幾雙衝冰雪親上君堂見君面相看驚喜復嗚咽

雪翁詩集 七言古

十二四明叢書

約園刊本

昨朝爾兄士雅同我游江上寒風共敝裘吹簫赤腳無所
往長跪乞食敢道羞飛蓬飄泊落此地又遇君家稱大
弟豁我積悶開青天悶去排愁如決泉君今爲我揮翰
墨君今爲我排酒筵招致詞人三五輩振策逍遙東武
巔渺觀滄海大如掌秀攬赤城青如煙不然百年遺勝
蹟空餘玉館悲平泉君持大杯凌煙虹百罰潦倒情未
終杯盤狼籍喧四座笑傲直欲傾崆峒人生相逢既適
意苦若浮雲吹卽去騎驢要覓剡上山壁上題詩莫復
棄

題姜閣老曰廣絕命辭卷後兼贈其從孫文鎮行

脚

峇峇洪都府花開鐵柱新
仙道寂寞儒林振芳塵
壯節渾蒸彭蠡澤鴻名遠照匡廬春
汗青竹簡書不盡舉頭河嶽垂
星辰憶昨京華全盛年
相公翰丹謁九天龍駒
蹙蹙紫邏道方巾大扇公卿間
翰林彩筆動御座講筵親侍玉
皇前折檻直視權姦魄精誠浩薄
回聖顏左右拜賀呼萬歲鳳毛齊
慶夔龍會青蠅空擬玷連城白虹
已貫扶桑外漢家天子玉燭調學
士清風播兩朝南

雪翁詩集

五言古

十四四明叢書
約園刊本

寄雲間王光承王烈二子

春風爾來能幾日忽見楊花皎如雪
東城乳燕西城飛憑軒坐歎芳菲歇
煙橫浙水恨悠悠朝夕懷君涕泗流

願將浮玉山頭月照爾春申江上愁

上宗伯錢謙益

小謝清標能染翰前身卻夢劉公幹
分明謫墮千年來壯心疏豁長貧賤
聞道尙書擅風流角巾嘯詠東山頭
豪士追邁傾宇宙文章瀟灑映滄洲
弱水由來限吳越蓬萊神仙不可接
今日相逢借片顏願邀一榻白雲間
秋夕讌集吳松願有孝北郭草堂願
請予作抱甕丈人歌予時大醉爲賦
此篇不自知其潦倒也憐君傾家羅
綺筵白羅倒著華堂前廣樂直接洞
庭野臨風玉樹繞朱絃彈琴蹋踞競
遊戲逍遙散髮凌雲煙謔浪舞長袖
揚揄扣銅盤忽然涕橫集慷慨惜暮
年時人不識阮嵇輩爛醉且歌抱甕
篇歌抱甕杜世援行徑已在禦寇間
何須問君然不然但能豪飲卽神仙
不見酒星三四五舉頭歷歷秋河邊

雪翁詩集

七言古

十五四明叢書
約園刊本

歸吳興草堂寄懷吳門周燦願樵徐松周安徐耿
吳炎沈自鋌顧萬祺潘樞章周撫辰諸子

野夫昔居括蒼山桃花流水白雲間
野夫今居天嶼側錦石嵯峨連霄直
常騎白鹿訪神仙手植松桂石壇邊

饑來還拾梅溪椽抱琴無事長晝眠憶昨月華照江國
江花漠漠送愁客相愛相將盡故人一歌一詠壯顏色
子雲著書歸北堂春芳辭條復秋霜爲問門前車馬道
芝草琅玕幾尺長

桃花鴨月室 有序

月室者潘菊旃先生桃花鴨中導引之別室也周蔽
垣版黝如子夜窗逗小隙倒納日景初入此室都
無所窺久之乃見白光乍引纖毫悉辨肌體之間漸
霑寒色畊與二三朋輩游息其中雖隆春盛暑恍若
仲秋之月積雨新霽金飈晚涼纔披鶴氅杖逍遙
朗朗然見月出海門而升東山希微生悅澹焉忘歸
也畊聞談玄家虛室生白之言而未覩其理於今始
識其趣爲作此吟以誌是室之異

憶在太白藍田巔坐看明月出雲間長風萬里吹山月
行如轉蓬不可攀我今南歸太湖裏可憐月華照流水
洞庭兩峰金波搖銀河映徹瑠璃底還攬湖月遠贈君
北山蘿月涼紛紛朗朗明月常在抱白日照見梁棟塵
烏皮髯几焚妙香九華寶扇敷玄論我爲月室吟徘徊

雪翁詩集 七言古

十六四明叢書
約園刊本

月室中太上琴心琴三疊姹女丹還大道空與君飛入
玉清表霓裳歌舞廣寒宮蝦蟆靈藥白兔搗日服一丸
顏色紅

大隄曲

前溪激澗歌吹臺辛夷落地菡萏開輕風直過桃葉渡
兩槳催送莫愁來莫愁窈窕如珠玉自矜芳華珠百斛
調笑不慕漢秦宮繡帳孤燈嘗獨宿秋去春還花信多
斂態調箏倚修竹忼慨纏頭動十千流霞豔豔不願前
東方使君腸自斷葡萄館裏花自妍葡萄繚繞會有樹

雪翁詩集 七言古上

十七四明叢書
約園刊本

游絲牽合會有期只羨蘭芝守故交長作廬江小吏妻
金燕銜泥且欲好銀蠶吐絲待將老誰知缺月不重圓
季倫意氣空懷抱繇來名士悅傾城絕代佳人貴有情
今日相逢爲情死黃墟相誓各分明明年年孔雀江頭飛
夜夜鴛鴦冢上啼寡婦聞啼起歎息愛殺東南連理枝

沈長山張七隱居二首

日出杲杲東西廂狗吠深巷雞鳴桑有客叩門登我堂
何以娛客進客觴撥刺白鱖三尺長

又

菡萏始發芙蓉池蜻蜓蝴蝶相對飛河魚大上行人稀
白鳥啞啞啄城西會看射鳥鳥落時

彈鋏歌

我生豈無命何爲使我漂流天南海北嗷日與腐儒小
子論詩書脣乾口燥不得休誰言人生直如矢蒼蒼反
覆曲如鈎不見城中達官騎大馬殺人多者居上頭會
須覓取百個錢日醉洞庭岳陽之酒樓俯觀波濤千里
相橫擊銷我千古萬古之憂愁

醉時歌與朱廿二

雪翁詩集 七言古

十八 四明叢書

約園刊本

神廟宰相朱金庭有孫豁達逞豪英黃金白鏹隨手盡
一身落魄東南城可憐疏布纏粗骨蕭瑟秋風不掩脛
憶昨破屋藏亡命事敗何如燕荆卿頸繫青絲腳拴木
同日義侶被束縛爺娘搥胸不敢送親戚攔街齊動哭
先生毅然赴法曹睢陽寸縷知無逃眾囚相對破濁醪
掀髯長歛聲轉高金雞此日瞳矓赦隻身生渡錢塘潮
才雄萬夫遭人怒名垂史冊有何補年來吹簫過黃歇
乞食尋常徧環堵與子同病更相憐河上之歌聲最苦
烏程縣前酒如淮囊中有錢傾百卮脫帽慷慨搔白首

更闌銀燭盡三枝勺鹵細盜阨宣帝宋野狂徒挫仲尼
自古聖賢皆如此輾軻踴蹙復奚疑不見青春庶草抽
倏忽西陸繁霜隨人生有酒須當醉豈必終日求人知
升沈聚散任小兒我曹安用苦躊躇

季夏山陰駐駟潭周翁懋宜邀余過其綠綺堂款

洽旬日其嗣玉瑩璫旋瑩三君皆余舊好請

爲長句觸興漫辭略無詮次云

銀甕器車世所寶麟角鳳背由來少周翁有此三郎君
在於畊也早絕倒三君倜儻皆好奇劇憐潦倒不相疑

雪翁詩集 七言古

十九 四明叢書

約園刊本

扁舟招余綠綺堂雙紋竹簟垂紫帷綠綺堂前秦望開
沈嵐積翠照行盃尋聲雷雨來天姥涼風颯颯往復迴
筵收霞晚眾賓散花稠牆角堪徘徊人生汎愛真何益
如君兄弟那可得敕婦常辦香秬飯調羹親致金絲鯽
佳肴美饌飽腹眠重愧衰顏何厚德石瓠江海舉俗嗤
病驥鹽官哀日昃但看公等項領成野夫道路何足惜
贈密移闈黎

王烈不可尋石髓故難得騎驢二十春飄飄無定域昨
朝小艇下錢塘千峰日落桑葉黃鮑照曾攜惠休句少

陵臥疾贊公房辛苦開襟示真率艱難把臂有多日食
我醜醜發性靈貽我氎布扶衰質月出金牛步遲遲風
吹青井楊柳枝飛鴻鵠天涯遠爲君索笑一題詩

杭州西湖酒樓月下吟

壯游汗漫豈暇愁載妓還駕文杏舟西湖酒樓臨湖水
玩月何必待清秋畢公任誕風期好蘇門高笑襟抱幽
漆園爲吏烹池雁列寇遺文狎海鷗古來豪達盡如此
爾我不用頻啁啾揮毫須排黃鶴句搖筆會翻鸚鵡洲
但願素娥垂兩足桂樹團團天上頭金波萬丈準在眼
捲幔清風長悠悠

雪翁詩集 七言古

二十四明叢書
約園刊本

南屏夏夜柬懷徐行時送客入三峽轉之滇中

別爾凡幾年關河多勞苦青芻白飯逐馬蹄瓜田不納
烏足數炎天大暑喘吳牛爾居陵陽我滯留送客三巴
之西珥芙蓉香徧南屏洲主人調絃奴附肉清怨迢迢
吟山木清興疑是剡溪來簾開湖月皎如燭今夕斗酒
會明朝隔塵寰遙望昆明路不見點蒼山石鯨織女杳
何在金芝翠蓋有無間一日復一日鴻闊音長絕歲歲
題詩送白雲疊嶂愁猿鳴未歇靈均懷沙杜若川張翰

貪杯秋風邊尺書借問嚴夫子犯槎何日許張鷟

雪翁詩集 七言古

二十四明叢書
約園刊本

雪翁詩集卷四 七言古

明慈谿魏 畊白衣撰

惜尾騮行 有序

金山衛人買一騮毛色蒼白身橫丈五高八尺尾尋
丈其人得之甚賤而多病蹇劣行道蹙蹙策之不動
尾蕤蕤泥塗腹脹欲顛而性喜嚙人主人惡之將市
之屠牛者會胡賈見其騮歎曰此惜尾騮也胡為在
此乃問主人市之價五百躬為洗刷分其鬣剔其蹄
疏理其尾尾結一球秣以精芻食未竟而騮已噴薄

雪翁詩集 七言古

一四明叢書
約園刊本

長鳴視其狀有騰蹕千里之意主人曰此何騮哉胡
昔憊而今良也胡賈曰大海之濱多蛟龍往往與牝
駒攻產龍子此故龍子而矜尾特至余識其性摘之
飭之故人馬相得人馬相得神故嬰聳曾何病哉語
已於是胡賈躍騮而去倏忽不見丙戌歲吳江人王
懋功游金山親覩斯事為余道之如是余聞其說賀
此騮之遭而頗怪主人久與周旋祇以病類相遇也
嗚呼自古豪傑之士方在草澤圍圍無所見長欲求
知于庸眾宜其所如斥落耳

君不見騮名惜尾無人識精光莫錯道路側青芻不飽
槽櫪間驚駘凡駟相欺得碧眼胡雛來海頭惜尾一時
聲價優金刀剪出三鬣鬣冰絲結就五花球胡雛牽來
無不愛錦花匝匝矜豪態初飾龍種排雲霄始信麒麟
絕流輩超邁流輩非等閒胡雛騎至玉門關朝行拂雲
祁連草暮行飲水銀海灣自是逸羣騁絕足雄姿峭崿
眞天育嗚呼不遇九方皋腰裏空奇埋空谷如今草澤
多沈淪馬有肉騷龍有鱗雖遭困頓是神物侮之或恐
致怒噴

雪翁詩集 七言古

一四明叢書
約園刊本

白蘋洲上寄蕭然李文達

蕭然李生漆園流生平放達無所求堆牀只愛王湛易
把釣常披嚴陵裘雪竇山人嵇阮輩風流散誕事沈醉
瑪瑙瓶開香且清褰簾日與明河對明河一片接東城
蘋洲瑟瑟起秋風長吟白雪望不極青楓滿眼愁飛鴻
聞道湘湖尊可採紅泥欄檻園亭在山中桂花開如霞
角巾來往搖清珮相愛相尋臥白雲拂衣同調唯有君
何須引塵笑掩口高談王霸徒紛紛

題餘不山人秋山圖引

餘不山人錢鏗後畫苑由來稱耆舊家住吳興桑苧村
繞屋森疏垂橘柚昨出秋山錦樹圖老眼摩娑拂雙袖
數峰嵐彩入逸鴻萬壑泉聲瀉清畫中有仙翁兩角髻
縹緲登樓攬遠岫琵琶江水映日寒峨嵋山色連雲秀
我昔巢栖雪竇巔天台赤城相鉤連山中白雲自怡悅
手把黃庭企脚眠自從飄泊苕溪邊泛宅浮居二十年
至今懷想空回首披覽丹青猶宛然秋風夜下銅峴渚
明月人歸笠澤船何時橫笛騎牛去贈君峰前玉井蓮

題祁五弟理孫藏書東樓

雪翁詩集 七言古

三四明叢書

約園刊本

東樓雄雄何壯哉側遠鑑湖水滌迴鑑湖澄滄碧玉
登樓縹緲天際來朝嵐夕翠紛光彩賀監風流千年在
敕賜曾傳臺沼榮豪華南壓紫泥海祁家冠蓋宇內聞
卻於此地藏典墳縹緲每炤射的雪藜窗倒映秦駐雲
由來宛委青霞閱恨無便便稱腹笥今君才高第五名
獨坐東樓披薜荔七月八月暑氣清媿媿池塘赫蔣生
揮蠅不須白團扇褰帷嗟峨雲縱橫知君此時興瀟灑
香燒博山書滿把我生落魄多遠游校讐常到文選樓
公子肯著離騷賦一緘尙慰羈人愁

和王猷定聽楊太常彈琴作 有序

粵人楊正經字懷玉前太常也善彈琴世亂服抖擻
衣以僧相往來江淮淮有張爾常者任俠來四方之
客所居城是昔年屯兵地兵去瓦土崩疊牛羊糞盈
敲屋中若蠨蛸之寒過客例不入獨爾常編蘆作室
偕弟虞山與居太常主之三人晨夕絃歌不輟而豫
章人王猷定擅文筆負時譽亦游寓金陵數郡間每
扁舟過張廬聽太常撫弄與之相得作彈琴詩且序
其始末謂正經本西陽宜慰使司代有戰功迨正經
自爲將值己巳之變從思石提兵入衛援山海關剋
復上谷欒城諸地其年入奏受知毅宗烈皇帝召見
便殿審定五音暨郊廟諸樂章帝謂過於師襄云當
時客有請賜琴出觀者正經輒悲動淚紫睫丙申春
山陰朱廿二從淮上來出猷定所作詩并序余感其
事遂援琴鼓三曲而和之且用寄楊及張王焉余誦
王詩第四篇註復載楊對先帝言今日之樂角音失
傳而所賜琴是唐製闖賊破京之日琴自鳴者三嗟
乎精誠所孚義感枯木宜好事者傳和不朽矣

雪翁詩集 七言古

三四明叢書

約園刊本

嗟君久作緇林客流離道路人不識
蔽體空餘印度衣
緇經賸有烏菴譯
夙昔殺賊變城東
笳鼓奏凱乾清宮
九重聖人賜顏色
曳裳佩玉搖春風
論律更重冷州鳩
樂府新傳鳩鵲樓
從容侍從稱仙吏
芝蓋淋漓鳳闕游
蒲桃盈枝柳森束
黃鸝低飛紫燕逐
樂往哀來歲月移
惆悵京華愁滿目
飄零此日復何求
抱琴寄食淮海頭
橫膝倘逢知音者
爲君手語鳴清秋
雖然不是廣陵散
也知疏越勝箜篌

江上與姑孰陳瑚

雪翁詩集 七言古

五 四明叢書

約園刊本

君不見山陰朱朗詣開口大言輕一世
欲回白日上青天
鷗鵬折翅終泥滯
又不見吳江顧茂倫
縱橫逸氣直絕塵
黃金使盡兒童笑
垂頭莫錯閉荆榛
兩生栖栖曾如此
今時莫展雄豪技
聞君下帷不稱懷
與君高歌送暮齒
江頭相見且邀游
攜手直登萬歲樓
酒酣興發搖江漢
笑殺當年鸚鵡洲

琴臺歌別夫山大師

靈巖古寺碧雲隈
巖從危石聳琴臺
琴臺四望太湖曲
霧中遠樹洞庭開
中有比丘沙門寶
玉臺婉轉雙眉皓

說法常登兜率天
散花多染苾芻草
雲山滿目不可攀
借問何人最往還
毘耶城裏羅菴叟
杖時叩青霞關
長廊偈畢飯僧夕
攜手林泉恣游適
萬壑霜清九乳鐘
松風朗嘯月華白
塵世浮名詎足榮
祇有清境難忘情
歸去焚香相憶處
漠漠簾前春草生

崇聖院竹

崇聖在萬松嶺西爲故宋寂音尊者宴游地種竹滿庭額曰竹尊者軒

昔愛篔簹畫如游篔簹谷
今過崇聖院篔簹宛在目
幹枯森森翠欲空
杳然影落庭除中
深宵寂寂搖明月
驚猿瑟瑟悲清風
徘徊去不得
撫襟增歎息
琅玕蕭疏響

雪翁詩集 七言古

六 四明叢書

約園刊本

四壁曾聞天竺古
沙門當時種竹湘
西村琳宮珠殿卻
煩暑蒼梧雲夢度
雨痕蒼蒼疊嶂虛
碧映藹藹飛嵐翳
翠紛羽人跨鶴何年入
鍊藥丹砂幾歲聞
沈吟轉發滄洲興
歷亂因之夢海雲

客吳卿楨園齋最久
酒中爲長句奉別兼示令弟

理楨

四月鑑湖滿五月芷葉疏
園裏新篁初解籜
公子茅堂聞讀書
余是悠悠失路者
買船遠向州山下
見時但言苦風波
金花臘酒盞對把
君家雄詞絕世塵
曾獻文章

觀國賓迎門不揖珠履客開懷偏愛蹉跎人前日醉稱
從弟豪池塘好句昔所標歌舞筵中邀我去與酣肯出
鄭櫻桃髮長七尺指爪秀月畫雙娥舞態饒抱愁卻欲
還君上長江恰遇白頭浪挂席天邊凌雪山知君兄弟
多相望飄然撫劍越關河兩地遙憶情如何秋來鴻雁
應不少試寄雲中錦字過

寄題吳江王開士定寒松精舍

相愛由來隔州縣曾送哀鴻淚如霰念爾悠悠湖海人
櫻梅弄色不忍見憶昨泊舟吳江頭金花臘酒澆我愁
竹林遙望洞庭雪明月早上西城樓鷓鴣冠我我四明叟
移家近住蒲帆口水遠天長無信來春風自倚門前柳
須知安石臥玄關支公未買沃州山他時倘有蒼生繫
功成拂衣開笑顏

暮春留別吳江趙瀚兼指月上人

昔登吳江快風閣遙愛閣前明月渡今來鶯啼三月春
繫纜江閣看江樹江樹沈沈映碧流洞庭雙峰天際浮
主人一樽又長滿開我胸懷萬古愁我欲揚帆拾海月
雲月徘徊不忍別去尋仙客跨石梁桃花洞口斷我腸

雪翁詩集 七言古

七四明叢書

約園刊本

他日還舟重相訪會識洲邊杜若香

贈沈二永馨

沈郎沈郎二十餘面如珂月眉目疏迴出神仙度瀟灑
臨風皎皎開襟裾昨日客游松陵道滿城飛雪梨花好
瑪瑙傾來玉乳香意氣逢君耐醉倒吳江城裏多少年
緩帶翩翩君也賢懷袖琅玕莫浪與憤鼻風流須自憐
君不見終軍棄孺者欲繫單于致闕下跣屣駕終無
成凌煙欲畫誰爲寫又不見謝安東山人往來剡縣清
角巾手把蒙莊揮塵尾卻能談笑滅胡塵

雪翁詩集 七言古

八四明叢書

約園刊本

題顧樵山水圖歌行

我家昔住鑑湖東開門遠望香爐峰一灣流水當草閣
天桃薔薇相間紅二十年來事飄宕雞鳴駕車暮五兩
功名蹉跎仙不成襟期騷屑色沮喪蘇州友人顧虎頭
能拂毫素豁我愁昨畫鵝溪絹一幅森森墨氣天際流
丹崖插霄巘突兀滄江若練樹如髮乘風破浪扁舟人
兩岸啼猿送曉月毫末復覩花紛紛枿楸岡頭春氤氳
路傍忽有墜驢叟疑是當年陳白雲撫掌大笑亂未已
夾馬營兒今始聞嗟哉顧夫子爾畫有高格披覽煙霞

臥游間令我懷鄉淚霑臆魏生魏生歸去來四明洞天
接天台飽聽松風琴一曲招鶴還上諾那臺

寄吳鏘畢映辰葉舒胤

陵陽城西秋夜寂援琴起奏四明客苦竹蕭蕭拂檻斜
珠露垂垂滿空滴月上高明歌且彈玄鶴長吟去不還
懷人河漢清淺裏迢迢東望阻吳關我望澄江路微茫
在何處擬買蜻蜓舟挂席雲邊去未識茱萸灣口蓴夢
中先繞三花樹

之秋浦別張拱乾董二酉

雪翁詩集 七言古

九四明叢書

約園刊本

春風凡幾日江頭楊柳黃壺關董公顏色悴韓國張良
眉髮蒼昨日相逢意氣多青絲玉壺金叵羅酒酣寶帶
挂庭樹送余還爲秋浦歌我今向秋浦相思渺難絕秋
浦騰猿皎若雪引予澄潭窺皎月行到李白舊游處石
上題詩未曾滅未曾滅重徘徊安得道人如公等漱鍊
乳液九層臺生聞仙樂從空來

欲謁虞山錢大宗伯途中書懷先寄柬呈覽

四明狂客四十餘擊劍拂衣意氣疏汎海飄飄洪波詠
落魄淒淒下澤車來往若南復若北門前五柳垂金色

明月橋頭酒一壺醉來高臥清溪石前歲縱橫計不成
仰天大笑還振纓授書恰思下邳去采藥乃向玉山行
玉山彩翠搖蘿樹仙人樓閣雲邊住中有仙翁餐雲腴
印心曾把楞伽註峰西白鶴破鴻濛翩躚有客駕長風
雖然未進胡麻飯曾識井上雙梧桐

寄贈婁東吳學士偉業

我愛天祿校書人繡虎才雄羣仙表常將奇翰動明主
接羅倒載長安道清平供奉非等閒聲名流播天壤間
五侯七貴得片字華堂始覺開容顏棠梨花發燕臺口

雪翁詩集 七言古

十四明叢書

約園刊本

春風搖曳御河柳手版朝朝對掖垣謝病終思偃林藪
幾時餞別青綺門還向江南迴馬首浮雲富貴疊風波
罷官歸去又如何當有三山雙翠鳥巢君庭樹珊瑚柯
憶蕭山湘湖贈蔡士京

昨夢湘湖雲嫋嫋青蘿月覺來欲汎季鷹舟已值子猷
山陰雪小窗獨坐醉流霞浙水茫茫道路賒相思欲寄
無雙鯉極目飛鴻天一涯春風綠潭倘可涉洞門試掃
石楠花

代寄朱黃門

昔掃黃金臺上塵燕麥青青京華春潦倒時跨少游馬
意氣不讓田實寶夫子紅顏抱才幹白筆能回英主盼
開臆蒙垂納履恩歌駒獨出避城餞我似鷗鷺還吳洲
天目著書文選樓君逢聖世日華際大羅仙子住丹丘
白雲映雪相思遠綠蘿嫋樹春風稠江南又是梅花節
空簾獨宿夢悠悠

鞠歌行

麒麟飢來無所擇搖尾不求狐兔食鷺鷥倦歸無所棲
繞林不奪鷓鴣枝丈夫途窮困苦亦顛顛豈肯脅肩詔
笑事權貴江上白雲若可乘我將曉渡黃河冰直登太
白藍田頂大嘯散落千巖聲舉棹欲游天路修以頭觸
天天爲愁長風吹月滿瀛洲還當獨坐彈箜篌

贈韓純玉棗騮行

當今馬癖最有誰苦心只數韓公子昔買盜驪寵且矜
今傳棗騮狂欲死腹漩點點汗班班巧賽桃花毛色鮮
牽來吳王鬪雞道騎出孫楚酒樓前頭絡路題傾城見
蹄高玉蓋傍人羨撇眼驚塵霹靂飛不讓蘭池追紫燕
公子豪華真風流囊中有錢那用愁青溪小姑春可借

雪翁詩集

七言古

十一四明叢書

約園刊本

西曲孃家客晚留桂枝倒挂珊瑚玦醉墮落花嘶未休
聞君更有飛龍影亦是龍種聲價道何時與君並轡起
馳驅峻坂風颼颼長鉞突羽隨手抹南山射虎還封侯

柳麻子說書歌行

昨歲客游江都城說書共推柳敬亭抵掌談天縱侈辯
馳驟不必皆有經出門人呼柳麻子往往攔街不得行
何家相國酣高譙桃李青軒嘗引見堂上遮留麒麟車
簾裏徘徊孔雀扇風雨颯沓動鬼神片言落地咸稱善
崇禎之際左將軍意氣如山天下聞開筵日召柳麻子

雪翁詩集

七言古

十一四明叢書

約園刊本

牙門羽騎羅紛紛齊聽柳麻說漢祖胸襟豁達龍顏君
貌出英雄天人際烏騅叱咤非其羣將軍大笑遺雙璧
還贈雕鞍龍八尺居常喜著火浣布醉後頻敲綠絲幘
全時湯鼎擅琵琶寵愛豪華難與匹詞源屈注天河傾
後來無人奪其席十載飄飄旌旗紅柳麻柳麻老成翁
有眼日睹尋常人東西南北道路窮君不見唐時工部
杜少陵翰林供奉李太白彩筆光芒千雲霄人間萬古
稱詩伯落魄風塵逐馬蹄腹中無飯常唧唧

寓山園亭

山陰亭子多古迹寓山瑤草萋萋碧若非班孫為地

主何繇一踏蘋洲客乳泉磁枕最斯游水檻雕欄恰相

適薰風芝閣茱萸園斜日虹橋水晶域解衣偃蹇攀桂

枝落花已滿清樽側是時老夫頗潦倒喧呼起舞無所

惜座中張五杉建安豪請我歌行書石壁停毫卻憶梅

子真藏名此地幾千春年來更憶祁忠敏重為翦鬪編

荆榛倚徙試待鑑湖月還與汝曹飲數巡

送劉俊還衡州

雲帆嫋嫋涉江去揮手神仙不可住憶昨鳳凰城北隅

雪翁詩集 七言古

十三 四明叢書 約園刊本

逢君迴轡芳洲暮春夜沈深秉燭游解佩當壚上酒樓

參橫同抱燕山痛曉來獨結湘雲愁湘雲縹緲睇三巴

遠樹桃榔接翠華秦人雞犬復何在桃花深處問君家

衡山有鶴朝朝至尙期銜寄相思字

觀趙翰林孟頫所畫少陵飲泣圖引

元初畫者四大家人物獨數趙王孫我朝畫手唐伯虎

亦擅此技稱專門昨過賣漿薛公宅請我觀畫滿廳壁

後出少陵飲泣圖卻是王孫真筆跡王孫王孫爾何畫

斯圖令我見之生嗟吁形容枯槁布袍垢山坂蹙蹙跨

白驢蒙面號咷身欲墮紫髯之奴還相扶想在峨嵋入

蜀天未經靈武即位年秦城桃李胡塵蔽與慶龍池秣

馬邊羌奴虜築晝夜嘯天開地裂殺氣連兩宮消息望

眼穿不然何由淚如泉好語辭夫子爾還收置匣笥裏

清明上巳花滿江慎勿以此挂高堂恐有天涯憔悴客

撫時慷慨霑衣裳

成都行

君不見昔日成都府公孫躍馬臨江浦號稱益部甲西

南蒟醬竹杖何煩數前年之春海棠紅青絲白馬張獻

雪翁詩集 七言古

十四 四明叢書 約園刊本

忠麾戈呼噪雷霆黑滿城屠戮錦官空我軍此時在青

坂慷慨赴義輪不返至今兩川泣杜鵑熊羆嗥風虎嘯

晚嗚呼安得聖人駕六龍直法秦漢徒關中再闢魚鳧

與蠶叢分我浙直輸挽功

丙申夏以事之山陰寄祁生班孫宅其伯淨超昆

耶居士後身也他日邀余游密園宴飲因為醉歌

旅游昨借祁生榻毒熱正當三伏中高棟層軒眠不得

開簾兀坐苦無風祁生有伯龐公亞邀我置酒密園東

鋪地食單松陰冷憑檻隔岸荷花紅磨刀那藉設魚鱸

薦殖何煩羅辛蔥冰盤雪藕堆四座青芹錦帶甘野翁
涼颼颼來紛可喜清觴遮留移日暑幾載風塵僕馬悲
新歡繞接祁翁美我欲溯流上荆襄自傷枯槁已暮齒
飄零會寫千首詩潦倒終當付泥滓維摩好道尙愛才
朗吟相對澄懷裏後期握手贈牟尼他年還駕琴高鯉

題贈祁理孫畫像引

余也不得安禪師粲可茫茫奔走赤縣裏朝隨屠販上
長安暮逐吹簫涉江汜山陰祁生三十餘已能高蹈謝
塵居昨出畫像令我題宛然跌坐凌清虛高齋漠漠閒
花落松風萬樹臨絕壑披圖儼向雪山行縹緲金仙來
綽約祁生聞爾獲髻珠門種朗公橋幾株魏畊他年拂
衣去楞伽一卷須相與

客舍苦熱忽得蕭山傅生宗札沈生宗功詩數篇

輒寫長句酬贈并寄毛子奇齡

山陰客舍溽暑邊惱觸鳴蜩聒不眠隔牆有松如車蓋
翠蔭亭亭不得前扶南甘蔗何處覓玉井寒冰太直錢
狂搔白首揮汗坐不禁涕下迸流泉忽獲傅生書一札
子雲妙筆錦重疊又得沈郎擲贈言頗似曹植白馬篇

雪翁詩集 七言古

十五 四明叢書
約園刊本

蚊蚋營營且秉燭老夫披帷三過讀更深海月上金盆
垂頭側立煩童僕憶昨老夫喜染翰壯思要命神鬼哭
常擬文章較天祿誰甘瑤草埋空谷竭來出門無馬駒
寒衣徒步荒山麓篋中雖有驪龍吟不救妻孥溝壑辱
公等年少春正芳已能解卻紫羅囊努力豪鷹秋翻迅
決驟驩驪筋骨強自能一日聲價滿豈知老夫哀佯狂
試覽老夫苦熱句還與毛子摧肝腸

洗硯池醉歌送朱士曾歸山陰

我醉欲眠碧窗前逢君駿馬墮金鞭笑罷人催上馬去
愁我牀頭無酒錢朱家夙昔推大雅須醉吳興豪士者
城邊演漾洗硯池供君十日好揮灑硯池四面臨高樓
疊嶂飛嵐繞丹丘翰墨曾傳趙承旨今朝飄灑接風流
吾髮蕭條生年蹇怡值良朋事游衍三杯忽笑東方朔
青眼卻看南門峴會識胸懷長抱春詩成雲月照松筠

座間詞客四皇甫

謂錢价人志熙
志焯志燾昆季

况有逸調躡前塵攜

來相送河橋上風帆浩浩不可狀歸舟倘贈三花樹天
柱香鑪時在望

太湖明月歌贈蕭鍊師

雪翁詩集 七言古

十六 四明叢書
約園刊本

太湖八月涵秋鏡好與月光流彩並萬丈金波飛始來
何人卻有扁舟興冉里先生九華巾玩月買醉蘭陵春
扣舷宴宴洞庭去浩歌迴激來天津織女機可攀游仙
不得還不得還兮騰虎關雲中君兮招手閒激灑倒懸
金銀闕蟾光掩映芙蓉顏君不見蘇耽化白鶴城郭人
民已非昨又不見茅盈入句曲至今兄弟跨跛鹿古來
共有不死方何愁落日滿漁梁舞霓裳兮樂事賒黃金
成兮融丹砂飄飄更踏崑崙去還與夫君採月華

登香鑪峰歌

雪翁詩集 七言古

十七四明叢書

約園刊本

君不見香鑪碗礪四萬八千丈勢掩天台雁宕之高山
騎二茅龍升青天我嘗于此窺人間滄海浮一杯江水
渺似環扶桑日出雞三喔擾擾紅塵飛不還飛不還凋
朱顏青山舊時骨纍纍我嘗於此發長歎乃與酒徒嵇
阮輩夜月嘯坐松風關聽雙成之吹笛悅麻姑之垂鬟
幽篁蕭瑟溪谷潺湲我欲不去惆悵盤桓送君還兮下
城闕城闕遙遙不得閒何時攜手採芳蘭

久別離

別來五見櫻桃紅雙飛紫燕入簾櫳櫻桃花落子纍纍

紫燕巢成雛西東相思不相見空房妾腸斷夜夜夢遶
天邊行愁隨春草長歷亂紗窗泣上流黃機織成錦段
裁爲衣好將遠信憑鴻雁望斷瀟湘路已非待來兮秋
晚封情兮減飯青鸞憔悴彩雲裏化石江頭終不返

早秋湖城南樓讀錢霍山陰所作詩

夏日跛腳臥早秋登南樓招手不相見悲來涕橫流沈
酒東平酒徘徊斜川柳白雲如上海上起瑟然欲雨清
林藪須臾雲開月華朗對酌恨無山陰叟仰望天河吟
君詩風吹蘭葉步遲遲羨君詩如彥伯好奈我徒慙謝

雪翁詩集 七言古

十八四明叢書

約園刊本

尚知風流兩地昔爭妍才思絡繹壑赴川欵珠吐玉無
人憐千言不值一箇錢安得世有趙王賢憐君詞勝謝
榛篇美人寫出琵琶絃醉來舞袖承其眠一時相逢各
潦倒鬢生秋霜颯已老惟有酒中樂事多死去便埋無
所惱丈夫但當猛虎步眼前屑瓊安足道苦竹蕭蕭拂
檻哀鑑湖雁落沙滌洞尋仙果協滄洲諾小艇山陰雪
後來

白雪歌懷祁六

何處白雪飛上天飄飄吹落鏡湖前羃歷青青女蘿樹

搖曳濯濯紅粉蓮我欲因之到君邊錢塘波起心茫然
但見楚雲織似綺復道吳雲薄似絲隨人東郭忽南浦
映帶樓閣何澄鮮我愁萬古愁不眠欲對君言無一言
慷慨抱琴振商羽拂石彈之幽澗泉披襟朗然太清裏
送彼白雲揮五絃揮五絃歌已傳秋來非無鴻鵠翼願
寄麻姑長翩翩

贈長洲陳三島

雲門山人勸杯酒東園花枝頻在手花落花開總憶君
二月春風別來久雙飛海燕度關津口銜錦字渺無因

雪翁詩集 七言古

十九 四明叢書

約園刊本

願將西子江頭月留照蘇臺梁上塵

長相思

妾居鳳凰樓君戍雁門關長城三千里塞草五月寒一
雙白羽天山落空留可憐凋朱顏牀上相思枕手中金
約環我欲拉雜摧燒之不忍燒之還長歎龍鬚席可捲
望夫石彌堅東園蝴蝶西園燕斷腸花發淚斑斑妾心
不似長江水浩浩東流去不還

送潘四弟古琳之金陵

昔余好游俠曾爲咸京客忽逢胡馬驕仰射飛鴻翼獨

上鳳凰臺腸斷栖霞色今君下金陵浮舟訪李白還瞻
故宮闕尋余舊行跡詩題鸚鵡多愁絕景陽側景陽愁
絕日斜曛也應翹首鍾山雲傳道年來仍五色試將消
息隔江聞

雪翁詩集 七言古

二十 四明叢書

約園刊本

雪翁詩集卷五 七言古

雪翁詩集卷六 七言古

明慈谿魏 畊白衣撰

禹穴吟寄長洲姚孝廉宗典

黃鸝啼碧瀛洲草鑑湖水綠春風好越人傾俗作遨遊
寒食清明禹陵道山花如繡拂面香士女盈盈祠廟傍
墮髻梳蟬三五餘金鳳將雛十二行恍若瑤池讌王母
蛾眉含笑下飛梁日暝船迴攀柳去雲愁海思各茫茫
辛苦瀟湘三閩客怨公子兮慘顏色天上銀河鵲未橋
視此躊躇渺何極欲寄吳門匹練長愧爾社燕東飛翼

雪翁詩集 七言古

一 四明叢書
約園刊本

吳錦衣宅觀陳章侯丹青圖引

山如海上列蓬瀛人如仙吏游赤城鳥如青林月裏啼
花如絳雪雲邊明忽然我向雪溪至披覽毫素窺太清
乍接如夢心復驚倒疑闔苑人間傾高堂長有萬里客
誰汎羅浮與洞庭縹緲情搖故鄉樹思欲彷彿涼蟬鳴
雕棟曲檻柳絲拂壁石橫波翠岫迎又見雲霞飛滿目
一時仙隱杳無名設君烏皮之文几熱君甲煎之名香
與君對坐長松下彈碁之暇催羽觴粉圖彩筆相珍玩
返照已映東西廂玉童纖手卷還去明日西游度石梁

中道若逢許斧子會須贈君補腦方

贈別程七大轡

日色曛曛酒乍醒鹿門先生睡方起流水簾前花萬重
一樽又對寒峰裏書生白面未封侯有興空將筆硯酬
看君擺落世間事學君長醉復何憂二月春風吹我至
時時邀向鏡湖去映清明霞澄彩波度柳紅妝迴舞絮
別來彈鋏復逡巡慷慨期清沙漠塵莫將白雲自怡悅
恥寄風流羽扇人

歸茗溪後卻寄祁八誠孫

雪翁詩集 七言古

一 四明叢書
約園刊本

曾看揮毫臨薰風北苑丹青似遜工攜歸衡嶽懸素壁
夢來已到五老峰閒時垂釣桃花裏釣罷焚香無日已
題書一一報故人得錢沽酒醉不起

對酒

蟾兔一鉤畫樓東天風吹落杯酒中酒中斂斂起微澱
碧窗嚦嚦度歸鴻勸君飲酒尊須空莫道當筵無美人
櫻桃來自洛陽宮新聲盡是十二月舞衫袖長今始縫
舞衫袖長真可悅君今不醉將安窮

戲贈鄭廣文

借問鄭廣文何如王子安
弄詩碧雲裏散髮吞風寒
春風罷釣雞鳴口挂帆直下嚴陵灘
逢君爛漫停杯處無
數紅花開滿田

贈西泠王佑賢

庭有古梅傳是宋元豐間物

昔游西湖湖草芳
賓從雜沓登華堂
東風吹我上馬去
青門折盡柳條長
與君別來思浩浩
聞君髮白興趣好
我行飄落心事違
黃金等山不顧歸
眼前悠悠雲雨散
如君傾倒世所稀
城上烏啼鼓聲曙
庭前春到梅花樹
相傳植是元豐年
何人得見花開處
嘉平臘月青陽迴

雪翁詩集

七言古

二二四明叢書

約園刊本

羅浮玄鶴翩翩來
願攜水部揚州調
抵節酣歌行慶杯

江上遇王二嗣槐隨張司馬入燕酒中走筆贈歌

君從何處來我向釣臺迴
羊裘老子興蕭瑟與君江口
重徘徊聞君朗吟袁虎詩
卻與征西謝尙期滹沱雨雪
不能顧北地葡萄醉豈辭
嗟余阻此歡三載玉壺乾
今歸吳興郭茗水清且瀾
五月楊梅熟六月荷花鮮
雖無如花妾稚子正堪憐
呼買下若酒醉來白日眠
笑殺陶元亮空竊酒名傳
君上長安道日日揮馬鞭
想君夢五柳直到我門前

送從弟霞歸甬東魏浦所居

太白搖紫庭流輝含赤城
我昔五見桃花落虹霓倒挂
瀑布清我今羈滯西吳地
桑柘依然憶四明四明迢遞
隔江渚越客頻思故鄉土
九華微吟上峴山鄉關不見
淚如雨乘羣野鷺摩天飛
煙波浩渺愁難處吾弟來翩
翩把手心歡然今日別我去
躑躅不能言秋風晚渡樓
林瀨雞鳴曉發曹娥船咫尺
人歸甬東郭飄飄一去會
何年魏浦流激激浦口多白石
階前紫荆柯花開徒相
憶君不見靈運從弟愛惠連
池塘青草夢可憐鴻雁雖

雪翁詩集

七言古

四四明叢書

約園刊本

分情氣屬至今騰價登樓篇

蘭亭留別吳棠楨

山陰蘭亭渺何處雙屐未游長
逡巡今來已是冬十月
天寒不醉愁殺人林中眠月聞清磬
四望青山絕四鄰
霜風淒淒哀鴻遠江帆欲拂腸堪斷
梅花別墅幾時攀
此去煙波竟不還臨風若思籠鵝客
瑤草澄湖銷夏灣

酬祁六錄別作

苦竹城頭皎秋月鴻飛欲下山
陰雪何人隔簾奏綺琴
霜風淒淒管絃絕將絕未絕使人愁
腸斷西施溪上樓

明朝離別在何處哀猿無數啼滄洲斗酒今夕會落葉
溝前對悲我鬢如絲放逐彌年歲飄泊江湖願已違憐
君詩句有清輝非是臨歧淚滿衣海內如今才子稀

代札與朱十彝尊

矯首望月華沈吟對杯酒疇昔揚舫期我來今日離居
落花後清溪演漾綠芷榮白雲未掃碧窗明山中高臥
無知者朗吟轉憶崔州平三春已度歲將晏慚君脫贈
雙佳硯空羨相如賦大人總憐班女悲紈扇飄然我已
成衰翁如君豈合長數窮會知引塵當掩笑滄洲目送

雪翁詩集 七言古

五四明叢書
約園刊本

雙飛鴻

越州邸舍酬吳四兆騫塞垣見寄之作

茂苑才人戍塞北四明狂客多惋惜憶昨論文待月來
吳江澹澹葦花白江流萬里去家輕縹緲何處玄菟城
搗衣無復深閨聽吹管長聞獵騎聲南樓獨坐披新作
我已知君悔入洛書札空教海雁傳秋風應悵華亭鶴
遷居遠隔越州春浣紗石上思殺君幾度雙星望牛斗
天漢微茫一片雲

湖上贈張自簡

鏡湖激澗湖水盈惆悵臨流別友生挂帆欲到烏程縣

銜杯且帶越王城越王城郭青天上鷓鴣啼罷花冥冥

春來倘入幽人夢此日分飛不勝情捲簾愁思天將晚

誰搗流黃淒復清楊柳青青送我去白雲回首不知處

懷君沈博多美才會待秋風驚雙翥丈夫窮達那足傷

東山聞有舊草堂但須高臥看霞起得便貽我瓊枝芳

仲冬游商太傅土城山園亭山爲勾踐夫人教西

施歌舞處一名西施山其令孫徵說邀同吳二卿

頑攜酒饌過之時子已別錢六輩解維三日矣醉

後悵然題其石壁

雪翁詩集 七言古

六四明叢書
約園刊本

嗟予憔悴江潭裏歲歲行吟無日已猶如一葉墮飄風

繞枝三匝鳥欲起故人幾輩意氣同昨日當筵今日空

迎船忽倒二子屣相邀誤入館娃宮璇題壁月映流水

重樓複閣帶垂虹曾聞太傅攜雙妓清歌停裏畫梁中

春來處處飛黃鳥檻前啼落桃花紅佳境偶攀心所愛

美酒如淮更堪對見月弄影影徘徊狂奴還發故時態

榜人催罷歸去來將從豪聖徧九垓倘得功成竟長揖

復訪山陰人姓梅

晚投雲門顯聖寺得君上家信作

蔡邕書籍無與披倒屣曾迎王粲奇可憐嶠嶠二稚子
無事解吟文選詩衡門桃發紅且碧太冲嬌女弄顏色
我家阿謙時罷機牆上高枝凡幾摘鳴雉低飛晚照開
故園有憶空徘徊陶公醉後思高枕聞鐘還過虎谿來

別吳泰

我家出郭盡青山東行思駕白驢還不及海上羣鷗鳥
忘機可以相追攀曉來津吏催去關明月留照松桂間
彈碁劇作三五勢君學手巾推絕技遙憐日日對玉岑

雪翁詩集 七言古

七十四明叢書
約園刊本

談笑風流無古今秦嘉夫婦吟詩慣可憶嵇公晚弄琴

醉贈商徵說

越城草木黃風清滿地霜鴻雁東南飛馬嘶悲舊鄉舊
鄉煙闊五湖水衡門信絕萬山裏幾度思歸別故人堪
憐又醉商公子年少豪華意氣適天寒披我紫霞裘蘭
房滅燭瑤筵散月明還上承恩樓顧謂侍奴可擊筑自
起彈琴興相屬皎皎珠簾河上鈎泠泠鷓絃風動竹原
陵春嘗世稀聞鄭莊愛客當推君拂袖待尋園綺去惆
悵秦峰盡白雲白雲白如江海雪相思遙望轉紛紛

客中酬潘居貞見寄

蘭葉摧芳秋露泫越燕銜雛胡雁見塵世紛紛過眼前
蓬萊之水嗟三變想君岑寂閉幽簾玉童雙侍理湘籤
城上青山嵐滴滴門前碧水流湛湛餘興婆娑漆園樹
南華道經手自註須臾月照萬花明此時應復耽佳句
予游未遂馬蹄間湘江妃子相追攀黃鶴西飛九疑去
愧爾風流永日間

桐廬杪秋書懷柬題錢四元勸鳳凰山所居

旅客悠悠江上洲胡雁驚飛鳴素秋黃雲萬里迷山驛

雪翁詩集 七言古

八十四明叢書
約園刊本

白日人間感倣表憶昔文章思獻闕歸擬還丹踏天月
今朝霜鬢興飄然富貴神仙成兩失召南陸羽茶渚迴
峴北支郎籬菊開聞道乘風放舸舸滿載烏程美酒來
看君自是曠達者早歲已能皈白社尋常取樂不計年
浪游欲笑李青蓮我願從君棲鳳嶺桃花夢遠春潭邊

訪雲門寶掌寺雪厂禪師

雲門山水清且幽寶掌一去已千秋曾擬相隨任公子
釣竿倚拂蒼江流惟爾沙門臥雙樹無數天神奏樂處
我來忽見鵝嶺高堆藍刷翠簾開曙盡日支王酬論雄

寒棕葉響今始悟霜落鐘聲催出谿矯首向時碧玉梯
因之歎息青泥坂想見桃源真欲迷

雪翁詩集 七言古

九四明叢書
約園刊本

雪翁詩集卷六 七言古

雪翁詩集卷七 五言律

明慈谿魏 畊白衣撰

寄金俊明

燕子秋飛急野池蓮故紅江山驚歲隔衰老泣途窮斫
桂憐宵月絨愁屬塞鴻親朋如有問爲報耳初聾

歸雁

花濃清渭北柳綠洞庭西春雁雙雙起雲鴻眇眇齊聞
絃傷故痛失侶不成啼流落終成怨休辭瀚海迷

客夜

雪翁詩集 五言律

一四四明叢書
約園刊本

城頭烏欲棲橫笛遠淒淒新月半輪仄明星幾個低殘
骸驚黑瘦流浪恨東西誅盡名豪日登樓不敢題

卜居蓮花莊

峰高青入漢水漲綠成渠其道羅含宅休嘲庾信廬年
衰一任懶髮白不教梳總是飄零客無人問卜居

奉贈薛太守

名采字諸孟世亂避跡沙
門號米堆山時稱米和尚

常州薛太守削跡避禪枝不似梁江總疑同陸季疵天
河低繞寺螢火乍穿池回首前朝日中宵淚獨垂

抽戈

十載烏號淚至今曾不乾青梧凋晚日丹桂老秋天妖
氛何滾滾鼉鼓正淵淵麟閣誰人上抽戈拓舊邊

渴極

蒼梧巡狩絕曆數久茫然野老真難活狂奴益可憐烏
蠻春色外白帝淚痕邊渴極思甘釀囊無沽酒錢

從安溪務上瓶窰寺

務口桃花發江潭見底清尋源過客少采藥有人行金
刹懸霄迴朱樓繞樹平神仙不可接猶見小蓬瀛

舟月對天門山

雪翁詩集 五言律

四明叢書 約園刊本

舉頭江月上恰好對天門倚柁蝦蟇躍驚林鶻鳥翻竹
枝歌遏漢砧杵客愁村不寐同商估清風說故園

宿九江

失路隨鷗去飄蓬逐浪旋爲尋一柱觀還泊九江船并
邑新湯火烝黎方倒懸偷生知未免不敢薄張鷟

十六夜洞庭蔡氏莊望月

纔升十洲外已照兩峰尖白兔光難滅朱樓清轉添
娥窺玉帳河漢仄珠簾搔首懷蓬闕江湖淚欲霑

故臨桂伯瞿太保大學士挽詞

遠聞瞿太保生死聖明朝畫笏天顏動連營軍務勞渴
芒星墜地妖燄夜橫霄翊贊功仍在花門未敢驕

同趙瀚過顧有孝田舍

久客思疏放扶藜過水西絕知田樹小忽見草堂低
熟添香美詩成得醉泥老人憐白髮還許整筐攜

夕望

百里苕溪驛千峰雪水村鴉飛樓閣晚舟集野塘昏
燐纏南斗鉤陳壓五原普天愁戰伐消息望衡門

對酒

雪翁詩集 五言律

四明叢書 約園刊本

老眼摩還黑燈花撥轉紅貂裘寒對酒灌木下悲風
誅項思提劍興周憶夢熊從來成大事能殺是英雄

關山月

遼海玉盤上曠隴碧落間仄輪明漢壘擊柝滿秦關
紫塞金波爽青樓綺帳寒藁砧何處望相望在刀環

樓船

湘郡屯關羽夷陵札呂蒙江湖爭戰苦吳蜀霸圖雄
花朶江鶯溜人煙晚照濃樓船春色裏正好仗東風

歸明州示從弟霞

廿載生還郡江行晚渡潮天圍三佛國地闊魏家橋白水霜仍落青山眼舊饒烏啼驚別處亭柳故垂條

會稽途中寄陸圻

再經堯女觀復歷越王都柔櫓鳴楓葉長江急暮途朝廷天北遠敕目海南無祇合飄飄去衰顏逐壯夫

入宅三首

纔笑蘇耽鶴千齡返舊鄉蔓榮光祿坂井場撫軍坊皓首皇天棄青袍故態狂吾宗諸弟姪箇箇問行藏

又

雪翁詩集 五言律

四 四明叢書 約園刊本

家家紅錦樹岸岸白沙村井絡蠻江闊煙墟越俗繁到園嘗果實餉客翦葵根風土童時諳飄零總未論

又

城南尺五天絕賽杜陵邊去日風花暮歸時雪雁連山雲低洞口溪水漫湖田池館雖非舊松門一醉眠

樓船

樓船今奉詔東虜舊憑城漢節歸何處胡笳送遠聲兼天風過黑外國島餘青歲歲秦庭哭幾時口口京

孝陵

萬國朝宗地千年一孝陵龍蟠清漢迥虎踞大江澄蓬島仙難返蒼梧駕莫憑櫻桃春薦熟灑淚望口口

孟冬馮徵君元仲邀子游天益山園莊五首

客裏聞園勝江湖命駕稀泐流山自鎖洞府鶴羣飛睨蒼生暇從游塵世違山公幽興發岸幘未懷歸

又

三百峰頭紫晴窺翰墨池軒楹拔地峻雲水拂檐垂移榻防棲怪攀崖怯醉泥枝藜還跛脚指讀蔡邕碑林藏蔡中郎書郭有道碑

雪翁詩集 五言律

五 四明叢書 約園刊本

又

迴望彈琴峽峽在潭中風潭面面開虛愁烏鵲渡直駕小船來十月花攢岸雙童謳命杯不須邀越女更舞曝書臺

臺在嶺下

又

涼飈敲翠蓋西北偃孤松榛草無人開金沙一徑通鹿裘今日並茅棟異時空擬著參同契青錢賃老翁

又

無奈關戎馬雲帆復遠行青蓮青蓮祖師塔在園左歲出青蓮七朵祖姓張名

遂端唐時人遺石
有咸通二年字
雁他鄉老歲星
北山文勒處知在小東城

贈秦溥

才大今牢落為儒困
一經飢鷹垂翅怯老驥
向天鳴野店蓬萊驛
梅花甬上城相看惜
晚晚碧椀對銀筭

吾宗

吾宗五百家第宅向江斜
紫燕穿檐竹黃鸝轉岸花
峰連括蒼雨海倒四明霞
回首鄉關地春風道路賒

登吳江快風閣

雪翁詩集

五言律

六

四明叢書

約園刊本

攬嘯東吳閣蕭然晚望開
落霞鴻雁遠秋色洞庭來
玉切鱸魚鱠香含瑪瑙杯
仍餘張翰興棹擬月中迴

春望有感

望春春不極弄柳柳垂條
雨洗湖南岸風連渭北橋
流雲哀過雁舞劍拂深宵
欲獻河清頌天邊金闕遙

送友人入天台

聞道天台去尋仙渡石梁
鑑湖明月好相送碧山長
澗壑三春暖桃花一飯香
願邀神女佩縹緲寄瀟湘

秋夜寄懷天末

潘安游洛下謝朓客宣城
鴻雁秋飛盡長吟河漢清
霜深月華冷風動竹梢鳴
瀟瑟澄懷裏蓬壺珠樹情

峴山送錢大纘曾之杭州

揮手青霞客峴山送別多
銜杯一相問挂席欲如何
宋苑期瑤草錢塘駕海波
風悲衣錦樹休憶舊山河

山陰呂師濂宅留題

雲門子猷宅苦竹賀公湖
林迴饒煙色圓空多鷓鴣
飛花長送客對月也傾壺
莫註逍遙論東山老壯圖

黃浦亭憶朱廿二客錢尙書

雪翁詩集

五言律

七

四明叢書

約園刊本

鮑昭黃浦上曾別庾家郎
因憶尙書顧重增羈客傷
白猿啼嶂晚綠柳度雲涼
腸斷揚州外煙花幾萬場

春到

春到鑑湖邊蓬萊驛路前
楊花皎若雪著地攪成煙
屏掃青山畫雲開錦浪川
只愁無勝侶買醉惜連船

人日寄馮氏姊

大姊明州住孀居最可憐
有男方總角無食寄江邊
蕃漢營新壘兵戈接舊年
天涯千里隔相憶淚如泉

送袁駿還長洲

知君多故舊名姓滿天涯纔入陵陽郭旋催茂苑槎秋風落桂落江上片帆斜別思何由慰相看祇月華

當塗寄所知

海縣催衣急秋風鴻雁高美人天際隔鄉客夢中遙檣下三山樹江平八月潮迷津何處問空自憶吹簫

旅中寄徐崧

我到吳門日逢君浙地游青楓千里直明月大江流尺素懸天上飛鴻望酒樓落帆亭下路相勸莫淹留

出郭

雪翁詩集 五言律

八四明叢書 約園刊本

出郭晚悠悠蒼茫動客愁溪從天目下水向太湖流故國哀戎馬他鄉望斗牛江城風過處羌笛起譙樓

梅里宿屠爨宅

汝髮黑如漆我頭白可憐匆匆逢上巳衮衮話當年月落吳關樹春深構李田明朝須解纜不放老夫眠

散步

清晨常早起散步玩流泉春雨崇朝霽江聲到岸圓桃源人事裏野廟石壇邊隊隊鷓鴣過船頭坐少年

京口翫新月

年年見新月今夜大江前輪缺桂還仄鳥驚弓暫懸白頭殘照裏丹闕遠天邊繞樹憐烏鵲誰能獨就眠

避地

胡笳起北海戍鼓疊南州百戰行人斷千山獨客愁子規啼日夜樛木暗城樓莽莽多憔悴吾生何所求

過錢元覺夕陽莊三首

雪水碧無底蒼山青刺天疏狂孔北海詞賦李東川柳橋邊直黎星屋角懸一年三百日只愛酒如泉

又

雪翁詩集 五言律

九四明叢書 約園刊本

紫燕啄泥倦鷓鴣曬翅眠天高荒野大日落萬山圓薄酒人皆醉柴門日照筵小船容易拔相送過前川

又

簾外水光動當頭月影圓天風吹岸草野客傍蘿煙白小鮮無比蓴羹滑可憐從今來往熟長認石橋邊

萬曆

至今思萬曆父老淚潸然氣象黃虞合華夷日月懸雲門天上奏諫鼓殿前傳專用張丞相垂裳四十年

驃騎

玉河迎朔日金海漏春光
驟騎排場捷鞦韆侍女香
可憐謠白馬警急報青囊
肝食勞天子垂衣夜未央

夕烽

爲罷黃花鎮居庸烽火添
遙看千點細直照萬峰尖
秦晉虛愁北幽燕苦逼南
平臺聞召對那個是于謙

青絲

盜賊橫如此皇天安在哉
青絲應識日黑暈壓城來
屠掠三千郡鯨鯢百萬堆
飽聞征戰地漠漠野花開

蓴羹

雪翁詩集 五言律

十四明叢書 約園刊本

蓴羹銀似簇蓴葉錦俱攢
齒藉流匙滑誰云致鬲寒
秋風吹弱水丹木落燕山
千里吳江隔頻懷白玉盤

牡丹

牡丹天上發御苑報開花
曉露流青鎖春風蹴絳霞
瑤姬三島隔玉洞十洲遐
碧漢鳴鸞舞深宮飛燕斜

天馬

傳聞雙鳳闕天馬自西來
蹴踏真龍種騰躩躩駕才
青瞳常閃電赤汗繞奔雷
騎出橫門道風沙萬里開

野哭

銀海青無浪蒼梧峽有猿
提封非舊服恩德尙中原
野設青精飯春殘白露園
乘槎極漢北何暇事桃源

歷歷

歷歷崇禎始星辰護紫微
園丘祀白馬中殿拱朱衣
烽燧西傳淺駱駝南牧稀
京華全盛日草木藹餘輝

麗人

鶯啼蒲坂春幽薊有佳人
細犢黃牛駕長楊綠水濱
錦靴垂鶯驚繡襖畫麒麟
持出傾城看分明號與秦

鮒魚

雪翁詩集 五言律

十二四明叢書 約園刊本

五月鮒魚美人間誠所稀
晶盤傾雪豔犀筋厭膏肥
憶昨陳原廟崇班薦寢闈
妖星識白馬禴祀十年違

送王廷璧

摩霄江鶴迴塌地柳枝青
西嶺雲霞曙南湖蟾兔明
十年游少海千里歷吳城
到處迎王子逢人說魏暉

贈杜太傅

太傅神皇廟橫行沙漠中
至今餘部曲猶自拜元戎
戎花濺厓山淚猿啼禹甸空
封侯鐵券在回首泣遺弓

代杜工部對月二首

皎皎碾秋旻吳剛每斲輪嫦娥猶自寡桂樹不成薪削
跡憐鵬羽無家續淚痕清輝侵擊柝何日話歸秦

又

白鹽全欲舛赤甲照還明畫閣憑霄遠風簾倚佩清蟾
蜍傾北斗魚鑰動金城直覺夔州曉天雞次第鳴

雨二首

雨暗千家樹橫橋壓大川夜來三尺鯉爭水上新田糧
艦吹巴楚旌旗溼漢縣翻愁妖燄紫閃閃黑雲邊

又

雪翁詩集 五言律

十三四明叢書
約園刊本

已月蠶桑際荒村雨未休堂前蚯蚓出牆腳野麻稠京
口人難到蠻江水逆流老夫因病酒鎮日不梳頭

寄贈蕭山傅翁

海上壺丘子遙聞興自豪幽居饒白石仙樹植金桃栝
刻延年字詩傾錦繡袍兼知賢嗣輩個個鳳凰毛

會稽道中寄贈友人

我入會稽郡名山處處行卻逢王內史爲說謝宣城落
句澄江練含情秋月明何年一攜手長嘯語縱橫

八月十四日夜寓山宴集

山銜落日去月自鑑湖來乍報一輪滿光連萬壑開羣
公天上接清嘯海東迴我欲停杯問長星安在哉

十五夜西湖舟中翫月

吾愛西湖水攬之清若空分明青嶂裏獨照白頭翁碧
浪搖鵝鵲金箔起塞鴻蟾蜍真可戀莫畏曉來風

十六夜湖上望月

今夜西湖月仍同十五圓徘徊臨碧海依舊上青天何
處歌鐘起誰家珠箔懸玲瓏相望裏清嘯不成眠

十七夜望月有懷

雪翁詩集 五言律

十三四明叢書
約園刊本

搗藥猶憐兔清輝未可論故須催畫舸隨意泛江村楓
落明金剎簾開仄素痕遙知剡溪上謝客倚柴門

垂虹橋待月寄馮翼薇

吳江秋色好端在垂虹橋淥水青菰出寒山碧落遙臨
風懷阮籍行雨憶虞姚明月洞庭起何人吹鳳簫

寄酬周廷禧

極望關河阻青山晚上臺雙魚洞庭下一雁雪天來日
落街鄉樹雲開送酒栢當今惟賀監苦愛謫仙才

贈薛縣尉

薛尉眞賢尉風流願不違庭留萱草雪禽轉竹林暉待
月胡牀滿揮絃吏事稀公田如可釀元亮莫言歸

雪翁詩集 五言律

十四四明叢書
約園刊本

雪翁詩集卷七 五言律

雪翁詩集卷八 五言律

明慈谿魏 耕白衣撰

過錢四元勸山莊不遇

錢鏗聞太上門巷歲時閒茗雪東西水峴衡郡郭山春
深花寂寂客至鳥關關采藥逢君去赤城言未還

秋日竹素莊柬朱玉曾

吾家銅峴曲最愛茗溪清溪上爲樓好雲門游未成臨
秋迎白帝每憶寫黃庭借問蘭亭裏鵝羣幾個鳴

早春山中寄懷吳處士閑

雪翁詩集 五言律

一四四明叢書
約園刊本

稔聞吳季札潛德萬年師君也爲苗裔高蹤復繼之雪
黏巖溜早冰泮雁迴遲坐惜雲帆遠空吟芳草詩

賦得太白峰頭月寄山曉上人

太白峰頭月清光疑是君曾含赤城雪長曉鏡湖雲竹
圃鳴秋籟花樓醉夕曛相思不相見攬轡自紛紛

留別曹使君溶

我自呼謫仙問君然不然臨當上鞍馬揮手贈詩篇西
塞松停蓋南茗水散煙還家弄白石回首憶清川

宿飲馬池柬費十六圻廣

逍遙飲馬澗峭嶺盡摩雲竹閣臨遙靄桃花映夕曛清
風迴海角對酒憶論文萬仞峰頭月何由持贈君

蕭山送向陽

杯酒勸秋風山寒日暮鐘人歸京口北相送浙城東月
照猿啼樹江鳴映雪鴻還家楓正好莫歎阮途窮

簡張杉

吟詩嘗對客杉也最風流青草惠連夢黃花張翰愁近
聞游秦岱還欲上幽州如過濟南郡試登白雪樓

送客

雪翁詩集

五言律

一四明叢書

約園刊本

君上漢陽州宜登黃鶴樓風流崔顥句千載映江流煙
煖開芳杜檣回起夕鷗投沙雖逐客莫動楚雲愁

秋莊客舍不得蕭山毛十九奇齡信作

江寺南雲下湘湖白鶴邊柴門終日望不見有人還楊
柳迎風彈芙蓉拂檻鮮何時天上月能照客星眠

秋日檢篋見萬大壽祺留別圖作

蘭葉葳蕤歇秋風吹若茲偶開前日篋憶得別君時谿
上楊花落天邊白鳥遲今來空見畫腸斷欲何施

道場山兀公房寄桃源陸余二生

有引

昨游松陵見故人徐崧願有孝說桃源陸又深余鑄

行義朗潔避地東海一時高蹈君子咸與往還余慕

斯人之操欣然欲往將挂雪帆于海嶠訪隱居于白

鹿會餽糧不具故止今年正月探梅道場信宿兀菴

禪師蘭若茶話內復誦二生賢余益願與託契因禪

師欲行腳江北擬渡揚子親陟其廬余遂援筆而吟

作詩寄二生使二生他日檢禪師橐覽此片紙知若

雪間有雪竇居士魏畊尙具劉子驥之風也

長老具袈裟門迎白鹿車坐中誇二妙仙路指桃花雪

雪翁詩集

五言律

一四明叢書

約園刊本

霽春山靜猿吟蘿月斜天邊遙憶處耿耿在胡麻

禾中早秋

炎洲芳草歇試望伯牙臺斗柄西城挂秋聲昨夜來弄
珠人不見折柳笛中哀欲寄相思字雙魚何處開

蕭山送別蔣平階

開帆宛在空君去值秋風江上碧峰出海天曉日紅芙
蓉鄉路近故舊客途窮肯折一枝贈南來寄塞鴻

宿安溪館聽泉

我愛安溪水連宵枕上聽遠隨林葉下灑落夢魂清因

憶天台瀑如虹挂赤城至今江海客無限白雲情

入會稽後答曹溪沈四充焯問

爲遣清秋興揚舫下會稽芙蓉明落日竹色倒迴溪花

滿西施宅雲深逸少題驚峰倘可往方欲挈山妻

春日姚孝廉宗典過訪山居作

春風抱琴至欲問桃花津相逢松石下豈是尋常人清

欄看垂釣白雲話所親醉來還藉草摘去九華巾

送李定

邵伯連天闊長淮映日流歸攜勾踐劍相送李膺舟遠

雪翁詩集 五言律

四四明叢書 約園刊本

岫帆移岸晴江月吐洲相思如絳樹搖落洞庭秋

送潘陸還京口

故時京口路今日杳難攀夜夜夢隨月徧行江上山搖

鞭君自去折柳花邊還殷勤遙有羨好是白鷗間

西湖送紀映鐘歸金陵

相賞亭臺徧銜杯湖上春脫然分手去還作渡江人行

旅迷雲色歸鞍傍柳新帝城無落葉到日有紅塵

西湖酒樓月下吟

絳葉紛紛下坐來湖上秋涼風吹海月送上碧雲頭朗

詠清川動揮杯白雪流眼中無小謝蕭瑟起人愁

送別

何處尋游俠揚鞭跨白駒長雲看海雁落日向天涯征

虜亭邊月廣陵渡口花相逢脫寶劍須醉酒胡家

寄酬張拱乾

張公豪達士懷抱不知愁盡日玄關閉無人白雪酬楊

花滿城落春水接天流試掃江邊石傾壺待鹿裘

與徐晨

吳趨才彥地辰也最稱賢薄俗輕風節無人送酒錢墟

雪翁詩集 五言律

五四四明叢書 約園刊本

頭三載別落日五湖邊今夕青松下爲君拂素絃

客京口不得族兄芳信

醉夢姚江路覺來仍異鄉三年無一信九月已重陽湖

落清時暑鳥啼滿樹霜玲瓏秋月裏相望故霓裳

從鄉人問大宗異消息

借問故鄉客誰從故鄉還會知馮處士高臥碧霞間花

鳥青春換江湖白日閒離心相逐去常在四明山

憶錢大南園梨花作

南園在何所白板近村家憶二三月園梨盡放花鳴

鷓鴣穿雪去落燕舞風斜烽火年年隔愁來倚暮霞

東別趙瀚

鍊液閉松關聞君得妙顏齊侯鼎自曉王母使長還我
愛湘中樹心隨沙上鷓鴣踏不相見腸斷楚雲間

十二日晚繫舟虹橋下值葉大世佺從笠澤還

澹澹吳江水青青江上楓故人天姥至愛此鏡湖同醉
酒邀明月彈琴弄晚風相逢赤松子復道夏黃公

過翁遜宅 在吳江西郊

如練澄江上西風落傲裘名賢不可接此地一迴舟楊

雪翁詩集 五言律

六十四明叢書 約園刊本

柳天邊月梧桐井上秋長懷鸞鳳嘯寂滅古今愁

雪翁詩集卷八 五言律

雪翁詩集卷九 七言律

明慈谿魏 畊白衣撰

金陵送劉二侍郎入蜀

黃鸝飛上郡城樓三月春風滿帝州別酒離筵催日暮
攀花折柳送人愁峨嵋西去巴江直灩澦東連錦水流
莫倚王褒能入蜀須知屈子賦離憂

棲賢山中探梅因懷朱二十二士稚邗關早梅見

憶之作用酬原韻便寄士稚迴剡溪之棹

聞道揚州何水部觀梅東閣和歌來山中雪裏曾相見

雪翁詩集 七言律

一四四叢書 約園刊本

明月樽前好自開紫泥海上愁應絕銀漢仙槎去不迴
何日棲賢仙頂寺與君爛熳醉春回

黃浦東亭送章金牧赴薊門

二月梨花三月鶯春風春日滿州城深愁黃浦驚新別
無奈燕山欲早行才子已知能射策石農何意振長纓
青軒朱瑟時時弄玉佩遙憐處處迎

下浙江

南來春色滿樟亭艣夾中流鵝鷓鳴逆旅相逢吳地客
天邊遙接越州城桃花錦浪連三月烽火家書憶二京

如此風波愁欲絕休誇安石戲滄瀛

發揚子

華髮經年事遠游征帆疊鼓下揚州江迴春漲峨眉雪
地轉濤鳴三峽流旌旆城頭風自捲煙花日暮客生愁
白雲縹緲知何處西去還尋黃鶴樓

重游祁中丞寓山園莊

中丞臺館南雲裏歇馬峰頭眺望間翠繞鑑湖春盡入
雨回秦駐柳堪攀金塘魚躍琉璃淨綺閣花明玳瑁斑
腸斷風光猶似昔蘇耽化鶴幾時還

雪翁詩集 七言律

一一四明叢書
約園刊本

過祁二僉憲鴻孫舊居其嗣曠徵因出其遺文贊

校并山見酬之什書以贈行乃潛然有述

司馬文章誰爲取浩然詩句落人間清風瑟瑟餘哀郢
綠竹叢叢滿故關憶昨揚舫游茂苑與君並馬看吳山
祇今花柳增惆悵曠昔雄豪未可攀

中秋蓮花莊懷人

銀河遙望郡城樓絡緯宵啼湖上秋幾見月輪攀不得
劇憐桂樹影初浮雪飛鴻雁懷千里賦就天涯攬傲裘
謝朓潘安還各住東吳西洛總堪愁

病中遙和吳郡諸公重陽後一日吟社初集之作

年年採菊欣盈把籬菊今秋對始悲非謂後期無送酒
卻愁多病懶吟詩城邊疊浪崩雷響湖上飛鳧破雨遲
聞道羣公鳴玉佩龍山勝事雅能追

故人及丹生工詩善易卜兼長桑之術與其妻陸

借隱頃以詩見贈乃有此酬

遙聞洛下高吟日轉憶成都講易春會見隱囊憑玉案
豈隨款段度車塵煙深竹徑房櫳靜地僻雲林鳥雀馴
他日吹簫騰月去上流池水飲何人

雪翁詩集 七言律

一一四明叢書
約園刊本

重酬及丹生

飄飄吳會碧山秋南北還爲去國愁身似浮雲無住著
心隨明月弄滄洲珊瑚欲拂崑崙樹丹竈堪泥海上邱
我已尋仙成大藥恐君溲落轉優游

山陰留別姜十七廷梧朱四角調祁五理孫六班

孫八誠孫兄弟

鳴鏑蕭條日欲曛驚嘶櫪馬惜違羣仍愁去國多鴻雁
卻羨離筵飛白雲一路啼猿江上見干城搗練月中聞
丹砂覓就憑誰寄空憶南樓夜論文

重飲祁五藏書樓

祁時專攻禪
誦精辨梵文

高樓重對鏡湖東碧玉一壺清若空何謝彈絃邀妓女
祇愁落日在芙蓉蓮花刻漏今宵值梵字傳經幾歲通
知爾王維飯白社論心誰是范郎中

東山洗屐池與吳將軍邦璋別

將軍材略總英雄昔侍金鑿護聖躬插羽去邀三殿月
歸鞭醉踏五花驄芙蓉闕下春風散苦竹城邊齒齒紅
杯酒逢君猶拂劍飛鴻相送謝池東

鑑湖橋作

雪齋詩集 七言律

四四明叢書
約園刊本

賀監風流鑑湖上我愛鑑湖橫遠岑鑑湖昨到碧還淺
迴舟又見清且深鴛鴦飛處桃花暖山月來時夕靄沈
惆悵東風行不盡歸家卻擬弄鳴琴

飲吳二金吾園亭觀妓

未央宿衛罷當年驃騎風流倍可憐西第穿池移苑樹
東山歸興緩金鞭落花座上邀啼鳥垂手春風醉舞筵
莫遣耶溪紅日暝相看欲贈浣紗篇

寓山精舍送王廷璧還毘陵

櫻桃點點映餘輝客舍青山黃鳥飛候月彈來琴一曲

離樽酌罷故人稀林間演梵聞山磬花裏行吟減帶圍
自笑休文憔悴盡可堪潘令與同歸

同呂八師濂諸公游陶太史曹山別業

白石莊開東海邊未知疏鑿自何年潭深屢炤蓬萊月
臺做長飛華頂蓮絲管中流邀卻扇春風歸客暫迴船
飄飄攜妓仍須遂他日雄豪更可憐

宿駐驪潭留別

南尋禹穴泛江流太史春風已倦游返棹花源憐下榻
橫簫夜月醉登樓青山久識高人宅啼鳥仍牽過客愁

雪齋詩集 七言律

五四明叢書
約園刊本

此後分飛何所道相思日日洞庭秋

寄錢霍

鶯飛三月浣紗洲憶得同君上酒樓竹葉連杯猶未醉
楊花撲地不知愁雲山挂席歸吳苑曉月聞猿下雪州
自與仙人天上別何年好遂石梁游

贈別董玉

曾將染翰憐才子故與臨歧惜別離月落青天賓客散
愁迴獨夜嶺猿悲三年下榻情非淺他日登樓笑有時
試掃浣紗片石待還看醉後一題詩

同諸公游鑑湖還吳六理禎復邀入郡城留別作
竹間勝友遣相聞昨晚迴城已共君萬里長風吹海月
孤舟橫笛起湖雲語驚鷓鴣人皆醉露滴荷花宵向分
別後自知憔悴甚可憐白髮笑紅裙

送宋大士曾錢六霍游白下

金陵西望鳳凰臺越客東游天上來欲訪賀循邀玉佩
令知李白負仙才景陽鐘晚逢花度桃葉風流並馬迴
是處酒罇堪一醉莫傷羈滯重徘徊

送孟遠北上

雪齋詩集 七言律

六四明叢書
約園刊本

聞道金門下詔新上林一賦待君陳開筵夕照關山月
去路朝飛車上塵承露臺邊花韉地迴鑿浦北柳迎人
預知風雪長安近可有寒梅寄早春

招楊春華泛西湖

明聖湖頭日日春洞簫醉殺治游人何須攬鏡悲華髮
且弄流霞泛水濱拂袖妓看歌舞妙迴波香散芟荷新
由來張翰耽杯酒不愛浮名與世塵

留別章九覺士十三覺民

筵前吹落舞花輕開酌憐君兄弟情一醉頽然竹林下

問余何似謝宣城湖流明鏡飛鷗入天掃晴嵐疊嶂清
笑傲餘光知不惜朝來況欲泛舟行

釣臺

四月富春江水清兩山抱江江不行波流錦石紅霞動
日過寒嵐彩翠生自採石華迷渡口忽攀玄嶠去曾城
何人爲掃臺前碧好待迴舟弄月明

遙送潘時升謫戍塞外

聞君遠謫且停杯北望愁心迴不開月落秦關天欲盡
江流鴨綠雁飛來蓬婆戍晚行人少木葉城寒蘆管催
詎謂生教近異域啼烏赦到定南回

雪齋詩集 七言律

七四明叢書
約園刊本

蘭谿舟中聞雪間陸慶曾遣謫塞外遙有此寄

遷謫驚聞塞盡頭楓灘然燭對江舟都門道遠不相送
何處天邊可上樓酒點醅留客醉人吹毛管亂邊愁
此行樂浪更西上長望金雞萬里秋

到梅市戲題祁六紫芝軒讀書處

羈客愁深笛裏梅經年不到越王臺朗吟八月觀濤賦
忽憶澄江如練才鷗鴨欄斜蓮欲動留鳥石定鵲飛迴
看君已掃花間徑知有仙翁海上來

雪翁詩集卷十 七言律

明慈谿魏 畊白衣撰

雜詠二首

苦竹千叢緣岸細
吳山萬點插天尖
築堂背郭饒清晝
看客圍棋捲碧簾
鷓鴣天寒喧舍北
鴛鴦沙淺過湖南
寂寥故是於陵子
書札無心報洛潭

又

驛梅纔發野梅殘
江霧初黃溪霧寒
漂泊故知天下棄
支離真畏客塗難
烏鬢落照傷今夕
白馬從戎感舊壇

雪翁詩集 七言律

一四明叢書
約園刊本

憔悴每嘆三窟淺
伶俜暫借一枝安

哭姜大行垓

萊州才子今年死
河北無人解楚辭
草萊冢中傳欲徧
玉樓天上望難期
天桃蠻垓迎風日
細柳吳洲攪雪時
碧椀香膠還憶汝
龍鍾雙袖淚空垂

陪阮明府游湖之明日卻贈

使君為政儘風流
吏散花晨湖上游
日耀晴絲橫繞樹
船迴鷓鴣亂鳴洲
金栢綺席涼颺送
玉管清歌散客憂
醉後是誰扶上馬
昨歸月滿碧雞樓

雪翁詩集卷九 七言律

雪翁詩集 七言律

八

一四明叢書
約園刊本

茗城

項籍孤城歷具區防風舊俗接京都
騫雲波浪蛟龍滿入畫山川天下無
連歲戈鋌催逐客何時晴雨對飛鳧
投人始欲歌行路奔走東西南北途

吳門七夕雲間金是瀛馮瑞振彭師度劉徽之招

同山陰朱士稚松陵吳兆騫宴集

晶晶雙塔散高雲
裊裊長楊逼暮曛
異域留賓還倒屣
狂歌踟足為離羣
當筵坐待黃姑轉
捲幔遙憐烏鵲紛
愁是衣裳侵玉露
江城擣練日相聞

雪翁詩集 七言律

一四明叢書

約園刊本

雨

歷歷炎雷天目起戎戎白雨太湖收
鷓鴣幾個鳴山底
花朵千重溼郡樓
傳道旌旗翻灑瀨
還聞檣艦下荊州
家家釵釧應須賣
沽酒東村西市頭

早春楚游見故鄉人問喬陽別廬梅花消息

桂苒韶華驚歲換
自憐頭白滯他鄉
昨夜春風至南國
忽傳梅信滿喬陽
弄笛悠悠秋浦近
啼猿裊裊洞庭傍
青天客散空明月
獨憶春山歸夢長

愁

百計解愁愁不斷
解愁愁轉惹愁長
生憎苦竹沿江活
最怕梅花滿眼香
姊妹隔天空灑淚
妻孥無力共還鄉
年年多病共羣盜
冉冉殘生殊未央

送林佳璣還閩

憐君國破總飄蓬
歸去休尋扶荔宮
當日君臣空灑淚
異時城闕滿飛鴻
老人白髮一相送
落日青山萬感中
蘇武李陵終地隔
陳遵阮籍各途窮

奉別計東趙澧汪琬汪永愷吳兆寬兆宮兆騫還

茗

雪翁詩集 七言律

一四明叢書

約園刊本

劉向校書天祿閣
馬卿作賦上林邊
自慚衰晚非公等
坐看風流是謫仙
茗書信來香稻熟
洞庭霜落蟹螯鮮
扁舟解纜鳴珂里
今夕忘歸舞袖筵

菱湖潘四弟亂後移徙東西今春始復故居予適

過其閭悵然製律一首

岸上黃鸝鳴樹底
江邊紫燕蹴波長
相逢皓首清明日
恰是當年舊草堂
下嶺寒雲仍入畫
越州遠客欲霑裳
春盤細韭連宵醉
潦倒無心束去裝

沈翰林荃寓園宴集

秋夜沈沈賓客滿闔城北故時宮邀人照眼黃金菊
愛汝清歌白玉童庭樹霜橫催漏箭天垣星仄喚江鴻
翰林欲下南州榻文彩應憐桑苧翁

十月逢吳懋謙馮鏊二子吳門酒肆

枇杷茂苑花初白橘柚包山霜故紅地近江湖歲月晚
人逢南北亂離同賓朋感切羈縻裏身世愁添酌酹中
對面今宵各滾滾斷腸他日恨匆匆

送錢价人章金牧之燕兼寄姜侍御圖南

燕南燕北軍麾滿送客雙行涕泗多沙路春深迷白草
雪翁詩集 七言律 四四明叢書 約園刊本

馬頭日落見黃河關山到處悲蘆管闕下鳴鞭亂玉珂
把臂若逢姜侍御爲言封事近如何

茗上酬施誼并示程棟

年年轉憶崇禎日忽忽難扶野老顛放誕須知人欲殺
伶俜誰肯故相憐果園霜落寒侵橘草閣風翻乍折蓮
呼取兒童沽濁酒吟君辭賦過秋天

宿支硎中峰寺聽蒼公演梵

皎月明湖滴露團龍宮仙梵度宵寒羽人奏樂飛銀漢
天女焚香臨石壇響逼雲峰棲鶴起風迴霜葉漏聲殘

平生自擬調狂象兩夜親聞倚碧欄

酬贈孟六

海內羣稱孟遠豪翩翩騎馬憶吾曹投膠何意金閨彥
傾蓋偏憐白苧袍南徼龍蛇去澤遠北庭虎豹極天驕
飄零暮齒真垂翅年少相看想望遙

五月錢志熙邀同茅槩蔣苑汎碧浪湖

五月五日端陽節菰水菰城客舍邊囊裏無錢出郡郭
故人有酒下樓船洪波蹴岸蛟龍喜細雨吟風楊柳顛
不惜青山陪謝朓銀蟾遙待碧霄懸

雪翁詩集 七言律 五四明叢書 約園刊本

簡錢二志熙

君家令姪續會饒文藻君復才華正妙年海內詞人誰
崛起天涯兄弟正堪憐棟花初紫鱒魚躍麥葉纒黃梅
雨連尙念揚雄關獨閉時時載酒到門前

從吳江迴舸到山陰途中先柬祁子班孫

眇眇吳明白雁秋轉帆迢遞到瀛洲聯吟直擬凌清漢
並馬還期續舊游花發西施溪上宅月懸梅福寺邊樓
舉簾知爾遙相待可有明珠慰客愁

寄酬徐緘

裊裊垂楊三月別歷歷白榆天上秋龍從禹穴虛相望
浩淼梅溪迴自愁老去欲尋溫伯子醉來獨上郭西樓
鵝鷓亂渚芙蓉暮誰念吳關擁敝裘

吳大啟思見過有贈

文雅翩躚王子安明瑤美璧萬人看城樓繫纜驚塵眼
草閣呼兒整鷓冠雙鶴風迴晴日晚三江水落白沙寒
鑪煙坐對論詩地菊徑叢叢露欲溥

簡韓純玉

白水青山秋氣鮮沙頭鷓鴣弄晴煙誰家亭子供垂釣

雪翁詩集 七言律

六八四明叢書
約園刊本

何處江城堪泊船傍眼蒼生鼙鼓急驚心風俗歲時遷
知君不怪窮途阮高棟層軒許借眠

峴山登眺憶潘居貞卻寄

秋濤滾滾撼城迴峴首亭高返照來斥埃遠山兵馬動
湖田近縣稻花開霑衣北闕關河阻流浪他鄉老病催
故舊殘年思會面每因風景重徘徊

代贈張湖州

湖州府治臨雲川道場一峰壓樓前當階流水千年碧
滿眼雲霞五色鮮太守漢署合香吏葉縣王喬賜履仙

可憐九月黃花節蟹螯如土無俸錢

憶朱大客揚州

吳山越嶠渺風煙徙倚樓臺海上天初值梨花飛白雪
又逢荷葉弄金錢人留邗口長川阻日落玄都何處眠
頰首江南望江北揚雄老去有誰憐

含綠堂牡丹盛開集胡介陳維崧朱士稚陳三島

諸子作二首

牡丹聞賽開元舊文彩誰如李翰林綺席再邀緣後至
城池縱隔喜相尋穠香殢雨晴絲繞絳雪含春曉霧深

雪翁詩集 七言律

七四四明叢書
約園刊本

稍覺拂衣人欲起雙雙戲蝶到花陰

又

洛陽處處花如錦茂苑年年花似霞漫道洛陽千古勝
也知茂苑一時誇絳綃散綺當筵密麗日搖輝壓檻斜
況有龜年能勸客新翻一曲奏琵琶

送沈祖孝游楚

白髮天涯訪舊恩還乘黃鶴下荆門遙憐趙鼓催楊柳
漸覺啼鶯慘客魂曹操屯西連夢澤呂蒙城北接湘沅
經過多少塵兵地得失知君細細論

贈長洲令

帝寵才華臨海甸長洲花發比河陽人來吳下詩名早
星近郎官紫綬香北闕青雲鳧鳥起五湖明月畫樓長
知君夙有彈琴興觴詠扁舟意未忘

代吳郎贈吳縣令

風流吳縣來吳令卻有吳郎屬舊游花滿清江為地主
樽開五月上城樓簾前朵朵榴初豔檻外茫茫湖自流
羨爾翩躚如葉宰會看賜履出長楸

代上許墅關部使君二首

雲翁詩集 七言律

八四明叢書 約園刊本

雞舌香含粉署郎司農官屬日華傍鳴珂初下神霄迴
搥鼓纔聞吳會長買船東南通篋貢戈船海國接梯航
勞臣自是朝廷借早晚聲名滿建章

又

縹緲雲霞南極邊明珠不夜海頭懸自憐道路驂騮晚
纔識關門使者賢露滴桐陰飛皎鶴琴操桂樹繞寒煙
山中擬著甘泉賦會待吹噓上九天

登道場甘泉寺謁山翁大師

人傳伏虎自開山龍樹龍宮碧漢間路繞諸天孤塔迴

鐘迴二漾白雲還賃簪徑僻停車少蒼菊花深入定閒
欲擬焚香駐瑤席華陽鶴斃叩玄關

宿瑤席精舍晤幻楫兀庵大嶺終朗楚莫澄晝曉

林諸禪師 精舍為蘇子瞻
治郡時臥游處

西蜀蘇公會繫馬四明狂客復來游船迴碧浪桃花豔
雨過青山杜若洲絳殿捫蘿雲細細澄潭弄月晚悠悠
置身已是從兜率誰道蓬萊不可求

五日朱明寺同三宜繼起兩和尚送木陳和尚過

江赴淨慧園

雲翁詩集 七言律

九四明叢書 約園刊本

朱櫻紫槿饒華節曉閣薰風閩闔南相送曇摩開鹿苑
也知龍樹為華嚴瑤臺逼漢天垣近仙掌臨河海霧含
揮塵應憐塵世外揚州白鶴報琅函

太湖漁謳

嵯峨七十二山峰翠壓東南接溟濛縹緲沙洲看不見
幾雙魚鳥自相通就中雲氣藏林屋放出桃花一片紅
欲到人間長未便三朝三暮石尤風

初至秣陵與朱自升曹珙沈峙諸公同汎采石

投絲十丈捲銀濤簫鼓樓船動錦袍薜荔鄉關人漸遠

芙蓉京國雁初高徘徊鳳闕凌霄漢
倒金樽望斗杓
牛渚月明遠采石去尋李白往來潮

送曹珙遠游

憐君十四卽超羣自比中山劉使君
纔抵江南還濟北
將尋隴蜀又燕雲去年鴻雁初秋至此日
梨花歧路分
驛館馬嘶逢海客話余應爲到斜曛

吳江垂虹亭送舊烏程朱日升歸淮南

垂虹亭畔路迢迢何異成都萬里橋
日落帆檣隨去雁
天寒橘柚送歸潮生憎震澤分明月
咫尺揚州吹洞簫

雪翁詩集 七言律

十四明叢書
約園刊本

可有白雲相借問門前五柳自條條

西湖數峰閣謁兩朝忠義祠

故國陰雲下夕陽山樓遺像肅衣裳
千年橘柚人煙盡
萬古文章霄漢長草莽只今誰北望
塞鴻猶自向南翔
素車白馬同縹緲精爽歸來夜未央

吳江道中

蘭橈畫檝出菖中葭莢蒼茫震澤東
日薄行人臨楚戍
烏啼江上落青楓自憐遲暮猶爲客
屈指前途數問風
獵獵酒旗吹草碧寒城過雨聽疏鐘

夔州唐階泰憲副卜居吳江相見呈詩一首

似我多年滯異域憐君僻地老孤城
稽山咫尺青天外
玉壘間關遠道橫且汎鷓鴣歌落日
漫愁霜露溼歸旌
他時巫峽啼猿靜江水江花相送行

自大越過顧有孝

東風湖海隔山城惆悵文園故舊情
路下青谿白日晚
舟逢寒食錦帆輕春條一一臨門發
素帕蕭蕭擁篲迎
取醉不辭桑落酒但催歌管莫停聲

浮碧亭送音公

雪翁詩集 七言律

十四明叢書
約園刊本

隴雁西飛乳燕鳴葡萄拂地井桐生
射堂正自宜三雅
寶鷁無端繫此亭落日最深歧路感
中年長苦別離情
廣茗直接吳江樹詎那青青送汝行

燕都雜感三首

魏公江上指迴旌出鎮胡元右北平
新長夷人齊玉勒
百年關塞護金莖榻來廷議持邊將
每過陰山蹙漢兵
坐使中宮憂六月親馳介馬繞嚴城

又

城郭斜臨織女迴長鳴銅雀九天開
憂時每發蒲輪詔

側席還徵首宿材駿馬千羣求野盡胡沙萬里撲人來
燕昭死後黃金絕寂寞空傳薊北臺

又

本朝陵寢西山北長對周王不留墳石馬秋風嘶夜月
黃河曉氣挂天門雁飛銀海千年遠雲繞蓬萊奕葉繁
羌羯近聞貪祭器臨邊諸將急須援

秣陵歸再宿寶公防風山中蘭若

崇禎己巳寶公廬悵別橋西楓落初山縣今來殘破後
寺門新闢亂離餘溪流不斷桃花水羽客仍停松下車

雪翁詩集 七言律

十一四明叢書
約園刊本

秉燭相看如夢裏袖中淚檢石城書

寒食明聖湖餞別彭城萬壽祺

有客乘船公路浦直下東南天盡頭百年兄弟憐傾蓋
二月湖山惜勝游沙苑馬嘶隄上柳臙脂花發路旁樓
驚心處處天涯似還倒金樽動旅愁

曉發蘇州逢故人

雞鳴殘月下金閭白鶴孤栖城上霜匹馬蕭蕭衣後短
重關杳杳路初長相逢屠狗皆亡虜對泣南冠半故鄉
回首東吳遺恨在胥門猶自向江湘

茗上錢氏第酌酒留梁四

風流獨見沈雲卿黃浦亭邊相笑迎妓女明妝邀粉黛
巴歛清轉出雕楹蒲桃不遜涼州味鞍馬須遲海上城
況是芰荷初拂水桑榆白日已西傾

沙門仁公自道場甘泉寺來止宿山齋

風動袈裟捲碧簾主人盤內進晶鹽臨江野戍留佳客
翻水黃鸝過短檐靈運才多慚慧遠惠休詩好動江海
石牀坐對閒花落何事池魚思故潛

奉贈山陰朱驊元

時修成
國史

雪翁詩集 七言律

十三四明叢書
約園刊本

千年史職竟誰傳禹穴龍門相對懸雪夜常書綱目草
春王著就射堂前本朝兩黨皆亡國當日賢姦總闕權
搔首豈堪歸運數一回相見涕潸潸

李侍御模園亭集飲之明日柬其公子炳兼呈侍
御

蒼蒼桂樹月中涼茂苑樓臺秋夜長錦瑟正隨歌管合
羅衣微解澤蘭香林彫玉露憐遲暮淚迸銀壺促曉霜
慷慨不知三爵醉是誰相送到橫塘

自破楚門別王庭璧姚宗典金俊明張雋葉襄朱

鶴齡顧有孝姜垓徐晟陳三島徐崧李炳歸茗

溪草堂悵然有懷

秋風餞罷習家池綺里先生歸路遲滿眼羈孤留異域
故鄉門巷隔軍麾鄰雞野鷺親朝夕細菜辛盤逼歲時
遙望東吳音信絕祇應吟誦白頭詩

寄蕭山丁克振兼示毛奇齡

布衣落魄天南郡潦倒如乘不繫槎倚嘯東門懷石勒
遙瞻牛斗憶張華中原地勢歸秦隴五嶺兵機在海涯
幾欲渡江尋故舊蕭然山下問君家

雪翁詩集 七言律

十四四明叢書
約園刊本

同朱士稚錢纘曾客閩闔歸東懷處慈一曉二沙

門

十月初發浙西東三人泥滑吳王宮黃昏要我山寺裏
明日走馬天街中錦筵綺席眾賓散撞鐘伐鼓邏燈紅
雙雙袈裟隔江縣蘋洲愁殺白頭翁

遣悶呈太原王大

大姊孀居弟妹死五湖飄泊一身低常貪名譽遭人挫
每惹兒童索飯啼渭水城南草木暗雞頭關北虎狼迷
何時射獵隨年少短箭輕弓信馬蹄

題別鮮山村桃樹贈張野人

野老村居儼若仙桃花萬樹浙江邊每逢晴日惟高枕
恰有春風不值錢楚甲排山連白帝蜀師轉粟上青天
車書文教何時一四海歡娛盡晏眠

閏五月五日觀西湖競渡贈松江陸慶曾有懷徐

子致遠

菡萏滿湖渾欲開雲閒皎鶴忽飛來深悲羈客三年別
恰見端陽兩度催輕橈截浦蛟龍繞捲幔衝標島嶼迴
今夕金樽倒明月清光遙憶苧城隈

雪翁詩集 七言律

十五四明叢書
約園刊本

再過錢塘孫治

銜栢昨歲春城暮宋苑重來五鳳斜綺閣紅樓連下榻
青天碧柳亂鳴鴉彈琴曲沼臨流水到眼浮雲惜鬢華
聞道玄經曾草就門生可復有侯芭

題吳統持畫像

縹緲逢君圖畫裏千山楓樹月明邊青羊洞口疑無路
白鹿雲中已是仙石髓何年能見寄胡麻一飯向來傳
愧無郭子談玄筆爲注莊生秋水篇

九日杭州

九月九日秋氣鮮黃花無數開金錢搗練誰家滿城關
吹簫何處汎湖船北探河源條枝遠東望蓬萊扶桑邊
回首殘年無住著欲把漁竿意茫然

重陽後一日登吳山三元閣有感寄錢賡陳之彪
錢塘到海風波惡宋苑清秋野客過傑閣參天須放眼
晴崖蕩日故捫蘿俯身異域慚才拙垂老詩名側目多
我欲黃金沽一醉愁來無奈菊花何

登會稽郡城樓

白雲無盡越王臺秋色東南皎皎開遙見仙人居射的

雪翁詩集 七言律

十六四明叢書 約園刊本

俯臨滄海近蓬萊馬驕朱汗穹廬通雁落青楓砧杵哀
蕭瑟天風愁睥睨眼前誰是請纓才

望太湖柳色寄吳四兆鸞

度雨迴風曉上臺太湖柳色望中來枝枝金縷愁難定
樹樹霜花皎欲開明月樓頭曾寄遠關山笛裏總徘徊
最憐才子聽鶯去幾度鳴鞭薄暮回

別稽山劉廷俊呂弘烈徐芳聲李文達毛奇齡錢

霍諸公將訪廬山

街杯飛雁滿春前別日啼鶯春可憐江岸桃花然暮雨

關門草色暖晴煙乘流欲上香爐頂挂席還隨溢口船
倘遇浮丘傳石髓雲間笙鶴是歸年

送人

看君皎皎如秋月接對渾從霄漢中幸有晶鹽雪花白
莫辭杯酒玉顏紅雲停峴首漁歌晚客散吳關煙樹空
日夜啼猿深嶂裏可知腸斷伯陽翁

海上歸與人作

秦駐峰頭黃鵠飛石帆海上正東歸漫愁猿犬鳴春嶺
自解桃花汎釣磯琴抱蘇門彈落月樓同謝朓引朝暉

雪翁詩集 七言律

十七四明叢書 約園刊本

披裘高嘯青霞裏太史何勞奏少微

懷茅山道士曹琪

茅山仙嶺去人閒秀比芙蓉色可餐碧落有誰騰玉闕
白驪何日上雲端峰迴雲浪三江遠夢繞天雞五夜寒
相思迢遞如明月欲託相思咫尺難

蓮莊除歲謝菊旃子見遺玄宗皇帝御製徵道訣

石刻作

松雪幽居謝世情階前綠草已滋榮誰遺天寶神仙訣
價重山陰道士經曉日曛曛春漸至白雲寥廓計初成

可知天上玉皇客不羨東風是歲星

丙申守歲

下菰城邊春意動下菰城頭戍鼓催已歎年華同土梗
且貪兒女進椒栢天南巡狩何時返旌節梅花無使來
四十可知猶未達好將勒石望燕臺

稔聞潘子時升仙人說是陳思後身而余嘗夢前

生為劉公幹因戲有此作兼置酒送潘入燕

西園飛蓋往相隨鄴下風流事可追疇昔論文如夢裏
祇今秉燭有佳期湖南楊柳人爭折薊北梅花馬去遲

雪翁詩集 七言律

十八 四明叢書
約園刊本

徒倚江山暫分手他年莫負到蓬池

人日有憶岳州司李錢使君

年年人日滯湖州今日開樽鳴雁愁碧草自搖明月峽
春風真憶岳陽樓湖邊行雨邀神女花下彈琴起素鷗
怪道漆園供傲吏矢無書札到沙頭

探春

無那今年實怕春探春還到五湖濱梅蕊迎人渾欲綻
柳條窳地暗偷新側身黎庶干戈裏放眼河山異域塵
恰值愁邊雙雁起南來北去倍傷人

暮春登固陵浩然樓

楊柳春風不可攀浩然樓上望春還
縹緲雲霞海外山目斷魯戈揮落日愁來胡馬渡重關
徘徊卻憶射潮者衣錦江山返照閒

江寺

寺在蕭山縣城西志載江文通捨宅為之

江郎祠廟枕江城苦竹叢篁拂地青
渡口寒雲誰下馬天邊逐客故含情
雁迴南海搖明月秋落瀟湘滿杜蘅
桂酒臨風懷彩筆愧無白雪繼鴻名

春日過餘不山人施清草廬題壁

雪翁詩集 七言律

十九 四明叢書
約園刊本

餘不山人東郭前曹溪流水日濺濺
年來桃李春無恙常有鷗鳧沙上眠
能畫真堪好事賞新詩應得萬人傳
羨君格鬪乾坤裏簡點南華第幾篇

代贈杭州張明府二首

五馬朝天真岳牧風流十郡領諸侯
白雲已見分曹重紫陌曾聞報績優
大滌仙芝搖洞壑樟亭雪浪挂城頭
使君談笑琴樽裏滿目江南勝事稠

又

久居巖壑謝恩榮綬帶春餘采石英
懷裏琅玕誰復愛

天南太守忽相迎
狂吟綺席迴紅粉
悵望雲霄度紫笙
潦倒自知寬禮數
憐才總屬謝宣城

寓商太傅東大池園亭作

沁園池館會稽東
太傅風流謝傅同
縹緲瓊樓霄漢上
青蔥玉樹禁城中
雲峰霞起晨迎幄
岸柳春歸晚度鴻
得到崑崙深自喜
愧無文藻似揚雄

晚晴別鮮村居散步懷張中發孝廉

夕陽彩翠忽分明
引領諸峰類削成
徒倚不嫌門巷僻
風花頗憶故人情
時危道路憐謀食
歲晚江湖苦用兵

雪翁詩集

七言律

二十四明叢書

約園刊本

染翰會裁招隱賦
山中桂樹已叢生

過姚雲靈月湖仙館

芝池杏館接蓬瀛
白日星辰滿絳城
忽見齋居雙鶴下
遙聞環珮九霄清
庭前愛種金光草
囊裏長攜赤石英
知爾茅君曾受籙
何年羽蓋上瑤京

喜蔣平階見訪蓮花莊蔣時奉玄擬棲隱霄上

愛爾餐霞滄海上
遠臨毛節故翩翩
雲中黃鶴千秋會
雪裏青山萬仞懸
桑苧開樽看落日
鹿門攜室擬何年
遙知醉後眠清霄
不減疏狂馬自然

憶統持吳郎

卻憶垂簾講易年
金牛精舍夕陽邊
卽今閩海初爲客
沽酒囊中可有錢
水上青青萍葉長
山城的的杏花鮮
春來門巷白雲滿
愧汝風塵寶劍篇

送朱兵憲按越

憲府東方開越徼
車前部曲奏鳴葭
按行禹穴丹書在
遙望龍城紫禁賒
海闊戈船迎曉日
春迴使節見梅花
天邊岳牧明廷重
莫遣風霜感鬢華

赴餘杭大雄山禪院奉謁玉林禪師

蕊宮仙梵出珠林
落日秋生玉殿陰
地控三江青草合
山垂雙乳白雲深
巖花已見披衣笑
華鶴驚迴飛錫尋
聞道禪師鳴毒鼓
會曾嵩少問安心

別鮮田舍作

幾載塵寰車馬勞
息機今始向東皋
岸上桃花敲白石
湖中草色照青袍
巢由可自逢堯禪
黃綺何心入漢朝
我欲耕田歌帝力
且將松下注逍遙

寄雲門蕭鍊師時百三十歲

見說秦山桐柏閒
若爲鑄鼎鍊奇顏
蓬萊清淺知三度

雪翁詩集

七言律

二十四明叢書

約園刊本

太上虛無想大還瀑布雪懸滄海注石龕花落碧峰寒
定然仙侶時時降白日雲中響玉環

又寄蕭鍊師

謫墮神霄不可攀行年四十鬢毛斑風塵湖海家千里
洞口桃花思舊山傳道葛洪華頂去又聞司馬赤城還
寄言願得長生術鍊藥瓊臺雙闕間

與錢纘曾過兀庵禪師道場蘭若

白日雲中擁膝眠禪師濟上得真傳洞門會種朗公橘
冰井常開康樂蓮倚樹臨風遺世事落花揮塵憶春前

雪翁詩集 七言律

二三四明叢書
約園刊本

清谿虎嘯不回去宛在廬山三笑邊

柬韋章二先輩

韋郎人鳳才子人稱絕章子金牧神人玉不如入浴已

傳枯樹賦然藜應校石渠書滄江白浪無人到夜雨青
燈落木疏祇合窮愁深自遣流觀山海得吾廬

上海朱麟符得呂翁飛昇術余戊子造其廬已辟

穀三年別來七八載杳不聞其消息明春將訪

之先有此簡

浩邈神房接太清憑欄高嘯昔時情未論谷口遺青飯

曾見仙人吹碧笙萬里春雲開海嶠三花珠樹出層城
君家鸞馭須相待我欲蓬萊頂上行

冬杪奉陪吳會諸公宴吳興郡城蓮花莊二首

縹緲西山雁影過東臨紫氣動鳴珂敦盤結客梁園勝
把酒論文吳下多綺閣雲開天目雪層城月湧洞庭波
相看耆舊關星象倚檻從容一醉歌

又

嬌歌妍舞拂瑤絃綺燭瓊花照曲筵客醉雪山堪累月
時逢冰雪惜華年明星寒動朱樓曙沉澗清流金掌懸

雪翁詩集 七言律

二三四明叢書
約園刊本

風雅吳興曾不減願攜謝朓問青天

春游別墅簡懷河南憲副沈使君荃兼吳處士懋

謙荃由翰苑外調懋謙客其署中

鶯啼門柳低衣桁蘿館春陰傍晚過爲憶少微懸碧落
劇憐鳳客罷金荷絳雲雨散嵩山樹白鳥晴翻郭外河
共道洛城風日好莫將楚調和巴歌

雪翁詩集卷十 七言律

明慈谿魏 畊白衣撰

送蔣平階游山陰

觀濤浙江去采藥剡溪行射的連滄海雲門接赤城池
邊知洗屐酒後會書經揮塵沙門聽籠鵝羽士迎竹林
標勝槩蘭渚謝塵纓五月楊梅熟三秋荷芰生留連增
逸興歌笑蕩餘情蘿月遙相憶龍脣琴自鳴

送人阿育王禮塔

阿育靈標迴玉毫照萬方自來青峴上空憶白雲鄉送

雪翁詩集 五言排律

四明叢書 約園刊本

子攀河柳銜杯度晚陽月華流雪樹帆影下錢塘海島
蓬萊出仙居絳闕長登臨三佛地瞻禮水清傍嵐起黿
波映風鳴鳳鐸翔毘盧如可踏試為問空王

昭慶寺

宣律唐年寺紅樓照玉清湖臨明聖水煙遶鳳凰城箏
鐸穿雲響金銀耀日明廊迴羣岫轉巷曲雜花迎越嶺
霞紋散吳宮嵐彩晴鳴鐘遶上客候犬識簪纓瓜果雁
王獻芙蓉鹿女擎伽藍齊洛下香積勝東京秋日黃花
節征人萬里情看山眠戶牖俯澗愛澄泓願借曇摩地

栖遲得此生

為葉菴老人住靈岩作

先生有道者何日罷官來諫草前朝重牛車此地迴白
雞鳴響屐香象度琴臺木食窮青歲袈裟染碧苔禪深
飛鶴遠幡動妙言開暮雨然春萼朝霞弄早梅西施洞
自好鄧尉嶺須回高嘯空山裏傳經曲澗隈紺蓮倘許
種盧橘也容栽摩詰籃輿至相將著屐陪

出破楚門遙望支硎諸峰晚抵鄧尉山訪俞南史

不值歸舟作

雪翁詩集 五言排律

四明叢書 約園刊本

白馬支公舊升天說此方秋山無遠近秀色與湖長彩
翠參羣木寒嵐繞夕芳鳴鐘飯僧去抱瑟送雲翔衣上
泉飛雨橋邊草拂霜王官原有谷鄭氏已名鄉榭葉千
溪碧柑園一樹香尙玄傳丈室看竹到迴廊苔壁留銘
字磁甌映日光躊躇還北郭回首但蒼蒼

送姚宗典王廷璧俞南史歸莊葛雲芝費善嚴祇

敬葉世佺方將文果十子遊越州

三江天子地十哲竟同遊欲取蓬萊石還觀蜃氣樓伐
山攀謝駕泛雪值王舟秦嶺碑應識梅梁殿可求增城

遙竊積仙洞紫霞流范蠡曾餘劍計然有逸籌壯懷知
耿耿清興故悠悠跡寄尋廬趣風迴摘葉愁總希飛翰
彩灑落寄瀛洲

東宣城沈壽民徵君

夙聞黃憲美共訝郭林優十載遙相望春風憶滿樓直
聲雙闕震諫草五雲留拂袖還山宅揮絃枕碧流紅顏
軒冕薄丹竈羽人幽庭養銜芝鶴花眼露地牛風流傳
禹甸江水隔南州才愧宣城好詩添沈約愁梅花羌笛
引何日敬亭秋

雪翁詩集 五言排律

二 四 明 叢 書
約 園 刊 本

越中送朱大用礪謁華亭令

華亭傳鶴苑申浦屬蛟津游子聲須遠憐才氣故親三
杯江上別二月柳條新人遠雲門宅車停吳下塵鱸魚
稱美味蓴菜定霑脣去矣逢仙吏桃花方及春

杭州尋三宜大士

沙門精八解給苑鳳城隅解脫曾攀駿風流絕愛儒隔
江常騁望招手故相趨講法寒潭皎能言妙理殊雨花
霑北雁春色滿西吳興致因君起方將汎鏡湖

和李明府令哲蒼山生壙紀事蓋宅故有葛仙公

井而爲壙又得丹竈也

見說營仙蛻增城繞郭來逶迤蒼弁勢演漾洞湖迴夙
昔稱佳吏今茲應上台玉棺紫府賜丹竈地靈開已驗
真人井更聞桐柏臺白雲乘可必化鶴想悠哉花木都
緣澗春秋合屬杯親朋多暇日臨眺定徘徊

仲春山陰逢金四世泰有贈時與尋山水迴舟

我久聞翁叔相逢在越城無媒人自合有志水同清偶
鍛師中散灌園揖呂卿且須對茅宇還欲醉花亭吟臥
秦山柳徘徊鑑渚鶯鬪雞將走馬上已與清明自顧雄

雪翁詩集 五言排律

四 四 明 叢 書
約 園 刊 本

豪趣因君江海情歸途望稚子沿月看相迎

越中述懷贈拾殘上人還長沙

流浪已云久東西總類狂會稽雖暫住魏闕那能忘豈
意九州客逢君百鍊剛田衣驚遯跡別酒對愁芳離岸
催舟楫寒暉照野棠飄飄越地遠歷歷楚中行水是洞
庭闊山連巴字長一瓢何寺寄五兩向誰將井竈屈原
宅居人賈誼鄉登樓倘有憶可復下瀟湘

上已與濟芝禪師登峴山約於秋間入武康風渚

湖共結茅安禪作

摩騰門下客相對楚雲愁峴首桃花發亭前雪水流城隅
雖洞壑歌管近秦樓已厭豪華味何當支許酬捨身資
淨侶選佛愛林丘風渚今安在爲廬符九秋

重過西遯先生祁駿佳密園時贈詩敘奉酬

未識菴羅寺常聞卓錫泉我來成二老聽法已三年綠柳
看俱徧青葉素所憐齊

□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□

中鶴今垂筆似椽大文舒禹穴無範恣鴻川自顧非潘岳
才慚比仲宣因君曾拂拭瀟灑在風前

雪翁詩集 五言排律 五四明叢書 約園刊本

同祁大霽後尋山因訊沈萃祉陶素末二子

終日憑芝閣素襟松下披不知荷葉小早被南風吹雨
泛虹橋霽晴飛海月遲看山大禹寺被禊鑑湖湄逸興
陶弘景風流沈亞之問他如載酒須及牡丹時

同客攜酒游葑溪因憶朱士稚臥疾

聞道葑溪口羲之蹟可看樾餘鷺嶺字人至突星灘訪
晉梅仍在啼春鶯欲殘彌天尋竺法解笑有潘安下筍
鱸羹熟嘗新筍味寬片雲從席起遠澗入花寒青嶂游
多遂朱絃和自難因君林表臥流水亦空彈

山陰送李岷源尋天台山水

余亦尋幽客常乘貫月槎未游天竺寺已愛赤城霞送
汝江先涉飛光夕易斜越城花露酒日鑄嶺頭茶祖席
非無意征途莫戀家桃源人可見雙闕路仍賒離岸猿
聲接前山秋色嘉羣仙揮手待碧落駐雲車

雪翁詩集 五言排律 六四明叢書 約園刊本

雪翁詩集卷十一 五言排律

雪翁詩集卷十二 五言絕句

明慈谿魏 畊白衣撰

天姥吟

我愛稽山好還為天姥吟耶溪雙白鷺相送鏡湖深

贈蔣苑

君家住弁山我家住弁山相見不相送月明白往還

寄吳門陳三島徐晟

月挂郡城樓吳山點點愁風吹瓊草綠腸斷白蘋洲

金陵城西聞笛

雪翁詩集 五言絕句

一四明叢書 約園刊本

橫笛城西上梅花曲裏多江樓秋月起翻落小黃河

息賢渡

隔浦多茅屋雞鳴度遠村春田各自去桑葉暗柴門

楊柳

枝弱金垂地絲長易拂樓年年灑橋畔供得許多愁

錦石搗流黃

相別流黃機漢使蕭關絕明知人未還猶擣秋閨月

登芙蓉樓

鬱鬱芙蓉樓臨江江上頭鄉愁天際落寒鷺起沙洲

靈隱澗西房

日落樵子靜月出春山明天風吹未了時送澗泉聲

塞上曲

風雪防胡地嫖姚部伍嚴角聲齊上馬夜半搗紅鹽

閨情

十五月團圓明明白玉盤願照漢陽江復照祁連山

太湖聖姑曲

天上三五夜太湖明月滿獨樂過橋頭風吹裙帶緩

獨對吟

雪翁詩集 五言絕句

一四明叢書 約園刊本

霜清鴻雁飛木落湖水闊獨對洞庭山舉觴酌秋月

吳江道中二首

吳江水可愛不減剡溪清惆悵包山月天涯送客明

又

挂席松陵去還尋張翰游白蘋猶可採鱸膾正宜秋

太湖歌八首

三朝上太湖三暮上太湖風帆天際落何日到蒼梧

千里湖波闊青山郡郭遙誰家烏桕樹堪繫木蘭橈

秋來饒白鳥飛雪點青山耐可乘流上芙蓉逐處攀

鷓鴣眠沙暖鴛鴦爭浴喧菰蒲各自戀無復憶飛翻
淥水映芙蓉迴舟向晚風飛來天上月相送意無窮
估客三巴去無人寄素絨慣是湖頭婦朝朝問落帆
日墮蘭陵樹天寒野鴨飛吳娃並著舸齊唱采菱歸
八月鱸魚好三山橘柚紅寄言綺里季我欲挂秋風

與顧有孝

在昔知章少如今有孝稀洞庭春可醉不擬掉舸歸

還息賢堂作

履穿四明雪吟弄太湖月惆悵懷古人臨風復抱膝

雪翁詩集 五言絕句

二三四明散書
約園刊本

答歷陽故人問

尺書遙借問我家茗書裏朝見弁山青暮見弁山紫

答李文達

卻愛稽山李釀熟肯邀人時時載魏子蕩漾鑑湖春

錦石搗流黃曲

錦石搗流黃珠簾拂夜霜不知邊塞上可自憶衣裳

沈應瑞席上醉後作

莫嘲四明叟醉後發清狂君看青天上酒星三五行

洛陽道二首

驅馬洛陽道柳青桃復紅相逢不相識淚落黃埃中
城門平旦開花落無人掃車塵萬戶喧知是洛陽道

峴山曲二首

峴山碧湖上風景似襄陽羅綺迷花月春光總斷腸

又

峴山游冶地歌舞接前溪花裏迴船好迎人月易低

黃浦亭

昔時黃浦亭鮑昭曾送客春至柳條青猶餘別離色

晚行碧浪湖

雪翁詩集 五言絕句

四四明散書
約園刊本

碧湖清且深時見鷗飛處落日澹秋山行歌拂衣去

玉階怨

玉階金殿鎖白日起秋塵含嚔不下淚爲憶翠華春

山行聞琴

幽人懷獨往長嘯碧峰前誰在松篁裏琴彈三峽泉

送友二首

抱琴送友人爲操送遠曲白日下午簾鉤清風動林木

不到菁山久梅花幾度思因君茅屋在我欲過吟詩

寄元庵禪師

遙憶寒山月蒼蒼滿石門東林相別處愁殺夜啼猿

簡贈毛五充舒

山懷桐柏嶺詩愛謝宣城何日攜毛五桃花洞口行

汎西溪曲

見說西溪好芙蓉四面樓曾邀南堰月直上藕花洲

簡留顧樵

茗水似耶水迴船莫憶家女郎多豔采處處映荷花

月湖汎月邀顧樵

月是月湖好無人解醉游須君清興發齊上管絃舟

雪翁詩集 五言絕句

五四明叢書 約園刊本

題鏡湖主人壁

鏡水朝朝對浣紗顏復紅來時桃李發去日已秋風

茗谿草堂酬湘湖徐芳聲

四面猿聲嘯懷君夢裏迴湘湖尊可采不道未須來

雪翁詩集卷十二 五言絕句

雪翁詩集卷十三 七言絕句

明慈谿魏 畊白衣撰

送劉廷俊

華山西望白雲寒欲折蓮花頂上看聞道秋風渡灞水

家家明月搗長安

竹素莊

莫言杜牧碧瀾堂已似王維輞口莊送客船迴山月上

檀欒竹下靜聞香

麻溪題王處士壁

雪翁詩集 七言絕句

一四明叢書 約園刊本

麻溪清勝惡溪來風掃楊花觸處開羽客籠鵝愁日暮

不知逸少幾時迴

送劉雲

秋浦東望水葉稀白雲黃鶴故飛飛白雲飛盡鶴飛去

惆悵行人何日歸

折楊柳

江南江北柳花開欲贈行人攀得回無奈花飛輕似霰

何因飛去復飛來

解嘲

滿院茶蘼春色寒漫嘲白髮與將闌座中佯出如花女
也解金杯醉眼看

留贈吳六理禎

春日春花爛漫開題詩聞上越王臺江東子弟多年少
若個如君小謝才

贈李日焜

年少揮毫不可當驕驕歸去意飛揚如余老眼摩娑甚
卻愛風流李十郎

柬內兄凌凱

雲翁詩集 七言絕句

一一四明叢書
約園刊本

遙聞初度日南迴滿插榴花綺席開自我天台華頂去
不知誰進紫霞杯

贈何小史

聞道漢時馮子都春風盡日醉當壚嬌顏不惜紅羅裂
得似秦宮花底無

同顧二有孝別祁六班孫

清歌白紵動梁塵腸斷風流賀季真愁殺啼猿與秋月
歸帆偏送五湖人

與朱廿二曉發京口

千峰江上逼人青兩岸芙蓉照水明婀娜布帆三十幅
與君談笑抵金陵

陌上美人

無限東山攜妓情風流那得似卿卿香車已入桃花去
惱殺青驄驕不行

東閩中林佳璣

黃龍浦上早逢君處處相隨渡白雲搖落江花春夢遠
幔亭仙曲幾時聞

四月過喬陽舊業二首

雲翁詩集 七言絕句

一一四明叢書
約園刊本

杏葉當門柳乍纖五湖逐客返溪南東山明月長相待
細寫青蘿百尺潭

粼粼谿水鴨頭青嫋嫋雲霞好結亭子晉何須緱嶺去

千年白鶴伴吹笙

晚登天門山望石頭城

孤帆遙指岳陽樓還到天門頂上頭遙望金陵秋色裏
橫江日落起沙鷗

賦得白鷺鷥送人

峨眉一點碧天開誰上三巴三峽來白鷺秋飛江漠漠

能令遷客起徘徊

甲午冬客山陰二十餘日不得到雲門醉中呈諸

公

魏子山陰雪後游渾如太白醉揚州嘈然絲管杯中度
不解雲門谿北流

隴西將軍歌

將軍雄銳略如神丈八蛇矛九尺身營內時時穿蹋踘
破奴只用五千人

溪汎尋花四絕

雪翁詩集 七言絕句

四四明叢書 約園刊本

浮玉迴船西塞峰雪霞沒樹野煙濃爲言谿盡青山接
行到花源春萬重

行歌白谷花深裏猿嘯清溪花霧寒疑是漁郎沅水上
非同梅福入吳關

東西天目落花低流出千溪與萬溪愁殺昭明讀書處
夜深月白子規啼

遙知錦繡山城近更惜芳菲隔去津欲買餘杭無限酒
輕帆游徧五湖春

漫興四首

野老呼兒蕩小舟許吾喫酒不梳頭傾銀注玉青楓渚
望月開門白鷺洲

八月水來沙嘴闊九月水來沙尾圓太湖漁子且莫喜
三尺黃魚不值錢

江南送客多楊柳挽斷長條又短條人世須知有苦別
眼前且莫放香膠

青青楊柳花爭落撲地攬天真撒鹽不分長條繫江北
短條又欲繫江南

與沈三寬汎夾山能仁寺

雪翁詩集 七言絕句

五四四明叢書 約園刊本

上已同君汎雪西桃花洞壑去還迷歐餘山水由來異
那用尋源到惡溪

白雀寺觀宋旭畫壁

洞門畫壁看雲煙宛若騰身跨紫鸞萬丈峨眉如可接
倩誰拂石洗青天

漫興一首擬工部

能向花間走一回朝心暮髮自然開只消竹葉傾三盞
不用芙蓉飲百杯

漫成一首

渚浦芽短三春候岸柳絲長雙漿邊金剝珠宮搖綠水
重巒疊幃繞青天

別陳參

壩頭溝水日分流滿眼靡蕪引客愁爭似東西兩天目
青青長對白雲樓

渡曹娥江寄顧有孝朱鶴齡

黃雲漠漠水流漸橫海樓船憶往時聞說英雄還解甲
低頭江上女郎祠

少年行二首

雪翁詩集 七言絕句

六八四明叢書

約園刊本

掩映芙蓉拂水清少年得意不知名春三二月花爭發
箇箇鳴鞭出渭城

能騎赭白慣馳風往往雕弧踏塞東計斬樓蘭獻紫闕
何曾身在羽林中

客中行

我客咸京君客燕客中逢客自相憐會須日飲蒲桃酒
何事低頭逐少年

寄內一首

三月花吹許墅關秣陵西去有千山鱸魚味美霜初落

日夜思歸明月灣

出塞行三首

秦中子弟盡臨邊白草清霜透甲寒受降城上風吹角
胡馬頻嘶漢月圓

秣馬龍堆出塞城明妃祠上草青青當年誰獻和戎策
獨使春閨萬里行

邊將千金黃貉裘如龍驃騎踏街頭橫鞭捉打收租吏
奏凱還封小子侯

酬妙喜勤長老 有序

雪翁詩集 七言絕句

七四四明叢書

約園刊本

勤與余爲不請友見余陸沈于時鞅掌塵網未暇專
銳祖禪故警句云君從死後歸何處余無以應之乃
效太白答湖州迦葉司馬體酬焉是亦解嘲之意也
巖壑優游天地春有時拂劍入紅塵問余死後歸何處
思益梵天是報身

三月三日夢前身爲劉公幹作

前身知得是劉楨文采風流著玉京爲種菴蘿歸白社
蓮花法藏悟無生

娜兒濼女郎詞二首

雲帆嫋嫋洞庭迴紅碧枝枝桃李開腸斷橋西諸女伴

羅衣障扇踏歌來

蕩舟誤入桃花津十五女郎嬌殺人明月浣紗湖上見

遙知絕勝苧蘿春

浮玉山前歌

玉湖流水碧雲間中有浮玉之仙山裊裊垂楊臨白石

飛花如雪送君還

雪翁詩集 七言絕句

八 四明叢書
約園刊本

雪翁詩集卷十三 七言絕句

雪翁詩集卷十四 樂府

明慈谿魏 畊白衣撰

隴西行

曜靈忽已馳不樂何所終蚊蝶游東園鼓翼自翻風一解

五經既判散平王周轍東孔子作春秋嗟麟傷道窮二解

巨靈學西華掌跡留洪崖黃河日夜流漢淪其如何三解

擣蒲握梟母娛具繁云多親交殊不來吟嘯倚庭柯四解

同病而相憐浩歌江上曲伍員值宰嚭歲晏良淒促五解

仙道譎不正取訕于聖賢我欲假良翰上躡滄浪天六解

雪翁詩集 樂府

一 四明叢書
約園刊本

升天行扶桑篇

翩翩凌雙鳧俯仰窺八埏浮生歟且羈大小俱不閒貪

財愛惜費辛苦無好顏鬼伯臨路待錄命于秦山上輪

迫風火下輪積薪然陰獸常甘人崩抽肺與肝舍我赤

縣宅永就黃墟間迴觀紫薇墟閭闔玄關辟邪相游

戲靈鳥自飛翽雙闕萬丈內裁我擁真官顧盼激清嘯

廣樂奏萬端大椿不可匹錢鏗誠小年塵世既蟬蛻

崙足芝田何不滅彭戶騰躍樊桐巖不見三茅君呼吸

大道全一朝躡虛上兄弟皆神仙

靈芝篇贈牆東翁

靈芝產麟洲朱草被瑤池金玉難並耀光采煥若披古
昔有老萊負釜呼逸妻今有牆東翁偕隱攜縞綦爚爚
閭闔門歸歸姑胥臺積善享壽考承此仁智居皇天錫
福祥眾喜填階墀中堂大置酒羅列紛羽儀盤獻五色
瓜稻進雙穗糜賓客赴若海雷抃讚言辭東廂繁孫子
西壁熾親私各各跽拜起齊聲萬歲期大人憑筵笑慈
母顧而喜此福亦真福塵世安可比歡悰溢四字長詠
南山詩

雪翁詩集 樂府

二四明叢書
約園刊本

桂樹篇贈朱雷州

桂樹榮華實植根泰山陽賢哉我朱公在昔理炎方勸
民咸禮讓致民並富昌導彼文身俗洋洋美文章廣海
溢珍寶翠羽及夜光貢獻一無受無忝緝銀黃行政崇
禎世歸老勾踐疆聖廟曆數否帝道毀紐綱臣主有同
運傾覆延禍殃太極定二儀三光昭以明淫暴施凶咎
仁慈降福祥報應迅若響天道終還常安世扶幼主厥
裔頻降康于公恤刑獄後祀姓咸彰公承賢相德庭訓
復垂芳涉冰凜在懷日昃猶不遑是故貽令嗣濟濟皆

寶王會應龍虎嘯功業勒旂常

代武溪深行

為隴西作也

桓桓駕戈船駐節經五春何為久勞師太息未改言總
戎有授命安能辭苦辛滔滔踰赤坂火山赫如焚薰體
頭為痛吹蠱連瘴氛丹蛇與玄蜂十步常螫人周公昔
東征鶴埵尙餘怨矧我自京洛天步多遽迤艱難渡瀘
水日夜與死鄰願秉先登羽歌舞還國門

代關東行

雪翁詩集 樂府

二四明叢書
約園刊本

昔我遵阨運流離客關東關東道連絲晝夜鳴北風
行行白登城走馬榆林塞驅驅擣匈奴匈奴陰山外
經昔戰陣處據鞍增我悲烏鳶銜人腸上挂枯桑枝
鳴羣嘯部伍瘡痍十不起椎胸還涕泣涕泣烏能已
仰慙垂白母俯慙子與妻號咷痛入天循環結肝脾
誰言太行險太行平如砥誰言黃河曲黃河直無比
天道詰且屈欲往靡可攀哀哉命矣夫酷烈權無端
項羽起帳中烏騅不肯行我欲仰天慙南望徒屏營

歷歷白榆行

荏苒滄暑闌曦御忽西徂行游覽天漢歷歷觀白榆奈
何悼良朋音徽頓忽諸孤墳淹江北緣葛成榛墟有
誰臨爾祭繁霜履埏隔在昔孔文舉臨終念構誣亦有
歐陽建遵凶閔潛圖靈運悲衝茵奄昏就黃墟苟能忍
斯痛刀鋸何足虞庸夫謹垂堂吸糜終殄軀安用髮紛
紛徘徊哀兩渠溥露摧芳薜勁飈隕扶蘇顛白不再黑
吾衰苦彫枯解劍空心許撫躬徒自吁洪鈞化彭殤齊
物一虛無天道諒有底禍福胡爲乎吾其豁吾懷高足
步康衢

雪翁詩集 樂府

四四明叢書
約園刊本

代朝發廣莫行

慷慨發廣莫據鞍何佻佻充糞無餼糧行行不及餐朝
蹋枳棘墟暮宿霜露間回瞻宛洛都宮闕盡燒燔肝腸
忽抽裂迫促號窮猿摧藏窮林中枯枝不可攀投軀天
北隅曷由騰雙翰昊穹亦以疇黃輿亦以盤恢恢俯仰
大我獨不獲安援琴奏清角撫瑟復調絃人命如夕陽
詎能無所歡爲歡那可度困苦鑠朱顏青青松柏桐瘁
此隆冬寒短轅傾駭駟荼毒遘險艱雖欲希達生否泰
難齊觀

白楊初生行

蘇秦說秦王十上書不行顏觸見齊宣珪組不肯榮人
生各有志窮達烏足憑古人識朕兆鴻翼待時清矧我
頑鹵姿投足悔吝生末世紛畀駢駭機何縱橫禍福如
轉炬循環若流星天地雖廣運萬物不獲寧禦寇匿灌
園沮溺依耦耕學圃既刈蔬稼穡亦云盈願築雲谿館
高蹈謝塵冥天命樂我懷悠悠枌檟情

南山歌一首

南山有崎士頭戴緇撮冠巖居無屋宇灌木上參天被

雪翁詩集 樂府

五四四明叢書
約園刊本

禍時負薪謳吟在其間冥冥無塵契安知愚與賢

引聲歌

道何所親親於直方時人闇蔽維曲是將班輸之巧離
朱之明叶用厥智力戎興甲兵叶外飾仁義內用迴惶
賓禮之會濫及酒漿醉以入房怠戲如攘蛾眉皓齒是
爲毒狼忽焉摧壓範金難長梗枵枵梓笑益於梁吾儀
真人呼吸生光凡有血氣宜警靡嘗

杭嶺歌

猛虎不處卑勢勁鷹不立垂枝豪傑徒步言歸恥就鄉

里小兒

放歌行

辟邪雖飢不食狼餘烈士無衣不服牛裙解一暴夫豢養

有志所恥靈龜毀甲終為禮死解二律律山高洛洛水深

擊我瓦鼓以矢其音解三邪膝敗畝稼穡不收護口亂政

邦國是憂解四棧棘叢狐蕪城樂鳥皎皎良朋攜手同居

五日行何健候焉西墮坐而削船時不可追解六

孤兒行

感里中兒作也

雪翁詩集 樂府

六 四明叢書

約園刊本

孤兒有父不其舖糜欲薰屋鼠側力後妻解一孤兒母在

騎稚不斷乳百錢買脆餌五錢買甘李解二依後母居棄

鬻為奴解三牧豕到鄂杜冬著單布襦野火燒我髮棧棘

攢我軀解四叻叻萃鹿麋屢呼麋人生無父母何用乞活

為解五

善哉行

福而上同國必昌愚而上同國必亡解一文獲呂牙載之

後車紂獲惡來六直反叶便營石櫛解二大其苑圃高其臺斯

不卹老是以滅灰解三得專征伐彤弓旅矢千掩醜蔽慙

厥用永年解四賢哉成王訪落居憂周公卜洛大朝諸侯

五夫差枉辟惡直醜方伍胥不用棄之吳江解六廣龜易

辨胡越見疑陽貨貌同欲殺仲尼解七車碎大其輞柱傾

易其樑雖逐逐其猶喪解八

當來日大難

為悲甚易為樂獨難凡我同堂莫不加餐解一白日晝翻

霜露夜零愁毒煩苦蜻蛉哀鳴解二造茲新聲叩以瓦缶

聊用回腸敢祈稱好解三我乘我車子寧無驅我妻我衣

子寧無馳解四開門逃死誰者長存敬奉豆觴醉止欣欣

雪翁詩集 樂府

七 四明叢書

約園刊本

五飛螭媚穴虎悅高岡弦朔有期庶幾徜徉解六

董逃行

我欲上謁王父母各言受命治泰山金銀為闕一望縹

緲不可牽攀解一王父母將我上天鷲辟邪角端自謂高

高無極忽然沈泉口銜芝草使我足蹋腳酸解二碧雞坊

逢協律倡流還教我樂方靴磬祝歌琴中有要道靡曼

迴愁腸解三稽顙射鯉整後廚龍幡婀娜客來遲朱顏微

酖金屈厄齊老壽咸享期頤解四縹醪之酒散千愁七槃

起拂聲咿嚶莫不錯迭觥爵衣裳成削狐裘明年後歲

長來游五解

西門行

有人東方來致我蕩子書蕩子書何言令我生躊躇初

三共下九可用解愁吁一解小弟初兩髦今來似增強小

姑髮覆額今來似我長小弟娶婦秦羅敷小姑嫁夫中

山王二解園桃何夭夭無子筐空提媼居守獨宿道路那

得知三解

君馬黃

君馬黃臣馬蒼君馬駕車臣之良棄家萬里走疆場君

雪翁詩集 樂府

八四明叢書 約園刊本

馬前臣馬後君馬食粟臣馬豆君馬何肥臣馬瘦君馬

白顛臣馬鐵錢君據鞵臣執鞭臣欲為臣不敢告艱君

但停驂臣有一言

石流

石流磷何沙微茫的礫江靡蘭草香鷓鴣鷓目奮翼長

縱金鳴籟白鶴舫橫江不渡風波長薄暮不來空俚俚

何以警邪南北築室為我梁

桂之樹行

桂之樹初生乃在焚桐山河水淪淪出其下芝草紛紛

繞其間芝草卻老河水行船我行不逢羨門安得置我

樹桂前暗銅池自生芝角端自入上林苑人生壽命各

在天須臾何必求相緩

歸風操

繁霜慘慘江上楓洪波浩渺洞庭中鷓鴣號渚雁嗷嗷

怆慨懷人起璇宮仰觀黃姑雲漢蒙河梁咫尺官靡從

須臾月出入房權拭拂綺琴心難通奏曲三闕闕未終

長憂短憂如薄春肝腸摧併老顏容路遠水深津以風

四望躊躇步樓東井長綆促思忡忡寧貯舞衣待春風

雪翁詩集 樂府

九四明叢書 約園刊本

白日照見雙飛龍

折楊柳行

白鶴摩蒼天蹋足沈深淵須臾戲游遨自言得神仙一解

雌飛欲從雄繞樹相鳴哀口欲銜子去口噤不能開二解

驂駕紫雲端離天三百程來下不為遠歷歷姑胥城三解

城中復何見鶴子翩翩飛不見白鶴還雙淚如綆糜四解

長歌行

出門逢神仙乘龍導玉幘稽首再拜問延年有何方不

用師真人西上羽人堂長跪授要道補腦藥一箱真氣

充四體自然壽命長

雪翁詩集 樂府

十四明敲書
約圖刊本

雪翁詩集卷十四 樂府

雪翁詩集卷十五 五言排律補遺

明慈谿魏 咍白衣撰

簡茅山道士曹琪四十韻

故人遐外隔下走迫風塵多難彫仙骨窮愁樂性真感
時追昨日凭几憶前春倉卒曾防寇艱難託所親路途
遙在眼烽燧暗生嘔仄枕蕪湖晚連檣一柱晨陳平解
刺榜周處不呈身機警渾無敵聰明別有神雄纔兼鎮
惡術豈媿張賓鑒古才宜霸徵今略可倫巨鼉驕跋浪
芳餌早收綸撒手登茅嶺尋師解海濱海上人淚霄參鸞

雪翁詩集 五言排律補遺

十四明敲書
約圖刊本

驚獻瑞薄麒麟司馬天台並方回南嶽鄰老兄還得道
小弟獨沈淪騎旅爭強健洪鈞順屈伸雲邊空灑淚霞
上遠難陳汨沒淹磨蝎流離類野麋觸奸常折脇失友
屢亡辱狂狷收兒子檻車縛小臣百般遭楚撻萬種極
酸辛納納終安命恢恢幸燭旻朱絲摧自斷貝錦織何
論有覩鴻弛弋徒然龍未馴鸞槎誰假借潛徑好逡巡
休說依劉去旋思守阮貧遲迴容貌瘦鹵莽歲華頻
水泯泯潔茗桑處處新陵陽雙漾口長蕩五湖津土剉
懸泥壁山棚挂布紳霜清驅割蜜露冷喚刪筠詎比玄

都宅粗安白髮人春秬當大藥遺日餐千椿潦倒非吞
塊伶俜暫避秦臘知王氏改俗戀漢家淳二耀如重躍
三垂倘再振魏徵須仗策黃石會扶輪其欲誅封豕均
看搏狡魏毋言巖穴美高臥紫嶙峋

贈朱七毅元二十五韻

亂世輕忠孝誰堪鑄鼎鐘故人非任俠行徑類朱公監
國紹興際弋陽寶婺東聲名千里闊斧鉞一朝雄拜舞
藩王殿馳驅老將風馬驕金匱匣袍奪獸股紅滅賊期
朝食除殘報上穹闕牆遭債帥伏莽起清宮皓骨無歸

雪翁詩集 五言排律補遺

二四明叢書

約園刊本

地蒼天有棄龍山深逃虎穴背負出樊籠善衛珊瑚玦
全收穰祿功丙侯漢室貴杵臼趙家崇隆準餘生賴高
皇精爽融分明青史客卻喜白頭翁破產多知合粗豪
應許通今年同落魄鎮日對蒙童章句脣乾燥呬唔耳
半聾才高衣食困道屈路途窮原憲憂貧賤伏虔畏老
癯劇談紛感激嗜酒取朦朧索寞五湖側狎狂西塞中
村夫曾不識儒術竟何從上帝眼冥暗長林遜欲終海
門潮送月江岸暮飛鴻攜杖歌憐汝蕭蕭怨落楓

奉賀祁忠敏中丞公商夫人五秩二十韻

嶽降夫人重金泥舊史編扶風書早誦鄒邑禮常先氣

得麟洲迴夫人家宰商等軒公女也恩承鸞誥偏潘輿頻送喜祁幕

共推賢節鐵東南相聲名西北連吳人傳鼎鼐越地美

花鈿蛺蝶低翔苑蛟龍欲被煙丹青無藻畫社稷已墟

遷曆數炎劉乾坤大厦顛老臣依日月懷石赴流泉

臥柳園亭在飛鳧沙渚眠陶閨勤到薦漢臘慎升籛熊

膽謨仍起綵衣舞更妍撒鹽兒擬句二子理孫班孫擅詩古文詞俱不願

仕指絮女隨肩二女修媽德詞翰堪垂則夫人自義方

兼有焉自能開壽域天復致華年桃核何煩借芝房那

雪翁詩集 五言排律補遺

二四明叢書

約園刊本

用懸林供冬筭異冰獻鯉魚鮮奕葉延忠孝芬芳勝偃

佺徐看旌表入絳帳必高鶯

晨溪月夜

大角搖南極村村離亂邊微生無所作音過日只憑顛

測眼青陽換驚秋白露泫妻孥雖咫尺關塞似三千坐

送霞收晚要窺月上弦客愁照未破何事底能圓纖悉

桂枝動分明玉兔眠江山風落木烏鵲影迴川浙浙聞

金柝回回憶瀨船丹心飛漢壘皓首望吳天見說雲臺

築誰傳馨閣懸燕然真欲勒詞翰尙如泉

雪翁詩集卷十六 附錄上

詩評

蔣馭閔云魏子游意篇幅之外洋然自得不以煩簡為度

朱伯虎云楚白五古初摹漢魏至其得手則在景純游仙支遁讚佛游行晉宋之間若五律純祖少陵離奇天矯難以準繩相格

徐禎起云楚白詩得力於漢魏而沈酣於杜李二家

周青士云白衣銳意學杜晚一變而神游於謫仙之門

雪翁詩集 附錄上

四明叢書 約園刊本

遂升其堂奧

朱竹垞云白衣僑居吳興別鮮山為晉沈禎沈聘避地所居有渡曰息賢遂以名其堂其論詩云詩以達情情貴極其所至故樂必盡樂哀必盡哀由唐以前諸家體不必相蒙而其為至則一也學者各盡其途徑而入入之愈深見其畛域愈廣恣睢淫佚於其際者久之乃始得其澹澹之樂故涉獵眾家不若專致一家一家之趣既竭而後馳而去之再適一家其於一家猶是也然後古人之長見而我之長亦見余之於詩初無矜飾務達

雪翁詩集卷十五 五言排律補遺

雪翁詩集 五言排律補遺

四明叢書 約園刊本

其情凡博奕飲酒朋友酬酢以至山川風俗城郭之所
歷覽遺跡之所辨證雜然前陳有觸於懷發之詠歎以
爲合於作者不能自已之旨此則余之所自道已故其
中年專學子美末年專學太白惜乎未見其止也

雪翁詩集卷十七 附錄下

文

明處士雪竇先生傳

魏霞

先生初諱時珩又名畊字楚白號雪竇予從兄也生明
萬曆甲寅四月六日父諱忠顯讀書懷古嘗遊學雪川
逍遙山川以歌詠自娛先生初穎異七歲從先君學自
誦數百言覆背如流先君東之嚴母朱孺人謂兒幼乞
少寬之先君曰吾之愛甚於嫂念此兒資性不凡異日
當以文章名世儻學少弛不成大器予之咎也先生謝

曰謹受教越三年而學大進年十四朱孺人卒忠顯公
攜先生至雪川課讀弱冠赴童子試歸安縣李公得先
生卷歎賞不置會吾慈周公躍雷領癸酉鄉薦爲李公
所取士調師至署見先生文拍掌謂李公曰此卷宏深
樸茂有古大家風當不徒爲小試冠也揭案列第一歸
安儒士競以外籍相阻李公曲全之遂得入歸安庠湖
之凌君某義渠先生姪也耳先生名以女妻之己卯督
學許公豸歲試冠軍食餼未幾流寇李自成陷京師甲
申之變先生懸衣冠於堂上北面稽首曰予雖在草莽

亦君臣也聞錢忠介公移檄會諸鄉老迎監國魯王於天台遂挾策往從之江寧之敗先生遮道說張忠烈焦湖入冬水涸不可駐軍英霍山寨畊皆識其魁請入說以迎公乃焚舟登陸士卒願從者尙數百人入霍山寨已受撫不納乃次英山甫渡東溪嶺而追至被獲康熙元年六月一日殉節於會城官巷口配凌氏聞先生死流涕曰夫死我不可以獨生遂以髮自經次子高亦自縊長子喬成尙陽堡女一適仁和岸生孫某葬先生夫婦及子於清波門外山麓封土爲牧馬所壞好義者函

雪翁詩集

附錄下

二三四明叢書

一約園刊本

骨改葬於靈隱西五寺橋大桐塢碣題曰慈谿魏長白山人夫婦之墓先生著述甚多有道南集息賢堂初後集吳越詩選今皆僅有存者

殷軒氏曰先生前明一博士弟子也奮於忠義遂至喪元不悔余嘗讀竹垞老人所撰貞毅先生墓表其詞隱涉先生謂死者委之烏鴛狐兔而不可問於呼其亦可哀也已從弟霞謹撰

雪寶山人墳版文

全祖望

雪寶山人魏畊者原名璧字楚白甲申後改名又別名

甦慈谿人也世胄顧少失業學爲衣工於茗上然能讀書有富家奇其才客之尋以贅婿居焉因成諸生國亡棄去先生所交皆當世賢豪義俠志圖大事與於茗上起兵之役事敗亡命走江湖妻子滿獄弗恤也久之事解乃與歸安錢纘曾居茗谿閉戶爲詩酷嗜李供奉長洲陳三島尤心契之東歸遊會稽有張近道者好黃老管商之術以王霸自命見詩人則唾之曰雕蟲之徒也而其里人朱士稚與先生論詩極傾倒近道見之亦輒罵不置然三人者交相得因此并交纘曾三島稱莫逆

雪翁詩集

附錄下

二三四明叢書

一約園刊本

先生又因此與祁忠敏公子理孫班孫兄弟善得盡讀淡生堂藏書詩日益工然先生於酒色有沈癖一日之間非酒不甘非妓不飲禮法之士深惡之惟祁氏兄弟竭力資給之每先生至輒爲置酒呼妓而朱張數子左右之久之先生又遣死士致書延平謂海道甚易南風三日可直抵京口己亥延平如其言幾下金陵已而退軍先生復遮道留張尙書請入焦湖以圖再舉是役也江南半壁震動旣而聞其謀出於先生於是邏者益急纘曾以兼金賄吏得稍解癸卯有孔孟文者從延平軍

來有所求於纘曾不廢并怨先生以其蠟書自之先生方館於邢氏邏者猝至被執至錢唐與纘曾俱不屈以死妻子盡歿班孫亦以是遭戍初諸子之破產結客也士稚首以是傾家近道救之得出獄而近道竟以此渡江遇盜而死己亥之役三島亦以憂憤而死真所謂白首同歸者矣嗚呼諸子竝負不世之志而遭逢喪亂相繼以不良死則百六之厄也先生既死山陰李遠楊遷經營其喪甚力亦以是遭戍而錢唐孫治卒購得先生骨葬之南屏其後改葬於靈隱石人峰下改題曰長白

雪翁詩集 附錄下

四四明叢書 約園刊本

山人之墓鄞人墓在湖上者楊職方文琮同以是年死而次年張尚書蒼水亦葬焉時呼曰三忠之墓先生之居於茗上為晉時二沈高士故山故有息賢堂因名其集曰息賢堂集自言其前身乃劉公幹也粵人屈大均不可一世獨心折先生之詩嘗曰平生梁雪實是我最近知音一白斯人死三年不鼓琴是矣大均蓋嘗再從先生寓鄞其風格頗相近云楊職方之墓在孤山

魏氏譜傳

謙五十九諱時珩字楚白又名耕字野夫號雪竇居士

歸安縣廩生明末起義殉節從祀旌忠祠從弟霞撰有傳全祖望撰有墳版文族孫鳳林撰有贊生明萬曆四十二年甲寅四月初六日卒康熙元年壬寅六月初一日配凌氏貞烈有傳生未詳卒康熙元年壬寅六月初一日合葬西湖靈隱寺五寺橋大桐陰墓前有短碑碑面向裏上書慈谿魏長白山人夫婦之墓生二子喬高奉萬西郭問魏白衣息賢堂集書 全祖望

雪翁詩集 附錄下

五四明叢書 約園刊本

茶鐺藥竈間物親加拂拭長弘碧血不至盪為冷風野馬即此足扶宇宙一重元氣兼聞白衣有從孫子良能以表揚先世為念但以遺事湮沒莫可攷索稱恨是亦金陀居士流亞塵世中所不多得記前此陶四律天言渠里中有白衣集即再拜託以訪購蹉跎許久未得消息何幸先生已憐我求所下問白衣死事顛末在拙著滄田錄中原有略節一通但苦不甚詳悉要其大略則可攷耳按白衣原名璧字曰楚白世籍慈水以贅婿倚歸安遂充歸安學弟子後改名畊別字白衣又改名甦

稱雪竇山人白衣少負異才性軼蕩傲然自得不就尺幅山陰祁忠敏公器之爲徧注名諸社中其詩追摹晉魏下暨景純游仙支遁讚佛游行晉宋之間近律純祖杜陵已復改宗太白嘗言詩以達情樂必盡樂哀必盡哀一切樗蒲六博朋友燕酣城郭之所歷覽金石之所辨素有觸於懷不期矜飾務達而止此見於竹垞詩話所述者居吳興別鮮山中爲晉高士沈楨避地所居有渡曰息賢因以自題其寓既丁國難麻蹊草屨落魄江湖徧走諸義旅中當是時江南已隸版圖所有游魂餘

雪翁詩集附錄下

六四明叢書

約圖刊本

燼出沒山寨海槎之間而白衣爲之聲息復壁飛書空坑仗策茶毒備至願白衣氣益厲方張司馬敗北時延平出海大江路斷司馬躑躅計無所之白衣遮道上書猶陳金陵形勢請招集散亡入焦湖爲再舉計語在司馬北征紀略與屈翁山成仁錄司馬旣遁當道頗聞白衣前策游騎四出刊章名捕白衣亡命潛行望門投至家大父懷所知詩有廿年熱血埋鴛井萬里桑田寄柳車之句卽白衣也癸卯以海上降卒至語連白衣白衣遁至山陰入梅里祁氏園時忠敏子班孫謀募死士爲

衛間道浮海卒爲踪跡所得縛到軍門抗詞不用死於會城菜市同時與班孫匿白衣者山陰李達楊遷並成邊外事定山陰張杉葬之西湖白衣之死先張司馬一年竹垞西河兩集可攷先生以爲甲辰因司馬事同殉則未盡合其生平詩有前後集僕所見者不過數十首未知先生所得乃全豹否是時與白衣最善者始寧錢霍當世所稱魏錢者也其集僕曾見之古詩亦摹太白顧近體頗不佳爲人風概彷彿白衣其後以事相繼死前此陶四言其里中本已刊就乃諱其名而以他姓填之合魏錢爲一集邏舟有過託祭魯公月表特書借名季漢是亦情理之常不足致怪特是黎邱幻影或遭魚目之混此則我兩人之所同慮者當俟覓至取先生書簪對爲一定木以付子良先生其存僕此札以當白衣小傳也可

雪翁詩集附錄下

七四明叢書

約圖刊本

息賢堂詩集跋

孫德祖

右魏白衣息賢堂詩集寫本年家子何詩卿孝廉撰祥購之書肆凡三帙不立卷數署曰魏橋井田丈人著魏橋者白衣所居集中所云魏家浦故里以存姓也井田

則離其名以爲諱也余與纂慈谿縣志據謝山全氏雪
寶山人墳版文爲魏畊傳蓋原名壁字楚白甲申後改
名畊又曰甦白衣以爲號贅歸安成諸生國亡棄去交
當世豪俠圖大事與於茗上之役兵敗走江湖於吾越
張近道朱士稚太保大學生 祁理孫班孫兄弟巡撫忠
文懿公孫 惠公子 尤善故久於越常主祁氏集中詩多有可考證者其他
所與唱和如長洲陳三島歸安錢繼曾錢唐孫治輩皆
其同志錢卒與偕死孫則購其骨而葬之南屏者也而
西河竹垞秋谷迦陵諸子之流皆有贈答之什白衣在

雲笈詩集 附錄下

八四明叢書
約園刊本

前朝初不掛仕籍可以死可以無死與諸子同乃身殉
故國巢覆卵破誰無瞻顧良以江上之役浙東抗愷赴
義之士尤夥氣類所感有以成之其視諸子爲昭代詞
臣爲勝朝烈士各行其志不必同歸要於文字之契形
迹無可疑者有若婁東學士異時迫於朝命而出虞山
尚書則終始熱中早更初服白衣何竝有柬寄殆不可
解豈文人結習猶有取於幾復風流未能屏絕邪自敘
息賢作雪巖蓋以音同有合於故鄉雪寶涉筆偶爲異
文又云生平有所撰述悉以命之詩其一也則所謂息

賢堂集者當不止此而全氏稱其爲詩酷嗜李白今觀
其古體諸作近供奉者十得五六近體未必一律也以
爲西臺慟哭離騷之亞不惟損其藻采稱量分判爾矣
未病月從菁卿借讀一過因書菁卿妙齡劬學復有志
文獻得此蓋非偶然顧蠹蠹之餘頗有斷蝕故書手不
能工亦未免脫譌蓋以研經之暇一一補綴校正之

送魏雪寶序

王猷定

魏子至越閱兩月負笈欲歸客告予曰魏子將行矣嗚
呼魏子濟世之器也來越越之人合舍業厚遇之霍月

雲笈詩集 附錄下

九四明叢書
約園刊本

擊鮮引滿舉白張具日爲酣飲於其行也亦宜出千金
爲囊中裝乃僅與子等落莫者稱相知食糠覈啗蔬菜
伸楮染翰倡和以紆於抑嗚呼魏子濟世之器也而所
遇窮愁如此得無有搖其中而降其志乎予曰魏生以
舟歸乎請以舟喻方其浮大江亂巨區洪濤橫厲上與
天際風雨變怪杳冥不測亦天下之至險矣乃登陽侯
之激湍崇朝百舍無遠不屆者何也惟其舟之足憑也
舟于水則漚也曷足恃也夫材猶吾質也取諸陽木緝
理而堅以其可施剝斷平沈必均也帆猶吾氣也取諸

宏以完以其精風必強橫歟不墜也櫓吾心也取諸正而直正而直雖危懸重繫其何震撼之有柁吾志也取諸匡且廣常操而善運操匡運廣雖滔天巨波其何搖蕩之有至於篙若櫓吾才也取諸剡取諸贏而鍛而舟成矣雖然又貴乎人事之工也夫閉戶而學操舟者自以爲能矣乃出而試諸山溪之濫大者風水奪其技次者灘漩敗其治無他諳練不素而審慎之意少也若人事工矣尤貴天時之順也世固有強濟以要利者弗畏於天日招招於江之濱水懈之濱雖有維楫一旦颶風

雪翁詩集

附錄下

十一 四明叢書

約園刊本

作水怪興而覆於洪流者尾相啣也故善操舟者舟與水一人與舟一而天不與人一寧舍馳馬逐龍之具於洲渚島嶼之間而不輕進也今以魏子有其具矣又有其技矣而時之不偶故寧與吾輩二三人相與周旋於山榛隰苓而不願入市朝以爭利也而子疑其搖其中而降焉不亦謬乎客作而日子真知魏子哉敬往告焉以當三爵之餞

詩

梅市逢魏壁

朱彝尊

前年逢君射襄城山樓置酒懽平生淳于一石飲未醉孟公四坐人皆驚今年逢君梅福市潦倒巖疏已無比寒暑推移六七年眼前貧賤猶如此悲君失意成老翁况復奔走隨西東攬鏡不知頭盡白逢人先說耳初聾山陰祁生賢地主好奇往往相傾許豈無上客朱_用與_姜齊向高堂飯雞黍哀絲急管何其多酒酣坐起舞婆娑魏生魏生柰爾何百年強半成蹉跎天生汝才豈屬下何爲抱膝徒悲歌

同魏周二處士集鍾淵映宅遲俞汝言不至

雪翁詩集

附錄下

十二 四明叢書

約園刊本

朱彝尊

城隅急雨漲溪沙酒坐銅盤獨影斜有約南樓懷謝監起看江水落江花

懷魏子雪竇

屈大均

平生梁雪竇是我最知音一自斯人歿三年不鼓琴文章藏禹穴涕淚滿山陰說起今朝事魂應起壯心

屢得友朋書札感賦

屈大均

慈谿魏子是鍾期大雅遺音獨爾知一自彈琴東市後風流儒雅失吾師

送張南士返越州因感舊遊有作 屈大均

雪竇山人去幾秋彈琴東市亦風流相思最是耶溪月
夜夜清光爲我愁

戲題魏楚白遺集後

全吾騏

越劍天下精越女天下白我嘗讀越絕玄女卽劍客魏
郎兩嗜之而戰竟不克乃知蒼蒼天亦旣厭周德楚白好色

擬雉露詞

全祖望

若邪娃 魏山人挾妓

雪竇山人嗜妓邪公子班孫客之日薦妓焉時

雪翁詩集 附錄下

十三四所載書 約圖刊本

人多薄之不知其成就若此

白衣君遊梅里得效輒歡喜邪郎君日倒屣徧求若邪
谿娃陪珠履跟蹤復壁登車去越女三千淚如注

同心水登隱山望魏雪竇故居 厲志

登高一悄望遠見海流微張目難久眎北風吹蓬飛回
眇白湖上晶晶漾暖暉鳧鴨慕洲渚參差紛來歸青林
俯暝色蒼潤裊寒霏豈無高隱在紆曲繞幽棲相與動
曠抱悠悠千載思會見魏萬宅山人鸞鶴姿浩歌天地
間雲物爲淒其前哲不可見慷慨徒追維四顧方寂寥

同調將安期

題雪竇山人遺稿

葉二元塔 編次示余

厲志

晶瑩離堅璞哲工受雕鐫任成無窮軌運質見方圓作
爲圭璋具可以薦上天惜哉崑山秀崩鑿付焦原取灰
一持叩其聲猶淵淵造物甘卻棄至美惟自全首陽薇
蕨老萎死霜雪間常人不與食高士來晚年卜生旣徒
別楚寶亦不傳靈簡積朽篋光輝暗迴旋千載有其人
明流方涓然蜀魄更何恨青林夜聲喧

雪翁詩集 附錄下

十三四所載書 約圖刊本

雪翁詩集卷十七 附錄下

山人詩五古韻平仄互押如田園之問信讚佛之化雲
門之疎寄張近道之震是也又寄張近道之怒竭雜詩
之獨鹿屬當是雖疑有誤未敢擅改餘如送姜侍御之四
南厲懷之拘郵均於義難通四字是否誤寫郵字易囚
字於義尙合至寄靈巖繼起禪師之振字的是誤鈔未
敢易以他字讀書詩之嘉韻似應易以嬉字贈錢肅潤
之喜韻若可平仄互押卽喜字亦通癸亥春譚景綸校
畢謹記

雪翁詩集跋

一四明叢書
約園刊本

余得雪翁詩集於張君冷僧冷僧得之於魏君友枋友
枋雪翁之後裔也鈔本自序既題雪翁而息賢堂均作
雪巖堂與相傳作息賢堂者異然詩集中詠息賢草堂
者亦屢見今仍其名曰雪翁詩集惟息賢作雪巖者爲
之更正取伏跗室鈔本更參以甬上續耆舊詩校補之
而忻君紹如復得謝山選耆舊詩採錄之原本五言古
一卷互相斟酌益臻精審紹如復告余曰謝山撰萬編
修經神道碑有云雪竇山人之集爲人所得冒以爲先
人之作公購而正之并訪其南屏埋骨之所見鮎埼亭
集然則是集之存固由魏氏後裔珍藏弗失而九沙當
日鄭重鄉邦文獻收拾先烈著述與遺骨並重其功亦
不可沒矣因表之附錄一卷馮君孟顛輯也憶自癸亥
余在杭州既得斯鈔卽囑陸君鼎元騰寫副本復倩譚
君景綸細校藏度幾十年矣始得刻竣而譚君已作古
人譚君字味農湖南人能詩文今存其校語以誌感焉
民國二十一年六月張壽鏞跋

雪翁詩集跋

一四明叢書
約園刊本

東莞張伯楨輯

寒木居詩鈔

新會梁啓超題

附刻寒木居詩鈔弁言

張子滄海刻文烈集既竟因並以文烈弟璩子遺詩附刻集尾屬予校讎既蒞厥事掩卷思古儻忽動容當夫世傑覆舟宋社既屋微子行埜殷室就墟澳忍從新之徒連秋成兩駢肩障扇誰復知有樂生望國之涕徐廣登車之歎者獨璩子愍增城侯長賚之志奉養寂處家人益昏鬱勃性靈託爲吟咏淵明詩集自編甲子幼安藜牀不易風節以與夫井中心史之函鹵臺慟哭之記黍稷寸絮不其傷心人各有古抱歟是集都爲一卷韓陵片石足繫人思卽以詩論古體抗手顏謝而益以整

寒木居詩鈔

滄海叢書

峻今體造虛韋孟而變爲清剛其格調蓋在宋遺民方鳳林景熙伯仲間也因嘉滄海潛應闕光之啟馳毫根觸悲從中來同腸盪氣縈紆無限

民國三年歲在甲寅秋七月既望江甯孫去疾谷叙

廣州府志傳

張家珍字璩子增城侯家玉仲弟家玉起兵時珍年十七常著小金冠披紫鎧別率所部千人爲奇兵轉鬪數勝家玉沒以兄蔭拜錦衣使廣州再破家居奉養始折節讀書通賓游所居室不三畝而客常數十人自高僧攝人劍士技術無不披肝膽寫意氣人竭其歡心援筆爲詩歌畫蘭竹皆伉爽有致年及三十而卒

據獨漉子集修

寒木居詩鈔

滄海叢書

弁言

璩子爲余姪與其兄芷園師事余芷園從余遊能文而不能詩登賢書後學爲詩詩出高古絕倫試館職以古歌行居第一雖芷園未嘗以詩重詩實以芷園重也芷園有弟璩子余督課諸姪時璩子幼未得及門然往往從余質問余亦以是器之初入仕卽拜一品官顯而名未顯比棄官歸居鐵園日事詩歌根乎性發乎情中乎節名遂以詩顯焉今遺編具在友人王德孚將輯而付梓屬余一言以序余以璩子年不及顏而死死而猶有不死者存存乎其詩詩存不可無序序其詩庶幾百

寒本居詩鈔

三

滄海叢書

世下知芷園有弟

康熙乙巳孟秋朔日叔朝紳題于醉古洞

寒木居詩鈔

東莞張家珍璩子著

東莞張伯楨子幹編輯

漢壽易順鼎實甫校訂

答贈中都李司馬

南國有佳士翩翩鴻鵠姿
獨宿慕儔侶高舉凌天涯
萬里雲海心寄託良可知
我居羅浮下息駕懷希夷
匣劍久不鳴木石性所怡
清江枉蘭槳叩我巖下扉
我去采靈藥還當與君期
毫素見幽襟一字堪一思

失題

寒木居詩鈔

滄海叢書

泠泠江水深水深千萬尺
登樓有所思所思在行客
期我春風時春風期已迫
人生幾何時晷運如過隙

烏生八九子

深谷有鬱林繁城多芳躅
盛衰各有故所分在顯伏
不見城頭樹上烏巢有八
九雛高棲遠啄身樂妻子
腴智則不足靈有餘曾噪
將軍樹又集大夫居告人
凶吉亡已安危世人自福
不汝德世人招禍則汝責
吁嗟汝鳥何不呼雛辭南
飛去北從今勿攬道傍肉
續絃斷竹世上機關備險
毒

擬古

妾家南海傍青春蘭芷香
墮馬梳成吳后髻纖腰學
作楚宮妝白別阿耶難記
時空帷不復整蛾眉春風
白晝簾不捲紫燕雙飛高
下窺錯問阿耶耶不語對
鏡兩人空淚垂不見十年
顏色老落花滿地傷懷抱
妾上高樓望楚雲耶在湘
江怨芳草

野梅

離離照水清且微粉臉迎
風寒欲絕從來傲骨故難
柔那肯低頭避霜雪自揣
良非鼎俎資瘦影惟堪對
明月

寄陳元孝

孤窗有月亭如雪不見故
人空見月相思杳在天際
頭

寒木居詩鈔

滄海叢書

鴻雁一聲生白髮

古意

黃昏古樹鴉欲棲平沙飲
馬空中嘶我來城市心悲
悽欲歸不歸望長堤

晴月

木杪雲初亮山前瀑布寒
光輝今夜倍圓缺幾人看
柳影池心亂琴聲露氣溥
含情與誰語惆悵夜漫漫

尹右民下第歸過訊

野樹分秋色庭花坐似春
青雲原不墜綠蟻且相親
恥下荆山淚同生杵臼身
丈夫恩未報終是有心人

懷人

林下覺涼早披衣過漏聲關河今夕成秋月想同情世
亂無家好身勢遇物輕知君重意氣西向拂龍精

中秋懷高望公

去歲山中月心閑共薜蘿如何今夕酒不見故人過露
葉飄幽砌寒蟲隱綠莎相思愁嘿嘿凝望渺滄波

飛雲頂九日

朝隨僧飯後策杖上層巒滿目川原小邁然天地寬深
秋金澗靜返照玉峰寒却怪龍山燕空傳落帽歡

秋至

寒木居詩鈔

三

滄海叢書

秋至一何好新涼氣候清井梧當檻落海月入窗明燕
別草堂墨鴻流關塞聲天涯有知己此夜念孤征

同諸子遊深溪龍潭

十年夢此地今日始尋源雲煖桃花發巖欹瀑水喧空
山眠野鹿風斷嘯寒猿共坐澄潭下幽思不可言

上元宿半座菴

寺隱山將暮良宵不忍眠松花香塔後溪水到門前隔
岸山歌起諸村烟火連冷然僧梵後深坐一燈懸

雨中登樓

窮居亦何意言笑向人難二月登樓望孤村細雨寒行

雲變巖岫流水與波瀾閉戶宜今日春愁且自寬

山行

不盡青山意尋幽任所之谿行三十里日出幾何時雲
響樵何處鐘聲寺不知此中堪小隱當與古人期

望羅浮

日暮海天白羅浮雲氣重諸山皆隱躍獨現老人峯雨
足新溪水苔封古寺蹤當時茅屋上應長幾株松

溪邊竹屋

寂寂溪邊屋陰陰古木繁開門看瀑水終日自潺湲野
鳥啼空谷桃花發古村一身安樂好何處報人恩

寒木居詩鈔

四

滄海叢書

溪流清且徹山山繞柴關石鼠畫出沒幽禽時往還苔
深人跡少氣壯酒杯閒倚檻聊長望雲開山上山

贈穆之兄

古俠吾兄重世人無不聞徒聞不能識老此鹿麋羣綵
筆搖川岳千將倚白雲晚成宜大器天地任紛紛

山居

久不出城市幽居道自尊雲深溪欲雨樹密晝常昏懶
性惟依枕看山輒啟門悠然人境外流水自潺湲

山居少隣竝田父兩三家夾岸流鶯好當門綠柳斜春
畦遲播穀松徑早收茶最喜新晴步溪頭踏野花

東澹歸和尚

端水衣冠地離羣感昔年浮雲自朝暮往事在山川飛
錫廬山上浮杯粵海邊相思定何處松月照寒泉

山中歲暮懷友

王孫常歲暮遲滯故園歸五老峯頭住悠然歌采薇閒
脩高士傳常著比丘衣獨有羅浮侶同看春草肥

尹右民作先文烈行狀詩以謝之

兵潰鬱奇氣東南挺大儒鴻章儷典訓高行重師謨言
念先文烈揮毫紹董狐精忠如可述公道豈曾孤

旅月

寒木居詩鈔

五

滄海叢書

日落月復生升沈感慨并古今俱若此旅夜難爲情漸
水三更起村雞歷亂鳴鎮鎮時一拂寂寞壯心驚

與黎務光兄弟夜話

秋風正蕭瑟秋雨更淒淒世事不能測深山當穩棲逃
名有巢許抗節本夷齊共是半騷者愁聽子夜雞

林孟易昆玉山堂落成詩以贈之

山閣卜築靜門對大江開花木繁陰處羅浮翠色來青
瓊空故物黃卷屬多才不負先人意弟兄君子哉

樓居穀雨日雨過同王德孚陳元孝對酌懷人兼

訂遊羅浮

酒不厭時異同傾一夕愁雨生三月節樓住四時秋目
斷湘江渺心期石洞幽何時簑笠去高卧白雲頭

訪李氏隱居

李氏好居僻野人心所同窗連雙塔近溪與大江通古
木生春葉行雲變谷風那知秦漢裏忘卻亂離中

懷林叔吾

青山繞郡城早晚變陰晴天地可誰測干戈勞我生相
思秋水潤恨望暮雲平遠有還山意冰心共一泓

宿海幢寺

海月在樓角流光入我牀照人寒徹骨獨坐攬衣裳深
院磬聲靜橫塘荷葉香隔江笳鼓起愁與夜俱長

寒木居詩鈔

六

滄海叢書

旅中至日

薄醉旅中杯鄉心暫爾開有家驚節序不寐上荒臺野
寺晨鐘急城樓刁斗哀高堂今夕宴幼弟獨徘徊

夢馬詩

昔余軍中得一良馬汗血權奇陷陣潰圍者屢
矣不意死於龍門埋之小坵已十年所今歸卧

蓬蒿忽夜夢之馳驅如前悲鳴猶戀覺而爲詩

以弔之

久失飛黃馬空餘血戰衣可憐橫草後不得裹屍歸力

盡猶追敵功高幾貫園年來生餽肉夢雨淚頻揮

過金繩巷

片雲馳白日吞吐夕陽天過院尋僧坐煎茶爲說禪簷
牙歸瓦雀黃葉帶村烟今夜雁堂月清涼許借眠

村居

木杪亂雲深春愁帶夕陰晚花明短砌返照沒前林芳
草歸誰夢青松老我心閒過池水出相對影沈吟
微茫官渡口湖共雨聲來高壠耕需甚小園花正開瘴
烟南海郡春樹越王臺水廟黃昏後清歌一棹回
開門何所見水店酒帘斜野渡少行客孤村歸暮鴉棋

寒木居詩鈔

七

益移就月茗盃坐當花何處桓伊笛吹來處士家

同高望公芥菴坐月時須識上人自雷峯至

得氣偏在野先秋促織鳴雲行新雨歇月好大江明偶

爾逢僧話於焉感我生涼風透枕簟此夜夢魂情

山中初晴有懷

雨歇春山綠巖光四望明行雲歸岫闕饑鳥出林鳴逕
溼沙猶白澗平流有聲消閒誰與共芳草有餘情

曲江謁先文獻公祠

盧武芙蓉映日温千秋萬古伴貞魂曉雲旋扈巴江錦
暮雨清搖中使幡故國忍看沈戰跡遠孫無路薦蒲尊

當年金鑑如承露詎有鸞輿幸劍門

秋日自山中至友人江館

年來遊事獨蹉跎江館當秋偶一過到此始知黃菊發
向來空見白雲多蘆花日暮歸漁舫竹翠烟深隱棹歌
此夕留賓江月好開樽爲爾玉顏酡

送陳緱山還金陵

對君不作尋常別底事同銷壯士顏十里離亭折楊柳
一鞭疲馬出梅關時危性命應相假歸去湖山豈等閑
獨有天涯翹首處春雲容易淚潸潸

月夜重登鳳凰臺

寒木居詩鈔

八

不上高臺已十年重來一望思凄然清流不改終歸海
明月多情只在天郭外荒村迷積草城中遠樹帶寒烟
仙壇冷落笙簫斷獨對雲山山檻前

登五層樓

縹緲層樓連碧漢白雲積翠入空微東迴古寺鐘初動
南繞長江水一圍返照半含滄海日遠帆斜沒釣魚磯
登臨一笑成今古怪底王生便賦歸

曉發珠江

蕭蕭江上一帆輕風急迎流白浪驚曉日暖開蘆葦岸
悲笳寒徹石羊城百年事業青山在萬古危途遊子情

遙憶鐵橋歸未得雪梅當路爲誰橫

立春後一日呈林孟易仲已叔吾兄弟

大江佳氣映朝暉好鳥方隨昨日歸
臨水種梅當華戶對門垂柳卽魚磯
何須亂世懷軒冕卻喜東風長蕨薇
更有芳隣能載酒春眠眞與世相違

先文烈兄沒產復勘偶成一律

夜卧繩牀雷雨動短檠相照一窗寒
亂離何處堪回首魂夢猶如未解鞍
一卷離騷悲屈子三歸彈鋏笑馮驩
蕭然剩有閑心在憔悴多慚溧母餐

雨中謁先慈墓

寒木居詩鈔

九

滄海叢書

絮酒臨風奠一卮雷聲隱隱不勝悲
英魂自拜絲綸後勁節無言天地知
春草烟深人跡少鷓鴣啼處馬行遲
不堪回首江天暮漢苑于今總黍離

答贈何柏友山中

蹤跡同爲一隱淪思君落落少相親
鳥知好木終難擇劍有千金尙未貧
松檜春林時獨往藤蘿明月夜無人
年來更有牢騷者不釣濱江欲買鄰

憶先文烈兄增城侯

草堂睡起憐孤影憶到增城莫可尋
杜宇年年枝上血鶴鴒夜夜夢中心
劍同王氣沈秋水星暗流雲失羽林

鼙鼓中原唯淚盡不堪風雨獨哀吟

大業曾教好自期梯雲樓上日相隨
獨傳黃石書三卷說向青萍酒一卮
碧血難尋天地闊幽懷無訴鬼神知
茫茫何處看華表愁絕吾生鬢欲絲

佗城

六朝往事竟如何落日黃沙飲橐駝
自昔絃歌聞百粵于今烽火比三河
愁人寂寞秋聞笛壯士悲涼夜枕戈
不見趙佗能拒漢年來事業獨蹉跎

喜王德孚過宿江館

寒木居詩鈔

十

滄海叢書

我住江村君住城不來如隔數千程
十年往事同歸夢半世閑身等泛萍
海月有情移榻近荷風隨意入簾清
相留一宿非容易對話藤牀感慨生

秋泛

秋水空明放木蘭湖平兩岸坐來寬
揚舫遠引孤山鶴垂釣翻疑七里灘
蘆葦月明時泛泛烟波暝色共漫漫
無端忽憶當年事東海茫茫白浪寒

秋懷

中原回首十年情每到秋來感慨生
偃月營邊多鳥噪歌風臺畔少人行
羽林散盡旌旗影玉壘消沈鼓角聲
愁絕年來邊外草西風吹雨暗長城

百粵三吳山水長孝陵翹首哭秋霜宵衣定鼎思當日
汗血開疆邁昔王雨過鷓鴣嘯寢殿夜殘鼯鼠走雕梁
明禋袞職今何在松柏蕭條總可傷

金陵回首事成空禾黍淒涼滿故宮萬里關山聽暮角
百年風雨感飄蓬荷衣製就徒懷屈麥飯炊來卻憶馮
我亦艱難同此日南宮烟樹思何窮

一夜秋風木葉飛驚回殘夢別慈闈休將陟岵重開卷
痛哭新墳葬舊衣懷橘未成當日願負薪當與此生違
孤懷耿耿難成寐坐剔寒燈淚暗揮

生還黯黯空依父死別悠悠復念兄壯士悲歌天地老
封侯俠骨古今情鶴鶴原上如聞語鴻雁洲邊似有聲
十載園花慚雨露不堪深夜撫青萍

寒木居詩鈔

十一

滄海叢書

何處悲秋不可憐無心奏曲入冰絃窗前山水消閒日
鏡裏光陰度壯年社燕方辭紅葉冷賓鴻欲過碧雲連
從來物態關人意自展鸞箋一惘然

訪友不遇留題

江村落日過城隅古木陰陰噪晚鳥君去池塘空皎月
人聽蟋蟀倚秋梧疎鐘遠動三更候畫角寒吹一枕孤
此夜西窗眠不得難將一夢到西湖

秋日尹如度王德孚梁餘仲周偉石吳康侯叔柄

弟集江居

花氣陰陰拂檻低寒蟬處處向風嘶江皋昨日開蓮社
客棹何遲泊柳堤我輩不妨消白眼心期豈用祭丹雞
已知匡濟人間事亂世聲名醉嬾題

得廖非子書賦答卻寄

去年送君黃木灣今年書來在燕山礪陵古道憑誰醉
易水秋風老客顏故國白雲情嘿嘿舊宮禾黍淚潛潛
羅浮夜夜迺相憶絕壁飛泉忍獨攀

九日

寒木居詩鈔

三

滄海叢書

水國西風霜露微東籬九日菊花稀寒深蘇武雁初至
秋老王孫草尚肥采得蕨薇分穀食裁成荷葉易儒衣
自憐不及商山老出爲儲王定是非

懷中翰賁士

雲山悵望伊人遠芳草飄搖遊子情六月梧桐將葉老
一生離別有秋聲鄉園未信能長樂旅館何妨歸不成
莫向他鄉悲夜錦由來富貴自當輕

過李子草堂

草堂卜築依山勢五里松陰接海潮漁舫隔州烟火亂
江楓夾岸浦帆遙雲深古寺時聞磬人到窮厓忽見橋
十載亂離逢此地好驅雞犬赴相招

今日僧李正甫還零丁山

靖康一買釣魚船
牢落零丁有幾年
今夜暫同燈下酒
明朝相望島中天
山深麋鹿依弘景
海闊魚龍傍魯連
莫嘆無成當此日
從來賢哲本山川

薄暮送友回江干野望

森榕鬱鬱瞰江流
落日人歸古渡頭
遠浦烟雲含暮色
隔溪蘆葦隱漁舟
海門汐上家家飯
村老田歸處處牛
回首木棉花樹杪
郊西新上月如鉤

用公歸自中都言湖山之勝余以負恩之身頻年

抱病于用公閑雲野鶴爲何如哉

寒木居詩鈔

滄海叢書

一年飛錫徧中原
踏盡湖山道自尊
於我卧遊淹粵海
憐君乞食到吳門
妄身去住皆淪跡
病骨存亡總負恩
吾舌縱橫何所用
此生心事付文園

江居同何柏友賦

一身多病卧蓬蒿
離亂生涯付濁醪
舊有交遊歸海國
寂無車馬到江皋
此生幻跡尋蓮社
十載閑心愧寶刀
莫道端居儔侶寡
與君長自把離騷

偶出江干別業遺址

別業榕堤舊宅東
水松環岸水淙淙
野花數落橫塘側
英石仍埋芳草中
遠浦帆搖榆莢雨
晚墟樓蕩酒旗風

結茅雖得藏身計
更欲頭顱向大崧

山居

簑笠農書總一肩
誅茅蓋屋碧溪前
閒尋靈藥穿林出
每向寒潭枕石眠
雨過松梢雙鶴立
雲生天半萬峯連
孤村極目人烟起
返照微茫哭杜鵑

危峯削壁翠千尋
一嘯遙傳空谷音
天地正當戎馬日
聲名何與蕨薇心
溪橋曲折隨山勢
松樹參差礙日陰
歸去西林餘興在
洞門蘿月照彈琴

登樓懷陳元孝

雲氣縱橫一望秋
大江波浪撼揚州
萬山東鎖城千雉

寒木居詩鈔

西

滄海叢書

一雨西來風滿樓
黃木夕陽人去後
新亭芳草淚應流
誰憐飄泊干戈裏
秋思長依鸚鵡洲

白燕

玉宇依依看不見
差池猶自傍瑤臺
孤蹤天外尋春社
素影風前舞落梅
羽鍛蛾眉新月落
尾翻銀翦向空裁
年來我亦冰心冷
萬里勞君帶雪來

望羅浮瀑布

久病杜門迎客少
野情時出坐蘆洲
候潮打鼓船將去
啄水饑鳴鶴尚留
四望人烟含返照
一天黃葉引清秋
何時拄杖飛雲頂
瀑布遙看天際流

次答尹如度

日日持竿江水頭暮烟瓦雀集高樓石牀醉倚藤蘿月
桐葉吟當枕篔簹秋一夜池塘今古夢十年鼙鼓海天愁
亂離蹤跡思良友正欲同君秉燭遊

十四夜陳晚卿聶遂公區鷹子李木從蔡叶先過
集濠梁小齋分賦得十四寒

返照城西海市殘蘭舟聞道過江干莫言明夕清輝滿
且醉今宵白露團避世每添離別淚偷生留得箭刀瘢
酒闌倚劍江天迴一夜旄頭何處看

中秋朱爾欽爾周方周客陳以虛林仲己叔吾姚

寒木居詩鈔

五

滄海叢書

翰士過江居待月

一年人事逢秋半木葉蕭條秋氣清紫燕飛飛將欲去
寒蟬嘒嘒故爭鳴主人擊磬時一笑客子渡江來不迎
共坐橋西看流水海東圓月逐潮生

十六夜

海闊天長萬里風光輝不滅又當空水花蕩漾何嘗定
桂影依微一樣同對酒及時還似鏡登樓相待恐如弓
今宵昨夜看圓缺照盡興亡一點中

送楊長旦歸虎丘

滿堤圖畫送君還古道垂楊不可攀落日浮雲仍北郭

渭城朝雨盡陽關虎丘人去聽鴉雁水國誰知放白鷗
獨我年年巖壑寂西風藜杖倚空山

寄叔炳弟

題詩漫寫布頭箋寄子楊花二月天白社可能容我隱
光陰自不為君憐龍文眼底求千里藜火窗中易一年
嚼膽莫虛慈母意讀書先取仲容賢

番禺沈宗疇太侔初校

江甯孫去疾谷叙覆校

寒木居詩鈔

六

滄海叢書

寒木居詩鈔終

滄海叢書第三種

附錄呈文及批令

參政院參政梁士詒呈據情代呈袁崇煥張家玉遺

書請睿鑒文並 批令

為據情代呈先哲遺書仰祈鈞鑒事竊 士詒 接據同鄉

京官司法部僉事張伯楨函稱明臣袁崇煥張家玉兩

賢死事最烈大節凜然所有著述遺稿不傳於世現經

蒐輯完竣以歷年俸薪所積刷印成書擬將前項遺書

呈覽送請代行呈請表揚等因前來經 士詒 詳細披閱

尙屬蒐輯完善謹將原書原呈恭代呈覽伏乞

大總統睿鑒訓示謹 呈

附錄

批令 呈悉袁張兩賢盡瘁報國大節凜然披誦遺書
益欽芳烈允宜昭示奕禩豈惟增重藝林書留覽此批

大總統
統印

中華民國四年二月二十六日

國務卿徐世昌

附司法部僉事清史館名譽協修張伯楨原呈

為恭進先賢遺書仰祈鈞鑒事竊維國家之隆替視
乎人才人才之奮興資乎觀感古來忠烈其人已往
而其事不與俱往者賴有遺書以傳之俾後人讀其

書想其人而勃然興起焉是書之益人良多也謹按

前明忠烈袁崇煥力捍薊遼屹然不動逮至統師入

衛為清人反間身死門滅天下冤之後十餘年而有

張家玉者官僅庶常性喜任俠當明代鼎革奮不顧

身治鄉兵勤國事力竭身殉全家就義亦足悲矣夫

兩賢均為粵之東莞縣人其生平行誼明史未詳其

故老傳聞日久愈確 伯楨 居與同里或停車問字訪

遺稿於村民或徵獻考文搜殘篇於絕壁迄今八載

蒐輯完竣都為六冊分為兩集以歷年俸薪所積刷

印成書謹將原書呈覽恭候批示伏思搜羅軼事不

附錄

過發潛德之幽光果其矜式國人誠足養至剛之浩
氣倘荷

大總統俯予表揚俾一字華衮日月爭光兩賢文章

河山並壽似於人心世道不為無益所有進呈遺書

緣由理合具陳伏乞 睿鑒謹 呈

中華民國四年二月二十四日

附內務部批

據廣智書局稟送張篁溪編輯滄海叢書一種著作
物先將袁督師張文烈兩集出版謹將樣本二份送
部懇予註冊給照等情核與著作權律第十九條及

第二十五條相符應准註冊執照併發以後各集陸續出版仍應送部備案此批

中華民國三年十二月三十一日


附執照式 文字第三百零一號

內務部據廣智書局稟送張篁溪編集滄海叢書一種著作物請與註冊查與著作權律第十九條及第二十五條相符應即填具執照給廣智書局收執

中華民國三年十二月三十一日

聖
雨
齊

詩
集



望雲仙館

聖雨齋詩集卷之一

橋李遺書

橋李周拱辰孟侯著 同郡孫福清稼亭校刊

四言古詩

孤憤篇

騏驥不言談者為價今之相者今舉肥非其所
矣曼倩長貧侏儒短飽亦古今之通患即憫奇
思之不售獨抑鬱而誰語作孤憤篇

聖雨齋詩集卷一

望雲仙館

南山生苗數寸凌煙北澗有松百丈淪淵攢衡道傍揖
艾升堂採菱伐木皇琴薦觴豈無守戶救彼雕虎豈無
司晨命彼桑扈金丹揚波玉馬策途昆刀刈楚珀鏡覆
壺抱管吹銅操羽伐鼓謂器不良戮此庸賈釣鯉坳汀
層廡中庭飼犧荆壁悅鳥韶英膾蚶作羹心知其恣斧
蒿為宮不如其露鵬巢蚊睫胡以克堪臬薦鸞乳甯饑
不含斗水藏蛟方櫺檻鳳甯繫眾雛精靈亦痛

命愁篇

野每春其必華草無朝而遺露人之脆也藏舟
幾何況行路實難而人生長勤每一念之百端
交集作命愁篇

擊壺長歌人生奈何茹荼則苦食梅酸多搖搖懸旌促
促靡逐疇卜而滅費此握粟鵬雛欲舉畏此網羅長松
振霄遭彼斧柯石上藝黍井中值藥蟻穴攻駒蜂房乳
鵲揚帆天河何以航之月中斧薪梯將焉施浙米刀頭
炊梁白杵槐國珥貂蕉園射雉謂河不廣灑淚益之謂
山不高摘髮索之椿長菌短各否各然蜉蝣何為與龜
夏年物促候適一往絃絕今人古人水流波闕天地不
仁人生實難豈無蔗耐愁不能餐

五言古詩

聖雨齋詩集卷一

二

望雲仙館

仙源三婦艷

大婦守丹牀中婦踏支機小婦獨無事濯腕雙魚洗脂
水棄天河至今香未已
大婦斧月薪中婦烹神鯉小婦獨無事杯調鳳凰乳鴛
穀須冰絲攜筐絡簷雨

采蓮曲

采蓮路欲迷採入花深處蓮子如妾心含情向誰語蓮
葉間花紅迎風亂別緒中有絲相通莫嫌隔彼此
采蓮傍綠隄綠蔭涼風起蓮花不自持低回拂清水儂

心如蓮心歡情似蓮子歡情何太多儂心苦欲死
采蓮新刺多舉我羅衫亂搖櫓還遲遲貪看垂楊畔垂
楊騎玉驄吹來笑語濃相逢忽相憶藕斷絲還空

廣采蓮曲

采蓮復采蓮江北江南岸荷香吹滿衣花深人不見綠
蔭碧天空葉響西風戰貼水葉如錢願買郎情轉級佩
葉爲衣長短隨郎翦鬚可簪郎髮根可爲郎膳子報郎
心清絲結郎心變落瓣拂郎巾蓮房守郎院復有蓮幹
長醉郎碧筒勸

聖雨齋詩集卷一

三

望雲仙館

從軍五更轉

一更戍樓空颼颼來嚴風戰血殷四野染月臙脂紅
二更山月微凍宇霜霏霏愁人把蘆管吹霜霜倒飛
三更夜警辛一雁過城闌舍將閨裏夢遞與枕戈人
四更煙似褚天低可倚杵鬼火依草白老烏作人語
五更月低向曉光動穹帳七星悄不見落在刀環上

采桑度

蛾子綠於蟻引蒿植羅幔攜筐出採桑鬢影風吹亂
阿嫂不暇飯中夜急蠶理小姑治新妝蛾眉長幾許

黃鸝啼欲低薔薇開欲落養風三七時不知羅袖薄
東家蝴蝶飛西家春蠶饑蝶飛怕花盡蠶饑怕葉稀
采桑復懷人顏色鎖憔悴應知桑上露是妾眼中淚
辛苦理蠶箔纏絲會有時野蛾化作繭不那亂所絲

去婦怨

結襦事君子期以永不移蚯蚓出草際新來滿腹泥
與郎百種情春風徒一擲石冷尙可抱郎心冷於石
與我黃金玦奪我紅鬚席殺我比目魚相對不成匹
遮莫郎畫眉美好須與變還留舊時眉期郎一回盼

聖雨齋詩集卷一

四

望雲仙館

躊躇下君堂猶是君前步此去何時逢夢裏蘼蕪路

覽古詩

女媧帝天下有三女臣焉謀壻功臣廟配享旌其賢恐
悞媧皇靈雷劔吼胡祆緯書媧命娥陵氏制都良管以
一天下之音命聖氏爲班管以
今日月星辰又命隨氏作笙簧又
後人發媧皇陵雷劔驚吼而止 咄哉鸚鵡妖竄帝而
自立陰狐蝕太清穢血濺媧石欲烹兩伏雌千秋定君
極南場西北天埊成女人國

其二

庸人救已溺至人防未然豈有災不省垂晚思其愆翦

鏡暴陽肝殛鯨至羽淵胡爲罪已詔遲之至七年災禮
必有以責躬良獨艱堯湯非聖人病劇申藥言吾笑商
辛帝歸獄於其天

其三

甲子際龍戰呂尙奮英矚心知五大夫丈雪進糜粥出

公丘豐功開上爵建旄灌壇牧東海龍王女售嫁西海

曲賢牧廢我行入夢當路哭姬王趣之來假道成花燭
蛟力能蹴海雷車斂高旭下邑有神君流威到龍族

其四

聖雨齋詩集卷一

五

望雲仙館

虞瞳垂髦年溘盡蒼梧野二妃隨狩行號天血爲灑至
今湘江竹斑斑淚痕寫或有獻疑者二妃故靈姝龍工
救舜溺至今自淪胥純狐乃羿婦背夫奔月居羿能落
九日不能射蟾蜍是非紛難結於理將焉取甯聽燕子
言勿信流鶯語

其五

穆滿好遠遊縱轡瑤池宮右車挾盛姬左車挾井公赤
烏酬百斛香氣醉四空道逢雨雪灑蹄澀不可攻辛苦
吹玉笛霽色開高着如何盛夫人倉卒卧廣柳雲中才

龍進愁腸裂冰厚一到崑崙邱寶膳紛相誘萼綠爲鼓
瑟四非爲擊缶偷眼視西王種種髮盈首雖有不死藥
何如溫柔鄉天上葬神仙盛姬化女殤迺知千歲桃不
值一杯酒欲挹重璧淚相持餉王母穆天子傳盛姬卒
重璧之地天子哭

其六

古有戎夷者行道之魯谷天寒乃後門雨雪及牛目促
衿肘驚鶉凍風嚙餒腹相顧謂弟子我爾生不獨而我
國士也惜死以自勗弟子冷然笑口是心則非豈有不

聖雨齋詩集卷一

六

望雲仙館

肖人能與國士衣併服贈弟子立僵追夷齊至今祝其
國鳳凰不忍棲

其七

閻廬怒楚昭三戰及郢市爰有吹簫者奮戈請前士王
竄臣妾奔鞭尸雪親恥倒行逆施之其顛若有泚鞭尸
有兩人其一太宰詔借問爾何爲亦云爲親耳大忠與
大佞不可爲道里試思舉鞭時清夜爲粲齒

其八

三星入虛危贅塔起囚軫擯楚奠周紀旬旬奮精英答

功城小穀擊鐘振王靈若何管脩者逋逃爲楚脚左傳齊桓

子七人爲七大夫於楚管脩管敬仲子人楚良有深意其父爲虺虎迺子肯墮武

周旋七大夫豈不繩乃祖苞稂亂叢叢落日悲懸鼓

其九

趙襄橋上過馬踏人影怒搜之迺義士慷慨了無怖再拜請襄衣願得畢其情捉劍毒奮呼髮豎寒星星擊衣血濺出襄魄已震驚回車五步死豈日實鬼能昔有哭夫者號慟城爲崩自來千尺土不勝一寸誠此衣擲橋下至今吹風腥

聖兩齋詩集卷一 七 望雲仙館

其十

湘潭有誼士荷衣紛葳蕤與君約成言黃昏以爲期中道忽他志眾婦詠蛾眉茶苦不可聊抱石自沈溺殞石詎甘之愁固重於石幽篁元猿啼山鬼乘文狸秋月亦避明寒風吹江離觸饑夜半語猶似行陰時

其十一

魯國有貴女云是公姑姊標梅大過時將隨秋草死一旦墜邾君考年七十矣問誰爲良媒云是季武子出左傳注襄公二十年春蘆絮撲髻髮升車再三歎七十咏秣駒桃花爲

厚顏晚嫁亦瑟琴新婦何相負晚遇亦風雲志士何必醜所以釣渭人悵坐秋風守

其十二

孔子不語怪仙術寡所詳弟子有施存白豹披天閭澶州策杖叟地下脩文郎至人原不死精靈浩無方出真軒轅去不遠騎龍與雲長素臣纂脩畢天風整衣裳

其十三

季札輕吳祚襪禊耕諸郊及乎聘上國陸離芙蓉刀兩度晤徐君生死不可招帶劍上邱壘白楊吹蕭蕭愛寶而僞心達人殊不屑脫劍挂樹枝肝膽皎如雪漆炬燒松花芙蓉黯青血詎餉泉下人留心照明月

聖兩齋詩集卷一 八 望雲仙館

其十四

國城人所私久據亦不妙迭處迭去之前後自成弔咄哉齊景公癡情不可療古而無死者蓑笠方野造君臣相對泣涕滿牛山道迢然晏平仲空山發孤笑

其十五

七侯鶩厚葬膏池火熒熒金鳧雜繡彝劍鼓紛縱橫墨子棺三寸薄親唾天形及乎見荆王衣錦吹玉笙賢者

不可測大聲呼侈盈戮尸辱生我府助費招魂羸葬卽
此意勿笑楊王孫

其十六

子胥裁錫鏤抉眼懸吳棟魂化浙江潮天地爲震動把
臂呼文種爾可來予從文種掉頭笑我豈與爾同爾主
漁色敗吾君成大功爾劍留恨血吾劍餘清風有何不
平怒朝夕勞忡忡胥默踏潮去紅日黯江東

其十七

古人有絕技能落空中禽禽亦榮服之不敢愛其生豈

聖雨齋詩集卷一

九

望雲仙館

日攻穉能竇名以自飾橫槩與賦詩纔不負飲食不見
賈子婦三年坐成顰行高射得雉乃始一笑言爲語有
志士寂寂何得爾人生須有才迺可私妻子

其十八

吾笑鄴伯有嗜酒棄厥身死後敢爲厲酒氣猶觸人醉
魄葬斗城高墳已爲薪何如子產兄爛醉稱天民出列
酒星所不崇偏喜無位人古云酒猶兵不可一日去禍
福自求之於人亦何與悲涼壑谷鐘至今出紅涕

其十九

專諸盛意氣虐人如囚奴一往狂逞時膽落新婦呼長
者豈畏內答言殊有故色勇與骨勇鼓行乏餘步一呼
卽歸休所以養其怒七百裏短衫秋風吹古路

其二十

魚老化爲鳧瓜老化爲魚前身與後身留蛻紛填渠田
間蓑笠翁寒蓬吹面紫借問爾何人范氏中行子蕪英
不久榮涼德天勿理圓蒼浩漫漫劫灰成馬矢達哉寶
犖言人化何日已

其二十一

聖雨齋詩集卷一

十一

望雲仙館

誰謂文士弱不及一悍兵不見魯連子射書破聊城燕
將三日哭千雉拉然崩陰虹暗白日搖筆千人驚問歲
故英妙云纔十二齡綺髮方覆額日月懸其名出陳兩
日記當日自有書國策中後人擬作也 長嘯望遠廓彼哉蒼蠅聲

其二十二

昔日李丞相逐客作秦傳燒書及坑儒種種酷無度甯
知飲劍時誤秦乃自誤吾欲牽黃犬招魂丞相墓古人
曾有言功名草頭露迺知性惡論或爲斯人著記得初
相時其師爲輟筋語云李斯相
秦其師輟筋

其二十三

商山有四皓高節挺不字漢自有儲皇出山乃多事卓
哉淮陽老不愧隱中龍未知秦鹿走焉知馬上翁或云
茹芝叟赤松曾把臂不辭猿鶴怨亦為留侯地事成攜
手歸白雲杳無際

其二十四

每憐王孫餓詎是漂母慈丈夫不自食姑以飯愧之果
腹不知醜俠士所謂惡叱之出胯下亦以整其怒取履
良有謂辱胯甯無因倨侮之狎至幻出疑一人吾欲鑄

聖雨齋詩集卷一

士

望雲仙館

少年黃石同配饗大恩與大讎成我原無兩淮水日湯

湯英風同一仰

其二十五

漢武坐廣殿西王遠來賓玉盤餉桃實葉葉蓬萊雲五
色露猶泣香觸不可聞是卽不死藥綏山亦貶價瑤池
桃一顆值一漢天下我時窗隙窺拾核大如瓜誤聽阿
母言恨不攜種家甲子剛三千如種應已花蜉蝣還自

笑與龜商年華

其二十六

成都馬卿宅四壁空無鄰風雨繞琴牀賦成屯煙雪
鳳思速鳳作客奔文君酒肆為滌器綠鬢香不任顧影
憂朱絃桃花亂紛紛漢武何足數憐才惟美人我日醉
騷雅作賦能倚馬知音復何人孤琴餘一我勸酒入臨
印誰能當壚者

其二十七

有女顏如花慈明之愛淑金翹墻陰喻比肩艷雙玉燕
羽忽差池美秀悲無祿父也不諒只投綬抑何毒奪節
古有之特為賢者思荀龍亦復爾猶不啖其肉夜深壁

聖雨齋詩集卷一

士

望雲仙館

上影至今向風哭

其二十八

中散伉壯士龍性誰能纂玉山醉來頽鳳質醒時懶人
生幾兩屐鍛竈自冷煖幽夜泣精靈一曲廣陵散酸風
吹囚衣東市日影澹雄虺忌神虬謠詠一何慘恥與魅
爭光夷然亦理遣白刃斬春風生死同一善長嘯歸去
來琴聲自為餞

古意

燕燕來幾時翦觸珠簾長營巢玉為骨銜土梅花香黃

口啼不已其母相與語草穢不可食蟲腥奈何許兒兒
姑忍饑采蘭來哺汝

贈陸仲昭

東海一杯水水盡泥終出泰山石一拳石崩陵已易問
問君子心終古以爲則爲則當奈何明月懸秋羅晴虹
棲玉樹爽籟吹金波金波煥高壑天淨青如削哲匠揮
柔翰精靈恣搏攫俯世何咄咄熠燿俱螢爝燿火不自
安借光君子前切磋以琢磨莊色攻吾愆豈無蘭湯沐
清風濯肺肝豈無青精飯嘉言當朝飡飡德惟君子婉

聖兩齋詩集卷一

三

望雲仙館

變竟何似指途期歲寒雞鳴晦不已陶陶以永夕思慕
擷芣苢芣苢馨且殊志士期令圖君子亦有慧小人亦
有愚欲以徑寸珠紉君衣裳繡此物何足貴願以表區
區

福田寺禮石佛

野馬踏空外鶴翎翦古雲泣露泣蕉葉孤光鎖梅根靈
錫卓瘦草燈冷青沈沈僧袍淨如濯蒲團倚松陰簷絲
補天衣妙香澹眉痕綠螺攝星海大地樞靈叢萬有一
銅炭劫火燒蒼旻奔電莽不及鷓血吹遊燐生滅超有

漏嗟予墮迷津皈依截肌髓元感庶有存跪承白雪唾
化作玉稻芬法苑珠林文宣王於西第法堂禮
佛至心祈禱佛唾其手變爲玉稻點頭而
頊質靈光或慈民懺悔自茲始掌上曇花新

宿壽聖塔院

僧語了不聞清曠空花臺樹高河欲沒鐘靜月初來秋
星挂殿角塔影連蒼苔松巢雙鶴寂壑嘯一猿哀妙香
澹欲沈心境真悠哉

七言古詩

染絲上春機

聖兩齋詩集卷一

四

望雲仙館

提甕曉汲白月痕一網蛾雪沈冰鱗冰鱗冷壓蛾雪綠
千滴屋花香簇簇絲絲練縷機上抽銀驅金鑷綜縷柔
細貼花紋譜時樣金絲繡翦鴛鴦掌遲日描紅鴉背午
隔窗唧唧龍梭響

補怨碑詩

祖龍穿墓機閉生人千數地下磨石作怨碑漢
兵掘得之而史不傳其文不啻一黃鳥之感也

作補怨碑詩

驪山眠客不知曉閉卻千生人伴此黃壚宵猶餘鮑魚

氣腥涎爛人腦一作世人別夜臺何杳杳想得頭上泥
春來幾生草饑來噉土渴無水漿骨冷到心奈此夜長
有冤莫訴恨血成黃君王一夢萬古沈小人之腹分痛
不可任敢將碑上淚一灑君王心

迎郎鼓

繡旗撲地聲瑟瑟歡絲哀肉笑遠空紅花秀僕拖金蟲
欲行不行怨玉驄買喜榆錢吹滿路遊絲作綫牽紅步
香蹄半擁巫山雲彩橋呵鵲催星度煖草光風薰障紗
暈眸脈脈登仙槎滿堂憐惜恣喧譁圓釘畫鼓驚鷺脚

聖雨齋詩集卷一

五

望雲仙館

今宵打徹鴛鴦約

項王哭

昔有秀才落第經項王廟登牀大哭王亦淚落
淒然同病之喟作項王哭

重瞳之子鞭騅立劔劃長天分兩壁崢嶸玉斗真龍起
大王意氣陰陵盡赤手撼天天爲黑小兒生挫排山力
千年恨血碧成石秋菊春蘭招不得落第秀才真腐豎
直將一第等天子自言搖筆驚赤帝自言飛藻吞羣鼠
有才無命古來爾英雄心事真寒齒銀蝸滿壁苦語澀

陰陵恨血重吹起秀才亦哭王亦哭淚滴袍花聲簌簌
愁雲迷濛黯欲沈漆炬酸風剪古魂持將一點楚王淚
彈向書帷弔苦吟

春夜曲

團團晴玉西樓度殘絲千縷穿紅露鵲鳴衣葉溼無聲
黃峰迷草花鈴暮長河窈窕珠簾靜空庭閒煞鞦韆影
細細風吹楊柳香娟娟月灑茶蘼冷模糊燭寫屏風翠
綃帳喜微愁不寐濃笑遙分隔院來碁聲驚起烏鴉睡

步罡引

聖雨齋詩集卷一

六

望雲仙館

泠泠玉磬呼星辰金經彈出天上聞罡風颼颼四宇靜
空中片片蓬萊雲花竿幡子金鈴溼三十六天悄青碧
刻絲活刺小三茅緜北胎仙騎一隻酒澆四空煙瀾瀾
簫管瑟瑟作鳳語梅花慘案紙錢碎寶鴨鑪寒香不起
三茅弟子真神仙九色獅履青霓冠綠章仰劾移南山
天門玉狗不敢闕神驥青鸞紛陸續半天丁甲森祇肅
私將元化漏人間龍泥割壘精靈哭

南山行

南山老檜蹲煙泣空負離奇誰匠石山雞片羽題作鸞

鳳凰相顧無顏色東家翠髮勝紈袴半行跳出徐州路
戟髯劍鼻氣擎雲不信年年作秋蠹相知勸曳侯門裾
笑而不答還自歎胸蟠玉斗露兩肘彈鋏何處歌無魚
海風吹鬢雙鴻叫遠望高雲一長嘯兩腋陰陰白日低
投竿笑殺淮陰釣男兒心骨古所敦歷落昂藏亦自尊
拚將七尺葬秋壑受人憐者非王孫

美人梳頭歌

層窗送曉靈瓏白竹影梢梢描琥珀水晶帳煖春夢醒
枕痕印破臙脂碧昨夜燈前搗鳳仙偷看玉甲桃花燃
巫雲翠滑捉不得絲絲吹入青銅元空光秀滴香膩澀
茶蘼露潑鴉翎溼一雙鳳凰活欲舞飛上綠鬢金的的
丁香作扣杏子單長蛾螺寫芙蓉灣笑插山茶愁不語
背人自整鴛鴦絃

行野

秋藜蛇蛇紅遶地寒蓬織膜青如刺陸陌縱橫昏古煙
白踏低空迷徑次鴛鴦樹聲咄咄老鶯擾擾飛無力
鰲角鈎衣松露瀉石蛩弔月啼聲澀陰狐覓顛作人語
一綫火光揚樹裏半明不滅風吹去

聖雨齋詩集卷一

七

望雲仙館

慈竹庵聽尼僧彈孔雀

靈鐘元鏡動曉紗紅燈香鼓光交加蒲團泥首颺金沙
伽黎一朵紅芙花芙花洗盡鉛華紫兩點秋眉淨於水
苗條纖玉金鈴重散花人作獅絃弄紫篁翠柏竺國煙
綠雲寶篆金鳧圓戒絲五色蠟影瘦木魚聲淺鸚哥憐
來將兜率辭天女結伴龍宮攜阿姊瓶裏醜醜几上灰
佛母親臨佛歡喜繡幢貼月清露滋曇花作雨飛寒颺
青螺白毫照忍獅頰長指軟作印遲玉喉溶溶落古珠

龍宮花燭詞

聖雨齋詩集卷一

六

望雲仙館

予友胡道含精支干術嘗夢東海龍王以渴葬
老龍故眇其目邀胡擇期遷葬後三年復夢二
青衣挾之行如前境龍君跪而謝曰嘻先生之
術驗矣予目全然瘳矣今者鯁三年而約婚於
海西公之少姬當更有以教我也醒而不成夢
者再王目二青衣曰於家乎取之比寤爲擇吉
挾之後胡數數獲靈佑屢向予言胡故篤信士
不予罔而龍女受婚歡彌香海真一段剪燈新
話也爲作龍府花燭詞屬好事者嗣和焉

龍堂小姬虹影長颯風不動羅裙香一顆明珠大於斗
薄言擷之光琅蒼鷺鴛牒下姻緣簿珊瑚蠶苗吹日午
啼螭掣為曳綫紅殷其雷作迎郎鼓誰咏伐柯河鼓星
玉笙吹春雙佩鳴摘將明月為妝鏡畫眉滿額青冥冥
南山列屏孔雀睡山上宜男草如葶龍府生雛不記齡
索索結子蟠桃翠洞庭寶髻高拂槎鸞步行煙七香車
為雲為雨夢初煖飽浴紅泉飯五花

哀陸表甥仲輿

蝸睫輯屋居蝸窄那可宅穿鍼電光中電促穿不得搏

聖兩齋詩集卷一

九

望雲仙館

將影作世人形回首春風徒一擲薤歌唱斷無聲處茫
茫細雨行人語可憐十斛羽陵字一旦馱將北却去

和楊鐵崖先生花遊曲 用原韻一句一韻

至正戊子三月十日楊鐵崖先生偕玉山諸才
人攜妓遊石湖雨鬢登山妓折碧桃花下山為
賦花遊曲時和者十餘人予愛而追和之寄欣
賞焉

嫩紋漾碧春濛濛美人吹簫一葉風風片雨絲香霧裏
香老怨春春在水水晶宮裏晝掩門金釵扣門五花帶

東風剗襖凌波步黃鸝夢遶巫山暮春光招客招不來
便欲笑倒花前杯高酬花神雙玉椀莫教花打鞦韆板
對花太息日剛西翦取生花壁上題誰扶頽玉憑花使
央及靈妃字田四便裁西蜀浣花箋乘醉寫續花遊篇

聽黃公石彈琴

鎮石流雲香滿堂一絲啼出一鳳凰歸昌啞啞聲未歇
梧桐滴雨湘流揭南園日午蜻蜒醉玉沙烘夢鴛鴦睡
柳髮嫵空題晚照雪打琅玕夜半嘯崩濤裂柱海國穿
西竺夜撥獅子絃南岡鳳死青鸞寡飢雛呼母聲乾啞
寂寞低同古路迷病猿聽雨無腸啼洞黎寶香香七尺
絲將玉夏崑山碧誰其彈此黃公石泠泠千古精靈惜
白羊玉鵲翩翾擲 琴經晉師曠事

金陵別酒母

劍光落背青如雪閒踏秦淮訪古月六朝舊事入寒流
牽引愁心無斷絕黃花插髻壚頭情澆我玉釭千酸醜
霜螯大嚼不離口高勸金卮與鼻平狂歌大叫驚白日
一醉三月浮雲輕 人攜我東南征相將跨海尋蓬瀛
何以酬之酒母笑明朝特遣雙龍迎 列仙傳呼子先報酒母事

聖兩齋詩集卷一

三

望雲仙館

琵琶詞和仲昭

桃花烘雨煙如醉東風吹醒流鶯睡歌唇淺破杏子紅
酒痕溼透羅衣翠一春心事正茫然邀得珠娘更可憐
春山脈脈向儂綠惱殺風前第幾絃

種竹

秋風玉露清不任松花古香吹滿岑瓊玕羅羅挺而立
萋蒲故應拜此君出廣博物志曉麓沙頭聲簌簌一蓑馱得
瀟湘綠鬪卻瓊瓏一片石種出空除百翠玉蛇跗罥煙
溼不消蜘蛛凍粉絲如縑長簷細夏青鸞佩簾影碎拂

聖雨齋詩集卷一

三

望雲仙館

鸚哥毛主人種此良有以醉與同夢醒與語蛇子蛇孫
任意長他年莫作龍飛去

賦得幾回天上葬神仙

海塵一千番劫風浩瀾瀾月杵將成鍼桂枝老欲死青
鸞背上騎不穩六銖衣爛長蛾損玉粒金丹等腐蠶鳳
窠寶鬢同秋蚓雲為柳電為被星為哈雨為精石麟為
弔容烏兔作孝子秋風天上輓歌聲吹落人間不可聽
何不學仙家纍纍神仙之家紛崢嶸迺知長生亦何有
不直當時一盃酒君不見東王公西王母耳鬢髮薄不

堪梳天上費煞劉伶鋤

踏浪歌

足踏長風破萬里依舊低眉住斗裏蘆花入鬢吹不去
金印妒人古來爾做褐作貂狗作駒腰間短劍長自呼
東方千騎者誰子眼中出火空燒鬚

劍浦吟送吉甫林先生歸閩

龍阿腐土精靈疑帝憫其冤遣出之長虹射斗斗光紫
耀煜千尺芙蓉脂繇來此物稱神異得人則靈否則忌
雷君瑣屑不足稱司空博物同兒戲翻然飛入延平池

聖雨齋詩集卷一

三

望雲仙館

神物變幻有如此新亭淚滿海水飛詎是雌雄穩睡時
昔埋獄兮今埋浦浦耶獄耶奚所殊鱗甲沈來消欲腐
秋風回首猶吟舞識得英靈不死心今日為龍心更苦
先生長嘯返八閩一往雄心未可馴寄將一合華陰土
為予蹲浦招龍魂

霜天曉

欲曙未曙四空寒一點雨點明星殘酸風射耳月無色
樹凍鴉僵啼不得鴛鴦瓦上銀稜鋪鵲臺畔瓊珂集
鸞沙碣岸紛皚皚渾似梅花犯雪開朝霞欲起尙未起

斷續鐘聲渡溪水誰家此時殘夢裏半牀冰結芙蓉被
更有勞人夢不成歎聲壓雲心欲死雪葬琵琶塞草青
雲沈騷骨江楓紫可憐征士鎮長征敕勒雲黃秋滿城
鐵甲穿將裂銅焦咽不鳴客裏還鄉夢孤筋夜半聲復
有行人衣短葛蕭蕭兩鬢風颼颼五夜寒雞野店催一
鞭殘角危橋滑遊無陸買裝歌有荆卿筑鐵漢樓邊瘴
未收夫人城上霜如菽不道長安銀箭催鳴珂列炬蚤
朝來滿堦蹴踏蘆花碎宮殿熹微尚未開自笑狂夫狂
三十猶偃蹇誰識秦庭十五城徒誇江右三千卷貂敝

聖雨齋詩集卷一

三

望雲仙館

洛陽塵吳鹽簇如翦吁咄哉鵝廚兩炊筒蟻柯雙蝶翼
瑤琴白雪堆磁枕青畦國未隨葛屨踏寒林且擁孤衾
呵臂澀自啗有筆花不靈會逐秦姬醉玉笋尋常一樣
霜如雪但是紅樓凍不成

看美人踢球

潤徐海隅作

兵法傳來蹋鞠新旋舞何妨習絳裙筵前妙選美人陣
花下還陳娘子軍一隊香肩停復楚不許場中雜笑語
七寶圓毬空裏飛游龍天矯驚鴻翥儻惘宛轉睫不停
腕迎膝送如奔星月從巫峽雲中下瓜向蓮花步裏生

緜繩繫日落不落瘦燕蹴雲輕復輕弄珠閃儻逢神女
飛鏡流光恣容與寶環搖曳亂翠鬢紉袖昂低雜紅雨
綵綵低眉墮馬心成削躡身折腰舞觀者如堵絕不羈
含嬌含態相指搖七劔躍空學蘭季十九不墜輕宜倂
術逾白猿術還巧捷勝紅綃捷更嬌雀帶鵲衫風嫵嫵
莫是唐蘇小小幾度回頭不應人還流曼睩將人嬲
須臾輕汗欲溼衣口脂風送香微微柳絲一把無氣力
憐殺欹斜雙鳳題

聖雨齋詩集卷一

三

望雲仙館

構李周拱辰孟侯著 同郡孫福清稼亭校刊

五言律詩

庭陰

庭陰陰未已晝長長若旬雙鳥寂無語一花飛送春對
酒不成醉聽歌番欲觀百年真草草含意與誰論

坐棲雲上人禪房

暫得遺塵鞅尋幽坐貝房木魚堆竹影松鼠落簾牀
醉山無酒分齋飯儘香前身疑眷侶長此狎經王

聖雨齋詩集卷二

一

望雲仙館

田家

漠漠野煙白村流抱郭圓樹連雞屋靜竹壓燕巢偏
婦攻鍼績江童理釣絃平橋新溜漲撐出賣花船

其二

矮屋杏泥補空庭日影和花烘貓鼻煖草拂犬鈴吡
麥通鄰餉分繡織雨蓑辛勤蠶事畢有吏促官羅

其三

綰髻學吳女紅花向鬢開借機攜軸去汲井抱甕來
洗葛揉梅葉漚絲治蛤灰老姑催瓦祭趁月壓新醅

其四

不羨勞人肉一蔬聊自厭治瓜紅杏蜜燒豆紫蘇鹽魚
骨占風雨鷄羹試苦甜瓦盆吾願足時復喜丁添

其五

村屋連江靜窗懸一柳扶菱竿新燕睡梅雨竹雞呼
石復何意澆花聊自娛南鄰邀酒伴費煞笏樓厨

其六

笑語破長日庭前兒女緣兒童頑作虎阿女巧為蟬
餒桑椹飯未貧榆莢錢鵲啼欲倦鄰叟只高眠

聖雨齋詩集卷二

二

望雲仙館

遇苗鍊師隨有楚遊之約

師蜀人善諸幻術

笑拂蛾眉雪來遵東海湄藥爐封聖火玉杵搗人芝
鶴和雲中笛魚牽杯裏絲他年何處訪鯨吸洞庭危

過唐靈水園

涉埭詎須遠會心良在茲魚遊窺滌硯鶴立解聽碁
看竹能留客無言是我師黃花鎮陪坐雲影匝庭除

項伯常大行見訪值雨

琴轡何時發停驂到草萊星知使者出雨笑聖人來
偃息非予志賢勞見爾才仙須諮度竟花暝掖垣開

送薛參戎歸秦

淪落有如此壯心終未酬青萍思報國金印妬封侯芳
草閒猿臂戎花笑虎頭世情多醉尉莫向灞陵遊

秋泛

秋水不時至放篙閑短莎笛吹烏柏月槽折鷺鷥波寒
艇逢漁少斜陽引恨多一樽幽興洽擊箸起清歌

題田父壁

雞豚隨意散綠霽四鄰凝製笠收新穰扶椽倚老藤鶯
聲分牧笛紡火接漁燈月色懸繩榻更寒數寢興

聖雨齋詩集卷二

三

望雲仙館

其二

何知車馬跡生計只耕耘作息黃鸝月陰晴老鯉雲村
酷攜屨換社肉借刀分灌園剛欲罷絲雨餞斜暉

其三

學圃仍秋晚閒來息薙鋤菜殘不似甲瓜老欲為魚羊
角懸婚酒牛衣晒道書幽懷吾自貴碌碌笑簪裾

錢江懷古

海汐增江勢涵虛萬壑青越雲龍畫出杭月虎啼醒輦
路山花笑諸陵草木腥斜陽猶有恨如弔小朝廷

其二

形勢東南勝山川自昔時潮吞羅刹國霞卷越王旗水
怪啼神弩江豚吹絹碑餘杭饒美酒鼓笛祭龍祠

與沈武韓夜話

我有一種情偏從感慨生若貯千萬縷遇爾每不平坐
久霜倒下談深月避明頃聞一奇事趙壁享連城

新婚詩貽吳閨生

寶夢流蘇曉盈盈不自扶掠眉催畫筆信手作花圖紅
唾明雙袖金釵顛九雛香肩貪並倚忘卻繡工夫

聖雨齋詩集卷二

四

望雲仙館

其二

瘦玉臨香檻輕羅倚繡叢珠簾窺皓腕綠鬢語春風露
浥文君井雲銜蕭史宮流年花裏駐銀甲譜枯桐

看孫將軍洗馬

雲翦五花驄敲蹄聲作銅清泉寒俗齒錦袖健梳鬢會
食遼城草還呼榆塞風孫陽承剪拂駿骨倍生雄

題白霞巖禪院

一筇過野寺涼月滿空山路靜不覺遠溪流第幾灣雲
陪老僧坐鶴聽晚鐘還欲借蓮花榻新來學閉關

過戒先上人蘭若

我來日停午檀屑尚霏微立竹分僧影遊絲補佛衣評
詩雲益傲施法鳥忘歸頭責子銜髮何年共息機

朱竹和鄧明府

幹似淇園種根疑丹穴通化龍鱗帶火爲馬汗全紅勁
節凌頰玉虛心友赤松煌煌彤管在太史籍膚功

秋閨

金魚鎖桂枝零露溼秋輝玉笛垂三弄靈梭倦七絲雲
沈巫峽夢病害絳仙眉兔杵能舂藥新愁若个知

聖雨齋詩集卷二

五

望雲仙館

其二

寒光黯不收孤月晚修修羽調憐阿鵲香心滿素簪砧
連秋竹響翦共燭花愁那更無情雁流聲落小樓

其三

高柳尙扶疎眉稜柳不如紅絲地醉纈弓繡怯銅除簫
怨鴛鴦月星沈鳳子車郎書何處覓剖盡武昌魚

贈山人程公鳥

才大難爲用情奇不可刪杯澆千古月屐識五名山鼓
史漁陽調妖姬鳳子環苦吟真慘澹風雨未應聞

訪方鍊師不遇

爲訪方平宅松深不見人摘桃知暫去玉杵小支門羊
懶眠成石碁空劫化塵洞天三十六遊莫隔星津

春日江行二首

畫舸絕江干觀濤興渺漫歲華窮水國心事逐漁竿帆
影雲中細潮聲醉裏寒中流思擊楫悲嘯望長安

其二

溯洄渺不極蓬影隔花催草短牛羊出人孤風雨來濯
纓聞昔詠破浪或吾才白眼高呼酒雄心未可裁

聖雨齋詩集卷二

六

望雲仙館

慧雲寺弔元著法師

雙塔梧桐里三生法施年辨才圓鏡智香飯救饑禪短
草留僧髮殘花剩講筵雲光原不死結願導諸天

客潯上

經年客上潯孤館閉斜曛黃葉猶在樹雁聲那可聞高
眠宜晝雨癡夢損秋雲不負生花筆題詩寄細君

秋望

羣動紛搖落高原望不窮草含秋水白葉繪晚霜紅人
影長林細機聲四壁工歲寒煙火僅或有未吹筒

題宋山人草廬

是亦山居處閒來選興寬
漁絲牽月淺樵斧劈雲寒
落日澹籬巷西風上竹冠
無言成獨嘯聊作廣陵彈

同沈素如錢君選沈武韓過張氏園亭

攜伴踏紅煙園亭頗郭邊
白雲充驛使新竹上人肩
三婦鶻花艷園有杜鶻花三本如一甌橄欖也茶名風前
羣動洽幽興夕陽懸

其二

曲檻紅餘照垂楊綠滿池
藥欄香自澹魚樂我能知
芳

聖兩齋詩集卷二

七

望雲仙館

草留人迹春風浣客思
流鶯啼不了飛上碧梧枝

其三

泉聲侵靜語草色亂汀沙
鶴不讓人立碁先向客誇
好風如愛我醉影秀無加
疑入秦官徑迷花別有家

效孟郊體

生事日以澀典琴空復回
犬饑不憎主雞餒寄鄰
餵呈身燈後影煮字切餘
灰兕殺庭前桂秋來偏不
開

寓閩杭川卽事

時二月廿八日寒食

閩浙三千里風光一倍差
蕉能先柳葉梅反讓桃花
豔

熠催槐火蠟鳴趁採茶
更訝寒食日薦容有黃瓜

客汀遇紅夷人談其國土風漫有此述

碧眼南蠻種紅夷小國風
酸醃雜鵝乳靈藥訪龍宮
侑客評金甲生兒瘞鐵弓
卽今學譯語字字與華同

其二

物候中華似初無稻與茶
麥長剛半寸桃大約如瓜
竹鼠能驅狗蠻禽或變鯊
南風來半月不用指南車

其三

衣裳雲葉拖翦髮剝迴羅
鬼女擡官轎神鞭選武科
柳

聖兩齋詩集卷二

八

望雲仙館

羹同瓊食花布學鮫梭
兼之婚禮異鼓吹祭天魔

粵南仲秋展宋丞相陸秀夫祠

承相祠堂古空山啼鴉秋
蝠涎迷榜字榕髮裏泥樓
紅日扶桑落忠魂海國愁
潮聲匝日夜猶似抱龍遊

宿非岸上人精藍

曲徑小藏幽相看成晚留
磬聲依竹住月性與僧謀
語妙時忘答人涼見正秋
坐來蓮漏午香穗不知收

五言排律

續會真詩三十韻

唐元稹作會真詩猶之陳思之賦洛神意別有
指也予此嗣和春日多暇懶讀閒情聊以小綴
幽致俯暢吟懷必謂臨邛客後更多蜀國之絃
高唐賦外復饒巫山之雨則亦幾乎贅已自笑
情癡毋辭噴飯

青漢碧濛濛鴉啼金井桐月明指佩消雲暗控簫嵩髮
帳鵝錢押金爐鵲尾蒙晚妝勞選鏡春思引芳衷黯澹
情多恨溫柔態儘豐花花芳臉似柳柳細腰同紉繡方
鸞領裁裙學鹿茵黛懸青可摘波轉碧何窮機石靈梭

聖雨齋詩集卷二

九

望雲仙館

倦銀灣津後通絃心挑舞鳳約字審來鴻羅襪寒知露
鵲衫嫵逐風更深鸚寢熟燈暗鵲橋朦瑤室臨仙子姑
星嫁玉童微容愁欲滴燃帶媚偏工霜杵何年搗瓊漿
此日逢屏圍錦蛺蝶綃襯紫瓊素藕裁珊枕紅蓮覆
綺叢欒橫搖翡翠簪墜落青蟲密意尋常外風流宛轉
中靈犀元露沁醉眼碧桃烘粉瘦渾疑削朱輕旋欲灑
汗蘇光泥泥蘭氣馥溶溶寶夢梨花破銀牀蓮漏終排
徊雙玉映羞澀一鴛紅舊恨填靈鵲新愁促曉驄淚花
珠作贈皎誓玉爲簪楚鬢歸南浦絃筮自北嵩簾餘神

女雨水剩美人虹絕色難摹想香風尙鬱蔥珮聲何處
在愁煞畫堂空福按篇中兩押
嵩字恐有訛誤

續變童詩

古有變童詩詮情未暢戲爲續此當李賀秦宮
之什

分明楊柳絮捏作一妖童綺髮方蕭史風流軼子充袂
裁垂手翠袴翦合歡紅割袖邀深愛分桃莫惱公香奇
疑是竊憨穉總成聰髻幻吳宮女腰逾楚國城引歌秋
露滴吐氣石蘭融密意遺梳子幽歡拾鹿茵彩毬銅肖

聖雨齋詩集卷二

十

望雲仙館

弄雙陸屋窗攻舉袂扶雕輦盤躡怯寶驄乘酣春選夢
餘興夜吹銅行雨非巫峽牽雲笑啼螿前魚未應泣憐
惜賸秦宮

讀書繡溪里二十韻

圓日落四野秋光黯不收樟天和菊老柑雨雜萍瀏村
遠酒旗出渚空漁網稠雁行雲字澹啄木谷聲幽光穉
一畦老丹楓兩岸脩柳梳殘髮冷草縮恨珠留牧豎山
花曉樵歌蘆荻秋空簷落野馬塹壁上蝸牛沼影蝦鬚
淨松聲雪乳浮小星紅犬吠殘粥碧麗偷刻竹侵湘血

澆蘭憶楚愁唵箋呼鏡鵲文思破煙鶯鐵畫摹秦篆
燈掣鄴籌蠹花乾雪舞墨稼溼雲流囊澀琴來有壺空
劔作饒袁淑詩欲活司馬渴難瘳紙帳餘岑寂書城費
校讎拾螢星滿袖梯月鏡懸樓鶴字銜幽榻雞談寵傲
裘名場時夏釜學海屢焚舟獻璧愁逢別為箕苦未剛
董帷蘭燭燼隱几夢封侯

七言律詩

浮家妓

春風不住秦淮渡妝閣還隨不繫園鸚鵡杯遲歌昔昔

聖雨齋詩集卷二

十一

望雲仙館

鷺鷥窺鏡字鵝鵝羅衣紅濺鮫人淚寶鬢青分龍女鈿
調罷銀箏絲雨暮蓼花選夢自年年

送錢抱冲先生備兵粵西

萬里籌邊借多冠蕭蕭征旆指雷關山迎龍劍繖花笑
月擁雕弓瘴霧染黃石兵書新佩肘馬援軍政舊登壇
遙瞻銅柱能知我攬轡剛逢荔子丹

其二

談兵慷慨舊終童彩筆驚蠻賦小戎細柳戟寒蹲繡虎
伏波營暗駭花驄馬人跂舞枕椰月狷戛歡歌竹筍風

漫道書生能草檄自憐多病未能從時錢聘余記室以病謝故云

撥悶

小窗獨坐常支頤有飯不飽每苦饑風飄白日隨草盡
賦凌金石何人知長髭短髮懶逢世擊壺把劔時吟詩
十年養鶴瘦於鷺欲上揚州還自唾

其二

宇宙大矣惟所如出門便得將焉之看人不耐眼青白
乘世偏有材雄雌白玉受唾真可惜青山行暮能幾時
予衷默默無處訴為語龍阿汝所知

聖雨齋詩集卷二

十二

望雲仙館

其三

風吹萬木方調刁愁心一倍增無聊鬢過三十渾欲短
事不一成良可嘲讀騷痛飲亦無賴閉戶著書終鬱陶
安得把鋏隨李廣立馬秋風看射鵰

登青戍壽聖塔眺望

翠堵波高四望收煙雲蹴踏風颼颼髻珠影照鹽官日
菱井寒收罨畫秋楓樹渾依龍舌老稻孫尙為雁田留
塔南北兩溪號龍舌渚塔畔多僧田蒼茫下界晚鐘出倚徒層欄起暮愁

其二

鈴網罕恩照五津相傳竺國莫珠身出邑志修龍接尾聯

兄弟老鸛盤雲長子孫烏青雙塔並峙五夜鈴聲吹凍月千林

花雨拂烏巾妙香一片雲一片知是錫飛來應真

白燕同陸仲昭作得紅字

照影還同水似空飛來掌上鬪殷紅春思不到烏衣國

曉夢渾迷珠樹宮杏雨泥香開北戶嬌樓人去怨西風

博物志燕千年而白作巢則開北戶投懷當日曾驚玉卻笑零陵舞未工

其二 得非字

只道烏綃覓主歸簾前狎視影全非宜春畫淺霜鋪額

聖兩齋詩集卷二

三

望雲仙館

社日寒輕絮點衣翻踏織羅銀翦下巧窺明鏡玉釵飛

仙姿合住仙人籠不向雕梁怨落暉列仙傳仙娥餉玉燕于孫筐

水中雁字和唐雪鴻

漫道臨池墨譜繁中書遙拜鳥稱官湘紋碧濺銀鈎溼

吳練鴉塗粉本寒編就垂珠雲際落染來色絹浪中看

還驚草聖波瀾妙可許前賢渴筆瞞

其二

那必桑經熟典墳漫禮彤管向江濱擬將一畫窺羲帝

榻得雙鈎笑右軍蠻國波恬傳露布鮫宮機冷織迴文

可知羊影風流在錯認漁蓑作練裙

其三

紅雲碧浪兩悠悠長嘯題詩付白鷗秦史稽應同泡滅

帝鴻硯不共萍流離騷賦就瀟湘晚墮淚碑沈汝漢秋

煙雨糊塗魚魯雜西風兩岸荻花愁

其四

不向成都賦子虛漫揮龍筆寫龍墟海童捧去驚蠻檄

漁父傳來招隱書釵腳瘦雕新月乍墨豬肥搗漲煙初

靈文自是驅妖怪鏡裏平懸五岳圖

聖兩齋詩集卷二

四

望雲仙館

其五

遙空漠漠振霜翎一幅霞箋水作屏水鏡淺臨三翮篆

彩臺高浴半天星蘆花浸老龜疇黑蕙髮消磨鳳爪青

我欲問奇何處是祇疑波底有元亭

其六

淋漓彩筆未曾乾月裏題封月裏看燕語不通央鷺譯

鴻書懶達倩魚安墨花濺淚知新恨菱鏡窺詩惜舊歡

彈罷朱絲悄無語畫中崩浪不勝寒

其七

慘澹工楷費幾齡年來鵝筆任流萍懶同張使窮河脈
僻笑腳生箋水經空裏書愁看不見鏡中描恨有誰聽
那堪回首蒼江上寂寞芙蓉有四星

其八

蘭亭寬得可能真對鏡雙臨工入神紅掌召波鵝換寶
朱花照水鯉梭春五車漫擲北海若九歌書與湘夫人
更喜傳來霜足信浮沉未並石城淪

其九

落託風流誇上頭雪衫載筆五湖遊裁書不候桃花水

聖兩齋詩集卷二

五

望雲仙館

懷刺空投鸚鵡洲波裏濺珠驚展翼江心捫絹笑楊修
谷家柔翰稱奇特攜向滄浪傲五侯

其十

不須草裏看蛇鬪乍可江中翫鶴銘已是大娘傳秘訣
番教龍女護精靈碧紗籠罩雨疎密紅錦賤沈月醉醒
狼藉寒流何用拾臨川名筆任飄零

登青成寶閣

同非岸上人作

寶閣梁昭明讀書院也南北兩溪名龍舌渚宋
義熙中晉水法師於閣下講演華嚴天雨寶花

飛至高麗國每花瓣刺晉水二字其國王遣僧
統義天齋紫金鉢金繡伽裝訪焉

境枕芙洲分外清登臨春午迴新晴兩溪帆影分龍舌
雙塔鈴風雜鶴聲高麗國花飛晉水華嚴閣月弔昭明
自憐不及文殊草化作青獅一隊行

秋日過振琳上人行寮留贈

洲邊翦竹竹寮成竹寮寮內事事清拈花頌花花欲笑
傳燈燒燈燈迸明於菟聽經睡被打獼猴洗鉢勤可旌
素珠掉卻倚窗坐一陣陣秋何處聲

聖兩齋詩集卷二

六

望雲仙館

白雀寺代姬人送別

一片離心逗落暉梵王宮裏惜睽違思將孟柳繫征騎
欲借尼珠繫別衣鸚鵡盃空雲黯澹梨花簫冷雨霏微
應知白雀慈悲我為化啼鵲相喚歸

無題

楚楚停停劇可憐風吹香影字非煙前身合是薔薇種
今世應誇縹緲仙菱鏡鵲孤沈翠黛寶釵鴉瘦冷金鈿
湘絃撥盡無從覓祇向空牀圖夢圓

其二

飛來枕畔兩鴛鴦化作蟾蜍影半牀玉笛吹殘人去遠
錦綃溼透夢初長湘筠出土渾成淚蜀魄啼枝黯自傷
燕子不知愁正劇浪邀殘雨過高唐

其三

碧城十二接星橋王母青鸞信轉遙雨勒殘花惟有奈
霜催紅葉只空蕉蘭舟載月憑洞泐金屋煎香自寂寥
欲向靈梭訪消息銀河浪淺不通潮

慈竹庵看度小尼

卻卻金釵短袖垂貧婆受記便披緇雙蛾猶印文殊淺

聖雨齋詩集卷二

七

望雲仙館

兩頰還餘帝女癡清異錄西蜀有淨尼善修眉時號淺色文殊試叩法僧鴛

繡出欲參生滅鏡花知從今不看鍼樓月只伴鸚哥禮

大慈

姑蘇懷古

睥睨迢嶢古徑欲香風猶自遠河涓魚腸月冷要離冢
鳳字花寒西子碑越國龍逃空石室胥門潮湧泣鴟夷
城頭草發年年恨惟有當時麋鹿知

五人夫松

和聖卿須日華老師用原韻

是題須日華老師倡於燕邸子友唐祁遠錄詩

見示且云五大夫秦第九爵也俗以爲五松殊
憤憤子讀賈子西伯鬼入夢求瘞使人發土得
枯骨焉西伯曰此無主也葬之五大夫又呂氏
春秋竟僖諫荆王荆王稱善爵之五大夫又國
策信陵君攻管城不下使人召縮高將以爲五
大夫可知九爵不始於秦因索利章漫及之於
詩無與也

空山寂寂一潛夫長鬢蒼顏羨德符自以怕鞭遲化石
何期班爵及吾徒精成兔子根能老葉帶龍泥恩未枯

聖雨齋詩集卷二

六

望雲仙館

借問巢來緱氏鶴於今重見玉乘無

其二

昔聞荆后爵貞夫又見秦松錫寵符遮莫豐功蒙上賞
長留勁節傲吾徒璽書蟲篆漫深淺柯蔭春秋自苑枯
泝水尙餘銜壁淚孫枝曾解報恩無

卽事

司農日日計邊儲搜粟空勞使者車漢吏埋輪同畫虎
堯年寶糴問江魚川原盜警孤城急甕井炊寒落日餘
莫以杞憂歸食肉風塵辛苦到樵漁

同顧珍甫宋玉鉉錢翼之陸仲輿挾美人夜泛

簫滑煙寒畫舸遲蒹蘆兩岸影參差碧流青入稽生眼

新月斜懸西子眉鷗鳥夢回霜遂悄鷓鴣杯湧玉山知

秋聲若爲扶清醉漫倚紅肩一詠詩

春日漫興

遲日吹簾澹不勝蔚藍天色綠層層蕉書學古拙何已

柳髮如子梳不會燕子斜陽雙選夢杏花微雨獨尋僧

忙中行樂閒中醉此事新來與頗能

其二

聖雨齋詩集卷二

九

望雲仙館

上階芳草綠未了倚檻遊絲春正中簾影澹邀錫市月

簫聲香度玉樓風王生盤馬才能逸卓女當壚態儘工

十里長堤千樹柳醉鞭搖散落花紅

其三

桃花燕子兩溫存欲訴心期復又吞芳草久埋鸚鵡賦

漁舟空弔武陵村珠簾燈泣孤樽墜繡幕星凄小閣昏

露冷箏寒春易晚只愁多病害王孫

春暮送友人北遊

無端揮手別鴛湖春老鶯繁客興孤去路接天渾是水

愁雲滿地不堪扶落花飛處帆開否殘月明時有夢無
莫以燕姬能壓酒西陵芳草日提壺

哭陸二仲昭

時陸以非罪斃獄

楔狗嗥嗥踞九門嚴霜六月不堪論鄒陽書上君王怒

安國灰寒獄吏尊血染蜀禽惟有怨酒澆秦坂不消冤

雞壇騷雅春無主欲讀招魂聲復吞

其二

簌簌酸風吹做襟死生交態此時心彈琴呼汝魂何處

挂劍無枝哀獨深

時陸未返葬

地下脩文餘綠酒生前賣賦

聖雨齋詩集卷二

三

望雲仙館

空黃金荆卿碧血埋燕市易水歌寒筑未沈

過廢道院

竹裏西偏羽士居依稀猶是步虛初靈壇松頽半無屋

丹竈泥寒好刺鋤鼠竊禽符開劔室螢勾燐火趁星裾

不堪重覓莊周蝶應悟尋仙亦夢餘

秋日漫興

秋氣梢慘楓葉乾久拚騷客老江干洛陽金盡烏裘敝

谷口書成彩筆寒夢裏且然官蟻國愁來還學醉龍眠

荒衷一往誰堪訴月滿長安倚劔看

其二

滿天風露寂無譁銀漢縱橫樹半遮
蚤帶秋聲尋客夢雁銜明月隨蘆花
支離懶起元亭草消渴空思漢楊茶
心事匆匆渾向晚欲將殘興付琵琶

其三

玉露溥珠迸淚彈
颯颯閉積黯摧殘家亡去國吹簫易
歲儉逢人乞米難井上澤葵惟兔跡
留中星影自漁灘
哀江南蚤裁詩賦好寄司農作意看

其四

誰卷寒蘆夜半吹關山有恨雪花知
獵酣火雜胡兒笑鼓死雲愁漢將旗
西北狼星通北極東南飛輓空南箕
老臣辛苦謀樽俎退虜於今只賦詩

其五

肅肅霜花吹暮林滿城黃葉急寒砧
孤燈鴻影閨人夢殘月雞聲壯士心
庾亮胡牀方嘯傲孫郎鐵戟未消沈
一腔熱血灑何處自起中宵拂劍鐔

幽居

誅茅卜築選紅泉秀雨疎花小洞天
鶯語遲春剛過社

聖雨齋詩集卷二

三

望雲仙館

兔糝產月正當弦揮盃勸影同元亮飽飯高眠學孝先
休拂茅茨圖五岳南山雲氣落牀前

其二

粘天芳草澹斜暉犬卧桃花晝掩扉
記得修琴會入市閑來抱甕本忘機
餐芝有道何妨瘦食肉無才豈願肥
卻笑昔人賦招隱古來最貴是知希

落花詩

滿園幽豔字無雙顛落東風意未降
五夜庭臺孤夜雨一春心事擲春江
金鈴猶動驚癡蝶玉砌空餘卧小厖
倚遍闌干渾未寐月明不忍到西窗

其二

乍看上苑鬪芳菲轉眼繁華事已非
青草冢邊魂怯月馬嵬坡上月侵衣
子規叫斷味仍清絳樹歌殘露未晞
萬斛悲涼無箇惜頑苔癡草自應肥

其三

縱然憐惜可留麼幾度臨風喚奈何
那得桃英照牧笛祇餘柳浪濺魚蓑
鶴雛眠處鋪紅雪鶯鳥拖殘失錦梭
從此春歸杳難覓枉勞愁夢駐南柯

聖雨齋詩集卷二

三

望雲仙館

其四

恰似空中天雨華石牀繡檻疊如麻鷺鷥腳踏孤霞片
蜘蛛絲兒絳縷紗綠水膩拋秦國粉紅雲慘吊美人斜
宮人葬處
名宮人斜

其五

雲損精神月損光不禁狼藉好魂傷三山紅雨迷秦蹕
萬里黃沙出漢妝血染石麟芳草暗怨深銅雀舞衣荒
羊曇醉後春難問策馬西州悲未央

其六

聖雨齋詩集卷二

三

望雲仙館

青帝匆匆未肯停枝頭吹不上紅英曉奩妒落金鈿影
春繡驚殘玉剪聲煙薄鵲啼絲雨暮草薰燕掠細陰輕
滿天綠漲朱樓黯辜負風前義甲箏

其七

春風彈指興難仍不耐繁華問五陵夜合香殘悲霍玉
同心蒂死弔韓憑晴堦流碧凝冤血荒壟飄紅似鬼燈
要眼芳塵成劫土好將如幻問胡僧

其八

玉笛吹殘不自絲胭脂狼藉香難收珠簾窈窕餘清畫

院落蕭條成小秋行雨夢回春黯黯浣紗人去水悠悠
畫屏誰餉相思字害煞鴛鴦也白頭

輓孝烈女張氏詩

錢塘陸堯煥青成張氏之贅壻也婚十三日而
病五日而壻死時氏年二十齡三年服闋母欲
奪其志氏慮不免遂縊於小樓之閣越三日殮
面如生易衣而繡囊出胸有檀香寸則肖其夫
而日夕持抱者也諸君子醵金致奠播之唸咏
予亦侑之輓歌二為拭涕而出其築墓植碑尙

聖雨齋詩集卷二

三

望雲仙館

有待云

弱閨節烈與誰論遮莫梅花是後身鐵骨琤然和月碎
玉心栗爾與霜温胸前一寸香夫子鏡裏三年影淑人
我欲招魂魄不起竹帛留血照秋旻

其二

摘將蘋藻佐靈卮三肅靈牀一哭之誰荷綱常孱擔子
妒他巾幗鬢眉烏銜香土於誰壤下馬捫碑應有辭
寄語王人採風者好陳成上柏舟詩

鐵菴梅竹詩

高士園亭分外清瓊姿勁幹紛縱橫神傳姑射翠欲滴
骨夏琅玕雪有聲巔嶺夢迷連嶰谷葛坡龍化接香城
莫教裁作孫郎笛吹落寒花滿洞庭

蔡中郎笛後
爲孫綽所得

橋李周拱辰孟侯著 同郡孫福清稼亭校刊

五言絕句

題畫

高人成獨往樂事乃非一山南梅花開香吹孤杖出

秋閨

欲將一匹練裁作征夫袍怪底十指澀金風入剪刀
寒蛩坐四壁夜深猶嘖嘖惆悵鴛鴦文停梭不能織

咏螢

脈脈依秋影依依點綠苔金輕如雨粟火細不焚槐

因含一點火邀來伴書幃為問苦吟人此火何時煖

秋宵懷友

落月滿幽榻如與故人陪故人猶夢裏明月不須來
相思軸轉轉欲飛無羽翰離愁如白雲相思吹不斷

卧病驚香閣

偶現維摩病即卧維摩室試看諸法侶何人來問疾
子夜聞鐘聲身入鐘聲裏鐘聲空無住劇病如是已

七言絕句

寄園詩 八首有序

陶彭澤爾孤逸之致石太僕傲然凌雲之操
莫不怡情日涉徵趣觴咏豪襟掩映風流至今
靈水唐氏密鼓華宗烏衣寶樹神龍未遇與豹
偕潛築園自頤比于金谷高峰削雲綠沼洗月
夏裁招涼之臺春治忘憂之館投壺擊筑說劍
彈碁文戰與茗戰俱酣酒壇共騷壇並霸誠西
吳之華圃千秋之勝業已而狹視此園寄情一
艦瓊龍帆影樓閣幾重窈窕珠簾闌干十二以

裝圖史便號珠船若貯麗人即名金屋小東海
於一杯縮三山於掌上名曰寄園舟無非園耶
藏舟於壑池臺足江海之觀藏壑於舟山水赴
巒亭之趣靈水與吾連臂泛涉相與嘯歌遙望
閬蓬僅隔帶水便欲踏鰲背而採玉桃溯靈河
而訪機石嗟乎天地一馬也萬物一舟也期汗
漫之遊布帆無恙把鄂君之手為樂幾何賦駕
言以寫憂譯越吟於山木不任卧遊之興聊賡
欸乃之歌

行藏自是一流萍何必牆東號隱星小築半塵今落就

新顏應署鈞天亭

出宋書文帝事

白鷺蒼茫水一灣恰如壺父隱壺間花香竹色分窗進

一一真山當假山

玉絲金管任娉娉明月高懸奈樂何笛奏龍吟渾帶水

歌殘滿子不離河

月裏煙嵐畫裏行眾山倒入水晶城撫琴一一彈皆響

大似宗郎壁上聲

閱脫魚蓑挂玉繩雲邊短笛雨邊簪高情不為桃花誘

聖雨齋詩集卷三

三

望雲仙館

醉卧風吹到武陵

家住西風第幾灣紅雲江水白雲灘山陰名士如相訪

滿目寒蘆當竹看

陸沈高士是吾師一檻秋風任所之壓破月痕疑損鏡

撥殘星影似彈碁

山色溪聲賤白蘋蒼茫一榻遠風塵蘆花鋪作梅花屋

月下敲門認不真

田居

朱藤絡屋柳編籬謝豹催耕菖葉齊小犢短蓑犁鐵健

曉烟鋤破落花泥

吉日分峰穀雨晴桃花塢下試新耕五侯飽嚼琅霜飯

不信田家有麥羹

香生麥秀綠如蕘十畝閔閔戴勝啼深巷無人雞犬靜

夕陽高卧棟花西

看花臺懷古

寒陵猶是看花臺一朵紅榴越女腮過客不知啼鳥恨

滿城風雨自東來

惜花春起自朝朝轉眼繁華鏡裏消只有楊花吹不盡

聖雨齋詩集卷三

四

望雲仙館

年年溝水長浮藻

從軍行

烽烟撲地接陰山把酒攀驪動別顏半醉橫刀高揖去

生來不喜聽陽關

楊柳風吹六甲旗桃花撲雨馬頻嘶軍中饒吹三千部

簇擁驃姚過隴西

金風裹甲露吹繁

繁馬腹帶繁纓是也

夜半胡笳聽未闌辛苦搗

衣砧月上燕支山下枕戈看

美人春睡 和王平叔

眼醉桃花午未醒
屏開雲母日晶晶
簾前鸚鵡如知恨
惱煞春風不敢鳴
畫帳珠簾春日曛
春風何處度香魂
碧桃吹破簫聲杳
繡戶雲深帶雨痕

夏日閨情

彈罷銀箏坐晚颺
戲拋蓮子種方池
莫言水淺難成藕
暗裏絲長人不知
脩竹鶯啼三兩聲
生憎日影匝花明
風飄香篆珠簾午
卧看行雲入畫屏

聖雨齋詩集卷三

五

望雲仙館

塞下曲

白沙風捲將旗高
鐵勒銜殘塞馬驕
有令明朝禽可汗
夜深敲雪去磨刀
黑山風射古黃沙
刀背霜凝舊血花
百戰未休新鬼哭
將軍營裏奏琵琶
故國梅花欲見難
關山笛裏雪吹殘
應知征婦同秋月
夜夜停鍼向北看
拚將七尺報君恩
夢裏曾驚斬谷渾
聞說霍家新拜爵
眾中私檢臂鎗痕

續小遊仙詩 五十首

爛柯一局人世千齡仙
若此其倏忽也迺若葛
元五歲通靈瞿武七齡絕粒懷乳珥貂亦自昔
然乎至夫陶氣絕籥受精元化改顏三陰鍊魄
九戶豈不拜鳳增慙控鶴益嘯人間可哀予哀
夫哀人者也然而白環雙約接寶知榮舜時西王來朝
獻雙玉環 蟠桃七顆聞香口悶是耶非耶將毋
饑色晉魏諸公遊仙種魚得鱖大非意外唐曹
唐小遊仙生來仙種遊戲天半大有瞿武葛元

聖雨齋詩集卷三

六

望雲仙館

之思感與之暇聊為嗣咏
遡彼白雲略有俯仰
豈曰平驕漢武亦藉以通信
下女云爾知坎篲
昆竹琅然利我也

前身天上白星精
一謫人間十五齡
昨夜玉皇親降敕
許教東海赤龍迎
肩摩日月鼻摩天
鶴背茫茫俯大千
星海一泓平似蓋
神州九點大於拳
飛鳥籠中日月雙
崢嶸仙第列旌幢
通家投款疑生客
怪得雲端吠小厖

獅履晨趨拜紫皇靈符晚敕主醫閭謝恩恐怕車遲疾
軟玉鞭搖打鳳凰

鳳節霜袍朝玉宸靈官千隊謹隨身卻疑如此繁華相
猶是邯鄲夢裏人

芙蓉冠子瑤雲裳玉鳥絲纏九鳳凰朝遍帝真三十六
方諸宮裏讀歸藏

花裏河山漢與秦人間宮殿易黃昏玉桃紅綻三千歲
傲煞仙都別有春

火流靈印挂瓊裾三界縱橫踏劍飛記得當初茆屋下
聖雨齋詩集卷三 七 望雲仙館

一編榆粥伴青藜
鳩杖拖雲眉雪平許多弟子乞長生仙家服食無多訣

一卷東華煮石經
兩三白鹿坐西谿一一天雞啼翠微滿地五雲拾不起

東風吹影上仙衣
會壁香麟話起居風前親捧五靈車吳門久失麻姑信

欲剖天河雙鯉魚
拉來玉斧與安公散髮酣歌第幾峰一鶴守房春寂寂

白桃花間碧桃紅

星沈風削露縱橫殘月鈎簾挂玉筍家隔銀河不盈武
夜深猶度織機聲

藝藥歸來倦欲欹花前睡起日剛西層城餉稼嘗新麥
餘糝分來餵碧雞

白玉樓成選賦才半天邀得酒星回醉遲彩筆還調笑
央及靈妃捧硯來

會輸橘裏熊盈被又向松邊賭玉簫花影覆暮陰未轉
誤人柯爛不成樵

南岳靈車紛曲阿晶盤割饌進郗哥偶然謔笑能噴飯
聖雨齋詩集卷三 八 望雲仙館

化作飛蜂啣鳳羅
控踏神駒遶日邊障泥暫解卧青烟那知偷吃天河草

罵得牛郎口欲乾
平明奉敕狩湖津行雨歸來溼滿身滿地石羊鞭不起

黏天芳草接蛟門
半劑回生藥有神河間玉女許成親傳言莫漫絲鞭控

無影仙人不受婚
小膽渾憑七一鞘人間天上恣逍遙劉伶酒旆雲邊轟

時貫元漿賽寶刀

閒騎白豹探桑田桑椹如瓜葉刺天攜卻臂環乘露摘
玉筐盛去飼冰蠶

驟日遲空吹不開笑呼明月上仙臺樹頭葉葉微風動
一片雲攜萼綠來

半天遊戲性能頑檄兔烹鴉不慙朗昨向九皇宮外過
攘他玉狗獵蓬山

吹落紅花滿地愁長離山畔四時秋爲詢兔杵無消息
玉樽輕搖觸月舟

浪跡尋仙倍苦辛幔亭張謔話前因大似沛公重過沛
聖雨齋詩集卷三 九 望雲仙館

也應清淚落紅巾
元漿一椀自靈通玉杵爲媒卽報紅昨夜青鸞消息到
方諧新築合歡宮

曉起呵妝謁斗君九華半臂五銖裙仙家不用繁梳掠
翠挽蓬萊一段雲

爲巡東海踏靈槎一看方平處士家寶襪欲臨吳市穢
戲拋紅豆作丹砂

雲寫翠眉月寫羅西王讌客四非歌花前彷彿金釵墜
笑問真妃許拾麼

鶴夢遲雲雲亦癡仙人香似有相思玉箏撥盡麻姑爪
吹落層雲大小珠

夫去尋仙妾望夫山頭化石坐藤蕪仙遊他日歸來頃
日可金丹吹活無

腫神剪水息吹蘭鎖骨天生不煮丹卻笑家人太無賴
幾回搗蒜誤青鸞

閒向芝田學牧豬短竿吹罷帶煙鋤歸來飽嚼元靈酒
一笑風前月與吾

記得離家古戍屯覽時一別千寒溫海邊呼卻蒼龍子
聖雨齋詩集卷三 十 望雲仙館

踏月歸來看耳孫
元漿一滴醉三尸紙捏青驢任所之帝命人間濟貧乞
胡蘆新摘返魂芝

捺天荒草照斜曛一片孤城半是墳愁煞千年華表石
空留鶴語訴寒雲

虛裏乾坤醉裏遊蓬山煙午不知秋誰將橫竹雲間弄
吹落梅花滿十洲

東海鼇波西海流風吹蒼雪滿牀秋白榆樹下坐終日
一鶴嘯空天更幽

分明騎劍沖霄去留家黃昏和月瞞
害煞人間好孫子
年年麥飯哭銅棺

不拜天官不押牌只求爛醉卧天台
傳言欲禪東華壘
挽水天河洗耳來

高望煙霄吹玉笙景與靈印一毛輕
便教暫住人間世
不學錢鏗和雉羹

家住紅雲第幾灣賭基棚酒興闌珊
金鰲背淺蟠桃折
方丈新遷鈎影山

出廣博物志

烈樣男兒血性存鬧中退步乞閑身
食他一椀淮陰飯

聖雨齋詩集卷三

二

望雲仙館

輪卻當年辟穀人

仙童向我笑而言徐福祠前草接天
若許金丹童女換
神仙值得幾銖錢

芙蓉三尺袖中藏三醉騎雲興渺茫
鐵笛吹殘成獨嘯
還舒錦帶濯滄浪

有箇仙人剛五齡生成鶴骨自通靈
阿母賜桃不肯吃
雙手撲他長乳星

閑來無事拉裴航撞入樞宮聽鼓簧
空半月涼秋大出
只愁風雨凍霓裳

問伊生死幾春秋酒星墮時我即休
欲飲彭祖家中骨
擲向青天天外頭

知我靜心月一片御風而行空無遮
微渺者身香未已
不將仙影湮梅花

釣詩十一字 和唐雪鴻

一一滄浪一一幽一一笛聲一一秋
笛聲吹落滄浪月

一一蘆花相對愁

一一漁一歌一一善雁聲一一潯陽
斷一一琵琶江上愁

一一漁竿都不管

聖雨齋詩集卷三

三

望雲仙館

一一漁郎一一嫁一一曾迷武陵下
一一桃花學武陵

一一婦指桃花罵

一一江流流不動一笛一一梅花弄
梅花一一聲一一飛

一一梅花和月凍

感興

搖曳長裾岌業冠半生歌鈇黯摧殘
近來魚價如龍肉

踏盡秋風何處彈

遙望涇陽冰雪明秋風帝子日揚靈
生憎丁女無傳信

采盡寒花倚洞庭

晚金子藍珂夫人瑞芬

於戲悲哉金子之於細君也夫子傳經室入贊
德苜蓿以樂饑爾無交謫詩書以容義我有良
朋已而薜華不終蝶裳身壞御貧而鷓樹雙棲
招魂則靈輻獨返幼女啼呼痛漬雛鵲之血夫
君旅送怨吟苦葉之詩周子悼貞淑之無年感
歸船之涼楚再三訃慰淒然久之苦無懷夢之
莖餉茲奉倩聊助緇謳之涕彈與陽侯

聖雨齋詩集卷三

三

望雲仙館

紡燈乍伴一官寒綠鬢攜來素旒還滿棹紙錢潮漲溼

雪花渾作淚花看

風約荒雲入畫屏鴻拖帆影泣寒汀錢唐月化湘君夢
吹盡參差不肯醒

蘆花寂寂照漁村兩岸江聲沙一痕切莫掀篷看山色
恐驚腸斷有雛猿

雁字衝雲寫未完江楓瑟瑟墮魚竿紅羅凍裏梅花骨
細雨孤舟過釣灘

睦陵遇穰和尚

師名晉亮號貫一楚人習滅心定一坐經月不

起曾住隆慮山頂攜米三升歷七十日不饑師

坐處羣虎狎坐師爲說法有傷物者師輒杖之
虎弭耳受杖煮糠粃和草根食之以爲常人呼
穰和尚云蓋再來散聖也予渴耳久適遇於睦
陵城南之茶亭欣慰殊甚爲賦三絕句

雲水爲郵葉裹骸一枝瘦杖兩芒屨米皮半斗三旬飯
萬仞峯頭好活埋

好去聲

禪定空山似劫灰鵲雛巢頂亦悠哉幾番說法於菟聽
貪睡如頑被打來

聖雨齋詩集卷三

四

望雲仙館

柳栗肩挑健似龍一瓢信步海西東逢師爲問安心訣
潭月雙空空亦空

晚睦陵大佛寺僧頤伯

師名普壽未三十遽遷化濱行捉筆大書四字
云甫了自己雙手舒兩指作印而逝印結如鐵
不可動予讀法苑珠林六朝街草寺僧遷化兩
指作印鄰僧感夢云此須陀洹初果聖人也師
示寂鄰僧亦感夢大佛寺一金身尊者仆地固
知七返七生師於去來亦勿遽矣勞勞電光中

脩然逆旅而又何戀乎予聞之驚昏爲賦四絕

志輓

閒攜蕉杖踏嚴陵長嘯寒林訪老僧驚說師兄遺軼事
指輪雙屈憐於簾

石火光中來去路草鞵脫卻亦悠哉卻憐聖果無人識

央及神人報夢來

師賦歸兮何處歸故鄉煙水路依稀挑他鎖子觀音骨

坐斷空山聽子規

荒雲寒覆一杯土明月高懸萬古心夜夜諸天來遠塔

聖雨齋詩集卷三

五

望雲仙館

漫勞花雨散空林

宮怨 八十首

古今爲宮詞多矣大槩做青蓮行樂詞而宮怨

寥寥卽有作者代不數人人不數首止矣仲尼

刪詩首稱哀樂又曰可以羣可以怨怨樂兩字

自是千古宮詞的譜士非金華殿中客憔悴春

風而攢眉草帝王行樂足可胡盧予讀書不靈

忍與終古怨耶非耶賤怨者曰轉展反側其言

儉矣非故儉也不敢盡也予之爲此則不敢不

盡矣一肚皮江淹恨屈大夫憤卽欲不盡而不

可得也嗟乎班姬學博賦沈扶荔之官子建才

高魂墮遮須之國季女斯飢文人命薄自古以

然又何足計當湖金子藍珂讀予詩嫌無宮詞

強予補之予語之故聊復捉筆且縱所欲言言

而不敢不盡以自快得若干首遙示金子以視

昔人九歌恨賦相去幾尺時容睦陵戊寅仲秋

三日也

麒麟殿接扶桑日鳩鵲樓連白帝秋萬騎官從雲裏看

聖雨齋詩集卷三

六

望雲仙館

六宮人在畫中遊

雨露無私似有私承恩不在黛眉奇龍池一樣新蓮子

心苦心甜各自知

屈膝金虬香宛轉犀金簫局鳳銜花玉膏翠櫛巫雲滑

春色偏私陰麗華

紅牆翠篆四空香曲曲闌干花影涼夜半銀燈分隊引

馭娉笑擁過誰房

露痕高漾月痕低六院笙歌五院迷莫道襄王惜香夢

巫山只在畫欄西

玉階月影煙成堆鐘動昭陽鎖未開宮監傳催梳洗畢
不知顏色向誰來

垂楊深閉畫樓春花送黃昏鶯送晨三十六宮閉似水
平明催召號夫人

養風三七學蠶師繭館分纒日以睨莫道繭成纒便易
鹽花揉亂不成絲

不將羯鼓惱天公開遍芳叢一夜中為語花奴好護惜
怕風吹損合歡紅

珠簾半卷漏壺長盡日無言倚藥囊何事人前通一笑

聖雨齋詩集卷三

七

望雲仙館

為看宮女捉迷藏

玉甲猩煎金鳳仙抱琴遲月不成眠桃花片片冰絃落
彈出將雛又惘然

自分蛾眉等棄蓬金鈿零落玉牀空夢魂不到鴛鴦殿
猶自人前驗守宮

若非漢武倍多情賦買千金亦不成君恩那得如春草
踏破空堦復又生

佳節清明禁火新祭陵賜酒不名恩持將一滴寄明月
為我平澆青冢魂

徘徊菱鏡晚妝遲舞袖經秋黯自知君自多恩妾薄命
不將紅葉浪題詩

穿鍼樓上花冥冥瓜上蛛絲幾縷青宮女成團金盒冷
故將乞巧誤雙星

河壓關千秋壓腸藥鑪茗椀舊羅裳鄰宮強起邀同坐
清漏私焚伴月香

抱得銀箏彈不成金城高倚絳河明更堪孤坐黃昏後
月落桐梧雁一聲

歲祭靈祠祈福回擊筑踢臂神絃哀可憐買佩蘭初嫁

聖雨齋詩集卷三

六

望雲仙館

無復能歌赤鳳來

金風玉露樹蕭森蟬吹寒燈子夜心一片秦宮卷衣月
空懸寶枕到如今

何必金丹乞海航三神山只在阿房仙人毛女秦宮婢
傲煞求仙秦始皇

君呼視寢又停宣咫尺龍牀似隔天費盡吳剛脩月斧
天邊明月不曾圓

昨日同車今日開一人舞袖兩般猜望夫石上思君淚
夾向高唐雨裏來

桃花一片情一片飛入深宮別作春碧玉闌干渾倚遍
啼鶯聲裏又黃昏

九鳳裝釵蝶剪裳大槐宮裏拜君王黃金不鑄芭蕉骨
明月秋風滿玉牀

整衣空自倚黃昏殿角東西月半痕棄妾放臣同一恨
細腰宮裏讀招魂

未央樹色晚脩脩一半春風一半秋自是梅花愛岑寂
錯嫌月妒合歡樓

五毒靈符約臂遲侍兒勸進辟邪危誰將榴樹裝紅火
聖雨齋詩集卷三 九 望雲仙館

燒卻儂家續命絲
金鈴獨踏落花泥輦路苔痕旋欲迷誰道舉頭剛見日
鳳樓疑在十洲西

夢沈五色同心輦色黯雲華九樹偷猶記吉儀初撒帳
舒鍼同受妊男珠漢武內傳

似此春愁那可裁一迴掃盡一迴來深宮欲覓無愁處
燕子不來花未開

玉輦迎來又幾年眾中隨例典書籤自來不入同心院
班賜何勞男女錢

回難扶柳欲瓊閣掃不開花堆玉階竹光雲影日停午
漫卷湘簾看碾茶

延秋宮漏未央鐘吹破梅花玉筵慵鸚鵡無言香篆寂
長門五月只冰封

未央雲黯綠墀怨太液波寒莫洗紅深院無人似逢魅
絮將心事訴虛空

一入深宮隔弟昆恩斯欲報苦無身檢得例金輪作供
孟蘭盆裏祝慈親

君王酷愛紅珊瑚戲植庭前號婦雛問以當熊前日事
聖雨齋詩集卷三 十 望雲仙館

珊瑚婦解報恩無漢劉先主事
寗茲枕裏好風光夜夜雙簫騎鳳凰君若遊仙不是夢
溫柔鄉接白雲鄉

花枝偶傍日光華何必人前嬌自誇不信試看椒寢上
燕垠都是去年花

神鍼繡出彩幡新紫竹鸚哥活似真應以宮人身得度
魚籃大士再來人明宣德時事

漢月胡霜兩地懸琵琶雪裏草連天環珮不歸金殿鎖
青苔滿地畫工錢

懶畫鴉黃懶捉簫春風無奈鄭櫻桃不知誰割柔腸斷

宮燕斜飛似剪刀

三十六宮粉畫圖碧琉璃瓦水晶鋪宮人剗襪憂泥污

乞與金錢掃雪夫

冰珠香雪濺龍舟兩岸菱歌爛漫遊聽遍玉簫題遍月

六宮清淚滿迷樓

玉缸春酒杏花天酒店新開海子邊那得當爐邀客飲

官家親擲藕心錢

陳後主事

玉笛霓裳舞袖塵長生殿裏月如曠牡丹寂寂鸚哥泣

聖雨齋詩集卷三

三

望雲仙館

長恨歌殘荔子春

蛛絲屏風淑影移欠申敬坐看彈碁怪他踏壞鴛鴦杏

金豆閉拋打雀兒

對月如疑月有私西風黃葉滿空墀天寒袖薄宮校澀

織就迴文欲寄誰

幾番短漏兼長漏一片碁聲和雁聲復道月華愁字裏

六宮溝水淚花成

柳絮橫飛撲雪雁彩旗搖曳落空窗宮娥笑蹴鞦韆索

紅雨斜飛燕子雙

自從聘入披香殿望斷宮車來不來似向漢王乞桃核
千年深種等花開

紫燕黃鸝瘦不休二分春雜一分秋長楊閣下梧桐雨

滴向六宮枕上流

沈香亭北西風急繡嶺宮前玉露零夜半子規聲裏月

含愁猶弔雨淋鈴

淚眼暗花汝良苦遭他風雨妒花來花言我作平心看

等似當初開未開

房如僧舍首如蓬晝半銅壺宵半鐘欲寄愁心與鶯婦

聖雨齋詩集卷三

三

望雲仙館

和花銜出上陽宮

碧簫吹破思依依聽盡宮鶯半掩扉最是無聊看不得

桃花片片背儂飛

沾雨臺邊麴蘖塵壓雲轟笑滿都春銅龍香睡連天醉

愁煞芙蓉宮裏人

鄭都認石虎事

鳳閣沈沈魚鑰秋蓮花漏接素河流官家不念嫦娥冷

夜半燒燈看打毬

樂停簫管舞停翬花咽香喉黯自顰一綫歌聲何處繞

隨風不願逐行雲

燈光影裏爾何人
永夜迢迢宮漏繁
冰魄雪魂無那冷
梅花邀與共溫存

笑煞夫差嬖美人
九泥封卻浣紗村
有箇美人瘡於菊
獨抱瑤琴深閉門

六宮齊祝麻姑酒
天子親擎太乙丸
莫採蟠桃餉玉母
爲經霜雪苦難餐

真人曉進長生藥
一碗仙人掌上秋
乞向君王分滴許
願隨龍尾訪蓬洲

聖雨齋詩集卷三

三

望雲仙館

不如影裏李夫人

犀簪擘膽半邊苦
金盒藏鬪兩處猜
君恩那得如蚨血
子母塗錢分不開

龍樓雪鴛白毡毳
凍勒山茶臘未回
獸炭圍爐濃笑雜
自攜金筋撥寒灰

熊衣金目畫襖羅
鼓聲喧繞院廊儺
母不知宮裏恨
滿頭花插翹雛璫

水晶宮裏簇龍輿
一片紅妝照碧蕖
無數鴛鴦愁獨宿
偏憐龍子泣前魚

簇擁芒神彩仗齊
千官梅壓帽花低
宮娥暗卜今年采
爭拾春牛一把泥

鞦韆寂寂月黃昏
香露空濛拂檻塵
一朵名花嬌欲語
未經御盼不名春

柏葉煎香蕊葉書
舞衣不著著雲裾
黃河清俟君王寵
落得珠宮學步虛

黑絨葛帳曲房沈
一盞龍涎一玉琴
漫澱墨痕脩漢史
梨花狼藉不關心

聖雨齋詩集卷三

三

望雲仙館

自今不願與同眠

秋螢作火照秋殿
殿號長秋秋滿衾
無數秋蛩泣秋月
更堪秋杵搗秋心

禁鑰重重宮殿遮
夢魂飛不出天家
那堪長對延秋月
俛首遙思古押衙

綠萼梅簪柏葉冠
椒花醉尼卜留寒
心期怕向葦姑訴
細雨孤燈和內官

橘子蠟點白子池
石麒麟砌挺蓀枝
自憐一樣同樛木
偏是他人報洗兒

碧月紅燈一段情翠華入夢不分明曉來慢抱琵琶弄
錯帶昭君馬上聲

紅絃無語玉簫沈多少宮人鬪草尋拾得柳絲絲一把
背人漫自結同心

吹盡參差未敢言秋風嫋嫋江楓繁君恩不甚成輕絕
猶綉荷衣候九門

朱中尉集

于辛巳冬月
庚廬

敘

先生江夏公叔子也公以王家子特用進士知江夏縣事故人稱江夏公公自舉鄉至成進士當崇禎朝數上書極論天下事其意必推本二祖以經營創建規畫措置者爲已備而世任事之臣不能奉行成法故天下日弊至舉世皆喑而不敢發者公猶極意指陳其鳳陽城滅宗祿法于本支之計獨詳公自爲江夏增修武昌城計守禦以備無窮之慮又皆未就而公歿其後寇乃蹂躪入武昌天下事勢日潰而國運隨之矣當公知江夏公日在官舍而于奇材劍客四

朱中尉詩集 敘

豫章叢書

方負異奇傑士必令先生與遊先生亦自慨然有當世之志暇則爲詩文以發其藻思故一時賢士于公父子間莫不想望愛慕懽忻悚異思識其爲人也逮公歿世先生第爲公追歷憶遺亡之冊籍尋去江夏還南昌未數年而丁國艱先生乃變姓名竄家宜都匿翠微峯凡數歲後得冠石買山居之率妻子躬耕種茶自活常至江南欲渡淮而返間走一二百里負茶自賣之其往來省墓落拓孤憤之際率皆有詩歲時里社羣飲居農牧樵販雜露間與爲歡樂遇人無賢愚皆禮愛之興至輒聯哦唱和人亦不知其爲江

夏公公子也胡心仲言先成一詩吟甚苦操紙筆忽忽亡失後予從學冠石先生書杜老短歌行貽余因跋其後曰吾欲作詩贈子苦老病不耐思先生後亦絕不爲詩又凡不飲者六閱月而疾作矣先生已歿其次年余從其子東孫求索先生遺稿百餘篇因得繕寫嗟夫先生當江夏公時才氣固已傑然其後流離喪亂三十餘年不自見其志余生晚近歲間始得承先生之教今遂隔世而徒慨想其平生語言嘻笑燕會論議商確之間爲不可得至于低徊慕思讀其遺編爲可悲也昔先子語萱謂先生初至宜都身雜傭保治火藥諸什器先子遇于客邸奇其精悍之色因數目之後遂爲兄弟交余猶以先生雅善晦藏問往古成敗論當世之務其風旨殆與龐德公司馬德操諸人相似後之讀先生詩而論其世者必于余言有考焉通家友姪李萱拜撰

朱中尉詩集 敘

二

朱中尉傳

明季天下宗室幾百萬所在暴橫姦戩窮困不自賴
爲非忝犯法而南昌益藩支子孫尤盛崇禎末諸宗
強猾者輒結凶黨數十人各爲羣白晝捉人子弟于
市或剝取人衣或相牽訐訟破人產行人不敢過其
門巷百姓羣相命曰麀神當是時奉國中尉議霧年
少特以賢名句四方豪傑士多從之游諸麀宗亦畏
之中尉字作霖父統鎮中崇禎丁丑進士知江夏縣
敢言成敗多奇中上將用公爲兵科給事中未除而
歿事及世系在邱維屏所作江夏公傳中中尉幼奇

朱中尉傳

豫章叢書

慧江夏公戒之小字曰蠡七歲出應賓客公同年萬
公元吉嘗與中尉對奕中尉立小机上搢腕指揮攻
殺旁若無人萬公笑而睨之曰非凡兒也負則沉思
徹夜旦求復得勝乃已江夏既劇邑號難治又幕無
他客錢賦悉委中尉中尉創立開收出納法別有籍
法主每項各爲首尾必不少那借老胥見之大驚欲
毫髮欺侵不可得中尉時年二十有一江夏公既卒
于官推官同年生某攝府印與公有怨牒取公在事
時修城費十數萬金籍相對勘而老胥憾公父子盡
匿諸籍大索不可得中尉同公門人邑諸生張若仲

及弟議霖日夜窮思所出入備記合算較原數十數
萬金無少差另冊報老胥及推官見之大驚以爲神
江夏公柩乃得還南昌而中尉自是得嘔血疾數十
年且瘳且作以至于死中尉性豪邁敢大言見天下
將亂專意結客招致方外異人冀他日爲國家用江
夏公命師事太僕段公然海內所推三異人段其一
也段公有異表鬚長委地數寸許以好道術觸神怒
失明與中尉語大愛之更令讀大學衍義諸書求實
用張若仲亦負奇才精擊刺中尉與爲兄弟交得其
技僧辨文道士張還初深沉有大畧中尉皆委心交

朱中尉傳

二

之而辨文往爲邊帥技勇絕倫肌膚如削玉甲申中
尉病湖上寇迫不能行辨文縛椅爲筍與同一鄉人
昇之人見辨文狀貌奇偉咸怪異而鄉無賴子有妄
擬中尉橐中裝者辨文微覺之日將夕挾弓矢爲嬉
遊取木槌插百步外射之十發矢盡中諸無賴子大
驚皆羅拜請遂爲弟子而中尉更師事新建歐陽先
生斌元友南昌彭士望胡以憲樂平王綱福清林全
春廣濟舒益其乙酉左良玉謀破九江悉師數十萬
南下中尉因九江毛珏帥師任濟世集其地雄武士
將用柯陳兵邊左師柯陳相傳爲陳友諒後所居峭

壁廣哀地跨二省會明三百年兵征不服稱悍旅者
也以當事議不合散去九江亦隨破六月金聲桓入
南昌中尉彭士望兩人相與謀曰大亂至矣坐須此
守田宅爲乎立挈妻子走建昌士望三至寧都見寧
都魏禧立談定交遂同中尉往依焉與諸子結廬金
精之翠微峯講易讀史爲易堂凡八九人初中尉與
士望爲親戚各負才不相能中尉訪士于王綱綱曰
子同里彭達生方今俊傑也而外求士乎中尉曰吾
固知之遂傾身交士望士望亦故愛中尉相定交兩
人者交友遂第一及遷寧都士望嘗游四方中尉以

朱中尉傳

三

病多家居並督理二家事既日貧中尉曰不力耕不
得食也率妻子徙冠石種茶長子楫孫通家子弟任
安世任瑞吳正名皆負擔親鉏畚手爬糞土以力作
夜則課之讀通鑑學詩間射獵除田豕有自外過冠
石者見圃間三四少年頭著一幅巾赤脚揮鉏朗朗
然歌出金石聲皆竊嘆以爲古圖畫不是過也而中
尉酒後亦往往悲歌慷慨見精悍之色近十餘年益
隱畏務摧剛爲柔儉朴退讓使終身無所求取於人
無怨惡于世雖子弟行以橫非相干者勿與較也晚
又好禪嘗素食持經咒尤嚴殺生戒見者以爲老農

老僧不復識爲誰何之人戊午八月復病嘔血死年
六十一蓋中尉以戊午生戊午死云死之日士望阻
于楚唯魏禧彭任親舉屍入棺含殮焉先是中尉嘗
謂士望禧禧之弟禮曰吾衰病無所用于世君輩好
爲之

魏禧曰中尉來寧都時年二十有八子與季禮方壯
並願爲中尉死也中尉更姓林字確齋所製茶高妙
遠近名曰林芥工二王草法詩於杜爲別出人咸推
服之然求書者中尉率書古人詩也楫孫負志氣力
作病先中尉卒幼子東孫士望女夫也以謹愿稱

朱中尉傳

四

朱中尉詩集卷一

明 朱議秀著

五言古

立志

夫人豈無志直是不肯立一立而眾歸如彼天中極

去習

學習不可間俗習不可染去之雖以漸一刀必兩斷

窒欲

香花與文羽徘徊空山時涓涓成江河只此須窒之

懲忿

朱中尉詩集卷一 五古

豫章叢書

五嶽方寸間雲天避竦峙懲之亦以難反躬自平地

辨義

苟有白知明孰不欲絲義質俟或不然言動貴擬議

勉行

泰山非不高登臨在跬步何為有兩足終日立岐路

實踐

不知既深哀已知匪實踐歲月疾如馳何益死言善

固執

擇善心固執頻復即為厲厲尙在平復不復道所棄

同內病中作

汝病痛如刺我病熱如火不能相慰憐坐卧無一語

二

因病轉生燥觸處多厲言子無我怒也我無子疾焉

梅萼

寒威不能勝改柯亦尋常所以霜雪裡含英待春光

采石篇

岷水瀉地流磯頭坐釘鏑眾豪據鞍馬兵戈起江湖

拋馬跳上船未識風濤惡右挈楚人頭左傾吳儂角

吾聞常將軍攬槍一跳躍北風捲地迴邊倉秋葉落

至今太平府不敢下稍散

朱中尉詩集卷一 五古

二

寄題鮑又觀一粟軒

卷石足華岑芥子納須彌心膽不盈握當軒出虹霓

我聞有鮑子結屋水之湄一粟以名軒令我靜言違

龜角僅容足隻眼一離離水欲炤吳楚峯還指海陲

客來車上宿起舞踏青帷那顧壺口缺無間擊筑悲

直使青冥破逼膺中夜時老杜嘆萬間還為後世嗤

自題小像

擬作看雲圖畫師寫作水策杖立高峯泊泊有如是

春日山中懷周伯恒憲使

平林春鳩鳴茶人聞曙戒植杖循青畦霄晴滌餘藹

俯仰極天泉所思竟誰在感公推至心生平無殊快
旁語及家事久隱苦窮隘古有蘇雲卿食圃于不貸
更語及神仙低徊若深慨古有許旌陽忠孝垂當代
仲君抱奇質叶藥起沉痾浩然鸞鶴情遂欲遊方外
吁嗟世風下黃虞邈難逮謾謾松崖吹彷彿留清籟

谷中九九詩 選五十六首

居高望塗徑東西任所之獨不由其路險阻生平夷
日夕落微泉山塘漸次足七月雨盈澗寧不知其連
夜深鼠窺人火滅爭餘粒我欲攜貓來爾踏亦何益
石壁日苦仄猴緣如平地則飛則潛者性各從其類

朱中尉詩集卷一 五古

三

山猿羣趨命樵者認真軀既不食禾稼擾物性何殊
作事貴謀始始陰常卒陽檢兵誅閭宦東漢隨以亡
釋憾必結眾眾起禍日長我雖奉身退彼乃自稱王
長城可格虜回紇不終唐至今不愚人猶有誦秦王
輓粟人一斛飛芻日四束大食亦匪輕敢復見不足
板罅與石圻氣寒心獨苦取草塞其竇終風莫予侮
山前月平地山後月上壁烏谷閭然中獨上橋棚立
夢醒野寺鐘塵起孤城銃人生當此際得不爲心動
近郊耕田處管火徹夜紅衣食窘其源何以慰苦農
相去咫尺間霧起不可辨山水在胸中豈爲失真面

墨夜寂無事誨盜反微明小民室家重竟不愛日生
亭濂與桃石霧頭隔其中子心日在西我心日在東
兵住無常所聞將有東行谷屋不足念友朋勞我情
靜言思古琴冀以聆好音及至抱琴來其音淒以深
波湧看萬山松吹聽千壑眼前好光景在人自領畧
澗底號冷風總無有倦時日月何時出寒士深相思
有風孤燈斜無金壯士嗟何自困燈斜尙有花
金精在石裏進徑多松竹一旦伐皆盡泉聲咽而續
被薄與席單寤睡不知寒以此任馳驅何爲復見難
置豆在櫃中櫛疎用草緝猴至取如攜防必貴堅密

朱中尉詩集卷一 五古

四

耕田則苦兵行商則窮髮惟有學澹泊續食讀無逸
大兵擇深隱胡馬當前逼忽爾來孤城云拜天子勅
囊中有羅經是我故人遺東西雖兩地南北總一思
美麗如鳩血安逸等砒霜寧自戕其軀不肯食稻粱
兵未至震泥兵所至剝膚我獨介石中懼修安可無
黔首苦于秦勝廣得不害轉戰成舉問天意果何在
西楚非不仁漢中實無賴長劉而短項豈非以成敗
既以斬丁公又復封項伯太公羹可分義帝喪何發
一日一開門從朝直至暮來者莫徘徊徘徊愛莫助
門外苦風勁未暮輒欲上且爲立斯須夜寒應更長

剛柔以時時乃所貴吾徒或失則狂懦水火愧于爐
合家二尺口食米近一斗油鹽當不無魚肉寧應有
長幼得十人病者居其半可以得不死卽是天所眷
拳石于初起百物仰于邑蒔蔬半弓地又爲隣人摘
彼亦人之子不幸而爲奴督責誠難免飢寒曾念無
徑口山下路行人不斷絕大兵劄近郊竟日無足跡
鹵人充負擔猶日庸其力近以贖黃金少者錢一百
四鄉子無遺貪者鮮立時 不得宜不思
三冬日苦寒一陽始不遠獨立最高峯靜看萬象轉
招友及早起潔衣肅儀容孤臣感時令誠懇三呼嵩

朱中尉詩集卷一 五古

五

狗彘無失時雞攘豬復病久耕自然穫黽勉遵王政
目謂耳無聰膽謂心無思何乃同體人終年不相知
燎原不可邇尙有草木存存者勿微倖霜威難具陳
梅水有老儒弟子員未補口不道元字足必履趙士
元人入中國善政乃百年至今心史出始悉異所傳
尺布斗粟間皆視爲大故鄙吝最難消深思黃叔度
目覩兵火餘拔刀欲相贈及其入尺籍所爲又更甚
夜半在深密燈火但一綫窺出室中藏不必破壁見
鼠腹亦易滿鼠牙則大毒莫若爲鼠食毋使速我獄
白絲爲墨染洗濯亦非遲勿去失其素蒼黃任所施

一雀飛石中其聲聒如火天際翔鷓鴣雖大亦不數
亂絲手可理不理刀可齊無然遽用刀刀刃有缺時
冠石寄邵澹止

忽忽生二毛離憂非一言植杖空谷中百念風吹烟
獨有故時交及之輒泣然况君重情素分手已有年
帝京在何處涓城至今傳

逢僧雲丘知竹意主人結茅白鹿洞側因寄訊
結廬中洲久天地一日還寄書來別我中有反本言
兩度過汝水芳洲空雲煙孤雲隨去住遊子念盤餐
近于結耦耕梅花川上田相逢匡山僧得知公寒暄

朱中尉詩集卷一 五古

六

畫蘭已無地題詩獨紀年先賢宿所歸會當至公前

偶然作

仲夏方酷日衆木何萎黃中洲有大樹託蔭者千行
根幹橫阡陌枝葉千穹蒼當其萌蘖時拳然尺寸長
隨衆裏雨露獨身試風霜豈無匠石顧庶幾善其藏
別易堂兄弟攜家還南湖爲楫兒完娶

滿堂言離別浮雲相爲陰况子身一隅要知離別心
不審夢中路可以涉江津

二

亂來門戶衰黽勉爲兒娶滔滔江上水鬱鬱谷中樹

斯人各有懷况我舊與故

大水

大水沒高田飢人立空庭吳蜀萬里船揚帆日夕征
歡怨自終古末繇守吾貞

大水過梓坡圩感賦

長水入牀下繫舟在門前採苻當圍蔬網魚當朝餐
恤災幸已責催牒日再傳會聞田變海彌望風雲烟
食力少拘束每每終天年及此知荒唐益令難稽天

返南湖東蕭平原姊丈病

客從遠方來遂已三年別之子時負疴伏枕向予說

朱中尉詩集卷一 五古

七

日冬遶危疾輾轉及三月寒時欲抱火熱時欲潑雪
瘡愈乃痛生少腹連左脇纍纍如果核氣窄衝口出
醫者各有言氣鬱成血結又云勞者腎痰溢恐成噎
吹咀隨所投病勢轉增劇世亂少親知聞言心悒悒
自古有生死子獨鮮適孽上醫不可逢中醫惟不藥
百慮最傷人願子強斷絕暫別返南湖予臂曾三折
扁舟俱好風會見豁然日

自梅川來南湖水破圩沒禾簡舒懋士公漸退

之

舫舟坐天上千里自夕晨田壑不可辨高原少行人

何以挈家未不逢河伯仁前人築隄防後世賴有年

冥安致決裂每每在子孫目前愁乏食且莫計冬春
遊子隨所如懷哉瘠土民逢年幸與築慎勿忘苦辛

丙申正月十九日胡心仲歸南昌

千山正冰雪之子乃北行寒氣納短袂深泥濘行勝
天道尙反覆式微分所應吾情不可釋異茲冰雪凝

壽楊一水先生七十一

伏生授書時其年餘九十歸然秦漢間名儒天所惜
此去二十年翁齡正相匹尙有環橋聽縣官躬憲乞
莫嘆碓下老逢時得佳集

朱中尉詩集卷一 五古

八

寄徐巨源五十

憶昔訂交時君年三十九子亦二十八以弟隨兄後
分寸非所營自命不肯苟君許以爲狂置之同渤溲
豈意南北傾在茲申與酉致遂慚古賢全軀望南走
君亦伏草間皇皇喪家狗丁年子未歸命權沙井口
相見有悲號儀容異昔好田荒值衰惡衣食無所措
鐵衣不釋肉病創猶在肘謂主憂尙辱此豈足爲醜
更出別後詩三致意君友自此及丑寅桑田非常道
期我翠巖寺離憂亦如舊隴上接來書知君五十壽
連年俱見君獨有今年否忽忽一紀間孰使山中老

德音庶鹿鳴心理 松茂

丁酉四月二十五日送李雲田還漢陽兼柬王

亦世懷人

李子入我門知爲賢豪士會飲喫劍鞘結友盈車刺
李子出我門遲回重留意久意學槁木何其欲涕泗
孟春過梅川投我故人字匆匆拔權行嶺北謁當事
再來當初夏我友與之契甚設延令客必須我友至
此時願見心較昔又加摯李子有深愛文章與少艾
少艾有時離文章無時置所趨惟廬陵南豐又其次
丈夫不依傍無乃特相似好色人所愛身名忽輕視

朱中尉詩集卷一 五古

九

李子行有期我心若惴惴我有通家兄氣槩無軒輊
一別十八年亂離日以異胥謂死多門何幸猶安室
我兄更有朋少長生同地共飯儲王儼知己叔仲比
向非吾子言不過關世誼端人必取友喜爲吾子味

戊戌正月十二日同李咸齋彭躬菴曾止山自

東巖取道圓通將登翠峯訪魏東房叔子季

子金精遇王老與談感賦王老號辛研建昌

某所旗較尉

東巖入翠微夷險路不一直路乃在險欣憚互爭執
予曰憚何其披榛越次入壁仄水無梁屢涉復屢陟

相對歎阻難廢然幾回屐歛忽抵金精解衣聊坐息

野老解茶事備探遂論直喋喋自薦能令人疑失寶

朱言與淚俱悉我南來跡惟以日月虧備令諸羣集

我家亦世官衰年五十七從時同雍髮新喪因免幘

喪君猶考妣懷此向誰述嗟聞老者言悲心頓如刺

赤紱半周士商孫麗不億忠孝每在斯敗亡立無責

任事力不勝用人憑胸臆即令一反觀感愴未有極

蔡伊沃招同危習生胡心仲吳子政楫兒飲東

巖梅下有懷彭躬菴病青草湖蔡仲二任還

九江

朱中尉詩集卷一 五古

十

今日東巖梅白日越素光前日冠石梅皎月濯寒香

日月果何爲草木亦神王蔡子追好景攜具招友朋

念子難温飲行鍋燕枯椿重水坐尊酒須臾如沸羹

羅列皆耕得豈羨膏與梁初畏不勝栝意至輒罄瓶

橙椽葉濃郁松竹幹青蒼托根俱巖石相與益幽貞

高士卧何其美人天一方

赴青草湖田父梅飲

田父山頭呼風急不辨聲惟聞來賞梅添衣曳杖行

西嶺有桃花先人窳空鄉亂後幾度歸荒草白茫茫

此山名與同梅乃植其陽側身仰桂樹鬱鬱復蒼蒼

如何卽青草亦得厠洞庭前有萬年枝後有千仞峯
雖無田父期來遊意未央

輓大司空程芸閣吏部程雪窗兩先生兩先生父子也

子風芸閣先生嗣孫雪窗先生諸子

弱歲隨我父仕楚知程公厥子曾銓曹乃翁曾司農
科名世所重蟬聯尤羨榮其時寇氛惡黨人內相攻
報復用封疆蹂躪盡崇墉降走趨目前少見逆其鋒
滋蔓至癸甲荆秦死元戎天柱忽然折四海如樊籠
金陵舊都會置君誇從龍改元未及期青蓋入雄同
帝衣不濺血記學卽云忠城頭呼白鳥子亦徙家東

朱中尉詩集卷一 五古

十二

歌哭非一境覲然學爲岷荷鉏霜夕露負米向雲春
今茲走衣食平西聞子風子風賢豪間卓爲楚士雄
自顛馳小狀謂祖忤魏璫大璫往蔽天逆顏輒礎胸
惟楚重氣節罹網禍獨凶起廢乃末季陪京大司空
乙酉伏草間戊子賫志終在昔武昌陷慘踰長平坑
義槩威難懾結士扼要衝叔也誓死綬有母不遑將
久爲放逐臣官守匪在躬一死竟不暇乃于癸未冬
易名載祀典任子厲學宮勿辜明主恩勿沉志士痾
敢告有心人贈言施無窮吁嗟子風子富貴安比隆
况子式穀似身傳易爲功不須諛墓文愛憎多相傾

至今瀧岡表卓卓傳廬陵

己亥正月十二日蚤同吳子政過嶺遲躬菴友

兄登翠微峯訪魏叔子季子十四日歸途陟

峴

朝食應有力呼友登翠微孺子負一杖從我立山陔
霜氣冰暗水日出路泥滋褐衣掛之肩布帽詩囊提
訝我行何早使我匆匆來過橋沿微徑耕者于東菑
鱗鱗待霜膏歲功始在茲溪流欲沒葑草意欲奮泥
咄咄孺子奇引我相陽基局量似高做脉亦隆隆基
幾微失其真形好徒爾爲迤邐入峴趾置有金牛

朱中尉詩集卷一 五古

十三

敗毀已十年亦得新如斯南上金精道奇石立參差
或如船與劍劍插船常橫翠微逼真象跛跛欲移
逕轉來東偏鬼攫森熊羆有坵成小口鑿磴緣傾欹
前足接後項而風在下吹旣登一長望豁達峯四圍
行行指勺庭主人正企子整衣四拜興相視歲年馳
壁上感近作卽事摘好辭舊臘山田居寡營得傍梅
倡酬頗高興易書求手批君評豈不然弋獲庸有時
向晚發囊函一一析吾疑談讌及夜分朦朦沒山姿
少焉雲散盡月出花交枝今夜子時春農占喜可知
分手且就寢板屋匡床施風號夕不寒豈其月令違

猛覺宿東房嚴冷非茅茨嚮晨不轉明啟戶驚雨霹
諺云立春晴耕不苦胼胝穀賤去年荒苦此將無災
嗟予誠豎儒惴惴惟寒飢一紀喪亂來死路亦多歧
叔子值初度留客共啣杯風雨淨埃澤取次訂會詩
操筆自我友刪取不阿私中厨遞美食其最有肉糜
雜糝綠豆粉點染冬筍絲淡潔謝鹽豉滑澤筋不支
無功蒙盛饌較讐或庶幾曾生將遠行納爲行笈資
入夜雨聲繁及夕下層階季子復飲我錯陳亦離離
斗酒藏苦勁如對嚴挺之酒半令射覆脫誤罰一卮
射法有上下譬之欲覆雞覆下卽言聞覆上卽言碑

朱中尉詩集卷一 五古

七

更有直疏事卽言烹伏雌虎子踞末座觀我時朶頤
愛其眉宇間精悍殊羣兒明日吾亦歸兒孫望攜持
歸塗仰三峴崔峩以委蛇中有素心人肯憚登降疲
緩步息不麓到來心快哉飲罷相於行春日何遲遲

己亥二月十五日同彭躬菴陪黃介五陟峴峯

訪彭立齋李咸齋種樵彭中叔兼送曾止山

別宿咸齋半廬作夏五月咸齋五十一遂以

爲壽

黃子言陟峴晦農招我陪日下曾生行同堂將語離
菜花黃照耀綠蒲葉山池春氣脉然深獻歲曾幾時

竟日望魏丘不見一人來黃子恫幅人絕少寒溫辭
觴客醪酒果語淡忘夜遲分寢俱半廬予與主人偕
主人意不淺引燭窗前梅愛其幽獨姿日自值松移
嗟予不同寢己丑至于斯人生數寒暑遂了百年期
我初避地來亂頭短後衣粗豪未易無執役混賤廝
魏子作火器命之往修治頃間李子至賓主言偃偃
堂上問日子似謂客有奇後會會同村諸魏彭曾邱
邱李敘隱騷不覺論及之奚童貫羊機色有紅黃岐
味有甘澁異噉罷爭提攜李子獨堅坐含笑無是非
是維乙酉秋丙戌深相知敬愛儼弟兄七年侶翠微

朱中尉詩集卷一 五古

七

向來之數子易堂其始基朔望講六論內則咸下帷
聲歌節進止此際咸雍熙看鑑疑正統讀易傷明夷
壬辰內變作捲堂東西馳機械觸手生李子善調劑
家直任破碎婦孺肯羈縻步趾護籃輿往扣孟叔扉
盤餐且客位再見僖負妻亂世靡所騁峴尤切近災
踉蹌入孤城季宅又復推時從南昌郡歸抵古平西
聞難空胸春到家反心開卽使身綢繆保全得似茲
未幾渠魁殲三峴仍來依其季種樵子病中能勗思
酒酣斫地人頽然甘息機自慚徒困衡屢煩李子規
去嫌妨未然至今感心脾東巖結耦耕聊爲衣食謀

巖南峙拳石望之冠崔巍卷髮青蔓草懸泉帶伊絲
攜儷洵宜此中夏願乃諧二三故人子龜勉于東菑
懷來若和歌樂已涕淚垂冠石云英多孰知安定師
半廬北山外桃李下成蹊晨風木鐸聲聞一來我畿
忽忽十年餘人事何不齊君今五十一廿年卽古稀
顧我恒貞疾方剛而早衰相期愛來日盛大或庶幾

己亥季夏郭家山呈別木大師

聞師自止山八載藏胸臆憶我歸西江師從南粵出
百川灌蓼洲迷茫舊都邑我時過翠巖雪公共晨夕
後于蕭平原得窺大手筆人生遇不偶乃一交臂失

朱中尉詩集卷一 五古

五

明年高座寺竹闌同面壁天界有異人觸諱方縲綹
師如凌冬松八面冰霜集眾草盡萎死蒼然自千尺
今春止山行云將汎吳檝忽接荆臺書五嶽理師跡
復聞謝子言有僧號木立頗謬龍溪輩郡學大有得
期以五月中來易堂言易索摸難其人行脚何超忽
中叔赴謝子偕與師偕卽卽夕止樹廬晦農與促膝
凌晨寄子言心知是師必初聞來問訊得信傾倒極
指此是茶人有如舊相識翼日魏叔至采山言卓錫
高峯及長林從茲恣遊屐久復過樹廬一談遂七日
始知師家世爲學有本末我客轉式微種茶聊代食

弱男二三于龜勉勞筋骨悲哉久病身坐享消羣力
師卽茶說法旗鎗莫妄摘學古貴因時按圖反滋惑
候至寒釜紅掀翻眾手疾風氣香所警更宜藏慎密
茶忙立夏止迎師來冠石供以羲皇風于我竹窗北
好友嘗過從懷來各非一師如大海水隨人自爲汲
樂易久益親淡然忘主客遂令兩孺子牽衣索果實
師學靡厭時勤勤教多術尤喜人學醫稍寬羣生厄
憫予長潦倒所病在胸膈妄藥未可試火攻斯上策
奈何卽乖分休夏就禪室別後釋師語灼肉不蹙額
自願死後之何庸奄一息師云宗門衰振之惟念佛

朱中尉詩集卷一 五古

六

大眾日圍繞火宅蓮華國至今大慈父巍巍在西域
其次辟支果與此世間絕莫似諸野狐藉口掃教律
地獄爲是人永淪鎔鐵汁以此堅自誓病愈待瓢笠
今師返壽昌籃輿郭山入力疾寫長歌離憂那堪畢

蘭谷同日發上人魏叔子遊五老峯子畏風自

半途返兼柬令師旭巒

晉室陶淵明曾破遠公步不過虎溪橋門首咫尺路
巍巍五老峯望之在指顧下山復上山溪水方屢渡
北風動地來吹人如拔樹踟躕看君行恨無濟勝具
入谷風微微琅琅濤聲度幽冷細花開磊落羣石布

一逕松杉間白日生烟霧師徒何不苟遷次得相遇
結屋峯之陰日月閉庭戶喜公爲我出槩然見平素
安知今日來師向吳城去

癸卯冬魏和公自嶺南歸新交屈子再過北田

云何母明年七十左正不借欲得吾堂中詩
文以爲壽遂以所聞和公者成詩

魏季好奇士嶺表多陰冷北田訪五子一見結慇懃
杜門惟梁陶出門惟何陳陳子感嚴父資志不獲信
何子奉老母偕隱若終身乘時奮志勇立地據要津
丈夫實有志珍重賤與貧魏季再遊粵云得招靈均

朱中尉詩集卷一 五古

七

十六服僧服往尋韓相孫關吏謂無繻恐長爲邊民
牽衣勸令歸遂謁十四陵宮殿鬱嵯峨碑碣空峻嶒
一號響山谷守者相猜驚年貌近婦孺未必曾薦紳
語音似海南此地鮮戚勳僧汝何所求長年愛苦辛
各具伊蒲飯淹留竟數旬又云陳氏子我欲與爲姻
攜持就我學留之家梅川叶石鼓况奇險易堂尼曰
嬰不記吾之子舊年字彭生又云何氏母明年七十
齡大何如古木獨向空山青小何如快馬砍陣屈曲
行居行雖云異感慰倚閭情卓哉予魏季不減三世

因

章江舟次酬閔用昭

風清江日白維舟不暫下開君尺素箋慨然心如寫
嗟哉攜手交誰辨真與假雖以林石人半是市利者
我生本散木於世一無藉君獨何所見念之不肯舍
君氣如吹蘭君交如啖蔗昨夜就我寢恨不共君話

過鄧慈反東園期余明年下榻於此責時爲質
笑而賦之

未與鄧子交東園一會到中廣長數畝四面牆垣繞
池塘綠荷葉滿路緣紅蓼有樹六七株落葉生嶮峭
鑿石登兩橋廣堂連閣道南望最高樓西日適反照

朱中尉詩集卷一 五古

六

初秋十三日鄧子特見召客飯主人飯醉醒從所好
出水蓮始華入室書可校廊深來冷風是日移炎歊
明年必此寓登高恣遠眺粟肉不相干但爲飭厨竈
鄧子恐未然索詩顧我笑他筵不下箸一飯跡便掃
感子意氣人肯以言相調

朱中尉詩集卷一終

明 朱議霧著

七言古

戊戌冬東巖送任道爰同諸子幼剛歸江洲省

墓

手足但可爲手足二子手足而心膂粵余避地在甲
乙梅川旬日兩弟死中間患難不容口饑寒將自甲
午始買得東巖一塊土如余無力亦何有吾兒雖長
十七年孱人不耐負耒耜惟子先從令師來舉止不
恒心竊喜躊躇欲子任山事適子孤姪來盱水子姪

朱中尉詩集卷二 七古

豫章叢書

自幼寄田間駕牛荷鋤竟耕者子之仲兄與之偕念
余無補俱相許又有吳郎少相依是子秋浦故人子
一時同子四五人賓至不辨誰是主出門開荒入讀
書嚶嚶要與古人似令師變名稱晦農古曰明農今
用晦子則念師千古入步擔章門招師弟令師有弟
皆不苟日可作力可經紀暫寬俯仰累師心艱哉二
子在南畝更欲爲廬桂樹下日夕瞻之惟敬止晦農
何以不憚勞似人而喜原如是春秋風日挽短衣在
野在田歌聲起此間若有行遊人問古畫圖誰爾爾
乃今辭謁展墓歸一念從前悲不已經言大孝終立

身惟口起羞不學始况子兄仲事南行日下遂及五
年矣石上猶有日月生莫遂淹留懷舊里

癸卯初夏習生四十初度作此貽之

晚稻插秧早稻花吾子四十無室家伯氏連年衣食
走吾子荷鋤惟壘茶茶籠負向他州賣飲者但云茶
好在前年造紙賤不售雙手紙槽幾凍壞主僕工傭
二十人衣食何人知我艱諸子就傳讀經史館穀俸
錢不言貧季弟農田愛早起一病藥裏未離身花樹
之間今夜月爲子注目石嶙峋腰懸金印大如斗不
知孝弟真是醜果有千秋萬歲名子定不落他人後

朱中尉詩集卷二 七古

二

癸卯三月送魏叔子之高郵壽黃黃山翁七十

憶舊秋同下揚州叔子獨往淮上赴故人約
歸云故人他徙于高郵得交黃山翁予時恨
不一見今還山又值茶時不得偕下鬱勃不

覺成詩卽書爲黃山翁壽且訂後期

廣陵城下獨登船淮陰城下水連天蛟龍魚蟲相跳
躑日月風雲茫昧然篙師漁父皆失色波濤如山一
舟入豈知故人去河南還向高郵艤歸櫂高郵城中
有黃君夜半雞鳴天不明岸上蘆葦吹水濕晨門一
啟負擔行黃君見我非常客呼我登樓進飲食熟視

魏子果何人開口忽然見肝膈季方整衣出東軒美
如新稼初登田人謂元方真長者先我來時歸里園
魏子進門月初黑吹燈沾酒從頭說不記客中別子
難頓使一身生羽翼茶人最愛春山晴二月三月雨
淋鈴竹與布被巖下路魏子忽來叩柴荆買舟云下
淮南道爲壽七十黃山老熙熙攘攘者何多似此來
往真是好呼兒取酒爲子傾不妨我醉子獨醒長風
萬里來拜手黃河楚江秋水生

和顧東山白壽詩

冠石有虎夜攫城一呼兩呼門者聲任生父子悄然

朱中尉詩集卷二 七古

三

出山香隨身短刀槍八尺稀星缺月籬角火賊假虎
威叫打虎畢撥一聲槍出手老賊踉蹌山下走低頭
取酒酒到唇停卮輒復念陳人陳人家世勾吳國黃
山曾揖胡將軍塔前一語成相知將軍大笑張鬚眉
指困日耀波菱簇牙門風動飛魚旗往摧山寇摧枯
枝對雞焉用牛刀爲問政山前報乳虎將軍結束飛
上馬大虎殪置兩馬間一馬負子直如鼠取皮切肉
命厨人添酒張燈促歌舞將軍膽任得無雙新握虎
符專朔方此軍身手真無敵昔人用之收漁陽渥注
馬駒汗如血赫連土城堅如石老翁矍鑠能據鞍病

子慇懃惟贈策

送別任幼剛

有足不畏萬里道有心不憂百年老愛子多才正少
年較耕負擔遠遊好良苗翼翼長盈尺瓜瓠綠蘗漸
開葉酌子之酒送子行山林有道子曾識前年燕市
龍川尉口道張公日不置載得季布廣柳車難降元
龍湖海氣新豐豪士推此君光黃屈指駕雙輪如今
皆結石門侶拱立毋嫌植杖芸

辛丑七月初六日喜雨

劈空一聲直在頭當者粉碎聞者愁何物憑陵不肯

朱中尉詩集卷二 七古

四

下東擊西馳十數周黑雲萬里來壓屋赤電白晝光
奪目大雨小雨紛相撲風捲解潮鬼夜哭衆魚跳擲
鳥飛鳴而我披衣立中庭涼氣入土三四尺不信昨
日如火熱

茶謠送周公之大同

青壁結茅二十載吟詩送老茶園在風雨清明茁紫
茸淺笠深筐備采采羣備采采聲同然說尹無如司
理賢重民不肯輕篋曳如逢徐杜必生全司理好官
真公祖之官忽去大同府西邊萬里多寒風戎馬關
河不易覩我聞三嘆斯民直人生好是行胸臆安得

盡如元道州參錯天下爲邦伯卽我茶人無曲一不
似南安翁入縣去年曾攝做衣冠南州竟日留歡宴
汝口汝心俱至公天子不與布衣同欲 西賦求韓
范驥足今看古治中

奇楷慶瓢冠茶爲謝約齋先生五十壽

有人贈我長生瓢十年不敢酌濁醪古人一羹有所
見而我紛紜近斗筭山東萬古孔子宅中有楷樹千
雲霄樹間成癭成真率錯落奇文漾秋濤借妻引子
一拳石楷樹所托何其高此瓢卽是此癭身垂之不
減金錯刀又有高僧憐久客手貽一冠僅容撮日中
朱中尉詩集卷二 七古 五

癸卯開歲歸自廣陵見諸子祝道爰三十詩因

歌少陵短歌行佐酒

松杉引路石壁峙斷荒翻草田蓄水野人見此卽神
王一聲長嘯山風起憶君二十不得冠坐馳十年如
雲駛寒樹軒前振衣拜壁上題詩見諸子忽憶少陵
斫地歌眼中之人吾老矣

朱中尉詩集卷二終

朱中尉詩集卷二 七古

六

明 朱議壽著

五言律

舟中別蕭平原

湘水秋來急南風霜後寒登舟無半日欲語已多端
近市情堪畏卑棲勢自安荒山何以報為製竹皮冠

自宜都城陟峴

迢遞出城郭霜烟聞暮鐘人行古細路屋在此高峯
煮粥呼寒女歌詩對小童不須疑物外已有白雲封

送匡公還九奇峯

朱中尉詩集卷三

五律

豫章叢書

曳杖一僧至云從先子門聲隨泣共下道與國胥淪

舉世誰懷舊如公獨念恩自慚心轉槁茅屋老孤雲

九日同胡二至舒懋士退之楫孫泛舟因過二

至楓林圩

高處愁遊子扁舟直泛湖野情分濁酒秋思動江鱸
漁牧隨時運雞豚聽指呼行看居室善借隱肯容吾

三峴懷洪開之在蓼州

一春今夜月信屐到西峯奇石前朝客空泉遠寺鐘
采山容易得游酒近誰從安得鄰生在令君樓隱同

驚蟄同蔡伊沃立先圍爐

萬物方驚蟄春風夜轉寒誰人知此意決不事摧殘
煮酒折山木烹蔬進瓦盤年年花實意相與靜心看

牧

山居未敢逸輕重各有營細草牽牛食平坡任犢行
古人高隱事今日亂離情千載無尼父誰當薄耦耕

月夜懷人

月華誰不望今夜客中看還夢涉江晚吹燈忘露寒
因思未爾識何事得相干所以古人意臨風羨羽翰

三峴送魏和公還赤石

咫尺亦何送行行已及門山頭聊獨立見爾涉前津

朱中尉詩集卷三

五律

二

草色齊初夏溪聲閱古人傷離今夜月肯為莫清真

山樓送曾麗天下虔州試

此日竟為別含悽無一言層層下古道繞繞出平田
暮景難留意春光易去船那堪羣從者往 歡然

招蔡伊沃飲狐逐其鳴雞

一雞安足惜恨爾最貪庸掩跡日藏草噉忘夜破籠
聞聲久罷舞警枕得為功紆鬱東巖下時來空外鐘

社日飲酒

古人當社日佳事至今傳有客求無負惟耕學苟全
酒肴雖不備僕婢且來前相對莫辭醉艱難正着肩

二

癡婢焉知禮箸盃不落臺足徵艱酒肉故爾率胸懷
進退人皆矚中和意轉乖古皇今遠矣此際頗悠哉

南豐別曾止山

每當風月夕念子一何深四野存吾輩千秋感素心
客塗還有別鐘漏莫須沉飲罷重攜手朝來霜滿林

送彭躬菴歸南昌

得歸猶惜別有意不須陳祇此走衣食為誰長賤貧
川雲終未出山瘴久相親莽莽江城路愁君少故人

八字腦登舟還山別舒懋士

朱中尉詩集卷三 五律

三

急水知人意扁舟不使前秋高多在野江遠半于烟
攜得到臍酒烹來縮項鱸移山果有術只此足餘年

贈黃元常先生

何意當三季居然見古風咨消黃叔度貞似郭林宗
寄興詩歌外無人圖畫中危時難作客相對慰飄蓬

東巖對梅作

豈欲先芳草長年依石門冰霜無日夕花萼自清真
果熟須三夏枝蕃在仲春孤行誰得似相對盡黃昏

懷彭躬菴

自得東柯谷長饒托此生試茶論水味督穫聽雞聲

新雨草初長高歌雲欲停時時如我友倚杖扣柴荆

疾作不果行寄山中人

道心江水晚別意蓼花秋頓發七年病難登千里舟
遠汀飛獨鶴急湍漾輕鷗正是懷人處寒漁歌未休

將穫

早霜難結實將穫更愁霖塵得鄰村犢飛來天際禽
還家猶客日望遠當歸心所遇乃如此艱難成古今

同任道爰過水莊移菓樹喜魏叔子至

短衣同我友出戶峰嶙峋水石鳴羣瀨風花漾一村
初來移此樹何意至斯人相與坐林下幽懷細細論

朱中尉詩卷三 五律

四

飲東巖梅下罷過樹廬

何代東巖石孤根向此留花飛山鳥亂樹老野藤幽
落日能相炤村醪幸不謀杖藜拚一醉訪友陟高邱

乙酉夏橫舟梁家渡約六弟偕上而六弟卽是

秋與七弟病死梅川戊子陳氏姊避兵死西
山今乙未蕭氏姊又墜樓死先君之子十二

人存者僅高氏姊及子二人而已孤舟過此

不勝泣然

莫望梁家渡依然水上村當時同出走願我尙生存
兄弟何嘗鮮死亡如此頻十年家國事空有淚沾巾

湖上借得破鍋志喜

破釜應吾事寧嗟吹米艱通烟何不可續食未為煩
蒸菜餉朝飯烹湯漉晚餐獨思羈澤國為覓補鍋難

舒宗伯慨然假館楫孫娶余遂還山報以詩

歸里反無處何其得遇君寧殊推宅意有愧賃春人
冀此畢婚嫁因之長子孫他時宜有興載月到蘿門

曾止山席送別遼東康魯水往度

每見遼東客必來問管寧聞君生內地使我賦龍城
毀室依姻好全交謝友生窮年向山谷對酒更含情

甲午送易菴遠行時以道爰幼剛輔我耕山兼

朱中尉詩集卷三 五律

五

為謝

舊春曾夙駕今歲始成行坐惜年華老空傷草木兵
臨風徒遠送多難自孤征分表不能盡經營賴老成

二

旅食十年久初春買一巖病身難作苦野趣實應耽
雨綠陽陂萍霜黃沃土柑感君托二子從此老長饒

見祝仲與彭躬菴書感贈

陶公賦乞食讀罷不任聲下淚有何慕斯人如此情
世爭趨薄道我獨望良朋三峴孤茅下看書識晏嬰

二

自數生平友為情勝弟昆每逢推解者半是賤貧人
口出疑懷惠心藏實感恩幾時過鹿水一一遂評論
乙未冬遇黃爾岳適北上贈以葛

寒風急歲晏圍火夜偏遲以此為行臚能無不識時
裸程禮所少羅綺汗仍滋四運會當夏何妨豫備之

甲午除夕同任道爰幼剛吳子政飲值松堂胡

心仲時自豫章至

作客雖離索言歸尚有時豈知家莫問當此夜何其
四海百年意一堂萬里思誰能不取醉輾轉覺春遲

蔡立先云籐枯不任晒菜而斷感賦

朱中尉詩集卷三 五律

六

三月蒸乾菜偏逢陰雨天山荒無索掛鎌快取籐縣
豈意方更歲斬然若斷弦蔡君為我說歎老欲潛然

廣昌喜與程士喆訂交報洪開之在韶

蓼洲負南郭名利走晴陰到此思求友逢人欲碎琴
向同推愛博近獨識情深嶺表知寥落開緘賴好音

劉廣生招飲意園以禁夜遽旋寓作

一從居草堂少復遇名園積石欲成島倚欄如在船
世情移老樹秋意到疎煙擾擾郊多壘嚴更促我還

乙未除夕同吳子政始入冠石草堂示任道爰

幼剛時婦子在南湖

諸子成吾隱草堂今日新庖厨宜水火寢室安君親
就此石爲路因之竹到門何曾知是客粗細入經綸

二

客裏逢除夕如何十一年自來同婦子今夜獨山泉
結網待春雨扶犁備薄田莫言故園好極目總悽然
程士喆客滯廣昌予亦以賣茶至留飲飲罷登

城西作

作客猶延客居然湖海人采山予漸老挾策子仍貧
貨殖繇奇勝農田自拙存此間須痛飲莫問酒沽頻

二

朱中尉詩集卷三 五律

七

三年章水別此會古平西山氣連雲隱秋聲待客齊
濠梁漁未遠城郭鶴猶迷吾亦從茲逝巖居更插籬

冠石草堂

不復障吾目悠然此戶庭山高遲暮色風遠到溪聲
深磴樵人路叢枝野鳥情誰知初過日取斧斲茅行
卽事懷躬菴在峴

離裁元亮菊牆樹孔明桑命酌當初霽逢人又夕陽
離情無遠道好景自他鄉冠石有前約花時量不忘
丙申穀日送道爰往南昌爲迎婦子
付書迎婦子就道鮮盤桓重躋行山雨孤舟泊水寒

荷鉏知代匱結屋計居安在我何堪此君情猶未闌

冠石懷道爰兼示楫孫

計行已十日應擬到南湖世事久離析我生宜道塗
又煩之子去轉使客懷孤千里來母暮春山正可鉏

丙申除夕冠石懷彭躬菴在峴

古有難衣食於今復見君釋圭無不可原憲自多貧
歲晏寒能兩山孤石更雲相思頻徙倚淒絕此東屯

二

朱中尉詩集卷三 五律

八

贈堪輿

稼圃子何力借藏賴好朋出門俱秉耒入夜始橫經
懷古觀興廢隨人較雨晴愧君猶泛梗危坐古金精
久客遇鄉人爲情分外真天悲從北闕誠喜向南親
捉手一何晚贈言如不文繇來離別意祇有古停雲

二

吾子能知道出言台涕零天心重仁孝人事多廢興
葬法一從驗禮經久不明誰思當戰伐白骨忍縱橫

丁酉季夏入廬都城喜魏石牀來晤李少賤宅

因送予至西郭門兼訂秋期

入城不過訪知子諒子情正欲折簡約何期上堂聲
索遊應有作孤客幸添丁相對惟言此寒溫竟不曾

二

日色已下壁火雲窳不開遠山帶羣石緩步生好懷
客欲出門去君猶爲我來秋風西逕路一杖莫遲回

同諸子飲東巖梅下

風日如茲好梅花又復開留歡載酒至須友隔山來
對影誠當醉聞香別有懷十年徒石隱惆悵返空齋

久旱圃菊半枯苑背巖孺子所種者實無害作

愧菊

寒花能石隱不是學東籬記得苗分雨深防葉濺泥
早窳三月久花有數枝低天意憐高潔慚無灌溉來

朱中尉詩集卷五

九

二

背巖餘瘠土笑汝欲移我雨日無絲及榮華安自來
土膏人易恃地敵早爲災似此翻無害吾生信有涯

旱竹

曲逕皆依竹悠然拳石深羣山青歷歷一室碧沉沉
月寫篔簹墨風吹鐘磬音向來相對意望裏益悲吟

二

黃落半山葉蕭蕭風正吹要令沒眾草誰識共孤梅
厚土鞭仍穩叢枝苞未虧此心非一日旱魃亦何爲

遊郭家主僧夜歸感賦

秋心竟無着遂作山中行雲過池塘影風吹荷葉聲
出樓松百樹到釜泉一泓機息成真隱悵然歸遠僧

咏東巖梅

疎影真宜水繁蕊可在山遠無土女妬平免牧樵殘
松樹時相引茗柯能與攀托身殊不易嘆息東巖間

開荒

先疇不可問戮力事開荒麻竹根難解絲茅堯更强
救飢秧早稻去穢種生薑圃稼小人事因時感自傷

疎林

疎林迴落照遠山積空烟夜定散星影風平納衆喧
依枝垂鳥翼植糴引漁船對此良多感飄搖近十年

朱中尉詩集卷五

十

同諸子池上

萍依池上水浮客最相親我反多疑滯名猶托隱淪
有田俱谷口無路不雲根正好二三子爲農問比隣

雨

巖中當落雨聲響異尋常可幸屋無漏其如山已荒
笠編竹葉密篔簹結棕皮長前日托人買至今猶未將

三年不得鄧同一信以爲死矣甲午春自豫章

歸梅水於楊雨三壁間得同一過訪詩喜而

有作

三年無一信睇望淚沾巾死道亦多矣傷貧何足論
心悲歸國晚夢喜得君存豈意當茲日芒鞋正及門

二

楊子東牆上悲歡讀汝詩道因窮愈進人在見從遲
日月茶千樹風雲憤一犁我生宜置此念子悵何之

對梅

梅亦何須刺焚然枝節間宜辭衣做絮忍使對寒山
心遠宜相問鄰孤恐見殘護蘭有枳棘知爾自防閑

著屐

綠稠催菜雨紅綻落花風著屐行茶地連泥解果叢

宋中尉詩集卷三 五律

十一

驩虞向慵僕龜勉課微躬日暮臨池上游魚荷葉東

巖池

一池清淺水風至綴微文浮喜細蟲會暗芳春草分
得無同培井何必不山村自笑望洋嘆猶從小大論

魏石林楊雨三在過東巖遂同陟峴諸子集飲

念曾止山于田

遂與登三峴村醪猶未醒誰知寒谷闕今有遠山明
小坐移深夜高談肯近名來朝各趨事得不念曾生

落花

東風持有力花落不棲塵蚊蝶飛相亂年華認未真

幽人曾感物客路倍傷神一徑松杉下歸來又夕曛

甲午聞巖下人逐巖上虎

屹然逐乳虎作勢坐層巒集眾吹牛角爭先負竹竿
奮身真少敵掉尾轉懷安羨爾萬人敵徒爲壁上觀

卽事

蕉綠驚雷展花黃着雨收春秋非有異花實自相求
作水秧田長鋤荒菜甲稠苗畝豈易至一一盡吾謀

林中得四季桂伐去其傍草木

香氣出林中披榛得桂叢枝榮低散木蒂弱攪飛蓬
秋夜娟垂露春天芳帶風物情應勿在未敢計陸菴

宋中尉詩集卷三 五律

十三

水蟲

水蟲行自適時止聽其之逐隊穿蒲疾全身沒藕遲
賦形元不大善動有如斯我亦無餘事頻來立小池

春

耕田方得食糶米可辭春况復當閒暇居然勝賃傭
批糠不可棄粗糲亦誰從無肉令憔悴藉茲庶固窮

鷓鴣

見獵心猶喜聞鷓鴣欲凌經邱尋壑意乘耒荷鋤能
自樂有童犢忘形獨野僧鷓鴣行不得警我過孫登

天明豹攫隣婦門噉犬彘相助發喊驅之

小豹攫門急隔隣獨婦驚如何已出日尙不自潛形
縱健猶能逐真貪豈易平時艱欺寡弱一起拔刀情

二

結屋峯之上汝從何處來猿攀三面仄鳥道一門開
飢飽關生命甘肥實禍胎先王重設險扞禦有良材

俯仰

仰行緣木蟻俯入沒泥鰍上下不餘力巨微同一求
病衰秉耒怯心苦讀書愁扶杖慚無補林泉事事幽

示道爰幼剛楫兒

我至桐初葉今花開漸闌歲時全不歇草野敢懷安

朱中尉詩集卷三 五律

三

茶採存枝弱田耕待水漫當前有消息自試在艱難

桃石訪卞醇公

翠微兵火後勝地亦傾頽倚杖公重至沿波花漸開

綠辭千畝竹青失百層臺謂我何多感春風上草萊

二

天氣清如洗山行獨訪師花香多近澗泉響暗添池

學稼原非老折肱猶莫醫澹然隨意得相送掩柴扉

歲暮酬林菴主人

歲暮各有務因子遂入城轉令憂室誦不及重交情

擁被寒無已傷心天未明獨知霜雪意欲共此宵清

自章江下南湖與婦子別將赴易堂

秋山雲亦好野岸草還清今日扁舟上何愁不可輕
人門因婦子發櫂見平生冠石西峯裏茅齋正落成

滕王閣寄王敬堂憶甲申夏于此送敬堂南行

王子從軍日惜分在此樓邢關星墜後梅水客行愁
數幕張平楚羣駒牧古邱那堪高處望色色已邊州

新滕王閣作寄楊惺

不須更弔古登此卽能悲暝色孤舟下秋聲獨鳥飛
一樓猶再見萬里竟何之可惜西山老年年采蕨薇

湖上九日懷易堂

朱中尉詩集卷三 五律

四

登高所見遠于野獨心長天地如斯大溪山總不藏

濁膠何損益勞雁獨回翔怕極向南目知君千里望

易堂送魏東房入潮幕

最深今昔感一上翠微峯只此十年事廢興殊不同
伐條開道狹鑿井得泉通我到思高卧君胡復卽戎

二

在昔潮州守憂虞動百端不過纒祭經况乃近稱干

此去幕中住須知居上寬困鱗與怒翼風雨一時看

胡心仲辭往樂平營尊公聖占先生葬

上春難作別幸汝遂言旋今又營先葬能無去半年

尊公死得所吾子象須賢珍重鄱湖水孤舟取次前

二

正當離別夕月色倍常明茅屋深羣石晚烟平一城
他時宜對酒今夜不勝情誰念杜陵句塗窮仗友生

月夜寄心仲在峴治裝

清影仍如昨舉杯少一人自茲多好夜何以慰離羣
室遠况無幾心悲已莫論誰爲千里路孤爾客中身

己亥冠石送曾止山之舊京將往雲武訪令兄

庭聞

爲農方得耦何以遂南行不憚滿江水言尋絕塞兄

朱中尉詩集卷三 五律

五

平田雙駕穩野雁一舟橫量得添愁思啣盃恨獨醒

二

分手千山裏梨花樹樹開夏畦皆有愧麥飯獨含哀
未見南游客猶傷北望懷憑君將此淚一洒雨花臺

送蔡立先歸江舟省墓

久客還鄉井由來心所期語離纔進酒把手又含悲
將亂人誰念云亡世可知尊公未了事珍重放船時

二

三人皆秉耒一母獨尸喪此地亦云苦古人重固窮
但期墳墓在莫問市朝同歸到柴桑日東柯入夢中

孤雁作寄戴無忝

孤雁亦何與其如久客聽翻飛無定集淒切念同聲
豈有稻梁計如深湖海情生平于野意一爲下空冥

二

六合亦云廣同行尙未無爲誰甘獨處不肯向羣呼
白水湖南澗黃蘆塞北枯念君何處泊愧我不成孤

寄躬菴

曠懷生獨立延佇亦何爲試看背巖下蕭蕭綴古梅
聲香俱不事風骨必須推倚杖過橋去折之將寄誰

宦莽示鍾司李死難傳

朱中尉詩集卷三 五律

末

十年梅水客五日虎頭城最喜聞遺事深慚沒令名
知兵空抗疏葬母獨傷情爲示鍾公傳相看一涕零

五月二十二日同魏凝叔寓余小令漢閣大小

嗣公攜酒菜至

千章閣下樹一畝水中村不復知行旅居然好弟昆
潮聲驚夜半雨勢沒山根相對愁魚鱉盤殮又到門

索余董仍酒飲

家釀知君有能爲客裏傾泥中難步趾札到想開瓶
色與麻姑白香聞荔子清近來關隔病不獨慰離情

喜江玉仲自盱城過訪留宿

負擔來黎水心期先識君安知將一月始得扣衡門
啜茗自泉好登床已夜分東林月色照不覺有離情

江玉仲邀遊日峯

作客易知暑相邀登日峯涼風滿北戶赤日盡西窗
幸長千尋竹初栽三尺松寒泉山頂上舊說解門通

赴南津鄧九 坐竟日

出郭門何早日陰都在樓葛衣宜若做山氣欲成秋
客子東階上主人南市頭如君稱大隱竟日足淹留
將過貨聖寺訪木立和尙經南背方丈

在昔感知己子生况恨人三年纔赴約一雨竟連旬

朱中尉詩集卷三

五律

七

嶺海新兵馬江城舊苦辛羨茲堂下草葉葉自爲春

江玉仲邀同魏冰叔過劉氏園駱聖文來坐

野人無外慕林木卽依然久客正當暑新知况復賢
採蔬池上圃煮茗石中泉約我來朝食同過劉氏園

二

通名具折簡一拜此園人早出知何處欲行恰到門
短衣仍跋履列坐更延賓宿酒未曾醒憐渠意頗真

三

內室斜通徑名園却倚山直從花底過先望竹林間
一帶籬門迴數椽亭子閒方池有暗水日夕自潺湲

四

結石成陰洞高頭平作臺夜初應月出暑甚已風開
石鼓千尋磴東柯百尺崖相看翻羨此秋思正中來

五

沿波殊苦仄種竹盡成竿碎石結階廣高林生晝寒
能于一徑曲直作遠峯盤再轉平臺上江城任意看

六

一溪何處水萬井此時城不見估船泊惟聞夜哭聲
輟耕供馬草負擔送王兵欲問羲皇上君知卽此亭

七

朱中尉詩集卷三

五律

七

天然青石案隨意白磁椀度曲清兼濁傳杯滿更乾

藍關聞擁雪赤日欲陵寒信有移情術吾生只考槃

坐客有唱雪
擁藍關者

八

最愛能香樹如何竟滿園折枝筒小管塞土灌清泉
果熟堪充佩花開直賣錢自慚生計拙負若向黎川

九

一峯圍牖裏半畝帶清池對砌生芳草連天落翠微
好風隨谷出明月到秋宜可惜當西日高梧得數枝

十

相與樵客舍繙案得奇詩生日逢隆萬出言多涕淚
羈人須自適好景欲相期祇恐重來日秋心苦易悲

次韻酬黃元士

客中淹一夏反不恨歸遲時飲黃公酒誰披董子帷
清通能讀史文藻善題詩再出諸書敘如逢韓退之

江惠遠亭子

兩溪南郭外最後過江亭徑以山田得門因花樹成
藏書當自賞釀酒不頻傾坐惜歸擔速秋風客路生

甲辰早發廣昌

殘葉疑栖鳥寒空動曉光夢醒身在客地困夜嚴裝

朱中尉詩集卷三

五律

九

入堡人牛慣供軍井邑荒指麾煩大燾山鬼爾無良

二

叛卒知虛實還多好亂民深山初奮臂大帥早移軍
穀賤豈愁食時艱偏疾貧徒貽宗黨累連坐日紛紛

順風舟中苦烟

風送歸舟好誰知行路難天明強伏枕腹餒畏加餐
莫怨遲登岸還期暫倚灘功臣原有閣笑起看前山

冠石簡熊養及在赤石

春深山信至倚杖過西枝巖下諸傭作簷前獨鳥飛
行田思稼說聽水愛吾師爲問翠微客還家定幾時

改舊詩

南北如絲路行人朝暮間峯雲合白日閣雨斷青山
擊鼓連年急桑田何處閒看君鴻鵠舉千里會非難

庚寅過喜歸來堂哭歐陽憲萬夫子

井井田廬好惟悲人已亡服衰無孺子待養上高堂
世誼多兄弟交情重死喪生平未了事終夜起皇皇

二

治家諸紀畧粘壁列如星使眾苦勞適提綱分數明
陳平分社肉陶侃具船釘世亂奇人死吾生何所成

三

朱中尉詩集卷三

五律

十

殺人寧嶺海寒疾更難醫莫下山河淚難禁日月馳
野田猶力作孤鳥尙高飛一樞空山裏荒涼無盡期

偶示妻子

曾聞得一士生死不相渝寒雨傾新釀深燈坐做廬
幸儲今歲穀且教二雛書茶罷出門去歸來定歲除

二

萬物皆于我原生七尺軀賤貧誠瑣瑣富貴亦區區
白髮吾新老春醪夜不虛牀頭無寶劍起舞曳襜褕

喜萬杉寺新復貽剖大師

曾向城南角遙看湖上峯萬杉今始到五老竟誰從

草滿章門路雲開寶樹叢盛衰應有在持此問支公

宿剗大師禪室

入秋猶苦熱步擔扣精廬月出光爲水山空樂似魚
早暮碑字古纔識夜泉虛白髮吾看汝何人問讀書
同吳稽田宋未有查小蘇魏叔子過陶彥存不
遇適至吳敬躋宅

家住匡山麓居然名士風有田仍種秫比屋盡栽松
好客薰妻子傳餐及僱傭主人何處去荷擔過牆東

秋日登五老峯過陶彥存舊址却寄

望裏清泉潤知君舊日居涼風時倚樹好水定遊魚

朱中尉詩集卷三

五律

三

莫叱歡顏厚徒煩賀火書登峯殊不易今日更愁予

阻風李陽河登迴瀾閣此地乙酉爲左兵焚燬

用壁間邱季貞韻

飛閣猶江岸舟船今再過南風全不起秋水一何多
興甲成狼狽頽牆長薜蘿誰貽荆楚患倚檻獨悲歌
邢溝遲凝叔在淮不至

到處求朋友遊山非偶然百憂知我貫雙眼爲君穿
都會多名勝奚囊尙酒錢忍看淮水疾時有下關船

十月雨中對梅樹作客廣陵

寒風吹暮葉細雨繚疎枝祗謂花將萼翻令客易悲

好懷田父酒孤寄野人詩家近嶺南客來看正此時

抄詩稿寄內

春汲寒山暮開減定解頤瘦將追賈島澹可近王維
直作憂時語還題傷逝詩人推林下味汝識女中師
寓蓼州赴樂汝典江樓看雪酒中君起叔唱大

江東去

今日果然雪來君樓上房流分溪水黑風定野雲黃
畫舫聞橫遂寒爐唱大江汝園如作客辜負鬱金香

謝洪斐子俊餽合酒

看雪最後歸圍爐火正紅使傳嘉貺至人愧好情重

朱中尉詩集卷三

五律

三

拒收芝蔴外葡萄玉枕中千春今日樂不信阮生窮

李陽河遲吳季不至風息見有船下同舟人

欲開

昔年梅水曲近約李陽河子孝書難達時危信易訛
登邱空極目把手定狂歌忽報江平穩帆帆奈若何
喜吳秉季來卽入舟同下烏沙夾買魚酒飲我

葦花閒似竹江水靜於簾纜解船真下君來風正纖
不知沽酒薄但覺煮魚甜今日誠何日相看已白髯

村童早揀花書以勗之

農家有好事泉水在山清天地重勞苦憂患識死生

窗吹新竹露雀起野田聲孺子來何早居然似執經
送幻公往許灣兼訂來期

兩度過茅宇相留未一年深更風雨夜半閣雪霜天
人訝長無睡心知老坐禪寒江下木葉早爲憶梅川
壽湯長人子政令祖母百歲

氣厚方能壽恭人生理長歸窻先入廟急難每傾箱
世可眇雙目名應待二郎登堂羈賤事遙寄石岩香

朱中尉詩集卷三

五律

三

朱中尉詩集卷三終

朱中尉詩集卷四

七言律

明 朱議霽著

命楫孫往桃花嶺省墓

世亂悠悠多病身高岡執手益傷魂出門猶記垂髫
子歸路居然負擔人我在此時知結友汝生斯世尙
無君先塋一拜如何哭莫使哀春杜宇聞

曾庭聞邀騎馬過龍須看地歸適李臧齋至云

早過冠石視楫兒病

十年倚杖誰騎馬眼暗髀創膝不申鏡下正嗟人坐

朱中尉詩集卷四 七律

豫章叢書

老酒中愁見客呼門乾坤潦倒雙鸛骨風雨支吾一
幅巾吾子病深應作苦感君念我獨傷神

辛丑春看任幼剛吳子政鉏

結茅送老古梅川有子躬耕川上田但謂荷鋤容食
力安知負病遂經年梅花開盡臘前蕊橋木初平雨
後泉相對何曾殊舊日祇今愁思輒潸然

承李默齋爲楫兒視病

年年將病送殘春今日花開只閉門酒力果難通此
夜方書何苦誤斯人止啼滿徑空黃葉餽客前山有
白雲但使吾兒能不死擔囊負杖許從君

懷彭躬菴

正是思君徒倚時梅花片片落高枝草湖屋後同呼
酒冠石柴邊獨賦詩方外書還聞益遠山中人老悵
何之瘦男病久殊哀食藥論醫經日掩扉

辛丑正月廿一日雪同諸子飲

一冬苦雨接初春每日峯頭望雪雲厯厯紙窗人不
寐蕭蕭竹屋夜猶聞飢寒未必稱貧士歌哭相從憶
酒人徑仄陂深天又暮桃花獨樹對衡門

春日讀匡廬遊草

行看谷口桃將放坐對梅花香漸闌策杖幾時離冠

朱中尉詩集卷四 七律

二

石輟耕直欲到匡山吳頭楚尾自形勢古木幽人相
往還誰使東巖成一老來詩把讀已開顏

冠石

城西之石峯嶙峋冠石之冠古製存初以力耕久爲
客時因避亂還成村窗間無數桂花葉屋裏一株桃
樹根山口竹柝響清晝遠林歸盡鉏茶人

魏石牀在示白菊詩因和

種日如何分紫色開時亦只數金錢鵝籠乃肯寫白
意菊花以汝爲知言半髮短濯寒露下瘦杖直立秋
風前盤溪十里喜相過力疾起吟清渠邊

山中新晴喜王頤菴枉過

書到言登石鼓峯茶人春盡未相從正看風日能如此
纔識鬚眉自不同千里江南嗟落羽十年嶺北學
爲農鄉情今日猶關切鐵甕金壇似夢中

楊山訪友

千尺天峯西郭前長橋淺水帶漁船出門以此不知
暑采隱于君似得泉細草無名紛老眼疎枝隨意上
頽垣看來何處非圖畫笑謝王維守輞川

讀大冢宰公行狀東宜振竹林

元老孤城竟死之中丞傳後不須疑貪生但使金能
贖先去寔無枝可依庶見衣冠傳舊德今知忠孝有
餘師自慚同地論交晚不及牀前入拜時

朱中尉詩集卷四

七律

三

下橋

侵晨懷刺出西關每到長橋意自閒兩岸人家齊種
樹一溪流水曲依山下船春米先冬辦船上設輪與
日以隄堰水
置船急流處傍屋犁田入夜還直欲此間成小築憂
衝輪杵米
時復恐徙家難

贈廩山西堂靜公兼東適大師

相逢豈意古黎陽哭罷還歌此夜長萬里舉頭瞻北
極三年行脚在西堂死心人荷烏藤杖泣血詩歸緇

布囊馬祖叢林徧天下當令一坐斷諸方

寓報恩寺聽願龍川語林大托孤事感賦

詳冰
叔送

龍川
叔

忍能靦面負生君廷尉何勞直署門長夏茶籠來古
寺初秋殿閣共南薰相逢但謂風塵老久客纔知慷
慨人多少遺孤荒塚在獨留杜宇自招魂

南園贈鄧貢父

南市久聞成馬肆旅人今喜問山園竹於牆外疑無
屋亭在江邊卽是船細雨過花初落石涼風到樹欲
鳴烟况君好客多真意襟被終來一醉眠

朱中尉詩集卷四

七律

四

飲有竹園因悼許雋萬竹意諸公

盆列花枝看水桂砌生草樹愛秋蘭微風入戶當良
宴新雨留人出好山十日縱來難盡飲三秋相見易
開顏東谿忽憶同遊者一去人間竟不還

客中喜頤菴同其友來

十日期君同出門客中二日更思君荒城初合山前
雨急水已過原上村砍地莫哀吾已老放歌須酒意
難陳安知又得交吾子世事應推年少人

梅花時喜躬菴歸卽書爲祝仲立壽

兩年纔見故人歸尤喜巖南正放梅獨石能留冬日

好連林不到晚風吹欲憑持贈之千里安得來遊共
一杯爲說今年君六十相看使我益低徊

同甘健齋躬菴攜竈■東孫遊值白桃花

嘉客春晴正好遊下完石磴涉溪流半園老菜黃花
炤十尺清渠蒼壁浮稚子無心惟一往野人高興輒
淹留當前忽見白桃藥幾點臨風草樹頭

二

分枝種核不能成誰意逢之在此行免我歷年勤灌
溉慚君覲面昧生平相期西嶺閒雲影獨送東巖流
水聲斗酒亟攜須盡醉天涯何必惜分明

朱中尉詩集卷四 七律

五

金精懷古

長沙五嶺在其南襟帶湖湘控百蠻開國勳庸多女
寵分封茅土豈遊閒輿圖自紀金精洞方士因傳石
鼓山高帝當年猜忌甚將無彷彿赤松間

讀石城廖太初刺史傳中云三王之國時欲折

沿江民屋輓舟公編木筏置江滸船以次曳

上屋得不毀有感于辛丑之役也作此詩

使君昔在當塗縣帝子分封正輓舟盡道沿崖皆苦
役直令徧戶不知愁楚吳濟餉全加派嶺北徵夫若
繫囚記得當年三伏裏生離死別哭啾啾

癸卯五日早至程山值謝約齋先生外出

輿上舟中三日行雨時負擔入西城萍開魚過翻無
影水滿荷傾煞有聲野鳥愛人留獨樹山風吹葉下
閒庭今年五日兼元日自嘆狂馳老此生

二

入戶初聞蓮葉香四圍高竹立如牆欲於左角爲樓
屋直見西溪下草堂到此輒言山大好幾時能與子
偕臧晨飢竟入煩湯飯彷彿麗公主客忘

何天若過寓投以詩約旦日飲酒酬元韻

獨樹閒庭日色曛披衣宴坐忽來君薔薇浣手方成

朱中尉詩集卷四 七律

六

露杯酒招子更論文大劍長槍堪命世免毫龍尾自
爲羣頓忘懷有彌衡刺明日高樓看白雲

過龍湖渡訪友

一見溪流心已涼捨船覓路傍長楊圃人水蔭瓜瓠
熟夏日風吹禾黍香野寺問僧惟乞茗閒亭作客漫
登床世情益睡非吾事山色陰雲出短牆

壽昌訪其公喜與日怡上人談詩酬元韻

植杖終年梅水隈酒酣時喚老農陪誰爲國士甘吞
炭自分寒儒謝畫灰潮長百川能善下詩攻三體恨
風頽最憐神駿尋支遁何意逢君笑口開

黎川送徐任伯還楚予亦將還金精

無有堅城在目中如君纔是楚人風酒情真欲忘天
遠車迹何曾泣路窮世上幾時存故舊山間有土任
從容秋聲一到予歸去贏得相思十二峯

贈別隨州何天目

漢東之國隨為大君反栖栖道路中草字須知原有
聖工詩莫謂果能窮自來國士門風在何處東亭情
好隆歸去掩關編四史嚴霜九月落高風

酬陳崑良原韻仍約九日在過冠石

主意徒悲白玉盤黃花寂寞楚人餐名山負此多佳

朱中尉詩集卷四 七律

七

日好客將誰延古歡病後酒腸真是窄目中天宇亦
何寬身非曠士難登望野岸芙蓉待汝看

九日奉贈東山翁見慰原韻

世事千盤與萬盤感君相見勸加餐圃農請學慚非
老稚子當前果大歡讀史誰將為俊傑生平今已備
艱難中原聞說都安穩青壁茅齋且獨看

過彭商叟荷全居

德操尚執田奴事王粲殊深鄉國情人道廬廬依帝
胃誰知抱膝托儒生多年南峴瞻城郭幾日西山列
戶庭名士到今曾似爾吟詩栽樹費經營

壽李官玉先生七十

朝廷醉眼送江東嘗痛桓靈喪亂自我耕農依冠
石懷君兵火共簫峯晚年得子看婚娶盤谷移家有
弟兄何事怕人來獻壽角巾瘦杖訪山松

盱水贈宋岸先

結客不肯結熱客一逢寒士即歡顏十年心事燈前
舞百里晴嵐馬上看豪俠漫誇河朔會周旋直在鄭
陳間阻船白晝全無恨更出奇書似賈山

送曾省之遊廣州

笑我勞勞道路間今年閉戶當加餐野田勸僕春驅
犢豪客欺人夜扣關子可負薪方省墓妻能炊黍復
移山送君東擔東遊粵路在門前信不閒

朱中尉詩集卷四 七律

八

麻橋訪章弼自童子塾中兼訂麻源之遊

章氏祠堂近市廛訓蒙教子老遺編直從隄齧知神
駿豈向胡孫問水田眼見太平須上壽坐聞獨睡已
三年匡床做絮竹爐火似汝無營真是賢

二

麻源聞說勝桃源弼自隱麻源大笑文人每浪言靈運好

遊心已雜淵明醉酒石能傳兒留笋肉知供客婦把
耰鋤學灌園相對已然高士意披衣終向草堂前

贈人

少年無賴走邊州馬上曾臯上將頭豈有數奇都尉
恨祇緣天墜杞人憂獨醒喜贈三閭賦高卧能懷五
嶽遊謾說草書繅劍器燈前常自看吳鉤

壽昌寺觀其天和尙送別曾於密

長溪久雨沒高枝六月山樓尙布衣貧士漫同元亮
咏王孫誰賦少陵詩舊云儀禮全于是近識忠經亦
在斯紙繖芒鞋何處路還看執手問前期

贈別鄭君

君家原有鄭當時千里賚糧笑汝爲何意好龍皆僅
朱中尉詩集卷四 七律 九

似只今題鳳有如斯南溟徙運風須厚北地封侯數
豈奇况是杜陵稱谷口麻姑山下好栖遲

和冠石飲

空山豈得不須酒負病經年未舉觴男子畏閒消日
月功名有道薄侯王事期管樂寧辭妄交短雷陳莫
笑狂今夜燈前當強醉春風門外有嚴霜

後飲酒詩

相歌未已還相泣莫謂荆軻是酒人后土皇天能有
汝深山窮谷任長貧老僧曾訪田橫島子弟誰成河
北軍燒燭揮杯剛夜半人生何必畏傷神

答鄰翁

爲報崖陰地不肥腰鎌手插未曾離欲艾惡竹先挑
笋因愛佳花屢剝枝直雨橫風天地大築場爲酒野
人宜東巖物色真如此老圃能無憶昔時

冠石留別楊雨菴

每懷良讌淚盈巾楊生任生喜尙存挾策爲誰淹儲
嶠挈舟獨汝到山村幾年負債爲逋客深愧分金有
故人且與採蔬同日夕老年長路最傷神

賣茶黎川值曹仲約明府誕日奉贈

古人恨不當民社今見黎川有使君風政但期驅害
馬榮名直可視浮雲先公當日惟求士賤子貪夫肯
用文問說茯苓堪獻壽長鏡歸去剝松根

朱中尉詩集卷四 七律 十

甲辰故山除夕冰叔招同躬菴飲和公幼剛子
政遠遊習生道爰在冠石時熊養及自鹿渚

來拜冰叔門下

椒盤來共十三年尊酒前陳意惘然長路遠慚人負
擔隔山深念汝居田乾坤多事勞雙眼日月無情過
一肩之子不來空夢寐常疑當世竟無賢

夜到壽昌喜晤座上客

徑轉林開十畝官荷渠花發野池中蟲聲不斷野田

草月色初生遠寺鐘消渴不須春若白甘寒最愛晚
桃紅從公遊者皆佳士蓮社今逢雷次宗

再過彭商叟苟全居

傷心不忍看南雲寧擇幽偏半日村豈日望山嗟志
業有時企脚想真人家藏善酒能留客屋樹新松尙
閉門對宇望衡懷往事東巖苦隔石嶙峋

懷魏凝叔

書還甚說去西陵擬到吳門秋月明玄墓梅花難待
賞虎丘曲子定來聽新知更赴淮陰約歸客纔揚江
上船今日嶺南飛雁盡望君頻向白茅亭

朱中尉詩集卷四 七律

七

留魏元綸

曾向寒江共一舟浪高雪落使人愁客歸遠路如登
稼屋在孤峯勝倚樓寒日開梅常獨樹故人負擔忽
相投壺樽未盡頻言別笑我長年水上鷗

魏元綸同胡心仲溯贛江過訪冠石遂以女字

躬菴之子厚德于其行也詩以贈之

章貢臘月水一線孤舟日落石峻嶮婚姻人盡愛攀
附朋友世久趨利名共結殷勤有文舉別設坐席待
延明梅花欲開開不盡十里寒崖送子行

寄溫引年

春風昨夜動郊坰細草孤枝分外青日月幾時無事
業乾坤終古笑儒生寄書可惜圖鍾會報漢翻深托
李陵昨日宜陽傳孝子十年歌舞不曾聽

除夕同熊養及石閣梅下和躬菴韻

獨有梅花可似生生年十四值天崩寒風不顧吹千
里濁酒常饒到五更戶外霜煙環石閣籬邊野燒出
山城人間今夕誠何夕莫悔單衣繞樹行

賀黃元士六十壽爲閩人辭却寄

海內兵戈二十年詩書滿座卽神仙南中舊獻天都
賦池上將詮秋水篇楊柳枝垂風裊裊芙蓉花發露

朱中尉詩集卷四 七律

七

娟娟登堂正好酬春酒笑返山陰雪後船

寄秋芥爲涂澹五十壽

露下晴初製紫茸錫瓶隨注過筠籠封題桃石杖藜
子寄壽黎陽桑苧翁學易有年留碩果看雲稱意任
寒風天峯更比南山近千尺蒼枝落酒鍾

丙午八月別程士喆載鹽往南豐

蜀岡贈別雨連天章水相期倍可憐曾羨有兒能學
圃豈知無祿已經年白頭乞食慚元亮素手謀生托
計然君念王孫不望報蓼花風起夜開船

客新城

關風細雨客新城濁酒頻斟畏獨醒痛哭傲帷驚午
夢愁吟永夜動寒燈傾身營飽長年路倚杖看雲一
草亭猶記二雛嬉樹藝牆根尺地蔓瓜籬

同夏抑公赴環勝山飲

半歲章門惟見面黎川一月得情親纔知李嶠稱才
子自信樊須是小人風景每期高處好盤餐更愛此
君真憂來莫絮當年事爛醉雲安麴米春

賣茶新地簡夏菊莊進士好方脉地理

君謂陶公勤庶事曹劉方駕總非真且令肺腑爲知
己莫使山川善笑人青樹繞廬長是夏寒泉迸石不

朱中尉詩集卷四 七律

三

須春比來負擔無奇勝我亦歸休隴畝民

簡涂允協遊良疇卽以爲五十壽

秋在溪山分外真向來歌酒亦何煩曾云一日當兩
日肯使今人遜古人花樹自今成細路風雲常擬到
衡門願君卜築無嫌遠芝草琅玕日日春

題楊晉卿齋曰靜好索詩賦贈

以君得遇章皇帝不數吳門說况鍾仁術但將鄉曲
用賢豪欲與古人同花間覓路曾三婦屋裏爲亭對
一峯更向齋頭尋靜好資罍取水種芙蓉

丁未楊元卿邀過五泐看溝橋處語及其施子

之故遂書之爲五十壽詩

白屋能名萬石君前朝吾邑廿三人布金志在彼祇
樹教子心懷古義門甲第金張多茂草詩書鄒魯半
垂神祝辭正笑從何起此卽千秋金石文

廣昌晤黃爾岳財知謝中菴翁七十又一小作

奉寄

輿過平西聞獻壽黃家兄弟果多情敢忘行藥生豚
犬猶記留賓泛涑鄴負擔賣茶淹白日垂簾晏坐誦
黃庭自慚十二峯頭客爲請仙人張麗英

酬顧東山枉贈元韻東山知東巖製茶自曾君

朱中尉詩集卷四 七律

古

有

何物書生能好奇致令嘉客費相思美貽忽漫將詩
至匪報翻嫌製茗遲靈草自來依石種野人誰與合
時宜肯過東谷披藜藿細煮寒泉笑更癡

賣茶黎川四十日不得過壽昌喜梅和尚出廣

照寺

風流軌範與誰同常憶東林對遠公入肆近難售白
茗到山多是看丹楓幾時瘦杖離溪上忽漫方袍扣
耶中連日炎蒸無避處試來殿角坐涼風

病中酬周伯恒先生原韻

石下陂塘上樹林涼風半夜識秋深漫將善藥求真
疾起把佳篇愛苦吟好客偏爲遊子計居官全似野
人心杜門南浦誠何事欲慰皋魚淚滿襟

二

避地黎川仍姓林繞廬已種竹林深茶因旅食頻煩
摘客爲心枯久廢吟蘇圃梁春纔隱士周妻何肉負
初心終年藥裏扶衰病真似殘燈與素琴

送吳企岡還池州

梅川四載仍疎澗此去池州幸早還冠石卽今稱稼
圃金精自古出神仙獨身負莽塗千里終歲爲師手

朱中尉詩集卷四 七律

七

一編好是送君偏抱病唧盃泚筆意愴然

贈吾廬主人

地勢天行君識否直如信宿過蘆萬間杜甫愁風
雨一室陳蕃謝掃除河朔海南曾信步博徒劍客總
關渠誰云萬古神仙窟季子經營花樹居

冠石得墨歷和尙信書蕭孟昉五十

龍眠老僧說茶偈冠石于今已十年倚杖近聞精舍
好奇書頻道主人賢賦成嶽降三冬日詩到春浮二
月天馬齒自慚先一飯荷鋤終歲在山園

爲查小蘇書卷贈巫巒穉司理

荊州一識翟公門六月林風湖水濱風度屢懷非俗
吏笑言當日見天真肯將宦澤爭磨勘直與山靈愛
隱淪爲問韓康輕絕世索詩書卷亦何頻

壽涂太君七十

冢宰之家有冢婦不知自幼出高門閨房侍妾竟如
友燈火鳴機直似貧黎水參丸見柳母塗山蘭譜及
茶人山中歲歲生靈草採製無嫌獻壽頻

江州蔡立先來宜都迎令弟幼麟歸贈別

二月桃花雙鯉魚杉關千里獨驅車直從梅水邀浮
宅共返柴桑慰倚闔十載別離勞遠夢三秋名姓見

朱中尉詩集卷四 七律

七

賢書生民實苦還堪賦莫負金精舊卜居

二

相逢共拜草堂前執手披衣意宛然幾夜月明人盡
醉一朝風好客言旋東巖指點同棲地秋水蒼茫欲
暮船此別知君方遠馭憐予送老只梅川

壬寅除夕泊橫塘口同吳踐明考廉

上水篙師歎路長好風指顧泊橫塘歲當晚暮雲山
黑隣喜舟船燈燭光病肺憐予今止酒高懷看子獨
傾觴田家楫拙能無念此日天涯是故鄉

山中酬嚴未能

黃霧江頭問北船麻衣布帽揖君前長安已隔三千里死後豈知十九年細草頻生新犢飯野池長注在山泉來詩慰我情何厚早結蝸廬做孝然

過吉安舟人以風利不得上岸簡嚴未能

短篷做葛出梅川沙際炎蒸欲墮鳶去國自慚惟負病寒糧常恨不名錢來經信國生身地曾有楊公下瀨船江楚故人難問訊此行何苦得風便

有飲以樟樹下井泉者感賦

江上橫流欲到天莫從汲井得冷然茗香正憶能仁寺湯好何來無錫泉樟樹高陰消暑色地當要會聚

朱中尉詩集卷四 七律

商船爲言砍樹人寥落此水煩君忽浪傳

入市爲內人間藥

數畝茶園梅水西終年閉戶更編籬眼中樹出白雲上山外城隨綠草低野老無家猶責賦農人望雨正當饑芒鞋步擔斜陽道敢怨天涯一病妻

過曾庭聞東亭言別

壁挂長弓柱挂刀聞君又說出臨洮木香花覆亭中雪石戶寒開春後桃飲酒莫言澆磊砢讀書真可長牢騷曾看簾外新來燕一一啣泥向舊巢

同楊惟明溫聞衣登鬱孤臺

十年重上鬱孤臺斜日橫雲秋氣開遠水夾城仍北下前山孤鳥向人來祠神酌酒笙歌鬧移鎮催軍鼓角哀明夜扁舟予獨理故園聞說是蒿萊

二

聞說亭空客已悲荒煙漠漠竟壇壝名王擁妓曾張宴當戶關弓日射麋勝廣策疎輕合從許張志決死重圍可憐二十年間事鬱鬱高臺獨見知

舟過舊京至維揚訪陳伯璣程士詰出耦耕圖

見示

長買江南千里船鍾山荻渚尚依然自知帶礪于當

朱中尉詩集卷四 七律

六

代何事流離值暮年往路正逢秋水泣食貧敢使故人憐別來我亦無長策家傍金精學種田

程士詰招飲賦贈

廣陵如此繁華地有客栖遲寒雨中着屐不辭灑岸滑當筵肯放酒樽空布囊牛乳方成餅手剪煙頭雙卷筒感子用情真不一由房還指菊花叢

赴劉峻度飲罷喜月出

此夜不知千里外天高雲盡月華生暉暉叢菊寒中影濯濯疎桐空際聲自昔西人多板屋如今南國少園亭紅燈白茗頻移座醒客如君纔謂能

過劉峻度宅訪躬巷

數竿高竹倚牆生，曲巷方園帶晚晴。望裏定知非世士，到來更長住山情。檐前片片溪流白，雲外枝枝石壁青。正築稻場看穫日，兩人何事客蕪城。

贈餘姚邵得魯之燕

近來心識姚江水，豈意邪溝得遇君。洞啟陽明能幾日，書傳越絕定何人。予羔漫閉三年齒，平仲無煩七尺身。好策蹇驢風雨路，長安好客有將軍。

病畏風不能借冰叔登燕子磯

三百年來燕子石，狂瀾駭浪盡安流。江湖萬里分南界，吳楚千夫運北舟。蘆荻尙思當日賜，衣冠真羨古時邱。悲君極目空亭上，雲物鍾山正暮秋。

宋中尉詩集卷四 七律

五

同魏冰叔梅花嶺拜史忠襄公墓

秋盡天寒夜不霜，短衣大帽拜忠襄。梅花是嶺堪埋骨，榆樹成林竟出牆。飛馬直來開兗豫，降帆迴指下江黃。莫云緩死文丞相，忍見中朝一日亡。

同劉峻度登平山堂

此地曾經立馬看，長林華屋任凋殘。纔知勝跡原非偶，卽望平蕪不肯還。城外白荒今日塚，江南青出舊時山。籃輿在路天來晚，秋葉虹橋酒肆間。

贈天宜巨渤大師

巨師與萬杉剖公皆具德和尙門人

六月擔囊過玉京，萬杉壁上識公名。每懷風穴無人我，今信天親有弟兄。歲晚塵中憐病馬，寒崖枯木叫飢鷹。曾知栗里逃蓮社，嚴駕無終尙未能。

梅尉嶺訪高叟明年七十歲却贈

愛向山中問野民，非關州府獨嫌真。地分梅尉仙人嶺，家似桃源花竹村。衣服不知誰魏晉，經書多及古君臣。如何炙背南軒下，五穀當年正入秦。

廣陵別涂子山

茶人負擔古黎川，日試陽山第一泉。泥土久同遵老識，竹林每說仲容賢。廣陵寒雨俱爲客，鄱水長風欲去船。白首燈前看獨笑，如君絕不夢田園。

宋中尉詩集卷四 七律

三

邀君起叔過古石亭寺看雪

滕王閣畔石亭寺，冒雪邀君出郭來。風裏遠船時到岸，愁邊晚歲復登臺。寒儒愛日天翻暮，北牖看雲冷亦開。漫道江城無數客，兩人逸興尙悠哉。

壬寅小年夜寓蓼州陳君儀姊夫飲我感賦

已知度歲如常日，爲庶爲農十八年。藝術何其淹里巷，館餐甚喜得周旋。高樓凍雪風猶吹，罷酒聲歌夜未眠。先子當年能擇婿，看君老大尙軒軒。

送魏和公入廣州司李幕

送君獨去五羊城
四月山塘荷葉生
舊識荔枝香似玉
誰知蓮萼苦于僧
魚龍易起朝宗怒
鼠雀難推速獄情
長憶赤岡何所為
賈彪雨雪正西行

送梁質人歸南豐

終年頗覺傷哀樂
得汝如逢絲竹音
夕栢月明青壁路
晨門風入白頭吟
孤生自分惟親劍
老子何期遂斷金
記得波邊梅樹發
停杯相望共苔岑

壽陳令升六十

豈有同時同里開
我生猶未識荆州
荷鋤隴畝成黃髮

朱中尉詩集卷四 七律

三

髮授簡梁園做黑裘
磨鏡人知于盾鼻
願環誰解向刀頭

正逢甲子貞元日
看取三山十二樓

南豐金石菴

壽

使君留陪韓子孺
次日封禹成

趙汝懋汝念為設酒食

空山近復少比隣
書至催予歸去頻
不憚淹留長夜語
得逢京國故家人
主賢能為招談讌
宦苦何勞傾酒樽
此別好尋栖隱地
燕南楚北有遺民

癸丑冬日酬溫聞衣

草亭蒼壁自年年
心小愁多學醉眠
美好如君宜久賤
傭奴在我合于田
長鑿手把難憑地
矮草寒生愈

信天我種桃花將十步
來遊噓肯問山園

乙卯二月十八日彭天若彭子務同集飲魏冰

叔于悠然亭看白桃花
有懷吳子政在越白

桃子政移栽者

半日南風盡日催
春光不肯少遲回
泉清縱可浮花辨
量小終愁放酒杯
蒼壁夜深銀海眩
晴軒亭上玉煙開
栽桃忽憶劉郎遠
兵氣難消那得來

柯亭送王羽左旋韻

春晴脈脈若抽泉
酒後時歌砍地篇
好雨留人未幾日
名花別樹動經年
高柯嫩葉遮穿眼
兩岸新流送去船

朱中尉詩集卷四 七律

三

愁絕老當多病日
愛人芳草對離筵

乙卯九月十七同躬菴上翠微會鄒幼圃作

秋風秋日使人輕
終歲居然閉戶庭
嘉客忽傳來石鼓
病夫直欲立金精
盤山藉草路頻歇
斗壁摩天步緩登
一揖至今纔見面
疎林還有遠山橫

二

烽火誰當問友朋
感君灘上一舟行
曠岨積石猶牽纜
寥落空村尙避兵
止水滿池搖暮色
高林得月動秋聲
連床再宿容酣睡
不信聞雞蹴祖生

乙卯十二月梁質人自南豐至作

兵火縣延千百里草堂忽有故人來乍傳異說愁難
信詳載長書怯未開謾道三年牽別緒曾知此語倍
離懷老夫家傍金精徑欲問神仙哀不哀

酬彭天若回巘山枉贈

徑仄基欹屋數楹得因兵火遇先生春初欲對深杯
酒雨後泉聽長夜聲入粵人歸無住處同山客去有
愁亭男兒好是行胸臆推宅誰憐尙未能

酬溫匡雲原韻

舊住鄱湖南水濱將家攜孺屋嶙峋苟全自分爲農
圃真隱深慚負賤貧吳國孝廉能建業金精神女尙

朱中尉詩集卷四

七律

三

哀民君看世事有如此珍重劉蕢下第人

輓封位齋

生別五年成死別三春宿草負孤墳可知學道難逢
世但得居鄉一愛人病曾衣冠起手足貧留書卷付
兒孫程山竹敗亭臺毀惟繞游楊雪後魂

朱中尉詩集卷五

明 朱議霽著

五言絕

見祝仲立與彭躬菴書感贈

陶公賦乞食讀罷不任聲下選有何暮斯人如此情

對白桃花下約耦耕飲酒

呼兒掃堦石待風吹落花夜來陂下水已浸岸邊沙

二

每愁白桃老種子今生華疾呼田父飲更勿道桑麻

七言絕

朱中尉詩集卷五 五絕

雜詠

草茅竹樹自層層山上人家山下耕傍石偶然得淺

土雨中還說種菠菱

二

過雨重泉盡急流含烟老樹散高邱柴門正對山空

處獨立翻添無限愁

三

臘月梅花連敗茅野人相對意牢騷如何花樹今如

錦井上依然放白桃

四

十里江樓高接城東風吹雨又西行嶺南人去無消息竟日長吟春草亭

贈集賢崖老僧

暮鼓晨鐘老比丘荷鋤當午未曾休門前千尺懸崖

水策杖何年一溯流

謝嚴山來寧都以扇索書

不見玄暉已五年昔居貢水近梅川明明十里山城

路病予心前足不前

望

霜車但愛楓林晚巖谷今開漆樹紅獨向竹間呼婦

朱中尉詩集卷五 七絕

孺舊年江上值三冬

改舊作

訪友不知何處是高山半夜起霜鐘自從家國多艱

後危石懸泉有路通

弓口舟中雜詠

冠石耕傭盡種花負籠江嶺道塗賒客帆又向黎川

水羨汝東陵五色瓜

二

高樹平田綠水間家家結屋看秋山不知當日桃源

客何愛漁舟輒欲還

三

九月山溪暑氣來孤舟夜泊聚蚊雷
絺衣正恐生寒早風捲蓮根客未回

四

遲稻揚花望雨催筒車引水轉山隈
雞豚應夕能歸屋且向松枿結稗堆

懷幼剛在廣州

廣州井水汲鹽漿誰識東巖製大方
獨羨荔枝香似玉輸君百顆一時嘗

懷習生在峽江

朱中尉詩集卷五 七絕

三

斗大山城號峽江故人不見下西昌
蓼州六月南風發片片輕帆帶夕陽

題東山翁過去圖

皇皇使節向邊城獨怪危冠太寧馨
自是畫師年紀小目中不見老先生

現在圖

梅花爲餌手中持童子持竿卷釣絲
坐斷寒崖千尺水白魚赤鯉更何之

九月中旬涂允協招飲歸有園賞桂同座者涂
宜振允恒吳其遠魏冰叔

肴核杯盤日日攜主人愛容愛花時
年年八月開花盡卽席連斟三十卮

二

花外天峯高出牆看山看桂使人忙
老眼欲舒惟踏閣秋心相對且聞香

三

急風吹雨喚深盃密葉高枝颯颯來
我汝明年俱五十曾看黃雪點蒼苔

看雲同日公作

峯上孤茅盡作雲雅聲厨火白朝昏
纔言可謝人間

朱中尉詩集卷五 七絕

四

世有客持書已到門

秋日遊玉簾泉

峽急源高五月天曾聞濺水出山泉
今來一縷依崖下悞指流雲是瀑泉

贈耦耕諸子

長鏡手把斲烟嵐市買脂鹽也負擔
寂歷衡門春雨裏竹絲細織采茶籃

二

巖陰桃樹長桃秧稚子驚呼向草堂
着屐繞籬纔三望數枝新筍上陂塘

顧厨

余嘗飲曾庭聞所命顧厨治肴主人語不休
顧曰當清脫耳明年余再過庭聞顧厨已死
數月矣不覺賦此詩

清脫常懷立語時顧厨死後爨誰知肥魚大肉盈盤
是獨進寬湯雪笋絲

二

仙樂重開憶帝京江南花落更傷情敢悲紀叟黃泉
裏麥飯何人拜孝陵

送魏和公入郡

朱中尉詩集卷五 七絕

五

聞君南下虎頭城一夜空山落雨聲天哀志氣人如
此故使高灘波浪平

登平樓和壁間韻

送行最愛李青蓮三月揚州花似烟客路西風吹斷
水破船枯樹自何年

題薛顯若藥室

草木君臣肘後方壺公何事向壺藏却嫌殿下持兵
顧愛我無且提藥囊

同彭天若飲悠然亭看白桃花

竹枝桐樹已初春五月清陰思殺人先向石頭高處

望此時難得是佳晨

二

正月已過二月來梅花雪花應不開忽見五株花滿
眼真成隨意坐莓苔

三

井上年年桃白花紅花片片儼流霞不愁風雨即愁
病亭子新成日夕佳

四

風味蕭疎信可餐人間態色不須看無香尚有求多
意欲向瓶中插建蘭

朱中尉詩集卷五 七絕

六

赤石紅花取次齊主人愛玩等賢妻東巖一種天然
色淨雪輕風衣白衣

六

常恐花時欲出門看花何事復逡巡亦知兩地花無
異勝有雲安麴米春

七

東方十里亂傳兵庭樹花間野草青且與提壺一求
醉人生何用苦傷情

朱中尉詩集卷五終

附錄

魏氏三子文集序

魏氏三子者宜都魏天民徵君之子長曰際瑞字善伯是為伯子次日禧字冰叔曰禮字和公是為叔子季子三子平日以父為師而兄弟相為朋友其四方及鄉里之賢者三子莫不折節請受其益或講求天下古今之故或窮聖賢之理義或談論詩賦文章皆欲究得其所以然者于是而各有所著伯子季子閱歷十二國所經恒數萬里其于世務人情多所諳識而叔季二子所交奇偉蘊抱之士則視伯子為至多

附錄

一

天下遂謂之宜都三魏而或比之眉山三蘇氏則非三子之意也三子嘗曰人各自成其我雖兄弟至親不期相類何事高擬以辱古人然則三子之各具其本末者亦可見矣今簡其所作欲出而與天下相正爰付梓人以代鈔錄蓋不特其文即其人亦于是乎似之子于三子為易堂友而齒則兄行也敘其始末無溢美焉其曰世傑字興士者是為伯子之子世倣字昭士世儼字敬士者是為季子之子又本叔伯父兄以為師于是亦附其文于編末云

郭儀霄云先生文集久無存本祇此一篇然意格

特高潔肅括無一剩字

附錄

二

朱中尉集校勘記

敘

一葉十行第二公字宜作先生二字 二葉一行先
下疑遺生字

卷一

四葉十四行鳩原誤鳩 十一葉十四行雁原缺

十二葉十行置下缺文疑當作旁十三行圻原誤圻

卷二

五葉三行欲下缺字疑作平

卷四

朱中尉集校勘記

豫章叢書

十七葉三行泉原誤前 十九葉二行牆原誤牆

卷五

二葉七行見原誤已 三葉五行揚原誤楊

丙辰六月南昌魏元曠校

朱中尉集校勘續記

卷一

首頁十九行平當從上文作頻

十頁首行難當作艱 六行憶當作億立字疑是定

字之譌 七行令當作今 十四行梁誤梁

十一頁八行籠誤龍 九行雄當作雒

十三頁五行糜誤糜 六行筋誤筋

卷二

五頁五行瘦瓢原倒

卷三

朱中尉集校勘記

一

十五頁十五行舟當作州

十七頁九行費疑當作資

卷四

二頁十九行半髮短濯疑當作短髮半濯

三頁八行綱誤輞

十頁十一行夫疑當作天

十二頁六行饒當作澆

卷五

四頁十九行三字疑是一字之譌

丙辰秋八月思敬覆校

易堂諸子以確齋爲最艱貞其詩久佚不傳各家選本如朱竹垞沈歸愚皆未之及此本出自甯都故家雖卷帙無多而諸體略備欲訪其文讀之不可得只彭選九子文鈔內有序文一首因附錄於後觀誦芬評語管鼎一鸞已略知其味矣丙辰八月新昌胡思敬跋

遇

蒙

蒙

編

四明張氏釣園關隴

序

太史公曰古者富貴而名磨滅不可勝記唯倣儻非常之人稱焉正庵先生其非常人與何見之卓也當明之亡貴戚藉藉雖有季氏之富曾不獲一日留其在下也平居里巷相慕悅財堪耦國詡詡自號文人利害及身置君父於不顧違論友朋眾怒既張求生無路乃分其餘瀝曰助餉正人君子偶為所惑而謗叢焉是可痛也自東江事起正餉義餉爭放靡已正庵先生獨慨然發其家得十萬金逕送錢督師營而家以是落江師航海

愚齋稿序

一四明叢書

約園刊本

猶貨其田園奴婢之未盡者以應之室如懸罄結社湖上宴如也時則有若陸披雲宇燦董曉山劍鐔葉天益謙陸雪樵稷范香谷兆芝余生生齋與先生號為湖上七子慷慨悲歌以抒鬱結曉山稱其詩如異峯幽澗嗟哦淡冽不類人間蓋雖偃蹇而不欲與世接者也壽鏞喜讀先生詩尤喜其短歌一章其歌曰黃金匣已充白髮頭旋塞胡不揮多金買髮令長黑千古無其人蓄金毋乃惑金既無補衰漫為後裔德子孫莫論愚即賢亦受賊何若散親故小小稱達識嗚呼小小稱達識者天

下有幾人哉然則傳先生之詩傳先生之達識也富貴而名磨滅者多矣豈惟磨滅其汗穢史策者奚可勝道聞先生之風亦可以少媿矣民國二十二年十月後學張壽鏞序

愚齋稿序

一四明叢書

約園刊本

序

證山周斯盛撰

自古詩人之窮未有如孟郊者也觀其移居詩借車載
家具家具少於車可見然唐世重得第以杜甫之才獻
賦天子召試學士院竟不能得蓋其難也郊年幾五十
一舉得之又所厚有鄭餘慶韓愈樊宗師張籍之徒及
其叔父簡各以勢位文章名重當世提挈標榜足記死
生惟溧陽令厭其耽詩廢職分半俸與假尉然猶可以
養母而終無一人惡之者是窮之中猶有足幸者焉猶

出處稿序

一四明叢書
約園刊本

以年僅六十有四卒又無子為不幸之至者然其詩之
指擢胃腎劇鉞心目八九百年閒莫之能逮窮於身而
不窮於後又不可謂非大幸也今吾友宗誼正庵蓋詩
人而窮者也其為人冲然悶然不為刻意亢俗之行亦
不能治家人生產自少壯時輒棄去舉子業不事唯日
坐所為南樓者剗心於詩所與游又皆貧悴失職之侶
無錢財以振其飢凍無勢位以資其聲譽久之詩日積
家日落而南樓亦頽然將圯矣出為村夫子教授生徒
且有怒而詬讓之者殆較孟郊之窮有甚焉矣意者

正庵行年七十而猶強健有子有孫為遠勝于郊也耶
然則古今人之窮其不同有如是邪夫郊之詩固足以
行後然亦必有賢士大夫為之先後而名益彰今觀正
庵詩冲澹幽峭不為蹈襲其力宜不至湮沒無傳而交
游無故相與元尹諸公宗人亦無有如觀察使者無所
藉於今而有所藉於後此正庵之所以為窮雖然賈島
之窮與郊不異島之詩當時有嗜之者至鑄像事之呼
之為佛而郊獨無有唯徐涓擬之為河豚江瑤柱又惡
知數百年後不有嗜正庵詩如涓者乎正庵其聽之母

惠靈稿序

二四明叢書
約園刊本

戚也正庵與余交始自壬寅其前所與遊者零落略盡
唯董劍鐔曉山無恙亦窮而工詩者因正庵似曉山以
為何如與乙巳冬余嘗選其南樓詩已酉春又選其湖
上草皆為之序且手錄而歸之丁卯夏復盡彙其稿屬
余芟輯而余亦衰拙不復能手鈔矣明年始為之序蓋
戊辰七月二十一日也

宗徵君墓幢銘

全祖望

改玉之際吾鄉諸遺老社會極盛而湖上之七子苦節為最七子之中以詩言正庵先生為最正庵先生姓宗氏諱誼字在公原籍南直隸徽州府歙縣遷鄞曾祖某祖某父某徵俗以懋遷有無為業起家至陶猗者不可指屈先生之父亦以此豪於貲而先生之性所好獨在詩繞牀阿堵絕口不道若窶儒然江東事起議以正兵食正餉義兵食義餉正兵者方王諸營是也義兵者孫熊錢沈諸營是也正餉之出自田賦者既盡隸方王而

愚齋稿 宗徵君墓幢銘

一四明叢書 約圖刊本

浙東數十州縣各有義兵但食其地勸輸之餉勢既不給尙時時為正兵所掠奪於是遂乏食郵之義餉以故太僕富推之為主其人已迎降江上為諸公脅之以從則日釐兼金賂貴戚得人閣反乾沒里中所輸而出內於軍中甚吝先生慨然發其家得十萬金徑送錢督師營督師疏請獎之且言其才宜在館閣監國召詣都堂先生曰是將以下式出身也辭不赴江師航海資糧屢屢不能不仍仰之內地先生家已落猶貨其田園奴婢之未盡者以應之蓋至是屏當一空遂無擔石之儲而

先生怡然湖上之結社也陸披雲董曉山葉天益陸雪樵皆鄞產范香谷則定產而蜀人余生生以寓公亦預焉七子以扁舟共遊湖上或孺子泣或放歌相和或瞠目視岸上人多怪之先生之詩如怪峯奇瀾嗟峨淡列不自人閒所著有南軒南樓二集湖上集蘿巖集西村集療飢集晚年合為愚齋彙刪定得六卷然此皆其外集頗和平至內集則無見者先生性狷急嘗在先贈公座中擁爐圍火適有客至其人頗遊時貴之門將以淡巴菰引火先生拂然遽曰汗吾火矣晚年所居僅破屋

愚齋稿 宗徵君墓幢銘

一四明叢書 約圖刊本

時至絕粒哦詩不衰先生生於某年月日卒於某年月日夫人某氏葬某鄉某原其愚齋彙今藏董生秉純蓋周卽墨證山所手書其銘曰於國有益於家奚惜其命雖窮其詩則工荒江夕照靈禽所用讀我銘文如見其人

愚囊集稿目錄

卷一

五言古

詠史二首

鉏菜

登招寶山題石壁

午餐

雪菜

至五港缺

愚囊集稿目錄

短歌

無紙

喜余生生至

感興

漁父詞

灌秋蘭有感而作

曉山粵歸示詩及文志喜

西溪看梅寄周證山三十生日

贈賣菊翁

古風二首

田園雜興

雪竇妙高臺看月

祀圃神

秋興三首

送曉山客遊

一四明叢書
約園刊本

食韭餅作

偶書屋壁

新月

治圃

湖上田家二首

尋白沙泉過湖中

贈湖客

雨夜述懷示友人

吳山看雪

北山

題賣菊翁草堂

贈香餅園沈老人

感興

蠶婦吟二首

宿蘿巖西庵

入仙姑洞

蘭開

尋蘿巖西庵老衲不遇

九日村行

鄰雜歌

觀兒輩治圃

效古五首

哭老姊

愚囊集稿目錄

齋徑二梅有友朋晤對致作數語賞歎

二四明叢書
約園刊本

餌鳥

齋南頗豁時見南山

過阿育王嶺

言懷二首

某氏小園

九日塾前暴背

航中

探菊十二韻

湖干觀魚

楊露庵草堂看菊

趙友遺余菊一盆賦詩以謝

餓中得句未能自裁就正曉山三十韻

坐雨

七言古

後鷓鴣捕魚歌

賣書歌

西郊吟

爲楊振公題所藏張東村洞庭圖

食烏葉菜作

宿寶嚴山寺

秋日南樓感舊

宿故人子張紹中家

打鴨歌

思飲酒作

寄贈瑞巖李叟

買湖魚不得

夜坐吟

喜二周子至西泠

愚齋稿目錄

三四明叢書
約圖刊本

寄湖上潘子霖

雲棲題石峯生家

鑑湖久不屬自有懷往事書寄曉山

看湖雲作思撻雲歌

憶昔行

寄殷靖值齋前落花

吳山夜歸

登南屏憶與子霖遊眺處

湖北小園看梅

西溪看梅

寄西溪主人尋臘底看梅約

同周證山湖上作

山閣眺西湖見子霖幽居處

湖上訪潘子霖不遇 內人五十生朝

東郊望南山

赴蘿巖山足土人飲

九日歌寄賣菊翁

索友人園竹作杖

食蓀粥作

題贈漁人

早起吟

齋西古松一樹人呼爲大夫予代之解屈

北江看捕蟹歌

別南樓吟

齋北漁者惠巨沙魚一頭詩以言謝

愚齋稿目錄

四四明叢書
約圖刊本

過倪老人幽居有贈

寄賣菊翁生日

答白雲眉山和尚

嬾雜歌

卷二

五言律

山家

訪陳鴻賓先生

餉余生生春菜

舟發蕙江

南樓卽事二首

偶成二首

齋詠

拔莧

西村晤周證山於是別十年矣三首

過慧林寺小飲 送二周子出北關

西泠香餅園雜詠三首

證山客歸 懷歸

韜光二首 九日吳山

西溪訪友二首 夜聽雨

荒園 湖南綠隱庵題壁

至靈隱 吳山夜望

南屏有孫太初卜居詩步韻懷之

鳳皇山南為宋故宮 懷余子生生

愚齋稿 目錄 五四明叢書 約園刊本

西湖秋夕 示友人

遣興 獨行

又至五港觀社 南樓北望

題小影 江夜

之江浦訪僧 九日書懷

采菊治目四韻偶成 懷南樓

中秋夜膳

七言律

宿西郊五港 南樓雜詠

交溪晚步 雨中寄董曉山

老庵夜坐呈道嚴大師

宿上雪 南樓早春二首

夏日齋中三首 感懷二首

南樓有懷曉山 題湖北潘子霖齋壁

飲雲居友人家 西溪卽事二首

訪賣菊翁不遇 齋詠

泛西湖有感 買甘菊

湖曉 自迴瀾橋至冷泉亭

愚齋稿 目錄 六四明叢書 約園刊本

賣菊翁七十 十月十日湖中

五十初度

證山北歸至西泠邀余夜話

贈陳孺子先輩 武林遇鄉人

客居西湖贈陳孺子 舟至湧金門回望湖中

初至賣菊翁家 有懷圃茶寄兒輩

去絮 贈待槎湖姚老人

別捷雲閣 過捷雲閣小飲

寄周證山卽墨 重至山門梅村

齋樓漫興

夢醒

梅村吟四首

壽周方人六十

秋日過光溪

漫興

病中兒輩以米魚羹供飲予哂其妄

陸披雲臥病經月時余亦搜小疾不晤踰數旬

檢笥中得證山手書因作二律寄之

南樓卽事

生朝

錄詩文已偶書於頁

到齋

初夏感興二首

惠齋稿目錄

七四明叢書
約園刊本

偶題齋壁閒時吟之以自喻二首

季冬寒甚吟以避之

秋曉感懷

過荷州南某地主有贈

題畧湖友人幽居

寄周子方人蛟川

漫興

倪尹若索詩因題其齋壁

寄證山周子

南園卽事

寄三靈于上人草堂步韻

五言絕句

苦旱歌

喜雨歌

七姊妹花二首

栗飯

送友人帶豆

初夏

古意

湖上

牧童謠

溪行缺

墓上花

寄內

齋北納涼

和友人聞雁

眾樂亭懷賀祕書

嘲桑

代醉客答嘲

惠齋稿目錄

八四明叢書
約園刊本

七言絕句

過白峯

友人餞曉山席上口占

寄曉山程鄉二首

留張紹中宿

自笑

喻子規二首

寄鑑湖友人

秋齋

寄畧湖友人

園中語友人二首

陸氏山園

寄周證山都中

題畫

謝農家惠芋

買稻草護茉莉二首

雪中次女請余圍爐

對竹成詠因教塾童吟之以自諷

葡萄 苦雨

寄賣菊翁 村社竹枝詞二首

對梅懷西湖 寄周證山

農家秋歌 寄韓桴叟上虞

過半塘有感

五言排律

坐夜偶述 歲晚南樓卽事

季秋田家雜興

愚齋稿 目錄

九四明叢書 約園刊本

七言古

秋夜讀諸子詩

卷三 補遺

五言律

覓友人遺文 再送董曉山之嶺南

南樓卽事二首 齋詠

曉 家居

俞次寅山居小飲 寄董曉山嶺南

東園齋中 久客

西溪草堂

去冬所護九節蘭望後大開

西冷晤周子西村 園有白鳥時去來

題壁 寄潘子霖茗川

陸氏山園二首 齋閣晚眺

西郊觀社會 感懷

初冬 寄陸披雲

湖行懷生生 喜雨

曉起 老態

愚齋稿 目錄

十四明叢書 約園刊本

歸南樓 西齋二首

北村 寄董曉山三首

小飲橋北農家二首

七言律

陸華星讀書山中往訪題贈

南樓雜詠 感懷

新秋卽事二首 簡董曉山二首

老來

愚癡彙稿卷一

明鄭宗 誼正庵著

明鄭周斯盛證山定

五言古

詠史二首

嘗聞山水間真氣肅心魂又聞古人隱不苟開柴門古
人不可作山水徒然存淵魚忘美餌山鶴嘗遠飛置身
由來高非特為知機懷哉魯仲連無慙稱布衣

懶受佯狂名尊疊消寂寞恥踏虛無蹤任真開後學胸

愚癡彙稿卷一

一四明叢書

約園刊本

懷似迂疏大義不約略復恐五男兒抱情榮世爵紙筆
不令親耕鋤以為樂

古風二首

日月照糞土已過光不滯江海漂腐齒曾弗憎其汗胡
為一鼠尾沾孟即驚呼人見非有別所受大小殊

風雨止空庭向午斂膝坐遠懷天地閒獨行亦誰和溼
煙擁簷端既久還自破悵然古人思我躬昧勤惰

鉏菜

平明荷鋤出菜碧露氣真乘此秋未寒蘇土俾根伸細

草亦天命驅除傷吾仁理有去其害不得懷逡巡吾術
恐或疏和聲問圃鄰

田園雜興

東溪曳杖立天靜山起雲花草相為香郊野餘大文春
深地氣足薄田亦堪耘念此為歲功豈敢惜辛勤屈指
計時日寸心聊自欣夕陽獨鳥歸我亦向人羣

登招寶山題石壁

以上南軒草

女媧補天餘擲此東海道伸舒若神龍雄踞主羣島俯
看勢蒼茫悲來傷懷抱極目夕陽外遠山白如稿顧此

愚癡彙稿卷一

二四明叢書

約園刊本

耿耿心海風吹人老

雪竇妙高臺看月

遠山得情性近山深次序溪長聲不聞獨泛月光去久
晴夜少雲偶顧雲一處

午餐

秋風非苦我時至天應涼擁褐待午食烹豆彌覺香少
分稚子啼益彼我輟嘗人生念子孫我計獨荒唐賢否
雖難辨中情焉能忘咄咄登南樓坐此舊竹牀展書一
為讀圯上見子房迂儒無他慕所願辟穀方

祀圃神

草木資春榮秋榮香獨創九月露滋深扶蘇各盈量小
身從何來恣意作已飽貪同蠶食桑旦夕軀逾壯嗟哉
蠶鹽家笑堪此類妨吾聞地有祇栽時云保障市豚稍
掩豆三爵清浮釀告爾為驅除否者當致讓余懷止在
是弗疑有奢望

雪菜

可圃物殊眾累百纜十知余愚慵索隱姑從口腹私鄣
俗產雪菜託根始何時有味勿以甘有香令人思吳會

愚齋集稿卷一

三四明叢書
約園刊本

稱蔬藪此種獨不宜鍾靈在一邑益信地力奇吾園四
五畦半秋輒深蒔重彼孤介性毋敢怠忽治相對如高
士色喜無浮詞生平言知己舍我當屬誰氣候比來足
為藟當及時叮寧命兒曹珍重毋自欺

秋興三首

置罌盛簷滴十點不得五古言無差池語亦似疏魯輸
心以奉君未幾於我怒猛欲前致詞竊恐重見迂人生
遇合難天地不能主白石鮮柔骨黃華少媚斌相對意
可通自足吾肺腑

人生貴行樂頗嘗得聞之秋高山水正旦夕深幽思扶
杖將出遊清晨翻苦飢行樂殊未易何言須及時有貌
漫為戚有懷勿致疑鵲來屋角鳴聞者色俱怡貧家獨
自量不受微物欺

菜羹霜後滑早杭飯頗鮮旦夕得無缺可以云苟全既
飽登南樓日暖收羣煙好友時一顧語笑示短篇作詩
能貧人于理恐未然貧者方形醜富者彌自賢戚否各
有尙余且任之天

送曉山客遊

愚齋集稿卷一

四四明叢書
約園刊本

人生為貧驅暮春別鄉土敝衣費浣紉濁醪向道祖出
郭驚子規登舟任柔櫓百憂欲何如一身私喜怒世塗
厭干謁君將向誰主邀遊山川中古今自可取

短歌

黃金匣已充白髮頭旋塞胡不揮多金買髮令長黑千古
無其人蓄金毋乃惑金既無補衰漫為後裔德子孫莫
論愚即賢亦受賊何若散親故小小稱達識

食韭餅作

南園入夏來瓜豆已就理昨時牛乳茄莧亦及馬齒衰

年貪蔬羹望新每屈指風吹韭芊芊私心有所企多翦
雙握盈細濯欲移暑煎餅守遺方聊自供甘旨家人稍
慰饑微飽色俱喜老夫轉有懷晚炊詢兒子吃吃不成
聲吁嗟餅費糜

無紙

一紙需一錢百錢買百紙余家百錢謀七口兩日喜紙
雖予急務似非薪米比逼迫長在斯悵惆徒念彼余貧
迫十年垂老事益否作詩欲何爲詩來不可已登記百
自圖殘編翻其裏煤透弗良書衰手復披靡得意忽疾

愚齋集稿卷一

五四明叢書

約園刊本

書魯魚與亥豕自讀猶支離況以示諸子束置皮閣中
命兒握小匕古人言殺青於茲聊相擬

偶書屋壁

今日稱良田我未睹爲海當時數上客我已見傀儡區
區斯世閒何物終不改製衣堪蔽身謀粒令無餒雖非
上智儕可以告無罪

喜余生生至

舊交余子來身老仍貧賤老既攬吾懷貧知節不變乍
見顏難歡寧禁淚若綫計別十年餘辛苦歷鄉縣猶蒙

天地寬山水獲實踐無物招君魂濁醪南窗薦減米易
魚蝦瓜豆併充饌二三不死友坐談忘日晏惟笑白髮
絲風吹輒裏面

新月

貧家猶夜飲可樂亦可歎兒輩性頗蠢於酒嘗承歡向
杯方徐飲仰見新月寒光難界半壁照徹鹽豉盤世人
好臧否天地受包彈庶幾此明蟾愚智少他謹萬古色
弗腐豈論缺與殘烏亦何所慕啞啞真無端

感興

愚齋集稿卷一

六四明叢書

約園刊本

桃李不自惜努力趁芳菲遠將千日心敷榮矜翠微庸
知代謝來風雨無是非解顏語桃李無用懷歔歔

治圃
以上南園草

貧者固信天豈不食其力余家有南園夙昔事栽植自
樂弗知疲何求他人識業雖小人哉亦時見德色事訖
深掩門草木閒相得濁醪盡數觴聊自酬劑劑

漁父詞

十五習漁業七十猶江中歷年試風濤危險無西東魚
多價嫌賤魚少家益窮昨日偶然醉短歌倚孤蓬船去

海門近悵然感我胸當年怒潮至勢若移空同百里撼
富春天地生英風豈識廿年來潮汐有替隆余老不解
此行行問胥公

湖上田家二首

孟夏郊野霽湖水高侵田農家貴力作出門每祝天乍
炎日欲午桑陰同息肩鳥哢向歌吹持花逐遊船以此
一日費須我力終年心固不相羨感歎還自憐

方舟獨歸來惝然見鄰叟爲言湖中荷今歲發殊後所
望代秋糧未審相成否繫舟復攜鋤行行及隴畝耘耔

惠靈稿卷一

七四明叢書

約園刊本

幾何時芊芊稗與莠細念力未深無言草性醜

灌秋蘭有感而作

客衣驚曉露惆悵天早寒天寒自知時客衣不知單舊
衣何時綻新衣何時完悠悠空庭中淅淅風無端颼颼
向野鳥歷亂披羽翰鳥豈不自惜誰能解浩歎舉頭惜
野鳥低頭惜秋蘭

尋白沙泉過湖中作

展與念所之神已在泉次徐步出郭門湖光分我意香
氣水上流寒雲峯中瀆湖上無變更屢遊輒若異泛舟

過空亭魚鳥兩不忌微物足天真俯視殊懷媿別舟上
棲霞積葉樵谿閉

曉山粵歸示詩及文志喜

山水有真性知之良獨難讀書二十年庶幾足曠觀我
友久自信挾冊走釣灘五月五千里一里一盤桓神靈
卽欲闕無如識力完十月到花洲梅花香正寒夢寐入
寥廓煙霞到盤餐今歲翩然歸念我學問單束卷寄我
意朗詠秋聲乾

西溪看梅寄周證山三十生日

惠靈稿卷一

八四明叢書

約園刊本

寶嚴梅欲發我已到西泠周子方生日我坐西溪亭梅
花大約同歲老覺更馨子昔遊此溪丰韻心已銘願子
如梅花氣骨靜自寧

贈賣菊翁

春花怡人情秋花深人想羨子具真心俾菊得所養坐
久籬落閒野情綿綿長

贈湖客

兩峯未出雲天地自寥廓道傍何老人日暖息田作餉
午來幼孫三四涉溪壑舉榼方欲食顧我知漂泊拂石

就亭陰歎然命對酌自言昔好遊十年走京洛求友非
不詳卒難置一諾棄劍歸湖干白首安耕鑿

雨夜述懷示友人

月影自開合雨聲時去來久客避鄉夢深坐徐舉杯拭
眼看燈光燐燐漸吐煤對茲卜休咎其意良可哀豈不貴
安命感至仍疑猜富貴無則已果誰如遺哉一笑啓南
牖香領庭中梅

吳山看雪

老梅含不吐須雪壯其姿朝來灑落急短扉不辨籬以

墨齋稿卷一

九四明叢書
約園刊本

我幽然想竟與天心期走探吳山南江水平不漸縱目
到千里恍若鴻蒙時山川苟無此造化誠等夷再前上
仙閣默默深吾思

北山

五里到北山晴雪猶壓竹老人不畏寒牽牛路傍牧農
家無正午腹飢飯已熟天風吹空村泉聲起幽谷

題賣菊翁草堂

家住梅花溪柴門向山起習性懶釣魚但飲草堂裏鄰
人學種梅翁時爲之理方舟過前村蓑笠具行李明月

未肯歸幽夢轉溪水

贈香餅園沈老人

山水自千古老人詠閒居還丹不求訣種芍家有書門
前一畝池客至時釣魚飲少先自醉獨往乘青驢

感興以上湖上草

屋烏愛主人鼓吻朝言事主人翻怒嗔挾彈中其翅禍
福俱有基固非有烏致烏第好直言迷爾受顛躓俯首
笑烏愚胡爲中人忌烏猶勉作辭見責誠深媿所嫌生
性癡力學不能爲

墨齋稿卷一

十四明叢書
約園刊本

蠶婦吟二首

養蠶本爲衣一絲不到服養蠶本織縑一匹不得鬻去
年祝今年今年眉更感明年試勿爲聽彼飢與粥
鵲報朝喜晴桑林猶漬雨蠶飢焉能待拂拭懷諸姆渠
儂自有蠶寧能代妾苦葉多未易乾嬌兒久啼乳兒飢
多啼聲蠶飢少絲吐

宿蘿巖西庵

新月平虛窗老僧洗鉢已涼風吹古松聲來自起止剔
火醒佛燈胡跪側置履瞑目盡三時香霧凝爲水深山

無雞鳴天明羣鳥喜

入仙姑洞

十里行霧中幾作雨絲訝鼓勇呼客前聽鳥如勸駕一
溪凡九灣苔滑小橋架宿漲尚侵蹊踏石翻得罇人語
響空山心喜近茅舍躑躅認老翁數言頗相藉念茲雲
磴危松杪日光射

蘭開

澆灌既次第蘭圻何遲遲老夫懷似躁愛花不知時春
風東南多好雨旦夕宜花開忽三四香飄令我知乃信

學彙稿卷一

十二四明叢書

約園刊本

堅貞質勿聽人力移牡丹可冬榮人巧固云奇亦由富
貴性生平少操持

尋蘿巖西庵老衲不遇

固識山徑寒昨日衣裝絮到門不掩扉羣鼯盜果去砌草
生秋花寒香在雙屨積葉響行蹤歸樵息舊處相趁出
沈雲海白潮來遠

九日村行

曉雲高出山寒煙平鋪水魚躍煙已穿雁過雲仍壘具
茲魚鳥懷登泛還自揆囊空與不增川行徐納屢踰橋

見居人雞黍餉鄰里農家草堂窄客晏互坐起即此相
笑樂儉素亦可喜

鄰雞歌 以上蘿巖草

夜半霜欲深雞鳴人正宿主起喚僕夫膠角聲愈促征
人恐遲遲別婦出房帷婦念吉行日有淚不敢垂天明
尚幾許不使少容與人去不怨雞所怨太早啼

觀兒輩治圃

衰頹怯寒風扶杖來南園冬花猶努力池側相偏反兒
曹事鉏鑿及此小春暄疏泥見參錯指示費我言時蔬

學彙稿卷一

十二四明叢書

約園刊本

貴審性非獨在深根理法苟不誤雨露易為恩

效古五首 以上蘿巖草

南湖風雨霽寒光接我廬讀書幕先達於今定誰如尙
慙晏子御奚敢期穰苴離離砌中花蚩蚩道傍樗美惡
自有故屈伸何言虛胡我懷可否思將白髮除家居得
歧路問津無長沮

古松百尺蒼昔為寸許苗懷來自稚年迄老遂不凋羣
英慕春暖姿色漸以饒方期歷千載何止榮暮朝流風
漸成習賞心為柔條搖曳睨蒼松毋乃徒嶢嶢當茲眾

芳會何自甘寂寥

有客好遠遊經年曳長裾侯門重翦拂投謁紛車與生
交石季倫死友吳專諸非止變樛櫟顏好同芙蓉去春
渡江歸入秋來做廬昔來供旨酒今來稀盤菹我自慙
今昔客慎母親疏

東山吐晴色我由西郭來古道昔曾經坦坦心無猜清
霜不殺草做服牽蒿萊橋危心怯渡風健如相排冬半
農務足菜麥各取裁蒸蒸見煙火日暖門始開登堂呼
主人笑迎抱嬰孩先代重農家於今樂未衰

學仙求長生吾性畏勤劬學佛喜頓悟吾心頗麤疏臨

風輒矯首適從彌躄踏出門詢威鳳翻值孤與俱悵惘

數十年亦可云顛思拂衣昨來歸兀坐掀短鬚古士田

子方夙昔聖門儒以彼甘貧賤焉往非安居庶幾淑餘
生以笑易嗟吁

哭老姊

骨肉貴同胞惟女兄弟異相親不十年卽有從夫義歲
月爲往還終殊在幼稚悲哉吾有姊遠嫁已同棄何堪
夏至殂蓋棺不一視憶昔我五齡姊庚成十二知父母

我憐提攜旦夕備調粉爲我脂縮角加我髮倏忽十六

時父母命之字姊嘸我亦嘸雖嘸亦兼戲見姊登輿去
我嘸始塌地數日不肯休時向他人詈姊聞徒黯傷欲
歸覺不易及壯往省視每若見珍瑞言歸輒潸然頻囑
書勤肄父母旋繼亡併牽兒女累睽隔遂歲時悵望恆
自許我材原荒唐先業付做簪詩酒誤空名調笑蒙佳
惠姊聞翻我悲見招開師位沽酒必親嘗烹肉必自裁
風雨慮予愁談譙集羣季手足聚暮年恍然童稚意女
兄世亦多我姊焉有貳所嗟甫兩春姊丈趨就隄尾運

安吾常宛轉請謝事姊哭且推牀予我脫簪珥歸來家

益貧炊煙屢欲闕思陟三縣途如振千里趨前冬姊七

十始勉裝幙被拜祝侍筵前猶見善醃漬私喜壽算遐
何遠與世避聞訃已仲秋心駭覆盤饌痛哭咎諸孫何
以緩命使使我同胞恩意作行路委姊卽能我原清夜
卒難置昔年父母心於我失所企若值九京靈母過爲
弟庇

齋徑二梅有友朋晤對致作數語賞歎

梅花何地無地以幽人勝嘗疑宋廣平作賦頗庭逕我

遊西村隈兩梅時前徑左幹若俯詢右枝巖恭聽昨醉
宵夢清傲倖與酬應香寒臥漸醒起視煙方疑旭升四
野空露泣苞坼孕領略似得心靜對勿敢佞捉藜將微
吟隔橋發清磬

餌鳥

簷端午欲晴鳥下窺簷側握粟偶然投雞來爭拍翼於
鳥未爲恩雞已啁失食人生處貧賤爲德亦推抑

齋南頗豁時見南山

塾堂罕隱蔽層巒峙西南黛色分濃淡焉識松與楠風

愚齋稿卷一

十五四明叢書
約園刊本

定雲自積已復淺爲嵐我昔薄遊是偶值幽人庵坐我
白石上飼我雙黃柑悔不從之遊徒令今懷慙

過阿育王嶺

三里漸出村短筇且徐荷登嶺雲中鋪長裾曳雲過風
起林木號寒逼行欲惰飢虎當晝嘯響振眾山和樵來
促我前孤磴翻危坐水暗侵鞵溼葉擲挂衣破一笑向
茅茨橋袖垂奇貨

言懷二首

千古薄富貴誰爲可賤貧高士首焦先毋謂傳非眞生

年漸七十涉歷忘苦辛仄笠村落裹拖筇溪谷濱今昔
此氣骨爾我見嶙峋自期老薑桂何暇君陶甄

思一著奇績古人已在先思一爲長厚斯世誰我傳兩
者俱無與悵惘三十年坐雨逾旬日覓市無樵船添炊
累及簣作飯反成饕辟穀果有方何復談神仙

扶杖起復坐鵲報見霽天庭來磨鏡客虬鬚雙紫顛殊
慙少此技鼓掌稱其賢客去且徐答爾意予不然爾知
工技美烏知工術專工術始足羨工技終無錢

某氏小園

愚齋稿卷一

十六四明叢書
約園刊本

空村秋旣肅相偕恣遊程筏渡復小橋蟋蟀猶野鳴三
折東得戶荔若爲門生古人雖好事亦欲閒其情花藥
自枯苑蟲鳥私經營登樓山色起亦辨樵與耕吾懷似
未滿窗北潮補聲依欄想風雨勿易傷敲傾園公老畏
寒日昃飯已成告我牆西曲芙蓉方晚醒

九日塾前暴背

菊香觸夢早衰年忘分量暴背四五人愁喜各爲狀暴
力固無私寒頗作偏向主人迂朝餐杯濃酒初釀色笑
稚子來角黍熟相餉相視適予懷舉筋勿虛讓登高憶

古人下階步欲放誰憐離側翁暴久轉惆悵

航中 以上西村草

五里猶溪流舟沿紅葉去農家稻已升栽蒔意仍遠橋
西浮圖光廁身鳥暇豫人受耕植勞僧無風雨慮

探菊十二韻

吾人耳目娛天地代部署雪中既供梅秋花自有據經
營歷幾時東籬種斯著遂使明眼流廓清目前淤詰朝
九月初衣冷新加絮曾不嫌老疲良朋三兩與一里到
南湖蘿徑露猶如主人啓柴扉遠廊引西去參差數十
株一一人功馭神完無偏斜理足卻毀譽媿我非淵明
對酒不敢御徘徊頗似癡偶吟又太遽

湖干觀魚

雨餘湖半霽煙起力猶微稍見黑脊出徐俟金尾飛淵
深眾水聚魚力易爲肥來者忽復去水族殊適幾吾意
方怡悅漁舟無是非

楊露庵草堂看菊

畫能工雪勢不繪霜華尤古今饒奇筆此法獨不詳日
前過高齋見君染丹黃我驚久瞠目恍聞眞菊香今晨

復過君菊開滿草堂反疑前時畫參差四壁張始歎濡
筆妙指爪神靈藏我貧君亦窘無絲求壺觴有懷明告
君我髮已久霜霜固不可繪我髮堪細商請君一放筆
令我衰顏揚

趙友遺予菊一盆賦詩以謝

十年不時菊自覺無意義感君不我遺晚香朝見遺握
手向君言非敢立品地做廬風冷冷牀竈相對置展足
猶支吾安菊設何位欲還殊拂情留之虛高誼儻答付
酒家銜杯拜君賜

餓中得句未能自裁就正曉山三十韻

憶昔游湖干唱和誠莫逆我詩雖自矜披閱愛君直嘗
怨不同堂費此往來力得評擗之歸細視喜沾沾且無
論饗殮對酒亦忘噉有時君亦來語笑夜怕魘焉知有
別離江湖各行迹我近至西湖君遠踰東粵行止如相
避我出君復入臨風一相思向空徒悲咽君從不其歸
稍獲晤朝夕長飢療復難鄉塾就謀食似否通夢魂何
暇言促膝今幸各家居我茲已七十仰供諸兒曹三餐
分兩日飢胃如鳴雷句從餓餘述我固不善書無錢筆

愈劣魯魚千百中反疑出金石舉襟頻拭眵墨落互明
滅持此過君家衣帶時誤結行雖勿假筇步亦幾巨擘
自笑欲何爲僕僕衝雨溼少年相譏嘲此翁作狂疾吁
嗟狂非無差勝習他謫身前雁連連身後或蒙潔即使
覆酒甌良亦近香冽

坐雨以上療飢草

曾同披雲叟謂陸春明聽雨眠湖樓中夜不得酒頗爲當時
愁焉知三十載拘束今白頭當此屋漏聲何暇爲酒謀

七言古

愚齋稿卷一

十九四明叢書

約園刊本

後鷓鴣捕魚歌

湖南人家養烏鬼小艇風恬過蘆葦水面出沒波爲渾
頃刻艙中盈百尾此禽惡聲駭聽聞腥羶氣吐同蛇虺
萬魚汎汎昏欲浮脫者逃者應無幾橋南橋北去復來
欲養其力時徘徊倏忽沈淵探不測大鯉數尺穿其腮
嗚呼小鳥真如鬼謂魚奚辜罹厥災害成好殺實報復
蒼鷹老鵠皆奴才

賣畫歌

幾日畫花幾日鳥高手功深畫始巧當時作畫畫將成

吾父趨蹌忘飢飽掛之素壁裝潢齊開尊選客集品題
草堂十年歎賞眾花能爲香鳥能嘯吾父棄我未三載
精神所憑安可改焉知妙畫靈怪生思向豪家逞光彩
淒然自捧出街頭聚觀數人心欲收知我隱情語故別
無疵妄自吹毛求十金已賤更減六四金各作先後續
漫云吾父當譴呵即使有知畫師哭

西郊吟

春霜骨薄白易朽草色隨風大隄走揮手欲招西山雲
山雲不淺亦不厚野橋蒼茫水括天耳目未至意已先

愚齋稿卷一

二十四明叢書

約園刊本

貧家耕鋤時力晚牛羊寂寞籬根眠我復栖栖過前渚
鳥來漫作催歸語日午天和村寺南春光無情任爾汝
爲楊振公題所藏張東村洞庭圖

東村攜得浩瀚水搨向魚皮八尺紙迴湍壘勢驚老夫
雨裏嘗疑蛟蜃起長風相撼且暮來畫中便若轟春雷
春晴十日荔蔚解君山一點影始開乃信丹青貴幽意
五指通玄隨所至世人解愛不解觀焉知原委與論議
楊君讀書固莫倫胸中汪汪萬頃春賞鑑纖毫皆獨出
此畫典守誠得人余更有意向君詫古來神物當終化

儻然化去當若何扁舟去泛洞庭波

食烏葉菜作

去冬無雪菜不香今春雨多菜甲僵煮來生澀等惡草
家人強食怨聲長棄之傍人必驚詫賣之復恐爲欺詐
棄賣居然不自繇仰看飛英掛簷罅

宿寶嚴山寺以上南軒草

空天寥寥天凝霜明月照梅來孤香三更漸足鳥共語
豈亦歎賞花中光老僧煮茗忘辛苦種梅何代閒同數
月落雲生已滿樓一燭熒熒隔嘯虎

愚齋稿卷一

三四明叢書
約園刊本

秋日南樓感舊

颯颯寒風吹北牖葉積空簷半梧柳頻上頻異南樓心
非止鬚眉稱老朽憶昔少時百無知晨夕樓頭隨吾母
徐讀論語十餘行便已咿唔索菱藕角黍旋來但飽餐
那知風雨悲重九歲月稍長室有妻視我不異事姑舅
雖稀雜佩勸贈賢頗貯餘糧令分友夜燈一卷更欲深
提衣相加嘗恐後雞號夜半方就牀夢亦熙熙無掣肘
母恩妻養三十年母逝妻殂事事石登樓與味既蕭然
出門里鄰戲呼叟三兒俱壯成丁男同布市籍逐升斗

今晨薪少炊飯生喃喃背面反我咎咎我終年嗜苦吟

惟博他人一肯首詩能窮人誰不言餘波乃令吾曹受
吁嗟兒曹真無知相與解釋彌多口盛衰理微未易明
亦勿怪彼語意醜我姑置是一題句秃筆直書似蚪蚪
須臾莫辨期斯形仰笑急取投諸簞下樓荷鋤去南園
細析高磷詩新非

宿故人子張紹中家

日暮抵柴門燈火方晚食小童報客來張子喜盈色引
母出見罷脫衣剖魚急須臾進殺果始各吐胸臆母言

愚齋稿卷一

三四明叢書
約園刊本

昔時先老人見君百事都忘嘆牀頭藏酒自封識知君
歲至當秋旬於今化去已三載畜酒待君幸未改孤兒
世事尙糊塗教誨宜同猶子待我聆此語淚潸然故人妻
子何其賢世上悠悠且暮易豈向故舊深相憐張翁有
妻復有子目中形影如不死他時真報當若何好述張
翁傳一紙

打鴨歌

打鴨打鴨鳥鎗機發煙火作轟然震耳鉛到湖不著野
鴨家鴨著兩卒奪舟急取歸猶嫌家鴨脂弗肥旋轉舟

中忽滅迹荷鎗歌笑湖邊磯畜鴨小童來評語還我家鴨
我有主卒言汝主柰我何有鴨無鴨試驗取索鴨不得
小童嘯力逐餘鴨鴨愈迷童心怨極聲欲啞翻令鳥鎗
爲我打

思飲酒作

今人縱飲殊失算古聖惡酒亦得半裁度古今得失閒
孔子曾教飲不亂老夫幽居百事難鄰家餽午吾朝餐
有懷但欲爲微醉無從覓之眉幾攢卻取空觴傾入口
亦覺酣然如飲酒

樹齋稿卷一

三四明叢書

約園刊本

寄贈瑞巖李叟

雲乳峯前李家叟朴素相傳居隴畝千溪水落匯門前
沿隄深入皆榆柳生業不豐亦不貧種時多年代富人
秋熟輸租得贖穀兒孫飽食寧苦辛籍雖無田亦無役
縣庭由來鮮足迹日長煙消早掩扉犬自安眠雞棲柵
朝來拖杖向誰尋初躡長橋看浴禽登山伏虎何須訣
過市醫牛尙有經迎貓獻蜡必躬率他客勿招亦勿疾
春秋往往呼里鄰同割茅堂無稅蜜世事紛紛那可知
瓦盆濁酒頗懷思太古難從想像得於君始悟上皇時

買湖魚不得以上南樓草

黃魚一筋六十錢價高止充富室筵貧家粒食且弗給
有魚無錢徒垂涎湖魚價賤買者眾漁子手眼殊倥傯
今朝有錢不得魚貧人百事皆瓞魁移錢易米得二升
園壺選吉此日登煮飯烹羹亦足飽口腹絲來無所憑

夜坐吟

山青青雲冥冥冷波流月聲清冷燭花乍開飛長星微
風吹來蟲夢惺

喜二周子至西冷

出門二月歸夢多半走西村半薜蘿閒來兀坐南樓上
手持二子詩朗哦妻兒覓米低相喚醒來忘在吳山畔
披衣起視月照牀人傳故人在錢塘須臾果見故人至
清風亦動花亦香言曾見我妻兒面家雖寂寞人頗善
見我故人復見家笑向吳山雲影見

寄湖上潘子霖

新月飄飄湖上去漸到潘生讀書處光寒湖水秋欲香
潘生此時坐草堂家貧愛酒不能得但令兩子誦文章
讀罷孤行兩隄上蒼天見此應惆悵蒼天蒼天柰爾何

樹齋稿卷一

三四明叢書

約園刊本

有懷但付月光多

雲樓題石峯生家

萬山擁簷簷猶高東鄰綠竹西松濤歲月長閒無所恨
門徑蒼苔厚逾寸有童辛勤能種田有兒種花解種蓮
自展匡牀揖我坐飲我一杯吟一篇須臾片雲北窗入
雲從翠微來覺溼石君醉後起弄雲復捧雲光自在吸
鑑湖久不屬自有懷往事書寄曉山

我年三十始得友命我湖中覓詩酒每來花嶼霞流初
亦止虹橋煙捲後雙柏聲招謁祕書纍纍三島分野漁

學齋稿卷一

三五四明叢書

約園刊本

古稱十洲已莫攷雲地霜汀猶有餘遙憶當年建城郭
山高水長仍寥廓黃冠野服賀公歸獨領流風傲邱壑
往歲清秋月十六董生過我湖干宿桂香入夢起披衣
月浸湖深酒色熟一吟一和鷗鷺驚老僧禪寂燈微明
葉子念母早歸去水氣漸摩雲有聲看雲看湖須看雨
柳下孤舟阿誰主撈花亭畔甲古人祕書以後誰堪數
人言史相有諸孫茅屋一區碧沚存讀書看湖足真意
之子庶幾可品論吁嗟落落眼前事我走西湖詩自試
西湖雖好酒不如歸訪甬東舊酒肆

看湖雲作思撻雲歌

西湖時喜作白雲西湖作雲湖摛文通明先生深好此
只自怡悅不贈君要知先生心非妬未解貯雲堪供賦
千秋開創賴癯仙高撻山雲雲亦赴宣和以後事益詳
良嶽貢雲萬餘囊傾諸苑囿當何似雖爲偉觀非所望
吾遊黃山見雲海無人掬取空千載東走四明看過雲
聞有楊珂善收採楊生家貧盛以罌雲受拘束微作聲
醉後爲樂揭罌覆衣裳几席皆雲生我居西湖已兩歲
看雲每拜湖靈惠春暖秋晴狀固殊嘗竊縱橫擬其勢
憶湖昔曾值坡公我思學公爲雲籠他日攜歸贈知己
放之可與四明比

學齋稿卷一

三五四明叢書

約園刊本

憶昔行

憶昔避亂入洪谷行李散失少書讀溪邊弄石午忘歸
松梢看雲日漸熟風腥稍能辨豹虎草躍已知來麋鹿
野人鉏園我亦鉏談笑絡繹有樵牧鄰客善病稱詩翁
謂我坦易無邊幅開篋示我長短句我初未識心亦服
欣然操筆始爲詩好書遠借勞我僕深山無儔儼自尊
李白杜甫堪推轂林泉緣足歸市城時異風移賤貧逐

賣田買書讀始周賣書買薪兼買穀愁來尋友只董生
倡予和汝鑑之陸相對每以米易法有餐不給時爲粥
西村二周聞此聲不以爲非相往覆書行同訪卽園子
夜舟旋過鐘潭宿乳峯三隱嶮巖中新詩句句畱人目
只今隻身走西冷破壁寒霜笑鄉熟淞江浪蘆夢畏歸
悠悠但倚空庭竹竹聲淅淅如雨聲酒憶故園徒捧腹
不如返棹喚董生醉詠梅花罌湖屋

寄殷靖值齋前落花

欲將異鄉心寄君庭花點點心紛紛攪花向窗入

愚齋稿卷一

三五四明叢書

約園刊本

殘花著紙心殊怯拂花作書心未能裏花一封君好承

吳山夜歸

四野歸來鳥滿林喁喁各訴今日心道人磬起鳥聲寂
遙視江平星影深山中露早光漸白燈火萬家獨貧客
曲巷紆迴月有無鐘過柴扉枯葉擲

登南屏憶與子霖遊眺處

積葉不記山中路卻向崖頭扳藤樹曉露初消苔蘚寒
北山雲屯若雨澍此中遊人無賢愚問我佳否心躊躇
浮鷗在湖楓在渚手弄白石誰與俱故人茗水多名迹

太初流風近咫尺明月孤舟夢或逢應道黃山有酒客
子霖子霖誠幽人思爾逾覺湖山真

湖北小園看梅

梅花亦聽世運劫每對孤山心鬱結六百餘年繼者誰
寥寥空負山頭雪別卻孤山何處尋梅花好在幽人心
獨立花前審神氣梅花自若香淺深小園無徒鳥爲侶
思嚼寒英鳥見許漁翁釣罷西陵橋吹竹一聲梅欲語

西溪看梅

梅花不逮曩時盛竹屋茅庵尙相映一年兩度領香光

愚齋稿卷一

三五四明叢書

約園刊本

緣結梅花荷天命溪行漸遠午煙重梅花半塢隱疏鐘
水清翻憶餘杭酒雪積遙看天目峯

寄西溪主人尋臘底看梅約

春寒正月騎蹇驢過子溪上梅花居至今清夢落梅裏
發我幽情時讀書聞君下溪穫頗熟新酒自當釀數斛
但言有酒必對某請醞牀頭臘深澁相約毋云時尙遐
郵筒須徧傳山家儻能留我一月飲醉吟必不負梅花

同周證山湖上作

湖裏看山秋在山山頭看水秋在水兩人上下湖山閒

山水相涵秋自起空亭久坐心愈奇落日平鋪煙火遲
行到第三橋上望鷗挾香飛荷未知

山閣眺西湖見子霖幽居處

遊子薄醉袒鷄衣獨立懷古鷗鳥飛蘇公去後六百載
湖中無人領清輝長隄橫秋光欲溢三兩漁舟釣落日
天高水遠深我思月來偶見幽人室幽人此時何所爲
緩步策杖香桂吹山空湖冷心浩浩儻然有會當語誰

湖上訪潘子霖不遇

種田湖邊稻少成種蓮湖上藕少生人情似我亦惆悵

愚齋稿卷一

三十四明叢書

約園刊本

潘生落落湖上行潘生雖貧善釀酒小童解留主人友
湖中雀鼠知君貧湖園不敢傷瓜韭昨朝雲起湖北頭
念生意致來林邱卽此湖中秋已足生復探奇何處遊

內人五十生朝以上湖上草

去歲余五十感君祝壽登南樓今年君五十余仍飄泊
留他州他州何事遊不足不返故園共焚菽令君一人
坐南樓佛聲欲住眉仍頗憶昔與君壯盛時服飾飲食
百物宜七十筵前賀父母我年三十適同期咄嗟世事
胡易改家業無多幾書在逢君四十心赧然多爲好語

云有待詎知此日更蒼茫晚菊可怡天各方三男一女
雖繞膝豈及相對談家常始笑迂儒作事謬六十他年
何所就古言莫作太常妻今日深嘲老學究

東郊望南山

隴頭刈麥聲颯颯隴畔耘耆互問答風吹鄉語半難知
林陰坐視南山塔峯形起伏如迴瀾片雲不興蒼翠寬
是中應有高隱客我欲從之相盤桓

赴蘿巖山足土人飲以上蘿巖草

村田雨足耘耔餘截溝下笱多得魚劊羊作黍迎貓畢

愚齋稿卷一

三十四明叢書

約園刊本

紛紛高會啓茅廬捲袂叫呼頻出席羣兒進酒濃如液
數言慙媿負賢賓滿斟自飲時狼籍野人天性切莫嗔
我亦敬戾頭上巾短笛柴門亂歸牧晚涼風起吹溪蘋

九日歌寄賣菊翁

遊人好事猶做古九日登高各傳伍予聞晉隋人不然
反從正七及十五要知登高不拘時有酒有客卽相宜
長房談災亦偶爾取必重九毋乃癡賣菊老翁嘗笑此
閒日峯頭一納履夜皎孤瞻海日升晝晴長逐山雲徙
登高如是真解人老壯遊情無屈伸近日菊開應不暇

一月花前惟飲醇

索友人園竹作杖以上薜蘿草

昔遊古虞值方叟贈我古藤爲我壽稍嫌磨削太精工
旦夕頻費拂拭功今見故人園中竹年時綠沈如碧玉
不雕不琢自可人欲求一杖應弗嗔扶持病身免踐蹂
賜予不居粟帛後

食蓀粥作

主人色喜呼兒孫慙慙夜作先生飧檢蓀如丸得數掬
併入鍋中煮作粥舍西山脈汲清泉武火移時不住煎

愚齋稿卷一

三四明叢書
約園刊本

米香蓀熟味甘滑一飽胸懷稍欲豁放筋摩鬚細自圖
我家今夜得炊無

題贈漁人

初晴睡起展蓬窗蕩槳去釣東南江東南水暖魚所聚
輕船好侶來雙雙相呼入浦共沽酒雨後折蘆可炊否
沽少重賒飲欲豪潮白天空月如斗

早起吟

林受吹煙煙欲凍老烏夜唳朝續夢平疇霜瑩達西山
起伏恍疑麋鹿動掣衣入戶坐繩牀攤書眼暗頻拭眶

慨然既知吾老矣讀書聊博斯須喜

齋西古松一樹人呼爲大夫予代之解屈

泰山不欲秦改封警之以雨風亦從風暴雨惡山道險
庇遮偶得巖邊松當時遂競傳奇事若爲松幸邀天賜
焉知蒼叟有本根豈藉祖龍別軒輊我聞秦爵分九秩
五大夫乃爵之一始皇封松最下官松亦不幸羅屈抑
今人反謂松五株秦封五株五大夫罔辨秦官既足笑
胡爲凡松舉以大夫呼或謂秦惡徧天下何意風雨弗
相假儻非松勢盤鬱蔥泰山幾若君山赭吁嗟此語殊
不然誰雪泰山松久冤太山松冤亦已矣茲松且勿相
妄傳我告此松松自若雙鶴來歸聲落落

愚齋稿卷一

三四明叢書
約園刊本

北江看捕蟹歌

二里至板橋三里到江汧潮信西風浩浩歸捕蟹人家
才出浦小船雙楫去若飛霜深月黑蟹初肥草梁十里
捕未易岸傍負販忘朝飢人言蟹性寒食之恆敗腹請
勿事貪饕慎毋使勝穀我言飲食貧家難富者腹飽寧
畏寒猶憶少時頗酷嗜二螯八跪如蟹餐獨笑食多亦
罹咎吾腸亦若蟹無有

別南樓吟

年時慕作花鳥主容膝南軒浪揮塵名福無多鳩欲來
何巢可退吟風雨先慈供佛開南樓石磬吾曾擊素秋
儒書且並梵典列客茶僧果猶能畱寢興容易逾坎坷
父子吁嗟若相和百年生計果何如十日煙興即堪賀
南軒不守幾酸辛此時彌覺懷遠巡最是樓頭今夜月
照來不是苦吟人

齋北漁者惠巨沙魚一頭詩以言謝

洛中宜鯉伊宜魴索價嘗貴比牛羊貧家夢想不相及

愚齋稿卷一

三四四明叢書

約園刊本

但求魚婢權馨香昔時先子擅風雅多買鮫紫細切鱗
於今塵滿空坵存親友蕭疏華鳥假君為老漁泛海杼
鯨眼化珠曾見母大鱸出入湖消長此語祇應傳者誣
又聞任君氣高邁釣鰲餌投十五情何似王公蕩孤蓬
珍重絲綸不肯賣我亦嘗遊鑑水中垂竿偶獲赤鯿公
波濤險熾膽不壯姓氏見黜漁家翁自嗟白髮已如此
感君雅意厚為禮烹羹既得鋸齒鯨炊飯當求長腰米

過倪老人幽居有贈

古來幽人心無欲古來幽人身不辱破屋蕭條風雨中

犁鉏僅可消脫粟庭前脩竹蔭階除欲眠欲起無躊躇
罍香自注看經罷稚得茨菰兜滿裾我更勸君向籬側
稍植黃花寄語默

寄賣菊翁生日

寒風不凍空村夢直到西溪鐘未動菊翁擁褐坐高堂
兒輩稱觴兩伯仲我進祝詞隨口拈一詩即作一籌添
翁笑舉杯且命筋罌粟苗蒞初出泥莫以此言虛相擬
感翁精誠自應爾祝壽果能夢寐通好夢年年當細記

答白雲眉山和尚

愚齋稿卷一

三四四明叢書

約園刊本

老僧策杖拖芒屨細雨到門升土階主人開軒延之入
鵲亦何喜雙噪槐端坐不言亦不暝髮白四垂凸中頂
須臾詔我顏莫愁身能貧賤即高等我謝老僧漫相訓
豈須貧賤始安分自來髮燥及鬚蒼雖慙家債他勿債
罪過無他待懺除傷時稍著數篇書於今併欲芟文字
老僧雅意謂何如

嬾雞歌 以上西村草

昔嘗怨雞太早啼誤我眠起無端倪今怪此家雞獨嬾
令我眠起日漸緩彼何為早此何遲微禽豈分點與癡

黠者固多人許與而癡伴我南窗語

愚囊集稿卷一

愚囊集稿卷一

三五四明叢書
約園刊本

愚囊集稿卷二

明鄞宗 誼正庵著

明鄞周斯盛證山定

五言律

山家

山谷無升降於今樂自殷四時仍社臘半歲在耕耘溪
色宵流月松聲曉動雲近來聞有信賣犢早輸軍

訪陳鴻賓先生

道在何妨賤經年住廢墟苔痕深雨雪松影長圖書問

愚囊集稿卷二

四明叢書
約園刊本

僕勤鉏茶呼兒暇釣魚皤然頭上髮短禿不煩除

餉余生春菜

以上南軒草

同為淪落客我獨得園居月旦聊相贈栽培庶不虛味

原經野雪香可煮湖魚儻愛閒為客春風來共鉏

舟發蕙江

浮萍先我去孤艇夕陽平野骨兵戈賸荒藤亭榭生潮

高村水亂山斷遠峯迎悔作馳驅子風塵幾度聽

南樓卽事二首

偶檢殘書簾窗明喜乍晴水經連日對竹譜比年成賀

監春邀社龜蒙舊訂盟謂陸明懷歲時還恃此華髮漫憎盈

朔望加冠服祠堂集拜齊樓危慙上世衣綻泣亡妻語

默逢今謬文章受性低呱呱憐稚苦引手一提攜

偶成一首

穀價雖非貴貧家柰賤何酒難連夜得衣畏小春過暇
日知遊好衰年覺悔多詩成還自笑爲爾受蹉跎

近事逾難測從前益莫論海桑餘草徑人馬共柴門暫

值月當榻空懷花滿村昨喧仍稅屋清夜幾驚魂

齋詠 其二

愚囊稿卷二

二四明叢書
約園刊本

新曦小鳥樂百囀吐嬌音以汝知天事將誰語我心林

霑雲尙溼藻怯水初深自對庭梅後寥寥已及今

拔菟

昔時殷勤甚今除似不情向蔬懷始末俯首念生平老

竹吹風冷新蟬見月鳴後朝六月望計穀已將成

西村晤周證山於是別十年矣三首

交情無聚散別況未能忘事故於今甚鬢眉使我蒼殊

甘葵藿老尙殢酒歌狂頗欲掀髯語叨叨復恐長

吾竟稀他是長懷朋友真不慙瞳老眼終喜得斯人兒

女貧中大詩文廢後新相看村閣上且莫問高旻

歲月當吾輩茫茫更易流難陳十載夢好認一湖秋身

世何煩定山川且勝遊漫憐愚老憊猶健豆瓜謀

過慧林寺小飲 以上南樓草

偶步斜陽內元公向我迎短籬緣筍外小閣與山平煙
出柳先晚月來花復明尊空猶道貫童子各爭行

送二周子出北關

關前一相送關外草沈沈人事薄來去草生知古今初
晴方日午自重春深別後相思發湖光還獨尋

愚囊稿卷二

二四明叢書
約園刊本

西泠香餅園雜詠三首

亦知宜涉世勉覺逾難明月黃初夢晴窗紫芋餐淺

深鉏教僕長短句題竿欲作歸田計蒼天幾佇看

忽忽竟何事蒼然爲老夫固知誠有命每欲咎微軀清

露修篁仄寒風亂草驅叨叨憎烏鵲凶吉爾何須

賤子求誰識空齋勉自安園雞驚月早江雁出雲寬目

病鑪煎菊身閒砌護蘭讀書聊自慰兼欲引盤餐

證山客歸

細雨竹聲裏黃花夜色微青燈雙影是黑髮一秋非楓

葉家鄉好霜花客地肥憑君語我子莫謂尙單衣

懷歸

桐高落不盡夜夜向窗吹白髮妻兒寄青衫歲月隨園
空安月漏屋老受霜欺亦似知天命無端風雨思

韜光二首

數里林中路到門天始開雲聲披石起湖色薄窗來衲
老能生竹颺馴不損梅階前泉自潔借飲坐莓苔
仙佛鬼然共吾將曷叩諸好嘗松頂茗去讀古人書夏
亦生紅葉時方長綠蔬山深氣候足鳥語似春初

愚齋稿卷一

四四明叢書

約園刊本

九日吳山

爲客不免俗登山天漸晴雲開窺嶺遠帆仄破江平近
市午煙亂荒村秋色橫茱萸何敢慕山店聽松聲

西溪訪友二首

廿里風光內到來聞鳥嘯黃花三面水綠橋半邊隄月
起當門早禽歸掠戶低比鄰多釀酒有客輒相攜
卜築百餘載柴門誰往還引兒朝入塾訪衲午登山煙
過芙蓉冷秋晴薜荔閒怡情數雞鴨手向柏枝扳

夜聽雨

夜永嫌多夢清尊且自憑疏鐘出細雨落葉近孤燈作
客何當老思家未若朋鄰翁猜水發索索理魚罾

荒園

荒園日欲上梧落啓柴門鳥過銜藤露人來倚樹根寒
初安敝服病後喜清尊乘興登鄰閣雞鳴江上村

湖南綠隱庵題壁

一湖山水勝此地頗能兼異卉知人少深林見鳥添天
空雲近屋冬霽雪侵簾高坐都忘久留餐不我嫌

至靈隱

愚齋稿卷一

五四明叢書

約園刊本

秋靜遊人少徐隨牧子羣客心亭上冷僧課石中間古
木從禽穩清泉聽竹分山青雖九里時見萬重雲

吳山夜望

潮罷海門寂沈沈星影含數峯漁火外孤塔雁聲南夜
市誰家急秋懷客獨耽江平雖易渡歸夢莫輕探

南屏有孫太初卜居詩步韻懷之

欲求三徑跡問訊往來頻當日稱貧士惟天愛古人煙
霞存舊物木石少閒身俗被先生澤今猶可卜鄰

鳳皇山南爲宋故宮

豈必興嗟歎興衰此舊蹤
夜燐埋骨冷朝雨拖煙濃
麋鹿花無苑牛羊草沒封
諸孤應自可慙媿在高宗

懷余子生生

一囊山水際遠勝老於家
徧識他鄉酒高吟到處霞
勞心求好友得意插名花
數別殊忘歲蕭蕭鬢各華

西湖秋夕

蕭條將入夜返景助湖晴
欲老三潭事須爲五畝耕
草蟲生露氣蘆雁落秋聲
漁棹歸初繫分魚趁月明

示友人

愚齋稿卷二

六四明叢書
約園刊本

卑論難安處西冷猶互鄉
自存貧賤性不負聖賢方
明月窺天閣秋風誤夜長
無聊如老衲煮茗代壺觴

遣興

亦就人情好空齋作梵音
溪風茅屋遠山雨竹簾深
命薄兼朋友身微誤古今
俯思還自笑起逐砌花陰

獨行

偶涉蔬園北香凝草似芸
鶴吟摩嶺雨鷗夢入溪深
早豆村初賣遲禾隴半耘
風聲涼乍到客況若秋聞

又至五港觀社

十里殊風俗逢逢鼓屢鳴
酒盛三斗養性準百觔衡
拜起憑衰壯逢迎別弟兄
最憐優哭處羣眼淚俱盈

南樓北望

極目寒空遠青山幾點浮
引愁非爲病入興偶宜秋
巷寂聞飛葉湖晴露過鷗
晚煙將四起吾竈得炊不

題小影

木偶眞同我丹青復任他
論心須自定貌影欲誰何
篠瘦兼瓢荷松高隔水哦
細傳癡絕處猶覺少婆娑

江夜

愚齋稿卷二

七四明叢書
約園刊本

一閣風初寂長空霜氣生
荻留寒雁闊月被小潮明
夜織緣江動村舂隔浦輕
漁歸更二轉語笑見渠情

之江浦訪僧以上薛蘿草

暖日烘人背荆榛露漸消
餘花畱客徑獨石到門橋
衲綻冬纜補廚荒午未樵
蒲團呼我坐一聽夜來潮

九日書懷

悲感應時有重陽漫歎嗟
詠吟增老態風雨屬貧家
論火纜烹芋投薑亦代茶
癡孫唳角黍裹飯只言差

采菊治目四韻偶成

旭照空庭半籬東採菊枝插頭還笑鬢洗目且除眵似
少看山興殊忘折柳思火紅湯正沸代茗亦差宜

懷南樓 以上西村草

五十餘年意偏慳老至緣夢沈孤塔雨望失十洲煙覓
主憐禽誤催詩負月圓昨從鄉塾返猶至闔扉前

中秋夜膳 以上療飢草

做廬敲窄甚側徑向天覘對此中秋月欣然一筋鹽砧
聲鄰右住蛩語草根添擬夢將何至虹橋舊酒帘

七言律

愚齋稿 卷二

八四明叢書
約園刊本

宿西郊五港

夕陽樹影亂平川野老相迎放渡船乍入柴扉聞稻氣
纔登草閣見楓燃傷生頻語畱雞鴨感舊因人數歲年
餐罷獨遊籬竹外月寒微露自涓涓

南軒雜詠 其二 以上南軒草

草堂幾作夢中塵庭木榮時一辨真暫理家貧遊藥市
猶存野意岸紗巾江湖已嬾求名士松菊奚堪獨善身
昨日曾登高處問神州何地足尋春

交溪晚步

老衲相攜過祝灣東風一艇釣魚還莧畱落照浮春草
鳥斷孤雲見晚山已慣青衫離亂內何妨白髮圃畦閒
此中風俗因人見欲買溪南學閉關

雨中簡董曉山

久罷悲歌鑑水邊岑岑愁色已經年夢遊貫月雖仍得

醉索眉山

余生生遠遊

了不然七子一編評在爾五年三友

哭惟天君來莫厭瀟疏雨妙粟廚中正放煙 貫月陸披雲樓名

老庵夜坐呈道嚴大師

聽鳩明日又嫌晴竹屋無言繞佛行山冷蘭香當四月

愚齋稿 卷二

九四明叢書
約園刊本

燈昏雲凍已三更危峯落石鐘還應脩竹通泉砌隱聲

聞說楊枝多淨水願揮數滴救蒼生 時大早

宿上雪

野衲攜茶歸晚煙寒香不惜向人傳遊成好友他時約
夢穩名山此夕緣新月自分深樹內疏鐘欲上亂峯前
胸中已覺無餘想市遠沽難稍自憐

南樓早春二首

危樓每上興蕭然約略風光似去年漸老喜逢同甲友
方春憂辦納丁錢滿庭雪霽初生草正月天寒尙怯鵝

獨幸梨桃兵燹盡落花可不到余前

遊倦歸來破屋存向何高議與卑論
飢來蔬食嘗踰午
做到衣衫欲杜門
壓竹濃煙看篠簝
溼梅細雨覺香溫
惟難忘卻西冷道
古榻殘衾勸夢魂

夏日齋中三首

塾課乘餘且倚藜
踰階丈許卽蔬畦
細分草木陰晴色
嬾辨烏鳶好醜唳
佛號齋期增老興
果香羹滑作佳題
清癯自曉毋煩鏡
須怪星星未肯齊

六月鷓鴣何是非
力衰罔敢發獻歎
數株蕉雨多逾響

愚齋稿卷二

十四明叢書

約園刊本

一樹槐雲久漸肥
溝漲亂通鄰舍鳴
窗疏寒益主人衣
頗添私喜敲扶屐
遙望青山勢欲飛

兩齋蟬鳴抱柳枝
救飢將次穀升時
雛雞誤逐他羣母
客燕猶憐再乳兒
羊角豆肥酌地力
雞冠花早報秋思
吾心悟得栽培樂
鉏趁涼颺弗覺疲

感懷一首

久忘登樓檢舊題
北鄰筍長並簷齊
鷓鴣唳夜雨經三月
馬躡斜陽戀一隄
貧但任天胡足怪
詩雖違眾已成迷
此身大要幽居好
六十無輕信杖藜

髭髮皚皚容易盈
里門聚首漫相驚
也貧方外燒丹鼎
卻誤牀頭嘗酒罍
西岫羸高宵益秀
湖魚米小暖纔生
下樓攜得孱孫子
取竹教他作馬行

南樓有懷曉山以上南樓草

年年竹樹借西鄰
姑遣今年付主人
風雨空樓同此夜
賤貧到處厭爲真
近傳學步兒尋父
猶念分餘鳥候晨
遠客粵東猶未識
程江思在甬江濱

題湖北潘子霖齋壁

高齋歲歲一湖清
童子迎門解客情
日轉松枝驚犬吠

愚齋稿卷二

十四明叢書

約園刊本

雲屯石骨誤隨行
能閒日月非無用
到極詩文自少名
談罷止余竹榻上
臥看秋色兩峯生

飲雲居友人家

十日秋晴三過君
秋光君不惜同分
鳥歸湖畔籬邊下
榛落山中瓦上聞
已醉偶眠成好夢
欲吟還飲竟斜曛
袒衣且自躡跚去
楓葉紅時來論文

西溪卽事二首

柴門半掩綠苔生
無事下男不入城
園筍有租非易賣
山茶可摘尙須晴
遠尋花處蜂遲返
解伴人閒燕偶鳴

風俗此鄉兼種秫村沽能醉且頻傾

引我紆迴過竹林數家茅屋可相尋初眠蠶藉桑條嫩
一陣鵝浮草色深雖有哀鴻愁老婦且無遊騎駭棲禽
朝來雨足池塘滿荷葉芡菰力已禁

訪賣菊翁不遇

雪凍三番梅漸肥屋傍黃葉閒飛飛長齋自不尋溪釣
好事還多與衲依雲觸藤香留獨客風搖竹影叩雙扉
北峯前日同登處俊鶴盤旋自適機

齋詠

愚齋稿 卷二

十三四明叢書
約園刊本

古木蒼煙鳥語幽何緣俯首為身謀無才詎敢輕言命
有興惟宜靜眺秋園窄量芟遮檻榦地汙深浚遠階溝
獨嫌鄰北梧桐葉故爾旋風打做裘

泛西湖有感

遊人簫鼓竟忘年方笑貧儒放小船吳廟鶻來纔霽日
宋陵人指近寒煙陰晴幾箇漁舟穩南北誰家佃稅全
且上西泠橋上坐只今秋老定無鵑

買甘菊

野人農隙栽甘菊九日擔來城市中本草正宜余病目

代茶亦效此鄉風自叨晴雨春前力相趁幽芳秋後功
我欲明年培萬本攜花換酒或堪供

湖曉

雁羣欲起意還慵我亦依依拄短筇殘月兩隄人負販
清霜一院衲鳴鐘荷枯氣積雷寒水葉落光搖動遠峯
喚渡欲尋南岸侶平湖十里野煙封

自迴瀾橋至冷泉亭

遠眺秋光似可攜近山秋復過橋西寒溪鮒瘠花為餌
峭石松危雪作泥亭下有僧方瞑坐寺前無鳥只聲唳

愚齋稿 卷二

十三四明叢書
約園刊本

何當北上高峯頂看日初升第幾雞

賣菊翁七十

七十頭顱未肯蒼登山矯健若騰翔幾人有道堪稱老
何事無天且任狂靜洗芡菰烹帶飯搗多薇蕨瀘為霜
我來始識山家暇一日幾同兩日長

十月十日湖中

郡人以此日復掃墓

霜深木落北山頭野叟相呼上小舟十月居人重拜掃
五年遊客媿松楸風生隴上鴉爭集日曬湖中鯉暗浮
矯首西南諸墓道煙飛縷縷入余愁

五十初度

黃山曾忝幼時緣忽忽於今四十年既妄蹉跎成里老
聊除耳目補湖天雜陳小賀醞鹽味誤撥烘鑪楷柑煙
多謝梅花增逸韻蚪枝數點向齋前

證山北歸至西泠邀余夜話

蕭蕭行李北歸人相對空齋月欲親文字竟移山水韻
功名猶後友朋真匡牀去歲鏡前雨尊酒今宵檣裏尊
到里知交如問我為言好飲近逾貧

贈陳孺子先輩

愚齋稿 卷一

十四四明叢書

約園刊本

高情處處屬煙霞半畝園亭亦室家竹裏支門旬日雨
籬前舉酒一秋花生魚不釣未盈尺古籍常鈔已滿車
五岳可遊猶未決為憐知己困天涯

武林遇鄉人

毋笑迂疏一布衣剡川深巷有柴扉他鄉忌諱猶知少
舊日湖山頗覺非貧後漸於書史密老來何惜姓名微
與君漫爾悲飄泊白墮黃花且共依

客居西湖贈陳孺子

五十髭鬚半白侵頻年落魄住湖潯不能善飲翻耽酒

嘗自無題輒苦吟訪菊蹊從黃葉遠聽松杖倚白雲深
尚餘清夢難求處曉覓西泠橋上心

舟至湧金門回望湖中

舍舟路復入荷蕖小立沙洲意自如山雨未成盤野鶴
水風旋定集村漁漸平落日林園受已起寒煙歌吹除
湖上幾人秋自足高莧點點雁來初

初至賣菊翁家

百年松屋半荒蕪溪繞庭前長綠蒲幼子已知迎客禮
老翁猶未要人扶稍存伏臘雞豚數先作征輸米粟圖
相共只言疏款接殷勤頻勸盡殘壺

愚齋稿 卷一

十五四明叢書

約園刊本

有懷圃茶寄兒輩

以上湖上草
菊後栽蔬直到茲春風春雨已皆知長年計口無他味
此月瞻天可刈時莫以未勤傷厥性更緣奢望轉多疑
近聞鹽價高於昔汝母朝來又皺眉

去絮

歲歲他鄉若轉丸媿言帶博與衣寬天子客舍寒暄亂
絮到吾袍出處難憶母空思添綫密逢人幾忘捉襟殘
為論當日羊裘子六月桐江應獨寒

贈待槎湖姚老人

小築依山復映湖柴門半具倚菰蒲完租得穀田無役
供客求魚釣有徒徑內松陰方過午籬邊鳥語代呼奴
秋風近漸搖林木補壁遮茅泥是塗

別撻雲閣

漸熟林泉日應酬又將攜笈徙南州殊懷閣外三更雨
難負窗前一塢秋別後或通梁鳥夢留餘誰為野麈謀
獨吾明月知斯意到處相隨照白頭

過撻雲閣小飲

愚齋稿 卷一

十六四明叢書

約園刊本

每懷高閣輒躡蹠老性方宜松桂寒能解容身隨所處
必求避地此纔安板橋舊仄牛羊慣茅屋新添菜麥寬
楓杪夕陽斜到檻清尊徐挹不知乾

寄周證山即墨

以上蘿巖草

嘗疑斯難豈其然大阮冬深信確傳近夜屢成歸客夢
去春曾賦哭君篇固知獲罪繇飛謗猶幸為官不愛錢
莫謂南回行李少空村尙賸幾荒田

重至山門梅村

菜豆花香引路遙十年遊客問誰招山清應罷今宵雨

港斷猶通向午潮草屋隴頭迷舊徑故人籬側認歸樵
東風何用酸心目閱歲於今耐寂寥

齋樓漫興

雨過孤村見落暉老人相喚出柴扉茶芽始吐先論價
麥腳初齊各計飢溪霧壓船漁好去村煙埋屋犢知歸
傷心北隴棲遲處今日烏羣自在飛

夢醒

夢醒松窗日已升回思身世欲誰憎固慙壯歲多驕蹇
姑謂蒼天有廢興五字亦徒吟白晝二毛能不笑青燈

愚齋稿 卷一

十七四明叢書

約園刊本

目前信作漁耕羨身老兒孱恐不勝

梅村吟四首

稍悟從前過任真比來贏得老衰身必逢上甲纔當世
欲守三庚未有因潮溢河魚飛避鹵麥齊隴雉雉懷春
樓頭有意誰堪供窗對梅花作丈人

遮寒敝席代為簾雖屬貧軀養欲嚴漫辨癡腸拌鐵石
甫知梁肉孫贖鹽事當可委無留眼愁亦何關屢拂髯
海畔春風宵更厲布袍雖綻且徐添

竹暖春晴晝落陰婉辭佳客漫相尋登臨有興年來淺

風雨借愁夜半深
秃筆蘸硃評古罷
瓦鑪注火看煙沈
嗟吁讚賞都無補
吾欲荒唐慰此心

著屐長脰輒趁泥
寺門斜隔木橋低
貪眠砌側牛春喘
擇食峯腰虎晝嘯
古佛何年從蘇捧
老松自昔受嵐翳
僧家相見殊歡洽
贈我蒼條代杖藜

壽周方人六十 以上梅村草

高樓日讀幾家書
老眼摩抄定溼祛
服芍有兄歡若此
付琴無子意何如
要知壽譜詩文闕
莫謂貧添歲月虛
笑我近無升斗蓄
也稱長者據危廬

愚齋稿 卷二

十四明叢書

約園刊本

秋日過光溪

脩林徑出老僧寮
徐向山陽度板橋
鷗夢方沈飛葉擁
漁歌欲住野雲邀
筏來港趁深山雨
鹽到溪通海外潮
傳說昔從兵燹後
廿年猶未復蕭條

漫興

日高窗影竹離離
隱几無端詎阿誰
不可消愁徒費酒
頗能加病反多詩
黃花鬢滿秋懷過
白豆盂香午夢遲
六十年來滋笑口
餘年仍自聽他嗤

病中兒輩以米魚羹供飯予哂其妄

豈忘風味舊齏鹽
口腹貧家未易厭
服藥本宜猶教止
求魚非貴亦傷廉
不煩祝哽肥堪啗
頗怪撚鬚汁欲黏
老子年衰難望此
何如薪米得相兼

陸披雲臥病經月時余亦攫小疾不晤踰數旬上

草 薜蘿

六十餘年兩廢人
君生稍長十多辰
千秋信有關心事
三月難支老病身
非敢畱書期後世
祇慚立品遜先民
比來時日知多少
又說明朝是立春

檢箚中得周證山手書因作二律寄之

愚齋稿 卷二

十四明叢書

約園刊本

西村蹤跡近何其
獨立南樓空費思
尊酒叩門消渴後
冬日冷甚忽以尊酒見遺半干買棹訂遊時
前癸卯同遊雪實誰從難後為
知己我向鏡前把
舊詩歸信果真期
臘底雖貧猶可供
棲遲

尙憶元宵到爾居
梅花幾樹頗容余
看雲水面欣逢鷺
坐月橋東待買魚
白髮難禁頻聚散
蒼天逾遠幾欷歔
君家大阮知何處
約略三年不得書

南樓卽事

欲信人言意未安
白鬚掀向鏡中看
菊消徑雨香猶透

窗通湖雲夢自寒稔歲漫呼無粒急單衣惟祝小春寬
摩抄竹杖天將午空負歸簷鳥待餐

生朝

蕭蕭鬢髮幸成華五十餘年鑑曲家豈以薤香堪壓韭
曾將蓬性借扶麻到貧率性詩非崇及老何妨毀尙加
兒輩進觴聊自醉去看鄰舍早梅花

錄詩文已偶書於頁

清秋一月幾逡巡字畫敬傾每自嗔難罷是非邊略紀
自慙著述未爲貧畱瓢不畜浮江想覆甕差堪與酒親

愚齋稿卷二

二十四明叢書

約園刊本

寄謝時賢毋太笑此貧平昔蠢爲眞

到齋

石路西迴水一灣別來幽徑蘚逾斑炊宜柏葉荒廚遠
插可籬花老鬢頑昨夜雨添浮眾鷺一時雲罷見遙山
穰穰滿隴年稱熟貧客猶然歎世艱

初夏感興二首

軀體頽殘苦寢興鬢髮顧影自知憎敝衣雅願年長暑
脫粟難求日半升健且澆蘭非爲主閒嘗學佛嬾依僧
淒其况味如斯足幾領涼風一曲肱

放筆摩鬚倦稍伸薄糜鹹豉晚涼新有何排解嘗悲憤
多卻吟哦自苦辛風正養槐花未落雨重洗竹粉纔勻
看農布穀還栽芋一笑先生是廢民

偶題齋壁閒時吟之以自喻二首

芒透東隅日上寅曉寒索裏舊紗巾醉鄉以老疏蹤跡
吟社於今付笑頰江左霧除僧磬近海門潮長客帆勻
似吾六十恆危坐捉杖竹鄉笑古人

敷陳晚節向誰詹進退徒勞學用謙黃海故鄉忘歲敘
鑑湖近事異酸甜廚荒欲助餐加豆市踊思黏飭少鹽

愚齋稿卷二

二十四明叢書

約園刊本

十九生平譌固甚里鄰贏得喚癡髯

季冬寒甚吟以避之

十日嚴寒釀臘天北窗扉敝席兼懸浮杯竹葉香猶嫩
待雪梅華性亦偏老愛高吟眞自妄夜期熟睡倩誰傳
晚來古屋風初定且莫遙懷范叔賢

秋曉感懷

旭對梧桐影透西孤村角角尙催雞黃花養氣方承露
紫蓀烹香始出泥風雨何關徒畜怨賤貧所在漫深題
年來七十殊容易祇覺懷慙捉瘦藜

過宿州南某地主有贈

兩月庭秋始有痕斜陽莫漫沒孤村
茨菰就釜勤炊甗
薜荔垂簷忘掩門每懶驅馳隨世好
能畱言貌向余溫
解人於指無多屈得慰生平此夜樽

題畧湖友人幽居

野漁一艇乘朝暎欲別幽居秋色屯
早菊初旬開藥圃
古槐幾世蔭柴門犁鋤伏臘能贏給
筆墨宵晨自細論
避地湖南長適意桃源空說是仙村

寄周子方人蛟川

愚齋稿卷二

三四明叢書
約圃刊本

讀書稍倦幾遨遊巾子峯前朗置眸
隔岸鸛旋山寺雨
隨潮帆挹海門秋帳懸老歲真雞肋
筆捉寒朝假鹿裘
何事呶唔聞夢寐麟經深釋仲尼憂

漫興

還從瘦骨挂青衫倚杖柴門看過帆
香給一村烹芋荳
聲寒雙耳響松杉采芝仙窟嫌吾劣
嚼肉屠門任客饒
河許躑躅聊自計大都毋費語喃喃

倪尹若索詩因題其齋壁

以上西村草

一廬歲月竹松攢春早治田秋後餐
湖海都除纔覺好

蓬蒿不翦始能安低牆近夕山容起
小閣初冬海氣乾
嫌我老無他技供倚梧高詠興猶寬

寄證山周子

別來兩月興蕭然但日躊躇看突煙
讀古九分居爾後
處貧千箇莫余先虛堂夜寂嘗容月
小徑秋晴別有天
偶得兒曹杯酒供畧湖夢到認從前

南園卽事

數行歸雁掠高霞獨立南園手背叉
一沼青芹爲美茶
滿棚白豆亦奇花未能夢穩嘗如蝶
故學蓬生且近麻

愚齋稿卷二

三四明叢書
約圃刊本

鄰里呼翁呼稚飯縷煙才起是吾家

寄二靈于上人草堂步韻

以上療飢草

靈水靈山秋更清欲貽高衲句難成
貧堪賣否還祈訣
福可求之未敢明夜月自升簷荔受
晴嵐徐過徑松迎
問師杖履茅堂外幾聽山頭二虎聲

五言絕句

苦旱歌

入網魚涕泣脫網魚躊躇三日水不
發躊躇復何如

喜雨歌

鵝鴨自狂喜飛鳴聚復散壞我池上瓜反生我嗟歎

七姊妹花二首

誰家諸女郎併作園中蕊風雨且漫來妹嬌勝阿姊
努力呈嬌色花生亦好名語花好自重名下恐紛爭

粟飯

一鑊水火爭粟米飯纔熟卻忘鳥待餘與粒步還蹙

送友人帶豆

以上南樓草

近日衣無帶猶欣豆有形贈君須好煮宜使色留青

初夏

愚齋稿卷二

三四四明叢書
約園刊本

南風向午來響落深篁露貽子肅肅心移花待雨雨

古意

見月何須拜月竟不相憐拜他三五載他只自團圓

湖上

對酒不得意獨登湖上樓山光爭落日水色照高秋

牧童謠

以上湖上草

牧豎出門早拋牛臥倚籬鳥啄牛背瘡齟齬那得知

墓上花

墓上花初紅墓中人自慰花殘莫亂飛行人深忌諱

寄內

細念終由拙無關命數非別來將一月曾得幾朝飢

齋北納涼

以上羅巖草

風從竹中來著人便覺異領略無過多恐醒吾醉意

和友人聞雁

吳江楓久冷漢水月纔明誰是無愁客孤蓬聽雁聲

眾樂亭懷賀祕書

未覩漁陽摻先機樂自多漫攜遷客至祇許醉翁過

嘲桑

愚齋稿卷二

三四四明叢書
約園刊本

煮龜爾作薪飼蠶采爾葉爾猶不畏勞吐甚供人拾

代醉客答嘲

以上西村草

買酒日有價製衣翻無錢買酒只半百製衣須十千

七言絕句

過白峯

土田紆曲匯溝渠菜麥青青十里餘此地亂離應未甚

小春戶戶捉河魚

友人餞曉山席上口占

秋風七月起江干送我遊人上釣灘君到嶺南梅欲發

清香可似寶巖寒

寄曉山程鄉二首

九月南樓月欲肥程鄉入夢是耶非山瘴淺深子未識
故鄉風已漸欺衣

客裏山川日幾吟漫言天雨與天陰粵中最是冬如夏
不用寒衣繫母心

留張紹中宿

猶記黃花細雨天蝸蟬寄我帶霜鮮子來寒舍無他供
喜有樓頭月一圓

愚齋集稿卷二

三六四明叢書

約園刊本

自笑

破被方溫賴小春危樓雨急漏無垠安貧已久今宵妄
有夢居然似富人

喻子規二首以上南樓草

舉目無從覓蜀天只呼歸去乞人憐儻然當日能歸去
未必裊斜便萬年

曾為越旅與吳棲惆悵春風畏汝嗁今日老歸茅屋下
要嗁嗁到日頭西

寄鑑湖友人

讀易閒時念我無春風添白幾莖鬚客鄉雖有西湖在
不及南樓對鑑湖

秋齋

蛩聲未了又雞聲旅次秋天冷煥并偶上高樓東向望
江湖平與夕陽平

寄舉湖友人

梧桂蕭疏水一灣可知幽敝即居山夕陽無事柴門外
飛去飛來數白鵬

園中語友人二首以上湖上草

愚齋集稿卷二

三七四明叢書

約園刊本

雨歇村光思看山江雲風細已班班語君早買三橋酒
月上禽嗁不得閒

小窗三月對春林煙雨相知一片心入夏只今希別事
午鐘纔起夢旋深

陸氏山園

一陣鷓鴣風覺腥不知身已到山亭花香草暖階前坐
雲罷遙山數箇青

寄周證山都中以上蘿巖草

塵飛日凍易黃昏霜雪難辭驢背捫薊北自來予自識

夢成只是在西村

題畫

雨過斜陽一舸通得魚不賣羨王公邇來漁子殊無賴
不賣貧家賣富翁

謝農家惠芋

撥火爐頭憶嬾殘感君見惠觸朝寒加餐固是衰年祝
啗此翻欣省我餐

買稻草護茉莉二首

閩地多栽作圃籬離鄉何便費維持老夫淪落江城久

愚齋稿卷二

三六四明叢書
約園刊本

遮冷無從覓一絲

破壁頽簷霜露皴南樓差可供藏身縱橫覆庇雖云好
擔閣吾廚幾頓薪

雪中次女請余圍爐

危樓雪透壁嶙峋舊日紅爐幾笑頓猶喜見憐聞我女
差強因熱向他人

對竹成詠因教塾童吟之以自諷

晚煙香露已相宜想到縱橫雪壓時聞說此君能療俗
比來曾向幾人醫

葡萄

摩尼磊落掛清秋漫擬嬌娥飛墮樓獨笑渠將一斛酒
輕輕去換守涼州

苦雨

野性嘗耽細雨莧一林幽夢剡川船於今八月朝朝雨
恐少幽懷自在眠

寄賣菊翁

片帆歸後事難論三十癡兒尙未婚更笑半秋莧正好
也來傍我暴朝暎

愚齋稿卷二

三六四明叢書
約園刊本

村社竹枝詞二首

辭神散火亂長街有客遲迴心性乖爭後爭先嗔復笑
去消冷肉水茅柴

提燈社長喚鄰家今夜須教算莫差某項某錢該某補

絲毫準折到棉紗

對梅懷西湖

走雪西湖興不厭無多姓氏到村帘邇來歸老求消遣
惟看梅花捲竹簾

寄周證山

風霜滿地日加嚴
恨望徒然掀我髯
可記罌湖賒酒夜
廚烹扁豆蘸無鹽

農家秋歌

種秫腴田穀薄稔
倉箱謹視屬妻孥
待他釀熟桃花發
石米香醪一百壺

寄韓桴叟上虞

誰其憑欄看露飛
深秋應嬾上漁磯
夢魂我有難忘處
山蓀肥如鴨卵肥

過半塘有感

以上西村草

愚囊稿卷一

三十四明叢書白
約園刊本

長隄猶抱滿江煙
夢破茅堂四十年
猶憶昔時留酒客
買魚夜半待潮船

五言排律

坐夜偶述

雲開天入夜語罷謝時豪
濁酒欣三爵青燈媿二毛
字殘方辨霓吟倦漫題糕
腐齒嫌頻剔烘鑪屬緩挑
村空譙鼓隱鄰逼紡車勞
壁影形殊醜窗光月小高
何遲聞雁唳無忌看颺跳
誤蘸殊爲墨寒披被當袍
好從東榻臥莫使夢蕭騷

歲晚南樓卽事

慘澹危樓北寒煙縷細巡空天
撐塔影夜雨闌湖垠鳥熟方如友
梅開只近鄰經年纔出塾至日偶迎賓
充粥還加芋拈薑不憶尊豈嫌增老態
竊空負眞貧白水聊依夢青雲莫此塵
待春思禮佛稍拂舊紗巾

季秋田家雜興

以上西村草

四壁無餘物犁鋤依小軒柴門通水埠
竹柵界蔬園社近家爲黍神臨道樹幡
鼓聲轟夜雨牲供忌時喧斷肉豪專宰
塗硃稚跳猿媪攢鹽米算族聚吏胥喧計獲方

愚囊稿卷一

三十四明叢書白
約園刊本

謀釀淹橙稍下磬買餘烹小芋起早釣肥貍
先後論冬至嫌疑值上元先生毋獨笑看牧唱過原

七言古

秋夜讀諸子詩

齋前刪竹待秋月月上吳山鐘欲歇寂然四野等空山
小童煮茗尋楫拙我友此時各未眠浙江月照鄞江天
何人近日多佳句北遊客獨愁煙樹

時證山
客燕

愚囊稿卷二

明鄭宗 誼正庵著

明鄭周斯盛證山定

五言律

覓友人遺文 南軒草

盛負十年志悠悠入墓門此時徒下淚何處可招魂執
友予雖媿新書天必存安能發枕祕持共解人論

再送董曉山之嶺南

君去非余志君留覺更難大都千里客宜使寸心安河

愚囊彙稿卷三

一四明叢書
約園刊本

漢方流火關山勉飽餐自慙無縞帶此意獨漫漫

南樓卽事二首

最是關心處兵屯未肯銷賣田謀餉迫越縣供軍遙虎
豹山煙吼鯨鯢海霧驕兒曹雖懦甚黽勉赴征徭

前言誠足尙晚食當珍羞探甕欣畱米燒鐙酌借油孤
城更苦亂僻徑月疑秋衰眼摩抄讀無差杖杜不

齋詠

牆上萱誠拙遲遲芽甲穿曾無資厚土止得仰高天上
食應愁蚓爲欄或藉煙日來寒漸減勢稍作倦倦

曉

曉拈園豆罷開檻趁涼風近日詩逾祕新秋飯稍充犬
依苔砌冷蜂泥草堂空讀史翻多事心分喜怒中

家居 以上南樓草

迂疏乃已疾豈能受擠排避客頻拖履噴孫數挽懸苗
穿頽砌藥葉滿敞簾槐禮佛朝完課孤筇引布鞵

俞次寅山居小飲

山光遠可別一徑到君家正值吟詩罷閒看過雨斜兒
能呼客飲鳥自夢梅花命我且歸去明朝候晚霞

愚囊彙稿卷三

二四明叢書
約園刊本

寄董曉山嶺南

與爾俱羈客丰神近若何夢尋應及我母念未違他重
瘴今初薄輕猿夜幾多傳聞粵酒貴大約日微醅

東園齋中

花落竟一月飄飄故向人詩書非有負筆墨畏爲眞所
信懷知己無端泣暮春晚行窗外望孤月與人貧

久客

作客偶然事無端歲月深詩書人頗賤霜雪爾頻侵鄰
犬兼防戶飢鳥久對林甘吟未覺苦莫或有知音

西溪草堂

汀蘆已載雪風至得微香獨倚孤梅坐遙看一水長農
閒秋稅足漁罷夜沽忙欲聽溪聲臥冷然月到堂

去冬所護九節蘭望後大開

念我辛勤力枝枝自激昂野蜂旋已識好酒併沾香俯
仰承天性參差受月光每思嘗取佩安得芟荷裳

西冷晤周子西村

正爾深鄉思君翻作遠行貧交心不雜老至語關情新
月平簷見秋聲觸樹生相期無甚念祇畏夢多成

愚齋稿 卷三

三四明叢書
約園刊本

園有白鳥時去來

似念他鄉客時棲園後先飲餐惟白水高潔次青田到
值春三月嘯當秋一天今朝閒臥久相護有林煙

題壁 以上湖上草

杜門今已可稍慰昔時心易足常微醉難忘只苦吟青
天猶嶺表白雨自江深望倦聊憑几湖鷗到夢尋

寄潘子霖苕川

五載安貧旅多君屢見招仙樓江面雨高閣海門潮數
雁三吳散看花兩縣遙只今形夢想夜半踏湖橋

陸氏山園二首

每愛園居靜孤尋路不遐花晴喧燕雀藻暖長魚蝦豈
謂貧無客猶能隱有家今年春物勝教僕好鉏麻

漫道堪逃俗聊求適此心林高堂暝早草異徑香深引
澗流階下開門過竹陰滿林書可讀已忘鬢霜侵

齋閣晚眺 以上蘿巖草

落日晚涼仍羣生意漸矜山光涵過鳥溪色引歸僧古
木殘巢落高墩野火升山家嘗畏虎今夜獨懸鐙

西郊觀社會

愚齋稿 卷三

四四明叢書
約園刊本

初夜疏風露聊寬老病身登筵惟醉酒見月自親人名
重唐臣澤威甯漢服真此中俗尚在漫計費千緡

感懷

老賊方兼至南樓媿自登妄存文字好直受鬼神憎懺
舌初求佛論心尙遲朋夜長殊少寐還別照書鐙

初冬

飄來何處葉浙浙北窗頭鵲到還宜雨蛩嘯尙認秋短
衫寒暑共一室竈牀甯最忌笳聲急吹深霜雪愁

寄陸披雲

日月病中易及今爲幾時幸叨生共歲長願逝同期脫
粟飢纔煮殘袍臥亦披菊枝雖足採猶嬾下階墀

湖行懷生生

萬籟晴初寂長橋杖暫扶碧容天自闊寒透客方孤蘆
荻鷗仍戲芙蓉酒莫沽老人遊不返亭上意蕭疏

喜雨

以上薛蘿草

悵望經三月蒼天終見悲自然爲世喜何止慰吾私先
雪滋梅瘦盈池暢鳥飢滂沱冬日少且可待春期

曉起

愚齋稿卷三

卷三

五四明叢書
約園刊本

衰年人所厭早起欲何求林鳥承朝日汀花歷暮秋蔬
肥聞眾賞穀踊得私憂仰向高天問吾癡可易不

老態

老態殊無謂旋醒已復慵雨先瓜葉響煙付竹籬重煮
茗尋松楸懷僧看浦風久貧疏世事頗喜耳能聾

歸南樓

去塾如棄負南樓衣自紉思深嫌友遠累少幸身貧采
菊慙高節栽蔬付細民渴來知釀熟漉飲不須巾

西齋二首

漫訝冬時短村堂幾日斜詩書存我輩漿楫聽農家透

壁風爲籟侵階霰裂花小童殊解事梢梢向鑑加

老賤如吾少朝昏總異嘗夜長詳戍鼓水近苦鳴榔多

暝還疑飽高吟每忘狂自評誠足笑欲改益荒唐

北村

以上西村草

寓目均成興沿河過北村果懸依草閣梧落徧柴門安
窘原無友牽情似爲孫蹒跚毋我怪稍自慰朝昏

寄董曉山三首

近況須相寄湖秋二里通夜寒惟不寐飢久益加聾謗

愚齋稿卷三

卷三

五四明叢書
約園刊本

起烏嗁後嗔生虱齧中衰年遭際在不易怨寒風

非緣人見異祇屬命爲魔力薄交難絕身貧過易多憎

詩嘗誘我喜酒卻疏他五十年來事空令鬚髮皤

慙負先君志徒爲遮戶蕃猶堪天地庇奚敢雨雲翻菹

韭叨秋爽栽蔬藉露繁君家當此日鈕鑿或相煩

小飲橋北農家二首

以上療飢草

落日卜朝晴扶筇水右行橙添霜降味菜足月初羹對

席兼諸叔酬賓獨長兄殷勤爲笑語莫認是人情

薄酒凌風冷柴門倚杖斜數時瓜臙實向日豆雷花村

小稀租吏人勞見富家冬來嘯鳥亂何獨忌鳴鴉

七言律

陸華星讀書山中往訪題贈

高齋近事漫相詢山水千秋意自新
雨細石欄花發半月圓江浦鳥棲勻
嘗扁白板燒松子每具青衿拜石臣
夜永讀餘來地主壺添清釀果加椽

南軒雜詠以上南軒草

一窗槐影漏斜陽紫李黃瓜風末香
與至檢書還急遽愁來視劍覺荒唐
煙塵白日宵猶見星月黃昏室稍涼

愚齋稿卷三

七四明叢書

約園刊本

開戶欲尋湖上友鷓鴣何意更嘯忙

感懷

城頭曉角亂鳥飛且挹蒼涼對翠微
減粒娛朋非爲惠烹茶供衲欲相依
他年或了耕桑計此日難驅兒女思
竹榻雖敲聊偃臥夢從吳會五湖歸

新秋卽事二首

園南鵲起破村煙林木吹聲儼瑟然
脫粟市驚連日貴濁醪樽悵往時賢
幸添華髮將成雪媿買青山漫計錢
氣候比來殊未定落秋梧葉已非前

蘆絮含苞力未盈曲池倒映自分明
蟪蛄甚小猶牽網絡緯何知已早鳴
田盡屬人名掛役齒方遺我俗呼僮
謀成拙塞毋庸笑曾證潘雍老圃生

簡董曉山二首

蒼葭清露景依然淪落江城不記年
一社七人惟我率十洲千古竟誰專
久逋桂井題詩債空憶虹橋載酒船
往事傷心難自遣月明浩歎此宵圓

剡川午夜雨初聞曉濛濛鮮樓幸分灌圃太勤爭致笑

讀書未徹妄談文主移觀日空期旦

愚齋稿卷三

八四明叢書

約園刊本

山嫩拂雲生生移居蕙江落落故交萍水似蕭條門巷孰同羣

老來以上南樓草

老來愁思抑何奢卽不關心亦歎嗟
怪彼蜂窠營巨族憐他蟻垤有王家
昨宵卻悶因名酒此際牽憂豈落華
偶爾夢成差自得分歸幾種邵平瓜

愚齋稿卷三

壬戌三月

海棠居詩集

周保珊

南林
劉氏
求恕
齋刊

海棠居初集

姚叔仲淑氏著

吳興劉承幹校

憶鍾山

萬方之天豈不明矣五嶽四嶺猶來朝只山山不見雲
霧厚起不得見兮泣涕如雨

野望

城郭行來風覺悽雲奔萬里失山蹊他鄉樹影連天去
遠水舟帆入霧迷數處鳥飛過竹裏誰家犬吠傍林移
歸時曲徑看人出茅舍離邊落日西

海棠居初集

一求怨齋

送太史遊臨安

送君上扁舟低首不能語歸來無幾時今又遠方去步
步望不見何時其一處不惜閨閣寒但恐風煙阻

初成海棠居自詠

幽居傍樹林窗前日長陰案上有書卷坐久自會心高
花吹香靜忽然月到琴微風應在指請君聽其音

早粧

日做家山暗洞房鳥啼驚起捲簾粧從容顧影迴明鏡
的的盤雲髮上光

海烈婦祠

烈婦祠何處郡城流水邊野風吹日日寒月照年年碧
草悲紅粉千春痛九泉尙看遺像在不覺數潏然

掃山

山有秋風木葉萎花有清香人不移却嫌草荒無路上
舉頭看去卽多迷侍兒兩兩呼之去屈身剪除各無語
輕羅徐步立山頭每日太史同此處

贈太史雙鬟

幽居滿壁君文章欲到君前從整粧書齋坐久其吟長
侍兒取鏡寶髻傍君愛盤雲雲生光恨君有翼志他方
常恐風煙一舟行贈君雙鬟君莫忘

海棠居初集

一求怨齋

寄太史

年年歎離別此別何時休樓頭望不見從今不上樓君
不惜蛾眉蛾眉空作愁無錢買鯉魚君書何處求

盆魚

綠草朱鱗尺水中羣羣婉轉靜相從可憐不是大江海
那得波濤忽幾重

牡丹

暮春處處得香風惟有名花更不同蜀錦剪來綠樹紫
吳雲疊起露華紅翰林何必皇居裏妃子偏宜草舍中
可惜家貧愁向晚徘徊復去到廚東

外甥唐大陶至

扁舟到毘陵天涯嗟爾至當軒置尊酒雲盡月下地對
月語重重此會良不易今日吾家客明朝煙水次

聽琴

閒坐書齋裏聽君指上琴忽然高山起恍惚移我心悲
處如怨女風吹連幽林作者古大聖七絃傳到今

遊楊氏園

憶昔春遊到裙裾掃石橋日光侵草色水影亂雲霄一
路鳥邊過羣姑岸外招行行欲暫坐他處去還遙

何必山泉好眼前池水清折花貪滿袖看竹恐驚鶯石

海棠居初集

三求想齋

昨苔如錦籬邊菜是羹林深天乍見小徑趁人行

又聯句

天從地下起仲淑今自古時長霧樹全雲出研齋漁人

半草藏扣舫相對飲仲淑向月却憐粧莫恨離香閣研齋

齋偏宜隨異鄉雙雙萬里日仲淑依舊讀書堂研齋

雨飲

混沌一天雨今朝落下來大風吹亂甚太史樂奇哉有
酒數瓶滿呼兒與姪開家君忘白髮醉後欲登臺

萬綠軒前家太史次談芳洲先生韻因而和之

客至芭蕉下調羹恨未精名公得句好太史亦吟成奇

氣驚天地空心見性情隔門聽不已露落有餘清

落楊花

花光一片綠叢中色色分明巧畫工竟是忽然蝴蝶滿
亂人偏在幾枝紅

讀太史詩

古詩竟如冰雪涼近體看來似盛唐字字不斷四時氣
包羅五色日生光日月山川詩句裏鳥啼風聲花有香

胞中別有一天地筆墨變化靈氣長

憶太史

寒風蕭瑟落葉時與君共月君不知夜長清漏一幃孤

海棠居初集

四求想齋

夢斷他鄉心自疑有鴉聲噪寒霜深欲寫新詩愁凍筆

獨上粧臺倚鏡邊數得歸期在何日

和太史

翰林字跡滿粧臺讀罷新詩一卷開可惜才人不得意

勸君且飽菜羹來

過洞庭湖

一入洞庭湖飄飄身似無山高何處見風定亦如呼天
地忽然在聖賢自不孤古來道理大知者或言儒

雨後看新綠贈太史

蕭蕭久雨濕黃梅忽然雲散天自開雨後葉肥垂垂綠

染得裙裾淨似苔君樂文章我樂才與君相樂呼酒來
樹裏烏驚人亦去荒草青青空高臺

海棠居獨坐

但得春風卽有香晴窗坐久覺衣涼樓前古木高連日
山後新花豔過牆還向河圖觀理數早從太極悟陰陽
幽居自負書生性却恨雲髮是女粧

贈太史

得懸琴瑟是仙家看看樓頭日又斜君自讀書覺太苦
過來花下且煎茶

自君之出矣

海棠居初集

五求怨齋

自君之出矣不復整衣裳思君如落葉片片到他鄉
自君之出矣日日損胭脂思君如蕙草搖落是秋期
自君之出矣惆悵入羅幃思君如畫鳥有翼不能飛
自君之出矣長歎無人知思君如大石寸寸不能移
自君之出矣日日望還家思君如短笛夢裏落梅花
自君之出矣書舍日淒涼思君如一月兩處見天光

桃源行

昔日桃源好避秦桃源盡是沒用人天下志士皆震動
獨有桃源藏其身桃花樹上桃花滿桃花樹下水流緩
年年歲歲長子孫雞犬何曾有聚散洞口之內無見聞

洞口之外干戈起博浪沙上力士來天下之人已驚喜
當時洞口人相及豈只三三兩兩入海內無數豪傑在
避世之意何其急縱是成仙不足論何爲漁人又問津
願人莫向桃源去處處桃花開向春

玉蘭行

春風不寒吹衣服家園花生如在谷處處看來卽有花
惟有玉蘭高連屋千枝萬葉花開滿樓上樓下天遮半
日落黃昏更有香鳥穿樹裏光不斷每愁風雨向夜來
曾將瓜果祝花開於今花下還再拜莫向山前趁落梅
至後

海棠居初集

六求怨齋

冬至日初永宮中添線長從今春又發此後雪將忘敗
草知天意寒花覺樹香四時靈氣轉萬物得陰陽
生香亭看花
野望地如茵村花處處心柴門青草上有香忽隨人行
行入門去一亭花滿春鳥啼移幾處徘徊尙數巡

秋夜

山上樹過石花開一樓香黃昏粧已殘雲來月無光古
書讀不盡有燭移到房半夜自覺寒呼兒添衣裳
鷺羊池

古來鷺羊池王府今何知荒草淒淒亂野花處處垂窗

前樹影去鏡裏水波移枕上釣魚起一天風雨吹

落花

風自清清時時好每到春來吹花早不憐豔色滿樹枝
紅白不分沾青草草間香處盡是花多時香散成泥沙
惟有楊花飛不住隨風去去到人家

看蘭亭圖

蘭亭字跡飛龍蛇亭半倚水山半遮高竹幾林連松下
詩人處處坐白沙自知桃源避秦士今看蘭亭聚貴家
詩篇盡從斗酒出杯杯流來過落花

焙茶

海棠居初集

七求恕齋

親戚遠鄉至開書見苦情帶來瓶裏綠傾入盞中清味
自山間得香從火處生不知紅袖煖還去傍爐擎

薔薇

藤梢滿架數枝垂花光一片亂蛾眉團團雲壓花葉上
香吹遠風蝶先知今日花落花將盡可憐牆頭風不定
行去行來滿衣裳不覺紅裙掃香徑

高臺望明月

明月當臺滿萬方其一光溶溶天氣靜白白地霜長漸
覺雲鬟濕還看寶髻涼清輝吹不斷偏是到紅粧

明月

明月照水水更清亂風吹月月光明明者浮水隨水動
若疑月從水上生看來月在高天上又有杯裏月蕩漾
我欲取來取不得我去月來同默默

春日有感

十五從君千里外可惜生我不稱時日日閨閣如花玉
如今風霜無定居多少愁腸凋顏色悲自悲兮誰人知
春鳥啼兮恐春去可惜春花正宜宜

裴公亭

昔聞裴公有亭在今到裴公亭已壞只見山青青入天
不盡長江空一派古來城闕總成丘況此孤亭幾度秋

海棠居初集

八求恕齋

高賢去後名偏久年年荒徑有人遊

行路難

行路難苦路長昨日村裏今日他鄉飽時偏有飯饑時
何處幾百里無人烟只有虎狼伴曠野淒淒淚不乾風
風雨雨一身寒日日關中向幃帳如今行行那得安

秋月

月起山山靜眼前清復清一天空渺渺滿地盡明明有
樹移來近他村到處平乾坤光裏出竟夜寂無聲

長相思

長相思思夜臺時時淚流淚成血千里萬里君還來如

今一木君隔絕千呼萬呼君不言何時會面到黃泉欲
死念死難欲生思年年

客含有感

憶昔雙雙筆墨同如今獨坐歎無窮時時想見黃泉裏
日日悲傷明鏡中念妾飢寒流落苦思君節義蓋時雄
欲歸蜀國千山遠棧道不從江水通

春日有感

蝴蝶飛飛正是春二月三月萬物新花當春時顏色好
我當春時惟苦辛年年愁容只一鏡古來傷心多薄命
夜長草草雞已鳴歷歷明星一天淨

海棠居初集

九求悲齋

孔雀行

聖人出鳳凰來道里行天地開今思古廢其才吾道窮
空其臺樊籠裏孔雀哀難思母不能回萬里外苦顛頓
豈人爲實天意閨中寫恨恨何日嗟汝五色何爲爾

秋日苦雨

秋木日零落涼風吹衣薄偏有細雨多寂寂愁闌閣山
路少人行漁舟暗度津田家更覺苦處處大水生

懷秋

四面青山水浩浩自傷芙蓉在秋草潦倒荒野誰可知
空映水中顏色好可憐流落幾風塵更有涼風吹折早

何能飛飛入青霄常恐落時隨泥掃

靜夜思

十月夜覺長獨坐看文章舉頭寒月落開窗處處霜入
房滿帳寂徘徊在他鄉何能追隨去思君不得忘

思母

母思我兮淚不乾我欲歸兮路隔斷奈何何處問平安
消息不真心疑亂家園荒荒草徑長蛛網重重迷滿堂
樓臺雨漏已倒壞何日歸兮屋生光

閒坐

傷心兮世上多薄命兮奈若何時不利兮鼠變虎天地
不分兮洪水苦大禹去兮今無學恨不勇兮是女蘿閒
思古兮看伐柯秋蟬鳴兮愁雙蛾

海棠居初集

十求悲齋

悶

異鄉常有恨千里想雙親客舍何曾樂柴門不覺春窗
前穿竹鳥鏡裏看花人安得輕舟去予懷日日新

夜坐

流落異鄉苦孤燈照百無深藏君寶劍賣盡妾明珠朝
倚書千卷夜惟香一爐空空向四壁靜坐聽啼鳥

題美人圖

獨坐看書思越鄉可憐薄命有離傷秋風樹下吹衣冷

淚落蒼苔翠袖長

雨後看石榴

一天風雨自聲狂
倏忽晴來日轉廊
遠看深紅綠樹裏
行行不覺染衣裳

竹

竿竿吹動白雲邊
本是空心節自堅
不似春花花色艷
歲寒霜雪看年年

村居

生來樂水上
此日得村居
茅屋深林裏
柴門去釣漁
醃菜

海棠居初集

十一

放開書卷下廚房
青菜翻來入甕香
日日海棠居裏靜
今看婢子各加忙

江行

空天一望水茫茫
片片飛帆帶日光
恍惚波濤心不定
迴旋今古意偏長
青山已過雲猶在
遠岸推來草自荒
去去竟迷千里外
舟人指點是他鄉

春日大雪行

君不見行路難
到此春日煖更寒
紛紛風吹湧白雪
可憐長安道上濕
馬鞍虛空茫茫落
不已一峰吹過一峰
起光彩一片連城隅
曠野悲聲聲入耳
悲莫悲兮卉木

凄涼舞去九州迷
河海之大半為冰
行人稀苦征衣我
閉門兮無所識
嶺上紅梅知變色
見雪飛兮轉天地
憶此春兮長歎息

憶韓園梅

澄江韓園有宋梅
每到春來千樹開
花枝重重如白雪
只恐風吹落滿苔
深閨徘徊隔山水
夢隨梅花韓園裏
驚醒有月竟無花
未去花存傳不已

題採樵圖

望盡深山茶樹穠
本是春來却似冬
一片山連無去路
樵人指點過幾重
雲壓花枝度日暗
花近樵人心欲淡

海棠居初集

十二

樵人自向枯樹邊
重重進山挑幾擔

賦得人間桂花落

不知花已落
惟有在閒時
窗下遲遲靜
堦前點點垂
沾衣疑雨滴
入酒喜香隨
猶恐風吹盡
留連不忍移

好客多乘月

月出東山山蒼蒼
皎皎空中散月光
穿林影碎花如亂
秋風吹來一路涼
此時人人月相似
此月照人光不已
獨有高入月更清
行去行來月光裏
幾家不寐幾家思
世之人兮隨月移
風風雨雨亦必來
有月乘之更何疑

題畫

水上芙蓉傍石邊
鴛鴦蕩漾自天然
秋時占盡春紅好
滿幅雲霞在目前

菊

百花零落菊成芳
幾處移來在草堂
豔色團團絲葉上
雲霞一望亂天光

偶作

可笑荒村只畜牛
山頭古跡幾時修
于今若有高賢在
涇水河邊不聽流

夏日

夏日少涼處
深林自有風
高樓更覺熱
長巷喜穿空
學

海棠居初集

三求怨齋

道忘人境明
心在月中時
池水好獨坐
意無窮

美人焦

昨日移來今更好
片片遮天天覺小
此花有豔落葉燃
遠疑高燭光輝遶
分明當庭籠絳綃
風風雨雨紅更嬌
綠雲裁翦空翠飛
不惹香風沾青霄

感懷

天涯流落苦親戚
少人來一載無音信
今秋又不回月
光萬國在山色
一天開夢裏蘭陵去
徘徊只鏡臺

窗前看芭蕉

一片遮一日
片片天遮半
早起出羅幃
不覺天已旦
明月

鏡在窗下照來影
搖亂更看新葉生
舊葉如更換

初冬夜飲菊花前

飲酒菊花前
燭至花影偏
團團垂綠葉
時凋花更鮮
杯深花氣煖
歡坐自忘眠
漏殘窗月轉
夜盡尙留連

大水

海水奔來急
江流驟在前
大橋還有跡
小徑竟無邊
茅屋隨波去
高山盡霧連
茫茫村不見
獨苦雨頻喧

遊村野茅亭

茅亭看去萬松坡
曠野白雲偏
覺多牆外鳥
飛花滿樹
山中換轉水成河
老翁放鴨獨歡喜
稚子撈魚幾唱歌

海棠居初集

三求怨齋

歸徑難行泥草上
徘徊還向石邊過

七夕

徘徊雲漢間
終古織機杼
一年不得息
此夕渡河去
依依兩相歡
歡好復幾許
東方高明星
別去不能語

中秋

浮雲散盡月悠悠
半夜天涯共此秋
杯裏酒光紅似粉
幾分清露濕銀頭

粧臺

芭蕉側影入粧臺
送得寒姿滿面來
獨有雲間初上月
遲遲窗下落紅苔

讀書

孟夏山前草木多
花開花落却如何
閉門日日翻書卷
獨有離騷盡可歌

山中海棠

高連石壁忽開花
一片紅光似出霞
即有名園移不去
可憐豔色幾山遮

題鄒氏女子

舞腰初罷自相親
古木蒼苔處處新
獨有手持書一卷
沈吟却是意中人

客舍苦雨

艱難常自哭
客舍半間屋
偏偏雨連連
漏來濕衣服
更苦泥裏鞦韆
難支水滿階
欲攀破泥窰
婢子何安排

每棠居初集

五求怨齋

讀黃崑之詩

流落深山裏
吁嗟不稱時
多年忘舊字
今日學新詞
得自龍象句
已成閨閣詩
五羊文士有
獨在先生奇

憶親

雙親千里高山峨
峨水湧路落欲歸
奈何晝夜不樂亂
思夢多

和五叔太守韻

舟中寂寞恨多灘
細雨微風那得安
敗草孤孀催血淚

浮萍遊子更波翻
山山春色連雲起
岸岸花飛帶水霞
混沌一天存氣象
但愁點滴濕衣難

與關夫人對弈

久聞國手在閨中
今日看來果不同
轉覺機深參未破
被他一子滿盤空

五叔太守贈筆硯

翰林去世自多憂
無墨無書何處求
太守憐才贈我筆
如今寫出幾番愁

昨日移來銅雀硯
今開舊日薛濤箋
案頭筆墨香風起

吹到高賢坐臥前

每棠居初集

六求怨齋

舟行

水外天如近
村村田地多
牛耕青草上
茅屋轉山河

江南曲

江裏波濤起
雲崩山一空
天高平野濶
獨坐苦悲風

端午龍舟

端陽簫鼓曲流多
兩岸遊人看綺羅
竟日滿船各唱起
聽他盡是屈原歌

水上龍舟水外喧
粧成不覺興翩翩
還看處處兼簫管

試問何人哭屈原

舟中暴風雨之作

人雨立時到茫然舟子驚短篷看落水兩岸似傾城天
壓萬山盡雲崩古塔平今朝暑氣散六月一身輕

江行

大江烟霧遠相遠風散波濤還自喧日日東流流不盡
飛蓬幾處去天邊

霜

猿

集

霜猿集序

殷之亡也朝宗與麥秀之歌周之衰也行役起黍離之歎迺若
王臣不返沅湘之悼何深公子無歸虞夏之懷彌篤詩成而編
甲子採菊完柴桑之節肅罷而操廣陵鼓琴寄中散之思此數
君子者皆值宗國之淪亡遇故都之傾覆銜哀結怨鬱為詩歌
者也屬當明季喪亂滋多乃聖乃神四海抱沈淵之痛吾君吾
后千秋餘靖國之香此開闢未有之變聞誠書契所無之創事
天旌哲人賦才獨異文章軼駕於南華疑莊生之再見風雅追
踪於西楚信屈子之復來爰讀霜猿之四卷如聽月峽之三聲
其志切其音哀其志切故字字發乎深情其音哀故言言可以
長慟方之少陵詩史彼畧而此詳比之尼父麟書貶多而褒少
名閨弱質相府小星際此天傾地陷赤伏無再驗之符遽爾
家破人離素鏡絕重圓之照樓名燕子與燕偕棲院鎖梨花比

霜戶

一 虞山叢刻

花更悴爰乃黃繩入道素簡朝真初上蒲團即悟三生之果不
登法席焉知眾妙之玄倚碧窗而吹笙鼓瑟青鳥來庭入丹山
而藝草尋芝白猿引路固將長謝紅塵安神雲岫何幸親承紫
氣獲睹瑤篇本以忘身忘世之心又生悲國悲君之念微吟簷
下淒淒風雨之忽臨高詠燈前冥冥鬼神之交泣嗚呼先帝后
之步降匪遙應鑿孤臣之至意家相國之精靈如在豈憎賤妾
之多言歲屬丙申時維八月廣陵女冠李係緜笙道院空雲主
靜軒中用裁斯構

附錄李空雲女冠小傳

碧篋子撰

李係號空雲金陵人也父官都司母則廣陵名妓也係才貌
雙絕年十六為史閣部道鄰蓬室年二十五而遭國變相國
殉難後係誓不再嫁出家為女道士居廣陵緜笙道院修煉
精微戒律嚴整感南嶽魏元君下降授以丹訣後入王屋山

不知所終作此序時丙申年蓋三十五歲矣

野史氏曰留都之亡也有以名妓而為女冠者十玉京是
也桃花扇傳奇言李香君亦以女冠終尙未可深信獨空
雲以閣部侍姬滄桑之後遁跡緜笙卒以仙去真奇女子
哉

霜戶

二 虞山叢刻

霜猿集卷一

古虞周同谷鶴雁氏著

讀罷仙經不欲言鍊將神氣去朝元而今重話先皇事如叫湘山霜夜猿

亡國之音哀以思聞者不猶登湘山之麓聽霜夜之猿乎遂命之曰霜猿集

記得慈闈親口傳歲當戊午立秋前掛尤旗在東方出天下兵戈五十年

谷生八齡先慈管孺人謂之曰吾少時見蚩尤旗見東方其光如月占者謂天下從此兵戈五十年吾眼不及見願兒不遇亂離為幸易代之際先慈年五旬自戊午至今甲子一週矣

口銜君命出邊州虎穴何人可代遊汝是遼陽蕭子玉臨行一

霜一

虞山叢刻

語至今羞

時內寇既逼上乃命使出塞講和有蕭子玉者遼陽素無賴人也請代元帥行遂銜命而至國朝太宗皇帝知其偽而不言接之以禮臨行乃啗之曰汝是遼陽蕭子玉莫謂我不知也

蕭寧縣內泣牛衣一旦凌雲入紫微天子宮中呼伴伴八千女鬼亂京畿

魏忠賢肅寧縣人縣有優人數輩忠賢為之負籠暇則與其黨徒博忠賢博不勝怒指其具曰吾無錢以此與汝其人曰即以此與我忠賢即奪屠刀割與之有僧贈以金令入京為閩人光宗晏駕後宮有謀匪太子者大臣惶懼忠賢知太子所在竊負之而出即熹宗也太子既即位賜名忠賢忠賢巧佞善伺上意天子寵之呼為魏伴伴忠賢由是怙寵弄權殺

士大夫之不附己者縱騎滿天下士林喪氣宗社以危先是隆萬時有八千女鬼亂京畿之讖則忠賢亦應氣運而生明祚將盡天實為之我於忠賢何尤

熹宗冲年踐祚內侍私製淫香以媚上方爇片炷則心蕩情會不能自持即思枕席矣熹宗之不永年實緣於此

面白唇朱髻挽青引將夫婿拜王庭賜書尙與談忠義千里奔劉漢壽亭

召得宮官入九重描金朱合畫雙龍和糖蒸餅妃親置手自濡毫署謹封

熹宗病大漸魏忠賢忌帝英毅謀欲鳩帝懿安后謂后曰嬪戒皇叔莫得食宮中物后乃從母家取蒸餅以進手自署封

霜一

虞山叢刻

長庚晝見日西沈魏監陰謀召外兵幸得乾兒崔司馬一時寒戰際無聲

熹宗疾大漸忠賢欲召外兵行廢立之事時太白屢經天忠賢與兵部尙書崔呈秀謀之呈秀懼而色變寒噤不能發聲忠賢歎曰汝為本兵大事在汝掌握今如此已矣

檀香粉餅玉酥蟬新泡吳茶是雨前半日兩宮交細語都來只為魏忠賢

兩宮張太后周皇后也

宮妃進藥后先嘗大事親聞屬信王我願汝為堯舜主不禁承旨各悲傷

熹宗疾雖漸未有明旨傳國后恐忠賢行鳩每進藥后必親嘗忠賢沐浴后乘間問曰陛下萬一不諱大事如何帝曰定屬信王后問欲召王否帝首肯后即命黃門速召信王入王

拜牀前帝曰我願汝為堯舜之主王叩頭泣對曰陛下言及此臣該萬死后日聖意已定可宣布中外於是人心皆歸信王忠賢不敢有異議
哭喚哥兒恨鬱忽自言調護盡成空大行胎髮靈前置黃帕盛來下梓宮

奉聖夫人客氏自以為帝入母之一與忠賢狼狽成奸如同夫婦帝崩猶哭帝為哥兒今上聞之怒有旨逐出禁中時大行方殯客氏至靈前再拜痛哭手探懷中指爪胎髮以黃帕盛之送入梓宮又再拜痛哭而去

玉漏將沈月轉廊官家猶是理封章宮中寒夜多承值重蒸熏籠百合香

上卽位勵精圖治每夜覽大臣封章雖嚴寒不徹宮人苦於承值重蒸淫香

霜一

三虞山叢刻

碧瓦凝霜蠟炬紅百和香燼御鑪空可憐誤盡先皇帝愁聽西

園玉樹風

上聞香欲寐連夜方覺之呼羣閣責曰先皇帝卽世皆為奴輩所誤復欲誤朕耶聞叩頭稱萬死西園熹宗停梓宮處也天子宮中肄六韜紅妝小隊舞蠻刀一聞礮火心驚戰昨日言官諫內操

上卽位罷內操軍士悉遣歸田里

芙蓉新殿鬪樗蒲眾裏西宮體態殊行近紫微光耀日碧雲冠

上水精珠

西宮田貴妃所居

玉皇西狩下天都縱使霜狼鬪赤烏賽過五紅鷺一座戊辰元

且受嵩呼霜狼指李自成赤烏指明朝

崇禎元年戊辰正月上日天子御正殿受朝賀李自成未為

賊在米脂山中會飲擲骰賭酒一人得五紅為勝自成奪散謂眾曰吾當得六紅汝等呼我為皇帝一舉手果得六紅自成奮臂曰汝等拜我皇帝羣不逞俱被酒爭下階叩頭稱皇帝萬歲自成因此自負潛懷不軌之志

千羣鐵馬射金鏢沙暗皇城晝掩旗獨選淨軍得四萬一時授甲盡登陴

啟禎之間京師淨身男子有四萬名曰淨軍一旦有警登陴者皆淨軍也

花生玉露柳生煙坐覽軍書上未眠夜半月斜殿影黑黃封猶降鳳池宣

上以賊禍披猖中夜坐覽軍書更籌三唱中官猶齎黃封至內閣閣臣聞旨下驚起方知上在宮中未寢因為之悚然

君王習射御溝西五色旌麾高下齊三發大黃穿七札楚猿若見必須啼

霜一

四虞山叢刻

上以內外多難不自暇逸嘗與諸勳戚習射御溝上小黃門執五方旗上發矢中的以旗為節中官叩頭賀上每發多中

有穿札之勇誠英主也
會聞烽火照甘泉武帝親征自待邊嘗挽角弓騎宛馬黃繩三股石頭懸

上嘗騎名馬挽弓馳射又以黃繩懸大石殿內手自舉之有漢武自將待邊之意

蕃將邊庭建績多全軍入衛枕橫戈午朝勅賜城東讎內使催頒熱雜河

昔抱瑤琴事上真偶過天闕下廳輪玉絃本是平情物豈若昭陽歌舞人

詠田妃也妃雅善鼓琴

花爲容貌玉爲牀白口承恩卻卻妝三寸繡鞵金縷織延儒恭進字單行

上書幸田妃見妃繡鞋精巧舉而視之有細書一行曰臣周延儒恭進上不悅而罷繇是薄延儒

素琴拂罷換朱絃指上宮商母氏傳急遣黃門宣入內水精簾下鼓朝天

妃善鼓琴上疑爲琴師所授問之妃曰妾之母所教上遣黃門召入賜坐鼓琴母叩頭坐水精簾下鼓朝天引一曲琴聲

和婉尤善於妃上大悅

團團秋扇掩新秋帝寵雖移后寵優蜀錦吳綾每賜得牙牌不到玉階頭

秋扇遇秋比袁妃之失寵蜀錦吳綾后所賜也牙牌者上每日御坐中官跪抱牙牌置上前上掣一牌中官卽傳牌至宮

宮妃嚴妝候駕上不幸妃宮故牙牌不到玉階也 牌上俱鐫宮名

春到坤寧雨露濃曉寒猶透繡衣重拜來皇后親扶卻坐賜龍團茶二鍾

袁妃朝見坤寧后以妃無寵心憐之中官奏妃來朝后卽御殿妃拜后親扶起命坐賜茶極其優禮焉

月隱新輝玉露零夜深涼氣入秋庭空中一點流螢度疑是飛來織女星

七夕宮中設宴不召袁妃

坤寧簾幕日曛曛立殺田妃殿角東近午宮娥成對出雕金龍椅坐當中

田妃朝見坤寧宮人傳奏后故治他事不卽見移時問內殿傳呼后盛服出坐雕金龍椅受妃朝禮成而退不命坐不賜

茶

風流豈減漢昭儀鼓瑟吹笙事事宜長日永和歌舞後湘簾底下坐彈棋

永和田妃宮名初名永安在東二長街之東妃鼓琴之外兼工絲竹每當風日晴美鼓琴歛笙上極賞之嘗曰裂石穿雲

當非虛語尤精於弈每與上弈輒負三四子未嘗盡其技也銀片鮭魚綠玉盤君王悄悄獨憑欄情知昨夜西宮事淚滴花前翠袖寒

田妃以后待已薄竊訴之帝帝頗懷怒宮中最重鮭魚至必設宴帝獨憑欄不語后知西宮昨夜必有所言不歡而罷

金母凝神鍊玉鑪東皇邀去赴蓬壺天風吹落雲垂地十二宮人下手扶

帝邀后後苑賞花田妃亦召至后頗莊帝滋不悅妃亦意輕

后后讓妃而訴之帝帝故若不聞后故近帝言帝素勇以手麾后令去后反走而仆坤寧宮人十二同扶后起

潤花靈雨敗花風富貴原來誤妾躬不記昔年信邸內危疑百事兩人同

宮人扶后起后哭曰陛下不念爲信王時魏忠賢用事日夜懷憂惟陛下與妾兩人今日作皇帝富貴遂乃作興化人耶

妾死何難中官及宮人俱叩頭請后還宮后還坤寧

和衣卧起廢饗殮御柳鶯啼畫掩門此日忽垂新雨露中官銜旨賜貂墩

上在謹身殿念后同處患難轉輾不安召坤寧宮人問后起居后三日不食矣上惻然命宮人以貂墩賜后致殷勤之意

又命田妃修省宮人傳旨后強起謝爲之一餐

古虞周同谷鶴驪氏著

曉鏡清光映玉餅
驟驚人處是花鈴
好教修省無些事
且展風詩詠小星

田妃言天子教我修省我自反無些事不服過也展風詩詠

小星之章曰寔命不同安於命也
蟾絲捲盡角門開
繞院迴廊半是苔
獨有楊花知寂寞
無風簾外自飛來

上兩月不幸西宮故殿門閉角門開耳
鉤欄東畔日將斜
那得行來小監家
報到中宮有懿旨
特宣妃子去看花

上苑牡丹花盛上
與后開宴賞花袁妃與諸後宮從焉后語
帝曰花容甚好何不並召田妃上大喜命小黃門以中宮懿

霜二

虞山叢刻

旨召妃

萬種離愁一見歡
多多細語問平安
更籌三下停歌曲
玉仗穿花扇影團

妃聞召即至見於花下禮畢再問平安后以和顏接之更籌
三唱方能宴后啟帝今夜可幸西宮后獨擺仗還坤寧

玉熙春靜露華寒
百寶燈前夜未闌
曲柄琵琶金鏤字
清商側調內家彈

上在玉熙宮命梨園子弟奏水嬉過錦諸伎小內家抱鏤金
曲柄琵琶係于闐國所進者彈清商側調音韻鏗鏘是時邊

關雖警內地安全上猶得從容為樂爾
吳紗黏汗貼香肌
侍駕看花苑裏歸
聖諭六宮行節儉
入班解去畫羅衣

宮漏頻移蟲暗鳴
隔房猶聽剪刀聲
日間相戒無多語
只恐君

王悄悄行

上在宮中多微行有肅皇帝之風

君王才武氣飄飄
草軟沙乾上駟調
錦繡黃纓金匣匣
一鞭飛過御溝橋

上多勇能於馬上運二十筋器
牡丹花發賞花忙
遍地春風滿院芳
多少深紅并淺紫
正中一簇御袍黃

轅門殺氣蔽斜曛
未得恩頒似淨軍
將曉角聲催上馬
前旌已入海西雲

祖大壽以邊兵入衛京師戶部未即發糧而登陴者皆淨軍
其大瑞日領宮中賞賜曰皇命賞你守城辛苦有頃則曰此

是娘娘賞要你用心守城太后娘娘亦有賞某宮娘娘亦有
賞祖兵在城下心頗不平瑞又指斥其罪一時上馬吹角偪

霜二

虞山叢刻

大壽北還大壽以敵方深入不敢歸軍吏至帳前呼曰請老
總爺早早上馬大壽不能違眾上馬快快去

紫塞鴻飛玉殿寒
宮袍暫換素衣冠
天顏盡日長悽慘
御祭遼師第一壇

日上遼天海霧噴
九壇御祭哭忠魂
為臣縱死封疆事
萬古難酬一掛恩

松山之敗十三萬禁軍無一人反者上以督臣必死於義故
賜祭九壇上御素服望空長揖哀慟不已嗚呼將軍死綏固

是恆事何敢當君父之殊禮若此
松山戰骨未全枯
再建功名佩虎符
終是風沙容易老
白頭南渡入留都

此首罪洪承疇之不能死又竭力覆明宗社也
真靈朝罷瑞煙收
白玉階前獨自遊
氣數已成無可改
三天鼓

真靈朝罷瑞煙收
白玉階前獨自遊
氣數已成無可改
三天鼓

樂送青牛

上以寇禍日迫特召江西張真人建醮乾清宮上齋戒嚴潔
一夜夢獨遊空中無數精靈皆來朝謁仰視城闕嵯峨既至
則街級欄楯皆白玉所成上乃驚曰此上帝之居也即俯伏
具奏遙聞殿上如嬰兒聲曰此氣數使然非卿之罪有仙官
星冠霞服扶上起送出天門外聞鼓樂紛然一童子騎青牛
武士荷擔若人問冊籍者數十人上驚寤明旦召張真人告
以夢真人奏曰陛下建醮而夢見上帝必有景福之綬矣
中原糜爛燕巢林塞外窺知賊禍深朝報一封偷出界換歸五
十裏蹄金
恩光欲照黃龍府只為西征賴將才禮部尙書初逐去勿欺小
札又封來

霜二

三 虞山叢刻

書嗣昌極言不可題曰勿欺小札

新來豔質可憐身繡幕留香別作春再召東山為國計豔船蕭
鼓開江津

洞庭山富家娶婦少而美夫死婦獨居一日聞街頭鼓樂聲
謂侍兒曰誰家娶親耶試往觀之遂出門坐花轎中下太湖
去富家訟之縣縣申道下檄緝捕甚急娶親者懼事洩以其
婦盛妝送宜與大見龍悅詩曰新來豔質可憐身繡幕留香
別作春指其事也太倉張溥為門戶計鳩金二十萬賂要津
宜與得再召然無行意曰不如在家樂溥乃見張道臺令以
殊單捕婦而語侵相國溥見宜與出單於袖中宜與大怒溥
曰此小事不足怒公今高卧不起將來更有大於此者宜與
恍然謂溥曰非公吾見不及此遂行坐樓船樹大薰薰上繡
東山再召四字祭賽江神酣飲彌月不知天子召已蓋為國

家大計也詩曰再召東山為國計豔船蕭鼓開江津深譏之
也

婁東月旦品時賢社譜門生有七千天子徒勞分座主兩闈名
姓已成編

婁東張庶常溥舉復社依附東林一時奔競者多歸之門生
有七千人焉春秋兩闈天子徒然分遣座主而孰元孰魁孰
先孰後庶常已編定無遺人矣座主房師非門下士即東林
黨人待庶常以揭榜大為孤寒之患童生府錄一名值銀一
百二十兩皆為黨人壅塞也

二冊書成註復刪莫防燈下鬼神環西銘夫子鄴都主生死榮
枯一筆間

太倉張溥創舉復社別號西銘其門人有七千稱為西銘夫
子延儒再召溥欲盡用其黨人而殺異己者書二冊以進延

霜二

四 虞山叢刻

儒秘而藏之

月墮西江歌舞闌中原一片血流丹故人昨夜魂遊岱相國方
言好作官

延儒泊舟江滸終宵宴飲是時賊禍糜爛中原極矣忽謂其
門下客曰吾離家四十日已得二十萬足以樂我半生我不
赴京矣客曰皇上待公如飢渴此豈公高卧時耶張西銘計
音至延儒驚起曰天如奈何遽死既而曰天如死吾方好作
官客曰庶常吾道干城公何為出此言延儒乃出二冊以示
客曰此皆天如所欲殺之人也我如何能殺盡溥還婁東一
夕暴死亦天意也溥死無後

畫簾風細曲房深翠鬢雲盤插繡絨冰翦玉絲裁履式描完龍
鳳待稍金

尙方履歲費四百金后於內政之暇為上製履省四百金助

邊餉其履盡去繁飾只用金綾綃成龍鳳太監出宮見婦女
輒曰我們娘娘勤苦每日為皇帝爺製履

五更燈火走宮官大駕來朝嫂懿安后在帷中答拜起玉階仙
仗已回戀

上每歲正月元旦先朝懿安太后上四拜后在帷中答二拜

晨光未啟簾幕深垂各不相見聖朝家法之嚴如此

憂勞心事啟天知臚唱傳聲拜起遲咒諷聖卿三十遍我皇俯
伏未興時

上南郊行禮一俯一興聖卿私持大悲咒五六遍至九獻完
伏地默禱咒完三十遍上猶未起也敬畏如此而卒亡國天
道誠不可問歎

紫閣霜飛內侍寒賜他先睡聖恩寬金鈎一響蓮燈暗齊出貂
裘舉首看

霜二

五 虞山叢刻

內侍直宿殿庭每人持一貂裘臥則入囊內上永夜覽章疏
念諸侍苦寒賜令先睡上乘燭獨坐良久聞金鈎響內侍急
出囊視之上入帷中寢矣

洞簫吹徹集仙靈共喜君王正妙齡自報雒城摧陷後梨園樂
部一時停

上精於樂律初年退朝之暇每撫琴一弄或吹洞簫度曲太
常楊玉尹爾夔舍人文某等同奉詔校正樂譜自河南寇深
杳然絕響矣

秋深葉碎玉池桐月轉金階霧氣濛偷出角門廊下立君王儼
在燭光中

月轉金階則夜深矣宮人猶見君王在燭光之中則憂勤之
至也

蜀扇分宮歲萬千彩妝麟鳳色華鮮疊成一握泥金扇旋得開

來月樣圓

梅村集宮扇一首似詠此事

靜院幽軒誦誦聲向東一座女先生小王公主俱承教伴讀宮
娥選幾名

女先生唐書穆宗以若昭尤通練拜尙宮嗣若莘所職歷憲
穆敬三朝皆呼先生后妃與諸王公主以師禮見

閒從阿母問春秋知是三朝老部頭親見顯皇臨御日內厨朔
望獻全牛

顯宗愛食牛睛以金鈎取之次食牛腦

霜一

六 虞山叢刻

霜猿集卷三

古虞周同谷鶴耀氏著

風流宰相去巡邊八座行來穩似船多少公侯伏下道尙方寶劍纛旗前

上命延儒視師賜尙方劍曰自總兵官以下有不用命者斬之如朕親行延儒乘入座前呼後擁旌旗千里不絕歷代公侯與五營都督皆蟒玉伏下道總兵官披執從事

令箭如飛驟六街退朝司馬動憂懷飛來頃刻原飛去立限同京取紙牌

延儒奉命視師上親餞之御手捧卮者再既出都門百餘里

一旗牌官持令箭飛馬同京大司馬方退朝遇之於道謂戎

信孔亟大懼都人驚疑相告既而知為取紙牌諸弄具人尤

惴惴慮其償事延儒在軍中日與諸狎客嬉戲置閹政於不

霜三

一虞山叢刻

問

讎罷張燈翠殿頭金杯不解玉顏愁天家歌舞民家哭百萬王師在涿州

宮中除夜上與后妃同宴樂甚后獨不悅上問之后對曰今

夜佳節妾得侍陛下飲宴但思王師百萬俱在涿州涿州百

姓豈得室家相聚乎上為之潸然淚下

沿邊千里列烽臺十八將軍有戰才令到喜峰防卒去長生木

主馬馳回

周延儒撤張國維喜峰之兵衛天壽山

前驅蠶子聽蚊螺趙女燕姬出塞多上相班師還帝闕金銀百

萬馬驟歇

此指延儒受賄班師還京事

吏部茶箱玉琢卮青鬟小事各分司一棺歸葬松陵後風雨樓

中幼女思

延儒再入相引其黨吳昌時為吏部文選司賣官鬻爵賊私

百萬延儒既死上親鞫昌時受極刑斃昌時為吏部時有疾

各太僚問安入卧內有青鬟五人司茶皆絕妙姿也茶卮是

羊脂玉琢成受以烏金盤從日本國來者雕刻精巧觀者動

心昌時死後有二女皆殊色子名祖鏗痛心父難每思幹蠱

而填海移山志終未遂遁跡膠州賁志以歿有一子瘐死獄

中鮎琦亭集中有吳職方傳即祖鏗也號稽田

瀛國遊園步輦乘六宮遣使候居與同時詔赴櫻桃會可惜田

妃病未能

瀛國夫人先帝之外祖母新樂侯劉文炳之祖母年九十餘

國亡投井而死

琵琶彈到古伊州殿裏分明塞下秋露冷月高諸伎出君王自

起看旄頭旄頭星

辭命潛通密送貂願遵明誓息金銜使君認作封侯約只患文

龍不患遼

袁崇煥為經略成說之曰二十年不交兵公封侯矣崇煥信

之遂成誓約於是崇煥但圖文龍而視遼事為可緩矣

閉卻中營鎖上環曉風吹凍血朱殷三千甲士同聲哭皮島仍

為麋鹿山

毛文龍開幕皮島屢獻軍功而糧道險遠艱於接濟議者謂

文龍結納番夷多所要求漸有不臣之志袁崇煥為經略受

密旨令伺察文龍崇煥至海上檄文龍過海議事文龍從甲

士三千渡海而西崇煥詣文龍營與之飲醉而宿焉文龍以

為經略待已之厚也從五十騎來謝崇煥開宴待之止五十

騎營外酒酣崇煥願文龍曰朝廷有密旨與公觀之中軍官

霜三

二虞山叢刻

宜旨文龍惶恐叩頭請經略上疏爲已辨免崇煥叱左右縛
文龍以尙方劍斬之大砲三舉而文龍之首擲階下矣次日
厚犒其兵遣歸本鎮三千人痛哭而去繼文龍而受事者卒
伍庸才撫馭無法屬夷皆散而皮島仍爲荒山矣

不辭霜露翦蒿蓬拊背形成遼海中可怪滿朝無識見將爲疑
事問眉公

考沿海全圖皮島正在遼後爲牽制之要地故曰拊背形成

雲間陳繼儒者自號眉公王文肅公門下客也爲文肅主
家事文肅譽之遂負一時之望毛文龍功罪舉朝以爲疑金
陵錢龍錫被召入相以文龍諮繼儒繼儒曰毛文龍在皮島
歲費朝廷金錢百萬譬如人家一大鼠穴日多虛耗龍錫深
以爲然故袁崇煥平臺召對日龍錫有造膝語蓋言毛文龍
也

霜三

三虞山叢刻

主守差安主戰非自強一着得先機大臣少有擔當力揮霍雄
才世所希

此弔故經略少司馬熊廷弼也是時東林黨方盛廷弼獨不
入黨黨人恨之故廷弼主守王化貞則主戰非廷弼之怯而
化貞之勇蓋爲門戶爭體面也廷弼之意謂克敵莫如富
強先爲不可勝以待敵之可勝此最上之策而同事者撓之
旁觀者撓之軍志曰師克在和遼事之失化貞與廷弼不和
也廷弼臨刑喟然曰朝廷留此漢子尙有用處而今已矣
金吾棍上血飛揚萬里長城徒自戕他日好隨丁令鶴歸來重
看舊封疆

廷弼初爲南京督學御史繩士子嚴曾拔周宗建置前列而
以小過責之宗建既爲科臣受命鞠廷弼獄具杖三十廷弼
謂宗建曰我與汝有師生之誼何至於此宗建方銜宿怨正

色而對曰今日之事君事也卒杖之故有金吾之句

玉窗想見笑言温有氣如蘭近至尊今夕西園空殿內流螢幾
箇照黃昏

田妃體氣如蘭其所行坐處香踰時不絕

塵生玉几暗金徽彷彿蘭房見畫衣方士慚無少君術曉風殘
月有魂歸

此詠上悼念田妃恨方士無少君之術徒使曉風殘月有魂
自歸而上不之見耳

越紵吳紗自翦裁曾隨靈鳥上三台身輕善舞如飛燕十斛明
珠買得來

上念田妃不置妃兄在吳門買歌姬陳圓圓者至京師將以
進御圓圓姿態非凡名傾吳下曾侍宴宜興故有三台之句
碧天無計覓鸞輿那得將身入帝居今上聖明不重色厭觀歌

霜三

四虞山叢刻

舞愛觀書

田皇親以圓圓進上上以其青樓婦恐壞祖宗家法卻之每
日焚香讀書迨夜不輟

露滴秋花人暗聽刺闌中夜報關寧珠簾高捲秋河白天子當
階望歲星

失註

中原千里草無芽大火延燒數百家痛念民間易子食齋宮進
膳是蔬瓜

柏煙蘭霧接重霄仙樂紛紛勝九韶乍見日光臨殿角三宮六
院盡來朝

南都遷去北都沈威得君王怒最深欲究根源成大獄恐傷長
信獨居心

崇禎末年賊禍方烈糜爛五省而遼兵又每年入塞民間訛

言帝將南遷傳入禁中懿安太后謂皇后曰外邊人多言周延儒勸皇叔南遷延儒江南人圖自便耳祖宗陵寢俱在北方得免陸沈乎為語皇叔延儒之言不可從也后亦素疾延儒乘間言之帝本無此意聞之大怒欲窮究其言恐傷太后心乃止

閣臣天性最仁廉招撫何須劍戟銛將吏臺前聽號令中軍元帥誦華嚴

閣部楊嗣昌素奉佛法既出視師專意招降賊降者數十萬即於附近安插未幾降者復反四面皆起王師如在重圍中矣嗣昌每日持誦華嚴謂此經可以消劫且見之章奏是豈身統六師為天子討賊之人乎

爵拜寧南體統尊兜整救賜是恩將軍馬上能應戰鐵券山河誓子孫

霜三

五 虞山叢刻

左良玉少起軍校以斬級功官遼東都司剽錦州軍裝走昌平事軍門侯恂會大凌河圍急詔下昌平軍赴救榆林尤世威為總兵官入見言良玉可將恂從之已而良玉戰松山杏山下皆捷遂授總兵官年三十二是時秦寇入豫良玉受詔討賊既至豫則賊帥一斗穀蝎子塊滿天星等皆平最後戰懷慶與督師洪承疇意不合乃歎曰我即盡賊安所見功乎遂陰縱之而寇患始大熊文燦繼為督師嘗受賊金而脫其圍良玉意尤輕之楊嗣昌以閣部出視師方倚重良玉九調而九不至嗣昌怏怏死了啟睿代為良玉調遣文書未嘗自出一令然是時良玉兵強大為賊所畏賊知左兵所在輒棄金銀於道左兵取之賊按轡而行無追躡之患矣上命中官以銀兜鍪賜良玉良玉每日食一大豚其子夢庚庸才也良玉以家貲犒軍夢庚有吝色良玉歎曰我家不能世有此軍

矣故末句譏之

息甲潯陽脫戰袍腰懸侯印樹旌旄發喪痛哭成何事不合當年縱賊逃

崇禎十五年壬午良玉出兵與李自成戰朱仙鎮三日夜而敗良玉還軍襄陽朝廷以侯恂代了啟睿良玉大喜遣其將金聲桓率兵五千迎恂既受命朝廷中變命距河接汴無赴良玉軍未幾恂得罪去以呂大器代良玉愠曰朝廷罪侯公而以呂公代是疑我而欲圖之也自此意遂離往來江楚為自樹計盡取諸鹽船之在江者而掠其貨財又稱軍飢欲近南京就食移兵九江兵部尚書熊明遇大恐以語侯恂恂以書諭之而止朝廷不得已封良玉為寧南侯以其子夢庚為總兵官良玉卒不為用十七年甲申三月得先帝凶問良玉大哭曰為臣子者不能盡力以致君父如此遂為帝發喪三

霜三

六 虞山叢刻

軍縞素乙酉弘光帝立馬士英阮大鍼等亂政良玉傳檄江南聲言入覲以清君側意在廢弘光帝而立楚世子至九江而卒

狼星迴照玉孤潛主客交兵太白占天子撫髀思上將世臣何敢學韜鈴

上以王師屢敗文臣楊嗣昌等以書生誤國武臣左良玉等驕蹇不用命上每撫髀歎曰不如用我家世臣好世臣指開國功臣之後也按大明會典京軍無故立公侯門下者斬國朝用法嚴為世臣者保有常祿為幸豈敢講習韜鈴置身危疑之地乎 狼星賊寇之占天孤常指狼星天孤星移則賊勢張崇禎末年太白屢晝見

龍顏瘦削為邊塵寧德歸來話苦辛兄妹相看幾行淚梨花千樹不知春

光宗生二女長寧德公主駙馬劉幼樂安公主駙馬鞏永固
俱先帝妹樂安早薨先帝寡兄弟待寧德尤厚屢被召入宮
及秦關失守中原寇深帝憂勞終日御容瘦損兄妹相見僅
敘愁苦而已十七年甲申三月之變寧德夫婦相攜避難民
間粉權脂田盡爲勢家所奪妝樓舞榭俱易姓矣駙馬劉公
少年有玉人之號喪亂以後風姿頓改公主僦居村舍不免
飢寒杜少陵詩云侍婢賣珠還牽蘿補茅屋又云天寒翠袖
薄日暮倚修竹乃知皆實事也 長平公主年十五殊一臂
不死昇置嘉定府中寧德往顧之姑姪相持慟哭長公主思
念先帝后日夕涕泣成婚後未及期年而逝惟寧德夫婦至
今尙存無恙

兩遮更籌玉漏催五雲仙仗下平臺宮門開正鑾儀入錦幔紅
燈夾道來

霜三

七 虞山叢刻

失註

葡萄滿架藥苗齊玉燕釵長首欲低捧卻小王池畔立戲拈金
豆打黃鸝

袍帶連呼祖降神丹墀拜伏口稱臣那知今日憂邊主卻舉先
朝靖難兵

上一日在內殿遽呼袍帶曰祖爺降矣急下殿俯伏稱臣引
罪皆靖難時事也既而登殿解去袍帶就坐若不知有此事
者是以京師傳言今上是文皇再世誠可怪也

霜猿集卷四

古虞周同谷鶴臞氏著

雙眉覆髮國亡秋便識離騷一段愁今夜細書亡國事淚隨筆下不能收

崇關巨堞是居庸百二山河此要衝飛報官軍三十萬齊心為賊作前鋒

賊由太原進兵宣大監軍杜勛以三十餘萬眾降賊為賊前鋒

居庸關上列旌幢內府金銀賜百扛平日養兵皆養賊唐通又報舉師降

唐通於十七年三月與劉澤清同被召澤清大掠而南惟通以八千人入衛初九日平臺召見上慰勞殊甚命統兵二萬守居庸關賊至通以軍降

霜四

虞山叢刻

賊兵百萬漲昏埃鞞鼓驚天晚角哀聞報六宮皆掩面玉鑾日暮出平臺

平臺上所常御處也

正陽門外鼓闐闐風捲黃沙賊控弦上御平臺商戰守紛紛進說是南遷

皇上御平臺問戰守之策閣部諸大臣力請皇上南遷上曰卿等平日各立門戶不肯為朝廷出力所以至此君死社稷禮也何多言各默然

月轉天街鼓二更小樓低唱度秦箏國公未返朱門閉徒見星垣黑氣橫

皇上於十六夜微行至成國公府旁樓上尚有彈箏度曲者內侍叩府門闔者辭以公爺赴宴未同上為之長吁仰見黑氣如旗自西而來入紫微垣結為圓象直揜帝座上入宮

以語后歎曰天象如此我其殆乎后曰陛下十七年兢兢業業未嘗得罪上帝今日之事諒有天佑上坐而假寐

萬壽山頭草木繁昔年曾見翠華翻依然紫禁秋光內誰為先皇立寢園

十八日上登萬壽山召新樂伯崔駙馬至有所屬既而各罷去

授兵十萬上譙樓可是文皇靖難收只費賊勛三四語盡從濠內一時投

也宣大二十萬人俱降爾等徒守何為吾欲入城有所講急繼而上勦向諸瑞耳語良久守者皆投兵濠中喧呼爭下賊兵乘之而外城陷矣

塘報十八日賊攻南面守城太監開彰義門迎賊入城

白家河畔草離迷萬戶煙深怨鳥啼悵望南雲無去路東風吹劍馬頻嘶

霜四

虞山叢刻

十九日上早起易服帶佩刀奪正陽門欲出守城瑞疑內變反礮拒擊上亦尋悔還至白家河攬轡四望容色慘然

城上懸燈賊入濠九門已獻六軍逃士民欲為朝廷戰三百年中不佩刀

上至白家河遙見城上懸白燈三原約為內城既破之信上知事不濟急還宮

自外城破巡城御史等欲起民兵守城士民踴躍願赴議未定而杜勛黨已開門迎賊內城又告陷矣

瑶臺帝子正年輕雖出宮門道路生嘉定府前霜下立迢迢深似紫金城

長公主方十五歲奉聖母命同宮人數十到嘉定府府中人

以門禁森嚴不便請鑰為辭見天將曉仍歸大內
空礮連聲震若雷陵園十二盡成灰平臺召對何人對皇上無
言慟哭回

十四日起復廢監曹化淳等是時一旬日色無光天氣陰慘
十八日忽發大風驟雨有如冰雹雷電交至人心益為恐懼
九門堅閉不通外便門盡行填塞曹化淳與杜勛密謀迎賊
砲聲雖不絕屋瓦皆震究竟內外關通不入鉛彈惟有空響
一人不傷仍麾手示意令賊稍卻然後點火遙見天壽山烈
焰彌天享殿盡行燒毀自初十日外邊報緊急皇上終日召
對諸輔并科道官竟日默無一言惟有涕泣相向而已每召
對一次皇上必為之慟哭還宮
騾馱車載赴邊營輸助何堪養戰兵此處不留何處去會無犬
馬戀人情

霜四

虞山叢刻

先是內帑空虛措餉無策詔勦戚內官輸助諸關門上俱貼
此房急賣悉出玩物求售宮中壁間有書此處不留人自有
留人處而去者數百人吁會無犬馬戀人主之情乎
情知一見即飄零兄弟分離母自經哭罷叮嚀無數語臨行再
哭又叮嚀
十八日太子永定二王見上求欲入宮見后太子諸王入中
宮必請命於上禮也上愴然悲曰而母子相見尙能得幾時
猶須問我耶急命入見后撫太子二王慟哭叮嚀再三明日
早間后即自縊
社稷淪亡命亦捐兩行珠淚盡君前聖明過守無晨戒委負皇
恩十八年
上入宮見皇后曰大事去矣汝為天下母當死后慟哭曰妾
事陛下十八年卒無一語見聽今日同死社稷亦復何恨上

悽愴不顧忌氣自如
國亡君死后妃從祖訓煌煌在鼎鐘同奏娘娘已領旨宮人拜
起自從容

上御便坐呼左右進酒正色而進金卮者十數皆醵左右懾
服莫敢仰視命宮人傳旨兩宮及懿安后自盡口莫得環皇
祖爺國體宮人同奏娘娘領旨叩頭跪起如平時
主兒傳至各獻欵御手親將換做衣對仗兩班同哭罷殿廷但
有燕雙飛
上命傳主兒主兒者謂東宮及永定二王也東宮二王入猶
常服上曰此何時可弗改裝乎亟命換做衣上自為解衣結
帶曰汝今日為太子明日為平人在亂離之中匿形跡藏姓
名見年老者呼之以翁少者呼之以伯叔倘得邀天之庇來
此為父母報讐毋忘我今日戒也於是左右皆慟哭班始亂

霜四

虞山叢刻

中瑞七萬人一時星散內殿無復有人矣
劍氣衝花委綠苔玉真高駕彩雲迴幽幽椒殿無人住鸚鵡猶
呼萬歲來
上起入中宮聖后已遵旨自經上拔劍撞其懸而轉之玉真
言后也上所愛白鸚鵡西羌所貢見上則呼萬歲是時宮人
奔竄內殿空虛惟有鸚鵡在簾前呼萬歲矣天家聚散至於
此乎
磨思旁照及嬰孩手握霜鋒入殿來斷臂壽寧先玉折昭仁一
劍又蘭摧
皇上至壽寧宮聞長平公主啼哭上曰汝何不死公主曰兒
無罪上曰汝生我家便是汝罪揮之以劍殊左臂又斫昭仁
公主於昭仁殿時年方六歲
翠華西閣斷君憐未得長門賦一篇今夜有魂甘帶血落花風

哀聽啼鵲

皇上入袁妃宮妃縊絕墮地上恐其甦以劍刺令死故為帶血之魂而以梅妃比之失寵故也

燕臺四月草青青馬上悲笳耳厭聽過客若還懷舊主回頭一望壽皇亭

十九日賊入城急求上所在不得見上所御馬在山下垂韉嚼草始知遺弓在萬壽山之壽皇亭皇上南面而縊太監王承恩北面而縊

十七年來淚日垂何曾覽鏡畫雙眉今朝未識泉臺路皇嬪逢時各自悲

膏沐無施對玉窗嘗持梵咒祝安邦天家妯娌同時逝王母筵中又一雙

懿安后稱末亡一十七年常持梵咒保佑國家與周后同時

霜四

五 虞山叢刻

自縊死

膏沐無施有淚懸去朝王母冠瑤仙清河當日為予說可作千秋信史傳

懿安后自盡懸絕於地偽將軍李巖知為后戒其黨勿得侵犯欲送還太康家后卒從容自縊死魏監之伏誅也后與有力故諸璫有宿怨於后將后尸雜在諸嬪尸中載出瘞埋不得成禮而葬近史遂謂后以青紗蒙頭走出午門不知何據

子訪於西安張孟堅孟堅從賊親見后死有何疑焉

午門待罪責供招舊事先皇各大僚忍見靈車從內出月綾被體髮蕭蕭

二十日百官俱至午門待罪賊復命長班四下搜緝責令供招家財多少盡數獻納不足者極刑拷掠遙見四賊昇我大

行皇帝從內而出帝服白綾衣月色吳綾小襖垂髮被面兩

足無履停於東華門外茶菴蓆棚之內以土塊為枕止用極薄白楊木棺殮之以襄城伯哭諍乃易稍厚者

芳魂已去伴湘君玉骨將歸四尺墳舊日宮嬪無一在悲風飄動鳳凰裙

賊以木版舁我聖后出宮后朝服自縊著綠錦鳳凰裙周身衣服用線密縫容顏如生停茶棚內與帝同日入殮

內家辟寇承明旨玉殿金闈人盡亡不似唐家委社稷三千宮女拜黃王

十九日夜漏將盡上召諸內人諭令出宮辟賊賊入放火燒西華門宮人號哭出走宮妝委棄滿地有不及出門而遇賊

入者皆投御河死亦數百人賊至但空宮耳

茶菴棚內白楊棺百姓皆來掩淚看多少騎驢人過此從無一肯下驢鞍

霜四

六 虞山叢刻

賊令西來偽官許騎馬降官錄用者止許騎驢先帝后兩柩停東華門外茶棚之下賊禁稍弛百姓皆來哭拜日有數千

從賊諸臣過此惟舉扇障面無有下驢一哭者真蒙面喪心狗彘不若矣

右階侯伯左階文此日何曾見一員百姓無辜不可殺我皇血詔普天聞

皇上在壽皇亭嚙血書衣上曰朕之失天下皆因文臣不盡心武臣不盡力文武可殺百姓無辜不可殺

兄弟相看淚眼枯盡隨嘉定去為俘從來外戚全無用奎也何堪任託孤

內城破太子二王急奔嘉定府二十日賊緊閉各門迫令勦滅文武職官投名進見李自成問奎太子二王何在奎懼以太子二王獻賊太子二王席地背賊而坐賊亦不即加害

一云奎止獻太子二王獲自宮中問答侃侃定王語尤英聲
賊不敢害
不鑿前車在漢唐東林講學為三王臣憂門戶君憂國門戶成
時國已亡

神廟時王皇后無子而鄭貴妃有寵欲立其子宰相持兩端
遂有三王並立之說而東林講學之會以興蓋所以羽翼東
宮也熹廟幼冲太監魏忠賢用事殺東林士大夫殆盡先皇
卽位逆閹伏誅東林之勢復熾浙相溫體仁為人清介上倚
重之東林目為浙黨虞山錢謙益東林人望也上欲相謙益
周延儒於上前發其短謙益由是落職既而延儒欲畔浙黨
入東林故延儒會闈主試所中者皆東林要人子弟黨人德
之而延儒遂為東林翹楚士大夫爭門奪戶日不暇給逆賊
臨城依然如是天子可欺九廟可毀神州可陸沈而門戶體

霜四

七 虞山叢刻

面決不可失紛拏十有七年而散作者繫此詩於亡國之後
蓋逆探其本而言之也

軍容慘淡氣如黔大將身降士卒殲戍客尙能言戰處屍橫積
上雪霜淹

山風壓路客魂驚漢將提戈此下營當日覆師曾十萬馬啼踏
破鬪曠坑

易代之後南人有過松山者見枯骸遍地馬蹄踐之嬰嬰有
聲皆昔年十三萬禁軍之骨也唐人詩云萬里無人收白骨
家家城下招魂葬又云可憐無定河邊骨猶是春閨夢裏人
千古傷心事也若使當年邊疆寧謐東顧無憂則區區自成
草寇何難蕩平作者繫二詩於此良有深意焉
謹具江山百座城崇禎夫婦列雙名鮮紅簡子書申敬獻納通
家八股生

明初入股取士而策論表判謂之後場然主試獨重入股啟
禎時但求入股中式則後場無論表聲偶不諧論題士子不
能辨何人語策三道每道只渾講題中二字名曰策眼問者
雖極詳備而對者不過從一上發揮大抵勦襲陳言籠
統滿紙至于判語熟讀二三十條中有一條暗合可以倒換
四條衡文者不復論其工拙故士子白首揣摩但作入股而
後場經濟之學榛蕪久矣既登仕途兵刑錢穀茫然無所措
手雖為執政依舊空疏軍國大計一味塗抹謹愿者強為枝
梧狡猾者恣為欺罔朝廷之上在天子左右者伎倆如此而
已矣崇禎十七年甲申三月之變吳中子弟作為口號譏訕
先達其言雖近於澆薄而所以國破君亡之故實由於此曰
將鮮紅簡子一箇上書謹具大明江山一座崇禎夫婦二口
奉申獻納之敬通家生文入股頓首拜道路傳述聞者傷之

霜四

八 虞山叢刻

麻衣官至自南京百姓悽惶罷市迎宣詔禮生哀欲慟讀來有
句不分明

大行皇帝哀詔所臨百姓悽惶罷市縣堂開讀哭聲震天宣
詔禮生為淚所噎讀不成音詔未宣完而哀欲慟矣

南山寢殿北山陵掃地惟存破衲僧卻有故宮馮內侍贈人黃
玉水中丞

馮內侍者舊宮監也開寶石肆於京有客過其肆見黃玉水
中丞制式甚精目之內侍曰客欲得之乎此貴品然我不論
價任客多少客笑而不言內侍問故客告以有銀肆星不敢
啟口內侍愀然曰先皇最愛此我見之輒生悽慘今以送
客乃索其銀四錢而以水中丞贈之
五尺瓊瓏十指寒病中猶起帶愁彈金徽玉軫無消息知在誰
家几上看

此弔田妃所彈之琴國亡之後竟無消息不知落在誰家也
可勝悼歎乎

鷓鴣觀前笳吹起柏梁臺上見飛鷺六宮如舊人非舊落日西
風歎逝川

兔迹狐毛宿草封國家亡後葬思宗同看落日西山路魏監墳
頭萬樹松

城於四月初四日葬我大行皇帝於田妃墓側設祭皇太子
行禮畢仍押入大內是日天地昏慘北風震號都城內外黑
氣蒙隱皇極殿作白色先是前月初四日忽傳密旨收魏忠
賢骸骨歸葬羣臣力止之國亡之後諸閣迎忠賢柩葬於西
山鼓樂幔亭儀從極盛豐碑數尺題曰司禮監魏公之墓松
柏千樹享堂巍然此詩言先帝之陵不及忠賢之墓傷之至
也

霜四

丸虞山叢刻

玉勒金鞍紫電驄墓門長揖淚沾裘從官亦食先朝祿不爲亡
君一滴流

無復松楸享殿傾年來莫禁野夫耕荒原多少宮妃墓盡被牛
羊踏箇平

奔馬征車名利場園陵誰望舊斜陽漢家尙有銅人淚流向風
前哭武皇

用盡才華白髮甦坐中猶見舊羊曇同思三十年前事國破君
亡兩夜談

庚戌之秋遇宜興門下士於席間與之同宿談宜興軼事甚
悉回思國破君亡近在三十年間耳爲之揮淚

種得黃精和露刪洞雲寂寂水潺潺朝來偶詠霜猿集淚灑南
湖一片山

後序

霜飛五夜淒淒沁骨之悲猿叫三聲黯黯沾裳之源自古興亡之感每傳危苦之詞亡國之音哀以思逸民之志微而婉編排瑣事猶餘異代之悲纂錄遺聞莫洗前朝之恨此長歌可以當哭而野老為之吞聲也慨明季之不綱致末流之失馭奄人竊柄公卿拜珪讓之門阿保承恩宮掖崇聖燒之位陸敬萱宛爾官家慈母楊復恭居然天子門生崇信僉王豺狼當道誅鋤善類麟鳳罹羅刊章遍及於東林置獄廣開於北寺鷹榜駢首慘留康樂之鬚喬固橫刀碧化蓑宏之血人之亡矣邦其瘁哉幸而皎日當陽冰山忽倒英年夷難玉燭還調崇儉德以勵精屏逸遊而圖治水嬉過錦未妨午夜之軍書消九咬春不廢萬幾之兢業而乃弊由獨斷性復多疑每成偏聽之奸未覩轉圜之美南衙東廠方消水火之爭洛蜀甘陵更起玄黃之戰競營門

霜後

十一虞山叢刻

戶誰同聖主之殷憂莫願封疆孰辨勞臣之功罪金門伴食師臣以馬弔巡邊玉帳逍遙主帥恃華嚴卻敵遂使哀鴻遍野飛豹彌天黃巾青犢之妖縱橫赤縣白馬黑山之賊傾覆神州慘矣鳳雛捧青萍而玉碎傷哉龍種解寶玦而珠潛隨天上之胡髯千秋義烈殉宮中之翟鞠四海悲號人雖哭於秦廷鬼竟謀於曹社豈天心之善醉抑人事之多愆迄乎南渡以還更屬西頽之日燕巢幕上誰知天塹難憑魚遊釜中誰識樓船竟下馳雕車而來選繫臂絳紗吹玉笛以徵歌纏頭錦彩元兇擁虎帳而談兵闖賊據鳳池而調鼎湖湘跋扈共憂口仲之來淮南孤危莫救王琳之死棄長城於萬里踵遺恨於六朝此江水潮聲打孤城而腸斷鍾山草色園故國而魂消也嗚呼八千女鬼竟成憑社之狐十八孩兒竟作潰隄之蟻三百載之珠囊既失十

七世之麥飯誰澆先生身作逋臣心傷時事壽春城下曾無報

葛之人滄洲島中剩有悲田之客昔年幕府慨慷磨盾鼻而書此日茅齋淒涼擊唾壺而賦詞則或莊或詭情則有哀有思澹僭取前篇稍為刪定留吉光之片羽約近百章味俟鯖之一鱗并分二卷悲哀不少無非越客之吟惆悵偏多總屬楚囚之泣云爾 乾隆甲子中秋後三日玉峰後學曹徐澹聖淵氏撰 鶴臞周先生名翰西海虞人也少補博士弟子員後棄舉業入史公幕國變後流寓崑山窮老無家所著有同谷集古文疏宕雄壯似大蘇此霜猿集詩無題有註子為刪汰而存之名曰霜猿集者因其悲愴惻哭似登湘山聞霜下猿啼也或類宮詞或詠邊愁寇警即作燕都雜事詩亦可曹徐澹識 右詩編作上下二卷共存八十八首其注係周鶴臞先生自撰而曹徐澹刪削者也當與三垣筆記談往等書參觀之原稿凡四卷百六十餘首今已佚

霜後

十二虞山叢刻

乙亥菊月十三日野史氏校錄於黃葉葦謹識

校記

序 採菊完柴桑之節琳瑯秘室叢書本周左季鈔本作采菊
籬邊 鼓琴寄中散之思原本琴作鐘據別本改琳瑯本周本
作鼓鐘柳下陳同叔合編本曹徐濤剛訂本無此二句 天產
哲人賦才獨異各本俱作同谷周君汝南華胄江左名流 爰
讀霜猿之四卷琳瑯本周本四作一曹本四卷作一集 其志
切故字字發乎深情二十字各本無 尼父麟書陳本作文中
元經 倚碧窗而吹笙鼓瑟二十四字各本無
李空雲小傳 原本略據陳本曹本校補琳瑯本周本無
野史氏贊 據曹本補

卷一

古虞周同谷鶴驪氏著 陳本作華陽道隱著曹本作明海虞
周翰西著下卷同琳瑯本作海虞周同谷翰西氏鶴驪著

霜校

虞山叢刻

第一首 曹本琳瑯本無 如叫湘山霜夜猿陳本註云夜一
作後 註 琳瑯本移作卷末後跋 遂命之曰霜猿集陳
本周本作遂以紀事而泣詠之
第二首 曹本琳瑯本無 註 先慈管孺人陳本周本孺
作夫 先慈年五旬陳本周本五作七
第三首 琳瑯本無 註 據陳本曹本補
第四首註 士林喪氣宗社以危 我於忠賢何尤俱據陳本
補
第五首 黃昏內殿重重鎖琳瑯本殿作院 註 內侍私
製淫香私字據陳本補
第六首 曹本琳瑯本無 面白唇朱髻挽青陳本作面白唇
紅朱髻青
第七首 召得宮官入九重描金朱合畫雙龍曹本宮官作官

家朱作彩 手自濡毫署謹封曹本署謹作謹署

第九首 半日兩宮交細語琳瑯本細作絮

第十首 十一二十三首 據陳本補

第十四首註 罷內操罷字據琳瑯本補

第十五首 衆裏西宮體態殊陳本註云衆裏一作裏裏 行

近紫微光耀日陳本註云日一作目琳瑯本亦作目

第十六首 縱使霜狼鬪赤烏陳本霜作圓註云一作霜 霜

狼註十一字據曹本補 註 得五紅為勝為勝二字 吾

當得六紅當字 自成奮臂十一字俱據陳本補

第十七首 曹本琳瑯本無 千羣鐵馬射金錐陳本馬作騎

註云一作馬 獨選淨軍得四萬陳本選作點註云一作選

註 啟禎之間原本作天啟年間據陳本改 有四萬原本

四作四十案十字當衍此三句略見第四十三首琳瑯本註中

霜校

虞山叢刻

可證 一旦有警十一字據陳本補

第十八首 花生玉露柳生煙曹本作花含玉露柳垂煙陳本

兩生字俱作含註云別本俱作生 坐覽軍書上未眠曹本琳

瑯本上作尙 註 中夜坐覽軍書坐字據陳本補

第十九首 五色旌麾高下齊曹本旌作旄琳瑯本麾作旄

註 曹本無琳瑯本誤用崇禎宮詞第一百五首註為田妃

事 嘗與諸勳戚習射陳本諸勳戚作中官 中官叩頭賀原

本叩頭下有稱字據陳本刪 上每發多中十四字據陳本補

第二十首 曹本琳瑯本無 註 懸大石殿內殿內二字

有漢武自將待邊之意俱據陳本補

第二十一首 曹本琳瑯本無

第二十二首註 琳瑯本無曹本誤引第二十四首註原本作

田妃雅善鼓琴據陳本補

第二十三首 白日承恩卸御妝曹本琳琅本白日作椒殿

第二十四首註 琴聲和緩十一字據陳本補

第二十五首 團團紈扇掩新秋曹本琳琅本掩作捲

第二十六首 曹本琳琅本無 春到坤寧雨露濃原本雨作

花據陳本改 拜來皇后親扶卻原本卻作起據陳本周本改

註 心憐之心字據陳本補

第二十七首 曹本琳琅本無 夜深涼氣入秋庭原本庭作

亭據陳本改

第二十八首 坤寧簾幕日曠曠曹本琳琅本曠曠作曠曠

註 田妃朝見琳琅本作田妃有寵而驕后每裁之以禮歲

元日寒甚田妃來朝

第二十九首 風流豈減漢昭儀曹本琳琅本豈作不陳本減

作識 鼓瑟吹笙事事原原本笙作簫據陳本曹本琳琅本改

霜校

三 虞山叢刻

長日永和歌舞後陳本周本後作散曹本琳琅本作罷 湘

簾底下坐彈棋琳琅本底下作暮捲 註 曹本無陳本周

本僅註永和宮名四字據琳琅本補

第三十首 據陳本補

第三十一首 東皇邀去赴蓬壺曹本琳琅本赴作越 註

琳琅本併下第三十二首 后頗莊帝滋不悅頗字滋字

后讓妃而訴之帝讓妃而三字之字俱據陳本補 同扶后起

下曹本將第三十二三十三三十四首註刪節併入

第三十二首 潤花靈雨敗花風曹本琳琅本靈作霖 危疑

百事兩人同曹本琳琅本人作心 註 遂乃作興化人耶

原本化作他誤據琳琅本改

第三十三首註 念后同處患難十字據陳本補

卷二

第三十四首 曉鏡清光映玉餅曹本琳琅本餅作屏 驟驚

人處是花鈴琳琅本處作起

第三十五首 繞院迴廊半是苔陳本院作苑 註 據陳

本補曹本誤引第三十七首註

第三十六首註 琳琅本併下第三十七首 袁妃與諸後宮

從焉三十六字原本作袁妃與諸嬪妃從焉后請并召田妃上

伴不應后乃命小黃門以懿旨召妃據陳本改

第三十七首 玉仗穿花扇影團陳本玉作隊 註 妃聞

召即至聞召即三字 今夜可幸西宮后獨擺仗還坤寧今夜

二字獨字俱據陳本補

第三十八首 玉熙春靜露華寒原本華作花陳本作光據曹

本琳琅本改 曲柄琵琶金鏤字陳本琳琅本鏤作縷註同

霜校

四 虞山叢刻

第四十一首 草軟沙乾上駟調曹本乾作平 註 琳琅

本參用第二十首註

第四十二首 曹本琳琅本無

第四十三首 前旌已入海西雲琳琅本旌作旄 註 戶

部未即發糧原本發作撥據陳本周本改 心頗不平頗字據

陳本補 上馬快快去原本快快下有而字據陳本刪

第四十四四四十五首 據陳本補

第四十五首註 案陳本何敢當君父之殊禮若此下有千古

而下讀是詩者猶有憾焉十二字疑為後人增入

第四十六首註 據陳本曹本補曹本註未參用第四十五首

註語

第四十七首 白玉階前獨自遊曹本遊作憂 氣數已成無

可改琳琅本改作奈 註 泣而夢見上帝見字據陳本補

第四十八首 朝報一封偷出界曹本封作書界作口琳琅本
界作塞 換歸五十裏蹶金琳琅本裏作馬

第四十九首 曹本琳琅本無

第五十首 畫船簫鼓開江津曹本琳琅本津作濱 註
試往觀之原本試作盍據陳本改 鳩金二十萬二十萬三字

據陳本補 而語侵相國而字據陳本周本補 謂溥曰謂溥

二字據陳本補 深譏之也原本深作盍據陳本改

第五十一首 據陳本補

第五十二首 二冊書成註復刪原本二作三誤據琳琅本改
註同第五十三首曹本琳琅本周本可證 註 曹本第五

十首註至大見寵悅一段止是首參用第五十首見張道臺至

吾見不及此遂行一段註語東山再召至國家大計一段及此

註俱刪節併下第五十三首秘藏之下有已而西銘死乃止馬

阮之卒以亡國真天數也四句

第五十三首註 忽謂其門下客曰四十五字據陳本補 曹
本西銘計至一段吾方好做官句下有否則崔魏遺黨叫我何

能殺盡耶二句無溥還妻東四句末段參用第五十二首西銘

復社門生七千二句

第五十四首註 省四百金助邊餉餉字據陳本曹本補 每
日為皇帝命製履帝字據陳本曹本補陳本日作自曹本作月

第五十六首 廬唱傳聲拜起遲曹本廬唱作喝禮陳本周本
傳聲作聲傳曹本拜作贊 咒諷靈劑三十遍曹本琳琅本卿

作郎註同 註 上猶未起也猶字據陳本曹本琳琅本補

第五十八首 琳琅本無 梨園樂部一時停曹本梨作梁

註 太常楊玉尹爾發周本發作發校云一作發

第五十九首 秋深葉碎玉池桐曹本池作輝 月轉金階霧

氣濛曹本階作波霧作夜濛作濃琳琅本霧作露 偷出角門

廊下立曹本廊作檐 君王儼在燭光中陳本燭光作月明註

云一作燭光曹本琳琅本光作花 註 曹本無 猶見君

王在燭光之中陳本燭作月

第六十首 曹本琳琅本無 彩妝麟鳳色華鮮陳本周本彩

作粉 旋得開來月樣圓陳本得作復 註 據陳本補

第六十一首 曹本琳琅本無 小王公主俱承教原本公作

宮據陳本周本改註同 伴讀宮娥選幾名陳本幾作數

註 拜尙宮嗣若莘所職陳本宮作書莘作華

第六十二首 琳琅本無 丙廚朔望送全牛陳本註云一作

金牛

卷三

第六十三首 八座行來穩似船各本來作遲 尙方寶劍懸

旗前曹本琳琅本前作懸 註 琳琅本併下第六十四首

第六十四首 金箭如飛驟六街陳本驟作駭註云一作驟

飛來頃刻原飛去曹本原作還

第六十五首註 樂甚據陳本補 妾得侍陛下飲宴原本作

妾得奉侍陛下據陳本改 豈得室家相聚乎上為之潸然淚

下原本作豈能室家相聚耶上聆之為潸然淚下據陳本改

第六十六首 據陳本補

第六十七首 前驅蠶子聽蚊螺曹本琳琅本蠶作犢蚊作波

註 據陳本改原本作延儒受賄撤喜峰口之兵以衛天

壽山與第六十六首註語略同曹本琳琅本同末多故時有賣

口放出之語句

第六十八首 吏部茶箱玉琢卮原本箱作廂據曹本琳琅本

改 註 延儒既死十九字原本作昌時二字據陳本補

昌時死後有二女皆殊色原本作昌時死無後有二女皆麗色
據陳本改 子名祖鎮五十三字據陳本補

第六十九首 曹本琳琅本無 註 新樂侯劉文炳之祖
母周本新作親

第七十首 旄頭註六字據曹本補

第七十一首 願遵明誓息金鑑曹本願作須琳琅本明作盟
原本鑑作鑣據各本改 註 曹本作有北來說客謂經略

袁崇煥曰二十年不交兵公必封侯矣時毛文龍決意征遼與
岳少保之忠無異袁信說客遂圖文龍亦明之秦檜也或云袁
誤聽錢龍錫之言非奸臣也

七十二首 閉卻中營鎖上環曹本閉作閑 皮島仍為麋

鹿山原本皮作平據陳本改本首下首註同 註 議者謂
文龍結納番夷周本番作虜 止五十騎營外據陳本補

霜校

七虞山叢刻

第七十三首 可怪滿朝無識見琳琅本識見作見識 註

為文肅主家事據陳本補 陳本金陵錢龍錫被召入相下
作當事乃馳書咨繼儒得繼儒一言而誅文龍之議始決餘註
無 案曹本末有錢龍錫金陵人崇禎時為相眉公後被雷擊
死四句疑為後人增入

第七十四首 據陳本補 註 案陳本末有此詩深責大

臣無識不能擔當大事使揮霍雄才得一再任眾議紛然必殺
之而後快是敵再克而我再敗也宗社之亡其能免乎五十字
疑為後人增入

第七十五首 據陳本補

第七十六首 玉窗想見笑言温有氣如蘭近至尊曹本窗作

堂有作詞琳琅本有作體曹本琳琅本想作相 註 曹本
併下第七十七首 其所行坐處所字據琳琅本補

第七十七首註 琳琅本作崇禎十四年七月十六日田妃薨
於承乾宮此言上悼念田妃也

第七十八首註 妃兄在吳門原本妃兄作田皇親曹本作周
延儒 圓圓姿態非凡原本圓圓作陳姬俱據陳本改 曹本
將以進上下有上以妓不納後為吳三桂妾二句餘註無

第七十九首 曹本琳琅本無 註 田皇親以圓圓進上

原本圓圓作陳姬據陳本改

第八十首 刺閣中夜報關寧琳琅本刺作宮 珠簾高捲秋

河白陳本白作日 天子當階望歲星原本階作街據陳本琳
琅本改

第八十一首 曹本琳琅本無

第八十二首 曹本琳琅本無 柏煙蘭霧接重霄周本校云
霧一作露

霜校

八虞山叢刻

第八十三首 據陳本補

第八十四首 將吏臺前聽號令曹本臺作營周本號令作鬼
哭陳本註云一作鬼哭 註 曹本作張獻忠圍楊嗣昌嗣

昌一無展畫惟在城中念華嚴經云可免刀兵之劫 閩部楊
嗣昌原本部作臣據陳本琳琅本改 且見之章奏原本作與

戎服講老子書者何異據陳本改

第八十五首 簡拜寧南體統尊兜蓋救賜是覃恩陳本作救
賜兜蓋食大豚六師無氣掩轅門註云別本作簡拜寧南體統
尊兜蓋救賜是覃恩 將軍馬上能鑿戰陳本戰作賊註云一

作戰 註 賊既至豫二十一字 熊文燦繼為督師二十
一字俱據陳本補 安所見功乎原本所見作見所 楊嗣昌

以閩部出視師原本作楊閣部嗣昌出視師俱據陳本改 丁
啟睿代為良玉調遣文書五十六字據陳本補原本移用第八

十六首崇禎十五年至還軍襄陽五句盡取諸鹽船之在江者
至以其子夢庚為總兵官十一句註語 上命中官以銀兜盞
賜良玉良玉每日食一大豚其子夢庚庸才也原本作上又命
中使以銀兜盞賜良玉卒不為用夢庚庸才也據陳本改 故
未句譏之原本譏之下有也字據陳本刪

第八十六八十七首 據陳本補

第八十八首 龍顏瘦削為邊塵琳琅本瘦削作消瘦 註

幼樂安公主陳本周本作樂安幼公主 粉權脂田曹本琳

琅本權作礎 少年有玉人之號原本年作時據陳本改 至

今尚存無恙無恙二字據陳本周本補

第八十九首 曹本琳琅本無

第九十首 戲拈金豆打黃鸝曹本金作紅註云一作金陳本

註云金一作紅

霜校

九虞山叢刻

第九十一首 卻舉先朝靖難兵陳本卻作即註云一作卻琳

琅本作曾朝作王 註 今止是文皇再世原本今上下有

即字據陳本刪

卷四

第九十二首 曹本琳琅本無

第九十三首 百二山河此要衝曹本琳琅本山河作河山曹

本此作扼 齊心為賊作前鋒原本前作先據各本改註同

註 宣大監軍原本作宣府太監據陳本琳琅本改周本作

寧府太監誤 曹本降賊下有守將周遇吉戰死句餘註無

第九十四首 唐通又報舉師降曹本師作兵 註 通以

軍降原本通止有唐字據陳本刪

第九十五首 賊兵百萬漲昏埃琳琅本兵作軍 擊鼓驚天

晚角哀曹本琳琅本晚作曉 聞報六宮皆掩面曹本報作道

註 據陳本補

第九十六首註 曹本作時寇逼京師李明睿上疏請南遷琳

琅本同無時寇逼京師句 各默然據周本補

第九十七九十八首 據陳本補

第九十九首 授兵十萬上譙樓曹本授作援註同 只費賊

勛三四語琳琅本賊作杜 註 據陳本改原本作授兵十

萬皆淨軍也十八日杜勛射書城上曰吾杜勛也欲入城有所

講急繼而上勛向諸瑞耳語良久麾守者退曰宣大三十萬人

俱降爾等徒守何為守者爭投兵濠中喧呼而下勛等遂開彰

義門迎賊入城

第一百首 白家河畔草離迷曹本河作湖曹本琳琅本離迷

作迷離 註 曹本琳琅本上早起下有召王承恩對飲句

易服帶佩刀帶字據陳本周本補

霜校

十虞山叢刻

第一百一首註 遙見城上懸白燈三遙字據陳本補 而杜

勛等已開門迎賊原本杜作賊據陳本改 案曹本已開門矣

下有此詩蓋惜平時之不教民戰以致一時崩瓦解二句疑

為後人增入餘註無

第一百二首 嘉定府前霜下立原本前作中據陳本曹本琳

琅本改 迢迢深似紫金城曹本迢迢作迢迢陳本周本金作

禁 註 長公主方十五歲原本作長公主年十五據陳本

改琳琅本長公主下有名微妮三字 案曹本琳琅本末有順

治二年前上書求出家世祖命訪元配周都尉世顯成婚婚一年

而卒四句疑為後人增入

第一百三首註 是時一句四十九字 屋瓦皆震十字 仍

麾手示意十三字俱據陳本補 琳琅本遙見天壽山至慟哭

還宮一段作上聞亟御前殿手自擊鐘集官無一至者

第一百四十五首 據陳本補

第一百六首註 曹本琳琅本參用第二百五首註 意氣自如原本自如下有也字據陳本周本刪

第一百七首註 叩頭跪起如平時原本作叩頭跪起猶如平時也據陳本周本刪

第一百八首註 主兒傳至各獻欵御手親將換做衣曹本至作到御作主 對仗兩班同哭罷琳琅本仗作伏 註 曹本無 琳琅本未有乃以東宮永定王分送外戚周田二氏二句

第一百九首註 玉真言后也據陳本補 上所愛白鸚鵡原本本鵝作哥據陳本周本改

第一百十首 陳本註云一本作懷怒含悲出壽寧天威又轉入昭仁聲聲道是兒無罪一劍寒光入水晶 手握霜鋒入殿

霜校

虞山叢刻

來原本霜作雙據陳本曹本周本改 註 閻長平公主平

字據陳本補 汝何不死 汝生我家便是汝罪三汝字原本俱作爾據陳本曹本琳琅本改 曹本琳琅本便是汝罪下有左手掩面句

第一百十一首 落花風裏聽啼鵲原本聽作變據陳本曹本改琳琅本作遍 註 以劍刺原本作復以劍刺之據陳本

刪 故為帶血之魂十六字據陳本補琳琅本作又刃平日所御嬪妃數人曹本略同

第一百十二首 馬上悲筋耳厭聽曹本厭作怕 註 曹本壽皇亭下有即煤山也句餘註無

第一百十三首 據陳本補

第一百十五首 去朝王母冠瑤仙曹本琳琅本瑤作羣 註 偽將軍李巖原本巖作儼琳琅本作儼據陳本曹本周本

改 將后尸雜在諸嬪尸中后下尸字在字據陳本補 子訪

於西安張孟堅孟堅從賊原本子下有曾字賊下有入宮二字據陳本刪 有何疑焉原本作有何可疑據陳本改 案第一

百十四首與此疑是一首此首當為後定之稿茲姑據陳本並錄之

第一百十六首 舊事先皇各大僚曹本事作侍各作眾 忍見靈車從內出曹本靈作宮 月綾被體髮蕭蕭琳琅本月作白 註 琳琅本極刑拷掠下有王之心追寸五萬周奎抄

銀五十餘萬諸臣多少不俱不免夾或至夾死五句 曹本遙見上有子於是日句 帝服白綾衣帝字據陳本周本補

琳琅本未有襄城伯李國楨也二句

第一百十七首 玉骨將歸四尺墳陳本將作終註云一作將第一百十八首 內家辟寇承明旨陳本作沈珠拋繡碎明瑤

霜校

虞山叢刻

註云一作內家辟紙承明旨 不似唐家委社稷原本家作朝據陳本曹本琳琅本改 三千宮女拜黃王曹本黃王作巢黃

註 夜漏將盡十七字陳本作賊攻三門急是日辰刻太監曹化淳同兵部尚書張縉彥開齊化東便二門迎賊入 皆

投御河死原本河下有中字據陳本刪 亦數百人據陳本補第一百十九首 茶菴棚內白楊棺曹本內作下 百姓皆來

掩淚看原本看作觀據陳本曹本周本改琳琅本掩淚看作淚其彈 多少騎驢人過此陳本人過作官到 從無汗肯下驢

鞍原本鞍作看據陳本曹本周本改陳本一作人驢作雕曹本琳琅本從作曾肯作个琳琅本鞍仍作看 註 茶棚之下

原本下作內據陳本琳琅本改

第一百二十首 曹本琳琅本無 此日何曾見一員原本會見一員作八哭舊君據陳本改

第一百二十首 據陳本補

第一百二十二首註 大監魏忠賢用事太監二字據陳本補

東林之勢復熾原本勢作黨 溫體仁為人清介亦奇重之

原本介作刻重作任 周延儒於上前發其短原本發作奏

黨人德之原本黨作要 蓋逆探其本而言之也原本作蓋逆

探其本而言之其意深矣俱據陳本改 琳琅本紛拏十有七

年而散下有弘光時馬阮起大獄又思盡殺東林會國亡而止

三句餘註無

第一百二十三首 據陳本補

第一百二十四首 山風壓路客魂驚陳本山風壓路作山雲

嘗暗註云一作山風壓路 註 易代之後南人有過松山

者原本易代作亡國過作至據陳本改 妻妻有聲髮髮二字

據陳本補 皆昔年十三萬禁軍之骨也琳琅本無三字 猶

霜校

三 虞山叢刻

是春閨夢裏人原本春作深據陳本改 千古傷心事也原本

千上有此字據陳本刪

第一百二十五首 崇禎夫婦列雙名琳琅本列作立 註

然主試獨重入股據陳本補 無論表聲偶不諧論題士子

不能辨何人語策三道每道只渾講題中二字原本無作不據

陳本周本改士子二字只字據陳本補 不過從二字上發揮

原本上作著眼據陳本改 聞者傷之原本之下有焉字據陳

本刪

第一百二十六首 曹本琳琅本無 註 而哀欲慟矣原

本而下有至字據陳本周本刪

第一百二十七首註 告以有銀肆星十四字據周本補

第一百二十八首 五尺瓊瓏十指寒陳本註云五一作玉

知在誰家几上看曹本琳琅本看作安 註 琳琅本無

可勝悼歎乎原本乎下有哉字據陳本周本刪

第一百二十九首 案陳本末有西山魏監墳毀於康熙中以

其磚石充永定河工詔旨也四句疑為後人增入

第一百三十首 據陳本補

第一百三十一首 無復松楸享殿傾曹本琳琅本享作亭

第一百三十二首 據陳本補

第一百三十四首 據陳本補

霜校

四 虞山叢刻

霜猿集跋

霜猿集二卷共詩一百二首失二頁存九十四首披讀一過有明喪亡之狀如在目前原本二十六頁頁有不易草堂四字常洛由校字皆為缺筆案原跋常洛作常深誤光宗名常洛詩中註中俱有點竄意為作者手稿自號華陽道隱末首有種得黃精和露刪洞雲寂寂水潺潺之句豈先朝遺臣而託於黃冠者與嘉慶九年五月中浣偶跋

霜跋

一虞山叢刻

石霜猿集一卷原本為不易草堂所藏首缺二頁存詩九十四首近從毛孝廉壽貽處借鈔三十餘首又從咫園主人藏本內鈔補數首最後得天水氏錄本續獲二首共為一百三十五首云光緒二十六年庚子練濱漁父識

霜跋

一虞山叢刻

崑山縣志載周同谷霜猿集四卷李係原序亦云霜猿四卷野
史六跋曹徐漢剛訂本謂原稿凡四卷百六十餘首今足本已
不待見世所傳刻者琳琅秘室叢書本八十五首傳鈔偽託投
筆集者一百七首上卷七絕卽此本下卷係
七律亦非投筆集之舊以是爲最足本矣
吾友南陔主人藏有傳寫四卷本原詩一百九首分卷尙仍其
舊註語亦較他本爲詳實擬爲搜補以應叢刻之選適見宗君
子岱處藏有陳同叔合編本一帙後有練濱漁
父跋卽同叔共詩一百三十
五首其傳錄不易草堂原本者九十四不
易草堂卽
鶴隱氏齋名自爲輯補
者四十一惟編次雜糅無卷次之可循爰與南陔參攷各本重
爲排比其註文之可補闕略者參以宗氏所藏之曹徐漢剛定
本二卷八
卽琳瑯秘
室本也沈石友傳鈔之周左季寫校本不分卷一百七首所
云對校仁和胡氏本
以附於後文字異同但舉其有出入者其互有詳
畧或意義相類之異字異句不復錄是集得此雖
霜猿不能復百六十首之舊觀然世間佚存最足之本當亦無過於
是矣丙辰仲夏常熟丁祖蔭初我識

霜猿

虞山叢刻

呆木
十主
遺
山

嘉慶壬申春仲

留香室開雕

梅莊遺帥舊序

往余視學閩中得士於浦城曰翁生調元比來謁出乃祖未
青先生詩稿乞余爲叙余諾之而未有以應也越三年重遊
建江停橈南浦生復袖詩而來云將付剞劂再以序請余讀
先生之詩風神諧暢氣韻蕭疎想見其高懷曠致迥然塵埃
之表至於感時贈友一往情深尤非世俗如青偶緣者所能
彷彿其萬一夫閩詩莫盛於明初十子然其流弊專宗林膳
部未免失之膚淺聲調協而性靈少衰嗣後再振於鄭繼之
三振于謝在杭至明季而曹能始二徐兄弟別開生面海內
稱雄先生起而踵其後直可突過子羽平揖石倉丹山碧水

梅莊遺帥

序

留香室開雕

之間風雅源流其賴以不墜矣乎夫浦邑江醴陵舊治也其
言曰蛾眉不同貌而俱動於魄芳草寧共氣而皆悅於魂故
其雜體三十首牢籠百態備美諸家爲千古絕調先生寓於
其地漸染嚙齶發爲詩歌宜其筆花璀璨兼有衆長而爲文
通之剡錦也生能寶其遺墨手抄口頌倦倦不忘表章之思
抑亦可謂克守先業者矣異日更能光大其緒在先生爲詒
厥孫謀在生爲繼其祖武不尤後先輝映也哉因樂題數語
而歸之康熙己丑禡月浙西沈涵書於南浦舟次

序

聞省未青翁夙稱詩散刻尺帙見者捧爲拱壁余恐其久而
流散淪失命友衰集凡若干卷集成張又生日太冲三都皇
甫士安爲之篋笛卽能作啞鐘耶余曰遠公蓮社謝靈運以
心雜不與陶公固流連酬答不去也未青出處有似處士旣
已棄纓綬而徜徉于高山大澤之裔矣興之所不能已者矢
而成聲聲出而永依律和亦大塊噫氣之鼻口于喁刁調也
矜律者以爲老漸律細有得杜少陵宗工之沈鬱頓挫淒入
心脾哀動鬼神逃方外者見其散體則又以爲體近自然蕭
然天外清夜晨鐘容與恬澹如韋蘇州余謂志之所至氣亦
從之未青亦行乎其所不得不行止乎其所不得不止而已
今其詩具在世有牙曠定爲神移若乃拾樂府之殘瀋淪雅
頌于鄭衛卽求爲唐人中晚亦空谷足音不惟未青不屑置
牙後余亦不敢唐突夷光也讀者畧其鏗鏘咏其希夷可乎
汪沐日序

梅莊遺草

序文

留香室開

昔侯官林白雲選詩宋翁梅莊七律若干首以爲布衣中
之傑出者而曹秋岳先生至以天下士許之按梅莊又字未
青本籍福清明未隱居不仕爲吾邑寓賢今所傳遺艸純是
律體而未附敍句大抵感遇傷時怨而不怒與邑先輩真山
民詩梗概略同而氣節亦無媿焉秋岳真知音者哉舊刻出
梅莊後人殘本僅存因屬芷鄰東巖重加編校而壽之梓讀
其詩可想見其人矣嘉慶辛未冬日祖之望題後

梅莊遺艸目錄

翁白著

卷一

風境月下作

六月之新安

新江口

華兒省病山中歸以示之

病起

和蔣鹿馭遊夢筆山

中秋前七日彭城作

梅莊遺艸目錄

留香室開雕

全張又生入瑾泛舟上方看月

過崑山縣悼林六舅使君

覺溪堂次壁間鄭孝直韻

贈黃玉昇

小窻書懷

有紀

家人種菊一株開既後時尋經積雪傷其枝葉委頓介

以詩置之座右

楓葉

次施田間家山草堂韻

客樓感懷

讀鄧東峯陳士簡諸孝廉宿漁梁題壁詩士簡于予有

通家之雅因次韻見意

中秋待月

士垣姪宅中對菊

題松齋

送林角端入東山

病後住祇園上人禪房

調病山中答魏惟度

祇園上人至自馬峯云菊花盛開嘆病奪所賞詩以寄

梅莊遺艸目錄

留香室開雕

之

送余小東還玉禾

寄故園諸兄弟

早行

宿金華寄懷陳止菴客明昭寺

雨中度龍門嶺

宿栢蒼客樓

西湖

西湖雨泛

歸舟阻雪

東山訪魏惟度歸自西湖

送魏惟度移居建溪

送陳止菴之劍州

送吳廣成之三山

行經三山呈諸兄弟

過世健弟置酒

同家世健典甫過陳去奇樓頭

至白匏渡憶昔年先大人攜家還瑟江經過此地慨然

有作

歸過邑中有感

梅莊遺艸

目錄

三

留香室開雕

南行道中

秋過張半紘綠雪堂看白杜鵑

逢章忠臧

卷二

歲暮還浦城途中有作

同念珮子張又生遊迴龍寺

初發漁梁擬過萬葉寺不果

楓嶺早行

題陸舫

中秋次須江海會寺

贈王叅軍正生

秋江晚泛

過釣臺

九日登爛柯山

贈周育萬

東甌晤允著弟

寄送李晦人還家因達書到南浦

赤城玉京洞

天姥山卽李青蓮夢遊處

過清風嶺題王夫人廟并序

梅莊遺艸

目錄

四

留香室開雕

江行雜詠

天台還至婺州訪王正生

酬贈丁辰如

天台初歸聞林角端讀書東山以詩東之時角端娶東

家女

小窻書事

送陳復三還樵陽

紀夢

哭林宣子

過天香閣贈汪扶光先生

閒居偶成

丁未立秋前一日階下課小童壘石覆土僅成小檻擬

雨後種竹喜先作詩

同徐烈聲林上木過馬峯

喜得陳止菴來書寄答

中秋舟次

贈何涵春

九日客東甌

題客樓

同鄭雪嶂謝叔旦登北高峯

攜李客舍訪開白叔

梅莊遺帥 目錄

五

留香室開離

送謝叔旦遊天台

送謝叔旦還家

歲暮旅懷

卷三

度仙霞嶺

半開梅次韻

送友人之秦寧

送楊君升之姑蘇

題楊京菴齋頭

贈林先登

挽允位翁婦未字貞烈

鄭雪嶂索送入山詩

至新安遊黃山不果旋買舟下江卻寄張又生

送魏惟度北上

觀朱石亭燈下為華兒畫風蘭雪梅二種賦詩

招吳子文蕭蒼雨林文子諸同人小集齋頭

蕭蒼雨客綠波亭以詩招飲次韻答之

送金穉和還丹陽

五日

送吳子文之杭州予亦將有吳中之行

梅莊遺帥 目錄

六

留香室開離

仙霞道中

中秋客蕭山

贈卓方水

答卓方水招飲

送朱解陶入墜花菴

同卓方水遊沈武仲王子家花園歸憩秘室置酒

題張仲謀臥癡樓

秋郊晚步全金載師

栖霞菴贈石公上人

留別西水諸同人

舟遲西水未發沈寶臣以詩見留次韻答之

九日卓方水西貢丁于石招同胡天鏡集張氏小樓

江上寄方水載師于石諸君

挽吳孕惺

寄懷卓方水兼達金載師呂翼令沈寶臣丁于石

酬汪扶光先生見贈之作

余小東還玉禾囑覓藍羽伯以詩達之

寄懷吳山老人

小窗種梅一株五歲始花感而賦詩

潘雪僧和予梅花詩四首仍續前韻再索雪僧一笑

卷四

甲寅閒居書事

甲寅七月初九梅兒冠率筆示勉

汪扶光先生七十壽

汪扶光先生入夢筆山因有此寄兼呈童求和尚

和陳亮臣答伊涯和尚招過夢筆看梅

次亮臣登仙樓韻

次亮臣重登仙樓韻

和亮臣三遊仙樓韻

甲寅梅花詩

除夕

六日偕諸同人集陳亮臣宅刻燭聯句適予有祝太守

之召因限韻分賦

已卯正月十七日邀吳山益公及陳亮臣兆雲林自韻

集水南觀與祝太守對奕是日益公初度

花朝陳亮臣過訪對奕小飲次韻

送林欲正

五日

溪漲

秋夜

答童求伊涯二和尚招過夢筆看梅次韻

送允尊弟還家

汪扶光先生全吳子文見訪

送張文房攜家之吳門

河口旅夜

宿分水關

桐嶺

送汪扶光先生之廣陵次潘雪僧韻

觀王彰文為伊崖上人畫小像

吳門寄張又生

招鄒子政余靜夫又生過圓墓看梅時靜夫停山陰之

棹

題李薦侯枕漱齋次壁間韻

得汪扶光先生廣陵書卻寄

過夢筆訪董求和尚限韻

丁巳冬曹秋岳方伯枉過艸堂見示上下建灘諸作賦

呈

催粧詩

哭張又生

登果山謁三賢祠

梅莊遺艸 目錄

九

留香室開雕

酬胡星來先生

卷五

已未正月予將有吳門之行適臥病經旬華兒乃趨裝

就道臨行作詩書之便面庶千里外時聞老人咳嗽

也

病起

中秋寓劍津西關有懷開之姪

和張時楚九日登四賢祠韻

登先鋒樓

過萬福精舍值雨留宿

客劍津林乾如表兄屢招展待賦詩

謁紫陽祠

謁文信國祠

登城北絕頂

謁道南祠

陳千寶以明經待選南劍尋以例需還家時重陽前一

日也惜其倉卒言別未了山水之緣詩以送之

戊午梅花詩

贈魏海麓明府

魏明府以詩箋見貽依韻賦謝

梅莊遺艸 目錄

十

留香室開雕

臘月朔日出關道中寄別吳宗聖柯阮臣張文房并示

華兒

登清湖紫微巷

除夕

元旦

京口逢周彥升

周彥升宅上置酒出示楚遊草

鶴林寺謁米元章遺像

過塘栖懷卓方水徐野君金載師胡天鏡巨翼介

乙丑除夕

丙寅元旦

二月朔作

汪遂臣寓中對奕因全程恥夫李奕才小飲予先醉歸

戲成小句

道山亭應試

過釣龍臺蔡隆範允尊弟讀書處

同何六巷楊光生飲念珮子齋頭晚登凌虛樓讀公巷

珮子題壁詩

臺江發棹

丁卯元旦

梅莊遺艸 目錄

丁卯四月杪歸里寓宗祠坐困淫雨希伯兄遣蒼頭送

酒賦謝

蘭溪至浦江百里許一路人煙接壤田廬整暇慨然有

作

過嚴灘

八月十五夜城南小步時漏已三下因留橋上看月

橋李至日前後雪霜海加寒威逼體慨然有述

寓淨通巷僧房

金陵懷古

除夕

卷六

元旦

花朝初度次杭州

戲贈項白仙留別韻

又七月十六日過下湖齊坑嶺後諸村落

與士錄姪

碧水巖

舟中聞木樨香

溪行

送陳士簡公車北上

梅莊遺艸 目錄

贈蕭景山移居步李薦侯韻

四日遊家三叔及在浦諸弟姪過艸堂合餐歲飯賦詩

見志

六月念四日度仙霞

輓本淵叔

湯九詩

山居

寓明州客樓達士標姪

過士元姪山齋賦贈

中秋李彥倫席上賦

梅莊遺艸 目錄

江郎石

陋室吟

喜友人見訪

松山贈毛玉茵

張又生寓吳江招余不至以詩見嘲率此寄答

題畫水仙

積霧度仙霞嶺

題畫

盆中一樹隆冬生意已少因命家人懸朱果數枚以供

寓目隨占一絕紀家庭一時勝事

梅莊遺卹

自錄

三

留香室開雕

讀汪扶光先生昆盧閣詩集賦贈

朱公威淪跡林泉久稱肥遯近應隱逸之徵詩以訊之

雪後同華兒步月過武當山宿習觀上人禪房

咏雪次韻

前題

東庄雜咏

自題今是圖小影

老來遊臨岐戲示兒孫

家報孫雛誕在花朝前二日

目錄終

梅莊遺帥卷之一

翁白著

長樂梁章鉅
浦城祝昌泰同較梓

夙墩月下作

山月明逾甚橫空冷半規松杉方借影烏鵲不同枝皂帽南
鄉客郵筒白下詩相將如好友端的夜眠遲

六月之新安

慙愧琴書甚新安六月行火雲飛髮頂估客去兼程竹裏漁
家話峯頭野老耕相看休竊笑吾亦有山情

新江口

野店臨江起千峯左右浮懶雲矜暮雨敗葉老新秋世路還

梅莊遺帥

卷一

留香室開雕

生棘雄心已狎鷗回思年少日容易說封侯

華兒省病山中歸以示之

到來三日許告我欲言還念汝情兼篤懷家夢不刪歸途疎
雨意別淚小兒顏去說黃花好而今未出山

病起二首

鬼國抽回疾乾坤剩幾人欲肩他日事難薄百年身攬鏡時
拋枕凭闌復理緝全家相報語健飯不妨貧

前此安危際大都我自知天留人未死身有責難移先人墳墓未厝
勿藥真堪喜明神亮不私今朝方出戶詎敢學支離

和蔣鹿馭遊夢筆山

載筆青山下秋聲度未窮白雲詞客地古木夕陽風夢斷依

何處人遊到此中不堪懷古意霜葉欲飛紅

中秋前七日彭城作

消息中秋好彭城風雨晴樓登無百尺月白有三更野市孤
燈掩寥天一鴈鳴此中人古處白首不知兵

全張又生入瑾泛舟上方看月

看月領其要舟行不離橋柳聲驚蟹舍燈影挾山腰各抱獨
醒趣誰拚不寐宵吳儂遊興劇生計薄魚樵

過崑山縣悼林六舅使君

舅氏栽花地凄然憶昔年官因蠲賦罷邑有舊區通糧舅初蒞任請當道請蠲因

梅莊遺帥

卷一

留香室開雕

以落職民以不食傳二子依人去荒墳隔縣偏墓在無錫潘奉託孤書

數昏羞見墨痕鮮

覺溪堂次壁間鄭孝直韻

市未分初地支離一逕偏雲來柰破壁樹去接飛椽子墨懷
先輩世鞋了夙緣金沙人不見何處覓逃禪

贈黃玉昇

薄俗文章賤君應不免貧向誰誇倚馬獨自涉迷津衰草捺
歸夢青燈憊病身設來家國事落落欲傷神

小窻書懷

瘦骨仍如故鬚看覺已蒼莊騷知已友訓誥夜啼郎夢裏乾

坤潤開時日月長爛柯翻一局鏗也痛中傷

有紀

物候閩南謬生憎耳目非雷遷冬夜怒雪競小陽飛曉起圍
爐酒閒吟掩扉屏中原方有事拙者自忘機

家人種菊一株開既後時尋經積雪傷其枝葉委頓介

以詩置之座右

栽培人力少一任化工為畢竟稱高士何須嘆後時雪飛誠
造次花壓半離披結愛因虛左青毡置爾宜

楓葉

天將成錦繡畢竟起單寒昨夜霜風度空江木葉丹色矜下

梅莊遺艸

卷一

三

留香室開離

簾袖影弄釣魚竿不謂三秋後登臨一改觀

出色千叢裝娉婷見嫉無索癡成瑪瑙掬水見珊瑚但擬雲

霞織非關村軸輸太平真有象處處醉人扶

疑是春光漏霜林十里花朝霞虛點染晚照實奢華白屋爭

衣錦紅顏不浣紗老人閒策杖穩步拾丹砂

次施田間家山草堂韻

天際開牕牖羣來賦索居九峯先得月二水夜歸漁嘯傲多
方取行藏獨醒舒更饒幽意緒種竹欲通渠

差過鳴琴地居然是好山雲來多白面花養不衰顏嶺簡羣

兒讀風扉獨鶴關懸知向友者巢許在其間

客樓感懷

野老畏羈旅登樓管人山借書來甕牖彈鋏視刀環天問銀
河阻人情蜀道艱冥營甘側足不是愛偷閒

背人成短睡粗識遺愁方錯既從今日行惟慎履霜黃花傷

委頓野鶴獨翔翔失路楊朱哭回頭或不妨

讀鄧東峯陳士簡諸孝廉宿漁梁題壁詩士簡于予有

通家之雅因次韻見意

獻策諸君事名山路一行廣輿記載天下十爐圍霜不橫劍

拭月兼明北闕輪肝膽南人大姓名看花都有分天厚八閩

情

梅莊遺艸

卷一

四

留香室開離

中秋待月

月不中秋好羣人旅席清銀燈張晚際斗酒待深更凄絕虎
邱路蕭條弦管聲關干澗徒倚雨腳復縱橫

士填姪宅中對菊

別有亭亭質非關瘦得來花矜簾半捲客久藥全開嘯傲無
虛日招攜曾幾杯受知陶令後俗駕率驅回

前身吾是汝相對即忘形影合齊消瘦尊移共醉醒春時花

不解雪裏葉還青一任多情者分枝插膽瓶

題松齋

老樹亭亭百尺尊名花芳草列兒孫鳥驚怪石翻階下魚呷

殘雲上水痕海內文章歸白社山中日月屬青門相逢且話
幽閒事拋擲雄心未敢論

送林角端入東山

如此方能去住輕翩翩
飄笠在閒情眼中添有新山水胸內
全無舊甲兵野寺置身雲數片柴門移榻月三更我來尋汝
秋聲裏十里松陰載酒行

病後住祇園上人禪房

漫扶瘦影入名山借得禪關一榻閒
秋色又開前度菊遊人
不是去年顏空房習靜看雲卷野徑吟行聽鳥還了却死生
無繫念更何拘束翠微間

梅莊遺師

卷一

五

留香室開離

調病山中答魏惟度

振衣西向禮瞿曇萬木峯前百尺潭
夜靜呼僧看月起春朋
採藥帶雲探乾坤老我三年病風雨思君一夕談
莫道得詩
情便已東籬尊酒待同酬

祇園上人至自馬峯云菊花盛開嘆病奪所賞詩以寄

之

去歲看花古寺前今年病對老僧眠
空牀愁憶千叢菊短塵
談開九月天籬下誰攜元亮酒山中閒寄薛濤箋
秋風爲我
遲吹卻好待孤筇過碧巖

送余小東還玉禾

故園春色到梅花遊子天涯忽憶家
掛席暫辭詩酒伴攜琴
遙上水雲槎孤村小艇搖魚賣一枕清風對月除羨爾曰歸
娛老母征衣猶帶赤城霞

寄故園諸兄弟

攬鏡初驚貌不同江湖易見白頭翁
文章不敢欺天下姓字
空懸山里中歸計已隨雲外鳥雄心又付耳邊風
故園若問
生涯事琴劍而今作轉蓬

早行

兵過茆店雞聲少客看月明便着鞭
暑氣未消三伏後晨裝
猶發五更前飄零劍珮秋悲壯離亂郊原日變遷
見說虎狼

梅莊遺師

卷一

六

留香室開離

時出沒馬行十里未耕田

宿金華寄懷陳止菴客明昭寺

樓虛孤燭夜婆娑
夢爾無能到薜蘿
白髮盈頭知己少青山
作客著書多江城月入砧聲急野寺風高鴈影過
不識邇來
搖落候少陵詩興復如何

雨中度龍門嶺

陰雲片片護山根
壘嶂凌霄去路尊
風雨獨憐經鳥道布衣
空說到龍門長天落葉鳴孤鴈絕壁枯藤掛冷猿
大士亭中
閑倚劍雄心難與老僧論

宿栢蒼客樓

荒城燈火夜蕭然
草閣秋聲人獨眠
孤塔遙分千嶂月
斷橋還鎖一溪煙
空懷鱸膾愁張翰
未著文章謝馬遷
四海風塵踪跡半
十年難辦買山錢

西湖

湖上初晴漱澗開
昔年曾憶泛舟來
柳低堤畔皆新種
鶴放亭中尙未回
蘇小樓空歌舞歇
岳王墳在管絃哀
春風不管興亡事
吹落桃花入酒杯

西湖雨泛

春衣未試卽清明
思入西泠倍有情
恐負鶯花三月老
不辭風雨六橋行
煙沉野寺寒僧夢
水落空林濕鳥聲
日暮欲歸

梅莊遺帥 卷一

七

留香室開勝

蘆背冷殘尊仍就小亭傾

歸舟阻雪

識得前身是老松
歸來又與雪霜逢
片帆凍阻三春路
一枕愁生午夜鐘
梅白醉思何處酒
江寒夢失萬重峯
漁翁蕭瑟還如我
連日灘頭把釣慵

東山訪魏惟度歸自西湖

十萬荷錢絡逕香
鷓鴣峯畔客還鄉
攜將好友來開社
買得新書欲罄囊
洞裏煙霞閒自好
窻前松鶴老相忘
到門先問蘇堤上
新種桃花幾尺長

伊人久矣白雲關
東扣柴門石磴閒
三竺春歸爲客倦
六橋

遊罷載書還座中
瑣屑寒溫語天外
晴明遠近山對爾
不堪思舊事
西湖風景十年間

送魏惟度移居建溪

看罷鶯花下小樓
白頭無恙復何求
十年不上長沙築
萬里難乘范蠡舟
折袂橋邊逢牧馬
放歌江上逐閒鷗
知君婚嫁今差畢
應買黃華一片秋

送陳北菴之劍州

江村取次綠荷新
送客攜尊出水濱
白首無家愁爾老
十年知己愧吾貧
獨餘明月留南浦
欲買青山傍故人
從此臨風空竚立
九峯天半一閒身

梅莊遺帥 卷一

八

留香室開勝

送吳廣成之三山

竹裏逢君又理裝
白頭半爲看花忙
灘鳴急雨催蘭棹
詩付青山別草堂
劍水遠從天外度
荔枝新向客中嘗
十年海嶠民多難
祇恐流離繪不詳

廣成善繪事

行經三山呈諸兄弟

老入南閩景物非
到來風雨思依依
未瞻桑梓終留恨
偶訪弟兄不是歸
鐵馬猶傳防雪嶺
酒杯空自憶漁磯
應憐此別滄州遠
江漢勞勞一布衣

過世健弟置酒

年少才名壓五陵
相逢開宴喚張燈
名花入座香無賴
濁酒

欺人冷不勝江上潮聲來欸乃
窻前山色落峻嶒詩成雨歇
還歛枕潦倒連宵老未能

同家世健典甫過陳去奇樓頭

小橋流水半蒼苔日暮驛君曲
逕開看竹人先攜酒至登樓
月已渡江來雲浮樹影移書
幌風送潮聲過釣臺今夜不
愁歸潦倒醉同高臥海天隈

至白匏渡憶昔年先大人攜家還
瑟江經過此地慨然

有作

橋橫路憶舊經過先子攜家就
薜蘿膝下少曾容我懶生涯
老遂笑人多關河難越懷桑梓
風雨淒其感蓼莪腸斷瑟江

梅莊遺帥

卷一

九

留香室開雕

歸未得夢回南浦欲如何

歸過邑中有感

白雲橋畔路依依十五年來一
度歸滄海未平人已盡孤城
還是事皆非魂銷瑟水門何在
夢逐鞍山鳥共飛見說南閩
戎馬後家園年少讀書稀

南行道中

生涯千里潤浮萍書劍年年別
武寧馬上梅花吹雪嶺霜前
畫角發楓亭更殘海潤雲先白
臘盡峯高草欲青漸覺此中
人易倦幾番飛夢款柴扃

秋過張半絃綠雪堂看白杜鵑

根分白帝更幽奇搖落花開蝶
未知蜀魄空傳皆血淚名園
今復有冰姿扶持秋色雲三
片漏洩春光雪一枝應惹詩
人閒着眼斜風細雨也相宜

逢章思臧

九峯天半老通臣二十年前許
殺身破產敢辭當日事藏書
多是有心人予迴朽轡空搖
落君抱明珠亦隱淪南北相
逢多意氣無勞搔首問蒼旻

梅莊遺帥

卷一

十

留香室開雕

梅莊遺帥卷之一終

梅莊遺艸卷之二

翁白著

長樂梁章鉅
浦城祝昌泰 同較刊

歲暮還浦城途中有作

山迴水曲石岐嶒路指懸流第一層聽雨舟中時擁枕彈棋
江上夜張燈人逢歲暮歸偏懶家住天涯到未曾惟有綠波
亭繫念春來記得晒漁簪

穉子懸知拂釣磯江頭日望老夫歸折梅已遠池邊樹看竹
誰來雪後屏八口播遷生事少十年搖落故人稀不堪幾度
孤舟裏回首春風興轉違

同念珮子張又生遊迴龍寺

梅莊遺艸

卷二

留香室開雕

峯藏竹塢寺門清影殿人歸鳥自鳴傷悲生上人客到山中懷舊
事龍迴岡上聽秋聲迎風葉盡經霜墜倚檻雲猶匝地生家
在綠波來較易十年笑只五回行

初發漁梁擬過萬葉寺不果

瘦馬尋秋不耐遙看泉空擬過山腰石林歸鳥雲千障野店
留人月一橋露下冷侵楓葉墜尊前夢斷燭花搖邨堪粘杵
迢迢夜一枕鐘聲更寂寥

楓嶺早行

輕裝束向五更前馬怯衝霜策一鞭曉角還營明月上殘燈
在店主人眠水聞十里流紅葉嶺翻千尋礙碧天此去恥非

題柱客五湖饑走易經年

題陸舫

一葉何人置上方問津終恐隔瀟湘風高風側全無恙潮去
潮來總不忙谷口煙迷無彼岸峯前月湧有滄浪憑誰欲取
支機石咫尺銀河泛野航

中秋次須江海會寺

買山心事已蹉跎此地中秋兩度過刺不懷來人識少城看
亂後月明多空亭客宴燒紅葉古殿龍歸鎖綠蘿今夜無須
愁去國東南見說議休戈

贈王參軍正生

梅莊遺艸

卷二

留香室開雕

請纓舊已識超羣二十年來始見君四海才名王逸少中原
旗幟鮑參軍門多宿將啣恩命座有幽人話水雲南國懸知
方借箸風流漫自擁紅裙

秋江晚泛

欲逐輕鷗宿上流布帆高掛木樨秋雲拖水向移孤岸樵落
峯前度小舟幾處人烟藏橘柚誰家漁火繫汀洲日頭不着
荷衣去取次聞砧起暮愁

過釣臺

羊裘不必議先生心事灘前七里清漢室有恩終欲隱釣臺
無主亦誰爭鳥鳴白晝空山寂客借高風一葉輕惆悵琴書

閒未得綠波春草此中情

九日登爛柯山

未捐棋癖偶尋仙破曙來看一線天
客醉中山方九日人傳遺事已千年
征帆明滅孤城外落葉蕭森古洞前
惆悵謝安歸去後東南烽火更駭然

贈周育萬

故園人盡嘆飄蓬蕭散西湖獨有翁
几杖得安烽火外子孫常侍水雲中
棋能險局搜枰劫詩喜長城載酒攻
似此人間仙卽是不須支策問崆峒

東甌晤允著弟

梅莊遺冊

卷二

三

留香室開題

孤城列戟枕江邊過此曾經十九年
短褐重來吾白首長纓未請爾青氍
豺狼道上愁爲客風雨樓頭欲問天
祇恐談深今日事不堪沉醉蓼花前

寄送李晦人還家因達書到南浦

木蘭江上泛蒹葭遙聽驅歌山水涯
獻賦十年驚白首還鄉九月趁黃花
涼生樹杪蟬聲斷風急天南鴈影斜
兩字平安勞寄語綠波亭畔卽吾家

赤城玉京洞

石縫橫開古佛場千年鬼斧不更張
人間只覺行無路天上誰知到有方
城據衆峯霞一片塔臨華漢鳥雙行
山僧識得

偷閒客指我天台語轉詳

天姥山卽李青蓮夢遊處

名山不借夢中來千里登臨竹杖催
古佛瞻依唐色相斷碑捫索宋莓苔
天雞近得尋常聽海日低看倏忽開
自喜振衣當絕頂人天都在一徘徊

過清風嶺題王夫人廟并序

夫人赤城人元至正十三年兵入台州
挾夫人以行遲家人贖金不至次清風
嶺追不從嚙指題詩石上死之經四十
年血跡猶新郡守徐某過其地爲之建
廟立石血食至易朝不廢丁未六月念
九日予過清

梅莊遺冊

卷二

四

留香室開題

風嶺見斷碑臥荒草中有王烈婦三字
摩其文讀不成章指示行人復不知所
對乃前行數武得郡守所勒石識其事
并載其詩云夫君不幸妾當災棄女拋
男逐馬來夫面不知何日見妾身還是
幾時回兩行怨淚頻偷滴一對愁眉怎
得開遙望家鄉何處是存

叻兩地苦哀哉因率筆留題

鬚眉到此負心多國破誰能誓靡他
正氣只歸王烈婦清風終屬宋山河
廟前雨黑魂來往石上詩成鳥嘯歌
俎豆游經三百載敢辭襍穢一相過

江行雜詠

雙懸片席逐征鴻取次看山過浙東
遠浦無非晴處雨寒江多是晚來風
野人春事千杯裏漁父生涯一葉中
爭似浪遊江上客百花時節尚飄蓬

潮聲落盡水痕灣路過錢塘不斷山
瀑布倒懸千樹裏雨雲雞起兩峯間
枕欹湘竹清風度茶熟松蘿午夢還
卻笑沙鷗忙似我江南江北未曾閒

琴尊位置不相猜乞取煙霞過釣臺
七里高風今日在百年多事幾人來
寒猿引子收殘果老樹撐枝放早梅
曾憶月明山下宿夢迴江上木蘭開

天台還至婺州訪王正生

梅莊遺州

卷二

五

留香室開雕

路出天台下翠岑江城飛雪接平林
行過幕府傍花入話到名山採藥深
石畔開尊重載筆窻前流水復聽琴
小亭前後春多况桃欲紅時柳欲陰

酬贈丁辰如

偶客行間識姓名梅花香裏揖先生
文章報國壽戎馬山水還鄉適性情
夜雨擁書高閣煖春風開硯小窻明
彈棋邀我西塘畔十日丁丁不放杵

天台初歸聞林角端讀書東山以詩柬之時角端娶東

家女

三徑秋來日掃除聞君蕭寺未歸歟
一天明月還家後十里

青山入夢初採藥無仙逢阮肇當壚有女
屬相如從茲恐赴巫峯約不耐空門夜讀書

小窻書事

白髮漸生不可刪竹窻高臥恣疎頑
鼠偷殘果開新穴風帶饑雲過碧灣
放出琴聲簾半捲擁來雨色鳥初還
老夫已有歸休策擬占江南第一山

送陳復三還樵陽

偶然作客偶然還雲薄中天去住閒
南浦情深多載酒樵陽花滿獨歸山
空江野水行人少白石青崖去路艱
遙識到家風景好細君攜手月明間

梅莊遺州

卷二

六

留香室開雕

紀夢

玉樓紫燕夜飛尋路入巫峯一片陰
紙帳憐余大外枕桃花夢汝鬢邊簪
丁香空結當年恨芍藥難忘此日心
回首朱闌垂柳下歡娛事向月中沉

哭林宣子

何處風吹玉樹催搔頭剪紙獨徘徊
千年碧水流無異一日黃泉痛不來
溪鳥每飛空閣噪菊花猶待故人開
傷心落葉衝門下度盡斜陽長綠苔

綠波亭畔雨催詩遊子今無載筆期
多病果從天上召有才未受世間知
家無封禪相如草人讀招魂宋玉詞
怪得邇來

消瘦甚入秋多是哭君時

亂入胸中刻不平詩吟自吊起秋聲妻兒早破當年網君父

難忘此日情劍掛徐君終有恨命仇趙壹竟無成臨行草草

人間事獨把遺篇付友生

屬續前數日寄白弟詩四首

檢點琅玕五萬言名山藏去欲銷魂生多側足乾坤小死未

成名筆墨寬此日人皆輕草莽前程君合到崑崙遙揮老淚

添流水南漲龍江抱墓門

西樓折柬罷相招懶復攜筇度板橋白社猶遵君約束青山

誰共我逍遙書藏石水門空掩路過黃墟淚未銷海內知交

零落盡一尊無處問漁樵

梅莊遺冊

卷二

七

留香室開雕

東林憶與老僧衣招我尋幽宿翠微掃石眠雲三日話烹葵

待月五宵歸青山有客還開社黃壤何人獨掩扉寂是不堪

吟望處前峯一逕入斜暉

已亥宣子維夏東山招同魏惟度入山

西巖問我病支牀憶汝攜尊就竹房雞骨祇傷人老易遼陽

誰識鶴歸心天昏不借蒼龍乘魂弱空懷碧水長第一橋邊

多往事相將送客折垂楊

庚子臥病四巖宜子招同社過問

扶病相看又隔年天台歸客髮蕭然祇疑採藥成虛語那信

招魂屬浪傳三逕永除題鳳跡數雨空貯寄魚箋多愁不為

悲秋事幾度思君破曉眠

去歲予天台歸宜子扶病見訪

秋老芙蓉露已殘懷人獨自步江干偶逢好句花邊得欲起

王孫地下看故國總惟寒過雨中原鐵馬日披鞍亂離寂是
人間險君到泉臺路不難

行藏前此總非真姓字終當不染塵一代山中稱處士百年

地下哭斯人逃禪早解空諸難成佛懸知即後身有約他生

君記取買峯靈鷲乞為鄰

奇詩相訣未二句云此去佛前應告許來生再結友朋緣

過天香閣贈汪扶光先生

何來草閣似迷津便置先生一老身收局行藏誰解意背時

啼笑不猶人門閒掃去雲為市地僻除非月作鄰見說著書

心力暇更將何事問蒼旻

樓高登欲小諸岑眼放天寬感易深鳥盼層霄傷翮短日懸

梅莊遺冊

卷二

八

留香室開雕

滄海向人沉青山事業非君意白首風塵識我心病起不應

還謝客秋來有興欲幽尋

閒居偶成

中原無事到遺民懶廢而今半是真鳥拂爐煙閒擁枕水通

花逕日垂綸青山未許營三窟陋巷還須置一身回首十年

詩酒伴春風不起九泉人

丁未立秋前一日階下課小童壘石覆土僅成小檻擬

雨後種竹喜先作詩

階前點染宜栽竹雨後憑誰乞一窩隙地漫嫌三尺小濃陰

只在隔年多平安不事蒼頭報晨夕相將對面歌慙媿綠波

長作主歸心無奈故園何

同徐烈聲林上木過馬峯

五里郊原尋策杖一巷巖隙到來幽境先奪我移情去僧復
遲人作意遊黃菊死爭高士傲白雲自負晚風秋攢眉不見
當年客落日寒猿共引愁謂寄巷上人及雪僧惟度角端諸公

喜得陳止菴來書寄答

五年消息絕傳來生死驚將兩字猜今日忽持君一信青衫
反濕淚千回無家道可依朋友有病愁難謝酒杯似此飄零
還不惡白頭曾否好懷開

中秋舟次

梅莊遺帥

卷二

九

留香室開雕

扁舟深處繫煙霞綠水灘前曲曲沙沽酒遙過青竹逕呼魚
欲上白雲棹一天明月閒為客十載中秋不在家昨日故人
書報我草堂歸去有生涯

贈何涵春

江湖回首是遺民姓字逢人說未真賣藥有方懸肘後移家
無地到江濱閒鷺冉冉常看劍老厭栖栖不問津歲暮柴門
心若水彈棋應喜客來頻

九日客東甌

旌旗遙擁海天長拋盡民家入戰場南國還當戎馬難東籬
無復菊花黃百年懷抱頻看鏡萬里登臨獨舉觴羈客此時

心折盡冷風飛雨暗重陽

題客樓

危樓虛壁絕纖塵高臥天涯易怡神短劍殘書羸老馬西風
細雨久羈人感懷編就留他日行路時難愧此身剛得數鬚
長似戟即看雙鬢白于銀

同鄭雪嶂謝叔旦登北高峯

老眼臨空欲放寬北高峯昨倚闌干乾坤今古雙陳跡吳越
東南一壯觀病葉林中秋色早歸雲衣上夕陽寒頭陀煮茗
閒供客見說山腰取水難

攜李客舍訪開白叔

梅莊遺帥

卷二

十

留香室開雕

消息傳來自水濱木樨香裏一尋君亂餘不見愁多少老去
相逢瘦幾分煙雨樓前驚下淚鷓鴣峯畔憶離羣不應還問
天涯路好買青山學耜耘

送謝叔旦遊天台

琴裝破曙發西陵指點前峯路幾層匹馬送君今日去名山
憶我十年登煙霞有主遲幽客藥草無名問老僧興到石梁
橋上度不應心折一枯藤

送謝叔旦還家

纔向天台採藥來故園松菊復相催名山到眼看幾盡匹馬
尋秋策又回鴻鴈數行題易就鄉書兩字我難裁懸知別後

閒情少誰共峯前數舉杯

歲暮旅懷

臘半春來歲欲新
布帆江上未歸人
眼前婚嫁慙猶子
地下風霜負兩親
未死熱心愁易老
倘完底事不妨貧
閨中錯料王孫意
書勸還家接到頻

何來生計逐東西
歲暮天涯倦馬蹄
日月籠中時冉冉
豺狼道上復栖栖
渴思吞海疑無地
狂欲登天似有梯
安得扁舟尋小隱
攜家直就浣花溪

誰向風塵識馬周
明珠暮夜不須投
百年計拙營三窟
萬里書無上五侯
且對梅花閒作客
不堪江漢日登樓
傷心羞話題橋事
未駕高車已倦遊

梅莊遺艸

卷二

十一

留香室閒離

梅莊遺冊卷之三

翁白著

長樂梁章鉅
浦城祝昌泰 同較刊

度仙霞嶺

春風策馬白雲堆嶺上梅花待我開
草舍數枝經亂後香魂一片逐人來
關封谷口十峯衛樹接天門
衆鳥迴聞道昔年稱險處將軍年少悞登臺

半開梅次韻

衝寒老幹鬱離奇半洩春光撲酒卮
少許白從殘雪借低回香待曉風吹
林邊索笑人還在月下含情影不疑
自是花心羞造次安排畧發一南枝

梅莊遺冊

卷三

留香室開雕

送友人之泰寧

風塵事欲試多才檢點琴尊一棹催
甘露巖前三月去我藉峯半百花開
江寒送客雲初散酒醒懷人雨復來
惆悵春光容易老可能春色待君回

送楊君升之姑蘇

片帆看卽掛江間應放棋枰數日閒
杯酒愁分青草岸夢魂時在白雲灣
雨涼吳苑鐘初度舟入楓橋葉未刪
此去中秋歸得否門多問字待君還

題楊京菴齋頭

階前隙地掃蒼苔欲補名花取次栽
三逕清風谷谷至一簾

疎雨擁秋來閑欹竹枕看棋局常駐爐
香覆酒杯縱使青山非屋裡總無纖處
着塵埃

贈林先登

羨爾知雄獨守雌江頭側足欲何之
功名指屈無完局今古心悲只霎時
竟得醉鄉嘗稅駕留些短鬢不生絲
更憐眼底多分別青白逢人付與宜

挽允位弟婦未字貞烈

鏡掩紅閨未有行死真爲義不緣情
立將孤子遲三載報得泉臺畢此生
白馬人爭搯史筆寒門事偶動江城
北邙一片奇風雨鶯到垂楊不敢鳴

梅莊遺冊

卷三

留香室開雕

鄭雪嶂索送入山詩

野鶴丰姿瘦得宜逢人便乞入山詩
杖藜嘆世翻多事泉石生心是此時
腳底放開天際近峯前歸去月明遲
從茲領畧西來意水白沙青路不疑

至新安遊黃山不果旋買舟下江卻寄張又生

黃山興盡卽歸歟千里幽尋賦子虛
江上去來唯好月枕邊狼籍是殘書
路難似我方多事秋至思君亦索居
記得昨宵清夢裏草亭閒話及樵漁

送魏惟度北上

運朝飛雪向長安短褐裝歸略禦寒
書檢昔年剛一月缺攜

京國莫三彈聞鐘北固舟初度
灑酒長江月未殘祇恐牢騷
刪不盡梅花愁傍馬頭看

觀朱石亭燈下爲華兒畫風蘭雪梅一種賦謝

酒闌墨醉筆爭奇
欹疾橫斜一縱之
燭冷梅花飛雪後
神移蘭葉受風時
不嫌禪子頻相索
似向山翁有所私
剩得餘箋君莫畫
夏留空處使人思

招吳子文蕭蒼雨林文子諸同人小集齋頭

老妻病起曉窗前
檢點茶鐺火復燃
茶甲廚中霜後嫩
鱸魚溪上雨來鮮
論文我欲閒招友
出郭君應便放船
莫遣小童頻走取
柴門禮數不周旋

梅莊遺冊

卷三

三

留香室開雕

蕭蒼雨客綠波亭以詩招飲次韻答之

側身天外不宜春
閉戶多愁似祀人
問字未尋君載酒
臨淵誰約我垂綸
雪消四座殘光冷
雨洗長空倒影新
一片綠波憑作主
行廚清絕不留塵

送金穉和還丹陽

客到山城馬不肥
閑思料理白雲扉
雨花臺畔三年別
芳草橋邊五月歸
谷口聽鶯經竹寺
潮頭欹枕下漁磯
城南酒價今差減
稽阮離羣興已非

五日

十年南國未銷愁
此日誰來續競舟
邑幸有秋慈母至
官無

多事小民瘼平橋酒幔爭
臨水夾岸紅妝疊倚樓
我亦與人相逐隊不知何意屬沙鷗

送吳子文之杭州予亦將有吳中之行

吳中山水老難忘
三十年來又一忙
野店湖邊無舊主
秋風衣上有微霜
探泉猿引投花谷
乞畫人爭就竹房
南北峯前君待我
片帆到不後重陽

仙霞道中

醉醒天上歷峯巒
雪踏如雲片片寒
鳥道微茫開一線
戍旗徙倚立千盤
嶺懸逝水狂號去
梅逗行人仔細看
萬物閒忙皆自取
吾生慚負釣魚竿

梅莊遺冊

卷三

四

留香室開雕

中秋客蕭山

小樓歌管月明時
簾捲中秋病不宜
搖落一杯還作客
艱危萬里獨吟詩
心知老去終多累
計欲閒來未有期
卻羨向平婚嫁畢
青山贏得好生涯

贈卓方水

南山秋色偶淹遲
天上琅玕百尺遺
八代起衰韓愈筆
千年宗匠杜陵詩
行藏白首能舒卷
日月青山得委蛇
更說五湖君有興
錦囊看即載相隨

答卓方水招飲

小窻欹枕夢難刪
門外誰將折柬頒
已放風塵無姓字
何勞

雞黍約雲關登臺遂擬尋秋去
載筆懸知帶雨還為報主人
能愛客開尊應就菊花開

送朱解陶入墜花巷

西風吹客出紅塵矮笠孤筇結東新
芳草十年悲失路落花此日認前身
家無四壁攜僧隱佛到千峯乞與鄰
多少五湖淪落者輪君歸去白雲親

同卓方水遊沈武仲王子家花園歸憩秘室置酒

數罷殘棋野興生名園次第聽秋聲
雲迎竹塢乘風起客到柴門掃葉行
兩岸人家皆得水十年臺榭不經兵
歸來嘯倚元亭上把酒花前看月明

梅莊遺艸

卷三

五

留香室開雕

題張仲謀臥癡樓

樓開天半恣登臨日暮桑園一片陰
放入湖光低水檻到來山色落楓林
十年獻策愁多事七字新詩費朗吟
更指數峯前語我此中高臥白雲深

秋郊晚步全金載師

人家十里水縱橫開步秋光興自生
野迥尋僧雙屐冷板橋看竹兩人行
雲迴曲渚層層浪葉落空林細細聲
遮莫斜陽歸未得西林又見數峯晴

栖霞菴贈石公上人

乞得孤園好置身黃茆小構亦云新
一聲殘磬秋歸急萬壑

淒風葉落頻白社未為懷刺客
青山先有利詩人相逢不盡飄蓬感
老大行藏媿許詢

留別西水諸同人

孟浪文章老一身十年江漢去來頻
黃花纔趁杯中酒秋色旋分月下人
勝事每嗟良夜少論交遮莫白頭新
明朝款乃滄州上回首皇亭獨愴神

舟遲西水未發沈寶臣以詩見留次韻答之

穉子號饑通歲荒昨宵書復報漁梁
歸心已許三江路把臂還留九日觴
秋色老依蘆荻岸閒情時逐水雲鄉
祇愁與盡分攜去地擲黃花兩地香

梅莊遺艸

卷三

六

留香室開雕

九日卓方水西貢丁于石招同胡天鏡集張氏小樓

昨朝已買木蘭舟此地還從九日遊
一歲幾回逢令節開尊仍許復登樓
滿天蕭瑟疑飛雨萬里飄零媿狎鷗
極目南閩戎馬地移家吾欲問芳洲

江上寄方水載師于石諸君

帆掛西風路不難搔頭飛過數峯巒
分攜幾日人千里搖落空江月一團
好夢未成蝴蝶懶離愁無賴水雲寒
多情若有南來信家住仙霞八十盤

挽吳孕惺

草堂繫馬讀銘旌底事低回哭不成
十載他鄉貧賤友百年

異路死生情花看古巷迷春色風入靈帷急雨聲開闢文章
人不好鬼門尚可負才名

寄懷卓方水兼達金載師呂翼合沈寶臣丁于石

懸知蘿薜老書生甲子將來又一更挾得丹砂誇嬰樂逃于
白業認分明文章壽世他年事風雨懷人此日情欲買一峯
依好友囊中蕭瑟不成行

酬汪扶光先生見贈之作

老自顛狂放膽貧梅花四壁畫前身棋圍雪裏挑燈慣衣典
花時索米頻幾度擁書存愛鼎五年栽竹號南鄰敢云白眼
空天下孺子終歸北上人

梅莊遺師

卷三

七

留香室開雕

余小東選玉禾囑覓藍羽伯以詩達之

故人姓字久沉淪君與同鄉未結鄰屠狗埋名難物色英雄
託跡也風塵愁來閒憶鬚如戟老去懸知髮似銀若到玉禾
勞借問新詩為謝姓藍人

寄懷吳山老人

長作逋臣髻已幡又逢風雨入山阿二千里外捐妻子三十
年中住薛蘿君自不嫌知已少世終賴有著書多黃花老矣
繩牀冷力疾吾將載酒過

小窗種梅一株五歲始花感而賦詩

種梅五歲始開花地僻休疑雨露賒風動稍能香泛溢月明

無甚影交加幽同倚檻宜疎竹懶不猶人自一家病裏掉頭
來對汝醉醒都為數枝斜

擁爐亭午朔風回懷返簷前凍藥開快欲青山成好友剛逢
鄰舍送新醅啣花鳥共衝霜墜踏雪人無好事來搖落半窗
閒作主前身想亦是寒梅

穉子山妻鬧歲闌巡簷日有老夫看開于雪後難為白領得
春來不避寒消受暗香殊潦倒扶持疎藥欲平安娛人正在
蕭蕭際霜倒芭蕉竹數竿

吳江遊子向天津懷張又生路遠愁難折寄人別憶小株三尺許
今憐疎藥一枝勾關河老汝連年客天地還吾此日春去國

梅莊遺師

卷三

人

留香室開雕

莫疑蕭瑟甚梅花作意歲寒新

潘雪僧和予梅花詩四首仍續前韻再索雪僧一笑

新詩來欲妬梅花引我牆東逸與賒生受寒香無限好虛疑
消瘦一番加柴門積雪橫漁艇驢背騎人過酒家林下敢誇
饒勝事角巾消灑日欹斜

領畧春光五十回予年五十草堂初見一株開憶分隙地移霜幹
卽約山妻畜玉醅嫩葉乍驚疎雨度纖枝欲動凍雲來名園
少婦休爭艷祇恐林逋不妻梅雪僧宿于內制咏庭梅三株
有云三樹梅花三樹鮑風流

後起笑
林逋

潦倒乾坤與未闌東風設色惹人看不遺僻檻春先漏遮莫

孤山雪尚寒索笑有情懷杜甫

扶光雪信皆客南浦
予以杜甫居蜀擬之

閉門無

恙臥袁安他年擬取投閒處千樹梅花一釣竿

綠波亭外水雲津畢竟青山要野人小檻當窻花事好白頭

種竹子孫勺課兒視北分閒日策馬江頭趁早春竚立城隅

思我友雪生林下捲簾新

蘇東坡

卷三

九

留香室開

之三終

梅莊遺冊卷之四

翁白著

長樂梁章鉅
浦城祝昌泰 同校刊

甲寅閒居書事

生涯苦欲護雞豚當戶憑添一短垣
家近較場防牧馬客因時事不過門
捲簾綠上金錢影煮茗香浮玉女魂
但使得安飽粥外懶從漁父問桃源

甲寅七月初九梅兒冠率筆示勉

不圖文物一更新冠汝欣看折角巾
習尙乍開尊漢學風流後起數南閩
吹篴勉自爲難勢跨灶思猶欲笑人
紙筆干將憑所好祇教珍重百年身

梅莊遺冊卷四

留香室開雕

汪扶光先生七十壽

歷盡滄桑劫後身也憑松石寫精神
春風爲政方正月甲子回頭又一旬
時事卽今還洗耳青山終欲老遺臣
綠波有客歸來晚不逐稱觴隊裏人

汪扶光先生入夢筆山因有此寄兼呈童求和尚

不作中原借箸人荷衣穩稱人山身
百年喜自依麋鹿四海誰知有鳳麟
心事不因秋共冷行藏直至老皆真
上方鐘磬同支遁我欲尋之愧許詢

和陳亮臣答伊滙和尚指過夢筆看梅

細雨輕寒了一冬折巾誰約郭林宗
空山梅放千峯雪野寺

雲歸衆壑松好夢不慳惹社客新詩應報酒泉封
明朝莫把陰晴問准擬人來月下逢

次亮臣登仙樓韻

步絕纖塵逼太清天門鎖鑰欲聞聲
樓頭唾落千峯響洞口仙來一鶴輕
過雨山光誰點染欺人鳥語自分明
感時短髻吾愁甚杖履輸君此日情

次亮臣重登仙樓韻

削出城東面面山關千十二翠微間
能供千里無垠望不放孤筇一日閒
花路雲迷曾到客籬邊犬吠又開關
祇因洞有神仙住惟石森森不分項

梅莊遺冊卷四

留香室開雕

和亮臣三遊仙樓韻

曾擬尋仙興盡回誰能三至覆千杯
慙余採藥懶如此羨爾看花忙到梅
出塢霜添新耳目碧紗詩解隔塵埃
他年會逐樵夫去薜荔衣將稱體裁

甲寅梅花詩

也費東風白一花草庭春色不曾賒
閉門老去愁無賴愛汝年來癖有加
煙雨迷離戎馬地酒杯親曬野人家
獨慙燈火慵相伴月到寒梢影自斜

誘我顛狂又一回八年種見兩年開
孤山道上勞歸客南浦橋邊歎滯留
妬雨誰憐疎影瘦撚鬚日動主人來
如何去歲

風塵內臘月詩無寄早梅

曳白搖光覆盡關隔簾漫作片雲看詩添何遜吟來瘦妻喜
林通耐得寒入夜烏分殘雪宿感時人傍一枝安多情掃卻
貪眠癖曉得搔頭日兩竿

十里孤城隔一津風塵了目不粘人青山事業從頭做一樹

梅花綴眼夕月現閒身深淺夜天教瘦骨等閒春招尋不遠

寒窗外老大交情子墨新

除夕

燭燒漏轉北窻前遮莫愁多坐隔年人對綠波拋歲月計無

三窟避烽煙中原消息搖心事白首行藏費卜錢欲擁老妻

梅莊遺冊 卷四 三 留香室開

借隱去明朝未許貼花鈿

六日偕諸同人集陳亮臣宅刻燭聯句適予有祝太守

之名因限韻分賦

西園集散未深更時集客散後卜夜偏留老友生棋局那期呼客

去梅花空復向人清雨過槐巷衝泥怯路入天香秉燭明行

樂連朝殊潦倒春來何事不關情

已卯正月十七日邀吳山益公及陳亮臣兆雲林自頴

集水南觀與祝太守對奕是日益公初度

茶香位置適相宜雅集門開碧水湄戎馬場中留隙地梅花

樹下趨圍俱人逃酒困憐烹雪客負才名咏採芝七十一番

春色好遠公贏得老鬚眉

花朝陳亮臣過訪對奕小飲次韻

衡門開向百花朝有客乘來一葉舸欲賭圍棋贏小墅不辭
沽酒過橫橋飄零拚作芳時樂貧賤殊難此日驕聞道丘翁
三十萬那能征役免漁樵

送林欲正

木蘭棹撥水雲輕消受荷香五月程腰下未忘三尺劍囊中
空負一函經青山路遠燈前夢白草愁深塞外行此日風塵
君不慣逢人應自諱書生

五日

梅莊遺冊 卷四 四 留香室開

五日江城冷似秋竭囊早已典衣裘人家荏苒看懸艾民力

凋殘不競舟燕駐小堂重葺壘堂有去燕旬日復來棋收殘局復登樓

年來識得偷閒好掃斷身心一片愁

溪漲

銀漢朝翻洗九霄人間水即沒山腰勢吞綠野無空濶浪打
孤城欲動搖孤兔有誰還處穴市廛何處不容舸老夫懶作
觀瀾客眼底曾經八月潮

秋夜

不應幽事日蹉跎秋夜張燈走睡魔方疾灌花延小座含情
顧影一高歌涼生白露忙砧杵貧戀他鄉長薜蘿明月照人

歡處少中原今已戰場多

答童求伊涯二和尚招過夢筆看梅次韻

疊紙斜封報早梅情留當下獨低徊林深骨喜如人瘦樹老
花還鬪雪開大地有心勞設色青山何事掃蒼苔懸知徒倚
柴門外待我閒將策蹇來

送允尊弟還家

燭燒長夜意偏違覺得朝來一鴈飛底事感多人易倦青燈
業在客應歸雪消別路梅花醒夢破春江酒力微白髮兩行
爭羨汝到家頻著老萊衣

汪扶光先生全吳子文見訪

梅莊遺事

卷四

五

留香室開雕

門接漁樵地覺偏客來路取板橋邊風塵我愧還為政詩酒
君何借以緣談劇兒童爭入座交真第羨率登筵閑居苦傍
城南住亂後鄰非尺五天杯浦城南昔稱珂里予來及見其
遺吳子文家俯綠波後以兵移去
予獨轉徙居此每暗里巷即堪慨
起無人之感茲因見訪意偶及此

送張文房攜家之吳門

馬嘶殘雪咽邱墟烽火關中未掃除君自攜孥家樂土我難
握粟卜安居眼看草舍梅都放心折離亭歲欲徂去國也知
緣底事不關生計薄樵漁

河口旅夜

樓頭雪片枕邊飛風復何來就竹扉四壁簾燈寒市影匡牀

襖被夜添衣愁攪世路嘗為客老陷泥塗未息機夢又不成
家又遠鐘聲落在釣魚磯

宿分水關

野店寒衾貼地眠燈殘四壁更蕭然不來寇盜才經月斷絕
人煙已五年夢怯欲回羈客枕路愁催去曉霜天才道縱有
誅莠者雞犬聲無泐一塵

桐嶺

四月花飛撲面寒行人嶺上怯衣單雲沉澗底成嵐氣鳥度
峯前倦羽翰絕磴已登三十里到巔尚有百千盤青蓮蜀道
爭言險未誠關中此路難

梅莊遺事

卷四

六

留香室開雕

送汪扶光先生之廣陵次潘雪僧韻

穩臥名山去為何故人催下白雲阿閣中風雨年來甚吳下
鬚眉劫後多路復出關傷老大文應壽世不消磨竹西亭畔
幽尋在好我思將鼓棹過

觀王彭文為伊崖上人畫小像

惟底王郎畫有聊天花指上奪來新但看數筆經營處便現
高僧不壞身骨立離奇雲冉冉影拖消瘦石磷磷翻疑解脫
今無路一度相逢一度真

吳門寄張又生

連朝欲放剡溪船臨發生憎與不然四十里程疑去就百千

回夢費周旋上方雨橫移殘臘圓墓梅開自隔年驢背若能
衝雪至先來呼我釣橋邊

青燈曾掛野人居業共名山八載餘愧失明珠譏按劍喜聞
長歎不歌魚天台客至留遊草白下人來索著書好檢吳江
楓落句選樓編輯屬燕魚

印看鏡裏一華顛棋癡因君半已捐潦倒頭顛真有罪放歸
林壑恐無緣仙鄉拭劍逢除夕破帽看春憶去年莫負東風
尋北臂虎邱裝餅惠山泉

斜封尺素已經旬袖向葑門口幾巡鴈掠長天空仰面梅開
古驛不逢人間雞甘悔蹉跎甚割席今來夢寐頻畏到姑蘇

梅莊遺事

卷四

七

留香室開雕

臺上望不因風雨亦傷神

招卿子政余諍夫又生過圓墓看梅時靜夫停山陰之

棹

春至吳門勝事催芒鞋結束喜追陪劉溪客已迴孤棹圓墓
人將看早梅斗酒莫辜林下約蹇驢好策雪中來憑誰抱有
煙霞癖敢負下峯待舉杯

題李薦侯枕漱齋次壁間韻

向誰卜得好行藏亂後門開碧水傍邱壑亦知胸次異詞壇
豈避筆鋒剛百年懷抱天何有十里溪聲日自狂客至罕辭
通夜飲花陰月影一茆堂

得汪扶光先生廣陵書卻寄

怒濤挾自廣陵來風雨呼人尺素開血淚不乾方外土鶯花
誰進酒中杯槎枒竹有千尋否感憤心寧一寸灰二十四橋
都未識懷人路在夢中猶

過夢筆訪童求和尚限韻

袈裟無暑亦無冬無相燈懸簡裏宗一磬呼醒千載夢孤山
種老六朝松寄歡緒渺看雲卷入定心冥聽雪封因憶雨花
臺上客十年不向此中逢

詩魏
惟度

丁巳冬曹秋岳方伯枉過艸堂見示上下建灘諸作賦

呈

梅莊遺事

卷四

八

留香室開雕

自是遺民付草萊何當車馬叩門開八閩方伯盤松節一代

詩名震地雷顧我江千雜黍約看君鬚髻雪霜催建灘石怒
堅如故水火何曾煉得灰

時甯事焚鑿建
灘旋即中止

催粧詩

筆底花開已有年畫眉應取阿嬌憐窺君好向非推髻和汝
催粧索錦箋軟語不教人竊聽合歡準待月來眠遙知金屋
無他事行續東萊博議篇

吳張又生

才高竟爾嘆蹉跎十郡遺文在薜蘿奇疾中人隨不起美名
于世欲如何骨蕙旅葬三天竺身已長拋一釣簑涕泣行聲

天似我比來聽得雨風多

登果山謁三賢祠

葦石為山不記年
荒涼祠廟屬三賢
風煙有客瞻丰采
俎豆無人肅几筵
功在東南撐半壁
學從滌洛得真傳
登臨不禁頻搔首
事感中懷欲問天

酬胡星來先生

四十年前識姓名
不妨今作掃門行
黃花餽昨尋元亮
白眼山中揖步兵
位置埋頭千百劫
輪贏袖手兩三杯
新詩捲入關南去
猶聽秋聲徹夜鳴

永和果山詩

梅莊遺冊

卷四

九

留香室開

莊遺冊卷之四終

梅莊遺艸卷之五

翁白著

長樂梁章鉅
浦城祝昌泰 同較刊

已未正月予將有吳門之行適臥病經旬華兒乃趣裝

就道臨行作詩書之便面庶千里外時聞老人咳嗽

也

風塵事欲試吾兒千里鶯花恣所之野店莫嫌非膝下高堂

有夢到天涯文章官樣推江左詩酒當家唱竹枝取次若能

逢好友壯遊只當讀書時

病起

力微細語未分明倚杖簾前兩耳鳴天寶有心留我在鬼終

梅莊遺艸 卷五

留香室開雕

無計要人行拙來邱索看曾否望見庭梅折不成莫怪妻兒

皆色喜事多未了屬吾生

中秋寓劍津西關有懷開之姪

浮雲端不掩銀河浪載秋光一半過僦舍時經兵燹後照人

愁見月明多漫飲蟋蟀三更枕遙聽漁舟五夜歌蝦菜關心

吾與汝滄洲未許日歸何

和張時楚九日登四賢祠韻

荆棘銅駝淚幾多四賢祠幸木婆娑抗懷生不當年好策馬

時逢九日何籬下菊無開錦繡闕南師復老關河秋聲散作

翁魂曲絕頂憑君一放歌

登先鋒樓

置身別有一人間衣帶交蒸條已刪水落雙龍寒夕照樓閣

八角見青山軍儲爭向城南下鐵馬何時海上還欲喚先鋒

今日起中原烽火不曾開

過萬福精舍值雨留宿

興落城南水一方板橋緩步不跟蹤雲停曲塢芭蕉綠雨過

空林草樹香夜靜設棋分佛火秋來看竹宿僧房幽尋癖有

猶人處蠟屐坐僧儘日忙

客劍津林乾如表兄屢招展待賦謝

酒過牆頭市擊鮮更謀芋栗續登筵相逢痛有干莖雪買醉

梅莊遺艸 卷五

留香室開雕

貧忘一片墮日落鳥窺人潦倒燈挑君欲我留連無端各抱

傷心事話到魂銷坐不堅

謁紫陽祠

落日孤藤絕頂扶紫陽祠下立斯須祇為物理尋歸宿便冠

東南一大儒席與游楊分俎豆堂來孫子自生徒徘徊卻步

秋聲裏欲薦蘋蘩採已無

謁文信國祠

素椽白壁照鬚眉宋室孤臣此誓師事到東南為不易身還

社稷死何之青山有客尋開府荒草無人起臥碑將校一堂

同飲恨西風木葉夕陽時

登城北絕頂

千尋睥睨白雲遮路到長天尺五懸陡立峯前無世界疊看
山曲有人家客帆午夢窺林杪野寺疎鐘帶水涯呼起雙龍
前借問干將肯復與張華

謁道南祠

魏崇位置白雲鄉登眺無期帶夕陽道續斯文三入室祠容
小子一升堂九峯北面門牆峻一水南來脉絡長浪說吾儒
今稍貶此中蘋藻不曾忘

陳干寶以明經待選南劍尋以例需還家時重陽前二
日也惜其倉卒言別未了山水之緣詩以送之

梅莊遺州 卷五

三 留香室開牖

錦囊分去罷招尋行路難時感易深負我重陽無落帽看誰
暮夜肯還金黃花路趁沿村酒明月樓經少婦砧穉子候門
相見問爲言歸不是抽簪

戊午梅花詩

未臘今年早放花東鄰酒熟許人賒丰神帶雪何曾減意興
當窻似覺加地已剝膚肯牧馬吾猶爲汝不移家最憐四壁
燈吹後一枕寒香擁月斜

勾引霜禽去復回伯頭動處藥先開微吟飲盡池中墨得意
傾殘甕底醉靜日影能和我睡閒居門自少人來因憐翠竹
年年委地盡陰陰予種竹有詩云隙地莫嫌三尺小
陰陰只在隔年多今已十載矣

贈魏海麓明府

胸無咄咄太空如萬斛春風慰索居入座煙雲成好友捲簾
花鳥當書畫室高垂白人偕老官罷承歡日有餘聞道黃岡
彭澤近後來五柳更扶疎

明朝仍屈賈長沙白璧何曾不指瑕萬里風雲新折翅滿牀
袍笏舊名家鼠拋范令塵中飽筆奪江郎夢裏花見說尋常
沉醉後許人視北乞龍蛇

魏明府以詩見貽依韻賦謝

三楚才名壓二京新詩寫就與鱗生深慙老馬無能日浪費
賢侯一顧情展入花間常見月吟從酒裏不離鶯幾回却暑

梅莊遺州 卷五

四 留香室開牖

南窻下搖動清風急雨聲

臘月朔日出關道中寄別吳宗聖柯阮臣張文房并示

華兒

十載閒忙我自知不應此度又天涯辭家掉臂梅開候過嶺
騎驢雪擁時老判交親輸別淚貧虞妻子約歸期芭蕉窻外
明宵月一片蛾眉我所思

登清湖紫微菴

山欲元元水更真登臨何憚到來頻門開碧漢雙松偃花簇
瑤壇一迳新天外畫圖橫浙海峯前題咏紀閩人此中自是
神仙宅回首江郎卽比鄰

除夕

草草飄零夜已除寒燈孤影意何如
貧來喜得添詩興老去愁難讀父書
四海風塵慙姓字百年日月負樵漁
空懷十載歸來賦未得深山一片居

元旦

底事無勞更問天不才飄蕩似應然
囊探短劍龍猶在春到三江客未還
隱几強拈元日酒看梅欲放剡溪船
凡軀甲子能多少老我頭顱又一年

京口逢周彥升

潤州城外草平橋有客逢人作解嘲
題柱幾回雄指顧培風

梅莊遺州

卷五

五

留香室開雕

何日絕扶搖將軍幕下書生重露布
營中鐵馬招記與兒曹同視北頭顧
看卽有今朝

周彥升宅上置酒出示楚遊草

舍北名泉玉作闌近天下第二泉
南來栖息一枝安馬卿實解當

年渴范叔虛疑此日寒銅柱載回三
楚月錦囊開見五溪蠻老夫不惜沉沉
醉示我新詩徹底看

鶴林寺謁米元章遺像

祀為寺之伽藍傍有周茂叔書院

南宮御史絕風流紗帽籠頭插比邱
古寺半邊承俎豆白雲幾片共春秋
石貧為友四呼丈書到當家識罕儔
覽勝開猶過竹院種蓮人去一亭幽

過塘栖懷卓方水徐野君金載師胡天鏡呂翼令

勝地翻成感慨過旌亭冷落欲如何
山頭掛劍人來少天上修文事已多
芳草每生攜手路橫塘猶唱採蓮歌
悲風殘日低回盡三十年來一逝波

乙丑除夕

鄰家酒債勾消盡好掩松關蠟炬懸
打鼓兒童催守歲支牀老子亦登筵
盤堆海錯懷千里人把煙霞負幾年
欲祭錦囊慙買島比來詩癖不如前

丙寅元旦

倚闌洗眼看春暉霄漢晴明百鳥飛
海上已知烽火息閩南

梅莊遺州

卷五

六

留香室開雕

今喜客兵稀琅玕簇有賢侯句薜荔
裁成野老衣元日蓬門無箇事就爐添
炭子孫圍

二月朔作

伏枕衰年不易調陌頭桃李浪妖嬌
若催出郭應迷眼不賴扶筇定折腰
餽粥忍貧粗檢點棋枰割愛絕蕭條
春風六十將來日還我鶯花第一橋

汪遂臣寓中對奕因仝程恥夫李奕才小飲予先醉歸

戲成小句

棋枰放罷喚傳杯潦倒驚將老態催
燈下影看誰欲睡塵中客許我先回
衣無解帶尋欹枕渴想吞江那望梅
自笑強隨

稽阮伴前身不自醉鄉來

道山亭應試

孤亭有道使君來鳥外幽尋掃碧苔
滄海眼中看一粟白雲掌上覆千杯
山當几席難高臥事在東南費剪裁
四野倒懸皆解盡登臨人更好開懷

過釣龍臺蔡隆範允尊弟讀書處

釣龍人去海天寬臺上千年不改觀
山自迴環留願盼水從襟帶見波瀾
讀書有地心逾遠挾策干時事已難
歲暮夜深聞拍掌梅花開處一燈寒

同何六菴楊光生飲念珮子齋頭晚登凌虛樓讀六菴

梅堯進州

卷五

七

留香室開雅

珮子題壁詩

酒酣人睡夢初回竹杖登臨興又催
日落蓬瀛嘯傲鳥歸雲漢絕徘徊
座中拾盡千峯翠壁上看多七子才
檀碎層樓吾不敢題詩人共一時來

臺江發棹

天風快我熱行人六月牽舟上劍津
欹枕不知三伏暑殷雷又報立秋聲
山經遊處雲來餞卷到開時客有鄰
孟浪未歸頭白後疎頑合作五湖身

丁卯元旦

就爐添炭子孫圍昨日并州一棹歸
詩興催人開蜀道春風

笑客着塵衣梅餘老幹寒香在雨過
衡門歲事稀豈有藏書三十乘夜來
藜火欲光輝

丁卯四月杪歸里寓宗祠坐困淫雨希伯兄遣蒼頭送

酒賦謝

海陬空濶雨風多亂後歸無置足何
水湧坳堂成汗漫木生當路拂差我
談天客去欲孤枕假蓋人來送濁醪
痛飲長歌吾不慣支愁竟亦醉鄉過

蘭溪至浦江百里許一路人煙接壤
田廬整暇慨然有

作

地僻天私十畝恩多多風景薄桃源
環峯水盡歸阡陌比屋

梅堯進州

卷五

八

留香室開雅

人多長子孫籬落半閒黃葉掃池塘
舊種老魚存不須坐惜煙霞好倚杖
行來又一邨

過嚴灘

棹入嚴灘水自清遊魚數見貼沙行
風前好鳥飛無恙雨後青山看有情
御榻已同天子貴釣竿偏就匹夫名
當年早識韓彭事逐鹿從龍夢不驚

八月十五夜城南小步時漏已三下
因留橋上看月

夜盡長空玉露溼城隅小步怯衣單
百年幾見中秋好明月三從此地看
鷹掠南天誰顧我人懷故國獨凭闌
老妻莫漫催刀尺已與羊裘戀歲寒

梅李至目前後雪霜添加寒威逼體慨然有述

雪殘風緊鳥飛忙心快朝來復有霜骨縱奈寒今已不酒非
無力夜偏長補窗尙漏吹燈孔服藥難躄煖足方記得聞雨
梅信早教人此際欲思鄉

寓淨通菴僧房

十笏常飛一片雲老僧消受與人分到門山色經秋雨就水
居停得此君跡似轉蓬遠潦倒名無欺世絕知聞憑誰裘馬
秣陵道我獨思爲野鶴羣

金陵懷古

冷煙禿樹擁荒邱三百年前五鳳樓大業去人爭東手青山

梅莊遺艸

卷五

九

留香室開雕

插漢獨搔頭鳥鳴潛向斜陽度客至難將覆水收若使淚痕
皆着地也應瓦礫一時流

除夕

洗去杯盤興不辜遊人視北率吾迂燈前有夢豈妻子江上
投詩多釣徒除夕又拋新歲月疎狂欲換白頭願閨門未掩
鐘聲度來自寒山寺裏無

梅莊遺艸卷之五終

梅莊遺卹卷之六

翁白著

元且

長樂梁章鉅
浦城祝昌泰 同較刊

聽得分明細雨晴一牀爆竹萬家聲
客食曉夢呼方起塵上征衣懶不更
旅食辛盤逃酒政出山麋鹿畏人情
春風業已催吾老又賺兒童竹馬行

花朝初度次杭州

懸弧又見一花朝未敢逢人作解嘲
生事老仍牛馬走閒情時為水雲招
天傾南國微茫雨酒引西冷次第橋
搔首自憐還自許髮羸強半白相饒

梅莊遺卹

卷六

留香室開

戲贈項白仙留別韻

五字英雄少弟兄自言詩不在輕清橫
探百萬蛟龍窟毒帶尋常蛩蚓聲
白酒欺人隨潦倒青袍揖客絕逢迎
嗟余把臂無多日葉落江干別友生

又七月十六日過下湖齊坑嶺後諸村落

小艇搖人過釣磯幽村覓路鳥爭飛
家家白露摘龍眼處處青峯開竹扉
掃石眠雲同野老尋秋散髮着荷衣
滄洲蝦菜真堪羨錯向風塵未息機

與士蘇姪

青燈掛壁漏三更大婦烹茶扇瓦鏘
足則幾回成鐵漢大翁

作意老書生牡丹不豔當時樣
霄漢終當一日行好向牀頭看短劍
連宵風雨欲飛鳴

碧水巖

雞犬人間視聽中搔頭尺五即穹窿
羣峯涉地奔來紫千樹懸霜染就紅
路起雲尖生曲折樓登谷口在虛空
鐘聲引入迷歸處又逐寒樵過嶺東

舟中聞木樨香

秋老南溪放客回掛帆喜趁木樨開
饒他日月山中好漏出天香水上來
夢欲快醒聞撲枕酒非無故易擎杯
因憐多少王侯宅叢桂都為爨下灰

梅莊遺卹

卷六

留香室開

溪行

掛席呼風興有之久淹今喜是歸期
千家雨後耕三月一路花前聽子規
釣罷漁翁沽酒至棋殘樵客出山遲
憑誰占盡煙霞去名利人猶薄爾為

黃田驛畔樹參天故老爭傳五百年
地有可觀惟此物官緣多事不稱仙
人情斗酒成公論風俗園蔬當擊鮮
道左沔經兵燹後饒他山水亦蕭然

送陳士簡公車北上

予時臥病

嶺上霞光五色懸公車年少更翩翩
才名到處頻驚座霄漢肯頭一舉鞭
折柳誰應趨道左採薪臥向在窻前
遙知三月

長安道馬上看花近午天

贈蕭景山移居步李薦侯韻

山不能深水有餘池塘襟帶一茆廬好看補點稱嘉遯何事
求全費卜居大婦穩移千日酒匡牀常疊故人書即今劇有
怡情處十月寒梅葉欲舒

四日邀家三叔及在浦諸弟姪過艸堂合餐歲飯賦詩

見志

故園兵火失桑麻走艇相從此數家姓氏遠分慙奕葉桂蘭
疊幸見新芽春儲有酒謀相向親可無殺費不奢試問海濱
今與我誰能歸去飽煙霞

梅莊遺艸

卷六

三

留香室開闢

六月念四日度仙霞

短褐華顛拙且迂浪將筋力許妻孥仙霞六月無涼雨鳥道
千尋役故吾身世昔慙多冉冉風塵今自笑夫夫還須早決
歸來策莫待江南聽鷓鴣

輓本淵叔

一縷銘旌貼地垂暗燈吹雨颯凄其淚沾五世同根處情憶
三年共學時抱玉老甘遺世去割疆死竟使人悲今將有子
天涯返見說推牛知不知

湯丸詩

閩俗一歲家人俱慶冬至前一夕以糯米粉作湯丸

祀先謂之團員節辛未是夜未能免俗領孫曹入座

戲成一律示華兒

擁爐燒燭夜何其出手聊從俗所為盡室幸團多病後有天
私喜白頭時藏書愧未經雙眼種蕙功深見數枝我不愛名
如夢得湯丸遮莫一題詩

山居

怪石周遮第一山新開花徑竹粗刪雲橫野水漁來少門枕
長橋客到開桑柘有成春雨足牛羊無恙夕陽還此中人已
忘機久月照柴扉夜不關

小結松菴竹一窩門臨流水白楊多看花與去賒明月解艇

梅莊遺艸

卷六

四

留香室開闢

歸來繫綠蘿已種禾田四五畝不妨閒客兩三過山翁縱有
羲之癖寫得丹經不換鷺

無多結構壁蕭然占得青青十畝煙水懸崖簾百尺鶯啼

幽迳柳三眠山僮早報收茶去稚子爭迎種菊還惟有老妻

無箇事看詩偷抹小青篇

白茆為屋竹為樓紙帳風清不下鈎有客簾前相對奕無人

籬外獨維舟池塘昨夜新過雨禾黍今年已報秋更喜兒童

能供酒小園芋栗帶雲收

東西巢許兩三家十里為鄰路不賒明月橋邊楊柳岸清風

溪上水雲棹短牆青墜懸籬果曲逕香飄入戶花安得主人

皆愛我草堂雞黍夕陽斜

寓明州客樓達士標姪

繩牀紙帳恰相投敢道居非百尺樓枕上詩憑尋五夜江頭
月已近中秋擬將逆旅淹留日盡作名山汗漫遊應悉老夫
無別事天台採藥帶雲收

過士元姪山齋賦贈

不是詩緣近日怪耽吟亦復景清閒對花只有工夫醉謝客
從教華實關一榻亂書慵自整半庭叢菊健還刪城中莫怪
無人識熟路而今祇在山

中秋李彥倫席上賦

梅莊遺事

卷六

五

留香室開

龍門襟帶水仙灣綠竹陰分十畝閒偶值中秋死過客故因
明月一開關設深國士聲聲淚葉落江蘇岸片山抱玉人多
知已少牢騷不放酒杯閒

江郎石

江郎道是劫前人化石傳來姓字真跋涉滄桑雖潦倒抗行
霄漢絕嶙峋雲半半壁栖懸磬月照三分洽比鄰多少難平
心裏事相將把臂問蒼旻

陋室吟

席門草閣不知貧負郭無田更可人十日圍棋三日臥縣胥
呼喚入西鄰

曲溪短巷枕孤城門外無人問姓名喜自種松稱處士不須
栽柳號先生

喜友人見訪

三逕陳兵菊已荒牙旗生色挂垂楊感君相憶還相訪萬馬
場中叩草堂

屋裏呼兒扇瓦錯老妻臥病起秋聲荒廚客至無雞黍新釣
鱸魚月下烹

松山贈毛玉苗

幽樓麋鹿自成羣野綠山青一水分日暮柴門秋色淨千峯
落葉不黏雲

梅莊遺事

卷六

六

留香室開

閒步幽林意不羣欲將秋色向君分遊人不必皆如我乞取
松山一片雲

張又生寓吳江招余不至以詩見嘲率此寄答

不見常催夢裏程一航可至敢忘情曾中緣有悲秋事愁聽
吳江葉落聲

敗榻塵糧食與眠詩魔酒陣絕因緣除將三百棋兵外難下
愁城八面堅

題畫水仙

筆底春風付與香花開黃白葉交加羣芳不敢爭籠隊裝
稱仙只一家

積霧度仙霞嶺

絕磴凌空路渺茫
濛濛人在海中央
茆菴三寺無尋處
只聽鐘聲出上方

環峯列嶂比肩沉
弱水難從較淺深
一望滄浪天尺五
不應濯足在天心

題畫

西園四月雨初晴
長見幽人載酒行
畫到百年猶未了
杜鵑啼處不聞聲

輕紗一幅屬富家
點染園林好物華
客賦上林消渴甚
教人樹杪摘枇杷

梅莊遺則

卷六

七 留香室開

世外幽人日月閒
相將松下採芝還
回頭細語誰聽得
祇見煙霞不出山

盆中一樹隆冬生意已
少因命家人懸朱果數枚以供
寓目隨占一絕紀家庭一時勝事

疎枝巧綴懸朱果
老眼看來是化工
客至難將真假辨
文章欺世與人同

讀汪扶光先生昆盧閣詩集賦贈

昆盧閣裏橫秋聲
清籟都來紙上鳴
燈暗霎時狂拍几
讀君佳句鬼神驚

語厭推敲落晚唐
聲牙信屈自官商
毫光筆底三千丈
欲付

名山不敢藏

一代奇人天所私
假將風雨入君詩
中原伯仲無多少
位置居非大小兒

朱公威淪跡林泉
久稱肥遯近應隱
逸之徵詩以訊之
眉畫雙彎舊有痕
添些脂粉斷人魂
無端春色潛相引
不許深閨獨掩門

深閨獨掩門

雪後同華兒步月
過武當山宿習觀上人禪房
陡立江邊疊嶂寒
捨舟天半不知難
攜來紙筆兼村酒
月滿雙溪雪未殘

咏雪次韻 時辛酉冬至後一日

梅莊遺則

卷六

八 留香室開

四壁光生曉起時
野人堅坐如尋思
文章大塊真能事
亂掃千峯一筆奇

落自無聲白自多
幾回高臥怕人過
天工不信為廉謔
也向柴門種玉麼

玉山推倒惱人無
浪白搖光匝地鋪
祇恐夕陽紅一點
奪將聲價與珊瑚

怵煞兒童報老夫
門開荆棘不當塗
潮橋驢背人何在
留得當年一畫圖

詩思愁添凍裏催
戰場何處馬聲哀
起看海濤天空際
買醉雄吞斗大杯

雄吞斗大杯

自是天工好剪裁
教成搖曳欲欺梅
巡檐採水招鄰叟
試取名山瑞艸魁

前題

愁人不見鶴飛回
友人李薦侯咏雪佳句也予愛而
欲有之因續成八首以謝薦侯以卻病魔并以識予
伏枕顛狂不知李長吉嘔血之為多事也時冬至後
五日

搖空虛白煞寒時
幻出乾坤匪所思
萬象杳然收拾去
千峯鼓浪欲爭奇

聽得柴門扣許多
龐眉認作老僧過
探梅庾嶺人難去
欲問

梅莊遺艸

卷六

九

留香室開雕

羅浮路有麼

玉龍昨夜戰爭無
甲卸鱗飄颻地鋪白
壁市中今已碎不須

海底覓珊瑚

峯前倏忽老樵夫
跣足愁他十里塗
凍裏不曾呵一筆誰人

揚就米家圖

蕭寥已沒一階苔
又肆寒威入酒杯
欲起捲簾無別事
愁人

不見鶴飛回

縱橫逐隊倚肩來
莫擁蓬門不我開
天滿東南今已漏
杞人

白眼欲登臺

路出銀河帶月催
冷猿斷鴈一聲哀
埋頭有客江干去
賭取

漁翁濁酒杯

誰把天花處處裁
不須人寄隴頭梅
偷閒帳裏無多事
刺盡

紅爐美羊魁

東庄雜咏

漫藏秋色老來紅
棗密枝頭撲未空
三日居停消受好
尋詩
狎在一園中

花開白帝鬪胭脂
生色秋光見設施
東壁豈真無好句
海棠不覲少陵時

瓔珞臨風舞不停
莫疑蒲柳質先零
笑予江北初為客
消瘦真成野鶴形

梅莊遺艸

卷六

十

留香室開雕

枕上聽殘細雨聲
起來無事背人行
狼山北有南飛鴈
勾引

羈栖不耐情

也聽東家喚我曾
嚼齏美酒夜張燈
葛衣顛倒逢場去
斷送

愁眠醉不勝

通州野寺即稱山
撮土為高尺五間
若使聞名來躡屐
教人

何處一躡攀

土山觀音山皆平地

花開竟與洛陽爭
金谷人知定不
平凡士許多聲籍
甚好山

儘有未知名

花嫩葉草本俗呼洛陽花吾聞呼十樣錦

自題今是圖小影

丹青惜只相吾皮
心事何曾畫得伊
白首與人無一可
扁舟

今合有歸期

好向時爭汝不爭還吾面目掉頭行青山漫把移文作箬笠

艾鞋識底情

煙霞風月是吾徒號令千峯不可無笑殺季鷹歸去也區區

只爲一尊鱸

酒不盈尊亦不妨總無辜負菊花黃盧仝別有鍾情處稅駕

何曾落醉鄉

日月常拋浪裏過千金難贖一蹉跎而今索得偷閒去賭墅

贏來臥薛蘿

領取荷衣見夙因百年山水落斯人義皇以後無知己不是

梅莊遺艸

卷六

七

留香室開雕

愚公不比鄰

息機遂自識便宜借隱龐公事可師千載神仙岑寂死青山

不礙有妻兒

一束牙籤一茗鑪五株楊柳日縱橫呼兒檢點藏書在依舊

還吾擁百城

老來遊臨岐戲示兒孫

阿翁宜莫趣裝行秋色朝來正有情窓下諸孫兒自課桂花

香裏讀書聲

牽衣竟已出城隅囑買吳門幾種書祇恐貪多還是病案頭

探盡不空虛

蟬聲聽軟雨聲催歷盡秋峯一快哉詩興笑從何處去臨岐
不載錦囊來

老夫喜與竹周旋地小生憎種不全新插數竿培莫懶歸來

會見欲參天

家報孫雛誕在花朝前一日

一紙南來報所天孫雛誕在百花前阿哥紙筆粗知好家有

藏經汝共傳

梅莊遺艸

卷六

七

留香室開雕

昔侯官林白雲選闕詩采翁梅莊七律若干首以爲布衣中

之傑出者而曹秋岳先生至以天下士許之按梅莊又字未

青本籍福清明未隱居不仕爲吾邑富賢今所傳遺艸純是

律體而未附截句大抵感遇傷時怨而不怒與邑先輩真山

民詩梗概略同而氣節亦無媿焉秋岳真知音者哉舊刻出

梅莊後人殘本僅存因屬芷鄰東巖重加編校而壽之梓讀

其詩可想見其人矣嘉慶辛未冬日祖之望題後

梅莊遺艸卷之六終

箬
以
關
室
詩

集
一
卷

洪
慶
學
人
題



陽新石氏
蓉城仙館
家藏秘本
丙子印行

箬蘭室詩集目錄

春日口口

題玉真觀

春宵樓

秦淮官舍懷春

晚春

江寧村居病起寫懷

新柳

雨中獨坐有懷滎陽道中用寄潛齋夜坐韻

無題和唐李義山商隱

秋感

無題

箬蘭室詩集目錄

海口道上有述懷鄭二宣

秋江離思圖

贈別謝秀才

送包口鶴東歸

林七員外園亭夜飲得河字

有懷淬用剛賦此以寄

承君衡叔翰遠送賦此以別

齊雲樓

到京

丁酉歲正月四日雪

城南小飲爲松江郭彥禮賦

冬夜與高五秀才館林八員外

蓉城仙館叢書

寄周一秀才立兼呈陳八處士炫

秋江離思圖

浩師別李伯章

登崑山次易九成諸友韻

首春感懷

書無題後凡二首偶感燕太子丹事

辛酉立春日溪園試筆寄錢艾納張雲莊二叟

放鶴篇

龍洞

題淵明獨酌圖

作畫

右有介先生詩六十六首係先生親筆手蹟計全帙二

箬蘭室詩集目錄

二

蓉城仙館叢書

十九頁惟原稿剝落較多殊爲欠缺集中有丁酉歲正月四日雪詩及辛酉立春日溪園試筆詩先生至有清康熙中以諸生終則丁酉爲順治十四年辛酉爲康熙二十年以相隔二十餘年之作一時錄出應爲先生自選生平佳作是以末頁署名並蓋有介書畫章以贈友人者卷首有眉公二字白文印章或先生以之贈陳眉公者歟末附放鶴篇四首則由明詩綜錄出校訖附記數語於此丙子仲春陽新石榮璋記於故都西城之西邱草堂

再此本收藏家首爲陳眉公次爲王文勤公文勤公名慶雲字雁汀閩人道光進士歷任陝西巡撫四川總督兵部尚書均有印章蓋於卷末次則爲贈予之葉可庵

君亦閩人三百年中知者僅此數人至入予手則爲之
裝潢爲之校印竭盡吾力若至予後又不知歸於何人
流於何地校錄之餘俯仰古今有令人不勝唏噓太息
者矣榮璋又記

寒蘭室詩集目錄

三

蓉城仙館叢書

箬蘭室詩集

侯官許 友有介 著

陽新石榮璋蓋年校印

春日口口

偶臨春水賞春晴便覺身隨半履輕人面映花渾口口竹音和
兩恰齊聲衣口潔盡須沈醉簪未容投口暫行除却鳳城佳麗
地更口何處口昇平

題玉真觀

王氣樹雲綴玉題萬年搖口口金泥屏風盡是青山口旛蓋都
將綠樹迷雲氣長陰時嘯虎日華先曉口聞雞閒身願得同真
似臥看呦呦鹿引聲

春宵樓

箬蘭室詩集

蓉城仙館叢書

春宵樓上人如玉一刻光陰直萬錢簾底按歌風細酒闌和
語月娟娟錦窩香暖雲初散羅幕燈昏客未眠莫怪銅壺太催
急長年猶歎夜如年

秦淮官舍懷春

潮來灘嘴綠沈沙獨坐口吟口物華強健憶曾身似口風流那
復鬢如鴉十年金谷園中友三月長安馬上花春色正濃人意
好且教羣吏暫口衙

晚春

旌旗獵獵繞高城曲水飄香坐綠楹雨韻風韻枝外蝶口遮柳
映樹頭鶯乍籠紗績羞容老試著羅衣覺體輕猶憶醉來潮上
路滿身飛口口口

宮樹參差帶苑牆溪塵兼霧撲衣裳新蒲細柳皆春色紫燕黃

鶯欲斷腸沽酒客來花未落被除人去水猶香老懷無復登臨
賞坐對鍾山到夕陽

辛夷如雪照庭柯老去愁驚日易過芳草漸于歌館密落花偏
向舞筵多故人別後皆黃土南澗春來又綠波便欲移家住勾
曲採芝種玉此山阿

江寧村居病起寫懷

落口風急晚蕭蕭病起口驚雪盡消厄酒不添前日量帶圍初
減舊時腰高樓錦瑟花連屋深巷珠簾柳映橋准擬青鞋踏春
草看他翡翠戲蘭苕
病起支離倦裏巾偶因行樂見陽春梅緣無恨尋常瘦柳故多
愁日夜顰夢裏笙歌隨口口畫中羅綺繡麒麟相期欲就吳姬
飲却恐江花笑客貧

箬蘭室詩集

蓉城仙館叢書

性懶逢春睡口口曉鶯多在夢中聞故人錦字憑誰寄學士銀
魚每自焚布穀雨晴宜種藥披蒲水暖欲生芹相思未信蓬山
遠只隔江東一片雲

望盡吳山是楚峰一緘芳信託歸鴻丁香暗結盈盈露豈寇微
含細細風春水染衣鸚鵡綠江花落酒杜鵑紅此身曾是登瀛
客未信扶桑弱水東

不知殘雪是春光起見輕雲覆野塘春草春江妬相綠新鶯新
柳鬪爭黃囊無太史新頒曆衣有容臺舊賜香但使罇花口底
醉任教白髮鏡中長

東風拂拂軟婆娑野鳥啼春聽未和世事不隨人意好雨聲偏
爲客愁多回文篆小香如蟻凹面杯深酒勝鵝一帶春江皆碧
草却愁無地著漁簑

醉舞狂歌四十年老來參得一乘禪東風未濕牆腰雪細雨微
添石眼泉無數白鷗閒似我一江春水碧于天莫言笠澤非彭
澤定擬金川勝輞川

坐對青山覺眼明山應憐我始偏春一官不博三竿日萬事無
過兩鬢星花底蛛絲迷蛺蝶草根蝦族變蜻蜓文章無預封侯
相莫向人誇識一丁

袖錦口邀上客塵老懷忽憶故鄉春泥金孔雀裁歌扇刻玉麒
麟壓舞茵翠羽口口上客坐畫船銀燭照歸人而今白髮東風
裏疑是前身與後身

門外春泥一尺深窗間雲氣十分陰寒氈溜雨衾如鐵濕竈凝
煙火似金酒解驅愁時強飲詩多感舊懶長吟貧家不願千鍾
粟但得陽烏照晚林

箬圃室詩集

蓉城仙館叢書

新柳

濃如煙草淡如金濯濯姿容裊裊陰漸軟已無憔悴色未春先
有別離心風來東面知春淺月到梢頭覺夜深惆悵隨宮千萬
事淡煙疎雨正沈沈

嫩綠柔香更遠濃春來無處不肯肯六朝舊恨斜陽外南浦新
愁細雨中近水欲迷歌扇綠口花偏襯舞裙紅平川十里人歸
晚無數牛羊一笛風

雨中獨坐有懷榮陽道中用寄潛齋夜坐韻

山色秋光澹繞齋雨聲盡響互悲哀清尊憐我攻愁去白髮欺
人送老來江柳淨無餘葉在諸蓮遲有口花開馬蹄却憶成阜
路野繞西風滿面埃

無題和唐李義山商隱

嘗讀李義山無題愛其音調清婉雖口其穠麗然皆口
于口口忘君之意而深惜乎才之不遇也客窗風雨讀
而悲之爲和五章

一瓣芙蓉是綠舟棹歌離思兩夷猶風鬢霧鬢遙相憶月戶雲
窗許暫留波冷綠塵羅襪曉恨添紅葉翠蘋秋雙鸞鐘裏瑤臺
雪任是無情也上頭

纔向瑤臺覓舊踪曙鴉啼斷景陽鐘薄施朱粉粧偏媚倒插花
枝態更濃立近晚風迷蛺蝶坐臨秋水亂芙蓉多情莫恨蓬山
遠只隔珠簾抵萬重

細骨輕軀不耐風春來簾幙怕口口人間玉宇三山隔天上銀
河一水通眉暈淺顰橫曉綠臉消殘黛膩春紅水絃莫奏清商
曲滿地霜華泣翠蓬

箬圃室詩集

四

蓉城仙館叢書

夜合花邊待月來宮車輓響春雷笳調恨譜參差度錦織愁
紋宛轉迴樓上綠珠知報主坐中紅拂解憐才傷心兩炬緋羅
燭吹似銀荷葉下灰

爲雨爲雲事兩難蘭心蕙質易催殘等移錦柱秋先斷漏滴壺
銅夜不乾羅幙有香鶯夢斷綺窗無月雁聲寒芙蓉一樹金塘
外亦有芳卿獨自看

秋感

吳門葉落季鷹船朔野霜橫白雁天三楚樓臺餘夢澤兩京口
勢自甘泉來雲帳幄靈口滿口口花枝璧月圓本是宣光中興
日腐儒長口泣遺編

紛紛擾擾厭黃巾妖血徒膏草野塵馬化一龍猶王晉楚雖三
戶未亡秦颶風天靜浮青海朔漠山高直紫宸莫爲鬼方勞外

伐壓狐箕服最愁人

豆苗瓜蔓未應稀
菰米尊絲積漸肥
南國有星天半隱
東維無地海全歸
連城不換相如璧
百結何妨子夏衣
回首故山荆棘外
幾年空翠鎖煙霏

苔花養葉滿林扉
獨立蒼寒見紫微
夜久長庚隨月上
天清高鳥帶霜飛
東南吳會三江入
百二秦封六國歸
烈士暮年心未已
無口愁解白登圍

南越東吳帶楚臯
頻年醉取道飛毛
滄洲露白蒹葭滿
甲第秋聲蟋蟀高
九日天涯桑落酒
三軍城上口黃袍
試觀漢後諸人作
獨覺遺風屬阮陶

箬圃室詩集

五

蓉城仙館叢書

口幾時天馬渡溱沔

無題

五緯南行秋氣高
大河諸將走兒曹
投鞍尚得齊熊耳
卷甲何堪棄虎牢
汧瀧馬肥口苜蓿
甘涼酒壓紫蒲桃
神州比似仙山固
誰料長風掣巨鰲

天槍幾夜直鈎陳
車駕高秋重北巡
總謂羽林無猛士
不緣金屋得佳人
廣寒覓仗閑華日
太液龍舟動白蘋
雪滿上京勞大纓
西封華嶽弔秦民

白衣鱗鱗渡吳兵
赤羽旌旗奪趙營
灤水天迴龍虎氣
榆林風逐馬駝聲
靚妝宮女愁啼竹
白髮祠官憶口櫻
猶有燕鷹神不主
駕鵝東去塞雲平

王城月落靜朝雞
萬竈煙消入水犀
椒闈瑤瑤遺白首
木天圖

籍冷青藜北臣舊
說齊王肅南仕新聞
漢日禪天意人心竟
何在雲林還控雁門西

十載羣雄百戰疲
金城萬雉自湯池
地分玉册盟俱在
露口銅盤影不支
中口馬羣風北向
當年車轍日南馳
獨憐石鼓悲秋草
猶是宣王頌美辭

海口道上有述懷鄭二宣

露下菰蒲有雁聲
曉驂初發宿寒輕
新知乍別孤吟倦
舊國重來百感生
黃葉鬪心逢野口
白波侵國見江城
家口暫別堪惆悵
翻憶浮邱海上行

秋江離思圖

箬圃室詩集

六

蓉城仙館叢書

別一封愁札爲君題

獨倚城樓百丈闌
粵鄉秋思浩漫漫
平臺樹色催殘照
近郭砧聲報早寒
雲物已當搖落後
關河終念別離難
龍門別野今宵月
誰與相同把酒看

長江風颺布帆輕
西入荆門感客情
三國已亡遺舊壘
幾家猶在住荒村
雲邊路繞巴山色
口裏河流漢水聲
若過旗亭多買酒
不須弔古漫題名

贈別謝秀才

蘭陵陌上喜逢君
華館清談酒未薰
蟲益旅愁秋已半
燭欵吟影夜初分
虛窗葉響風驚雨
遠浦潮來水接雲
良會不能知幾度
明朝何事又離羣

送包鶴口東歸

西風江上賦歸休值雨那堪夜泊舟官路暝煙迷驛舍郡城寒
火出更樓到家正及湖田熟在客先知館樹秋遠憶情人相別
處短亭孤棹兩悠悠

林七員外園亭夜飲得河字

都亭分袂惜蹉跎此日相逢奈若何細雨疎鐘聞落葉斷雲高
樹見明河客蹤迢遞天邊雁歸夢微茫海上波鞍馬朝來又成
別且傾尊酒任狂歌

有懷淬用剛賦此以寄

何處名山擅地靈兩微峯下樹青青九天石落疑星口一夜龍
歸挾霧口禪窟口鐫新錫翰法函惟啟舊藏經道人猶恨居山
淺杖錫時時入杳冥

承君衡叔幹遠送賦此以別

箬圃室詩集

七

蓉城仙館叢書

長風吹度海東邊慣聽潮聲已十年往事免成塵撲面新愁惟
有雪盈顛半生望眼迷遼鶴一夜歸心到蜀鵑遠賦驪駒慚二
妙縱歌安得酒如川

齊雲樓

境臨煙樹萬家迷勢壓樓臺衆寺低斗柄正垂高棟北山形都
聚曲欄西半空曾落佳人口口載猶傳醉守題劫火重經口口
地野鳥飛上女垣啼

到京

鬱葱王氣古金陵泰運重新感聖明臣庶梯航超上國江山龍
虎衛口城六街塵掠秦淮過萬戶鐘聲魏闕鳴白髮到京期少
補敢將詞賦重聲名

湖山佳處小軒成薄暮偏宜物外情明月未來風滿樹夕陽猶

在鳥無聲黃花共客詩中老白髮催年口裏生塵海行人不知
此勞勞心跡候誰明

常年送酒愧諸鄰斗覺今年富十分口法時教擔柳毅魏村先
已謝桐君牀頭夜滴晴階口甕面香浮暖閣雲莫笑陶君巾自
漣年來正策醉鄉勳

丁酉歲正月四日雪

白頭遭亂遠江城寄宿深山歲口更雪裏人家荒野色天涯親
口暮年情山魃夜應猿猱響口子晨銜虎豹行草笠棕衣任來
往陰崖何處覓黃精

銀河斜界樹參天爲憶幽人思渺然口市塵囂迂竹徑午橋煙
雨倚溪船明鏡散帙棲鴉後倚杖看山去鳥邊但得文章攀屈
宋何須重賦遠遊篇

箬圃室詩集

八

蓉城仙館叢書

城南小飲爲松江郭彥禮賦

步履尋幽古岸隈柴扉正對口南開林間野徑穿雲入溪上春
口待雨來過客停杯歌白芋隣翁吹笛坐蒼苔羨渠高隱空相
憶浪跡多年素髮催

冬夜與高五秀才館林八員外

遠別悠悠歎二難多君留飲口情歡生涯只合尊前醉功業無
勞鏡裏看落葉口階風動晚古梅臨水月侵寒何因得似龍門
叟野艇終身一釣竿

寄周一秀才玄兼呈陳八處士炫

薛老峯前夜咏詩若爲離別思凄其忝於詞客推前輩久約林
僧恐後期澤國未霜楓落早山城有月鳥歸遲自慚淺薄口徐
穉賴有陳蕃是故知

秋江離思圖

君家茅屋去村西地接湖渠水上畦黃菊徧生風掩戶綠口新
長雪消泥酒香山客船中送詩好鄰僧院裏題誰道亂離無樂
土此鄉還自有安棲
客裏頻思大樹村歸來還喜舊情存十年夢寐憑詩寄千里風
霜藉酒論江上衣裳冬倍冷竹間窗戶晝猶昏從今會別非遐
遠不學梅花易斷魂

浩師別李伯章

君今初到我将還離合都從一夕間草草歡口燈下酒悠悠口
夢月中秋堂鐘靜惟口口口香來伴客閒莫怪相逢論行
樂壯年無幾髮成班

登崑山次易九成諸友韻

等齋室詩集

九

蓉城仙館叢書

故舊相逢西復東登臨偶得口時同鐘聲響落松陰外帆影來
從海氣中山鬼口寒銷劫火石僧龕古鬪口口可憐節屆重陽
近斜日秋明萬樹紅
空山啄木聲敲鏗花落水流縱復橫松風吹壁鶴翎墮梅雨過
溪魚子生尙有人家機杼遠更無塵土衣裳輕斜陽已沒月未
出樵子歸時我獨行

首春感懷

初春風日自妍華客意登臨只感嗟陌上驚塵隨去馬城邊遺
柳斷棲鴉亂來口覺無兵地愁在口口有家咫尺苑西誰解
問早梅口發去年花

書無題後凡二首偶感燕太子丹事

火流南斗塞垣虛芳草口口口愴如淮潦浸天魚有帛寒口連

雪雁無書不同趙武藏口襟終異秦嬰袒素車口女中心漫於
邑口民西望幾踟躕

塞口霜木抱獵口草口江南罷射疊秦地舊歸燕質子瀛封會
界宋孤兒愁邊返照窺牆榻夢裏驚塵喪鞞鱗莫識白翎終曲
語蛟龍雲雨發無時元世祖能彈白翎口口何其曲終有凄怨之聲乎

幾年薪膽泣孤嬰一夕南風馬角生似見流星離斗口謬傳靈
武直咸京九口口鳳冲霄翼三匝慈烏口口口縱少當時趙雲
將臥龍口始口口名洪武七年遣元幼子之主質的八刺北歸此詩蓋記舊事故有舊歸質子及南風馬角之句太祖封質里的八刺為崇禮侯故曰麻封會界宋孤兒也

辛酉立春日溪園試筆寄錢艾衲張雲莊二叟

雨雪相仍歲又徂短衣口製老東吳寶山偏聚形餘鬼空谷口
口口蜀儒海口口雲升日角岸寒髡禿口冰鬚爲書春帖當口

等齋室詩集

十

蓉城仙館叢書

酒早覺蘭風拂壽觚

放鶴篇

予與鶴一隻親厚無間然近日恒苦饑人鶴兩可憐老僧憶惘
惘投我詩一篇勸我縱遣之俾其返瀛孺予聞情惘默招鶴立
于前拱手與之別君今得遠遷煩以許生貧試往海外傳長路
多繪弋君當慎弓弦鶴亦問主人世無如君賢予久服馴養多
年伴林泉聞雞君嬾舞著鞭讓人先獨我霜夜鳴君起聳寒肩
長吟與予和月落猶未眠前歲有估客自矜弓腰纏購予以重
價不惜費十千意欲媚權貴籠致東廂偏主人拒之去義不受
一錢齋廚近蕭索休糧信所便不飲入華亭不樂還青田長依
小池曲飲啄終殘年

龍洞

怪巖幾千古藤蘿掛其膝有洞可行人僅容六與七謾謾聆秋

風炎炎銷夏日雲從洞口歸吾彙集水從洞口出

題淵明獨酌圖

黃花初放酒新香門巷蕭然意味長不管人間有風雨先生高

臥過重陽

作畫

靈谷官梅放未曾石頭壞去不堪登無端縛就松鍼筆畫出青

山是孝陵

附錄

福建通志文苑傳

許友初名宰字有介號甌香父彥有傳友前明廩生康熙中以諸生終詩孤曠高迥秀水朱彝尊稱其篇章字句不屑蹈襲前人如俊鶴生駒不可施以韉勒工草書兼善畫竹酷慕宋米芾構米友堂祀之子遇別有傳從兄琚字天玉明崇禎己卯舉人詩器格力追盛唐而遺言命意亦宗騷逸與新城王士正善士正作慈仁寺雙松歌贈之稱為閩海奇人明官安定知縣

明詩綜

許友字有介侯官人有米友堂集靜志居詩話云先生才兼三絕名盛一時虞山最愛其詩錄之入吾彙集其篇章字句不屑蹈襲前人正如俊鶴生駒未可施以韉勒

中國人名大辭典

許友清侯官人許彥子初名宰又名友眉一作有眉字有介一字甌香師會稽倪元璐善書畫詩尤孤曠高迥酷慕米芾構米友堂祀之康熙間以諸生終有米友堂詩集

書許有介自用印章後

許案一名宰字有介侯官諸生玉史學憲諱彥者之長子有忌者謂其所改名犯家諱以不孝聞之學使者蓋閩音彥呼同亦大可曠事也遂更名曰友字有介已又更名曰眉字介壽亦字介眉君性疎曠以晉人自命作字初喜諸賢陳洪綬後變而從米顏其堂曰米友黃仲霖又不喜君登其堂曰小子遂敢友米耶君復更其室曰箬圃君名字數變書亦數變晚乃鎔匯諸家一以己意行之遂臻極境予入閩即首訪君頗為文酒之會

然與君數有離合君大腹無一莖鬚望之類乳媪面橫而肥不似文人字畫詩文恒多逸致見其手筆者擬其貌若美好婦人亦異事也君既負盛名閩士多造之恒不報謁亦不省來者爲誰以故人多憾之即與君暱者亦退多後言君但自效於酒一切弗問也君爲予累逮入都門後無恙歸別予去復多所離合久之遂無間言矣君歸未數年即沒其沒也蓋只四十餘予嘗評君酒一次書次寫竹次詩文漁洋先生論詩最嚴而特愛君詩尤愛其七言絕句手錄之多至數十首因哀集近人詩爲感舊一集又有句云許友八閩風其賞識如此予亦欲刻閩中四亡友詩陳克張陳開仲徐存永與君也君學識或讓三君而天資敏妙三君不逮矣患難疊經此事遂不果成至今尙令浚兒慎藏之右所列圖章皆君所恒用者嗟夫君不及見矣見其恒用之章輒如見君緜閱諸章如見君鼓大腹以巨觥合面上時不禁潸然而涕下也周傑圖印人傳

箬爾室詩集附錄

十三

蓉城仙館叢書

許有介

許友名有介又名友眉字介壽閩之福州人玉笈先生子也有介畫如其詩蒼楚有致無一毫煙火氣字畫詩酒種種第一有介歿後指不能再屈矣好畫小竹做管仲姬柔枝嫩葉姿態橫生自鐫許友畫竹章每作竹即用之因子累至京師渡河而北不復畫竹忽放筆爲枯木寒鴉蒼涼之態不可把視蓋無聊之氣一寄於此耳嘗畫羣鴉寒話圖予爲作歌云許生崛起好畫竹整整斜斜風肅肅向北忽不見此君一心惟愛寫枯木南司夜夜北風多呼酒不來可奈何硯凍杯乾不肯睡禿筆閒從冷炕呵呵筆搖搖拂敗紙童童偃燈無樹理鏡下微窺龍虎姿離

箬爾室詩集附錄

十四

蓉城仙館叢書

離欲死不成死雨鞭風撻老蛟饑左攫已絕右拏離心憐欲益好顏色粉墨兩看無所施淺者屈霜深屈雪白摧龍骨黑老鐵到底不能看作薪此公雖苦有高節半夜俄聞烏亂啼啞啞軋軋明月低苑樹何曾集冷翼不知飛向誰家樓許生見鴉長太息萬里突兀生胸臆鴉爾來前爾鴉前吾將巢子以奇墨我樹雖枯得大年南枝不脆北枝堅關河雪冷謀且息暢飛暢舞好更遷夜深鴉與羣鴉語上下四旁同一處嘈嘈切切無留言我歌爾和慎莫拒朝從昭陽殿裏來千門萬戶一時開鑿乎鼓之軒乎舞親見鄒衍吹律回鳩樂閒房鵲笑大來遣我酒羣相賀吾徒豈不憶寒號枯枝得坐且同坐楊柳藏身憶白門欲飛不飛憶黃昏此心流水孤村外此地難言好存葦屋風飄不成畫放筆與鴉爲酸話不知幅間與樹間更殘月黑羣鴉拜許生寫梧桐千萬樹周傑圖叢書錄

周鄧山復許有介書

僕簡陋自放無所成就重蒙謬推以詩集命爲點定心慚匪任攬筆復停昨又承諭責以古人直道因思天工雖大生才不易恒惜其明敏殊尤之姿不輕畀世人間一畀之必多方相悞羈之以小喜而息其遠程是貴交友有力用明爲暗用憎者之妬絮愛者之恕用後人之目盡今人之言詩曰他山之石可以攻玉又曰誰謂荼苦其甘如齎恃足下之不以苦也而棄不以玉也而護則僕安敢畏避斧鉞不遵來命足下之詩如清溪竹屋斜月照霜孤雁一聲小橋獨立豈不令人心閒塵遠以視世之

大哉肥臞冠雉佩者大有徑庭矣然何以讀君一首而輒得數十首以後讀君一過而已如數十過之餘曷故哉蓋古人著述足以傳久不朽者大約有三一曰避使龍而日見形於人亦象矣使人而日餐江搖柱亦飫矣使方平麻姑日以丹砂示狡獪於世亦習矣故讀數首而不得其所守之學讀數十首而不得其所守之律讀數百首而不得其所守之體始稱大家所守者謂其昵于胸中滑于腕下者也一首之中情與景變事與意變開與闔變虛與實變滌洄恍惚莫測雖近體絕句而有千萬言之勢者職此故也不避之故在于不大不大之故在于不親古人而親近人取徑窄而入手易也陸生有言曰數見不鮮可以悟所避矣一曰鈍凡詩而欲輕欲俊者爲下乘人言耳救鄙俗而穢垢坳也輕則必薄俊則必佻故僕以爲欲鈍者沈

箬齋室詩集附錄

十五

蓉城仙館叢書

其氣抑其力而出之以遲迴慘淡者也鈍則必厚鈍則必老鈍則必重開寶以後詩運日衰者不鈍故也驟讀其集而見甘不見苦者其力不能以達十年連讀其篇而得句不得章者其力不足以卒十首故取橄欖以噉小兒必唾之指商彝以陳市肆必無顧者引灑離以娛賓筵必格格不入耳而思臥矣病源有二古人慎用虛字而今人多率用之古人慎用實字而今人褻用之于是遂近宋詞遂鄰元曲夫詩于詞曲猶女子于娼優以輕俊流弊至此可不慎哉一曰離離者如月在水捉月于水而不得月如風御香覓香于風而不得香古人之爲詩也原未嘗預設一題而強我意以實之興會所至隨處見端使讀者各以其情志相遇而合于不覺觀魯論左傳雜引詩句未始與今所說本旨相類則當日本旨固不必定在是也夫置身數十仞上

一麾而千萬人畢見者離也置身數十仞上一麾而千萬人畢諾者離也古人咏物諸詩佳篇率妙大約善離者必佳况非咏物而俱欲以咏物之體待之乎試取古人之詩大家小乘前後較勘在離不離間耳離則心等于腕力等于題控御縱送左右適意不離則膠固拘攣以此心爲題之與隸勤勞給役以求免于噴責悲夫此三說者世人驟聞之未有不駭然足下天賦甚高襟懷甚曠固不可與世人類觀是以不勝咨嗟愛惜進此狂瞽以無負足下謬推論責之意倘不以劉季緒見哂而思不避不鈍之故反覆于漢魏初盛唐間壽其名于千百世無徒取俗人爲愉快則此三說者不僅于詩也文亦然矣冒昧釐陳死罪

春酒堂文集

陳衍跋劉君藏本米友堂詩集後

箬齋室詩集附錄

十六

蓉城仙館叢書

錢牧齋吾彘集選一時同人詩人皆不過一二首獨於侯官許有介先生選至十有九首自是有介詩名大著顧米友堂詩各著錄家皆云四卷而未見刊本傳鈔者多闕有間余友如臯冒鶴亭稱藏有九許詩皆未刊將與借讀而都城鼎革彼此星散後冒氏藏書運回其鄉數萬卷一旦被火九許詩想亦灰燼矣此本爲連江劉君東明所藏不分卷數五言近體百餘首爲一類七言絕句百餘首爲一類七言律詩五十餘首爲一類五言短古專詠樵事者二十首別爲一類殆亦未全之本未知冒氏所藏視此何如也卷中皆有圈點間加勒帛評語則揚多抑少相傳爲周櫟園先生手筆卷首有林吉人黃莘田諸先生印章其爲初稿本未寫定者無疑東明欲以付刊屬跋其後書此還之七十五叟陳衍

跋

嗚乎古今來文人學士欲以文章經濟詩辭歌賦名天下而聲奕世亦難矣哉嘗讀樂安李織齋書謂唐之侯喜吳武陵其文取重於昌黎柳州結撰則蕩爲風煙化爲土苴其弊在學人好名太過兀兀終身迄無定稿更有皮於故家大姓富貴人置而不觀兵火流離付之烏有或則當世毀謗使人視爲危塗焚棄筆硯泊數百年之頃始購之四方搜之故篋後之人目爲汲冢魯壁而杏不可得不禁喟然而歎斯文之不幸也民國甲子年予宦游吉林同事葉可庵君以許有介詩稿見贈予受而讀之則見詩之孤曠高迥純任自然字則飛揚磅礴不在黃米下暇時一爲翻閱令人意遠神怡但有介先生之詩集徧覓而不可得僅於明詩綜見其詩數首而已旋讀春酒堂集周鄧三徵

箬爾室詩集

十七

蓉城仙館叢書

君復先生書云足下之詩如清溪竹屋斜月照霜孤雁一聲小橋獨立豈不令人心閒塵遠又云足下天賦甚高襟懷甚曠固不可與世人類觀蓋深知先生之性情學問者全謝山序春酒堂集云先生踪跡徧天下所至皆有詩于浙最厚查方舟于山右則申息盟傳青主于江右則王于一于閩則許有介于山左則于公治紀伯紫由此觀之先生已名聞海內顧何以查申傳于全王諸公皆有詩文集行世而先生獨無予於是仍隨時訪求而不已乙亥秋臥病故都復託田耀東教授求之圖書館一日田君告予曰館中有米友堂詩集予聞之狂喜因託其借出詳加披閱計詩三百餘首爲連江劉東明所藏殆亦未全之稿本民國辛未始付石印惟劉君藏本皆先生少年作品每多率意成章不加修飾不若予之藏本博大精深渾修潔也劉君

藏本既經印行予亦擬付刊印以廣其傳劉君印本題曰米友堂詩集予則題箬爾室詩集以別之箬爾室亦先生書齋名也先生由明末至今三百年矣生平遺著始同時出現於世殆亦有天數存其間耶周櫟園欲刻先生詩因疊經患難而未果冒鶴亭所藏之九許詩當爲完本假使全部印行豈非快事然竟付之灰燼絕跡人間天又胡福此而禍彼耶或存或亡要在吾人之注意否耳魏冰叔曰火之傳在於得薪文之傳在於得人此之謂也自非然者若如李織齋所云古今之大文至文埋沒於苔蘚風雨兵火流離者將有窮哉先生僅明末一諸生耳而天懷高潔著作名山即此寥寥律詩數十首傳之三百餘年尙存天壤殊非易易寶珠玉不若寶文字寶財產尤不若寶文字竊願後之繼予而有者善爲珍護勿令毀滅是則區區之微意

箬爾室詩集

十八

蓉城仙館叢書

也夫共和丙子仲春陽新石榮障盡年跋